

3



GEOGRAPHIA.
N. 8.3.



t.3



29. 1. 3.

GEOGRAPHIÆ
BLAVIANÆ
VOLVMEN TERTIVM,
QVO
GERMANIA,
QVÆ EST
EUROPÆ
LIBER OCTAVVS,
CONTINETVR.



AMSTELÆDAMI,
Labore & Sumptibus
IOANNIS BLAEV,
MDCCLXII.

*H. L.
C. A. C.*

GEOGRAPHIE

BLAVIANE

VOLUMEN TERTIUM

1700

GERMANIA

QUAEST

EUROPA

LIBER OCTAVUS

CONTINUITA



3. Atlasy.

V

13

LOAN IN 1813

M. D. C. C. I. I.

GERMANIA.



ERMANIAM hunc to-
tum quem exhibemus
Europæ tractum tum
Græci tum Romani vo-
carunt, incolasque ejus
Germanos, propter fra-
ternam eorum & Gal-
lorum tam corporum,
quam morum similitu-
dinem: vel potius Ger-

mani sibi ipsis id nomen dedere, quod à *Gær*,
quod totum, & *man*, quod homines eorum lingua
designat, videtur compositum. Allemannos au-
tem quod aliqui eos vocent, id ipsum quoque ex
compositione vocum Germanicarum *All man*,
quod totos homines, vel *Adelman* quod nobilem
hominem notat, originem traxisse videtur.

Antiquiores Geographi Germaniam ab Occa-
su Solis Rheno fluvio, à Septentrione Oceano
Germanico, à Meridie Danubio fluvio, & ab
Oriente ista planitie, quæ Danubium & Sar-
matum Montes inter videtur terminarunt. Hu-
jus temporis autem confinia, (si Helvetios, &
Grifones, Belgasque ob ejusdem linguæ usum
comprehendere libet) constituuntur à Septen-
trione Oceanus, vel Mare Germanicum, & Ma-
re Balthicum; ab Occidente Gallia sive Francia;
à Meridie Italia, ab Oriente Polonia & Hungaria.

Ambitus totius Germaniæ 465 leucas, sive
milliaria continet Germanica, quæ 93 itineris
diebus conficiuntur, longit. 148, lat. autem 120.

Dividi autem solet Germania in Superiorem
Hoch-Teutlant Alpibus, & Inferiorem *Nieder-Teut-*
lant Septentrioni & Oceano propinquiorem.
Superior Germania complectitur superiorem
& inferiorem Palatinatum Moguntiam usque,
Franconiæ partem, Baviarum, Austriam, Stiriam,
Comitatum Tirolensem, Carinthiam, Grifones,
Helvetiam, Allatiam, Wormatiensē & Spirensē
territoria. Sub inferiori Germania compre-
henduntur reliqua pars Franconiæ, Brabantia,
Flandria, Zelandia, Hollandia, Geldria, Frisia,
Westphalia, Hassia, Saxonia, Marchia Branden-
burgensis, Pomerania, Ducatus Megapolitanus,
Brunswicensis, Luneburgensis, Holfatiæ, & alii
quidam Principatus, Bohemia, Moravia, Sile-
sia, Lusatia, Voigtlandia, Misnia & Thuringia,
Prussiam adjungunt alii, quamvis Poloniæ Regi
obediat; Daniam, quæ inter Imperii ordines lo-
cum non obtinet; Livoniam, quæ Regum vel Po-
loniæ, vel Sueciæ mandatis paret, peculiarique
utitur idiomate; Lotharingiam, quæ unam Præfe-
cturam, quæ Germanice loquitur tantummodo,
sed tamen Ducem Ordinum Imperii cathalogo in-
sertum habet; denique Mænis & Moguntia Superio-
rem ab Inferiori Germania dividere existimantur.

Germania anno 1500 in sex Circulos sive *Cräyße*
à Maximiliano I. Imperat. fuit divisa, videlicet in
Franconiæ vel Francicum, Bavaricum, Suevi-
cum, Rhenanum, Westphalico Belgicum, & Saxo-
nicum. Hisce postea, necessitate publica urgente,
(divisis Saxonico & Rhenano) ab eodem Maxi-

Germania.

miliano anno 1512. additi Circuli Austriacus,
Burgundicus, Rhenanus Electoralis, & Saxoni-
cus superior, quæ distributio in decem Circu-
los à Carolo V. Imper. anno 1522 est repetita.

Primus Circulus ordine est Austriacus, qui di-
tiones Episcoporum Tridentini, Brixienfis, La-
bachienfis, Viennensis, Archiducum Austriæ &
Comitum de *Kirkbach*, ut & Constantiam civi-
tatem Imperialem complectitur.

Hunc sequitur Burgundicus, sub quo Burgundia
Comitatus vulgo *la Franche Comté*, Belgium, Co-
mitatus Egmondanus & Hornensis, Nassoviæ
Bredensis, & Antverpia Civitas Imperialis com-
prehenduntur.

Tertium locum obtinet Rhenanus Electoralis,
sub hoc censentur Ditiones Electorum Mogun-
tini, Trevirensis, Coloniensis, & Palatini; Ab-
batis S. Maximini prope Treviros; Præpositi
Zeltzenfis; Comitum Beilstein, Dominorum de
Reineck, &c. & Gelnhausia Civitas Imperialis,
hisce aliqui Bohemiam, Moraviam, Silesiam &
Lusatiam adjungere solent, quæ mihi potius ad
Circulum Austriacum pertinere videntur.

Quartum Saxonicum Superiorem constituunt
Saxonia Electoratus & Ducatus cum Landt-
graviatu Thuringiæ, & Marchionatu Misnien-
si; Electoratus & Marchionatus Brandenburgi-
cus; Episcopatus Misnienfis, Merseburgensis,
Naumburgensis, Brandenburgensis, Havelber-
gensis, Libusienfis & Camin; Abbatia, Salfel-
dienfis, Walkenrietensis, Quedlinburgensis, &
Geringeroda; Ducatus Pomeraniæ; Principa-
tus Anhaltinus; Comitatus Schwartzburgensis,
Mansfeldienfis, Stolbergenfis, Hohenstein, Buch-
lingenfis, Rapin, Barby, Muhlilingensis, Gleichen-
fis, & Leisnickenfis; Baronatus Gehrenfis, Graitz,
Kranichfeldensis, Wildenfeldenfis, Schönbur-
gensis, Lautenbergensis, & Brandstein; Geda-
num & Elbinga Civitates Imperiales, à Polonis
ab Imperio nunc avulsæ.

Quinto loco venit Franconicus seu Francicus,
sub ejus districtu sunt Ditiones Episcoporum
Bambergensis, Wurtsburgensis, & Eichstettenfis;
Magistri Ordinis Teutonici; Præpositi Camber-
gensis; Marchionum Brandenburgicorum An-
spachienfis; Comitum Hennebergensium, Ho-
henlo, Erpach, Wertheim, & Schwartzenburg-
ensium; Baronum Limpurgensium, Noriberga,
Rotenburgum ad Tubarum, & Schweinfurtum
civitates Imperiales.

Sextus Circulus Bavaricus constituitur ab Ar-
chiepiscopo Salisburgensi; Episcopis Ratisbo-
nensi, Passaviensi, & Freisingensi; Ducibus
Baviarum; Comitibus Palatinis Rheni, inter
quos est Dux Neoburgicus; Lantgravio Leuch-
tenbergensi; Comitibus Haagienfi & Otten-
burgensi; Baronibus Staufenfi, Ebrensfels, De-
genbergensi, Wolfsteyn & Mexelreyn, & Impe-
riali Civitate Ratisbona.

Septimus est Suevicus, sub eo sunt Episcopi
Curienfis, Constantienfis, & Augustanus; Præ-
positus Elbangelis; Abbates Campidonensis,
Rei-



Reichenavienfis, &c. Abbatiffæ Lindavienfis & Buchavienfis. Dux Wirtembergenfis; Marchiones Badenfes; Comites Hohenzollern, Helffenfteini, Oettingenfes, Lupfenfes, Werdenbergenfes, Montis Fortis, Furftenbergenfes, Eberfteini, Sultz, Lewenfteini, Zimmerenfes; Barones Geroltzeckii, & Waldpurgenfes, &c. Civitates Imperiales: Augusta Vindelicorum, Kaufbewern, Vlma, Memminga, Kempten, Bibrack, Ifne, Leutkirch, Wangen, Lindavia, Newersburgum, Buchorn, Vberlinga, Pfulendorf, Reutlinga, Eflinga, Gemunda, Weil, Hailbrun, Wimpffen, Halla Suevica, Dunkelfpula, Böpffinga, Gengen, Alba, Norlinga, Donawertha, quæ nunc Duci Bavarie paret, Buchavia, Offenburgum, Gengenbach, Zella, & Rotweil.

VIII. Rhenanus Superior

Octavus, Rhenanus Superior Ditiones comprehendit Episcoporum Wormatienfis, Spirenfis, Argentinenfis, & Bafileenfis; Ducum Lotharingie & Sabaudie; Comitum Palatinorum, Ducum Bipopontinorum & Principum Simmerienfium; Lantgraviorum Haffie; Comitum Waldeckie, Naffoviorum Sarwarden, Sarbruck, Falkenfteini, Ifenburgicorum, Leiningenfium, Salmenfium, Hanovie, Lichtenbergenfium, & Königsfteini; Baronum Rappolfteniorum; Magiftri ordinis equitum D. Iohanni facrorum; Abbatum Fuldenfis, Hirschfeldenfis, Murbacenfis, Prumenfis, Kauffingenfis; Civitates autem Imperiales: Keyfersberga, Monasterium in Valle S. Gregorii, Turckheimium, Oberenheim, Colmaria, Argentina, Rosheim, Schleftadt, Hagenavia, Wilenburgum ad Rhenum, Landavia, Spira, Wormatia, Francofurtum ad Mœnum, Fridberga, Wetzlaria, Vefontium. Hicce adijungebantur olim alia, quæ post ab Imperio avulfae funt, ut Metæ, Bafileæ, Geneva, &c.

IX. Westphalicum

Nonum Westphalicum constituunt Episcopi Paderbornenfis, Monasterienfis, Osnabrugenfis, Mindenfis, Verdenfis, Cameracenfis, Leodicenfis, & Ultrajectinus. Abbas Corbienfis; Dux Iuliaci, Clivie & Montium; Comites Frifiae Orientalis, Marchiae, Ravenspurgenfes, Naffovii, Dillenburgerfes, Catzenelbogenfes, Viandæ, Dietz, Seynenfes, Fronsbergenfes, Manderfcheidii, Meurfæ, Bronckhorftii, Grunfeldii, Bentheimenfes, Steinfurtenfes, Tekelenburgerfes, Oldenburgerfes, Delmenhorftii, Hoyæ, Diepholtii, Schaumburgerfes, Spiegelbergenfes, Lippii, Simmerenfes, Barones Rodenachii, Winnenbergenfes, Peilfteini, Arnsbergenfes, Bolantii & Hornani. Civitates Imperiales: Colonia Agrippina, Aquisgranum, Vefalia inferior, Daventria, Dortmunda, Soefta, Drosberga, Cameracum, Hervorda, Wartenberga, Landavia & Verda.

X. Saxonia inferior

Vltimus & decimus Circulus est Saxonicus Inferior. Sub hoc funt Archiepiscopatus Magdeburgenfis & Bremenfis; Episcopi Hildeshemiensis, Halberftadienfis, Lubecenfis, Schwerinenfis, & Ratzeburgenfis; Abbatia Rittershufen; Ducatus Slefvicenfis, Holfatie, Stormarienfis, Ditmarfenfis, Wagrienfis, Lawenburgerfes, Brunfwicenfis, Luneburgerfes, Grubenhagenfis, & Megapolitanus; Comitatus Rheinfteini, Windorfienfis; & Civitates Imperiales Lubeca, Hamburgum, Mulhufa Thuringie, Northufa & Goslaria, &c.

Montes præcipui Germanie cenfentur ii, qui Bohemiam quasi tegere videntur, antiquis Suedes, nunc *Bohemisch gebirge* incolis dicti. Abnobii & Meliboci in Haffia, incolis *das Heßisch gebirge*. Montes Hercinii, & Carpates Germaniam ab Hungaria separantes, incolis *Cremnitz & Semnitz* dicti. Vosagus Alfatiam & Lotharingiam ab Austrasia dividens. Pinifer vulgo *Fichtelberg* in Voigtlandia, & Iuga Alpium, quorum mentionem in descriptione Helvetie & Grifonum faciam.

Silva in Germania olim Hercynia fuit quam maxima, utpote longitudinem 60 dierum itineris, latitudinem novem habens. Hæc nunc in varias divisa partes variis ab incolis nominibus indigetatur, prope Friburgam in Brisgovia vulgo *Schwartzwald*, ac si nigrum Nemus diceret, vocatur; prope Heydelbergam *Odenwald*, quasi Silvam Otthonis dicunt; prope Wurtzburgum *Steygerwald* vocatur; Fluvio Lonæ adjacet *Westerwald*, seu Silva occidentalis; prope Francofurtum *Speshart*; prope Mansfeldiam Saxonie *Hartzwald*, vel *auf dem Hartz* (quod quodammodo Hercynie nomen referre videtur) vocant. Denique à Thuringiis Silva proxima *Turingerwald*, à Bohemis *Bohemerwald* dici solet.

Fluvii in Germania celeberrimi, Rhenus, Danubius, Mœnus, Necarus, Albis, Spreus, Viadrus, Visurgis, & Amasus.

Germaniam veteres sylvis horridam, paludibus fœdam, Galliam versus humidam, Noricos & Pannoniam versus ventosior, ac fertilior, pecorumque quamvis exiguum fœcundam altricem depinxerunt. Hicce temporibus sylvis excisis & paludibus exsiccatissimis aëris temperiem spectes, si soli fertilitatem nulli totius Europæ regioni cedere necesse habet; cuius rei vel illud argumento esse potest, quod quam rarissime lue contagiosa infectetur, & incolæ ad extremam fere senectutem perveniant.

Aquis salutiferis scatet, quantum eæ præcipue prædicari solent, quæ Badam, caput Marchionatus Badenfis, illustrant; hæc calidæ, cum venas sulphuris, salis, & aluminis interfluant, omnibus morbis fere salutes. Tribus ab hinc leucis in civitate *Wildbad* alia sunt non minus prædicandæ, quæ, cum cupro, alumine, & sulphure sint infectæ, magnum agris adferunt solatium; prope Pfortzeimium & Zellam fluunt aquæ Badenfibz fere fimiles, sed quas igne adhibito incolæ calefacere coguntur. In Suevia plures aquæ tam calidæ, quam acidi saporis reperiuntur. Brevitatis causa Gebersweilenfes in Alfatia, Wisbadenfes prope Moguntiam, easque quæ variis in Germania locis, Bohemia, Bavaria, &c. profiliunt prætereo; Schwalbachienfes Wisbadæ vicinas acidi saporis injuria affecerim, si silentio præteream, cum innumeris morbis levamen adferre soleant.

Solum mira fructus feros producit fertilitate, frumentum, hordeum, legumina, cæterasque & soli & arborum fructuum species. Pomaria, hortique amœnissimi sunt fœcundis, iisque varii generis arboribus confiti. Pascua herbis luxuriantia latissimum armentis præbent pabulum.

Vina plerisque in locis præstantia, & ab incolis exterisque decantata proveniunt. Generosiora

fiora ea aestimantur, quæ in Rheno vicinis crescunt vinetis, eamque ob causam Rhenensia vocantur; præcipue autem ea, quæ ex uvis, quas incolæ Muscatellas nominant, exprimuntur. Reichenweilensia, & Keyferspergensia Alsatiæ celebrari solent. Vinum rubei coloris, quod Tieffthalii prope Argentinam provenit, maximi ab Argentinensibus aestimatur. Landaviæ autem & in toto Palatinatus Inferioris tractu vina albi coloris generosissima crescunt; Rubea illa quæ ab incolis *Gänsfüßerwein* dicuntur, cæteris istius coloris facile palmam præripiunt. Illa autem præcipue inter alba excellunt, quæ in Rhingovia à Mæno fluvio Bacchiaram usque incolas beant.

Mœnus non minus vinis suis superbit, quid Franconica & Herbipolitana prædico, cum Klingenbergensia cum optimis suavitate jure merito certare queant. Illa vero quæ Hochemensia à pago cognomine dicuntur sine controversia cæteris omnibus longo antecellere intervallo existimantur: Danubium quoque præstantissima prope Ulmam, & in Suevia provenientia nobilitant vina, Austria ipsa Kalenbergensia nutrit vina palato & stomacho quam gratissima, Albis accolæ vina sed minoris notæ bibunt.

Crocum Austria, glycyrrisam Franconia, rubiam tinctorum Silesia, glastum Thuringia sat magna producant quantitate.

Mineralia. Argenti fodinæ in Germania plurimæ reperiuntur. In regione Eyselenfi, in Alsatia, Saxonia, Misnia, Bohemia, Bavaria & aliis regionibus. Cupri Schwartzwaldii, & prope Hungariæ montes; Stanni in Misnia, Adelbergæ, & Imbersdorffii; Slackveldii in Bohemia. Plumbi Ramelbergæ prope Göslariam, Leberthalii prope Schlestadtium. Ferri variis in regionibus laboratur, Schonbachii, in montibus Bohemicis ad Egrum siti, argenti vivi admodum magna copia invenitur. Sed quam maxime Auri fodinæ Germaniam & ditiozem reddunt & illustriorem. Metallum autem illud pretiosissimum Corbachii, in Ditione Lantgravii Hassici, in Westphalia Goldernachii, in Franconia & Steinheidii prope Noribergam; Goldbergæ & Rifegrundii in Bohemia, in Bavaria Gasteinii, & Rauris nec non in Comitatu Tyrolensi effoditur; illud autem ex quo Floreni aurei confici solent prope urbem Selz sex leucis Argentina distantem reperiunt. Imo arenis quorundam fluviorum, præcipue Ederæ fluvii Hassici, intermixtum id quandoque invenitur. Montes fere omnes totius Germaniæ, ferri, æris, argenti, aurique inexhaustas habent venas, ita ut qui eam metallorum feracissimam prædicat nulla à vero aberrat via.

Salina. Salinæ plurimis in locis Germaniæ sunt, videlicet Luneburgi, Hallæ in Saxonia, in Comitatu Tirolensi, Suevia, Bavaria, Austria, & Salisburgi, & si qui sunt alii.

Animalia. Maximum boum, ovium, & porcorum alit numerum. Westphalia autem & Bavaria præcipue porcorum quam maximos nutrit greges; hinc pernæ Westphaliæ & Moguntiæ quæ Belgis, Gallisque in deliciis esse solent. Equos generosiores Germanicos exteri laudibus extollunt, quorum Frisones fortissimos, Pome-
Germania.

ranenses vero, Carstenses, Hassicos, & Bohemos optimos prædicant.

Tacitus Germanos omnes flavis comis, cæruleis oculis describit, cum tamen id, ut in aliis nationibus, variet, quidam enim nigra, alii rutila sunt conspicui cæsarie, quamvis hi numero antecellant: oculi autem quibusdam sunt nigri, aliis cærulei, nec dicere possum, quorum videas majorem numerum. Quod ad staturam attinet, proceræ plerumque corpora, nervosos artus spectabis; pingua quandoque ob frequentem cerevisiæ, potus ex hordeo confecti, vel vini albi usum, quod illa refrigeret, pinguedinemque bibentibus adferat, hoc cum minime fumosum sit, corpora purgare, & eodem quo cerevisia modo nutrire soleat; vel potius ob promiscuum & cerevisiæ, & vini albi usum. Vultibus Germanorum subrubeus color intermixtus non minimam adfert venustatem. Fœminæ, ut plurimum statura justa, forma eleganti, quæ cuiusvis amorem ingerere aptissima, nullis artibus, vel pigmentis, quibus cæteræ nationes utuntur, facies infectant; natus & naturalis illis color, qui quam maximam eandemque innocentem conciliat elegantiam.

Germani Musicæ deditissimi, & plures istius *Indoles.* artis plusquam modice periti; subtilissimi plurimarum rerum inventores, industrii, artifices & mechanici eximii haud immerito dicuntur. Fidei præterea & promissi sunt tenacissimi, indolis optimæ, hospitales ultra modum. Litterarum & studiorum amatores, quorum & studiis & laboribus egregia pleraque se debere omnes fere nationes continentur. Quidam eos fortiter peccatores, simplices, & plus justo & epulis & vino deditos ac indulgentes depingunt. Nos quorundam helluonum vitia non infectantes eos in negotiis laboriosissimos, amicos veros, inimicos insidiis spretis apertos, bellatores egregios, artium inventores non contemnendos prædicabimus.

Nulli terrarum fere fœminæ pudicitiae laude *Fœminarum pudicitia.* digniores dicuntur, quod ab odio communi quod mœchos & adulteros adulteræque Germani prosequuntur proficisci puto: virgo vel matrona temerata maximum dedecus & quasi inextinguibile familiæ toti inurere existimatur; inde poenæ probrosissimæ constitutæ in eos qui contra pudicitiam delinquant, quamvis hodie observari non soleant, solusque pudor sufficere videatur ad reprimendos impudicitiae furores.

Inter Germanos autem ipsi indigenæ perhibent *Mores.* Francicos cæteris simplicitate, rusticitate, & impetu præire; Bavaros sumptuosos, insolentes, epularum amatores, dicunt; Suevos mutabiles, Thraones & vanos existimant; Misnenses magnificos, divites & formæ pulchritudine præstantes ajunt; Turingienses nulli fidei, incredulos, ad rem attentiores, & jurgiis, quæstionibusque deditos judicant. Saxones dissimulatores, vafros & obstinatos credunt. Eos vero qui superiorem Rheni circulum incolunt, rei familiaris administratores egregios, proba simplicitate conspicuos, & hospitalitatis jura erga externos libentissime observantes laudant.

Nobilitate stemmatis clari litteris humanioribus operam dant, vel venationi plurimum in-
Nobilitatis exercitia.
dulgent;

dulgent; peregrinas quoque regiones in juventute linguarum addiscendarum, vel morum cognoscendorum causa, aut etiam exercitia militaria discendi gratia visitare in more positum habent. E plebe autem quidam omnem industriam in studiis collocant, alii mercatu opes congregant, reliqui artibus mechanicis & plebeis victum quaritant.

Artificia.

Necessitati vel potius curiositati plerarumque nationum Germaniae artifices satisfaciunt. Aurifabri Augustani quævis curiosissima ex auro & argento affabre conficiunt. Noribergensium industriam in fabricandis & componendis horologiis, & præcipue efformandis quibusvis minutissimis, ad miraculum usque, ex quavis materia rebus, cum Naturam ipsam quibusdam in rebus quasi æquare videantur, quis non admiretur? Vlmenses tormenta bellica ex ære optima fundunt. Crisallum Friburgenses miro artificio expoliant; taceo innumera artium miracula, quæ omnes fere antecellunt gentes. Illud tantum exempli causa adferam, quod referunt, Rotulam versatilem Augustæ ex ebano confectam, Regina Hispaniarum dono oblatam, duobus ducatorum seu sequinorum æstimatam fuisse millibus. Materiam superabat opus, ac artificis mirum in ea efformanda artificium.

Rerum inventores.

Inventrix rerum non minus felix Germania. Bocholtio pastori Comitatus Bergensis artificium laminis æneis quævis incidendi, quorum postmodum figuram inprimere possis, nos debere constans opinio est. Bombardas ceu tormenta bellica & pulverem pyrium Bertholdus Schwartz monachus invenit, quæ quamvis potius ad damna & in perniciem humani generis, quam ad utilitatem reperta videantur, tamen non minimum inter Germanorum inventa locum sibi vendicant. Artis Typographicæ quoque, studiorum & humanitatis conservatricis, inventionem quidam, alioquin probatissimi, auctores Germano cuidam adsignant, illud tamen certissime compertum habeo gloriam hujusce præstantissimi inventi injuria Laurentio Costero, Senatori Harlemensi Batavo, eripi.

Privatorum domus.

Domus privatorum tam in urbibus, quam ruri singulari quodam artificio trabibus & ligneis, terra, calce, lapidibusque intermixtis conficiunt, materiam præbentibus sylvis, quæ Germania abundat; trabes ipsæ rubeo viridive vel alio depictæ colore gratum oculis præbent spectaculum. Fabri lignarii in conficiendis ædificiis promptissimi, duorum mensium spatio domum quamvis prægrandem conficiunt, exterisque stuporem fere promptitudine sua incutiunt. Illa vero spatia, quæ trabes inter sunt, calce eo modo inducunt, ut parietis vel solidi muri speciem referre videantur. Ædificiis ipsis quamplurimæ fenestræ vitreæ (chartaceis, atque è tela confectis ne pauperrimi quidem utuntur) impossibile est ut exprimere possim, quantam adferant amoenitatem. Ditiores etiam in frontispicio depingendo quandoque non exiguum nummorum summam impendunt, ita ut ædificia eorum primo intuitu palatia potius, quam privatorum habitacula dixeris; interior tamen suppellex exteriori ornatui minime respondet, cum

foli magnates domus suas tapetibus exornent; quamvis & privati asseres trabesque intermedios (ædificia enim plurima discriminantur in cubicula) nitidissimos, sæpius coloribus & picturis variegatos habeant; Domus vero lapideas tam patritiorum, quam mercatorum & artificum Monachii in Bavaria, Augustæ, & Noribergæ, Italicorum more ædificatas, recte palatia vocaveris, cum illis nulla in parte vel magnificentia, vel commoditate cedant; variis vero in partibus tum Austriæ, tum Bohemiæ tegulis domus non solent tegere, sed frustis ligneis longitudine pedis & dimidii, quæ *Schindel* vulgo vocant indigenæ, Delphinates & Vivaresii vero *Sandoules*; materies igni obnoxia, qui centum quandoque, cum accensus fuerit depopulatur habitationes.

In Germania variis monetæ cudendæ jus competit: præter Imperatorem enim, omnes Imperii & Principes & Ordines nemini subiecti, scilicet Electores, Principes Ecclesiastici & Sæculares, Civitates Imperiales, nec non Comites Turingienses, totius Tractus Rheni, & Saxonie eo jure utuntur, ultra ducentas denique & quinquaginta sunt familiæ, quibus illud competit. Quid quod Conrado Grumbachio, Nobili Alchymistæ jus illud pro tribus Thalerorum millibus à Rudolpho secundo fuisse concessum legimus.

Ex hac monetarum varietate oritur ut difficillime eam cum exterorum nummis comparare queas, nisi majores sumas nummorum species. Florenum scilicet, vel Imperialem quem *Reichstaler* vocant, vel etiam Florenum aureum, qui *Goldgulden* iis vocatur.

Floreni simpliciter sic dicti nullus invenitur nummus, designat solummodo certum grossorum seu batzorum numerum, ad faciliorem in computandis rationibus methodum. Florenus autem ille æquivalet triginta duobus solidis Gallicis; subdividi vero solet in viginti grossos, qui singuli novemdecim circumcirca valent denarios Gallicos; vel in 60 crucigeros seu *Kreutzers*, qui sex denariorum Gallicorum valorem paullulum excedunt singuli; vel in 15 batzos, hi singuli 25 denariis circumcirca æquiparantur.

Reditus Imperii olim sexagies centena florenorum aureorum millia excessisse dicuntur, cum hoc tempore Imperatori, non dico ad domesticos sumptus, sed nequidem ad Cursores & Tabellarios sufficere æstimentur, & nisi Imperatori è provinciis Domus Austriacæ hæreditariis aliquot provenirent thalerorum milliones, minime tantis sumptibus sustinendis par fore existimaretur. Hinc Cardinalis Granvellanus in Comitibus Spirensibus, Lantgravio Hassiæ dixisse fertur, Carolum V. Imperatorem nullam ex Imperio utilitatem percipere. Omnem autem Imperatorum ex Imperio proventum viginti florenorum millia hodie haud excedere perhibent, hæcque à civitatibus liberis solvi solere. Præter hæc ex Cancellaria, & feudorum Imperialium investitura quosdam quamvis non magni momenti recipiunt redditus.

Germania autem ipsa, tam auri, argenti, æris, stanni, plumbi, argenti vivi minarum respectu, quam

Monetæ cudendæ jus.

Monetæ varietas.

Floreni.

Imperii redditus.

Opulentia.

quam frumenti, vini, armentorum, & gregum copia & frequentium exteris commercio admodum dives est. Indigenæ enim vina sua Rhenensia, Mosellæ, & Franconica, ut & adusta in Belgium, Angliam, & Daniam avehunt. Tartarum seu vini facem Anglis tinctoribus vendunt. Bohemia & Saxonia per Albim fluvium maximam quotannis frumenti copiam in Daniam & ipsam Hispaniam mittunt. Suevi & Lacus Constantiensis accolæ telis suis lineis, ac gossypinis Italiam & Regionem circumvicinas provident. Noribergensium & Augustanorum horologia, cistæ ferreæ & innumera alia, ad miraculum ut supra meminimus efficta, tota deferuntur Europa; Hollandi ea in Indias aliasque regiones remotissimas usque avehunt. Pomerania frumenti ferax Belgas, Hispanos, aliasque nationes eo beat, sicut & regionibus mediterraneis pisces ficcatos & sale conditos mittit. Magnam argenti, & æris tribuunt Bohemia, Misnia, & Comitatus Tirolensis; copiam Hispani ipsi antequam Indiis potirentur, hinc argentum petere solebant. Alumina, sulphur, cæteraque mineralia iisdem è regionibus in Gallias asportantur. Italia cervorum, capreolarumque pelles, ut & balænarum pinguedinem è Germania desiderat. Hispani non minus quam Itali cistulis ligneis delectantur, quæ maximo artificio Berchtoldgadæ, in Bavaria, & montibus vicinis fabricantur. Instrumenta & opera è ferro confecta Stiria in Dalmatiam & Candiam usque mittit. Taceo minutas merces vitreas, æneas, metallicas, quarum copia incredibilis in nundinis Francofurtensibus vendi solita est. Equi Germanici generosissimi, & corporis robore præstantes tam apud Italos quam Gallos maximo in pretio esse solent.

*Bellandi
ratio.*

Germani in bellis gladio, sclopetis majoribus & minoribus, sarissis, bipennibusque, cæteræ quemadmodum Europæ nationes utuntur; quantum ad numerum bellatorum attinet; Germaniam, quamvis & ducenta millia armatorum alio militatum mittat, cuius tamen vel potentissimo inimico commode resistere posse pervulgata est opinio; quid quod Imperatorem narrat centum mille equites, totidemque pedites armare posse? Germanorum autem Brunsvicenses, Clivenses & Franconici equites optimi dicuntur; Tirolenses vero Suevi & Westphali pedites configere aptissimi. Bello Germanico inter Carolum V. & Protestantium Principes utriusque partis exercitus centum quinquaginta numerabant militum millia. Maximilianus II. exercitu centum mille peditum, triginta quinque equitum Turcas insequēbatur. Nuperis autem bellis Germania ultra tercentena millia armatorum elargita est.

Fortalitia.

Fortalitia in Germania Imperator post prædicta bella habet plurima eaque fortissima; præter ea enim quæ Imperator in Hungaria contra Turcarum progressus possidet, Vienna, & Neopolis, seu *Newstat* in Austria haud minimi sunt momenti. Breslavia in Silesia egregie hodie est munita. In Stiria sunt Greca, sive *Grätz*, civitas cum arce munitissima, ad fluvium Murum Rachelspurgum, arx quoque firmissima, Bettavia ad Dravum ad confinia Turcarum sita. In Carniola Labachum, sive *Laubach* civitas fortis-

sima; in Croatia Segna, Petrinia & Sissek; in Windorum Marchia Caroloftadium, Kopranitz, & Zagrabia; in Comitatu Goritienfi Gradisca, totius regionis tutela, quæ toto fere triennio Venerorum vires experta, easdem sprete est. Roveredam in Tirolensi Comitatu ad Athesim sitam, & alia quædam Castella in Grisonum confiniis adnumera, Kopsteiniam ad limites Bavarie; Brisacum in Brisgovia ad Rhenum situm, quod nunc Gallico præsidio custoditum Gallis cum tota fere Alsatia paret.

Præter prædicta Imperatoris fortalitia aliæ munitissimæ tum urbes tum arces, in Germania videntur, quarum præcipuarum ecce nomina; in Alsatia, Argentina, Benfeldia, & Hagenavia; in Palatinatu Rheni, Manhemium & Frankenthalia, in Diocesi Spirensi Vdenhemium quod nunc Philippi-Burgum vocatur. In ditio- ne Electoris Trevirensis Hermansteinium Confluentia oppositum, munitio firmissima; in Hassia, Gießa, & Cassula civitates; in Westphalia Soesta, & Paderborna; in Misnia, Dresda; in Turingia, Gotha; in Marchia Brandenburgensi Berlinum; innumera alia silentio brevitatibus causa prætereo.

Quod ad vires maritimas attinet, credo & eas satis magnas, cum Hamburgum, Lubeca, Rostochium, aliæque urbes maritimæ sufficientem navium numerum armare possint; sed hisce viribus concordia, potentia anima, cum desit nihil admodum iis efficere possunt.

Academia seu Gymnasia ingenuarum artium ab Imperatoribus, augustis, & eximiis exornata privilegiis, quæ in amœnissimis locis & florentissimis Germaniæ urbibus sita sunt, enumerare haud piget; ad Rhenum Basilea, Moguntia, & Colonia Agrippina; Friburgum in Brisgovia, Ingolstadtium, Dillinga, & Vienna Austria, ad Danubium sitæ; Gorlitium in Lusatia; ad Neccarum fluvium est Tubinga & Heidelberg, Marpurgum ad fluvium Lanum & Cassula, vulgo *Cassel* in Hassia, Coburgum ad fluvium Kremper; Altorffia Academia recens à Noribergensibus excitata. In Saxonia inferiore Rostochium & Griphiswaldium; Helmeftadium in Ducatu Brunsvicensi; in Marchia Brandenburgensi Francofurtum ad Oderam; Lipsia & Grima, in Marchionatu Misnienfi; Erfordia in Thuringia; Iena ad Salam fluvium in Ducatu Weimariensi; Dusseldorpi ad Dusselam fluvium in Ducatu Montensi, &c.

Archiepiscopi in Germania 8. Episcopi 44, quos hic sub Archiepiscopo quosque suo enumeramus.

Archiepiscopus Magdeburgensis, Germaniæ Primas.

Episcopi: Misnensis, Merseburgensis, Naumburgensis, Brandeburgensis, Havelburgensis.

Archiepiscopus Moguntinus, Princeps Elector.

Episcopi: Spirensis, Wormatiensis, Argentoratensis, Wurtzburgensis, Eichstadiensis, Verdensis, Curienfis, Hildeshemiensis, Paderbornensis, Constantiensis, Halberstadiensis, Augustanus.

Exemptus unus Bambergensis, soli Pontifici parens.

*Vires &
Arces mu-
nitæ.*

*Vires mar-
itimæ.*

Academia.

*Archiepiscopi, &
Episcopi.*

*Bamber-
gensis ex-
emptus.*

Ar-

Archiepiscopus Colonienſis, Princeps Elector.
Episcopi: Leodicenſis, Monasterienſis, Min-
denſis, Olnabrugeniſis.

Archiepiscopus Trevirenſis, Princeps Ele-
ctor.

Episcopi: Metenſis, Tullenſis, Verdunenſis.

Archiepiscopus Salisburgenſis perpetuus ſan-
ctæ ſedis Apoſtolicæ Legatus.

Episcopi: Friſingenſis, Ratisbonenſis, Paſſa-
vienſis, Brixinenſis, Gurcenſis, Lavenmonden-
ſis, Sekovienſis, Chienſenſis.

Exempti: Vienenſis, Neoftadienſis, Lauba-
cenſis.

Archiepiscopus Pragenſis.

Episcopi: Littonicenſis in Bohemia, Olomu-
cenſis in Moravia.

Imperium.

Imperium Romano-Germanicum ex Capite,
Imperatore ſcilicet, & membris, quæ Imperii
ſunt Status & Proceres, conſtare cuius notum
eſſe iudico. Imperator Auguſtus, ſucceſſorque
Imperatorum Romanorum dicitur. Tranſlato
ad Germanos Imperio, Imperatoriam dignitatem
in Caroli Magni ſtirpe uſque ad tempora Con-
radi I, quem electione creatorum primum fuiſſe
hiſtoriæ perhibent, hæreditariam fuiſſe legimus
Proceribus Imperii, deinde juſ eligendi Impera-
torem; iſque ſemper eligebatur quem Principes
communibus ſuffragiis ea dignum iudicaſſent
dignitate; donec ſub Othone Tertio, aſſen-
tiente Gregorio V Saxone, vel ut malunt alii,
poſt obitum Friderici Secundi, & viginti unum
interregni annos, in electione Rudolphi Habs-
purgenſi juſ ſuffragii in ſeptem eſt tranſlatum
Electores. Fuit hæc dignitas & Titulus S. R.
Imperii Electorum collatus in Archiepiſcopos
Moguntinum, Trevirenſem & Colonienſem,
præterea in Regem Bohemiæ, Comitem Palati-
num Rheni, Ducem Saxonix & Marchionem
Brandenburgienſem.

*Electio
locus.*

Sæculis ſuperioribus nullus certus Electioni
erat deſtinatus locus; Othonem primum enim
Aquiſgrani, Othonem Secundum Wormatiæ,
tertium Romæ; Henricum Primum Mogun-
tiæ, Conradum Primum, & Henricum Secun-
dum Aquiſgrani; alios alibi electos ex hiſtoria-
rum monumentis conſtat. Nunc vero locus ele-
ctionis Francofurtum ad Mœnum certus Bullæ
aureæ auctoritate deſignatus eſt. Hic igitur ſi
unquam Imperium vacare contingat (contingit
id autem quatuor hiſce modis, videlicet morte
Imperatoris, reſignatione Imperii in manus Ele-
ctorum ab Imperatore facta, vel in Religionem
ingreſſu, vel etiam Imperatore ab Imperii habe-
nis legitimis ob cauſas ab Electoribus remoto,
quod Adolpho Naſſovio, & Wenceſlao, Caro-
li IV. Imperatoris filio contigiffe legimus) tum
Moguntinus Elector Collegii Electorum Decanus
& S. R. Imper. per Germaniam Archi-Cancel-
larius, Electionem quamprimum intra menſem
à die vacationis Imperii reliquis Electoribus de-
nuntiat, ſimulque intimat ut intra trium men-
ſium ſpatium à die denuntiationis Francofur-
tum ad Mœnum ad eligendum Imperatorem
convenient, vel Legatos debito modo inſtructos
mandent. Ne autem civibus Francofurtenſi-
bus nimium oneri fiat, illud juſ conſtitutum eſt,

ut Princeps Elector ducentis tantum Equitibus,
inter quos quinquaginta armatos ei habere li-
cet, comitatus, Francofurtum intrare poſſit. Lo-
cus Electionis eſt Divi Bartholomei Templum;
huc poſtero die ab ingreſſu ſeſe Electores con-
ferunt, peractiſque ſacris, ſecundum formulam
aurea bulla præſcriptam ſinguli jurant ſeſe ele-
cturos Regem Romanorum in Imperatorem
promovendum eum, qui ei dignitati par & ido-
neus exiſtat, votaſque ſua, promiſſis, ſtipendiis,
pretioſque impenetrabilia fore. Moguntinus
cæteris jurando præit, poſt vero, juramentum
ab aliis Electoribus exigit. Exacto & præſtito
ab Electoribus iſſis vel abſentium Legatis jura-
mento ad electionem iſſam proceditur. Votan-
di autem ordo hic obſervatur. Olim Mogunti-
nus omnium votis jam conſiſtitis ultimo, ad id
ab aliis Electoribus reſquiſitus, votum ſuum ex-
ponere ſolebat, nunc autem tanquam Sereniſſi-
mi Collegii Decanus primum votum exponit, po-
ſtea ſingulorum hoc ordine exquirat vota. Pri-
mo ex Archiepiſcopo Trevirenſi, ſecundo ex
Colonienſi, tertio à Rege Bohemiæ, quarto à
Comite Palatino Rheni, quinto à Duce Saxo-
niæ, ſexto & ultimo à Marchione Brandenbur-
genſi. Certum etiam tempus triginta, à die præ-
ſtiti juramenti, dierum, Electioni præſcriptum
eſt; quod ſi intra eos, major Electorum nume-
rus Regem Romanorum futurum Cæſarem non
elegerit, pane & aqua contentis nullatenus Vr-
be Francofurtenſi excedere ante Electionem fas
eſt.

Imperator hoc Electus modo juramentum præ-
ſtare tenetur, ſeſe ea quæ Capitulatione Cæſarea,
(hoc eſt certis capitibus & articulis de Repub.
Romana utiliter pro more majorum admini-
ſtranda) ab Electoribus ſibi propoſita, continen-
tur, ſanctè & inviolabiliter obſervaturum. Præci-
pua autem ejus capita hæc ſunt: ſeſe Eccleſiam
Catholicam Romanam pro viribus deſenſurum;
in perſona cujuſque juſtitiam ſanctè adminiſtra-
turum: Bullæ aureæ conſtitutiones, ut & privi-
legia & immunitates tam Electorum quam Im-
perii Procerum (quas & confirmare obligatur)
invioſabiliter conſervaturum; nihil ſe eorum,
quæ ad Imperium ſpectant ſine Electorum &
cæterorum Imperii ſtatuum conſenſu decretu-
rum. Iurejurando etiam affirmat Imperium ſibi
nullo ſucceſſionis ſed mero electionis juſe obti-
giſſe, ſeque S. R. Imperii Adminiſtratorem tan-
tum exiſtere; Bona Imperii non alienaturum,
nova fœdera nulla initurum, impoſitiones man-
daturum, niſi Electorum ſententiis rogatis &
conſenſu approbante, ſine quo nec bellum de-
nuntiet, nec in Germaniam militem extraneum
evocet; ſeſe ab Electoribus ad id reſquiſitum,
Imperii bona à ſuis injuſto modo poſſeſſa reſtitu-
turum; Nulla extra Imperii limites convocatu-
rum Comitia, nullum extraneum miniſteriis pu-
blicis impoſiturum; ſeque nullo modo, nullis ar-
tibus operam daturum ut Imperium familiæ ſuæ
eveniat hæreditarium, ſed electionem liberam
conſervaturum.

Electo Imperatori poſt unctionem Aquiſgrani
ab Archiepiſcopo Colonienſi corona ferrea (ex
ſolido auro conflatam, laminaque ferrea tectam
dicunt

Modus.

*Electio Im-
peratoris
juramentum.*

Coronatio.

dicunt alii) imponitur. Quod tamen non semper observari cuius notum est: Mathias enim Patrum nostrorum memoria Imperator Aquigrano Coronam, Noriberga cætera Coronationis ornamenta, gladium scilicet, orbem & togam Francofurtum advehi iussit, eodemque in loco sese coronari curavit.

Electus & coronatus jam Imperator Mediolani ab Archiepiscopo Mediolanensi Coronam argenteam recipere solebat. Hinc Romam properans à Pontifice Romano auream capiti suo impositam in D. Petri Basilica recipiebat. Et hanc consuetudinem cum potius ostentationis quam necessitatis actus existimetur, à variis Imperatoribus neglectam legimus. Rudolphus Habsburgensis, ut & Maximilianus I, Ferdinandus I, Maximilianus II, Rudolphus II, Mathias, & Ferdinandi II & III eam plane neglexerunt. Leopoldo I, gloriosissimo huius temporis Imperatori, huc usque Corona nec Mediolanensis nec Romana fuit imposita.

Potestas.

Electi Imperatoris potestatem quod attinet; Constituitur Imperator ipsa electione Imperii Caput supremum, à quo Ducum, Marchionum, Comitum, Baronum, Nobilium & Civitatum Imperialium Iurisdictio dependeat. Leges & Decreta Generalia solus promulgat, non tamen sine prævia Ordinum Imperii communicatione & consensu, unde *Des H. Röm. Reichs abscheid* vulgo vocantur, ac si S. Rom. Imperii Decreta dicas. Legibus nullis Imperator subijcitur, si Imperii fundamentales excipias; quemadmodum ipse Divus Mathias in Comitibus Francofurtensibus anni 1612. libere fasus est. Soli Imperatori, consensu Ordinum tamen adhibito, belli denuntiandi jus competit; ut & Duces, Comites, Barones, Equites, Nobiles, Doctores creandi; Universitates seu gymnasia publica instituendi; denique solus Cæsar, Tabellarios & Postas constituit, privilegia largitur, legitimat, infamiâ notatos restituit, Nundinas permittit, Civitatis condendæ jus concedit, monetæ normam præscribit, feudorum hommages recipit, investituram concedit, nova onera, Imperii tamen Ordinibus consentientibus, imponit, vetustalia indicit, & ultimam litigiis & processibus imponit manum. Ex supradictis liquido constare arbitror statum Reipublicæ Germanicæ mere Monarchicum esse, quamvis quodam modo Aristocratia temperari videatur.

Rex Romanorum.

Proximum ab Imperatore Rex Romanorum locum obtinet; Hic ab Imperatore nominari quidem, ab Electoribus vero S. R. Imp. eligi solet in Imperatoris & Imperii Vicarium, & vacante Imperio, legitimum & indubitatum successorem. Hoc modo Electi & in successionem destinati Orthones, Henrici, Fredericus II, Wenceslaus, Maximilianus primus, Ferdinandus primus, Maximilianus secundus, Rudolphus secundus, Mathias, Ferdinandus secundus, III & IV, qui præmatura morte Patri Imperatori & Imperio ereptus omnibus desiderium sui, spem autem succedendi fratri suo Leopoldo Ignatio reliquit. Quod ad potestatem Regis Romanorum attinet; perpetuus Imperii Vicarius cum sit, absente vel negotiis implicito & impedito

Germania.

Imperatore omnia Imperatoria exercet munera, quæ ipse Imperator præsens exerceret; ita ut de ipsis Imperii feudis majoribus libere possit disponere. Crimen læsæ Majestatis æque in Regem Rom. quam in Imperatorem ipsum committitur. Illud discrimen inter utrumque tamen inter alia notari solet, quod Imperator Regi Romanorum titulum tribuit *Seiner liebden*, quod delicias vel amorem suum denotat; Rex Rom. vero Imperatori *Keiserliche Majestät*, quod Cæsaream Majestatem exprimit; quandoque & Dominum suum appellat. Atque hæc de S. R. Imperii capite ejusque Vicario perpetuo sufficiant, nunc ad membra transitum faciamus.

Status & Proceres Imperii, Germanis vulgo *Stände des Reichs*, sunt immediati imperii Cives, qui Imperatoris & communi Procerum Imperii consensu in album seu Matriculam Imperii recepti sunt, ea lege ut Imperatori de usu Imperii in Comitibus proponenti, consilio & suffragiis adsint, & occurrente necessitate certum censum in Matricula expressum vel auxilium militare præstent. Matricula vel Catalogus eorundem ab Archiepiscopo Moguntino ut S. R. Imperii Archi-Cancellario asservatur, & cum necesse est depromitur. Divisionem Statuum in Circulos superius descripsimus: præterea in tres Classes distribui solent, Electorum scilicet, Principum, & liberarum Civitatum.

Proceres Imperii.

TRES CLASSES

Electores vulgo *Churfürsten*, cæteros jure merito dignitate antequam nemini dubium existimo, cum illi proximiora Imperii membra, ipsi Imperio Caput eligant & constituent; sunt autem sequentes:

I. CLASSES, Electores.

I. Archiepiscopus Moguntinus, S. R. Imperii per Germaniam Archi-Cancellarius, Electoralis Collegii Decanus; huic jus Electores convocandi & vota ex iis perquirendi competit. Imperio vacante primas in Comitibus tenet, & decreta generalia sancienti habet potestatem.

II. Archiepiscopus Trevirensis, S. R. Imperii per Gallias Archi-Cancellarius, & Galliarum Belgicarum Primas; huic prima in Electione Imperatoris vox & votum ex aurea Bulla Caroli IV competit, quamvis hodie aliter observari videatur.

III. Archiepiscopus Coloniensis, S. R. Imperii per Italiam Archi-Cancellarius, primam Imperatori imponit Coronam.

IV. Rex Bohemiæ, S. R. Imperii Archi-Pincerna, *Ertzschenk*. Primus sæcularium Electorum Reges quoscunque alios, imo Imperatricem ipsam in actibus Imperii ex constitutione Aureæ Bullæ antecedit; ad Comitibus tamen ordinaria Imperii non vocari, nec iis interesse solet.

V. Comes Palatinus Rheni, Archi-dapifer, *Ertztruchses*. Hic præter Electionis jura, Imperii sede vacante, Imperatoris Vicarii vices in Imperio gerit, donec Imperator sit Electus, in partibus scilicet Rheni universis, Sueviæ, & ubivis locorum in quibus Franconica observantur jura; judicia à quibus appellari non potest exercet; beneficia Ecclesiastica præsentat; redditus colligit; de Feudis (exceptis iis, quæ majoris dignitatis, *der Fürsten Fabnenlenen* vulgo dicuntur, ipsi Imperatori vel Romanorum Regi reservantur) investit. Feuda tamen Imperii alienare seu obligare

C

gare

gare nullo modo potest. Illud etiam jus Elector Palatinus ex antiqua consuetudine & Bullæ aureæ confirmatione habet; ut Imperator vel Rex Rom. super causis, pro quibus fuerit impetratus, coram ipso, (in ipsius tamen Imperatoris curia, non in Palatinatu) conveniri possit. A sententiis autem Cancellariæ Palatinæ, nisi mille florenorum aureorum valorem attingant, ad Cameram Imperialem appellari non potest, id autem indultum privilegium, Anno 1578.

V I. Saxoniæ Dux, S. R. Imper. Archi-Marschallus, *Ertz-Marschalck*. Eadem qua Palatinus potestate, Imperio vacante, ubique locorum, in quibus Saxonica observantur jura, Vicarius. A sententiis ejus nullo modo appellari potest, jure privilegii à Ferdinando I. Anno 1559. confirmati.

V II. Marchio Brandenburgensis, S. R. Imperii Archi-Camerarius, *Ertz-kammerer*. Et hujus sententiæ, jure privilegii à Rudolpho II, Anno 1586 confirmati, ab omni liberæ sunt appellatione. Ex aureæ quidem Bullæ constitutione omnibus Electoribus id jus concessum, sed nunc consuetudine quadam inumbratum est, & contraria consuetudine introductum, ut, exceptis Saxonico & Brandenburgensi, ab Electorum sententiis detur appellatio; à Palatini scilicet sententiis appellatur quando attingunt mille aureorum valorem, à Moguntini quando 400 florenorum valorem attingunt, à Trevirensis & Colonienfis si quingentorum florenorum summam excedant.

*Electorum
Ordinis
mutatio.*

Hic Electorum Ordo mutationem passus est, postquam Bohemii anno 1620, Fridericum Electorem Comitem Palatinum Rheni, in Regem suum, Ferdinando Secundo Imperatore ejurato elegerunt. Nam hæc ob causas bello inter supranominatos Principes excitato & Frederico Palatino post conflictum Pragensem devicto, Regno & Dominiis hæreditariis vi & armis ab Imperatore & Hispaniæ Rege ejecto, dignitas Electoralis simul cum Palatinatu superiori in Maximilianum Baviaræ Ducem ab Imperatore fuit translata; Bavarus vero morte ex humanis ereptus filium Ferdinandum Mariam Dignitatis & Palatinatus reliquit hæredem. Non minimam hanc mutationem belli usque ad an. 1648 continuandi causam præbuisse constans & per vulgata Scriptorum est opinio. Tandem eodem anno 1648 in nova pacis constitutione Palatini Electoris heredibus sequenti modo satisfactum est. Carolus Ludovicus Friderici Electoris primogenitus in Inferioris Palatinatus dominium restitutus, octavum obtinuit Electoratum, cum hoc quoque privilegio ut extincta linea Bavarica tam Electoratus, quam ditiones ad superstites Palatinos, octavo Electoratu suppresso, redeat. Hinc est quod in Electione & Coronatione Leopoldi I. gloriosissimi Imperatoris sequentem Electores observarunt Ordinem.

*Ordo Elec-
torum in
Electione
Leopoldi I.
observatus.*

Iohannes Philippus, Archiepiscopus Moguntinus, S. R. Imperii per Germaniam Archi-Cancellarius, &c.

Maximilianus Henricus, Archiepiscopus Colonienfis, S. R. Imperii per Italiam Archi-Cancellarius, &c.

Carolus Casparus, Archiepiscopus Trevirensis, S. R. Imperii per Gallias & Regnum Arelatense Archi-Cancellarius, &c.

Leopoldus Ignatius, D. G. Bohemiæ & Hungariæ Rex, Archidux Austriæ, &c. S. R. Imperii Archipincerna.

Ferdinandus Maria, Baviaræ & Palatinatus superioris Dux, S. R. Imper. Archi-Dapifer.

Ioannes Georgius II. Saxoniæ Dux, S. R. Imp. Archi-Marschallus.

Fredericus Guilielmus, Marchio Brandenburgensis, S. R. Imp. Archi-Camerarius.

Carolus Ludovicus, Comes Palatinus Rheni, S. R. Imp. Archi-Thesaurarius.

Electorum autem in officiis Imperialibus vicces gerunt: Bohemi Pincerna Linpurgensis; Bavori, Dapifer Walpurgensis; Saxoni, Baro Pappenheimiensis; Brandenburgici, Comes de Hohenzollern; Palatini, Comes de Sintzendorff.

In secunda Ordinum sive Statuum Imperii, quam Principum diximus, classe comprehenduntur Archiepiscopi, Episcopi, Abbates, Abbatissæ, Præpositi, Ordinum Equestrium Magistri; Archiduces, Duces, Marchiones, Comites, Barones, qui omnes generali vocabulo Principes S. R. Imperii dicuntur.

Archiepiscopi, Electorali non gaudentes dignitate sunt:

I. Magdeburgensis, Germaniæ Primas.

II. Salisburgensis, perpetuus Sedis Apostolicæ Legatus natus.

III. Bremensis.

IV. Vesoninus. Hisce à quibusdam Rigenfis additur, quamvis inter Imperii status non numeretur.

Episcopi ad Comitatus Imperialia vocari, & inter Imperii Principes locum & dignitatem obtinere soliti, triginta numero hunc in Comitibus servant ordinem:

1. Bambergensis; In sua Diocœsi neminem recognoscit superiorem:
2. Wurtzburgensis.
3. Wormatiensis.
4. Spirensis.
5. Argentoratensis.
6. Eichstettensis.
7. Augustanus.
8. Constantiensis.
9. Hildeshemiensis.
10. Paderbornensis.
11. Verdensis.
12. Halberstadiensis.
13. Monasteriensis.
14. Osnabrugensis.
15. Passaviensis.
16. Freysingensis.
17. Basileënsis.
18. Ratisbonensis.
19. Mindensis.
20. Lubecensis.
21. Verduensis.
22. Cameracensis.
23. Metensis.
24. Tulliensis.
25. Leodicensis.
26. Tridentinus.

27. Brixien-

27. Brixienfis.
28. Sittenfis, five Valefienfis.
29. Lofaunienfis.
30. Curienfis.

In novis autem Pacis Monafterienfis conftitutionibus Epifcopatus Metenfis, Tullienfis, & Verdunenfis Gallia Regi addicti, & ab Imperio funt avulfi, ita ut in Comitibus locum habentes hodie numerentur tantum viginti feptem.

Principibus hifce Ecclefiafticis ex veteri Prælatorum ordine adfcripti funt :

*Prælati &
Abbates.*

1. Magifter Ordinis Equitum Teutonicorum.
2. Abbas Fuldenfis, Imperatricis per Germaniam Archi-Cancellarius Gallia primas.
3. Abbas Hirschfeldienfis.
4. Abbas Murbacenfis.
5. Abbas Campidonenfis.
6. Magifter Ordinis Equitum D. Iohannis, five Melitenfium.
7. Præpofitus Elbangenfis.
8. Præpofitus & Archi-Presbyter Berchtolzgadienfis.
9. Abbas Corbejenfis.
10. Abbas Prumenfis.
11. Abbas Stabulenfis.
12. Abbas Ludienfis.

*Principes
politici.*

Seriem Ecclefiafticorum interrumpunt octodecim Principum Politicorum familia, proximumque à fupradictis locum in Comitibus Imperialibus obtinent hunc ordinem fervantes.

1. Archiduces Austria. Horum duæ funt lineæ, prima Ferdinandi cujus poffeffores Imperii moderati huc ufque funt habenas, Austriam cæterasque Austriacorum in Germania ditiones poffidet: altera à Carolo V. deducta, cujus pofteri Hispanias, Indias, Burgundiam, Belgium Hispanicum, &c. tenent.

2. Duces Bavarix, & hæc familia in duas diftincta lineas Bavaricam & Palatinam.
3. Duces Saxonix, Marchiones Mifnix, Lantgravii Thuringia.
4. Marchiones Brandenburgenses.
5. Duces Brunfwicenses, & Lüneburgenses.
6. Duces Iuliaci, Clivia & Montium.
7. Duces Pomerania.
8. Duces Megapolitani.
9. Duces Wirtembergenses.
10. Landtgravii Haffia.
11. Marchiones Badenfes.
12. Duces Saxonix inferioris Lawenburgerfes.
13. Duces Holfatix.
14. Landtgravii Leuchtenbergenfes.
15. Duces Sabaudia.
16. Principes Anhaltini.
17. Dux Lotharingia.
18. Comites Arenbergii, à Maximiliano II. inter Principes Imperii relati.

Hifce adjungere oportet, Comites de Hohenzollern, à Ferdinando II, & Comites Naffavia à Ferdinando III, in Principum S. R. Imperii numerum affumpti. Postmodum etiam anno 1641 in hunc Principum Imp. ordinem Comitibus

Ratisbonenfibus recepti funt Princeps ab Hohenfollern, Dux Crumawenfis, & Princeps ab Eggenberg, nec non Princeps Lobkowitz.

Hæc familias Principum in Comitibus fequuntur rursus Ecclefiaftici, Abbates, Præpofiti, &c.

hoc ordine :

*Abbates &
Præpofiti.*

- Abbas Reichenavienfis.
- Præpofitus Weiffenburgenfis.
- Abbas Weingartenfis.
- Salmenweilenfis.
- Walkenrietenfis.
- Marthalenfis.
- Oldenheimenfis.
- Elchingenfis.
- Præpofitus Werthufanus.
- Abbas Petershufanus.
- Keyfersheimenfis.
- S. Heimerani Ratisbonenfis.
- Weiffenavienfis, five minoris Augia.
- Schuffenrietenfis.
- Ochfenhufanus.
- Gengenbachenfis.
- Monafterienfis in valle S. Gregorii.
- Monachorodenfis.
- Monasterii S. Cornelii.
- Werdenfis.
- Vrsbergenfis.
- SS. Vlrici & Afræ Auguftanus.
- Irfehenfis.
- Helmftadenfis.

Quibus & alii quidam adnumerantur.

Sequuntur Abbatiffæ, quarum pleræque quavis Principum & honorem & titulum gerant, quoad locum tamen in Comitibus, & fententiæ dictionem eodem cum reliquis cenfentur jure.

Sunt autem fequentes :

- Abbatiffæ Quedlinburgenfis.
- Effenfis.
- Herwerdenfis.
- Monasterii inferioris Ratisbonenfis.
- Monasterii fuperioris Ratisbonenfis.
- Lindavienfis.
- Gerenrodenfis.
- Buchavienfis.
- Rotenmonafterienfis.
- Hechbacenfis.
- Guttenzellenfis.
- Beindenfis.
- Andlavienfis.
- Gandersheimienfis.

Prælati adnumerari folent.

Commendatarius Provincialis Confluentinus.

Commendatarius Provincialis Alfatia, ut & Burgundia.

Sequuntur Comites & Barones hac ferie:

*Comites &
Barones.*

- Com. Helffenfteinii.
- Lupffen.
- Montfeldii.
- Hohengeroltfeckii.
- Bar. Oettingenfes.
- Bar. Reupoltzkirchii.
- Com. Sultz.
- Com. Hohenzollern.
- Bar. Walpurgenfes Archi-dapiferi.
- Com. Castellii.
- Hohenlohe.

Lim-

- Limpurgenſes ſemper liberi.
 Erpachii.
 Schwartzenburgici.
 Hohenlandsbergienſes.
 Leiningenſes.
 Hanavienſes.
 Naſſovii.
 Eichenbergienſes.
 Solmenſes.
 Salmenſes.
 Bar. Winnebergienſes.
 Com. *Wilt und Rbeyngraſſen*.
 Furſtenbergienſes.
 Zimmerenſes.
 Eberſteinii.
 Saynii.
 Tengenſes.
 Tubingenſes.
 Mansfeldii.
 Stolbergienſes.
 Barbejenſes.
 Gleichenſes.
 Schwartzenburgicus ex quatuor Im-
 perii Comitibus.
 Bar. Reuſſen.
 Com. Wiedt.
 Friſiæ Orientalis.
 Lippienſes.
 Oldenburgienſes.
 Waldecienſes.
 Bentheimienſes.
 Brumekhorſtienſes.
 Ortenburgienſes.
 Schaumburgienſes.
 Bar. Schonburgienſes.
 Manderscheidii.
 Kreickingenſes.
 Pirmontii.
 Baumgartenſes.
 Graffeneckii.
 Meixelreinii.
 Fuggeri.
 Fleckſteinii.
 Sensheimii.
 Dom. Schenck à Tautenberg.
 à Birnbaum.
 à Degenberg.

Illud hoc loco notandum cenſeo, quod non omnibus Comitibus jus ſeſſionis, & ſuffragii in Comitibus competat, ſed iis ſolummodo qui immediate ab Imperio Comitatus ſuos in Feudum recognoscunt. Sed ii qui ſub aliorum Principum iuriſdictione, bona, quamvis titulo Comitatus inſignita poſſident, Imperii ſtatuum numero non cenſentur. Hujus autem generis ſunt ſub Auſtriacis Comites de *Hardeck*, ſub Electore Brandenburgienſi, Comites de *Hohenſtein*. Sub Duci- bus Pomeraniæ & Epifcopo Caminenſi Comites de *Newgarten*. Barones quoque, ut ad Imperii Comitatus vocentur, Feudum ab Imperio quemadmodum Comites immediate recognoscere neceſſe habent. Horum aliqui ſimpliciter *Freyen*, liberi, aliqui *Freyherrn*, alii *Semper freyen*, ut Barones Limpurgenſes, &c. alii ſimpliciter *Herrn*, id eſt Domini, ut Domini Reuſſen, Schonburgienſes, &c. Alii denique *Edle Herrn*, no-

biles Domini vocantur, quod Familiæ antiquitatem, & nobilitatem ſignificare videtur, ut Comites Lippienſes, &c. Sed omnes tamen quoad Nobilitatis & Dignitatis gradum pari eſſe jure cenſentur.

Tertiam Claſſem Ordinum ſive Statuum S.R. ^{III. CLAS-}
 Imp. conſtituunt Civitates Imperiales liberae, ^{SIS,}
 quarum ecce Cathalogum: ^{Civitates Imperiales.}

Ratisbona.
 Auguſta Vindelicorum.
 Noriberga.
 Rotemburgum ad Tubarum.
 Weiſſenburgum in Nordgavia.
 Donawertha, nunc Duci Bavariæ ob
 bannum Imperii paret.
 Winſhemium.
 Schweinfurtum.
 Wimpfen.
 Heilbrun.
 Halla Suevica.
 Norlinga.
 Dunkelfpiel.
 Vlma.
 Gienga.
 Bopſinga.
 Campidona.
 Buchorna.
 Ravenspurgum.
 Biberach.
 Lindavia.
 Conſtantia.
 Argentoratum.
 Keyſersberga.
 Colmaria.
 Schleſtadium.
 Rotweil.
 Hagenavia.
 Weiſſenburgum ad Rhenum.
 Obernehenheim.
 Roſtheimium.
 Spira.
 Wormatia.
 Francofurtum ad Mœnum.
 Friedberga.
 Arlen.
 Gemunda Suevica.
 Eſzlinga.
 Reutlinga.
 Pfullendorſium.
 Kauffbewern.
 Vberlinga.
 Wangen.
 Yſun.
 Leutkirch.
 Memminga.
 Goſlaria.
 Turckheimium.
 Verda.
 Gelnhaufia.
 Wetzlaria.
 Colonia Agrippina.
 Aquisgranum.
 Offenburgum.
 Landavia.
 Gengenbach.
 Cella am Heymersbach.

Lubeca.
Hamburgum.
Rostochium.
Dortmunda.
Mulhusia in Thuringia.
Northusia in Thuringia.
Monasterium in Valle S. Gregorii.
Herwerda.

Cameracum Hispaniarum Regi nunc subiecta.
Vesalia inferior, olim à Ducibus Cliviæ dependen-
debat, nunc fœderati Belgii Ordinum Domi-
nio subest.

Sufatum in Westphalia, ab Imperatore posside-
tur.

Brueckelia, Warberga, Lemgavia, de his inter
Principes eximere eas conantibus, & Fisca-
lem Imperii lis pendet indecisa.

Gedanum & Elbinga, Matriculæ Imperii quidem
insertæ reperiuntur, sed à Polonis hodie sunt
avulsæ.

Quod autem harum Civitatum aliquæ *Freie Reichsstadt*, liberæ Imperiales, aliæ *Reichsstadt*, Im-
periales simpliciter quandoque vocentur, id nul-
lam inter eas inducere differentiam cum doctis-
simo Reinkinkio existimo; cui rei probandæ
vel illud sufficiat, quod in novissimis Imperii
constitutionibus non modo hæ voces promiscue
usurpentur; sed ut plurimum copulari soleant
freie undt Reichs-Städte. Et quamvis omnes liberæ
dicantur, nonnullæ tamen ex iis Imperatori cer-
tam nummorum summam diversis ex titulis vel
annuatim, vel etiam certis conditionibus vel
modis contribuere tenentur. Quod libertati
earum minime officere videtur, præsertim cum
cuius illarum statuta particularia, quæ *Städtrechte*
vocant, vel condendi vel abrogandi, vel immu-
tandi jus competat, singulaque Rempublicam
constituant.

Prædicti omnes Statuum & Ordinum Imperii
prærogativa gaudent, & quamvis Nobiles non-
nulli Sueviæ, Franconiæ, ad Tractum Rheni, &
Hassiæ, quos *freie vom Adel*, vel *freie Ritterchaft*,
vocant, immediate ab Imperatore dependeant,
nullique superiori obediant, non tamen eodem
cum Statibus Imperii censentur jure, quod ad
Comitia non vocari soleant, nec jus sessionis nec
sententiæ dicendæ, in iis habeant, nequidem
matriculæ Imperii inscripti sint, plerique tamen
dictos nobiles eo Privilegio olim gavisos sed de-
fuetudine inveterata privatos esse contendunt.

COMITIA
GENERA-
LIA.

Comitia (*Reichstagen* vulgo dicta) Imperator
prævio Electorum & consilio & consensu neces-
sitate Imperii urgente indicit; tempus locumque
Comitiorum celebrandorum indicat, tempus fe-
re 4. mensium præscribitur, locus una è civita-
tibus Imperialibus; litteræ indicatoriæ ab Ar-
chiepiscopo Moguntino distribuuntur. In hisce
Comitiis Legumlatio, bellorum indictio, fœdera,
contributiones, de pace tam Politica, quam Ec-
clesiastica conservanda, de monetis, de Ma-
triculæ innovatione, &c. tractari solet. Co-
mitiis hisce congregatis Moguntinus Sac. Ro-
mani Imperii per Germaniam Archi-Can-
cellarius, copias seu exempla Propositionis, à
Secretario Cæsareo prælectæ, petit, easque in
singulas classes distribuit. Classes autem Sta-
Germania.

tuum vel Ordinum Imperii tres esse, Electorum
scilicet primam, alteram Principum Ecclesiasti-
corum & Sæcularium, Comitum & Baronum,
tertiã liberarum S. R. Imp. Civitatum supra
monuimus: Hæ singulæ in suis quæque curiis se-
cessi capita propositionis ad trutinam exami-
nant. Electores in Consilio suo vulgo *im Chur-
fürsten Rath*, suffragia ineunt, reque expedita, &
explorato in Consilio deliberatum quid sit, Mo-
guntinus & Bavarus, hic Principum sæcularium,
ille Ecclesiasticorum Electorum Princeps Con-
sultum Imperatori exponunt. In Principum
Consilio Archiepiscopus Salisburgensis, & Ar-
chiducum Austriæ is, qui vel ætate provectior,
vel dignitate excellens sit, alternative præsidet,
ita ut is qui vota colligit alteri Propositionis pu-
blicandæ cedat honorem. Quod si ambæ hæ
classes conveniant, sufficit ad quodvis decernen-
dum; si dissentiant, eo usque consultationibus &
persuasionibus tempus teritur donec commune
sentiant, quod tum liberis communicatur Civi-
tatibus. Electores autem & liberæ Civitates in
suis consiliis viritim suffragia ineunt. In Princi-
pum senatu diversa est ratio. Episcopi singuli
viritim sententiæ dicendæ jus habent, quibus ac-
cedunt sequentes ex veteri Prælatorum ordine,
quibus idem jus competit, Magister Ordinis
Teutonici, Magister ordinis D. Iohannis sive
Melitenfis, Abbates Fuldensis, Hirsfeldiensis,
Campidonensis, Murbacensis, Corbejenfis,
Prumensis, Stabulensis; Præpositi Elbangelis
& Berchtolsgadensis. Principum Politicorum
autem familiæ quædam uno, quædam pluribus
respectu diversarum linearum gaudent votis.
Prælatorum autem curia unum duntaxat habet
votum, Comites autem & Barones in duas tri-
bus Suevicam & Wetteravicam divisi duo olim
habebant suffragia, donec anno 1641, Comitibus
Ratisbonensibus tertium suffragium Imperiali
Decreto consentientibus Imperii Statibus, Co-
mitibus ab Hohenloe, aliisque Franconici cir-
culi Comitibus & Baronibus fuerit concessum.

Civitates autem Imperiales, in duo Scamna
Rhenanum & Suevicum, *Rheinische und Schwäbische
Banck*, divisæ, duorum suffragiorum gaudent jure.

Præterea particularia Statuum S. R. Imp. sunt
Comitia Electorum, Deputatorum & Circulo-
rum Conventus, Electorum Conventus, vulgari
vocabulo *Churfürsten tage* dicitur, conveniunt au-
tem sede Imperii vacante ad novi Imperatoris
vel etiam Romanorum Regis creationem, & tum
Wahl tage vocantur, vel ad eorundem ab habenis
Imperii gravissimas ob causas remotionem, &c.

Deputatorum Conventum in Comitiis Augusta-
nis anni 1554. primum institutum constat; Huic
conventui congregando gravissimi motus in Im-
perio exorti, quibus coercendis vires quorundam
Circulorum sint impares, causam præbent, tum
enim comitia hæc Moguntinus Elector, ab eorum
Ducibus de iis certior factus, nomine & autori-
tate Cæsarea tanquam S. R. Imp. Archi-Can-
cellarius, ex sequentibus cogit Personis; scilicet
Commissario Cæsareo, septem Electoribus, ex
Principum numero Archiduce Austriæ, Episco-
po Wurtzpurgenfi, Episcopo Monasteriensi,
Duce Bavariæ, Duce Iuliacensi, & Lantgravio
D Hassiæ;

Modus
consultandi
in Comitibus.

COMITIA
PARTICU-
LARIA.

Electorum.

Deputato-
rum.

Hassia; Abbate Weingartenensi è Prælati, ex Comitibus Comite Furstenbergio; civitatibus vero Imperialibus Colonia & Noriberga. Hisce in Comitibus Imperii anni 1570, adjuncti sunt: Episcopus Constantiensis, Burgundia, Dux Brunswicensis & Dux Pomerania. Francofurti ad Moenum ut plurimum conveniunt.

Circulo-
rum

Circulorum conventus, vulgo *Kreys-tage*, ob negotia circulorum particularia convocantur, hancque ob causam singuli Circuli Duces, Legatos & Consiliarios sibi constituunt, quibus omnium rerum decernendarum potestatem tribuunt. Regiminis autem conventus (vulgo *das Reichs Regiment*) Comitibus Augustanis anno 1500, à Maximiliano I, in locum Imperii Senatus institutus, tempore Caroli V, fuit abrogatus. Huic conventui olim causas privatas dijudicandi non solum, sed etiam de Pace & Bello, omnibusque ad summam Imperii potestatem pertinentibus negotiis deliberandi & decernendi concessum erat jus.

Camera Im-
perialis.

Causæ sæculis præteritis omnes in Aula Imperatoria, ejusque curia (*beym Reichs Hoff-Rath*) dijudicabantur, donec Maximilianus I, ob litium multitudinem, cui curia illa non sufficeret, consentientibus S. R. Imper. Ordinibus, in Comitibus Wormatiensibus, an. 1494. Camera Imperialem (*das Cammer-gericht*) instituit, eidemque jam instituto Francofurti ad Moenum ipse interfuit. Locus autem hujus Camerae hisce temporibus fixus & immotus Spiræ est, unde, nisi Imperatore & Imperii Ordinibus consentientibus, transferri nequeat. Hujus judicii autem omnes Imperii cives ac ordines, qui Imperatori parent, subjiciuntur jurisdictioni, exceptis Austriaca, Saxonica & Brandenburgica familiis, quæ tamen coram eodem in motuum vel pacis ruptæ causis conveniri solent; Ex vero causæ quæ ad Ecclesiam & spiritualia spectant, Camera non subjiciuntur jurisdictioni, nec ea in quibus poena aliqua corpori infligitur, nisi forte rursus causas pacis infractæ aliasque parvo licet numero excipere libeat. Camera autem Iudex, Præsides, & Adfessores constituunt. Iudex, vulgo *Cammer-Richter* dictus, caput hujus collegii ab Imperatore constituitur is, qui Principis & dignitate, & titulo gaudeat, legum & constitutionum patriæ maxime sit gnarus, cæterosque inter hujus collegii dignitate & potentia excelsat. Præsides (qui quatuor sunt numero) Imperator Camerae quoque præponit eos, qui Comitum vel Baronum præditi sint dignitate. Adfessores hisce adjungebantur olim triginta sex, nunc post novam pacis constitutionem quinquagenarium implent numerum. Horum autem viginti sex Catholici, viginti quatuor Augustanæ Confessionis Status præstant. In locum autem demortuorum Circuli seu Principes eorum præmature alios præsentare necesse habent, quos, parum idonei si judicentur, repudiare Iudici reliquisque Adfessoribus integrum est. Si vero intra sex mensium tempus Circuli ipsi idoneos non substituant, Iudici & Adfessoribus ex eodem Circulo, vel vicinis Adfessorem in demortui locum eligere fas est. Præter hos Camera Imperialis Iudices sunt præter-

Camera
Iudices.

Ejusdem
ministri.

ea hi ministri; Fiscus Procurator & Iurisconsultus ei assistens, ab Imperatore ambo constituti; Cancellarius, Protonotarii duo, Tabellarii bini, Amnenses, ii qui copias actorum extrahunt, tres numero, hi autem omnes ab Archiepiscopo Moguntino constituuntur. Præter hos Minister est custodia introitus Camerae præpositus, quique Adfessoribus congregationis tempus indicat sententiasque in publicum recitat; præterea is cui sententias exequendi officium injunctum est, duodecim stipatus equitibus armatis; Denique Thesaurarius, cui stipendium Adfessoribus cæterisque Camerae ministris debitum Electores vel reliqui Imperii Ordines dinumerari curant. Stipendium annuum autem Iudicis Camerae duo millia florenorum attingit, excedit tamen summam illam si Principis sit ornatus dignitate. Adfessori Comiti vel Baroni septingentos, Adfessori vero Iurisconsulto, seu Nobili minorum gentium quingenti annuatim tribuuntur floreni, Fisco Præpositus, quingentos, Advocatus ejus trecentos, Thesaurarius ducentos accipiunt florenos. Omnes autem cujusvis generis Camera Imperialis tam Iudices quam Ministri, onerum & impositionum Spiræ gaudent immunitate; sententiæ Camerales vero quamvis in supremo judicio pronunciatae, revisioni, & rejudicationi sunt subjectæ.

Stipendia
Camerae.

Curia Rotweilensis in Suevia, vulgo *das Kayserliche Hoffgericht zu Rotweil*, à Conrado III. Imp. eodem & Sueviæ Duce, anno 1147 instituta, à Maximiliano I. reformata tam ampla non utitur jurisdictione; Imperatoris enim non vero Imperii totius est judicium Alsatiæ solam, Brisgiam, usque ad Rhenum tractum respiciens, hujus incolæ prima ut vocant instantia ad hoc vocari possunt judicium, exceptis tamen speciali privilegio Electoribus ad Rhenum sitis, ut & Comitibus ab Hohenzollern. Iudicio huic Comes Sultziensis Præsides nascitur, & Adfessores ex numero Senatorum Rotweilensium fere sumuntur.

Curia Ro-
tweilensis.

Sed cum Electorum, Ducum, Principumque subditi immediate prima instantia eos in Camera Spirensi convenire nequeant, constitutum est ut immediati S. R. Imperii cives, sive ab immediatis, sive à subditis appellentur, coram Austregarum Iudicio conveniantur. Iudicii autem hujus dictam ob causam instituti nomen barbarum, è Germanico vocabulo *Auftrag-gen*, quod lites coram iudicibus judicii hujus componantur & decidentur, originem duxisse videtur. Iudicium vero diversimode pro diversorum conditione & dignitate immediatorum civium constituitur, constatque ex iudicibus non ordinariis, sed delegatis, notionem tantum non etiam executionem habentibus; quam ob rem sententiæ ab iis judicatae ab Imperatore & Camera Imperiali executioni mandari solent. Liberæ vero Imperii civitates, quamvis Statuum & immediatorum Imperii civium censeantur numero, hoc privilegio tamen non gaudent, sed coram Camera Imperialis iudicio prima conveniuntur instantia: nisi ex singulari privilegio, vel longissimi præscriptione temporis singulares primæ instantiæ habeant iudices, quod jus pleræque ex iis hucusque usurparunt.

Austrega-
rum iudi-
cium.

Su-

Das Key-
serliche
Hoffge-
richt.

Supremum Iudicium, quod nullam admittat appellationem, est curia Imperatoris, vulgo *das Keyserliche Hoffgericht*, sive *Reichs Hoffrath*. Huic Consilio ipse praesidet Imperator tamque in comitiis Imperialibus quam in aula Imperatoris celebrari solet, & eodem quo camera Spirensis utitur officio. Constat ex Consiliariis residentibus & absentibus iisdemque e Comitum, Baronum, Nobilium vel Iurisconsultorum desumptis numero. Absentes, si quandoque ad Consilium accedant, eadem qua praesentes gaudent autoritate. Causae autem in hoc tractari solitae sunt eae, quae ad solius Imperatoris spectant iudicium, veluti Ducatum, feudorumque majoris ponderis causas. Solemnitates vero juris civilis in hoc Iudicio observari non solent, cum Caesar iis nullo sit obstrictus modo.

Consilium
Status.

Consilium Status ex Principibus, spectataeque nobilitatis viris, ut plurimum Germanis, praesentibus, absentibusque est compositum. Absentes praegrandi numero Consiliariorum Imperatoriorum titulo magis, quam ipsa valent autoritate.

Consilium
erarii.

Præterea est Consilium ærarii, reddituumque Imperatoris, quod finciarum vulgari dicitur vocabulo; huic tam reddituum quam expensarum rationem tenendi onus inunctum est.

Consilium
bellicum.

Consilium bellicum vero, in quo omnia tractantur ad Bellum spectantia, ex Ducibus, Comitibus, Baronibusque tanquam Consiliariis Belli aulicis; & Militum Tribunis majoris notæ, ut Consiliariis in expeditione constat; & plurimi quoque hujus dignitatis gaudent tantum titulo.

Cætera Iu-
dicia.

Cætera, Electorum, Principum, & S. R. Imp. Ordinum Curiae seu Iudicia specialia sunt: Cancellaria, vulgo *Cantzlei*. Iudicium aulicum vulgo *Hoffgericht*; Iudicium Regionis vulgo *Landtgerichte*, & iudicium civitatis, vulgo *Stadtgerichte*; hæc singula quisque in suo exercet Electoratu, Principatu, Civitate, vel Territorio; cum omnibus & singulis imperii Ordinibus eadem, quæ Imperatori competat jurisdictio; hinc est quod Decretis suis præfigunt *Wir von Gottes genade*, Nos Dei Gratia; causas enim tam civiles quam criminales judicandi iudiciaque exequendi, reos pro delicti qualitate puniendi; imo veniam & remissionem iis largiendi, qui gravissimo mortem meruerunt crimine Ordinibus indubitata competit potestas.

Societas
Civitatum
Anseaticarum.

In quantum ad Societatem Civitatum Anseaticarum, eam jam circa annum D. N. 127. extitisse quorundam firma est opinio, alii eam solummodo paullo ante tempora Friderici II. Imp. circa annum 1200 coisse affirmant; illud certissimum est, fœdus hoc à Carolo IV. fuisse confirmatum. De etymologia nominis varii varie quoque sentiunt, mihi eorum magis arridet opinio, qui civitates eas *an Seestädte* quasi ad mare sitas dictas existimant. Fœdus autem ipsum ad commerciorum tam securiorem quam faciliorem est institutum expeditionem, ut tanto faciliori negotio varias merces in Germaniam asportare possent alienigenæ, tanto difficilius tormenta aliaque ad bellum necessaria avehere possent indigenæ. Civitates autem hodie in quatuor

Classes seu Metropoles; Lubecam, Coloniam, Brunswicum, & Gedanum partitæ sunt. Lubeca Caput & Princeps omnium, Hamburgum, Rostochium, Wismariam, Straelsundium, & Lunenburgum, civitates complectitur, quæ communi vocabulo Vandalicæ appellantur, hisce Pomeraniæ adjunguntur hæ civitates: Stetinum, Anklen, Gollnavia, Gryphiswaldia, Colberga, Stargard, & Stolpia.

Sub Colonia Agrippina Metropoli continetur, Vesalia inferior, Duisburgum, Embrica, Warburgum, Vnna & Hamum Clivæ & Marchiæ Civitates; Præterea Monasterium, Osnaburgum, Dortmundum, Sufatum, Herefortia, Paderborna, Lemgavia, Bilevelt, Lippia & Coesfeldia Westphaliæ; nec non Noviomagum, Zutphania, Ruramonda, Arnhemium, Venloa, Elburgum, Hardervicum, Geldriæ; Daventria, Swolla, & Campa, Transisulaniæ; Groninga, denique Stavera, & Bolsuerdia, Frisiæ Civitates.

Sub Brunsvico, tertia Anseaticarum metropoli sunt civitates Saxonicae: Magdeburgum, Goslaria, Einkecka, Gottinga, Hildeshemium, Hannovera, Vls, Boxtehuda, Stada, Brema, Hammeln, & Minda.

Quarta Metropolis Gedanum cum cætera Borussia in fœdus admissa sub se complectitur Regiomontium, Colmariam, Thorunium, Elbingam, Brunsbergam; quibus Rigam, Derpt, & Revaliam in Livonia Germanice loquentes adungere licet.

Fœdus hoc in exteris remotisque regionibus quatuor communes habebat domus mercatorias mercimoniis & commercio destinatas. Vnam Londini communiter *Staelhof* dictam, hanc Angli mutuis discordiis dissentientes, expulsi mercatoribus Germanis, occuparunt; alteram Brugis Flandrorum, quæ postea Antverpiam translata, vulgari vocabulo *Oostershuy* dicitur, ædificium structuræ elegantissimæ, sed hodie ob commercii ob causam Belli præteriti cessationem nullius fere usus: tertiam Novogrodiæ in Russia, unde Mercatores à Moscis expulsi sese Revaliam, dein Narvam conferre coacti sunt. Quarta erat Berga in Norvegia, hic commercia & hodie quamvis floreat, ob Danorum tamen Belgarumque perpetuas huc navigationes, non minima pars commercii Anseaticis est detracta.

Leges præcipuas vero fœderis Anseatici, has constituerunt: Nemini, qui non sit sub hac societate comprehensus, jus commercii in civitate Anseatica concedatur. Nemo sub pœna capitis viis haud frequentari solitis utatur, seu portus inusitatos appellat, ne cuiquam introducendi merces vetitas sit occasio, quamvis in quovis portuum præfecti visitationi mereum sint constituti. Commercium permutatione non emtione aut venditione tractetur. Nemo ferrum, æs, cæterave metalla quæ ad usus bellicos apta sint, remotas in regiones avehat.

Cæterum societas hæc ab Imperatore & Imperio, ut utilis & honesta fuit comprobata, quamvis vero quædam civitates ea comprehendantur, quæ nec in Statuum imperio numero sint,

13
4. Metro-
poles:
Lubeca.

Coloniam.

Brunsvico.

Gedanum.

4. Domus
Commercii.

Londini.

Antverpia.

Narve.
Berga Nor-
vegia.

Leges So-
cietatis

sint, neque immediate dependeant, nihilominus societatem hanc ratam Imperatores voluere salvo & reservato tamen cujusque Principis, cui parent, jure & superioritate. Cum autem amplissima Societatis negotia sine conventibus expediri nequeant, cujusque Civitatis Legati quotannis Lubecam, Societatis Anseaticæ Caput & Metropolitim, ubi & Archivium seu Grammatophylacium habent commune, ad negotia tractanda conveniunt.

Religio.

In tota autem Germania, Catholica Romana, & Lutherana, quam Augustanam Confessionem vocant, permittuntur Religiones; quamvis Calvinistas, Anabaptistas, Iudæos, Hussitas, Taboritas & Picardos hinc inde per Germaniam sparsos invenias.

Imperatores Germaniæ successores sese Cæsarum Romanorum in Imperio Romano dicunt, Cæsares & Augusti cognominari quoque soliti, eorum Cathalogum seu seriem huic descriptioni adjungere non abs re visum fuit. Seriem igitur à translatione imperii in Germaniam exordiar, & à Caroli Magni Imperatoris temporibus, cum Constantini septimi temporibus Imperium Occidentis in eum translatus sit.

Imperatorum series.

Carolus Magnus igitur, Primus Romanorum in Germania Imperator, Galliæ Rex, Pipini illius filius, qui Astulphum Longobardorum Regem anno 756 Ecclesiæ Rom. omnia reddere coegerat quæ injuste usurpaverat, & Pontificibus Rom. subjecerat civitates omnes, quas Exarchi Imperatorum Orientis in Italia possidebant. Hic inquam Carolus, ab Adriano Papa ad insolentiam Longobardorum reprimendam evocatus, Theodoricum eorum regem simul cum uxore & liberis captivos cepit, simul dominationi eorum in Italia finem imponens, & ditiones omnes Regibus Gallorum subjiciens anno 774. Non multo post Adelgisum Theodorici filium, magnam Græcorum, ad quos confugerat, in auxilium ducentem manum, magno devicit prælio, morteque mulctavit anno 789; donum quoque à Patre Pipino Ecclesiæ Rom. factum confirmavit: postmodum Leone Imperatore ab Irene Matre excæcato, à Romanis electus Imperator à Leone tertio Pontif. Rom. anno 801 coronam accepit; Pipinus vero illius filius in Regem Italiæ fuit assumptus. Carolus denique omni cumulatæ gloria, postquam Gallorum per 45 annos, imperii 13. moderasset habenas, Aquisgrani anno 814. vitam cum morte commutavit.

Ludovicus Bonus, Caroli Magni & in Gallorum Regno & in Imperio Romano successor, Augusti nomen à Patre ipso Nativitatis D. N. anni 813 die, coronam vero Rhemis à Stephano Papa 28 Octobris 816. accepit. Filii ejus Lotharius, Ludovicus, & Pipinus gravissimis eum affecerunt molestiis, captum una cum Iuditha uxore Cœnobio includentes. Hinc tamen opera Ludovici filii elapsus rursus Imperii arripuit habenas, Lotharioque filio remissionem malefactorum petitam concessit; dein prope Ingelheimium post imperii an. 27. an. 840. fato functus est.

Lotharius ejus filius & in Imperio successor Aquisgrani anno 820 Augustus denominatus est; coronam vero Romæ anno 823 à Papa Pascha-

li impositam accepit, post cruenta cum fratribus bella, Monachorum cœnobii Prumensis sese adjunxit numero, ubi & naturæ solvit debitum anno 855. postquam imperio 35. præfuisset annis.

Ludovicus II, Lotharii filius in Regem Italiæ assumptus, eandem à Saracenis depopulantibus liberavit, Augusti à Patre Aquisgrani anno 850 nomine insignitus, ab Adriano II Papa anno 871 coronatus, Mediolani anno 875, post Imperii annos 24 decessit.

Carolus Calvus, Galliæ Rex, Ludovici II patruus, post obitum ejus in Imperatorem cooptatus, & Romæ à Ioanne VIII Pont. Max. corona ornatus: prope Vercellas anno 877. Imperii sui secundo, Imperium simul cum vita reliquit.

Ludovicus tertius, Balbus cognominatus, Patris successor, Rex Galliæ idem & Imperator, diadema à Ioanne VIII. in Synodo Trojensi Campaniæ anno 877. sibi habuit impositum, Trojæ quoque vitam, post Regni & Imperii annum unum & 6 menses finivit.

Carolus III, cognomento *Craffus*, Ludovici Germaniæ Regis filius, Lotharii Imperatoris nepos, Ludovico III morte erepto Imperium adeptus est; Romæ à Iohanne VIII anno 881 diadema ornatus, idem post annos octo relinquere coactus, anno 888. decessit.

Arnulphus, Carolomanni filius, Ludovici Germaniæ Regis nepos, in Caroli Craffi substitutus locum anno 887, Aquisgrani à Luitberto Archiepiscopo Moguntino primum, post Romæ anno 895 à Formoso Pontifice coronatus, Normannos maxima afflixit clade, & Ratisbonæ anno 899. post 12 Imperii annos defunctus est.

Ludovicus IV. Arnulphi filius, in Regem Germaniæ & Imperatorem Forchemii cooptatus, & Aquisgrani ab Hattone Archiepiscopo Moguntino coronatus, Ratisbonæ post 12 Imperii annos fato functus est.

Conradus I. Franconiæ Dux, anno 911. in Imperatorem Rom. electus, & Aquisgrani anno 912 coronatus, Imperium septem rexit annis, an. vero 919 morte abreptus est; ejus tempore Berengarius nomen Imperatoris in Italia usurpavit.

Henricus I. Saxoniæ Dux, cognomento *Auceps*. Hunc Proceres Germani Frissariæ congregati post Conradi obitum comunibus suffragiis Imperatorem pronuntiarunt, quamvis Berengarius in Italia, Hugo vero Comes Arelatenfis ab Italiæ Proceribus contra Rudolphum Burgundiæ regem Italiæ Rex electus in Provincia Imperatorium titulum usurparent, 17. annos Imperio præfuit, & anno 936 moriens idem successori reliquit.

Otho I. cognomine *Magnus*, in Patris electus locum, Aquisgrani coronatus, Berengarium Regis Italiæ titulum usurpantem captum in Germaniam relegavit, & Romæ Imperii coronam anno 962 sibi à Iohanne XII. Papa imponi voluit, Imperium administravit annos 36; obiit vero anno 973.

Otho II. Mors Saracenorum seu *Sanguinarius* appellatus, Patri in Imperio collega anno 958, post successor Aquisgrani, post Romæ anno 968 coronatus, bellum contra Imperatorem Constantinopolitanum in Calabria gessit, unde rediens

diens Romæ anno 983 decessit, postquam Imperium post Patris obitum decem solus gubernasset annos.

Otho III Aquisgrani primo, post Romæ anno 996 à Gregorio V. Pontifice in Imperatorem est coronatus. Vix in Germaniam redux intelligens Crescentium Consulem Romanum Gregorium è Pontificatu dejecisse, & Græculum quendam Iohannem nomine, Episcopum Placentinum, in locum ejus substituisse, secundo iter Romam instituit; Crescentium, qui Castellum S. Angeli occuparat, capit, Pseudo-Papæ oculos eruit, Gregorium dignitati restituit, redux mortem anno 1001, post 17 imperii annos, optiuit.

Henricus II, Baviaræ Dux, è familia Othonis Saxoniarum Ducis originem trahens, primus Imperatorum, secundum institutionem Othonis III, & confirmationem Gregorii V, ab Imperii Electoribus est electus. Bella plurima in Italia, Germania, & Bohemia mira perfecit felicitate, Arduinum Marchionem Mediolanensem anno 1002 à Longobardis Regem Italiæ nominatum felicissimè devicit, ut & Eginhardum in Germania eundem titulum ulurpantem; Virginitatem usque ad obitum cum uxore Cunigunda sanctissime servavit, cum eadem Bambergæ sepultus; imperium 23 rexit annos, & pie anno 1024 obdormivit.

Conradus II, cognomine Salicus, Franconiarum Dux in successorem Henrici nominatus; Aquisgrani anno 1025, post Romæ 1027 coronatus, è Ghisellia, Lotharii Francorum Regis filia, filium Henricum tertium suum in imperio suscepit successorem, rexit imperium annos 14, subitanea morte prope Ultrajectum anno 1039 est extinctus.

Henricus III Rex Romanorum à Patre anno 1030 nominatus, eodemque anno Aquisgrani, Romæ vero anno 1047 coronatus est. In Saxonia diem supremum vidit anno 1056, postquam imperium gubernasset 17 post decessum Patris sui annos, Spiræ sepultura accepit honorem.

Henricus IV tempore obitus Patris sui sex solum natus annos Matris Agnetis sub tutela educatus, magnum in Principem evasit: cum Gregorio VII, ob auctoritatem sibi debitam dissentiens Romam cepit; ipsumque Pontificem Maximum in Castello S. Angeli obsidione cinxit, quamvis eam ob adventum Roberti Guiscardii, Normanni, Siciliae Regis, solvere coactus fuerit; imperii regimen post mortem Patris sui 47 administravit annos, Leodii autem anno 1106 defunctus est.

Henricus V Romæ coronatus, Paschalem & Gelasium Pontifices Romanos persecutus est, donec pace cum Gelasio facta Capitulis Episcopos creandi jus concessit: imperium post obitum Patris sui (quem captivum detinuerat) 18 annos tenuit; Ultrajecti supremum obiit diem anno 1125, Spiræque tumulo fuit conditus.

Lotharius II, Saxoniarum Dux, Comitis Gebhardi Supplinburgensis & Arnspurgensis filius in locum Henrici successus est. Innocentium secundum ab Anacleto Antipapa ejectum, dignitati restituit, Romæ se coronari curavit; Rogerium Siciliae regem Apulia & Campania ejecit; Fridericum

Germania.

Sueviæ, & Conradum Franconiarum Duces magnis devicit præliis; tandem post imperii annos tredecim, anno 1138, ex hac vita migravit.

Conradus III, Sueviæ Dux è familia Stophenia oriundus, Friderici & Agnetis ex Henrico I V progenitæ filius, Henricum Superbum Baviaræ Ducem, Lotharii II. Imperatoris generum Imperatoris titulo & dignitate abutentem devicit; Terræ sanctæ, persuasionibus S. Bernardi inductus, iter arripuit, numerofo comitatus exercitu. Imperio duodecim præfuit annis, & anno 1152 mortuus est.

Fredericus I, cognomine *Barbarossa*, itidem è familia Stophenia Ducum Sueviæ originem ducens, Imperatoris Conradi III fratris filius, in Imperatorem mense Martio 1152 electus, Aquisgrani, post Romæ anno 1155 coronatus. Dissensiones & bella civilia Guelphorum & Gibellinorum sopivit; antecessoris insistentis vestigiis innumeris stipatus militibus Terram sanctam petiit, ubi flumini innatans periit anno D. N. 1190, post imperium 34 annos administratum.

Henricus VI à Patre Frederico Rex Romanorum designatus coronatusque Aquisgrani anno 1170, postea Romæ 1191, Siciliam capto Tancredo occupavit. Imperii gubernationi post Patris obitum octo annis præfuit, Messanæ in Sicilia obiit anno 1194.

Henrico sexto è vivis erepto, Procerum Imperii Germaniarum inter sese dissentientium quidam *Philippum* Sueviæ Ducem, Friderici I. filium, Henrici VI. fratrem Imperatorem pronuntiaverunt; alii *Othonem* IV, Saxoniarum Ducem, Henrici Leonis filium elegerunt. Philippi fors prævaluit, nam Othonem magno devicit prælio. Tandem, Papa partes suas interponente, foedus hisce conditionibus pepigerunt, Philippus scilicet gauderet dignitate imperatoria, filiamque suam Othoni (qui ei in imperio succederet) uxorem daret: Philippo post Bambergæ ab Othone Vitelspachio Comite Palatino, post novem Imperii annos interemto, successit.

Otho IV, qui Imperio dissensionibus diviso decem, post mortem vero Philippi octo annorum præfuit spatio, in Saxonia anno 1218 morte è vivis ereptus est.

Fredericus II, Henrici sexti filius, Siciliae Rex & Sueviæ Dux, Rex Romanorum contra Othonem IV. anno 1210, Aquisgrani anno 1212, post Romæ anno 1220 coronatus est; maximis cum Honorio & Gregorio Pont. Maximis dissentit discordiis; Exercitum numerosum in Terram sanctam contra infideles duxit, in Apulia denique anno 1250 imperium cum vita reliquit, postquam imperii gubernacula per 30 moderasset annos.

Conradus IV, Friderici secundi filius, Rex Romanorum declaratus jam anno 1236, celeberrimas urbes Neapolin, Capuamque vivo adhuc patre cepit, post excessum Friderici tres gubernavit annos, & ex hac vita decessit Neapoli anno D. N. 1254.

Sequitur *Rudolphus*, Comes Habsburgensis & Alsatiæ Lantgravius, hic, post dissensiones ob Electionem duorum Regum Romanorum gravissimas, tandem omnibus Electorum concurren-

E

ren-

rentibus suffragiis 29 Septembris 1273 Imperator electus est; Ottocarum Bohemiæ Regem Austriam, Stiriam Carinthiamque sibi renuntiare coegit, & post promissa exequi recusantem cruento devicit prælio, morteque mulctavit anno 1278; Bohemiam Wenceslao Ottocari filio reliquit, Austriæ Albertum filium suum præposuit, (cujus in hunc diem Austriæ præsunt posterii) cunctis denique terribilem sese effecit Principibus. Imperium 17 rexit annos, tandem Gernersheimii prope Spiram placide occubuit. Huic Rudolpho stemma Austriacum gloriam & splendorem maximum debet suum.

Adolphus Comes Nassovius mense Januario 1292 Francofurti in Cæsarem electus, & Aquisgrani coronatus, in prælio contra Albertum Austriacum in campis Wormatiensibus anno 1299 gloriose occubuit, postquam ab imperii habentibus anno 1298, à Proceribus, qui in locum ejus Albertum Austriacum elegerant, esset remotus.

Albertus I, Dux Austriæ, Rudolphi Habsburgensis Imperatoris filius, Aquisgrani coronatus, Rudolpho filio suo Bohemiæ Regnum acquisivit, postmodum à Iohanne fratris sui filio anno 1308 interemptus est, post imperii annos octo.

Henricus V II, Comes Lutzenburgensis, in locum Alberti Francofurti electus, Aquisgrani, post Mediolani in Longobardorum Regem, tertio Romæ in Romanorum Imperatorem coronatus est, obiit anno 1313.

Ludovicus V, competitore suo Frederico Austriaco, ab Electoribus dissentientibus electo, profligato, Mediolani in Italiam profectus anno 1337, postmodum Romæ à Nicolao Antipapa coronatus, imperium per 32 annos detinuit, tandem in Bavaria anno 1347 obiit.

Carolus IV, Ioannis Lutzenburgici Bohemiæ regis filius, Henrici septimi nepos, Wenceslai primo, post imperium acquisitum Caroli nomine appellatus, Rex Romanorum vivo adhuc Ludovico V, anno 1346, ab Archiepiscopis Moguntiaci, Trevirensi & Colonienfi, Rege Bohemiæ patre suo, & Duce Saxoniarum, in pago Rens Dioceseos Trevirensis congregatis, ex mandato Clementis Sexti Papæ, qui Ludovicum V excommunicaverat, pronuntiatus est. Bonnæ prope Coloniam, dein in urbe Monza prope Mediolanum, tertio Romæ anno 1355 corona imperatoria ornatus est. Bullam Auream imperii præcipuas continentem leges in comitiis Noribergensibus publicari iussit, imperium ipsum 32 gubernavit annis, & in Bohemia anno 1378 ex hac vita migravit.

Wenceslaus, Caroli IV filius & successor, ob inertiam suam decantatus, magnâ ab Imperio remotus anno 1400 ab Electoribus Boppartiæ congregatis ignominia, 18 annis interlapfis apoplexia ictus Pragæ in Bohemia anno 1419 misere periit.

Robertus Bavariæ Dux, & comes Palatinus Rheni, ab ipsa Wenceslai ab imperio remotione anno 1400 in Regem Romanorum electus, & Coloniarum Agrippinæ coronatus, Papæ & Florentinis contra Ladislaum regem Neapolitanum, & Galeatium ducem Mediolanensem belligeran-

tibus, suppetias ferre conatus est; sed à Galeatio devictus redire in Germaniam re frustra tentata necesse habuit, obiit anno 1410.

Sigismundus, Hungariæ & Bohemiæ Rex, Caroli IV. Imp. filius, Francofurti anno 1411 in Imperatorem electus, Aquisgrani primo, post Mediolani, tertio Romæ coronatus; sua Concilium Constantiense corroboravit præsentia, Hussitasque in Bohemia repressit, imperium 26 annos tenuit, Pragæ anno 1437 vita excessit.

Albertus II, Archidux Austriæ, Bohemiæ & Hungariæ Rex, Imperator primo Ianuar. 1438 salutatus, Aquisgrani coronatus, unico Imperium tantum rexit anno 1439 è vita ereptus.

Fredericus III, Ernesti Ferrei Austriæ, Stiriarum & Carinthiarum Ducis, Comitum Tirolensium filius, anno 1440 electus, Aquisgrani, postea Romæ coronatus 1451, post Imperii annos 53 Lintii in Austria anno 1493 decessit.

Maximilianus I, Frederici filius, vivo etiam tunc patre Rex Rom. pronuntiatus anno 1487, & ad imperii gubernacula admotus 7 conjunctim cum Patre, 25 vero annis, eo vita privato, imperio præfuit, mortuus anno 1519.

Carolus V, Hispaniarum & Indiarum Monarcha, Belgii Princeps potentissimus, Philippi Archiducis Austriæ filius, Maximiliani I. nepos, in Imperatorem Romanorum Francofurti anno 1519 promotus, Aquisgrani, postmodum Bononiæ diademate Imperatorio redimitus, duodecim annis solus imperii rexit habenas, post fratre ejus Ferdinando in Regem Romanorum adsumto, cum eo conjunctim 26 annos. Post voluntate motus propria imperium Ferdinando fratri in manus tradidit, sese in Hispanias recipiens, ubi pie in Monasterio S. Iusti prope Vallisoletum vitam hanc cum meliori commutavit, postquam 58 vixisset annos.

Ferdinandus I in Regem Romanorum Francofurti anno 1531 electus, & Aquisgrani coronatus est, postmodum in imperatoria fratris successit dignitate, mortuus Viennæ in Austria 1564 post Regni 7, & vitæ 61 annos.

Maximilianus II, Ferdinandi filius, electus est in Regem Rom. Francofurti 24 Novembris 1562, in Imperatorem post Patris obitum evasit anno 1564, obiit Ratisbonæ in ipsa comitiorum imperii celebratione 12 Octobris, 1576.

Rudolphus II, Maximiliani II filius, in Regem Romanorum 1 Novembris 1575 assumptus est, imperatoriam nactus est dignitatem post patris sui obitum, Pragæ fato functus decessit 20 Januarii die, 1612.

Matthias I, Rudolphi frater, 24 Junii, 1612, Romanorum Imperator coronatus, Viennæ in Austria 10 Martii 1619 obiit.

Ferdinandus II, Caroli Stiriarum Ducis filius, Ferdinandi I. Imp. nepos, Mathiæ anno 1619 in imperio successit. Gravissima per Legatos gessit bella adversus Fredericum Comitem Palatinum Rheni; Christianum IV Daniæ, & Gustavum Adolphum Sueciæ Reges: liberos procreavit Iohannem Carolum, in urbe Gratz in Stiria anno 1619 defunctum; Ferdinandum Ernestum Regem Hungariæ anno 1625 creatum: Mariam Annam: Cæciliam Renatam Vladislao IV, Poloniæ


loniæ Regi matrimonio junctam: & Leopoldum Guilielmum, Belgio Regio ab anno 1647 ad annum 1656 nomine Hispaniarum Regis Præfectum. Obiit hic Imperator 15 Februarii die, anno à nativitate Domini nostri 1637.

Ferdinandus III, filius secundi, pace cum Gallorum & Sueciæ Regibus Monasterii Westphalorum 24 Octobris 1648 icta, finem cruentissimis Germaniæ bellis imposuit, primis nuptiis Mariam, Philippi IV. Hispaniarum Regis sororem, uxorem duxit, ex qua liberos suscepit Ferdinandum Franciscum Bohemiæ & Hungariæ Regem, 18 Junii 1653 in Regem Romanorum electum, principem optimum, præmatura morte ante patrem ereptum, 8 Julii 1654: Leopoldum Ignatium fratris in Regnis Hungariæ & Bohemiæ, patris in imperio dignissimum suc-

cessorem: Ferdinandum Carolum Josephum denique Augusti 1649 natum, in cujus puerperio mater Imperatrix ex hac vita emigravit: secundo matrimonio Mariam Leopoldinam Austriacam sibi conjunxit; tandem optimus Imperator ad vitam meliorem tendens lachrymarum vallem hanc piissime reliquit 2 Aprilis 1657.

Leopoldus I, Ferdinandi filius & successor, 9 Junii 1640 natus, Rex Bohemiæ 14 Septembris anni 1656, & minimo post temporis intervallo Hungariæ Rex coronatus, Francofurti in Imperatorem 18 Junii 1658 electus, primo vero Augusti coronatus, nunc in Germania rerum potitur. Princeps omnibus heroicis virtutibus ornatus, & qui, si fata vitam concedant, omnem prædecessorum suorum obscurabit gloriam.





ARCHIDVCATVS AVSTRIA.

19

Nomen.



Austria nomen non habet ab Auctore, sed à mundi cardine Orientali; qui Germanis *Ost* dicitur; quanquam aliqui ab *Austro*, hoc est à meridie, vocitatem velint; sed malè. Antiquitus enim *Ost*rasia, *Ost*reich Germanis, dicta, eodem quo *Ost*rogothia, & *Ost*rofrancia, modo; sicut ipsi quoque Græci *Ὀστρινον* Austriam nominant: ad distinctionem *West*rasie, *West*reich; in quæ duo regna olim Imperium divisum fuit. Et si vero *Austrasia* ad Rhenum ab initio fuerit, cum tempore tamen serpsit appellatio etiam ad partes longius Orientem versus à Rheno distitas, pro ratione nimirum prolati Imperii. Atque hæc est causa, cur illam Otho Frisingensis *Teuthonicorum Marchiam* vocet. Olim fuit Austria pars Pannoniæ Veteris, in qua forte Ptolemæi *Teracatria* & *Racata* sedes habuerunt, quia & hoc tempore Poloni Austriacos *Rakuszy* appellant; at Bohemos Moraviosque *Rakauszy* & *Rakussané*. Pirckheymerus vult Ptolemæi *Curiones* & *Chetuvoros* ad Crémfirium, Znaimum, & Nicolaiburgum habitasse. Lazius *Bojos* quoque egregiam hujus partem infedis arbitrat, antequam à Marcomannis sedibus expulsi sint; quibus se postea Longobardi aliæque nationes junxerunt: ultra Danubium autem *Norici* fuerunt. Anno 928, quum Hungari crebris excursionibus Austriam atque inde Bavariam reliquamque Germaniam vexarent, commendavit Henricus I. Imperator cognomento Auceps ejus curam Leopoldo Illustri Alberti filio, Henrici nepoti, Comitibus Papebergenfibus, qui ex Sueviæ Ducum Familia originem ducebant. Is Leopoldus primus Marchio ab Othone I. dictus est, & sic Austria Marchiæ titulum accepit, quem in Henrico II. Fridericus Barbarossa Ratisbonæ in Ducalem mutavit, usque dum Anno 1245 Fridericus Bellicosus à Friderico II Archidux creatus est.

Limites.

Habet autem ad Ortum Hungariam, Styriam ad Meridiem, ad Occasum Bavariam, & Moraviam ad Septentrionem Tejo amne discretam. Latitudo ejus erit trium, longitudo circiter sex dierum. Dividitur in Superiorem & Inferiorem Austriam, quarum illa *Trans-Anisiana*, hæc *Cis-Anisiana*, ab *Aniso* seu *Ens* fluvio nomen habet, qui utramque dissecat.

Mores.

Indigenæ Austriaci faciem vultumque gratum habent, sed passim apud Authores & curiosos rerum indagatores vinosi audiunt & superbi: Nobiles, ut in aliis rebus, ita quoque in his communem vulgum longè superant, & splendidissimi sunt in vestitu; quod vitium ita pullulavit,

Germania.

ut opifices & passim cives exemplum ab illis capientes, mutuis sese honoribus, titulisque se indignis excipere gaudeant eousque, ut nobilium titulos captantes, illos ad majores & à vulgo magis alienos respicere cogant, ita quoque his deditos, ut & in Regimine *Cis-Anisiana* Austriæ, omnes supplicationes & alia scripta rejiciantur, si debitus in chartæ frontispicio titulus non inveniatur: hoc vitium ex solo splendore vestium ortum trahit, quæ vulgo passim ex serico erant, antequam Imperator Leopoldus I. statim post reditum à Coronatione, publica lege omnibus vestiendi modum præscriberet, & auri argentique usum in vestibus interdiceret. Ingenio feruntur esse obtuso; nullo modo industrii, sed fideles nihilominus; curam rei domesticæ, præsertim Viennæ, uxoribus relinquunt, ipsi interim in diversoriis, vel alibi recreare se student: In diem vivunt, quod laborando lucrificiunt, id vino & sumptuosius cibis insumitur: nullus fere invenietur ex mediocribus opificibus, qui non sex septemve fercula suis famulis seu familiæ ministret. Cerevisia cum sit, sed ejusdem cum vino pretii, vinum semper eligunt, idque quarunt habere bonæ notæ. Festis diebus prodigunt, si quid profestis reservatum adhuc fuerit. Hinc perstreperes totam diem cauponæ & choreas agentium murmura audiuntur. Fœminæ tamen viris nihil concedunt: ubi res domitaliter qualiter peracta, ipsæ cum filiabus ambulatum eunt, nunc huc nunc illuc ad cauponas appellentes; ubi talis ludantium (*Kieglern*) Caternas conspiciere licet, quanquam hic lusus viris quam fœminis aptior sit. Amant quoque à juvenibus circumduci, scribunt literas amatorias satis dulci & Italico fere stylo. Amores earum satis assidui ex nuptiis & conviviis ortum trahunt; in quibus vulgus adeo modum superat, ut sæpe sexaginta, imo centum convivas habeant, eo majori honori id sibi esse arbitantes, quo frequentior coetus est. Illic juvenes cum puellis amoris sui fundamenta jaciunt, quæ salutationibus, choreis jocisque aliis plurimum consolidantur. Fœminæ minoris conditionis proprium vestitum habent moris patrii; imprimis caputia lunata & palliola parva, quæ ambo pretiosis pellibus ornata sunt. Omnes autem permixtim valde religiosi sunt, nullum fere Missæ audiendæ tempus negligentes; in qua omnem religionis apicem constituunt: Post auditam Missam aliqui tempus audiendi concionem sibi indulgent; alii vero magis festini, vel domum vel in cauponam divertunt. Magnates & majoris conditionis homines, utriusque sexus, habilitate Gallica delectati, ad eorum modum se vestiunt, & eorum linguam simul cum Italica summo studio addiscunt, utpote in quibus linguis libri Amatorii, *Romani* dicti, majori cum gratia leguntur.

F

Tem-



Vires.

Tempore belli poterit Austria absque ullo incommodo Imperatori præstare x millia peditum & duo millia Equitum. Locos munitos & diuturnæ defensionis aptos paucissimos habet; sola Vienna sicut præstantia situs & magnitudine, ita quoque munimentis cæteras longe antecit; videturque sola fame tantum posse vinci: munimenta namque eximia habet & muro circumdata latissimo & crasso valde. Neapolis huic quoad artem secunda est: Natura autem loci Melicum Götvinumque inexpugnabilia reddit, quibus Neoburgum annumerari posset; non tamen illis comparandum. Hæc loca semper Bohemorum & Hungarorum vires eluserunt. In Armamentario Imperator multas quoque triremes habet, quas Galiotas vocant, quæ valde usui ipsi venerunt tempore belli Hungarici: Nunc tantum spectaculi causa reservantur.

Regimen.

Archiduces Parlamentum seu Concessum instituerunt Viennæ, sub quo plures aliæ Hæreditariæ provinciæ comprehenduntur. Habent illic quoque pro redditibus earum Cameram Rationum. Res Civiles *Provincia Austriacæ Regimen* communiter sic dictum administrat; Criminales Marschallus Aulæ, quousque jus ejus competit. Viennensis vero Jurisdictionis quæ sunt, ad Senatum, ejusque Consulem & Civitatis Iudicem referuntur.

Quatuor Ordines sunt Austriæ, quos *Landsstände* appellant: Primus Ecclesiasticus; è quo Episcopi à Principe, Abbates & Prælati à suis Capitulis eliguntur: secundus Principum, Comitum, Baronum: tertius Nobilium, qui cum omnibus suis ab Archiduce dependent: quartus & ultimus urbium est, quæ suis legibus reguntur, suis magistratibus Iustitiam administrantes. Quia autem hæ urbes redditibus sui territorii fruuntur, tenentur mœnia sua reedificare, & portas stationibus observare suis sumptibus. Vnicuique Domino ultima in vasallos seu subditos

suos iustitia patet: agnoscunt tamen Archiducem; sed si quædam Archidux efflagitet, seu immutare in ratione Status desideret, tenetur prius consensum Conventus seu Diætæ, ubi isti quatuor Ordines præsentis sunt, vel eorum Deputati, acquirere. In Comitibus comparent Episcopi Viennensis & Neustattensis, seu Neapolitanus Austriæ, quos duos Episcopatus à Friderico I V fundatos nunc unus administrat: supremus Magister Ordinis S. Georgii eidem Imperatori originem debentis, Magister Ordinis Teuthonici, ut & Magister Equitum Melitenis: Prælati Viennensis, Neoburgensis & Melicensis, hunc alii sequuntur, alios tres iterum Ordinis Carthusianorum Priores, Aspachensis, Gemminganus & Maurbachensis. Mittunt quoque Canonici Viennenses unum ex se deputatum. Hos sequuntur Status civiles juxta ordines jam memoratos.

Religio.

Austria tota nunc Catholica est, quanquam aliqui pauci sint ex Comitibus & Magnatibus, qui diversæ religioni addicti sint. Anno 1568 permiserat Maximilianus Imperator libertatem religionis; unde tanta apud Magnates licentia exorta est, ut Hornam auderent convenire, de confirmando Religionis Statu acturi. Imperator vero Ferdinandus II, Viennæ 1623 edictum promulgari iussit, ut nullus diversæ religionis illic admitteretur: anno autem 1625 omnes Lutherani ex Superiori Austria ejeti sunt. Tandem sub Ferdinando III, per totam Austriam eorum religio interdicta est, ita ut nullibi aliquod religionis suæ publicum seu privatum exercitium habeant. Viennæ tamen aliquod sodalitium mercatorum est, *die Niederlag* dictum, qui Lutheri & Calvini opinionibus adstricti sunt. Hi propriis gaudent privilegiis, nec Vrbi, sed Inferioris Austriæ Regimini subiecti sunt.

A V S T R I A S V P E R I O R,

S E V

T R A N S - A N I S I A N A.

Limites.

Trans-Anisiana Regio, seu Superior Austria ad Orientem Inferiori Austria, Occidentem versus Passlaviensi Episcopatu, Bavaria & Salisburgensi Archiepiscopatu, à Meridie Styria, & Bohemia ad Septentrionem terminatur. Solum habet satis fertile, & aliquibus in locis vineas. Multa copia piscium varii generis abundat, quos lacus & fluvii ministrant: Avium & ferarum non minor copia, cuius vulgo per edictum captura interdicta. Montosa est ubique & silvis obsita; inveniuntur quoque in his montibus ferri cuprique metalla, ut & fontes prope Gemundam, qui multum salis proferunt. Aer hic valde salubris est, qua in parte Inferiori Austriæ multum præstat.

Qualitas.

Flumina quæ hanc alluunt, præter Danubium, sunt, *Anassus*, regioni adjacenti nomen dans, qui ad pagum Rachsstat originem referens, per Streckauw & Wolckensteyn fluens, paulo post *Salzam* & *Steyram* fluvios recipit; exinde se in Danubium prope sui nominis oppidum exonerat. Minor *Kremisius*, qui *Drauno* aquas suas devehendas tradit, prope Linzium in Danubium se effundenti. Multi præterea parvuli rivi hinc inde ex montibus scaturientes regionem humectant. Multi quoque lacus ubique sunt, inter quos eminent *die Gemundersee*, ex quo Draunus profluit, *die Altersee*; Lacus S. *Wolfgangi*; *Vrsee* & *Filesee*. Quod *Danubium* attinet, multi in eo sunt turbines satis periculosi, præcipue paulo infra Linzium nominatus *Sewrussel*, sive suis grunnitus, & alius prope Greynam, de quo infra.

Vrbes

Vrbes.

Lazium.

Vrbium in superiori Austria præcipua est *Lin-
zium*, ad Danubium sita, cui ibidem Draunus con-
fluit. Antiquis, teste Lazio, *Aurelianum* seu *Aureliana*
Colonia fuit appellata. Locum amœniorem ad to-
tam Danubii ripam inveniri vix posse credo, ita
commodus est: hinc circumcirca castella &
villæ nobilium piscaturæ & venationi addicto-
rum; illæ namque hic eximie sunt, & gratissi-
mæ. Vrbs ipsa ornata est egregio templo, cui
conjungitur non mediocris turris. Visitur quo-
que Palatium Imperiale & domus, quæ verna-
cula lingua *das Landthaus* nominatur. Ad læ-
vam Vrbis Castellum in edito colle situm est,
eximie structuræ & magnitudinis; neque longè
hinc Capucinorum Cœnobium loco opportuno
structum, ex quo in interiorem regionem pul-
cherrimus patet prospectus. Danubii hic utra-
que ripa ponte ligneo juncta est & suburbiis se-
pta. Singulis annis Nundinas binas urbs habet,
alteras ad Festum Paschatis, ad 24 Augusti
diem alteras, ambas multitudine adventantium
undique mercatorum in tota Austria celeberrimas;
quibus commodissima est magnitudo aræ, quæ
valde lata à porta Danubii ad alteram, re-
gionem interiorem versus, porrigitur. Multis
hæc urbs bellis vexata, non tamen expugnata
fuit. Tempore Friderici II fuit ab Othone Bava-
riæ Duce obsessa tantum. Anno 1532 Turca-
rum xv millia eodem tetenderunt: nullus au-
tem ex iis remansit, qui ubique acceptæ cladis
nuncium domum ferret, nisi forte unus aut al-
ter ab Hungaris captus & redemptus fuerit. An-
no 1542 ignis bonam ejus partem absumpsit. An-
no 1616 bello Civili (quod rustici & agrestes in
Dominum moverunt) diu à rusticis obsessa est,
sed multis eorum millibus trucidatis feliciter li-
berata, in circumjacentibus tamen ædibus sub-
urbiiisque non exiguum damnum passa est.

Eus.

Anisianum olim *Claudiodunum*, (prope vicum
Lorch, qui antiquis *Lauriacum* & *Laureacum* di-
ctus est, & *Colonia Aureliana Laureacensis*) ab Au-
relino Antonino conditum, prout Lazius asserit,
cum in Marcomannos aciem duceret. Dicitur
olim eximie magnitudinis & duorum millium
passuum longitudinis fuisse. Monumenta multa
jam ante ex ruderibus effossa, ut & nummi Ro-
mani in agris inventi, hæc satis probant: Nunc
temporis modicum oppidum & amœno situm lo-
co est. Sunt & alia oppida minora, *Grenstadt*;
Gemünd / Antonini *Laciaceum*, ut Cluverius exi-
stimat; *Steirerck*, amœno & eximio castello gau-
dens; *Steira*, ad Steiram fluvium; *Wels*, No-
ricorum olim sedes, *Welaps* dicta, & Romanis
Ovilabis, *Ovilavis*, *Ovilia*, ac in antiquo lapide
Colonia Aurelia Antoniana Ovil; & *Voisabruck*.

INFERIOR AVSTRIA.

Limes.

Qualitas.

Austria Inferior, seu Cis-Anisiana Regio
habet ad Solis ortum Hungariam, ad occa-
sum Austriam superiorem, à meridie Sti-
riæ montes, & à septentrione Bohemiam ac Mo-
raviam. Vbertate agrorum, magnitudine, at-
que delicatissimorum vinorum copia Trans-
Anisiana Austria longe præstat: Aer tamen sa-
tis insalubris est, sed multis & fere continuis ex
Germania.

Oriente ventis purgatur: de hac sola dici potest,
quod de tota dictum fertur:

Austria ventosa est, si non, esset venenosa.

Vbi enim ventus cessat, Febris, Pestis, alia-
que mala ingruunt, & præcipue morbus, *Hun-
garicus* dictus, in eos maximum dominium te-
nens, qui fortibus vinis inassueti fecundiori ea
calice hauriunt; est autem hic morbus species
rabiei adferentis Febris, hominibus omnem
boni sensum adimentis. Agrorum adeo facilis
cultura, ut unus isque macilentus equus vomeri
sufficiat: nulla hic fimi ratio, ad agrorum ster-
corationem, sine qua aliarum regionum falla-
ces agri. Hinc natum inter vulgum proverbium:
*O Osterreich wo ist deins gleich? O Austria ubi
tui similis est?* Ultra copiam frumenti magna hic
croci abundantia, qui Italico Gallicoque lon-
ge præfertur. Vinorum tantus proventus, præ-
sertim circa Viennam, ut vindemiæ plusquam
quadraginta dies aliquando durent; innumera-
biles sunt equi currusque, qui illud ter quaterve
de die in urbem deferunt, tanta multitudine ut
vix portæ satis pateant. Apothecæ quoque seu
cellæ vinariæ Viennæ tantæ magnitudinis sunt,
ut structuræ subterraneæ illis terræ superexstan-
tibus vix cedant. Hinc Moravia, Bohemia, Sile-
sia, Bavariaque providentur, & magna utrim-
que mercatura exercetur. Præterea Ligni affa-
tim, ut & mineræ ferri, cupri, argenti, stanni
aliorumque metallorum venæ. Flumina abun-
dant piscibus, quorum maximus Huso, *Haus*,
à magnitudine domus appellationem traxit: in-
credibile porro esset si Veneris diebus in foro
Viennensi piscium venalium abundantiam enar-
rarem. Certè Ceres & Bacchus præsidet & dii
Tutelares hujus regionis videri volunt; quibus
non inimica Venus in sodalitium posset asciri.

Flumina in ea sunt *Danubius*, huic *Ipsa*, major *Flumina*.
Cremisus, *Melicus*, *Tulna*, *Vienna*, *Greina*, ad co-
gnomines sibi urbes confunduntur; *Erlap*; *Leyta*,
quod Austriam ab Hungaria dividit; *Pyesting*,
Schwegad, *Marck*, *Stob*, *Rabnitz*, *Guns*, *Pinck*, &
Teyra, Moraviam ab Austria distinguens. In
Danubio ultra memoratum turbinem famo-
sus est alter prope Grein oppidum; ubi inter
saxosas rupes decurrens, & paulo infra in circu-
los se agens, plurimorum navigiorum naufragiis
& absorptionibus *Strudel* & *Wurzel* addita cogno-
mina Scyllæ & Charybdis famæ exæquat.

Montes quoque in hac regione plurimi *Montes*.
sunt & grandes, inter quales mons olim *Cacius*
nunc *der Kalenberg* dictus prope Neoburgum
à Danubio ad Dravum se extendit, & pro lo-
corum varietate plurima nomina adipiscitur, vo-
caturque *der Schneebergh*, *Seemerling*, *Kemperg*, *Hert-
perg*, *Deubsberg* &c. Est & *Hainburgenfis* mons,
qui ad urbem Rab pertingit, antiquis *Cognamus*
appellatus. Sylvæ sunt *Freystattensis* & *Kunigwi-
sens*, partes antiquæ sylvæ Hercyniæ.

Vrbes in Inferiori Austria multæ sunt, inter
quas *Vienna* eminet

Velut inter Ignes Luna minores.

Hæc ad Danubii profluentis dextram sita ri-
pam, Antiquorum *Fabiana* videtur fuisse, ab An-
nio Fabiano Legionis x Præfecto denominata, qui
his locis præsedisse dicitur. Lazius eandem cum

G

Ptole-

ARCHIDVCATVS
AVSTRIÆ
 SVPERIORIS
Culgo
 SVPR ANISVM
 cognominata
 NOVA DESCRIPTIO
Iuxta accuratissimas di-
monfiones
 ABRAHAMI HOLZ-
 WORMII.



Prolemæi *Iuliobona* & Strabonis *Vendo*, & Antonini *Vindebona* putat, quam Aurelius Victor *Vendobonam* vocat in vita M. Antonini Imp: liber Notitiarum *Vindomanam* Citatur & antiquum marmor, effossum ad portam Scotensem;

MARCIANVS DECVRIO ÆDILIS ET DVVMVIR MVNICIPII VINDOBONÆ ET PRÆFECTVS COHORTIS FABIANÆ.

Sclavi appellant eam *Wydme*, Turcæ *Petz* five *Petſch*, aut ut aliis videtur *Wetſch* & *Beetz*; Hungari vicini *Bécz*, Germani *Wien* ab ejusdem nominis fluvio, qui ad latus urbis dextrum se Danubio sociat. Urbs hæc per se non adeo formose structa, neque eximiæ magnitudinis, sed valde populosa est. Edificia rara in ea nulla sunt; nam aula Imperatoria à magnificentia tanto Imperatore digna longè est aliena. Templà plurima habet, inter quæ primarium S. Stephani excellit, altæ & curiosè elaboratæ turri annexum: multæ in hoc Imperatorum aliorumque magni nominis virorum sepulturæ inveniuntur. Suburbia grandia sunt & frequentia; unum ex iis trans pontem in insula Iudæis concessum est, qui satis magnis privilegiis fruuntur, & profectis diebus mercaturam suam in sibi destinato foro ad vesperam usque exercent: nam ante solis occasum exire urbe coguntur. Hac in insula sylva est undique asseribus septa, *der Brader*, nominata, ubi in delicias Cæsaris venatorias multæ feræ reservantur: In ejus medio duorum vel trium milliarium perspectiva est ex duplicata arborum serie facta. Huc sæpe quinquaginta aut sexaginta paria ex primoribus conveniunt, ambulando sese oblectantibus. Nullus Veneri aptior locus est, ita favent sylvæ densitas & magnitudo. Non deest quoque lacchi & bonæ Cereis usus, exstructo in hoc edificio, quo fames sitive sedari posset. Sunt & alia populosa satis, inter quæ illud ad Scotensem portam *die Schottensaw* dictum, maximum est. Hodie Vienna quasi domicilium est sex potentissimarum nationum, Germanorum, Italarum, Hungarorum, Polonorum, & Sclavorum: non mediocris quoque Gallorum in ea pars est: Omnes hi lucro intenti sunt, quia indigenis sufficit, si victum & amictum habeant, de pecuniis porro non sollicitis; à quibus levi pretio omnia cõmunt, sua interim carissimè venditantes. Excellentiorum opificiorum hic ratio nulla; requirunt enim industriam & laborem, quibus indigenæ frui, non uti volunt: sed pergamus ad majora. Sub annum Christi CCCCLXIV fertur Severinus Barbaros hoc loco docuisse, eoque perduxisse, ut intra Fabianam duas Basilicas exstruxerint, quas postea disjecerunt Longobardi. Sub annum vero DCXL fertur Gisalaricus à Rudberto istuc missus facellum intra Fabianam magistro suo excitasse. Ab hoc inde tempore numerantur Episcopi Fabianenses, qui & Vigennenses dicuntur. Carolus Magnus postea Basilicam B. Petro hic ædificavit, sicut etiam fecit in Sicambria & Carnunti, quod tunc quidem Carnburgum, postea à templo S. Pe-

ternell vocatum fuit. Sub Ludovico Arnulphi filio, Conrado item & Henrico Augustis ab Hungaris & Anaribus dolendum in modum vastata est. Iacuitque ita aliquamdiu, donec circa annum 1158 ab Henrico Austriæ Duce Scotica Abbatia illic erecta est. Postea anno MCC Richardus Rex Angliæ ex Palæstina, ubi militaverat, domum revertens, quum hac iter faceret, captus à Ludovico Austriæ Duce, suis impensis mœnia urbis excitavit. Circa annum vero MCCXXXVI Fridericus II, Imperator receptus est Viennæ à civibus summo honore, estque ibi cum filio suo Conrado Romanorum Rege tres menses commoratus. Hoc tempore urbs ista facta est Imperialis, accepitque insignia, quæ adhuc servat, aquilam auream bicipitem & coronatam in nigro campo. Eodem anno instituta est illic Academia ad normam Scholæ Parisiensis. Mansit autem quadriennium duntaxat sub imperio, devoluta postea ad potestatem Austriacorum. Anno MCCLXXVI, hebdomadibus quinque obfessa est à Rudolpho Habsburgio, defendente Othocaro Bohemiæ Rege. Composita autem est controversia hisce legibus: ut Imperator Othocaro Bohemiam Moraviamque beneficii loco conferret; Austria, provinciæque reliquæ Styria, Carinthiæ, Carniolæ, ad Imperium redirent. Anno MCCCXL, cœpta est exstrui turris S. Stephani; estque sexagesimo demum post anno absoluta. Anno MCCCCLXIII, obfessus est Imperator Fridericus à civibus suis in Arce Viennensi, ac per Georgium Podiebracium Bohemiæ regem tandem liberatus: Eam tamen optimus Imperator injuriarum immemor valde evexit. Anno MDXXIX, obsedit eam arctissime Solymanus Turcarum Imperator adducto exercitu CCC M. militum. Oppugnavit eam vicies, omni adhibito tormentorum genere, cuniculis quoque actis suffossos muros dirupit: nihil artis, virium, industriæ intermisit, ut urbe (certissimo Germaniæ totiusque Europæ propugnaculo) potiri posset; sed defensa est singulari Dei bonitate & virtute civium à XXVI Septembris usque ad XV Octobris, quo hostis amissa magna exercitus sui parte domum recedere coactus est. Anno MDXC, tantum terræ motum sensit, ut S. Stephani Turris ruinam minaretur, & multæ ædes dirumperentur. Anno MDCXIX Henricus Comes Matheſius à Thurn cum Bohemis suis urbem, sed frustra, aggressus est. Passa quoque est gravia incendia, inprimis anno MDCXXVI & XXVII. Tempore Torstenſonii multis incommodis objecta fuit, cum Suecici ad pontem Danubii majorem urbi incubarent, & continuis transeundi molitionibus eam fatigarent.

Viennam dignitate & magnitudine *Neapolis Neustat.* Austria sequitur, sedes Episcopalis, illà octo milliariibus distans, amœnis & fructiferis in campis sita, qui grande spatium complexi altissimis montibus cinguntur. Ipsa Urbs quadratæ formæ forti muro circumdata est, & castello provisa, in quo Maximilianus avus Caroli V. natus est. In frontispicio Portæ Castelli (sicut & Viennæ ad Imperiale Palatium) hæ litteræ vocales habentur A. E. I. O. V. quarum diversæ explanationes, sed hæ præcipuæ:

Austria

Austria Erit In Orbe Ultima.

Aquila Electa Iuste Omnia Vincit.

Austria Erit Iusta Orbis Vindex.

Allex Ebn Isti Ostenreich Boss.

Austriaci in hac urbe Fridericum IV. Imperatorem diu obsederunt, quod Ladislaum Posthumum, annorum 13 Adolescentem detineret; & coegerunt, ut eum dimitteret. Anno MCCCCLXXXV fame expugnata est à Matthia Corvino post multorum mensium obsidionem, & ab Hungaris possessa, donec ipsi cives eos anno MCCCCXC expellerent. Anno MDCXXV fortuito igne valde foedata est, aliquibus templis cum permultis domibus deflagatis.

Cremisium ad Danubium situm loco ameno & mercatoribus opportuno, qui ad binas nundinas frequentes huc conveniunt. Adjacet huic Steina oppidum: quæ duo eodem Magistratu utuntur, ita ut Cremisianus Consul altero insequenti anno Steina Iudex sit, & tertio anno iterum Cremisii Consul. Ambo hæc oppida bello Suecico à Torstenfonio occupata sunt; sed Steina destructa, nunc vero iterum reedificatur. Alia oppida minoris momenti nominare sufficiet: sunt vero S. Hippolyti oppidum (S. Pölten;) Tulna; Ibissa (Ips;) Corneoburgum, anno 1645 à Torstenfonio captum & diu contra Austriacos defensum; Retza; Zwettl; Laba multis bellicis casibus celebre ad Moravia fines; Baden, salutaribus balneis celeberrimum, ad quæ multi sanitatis recuperandæ causæ concurrunt; plurimi vero deliciarum ergo; Egenburgum; Waidhofen; Weytrach; Thiersstein; Schraitenthall; Scheib; Pechlarn, Antiquis Præclara dicta; Horna, Greina, seu Gruna, Cluverio Cluna, Lazio Artagna; & Hamburgum Austria, ultimum Austriacæ provinciæ Hungariam versus; cui adjacet pagus Petronilla, Veterum Carnuntum, ut ex effossis munimentis & numismatibus apparet.

Neque omittenda arbitror tria illa primaria Cænobia, Melicum, Neoburgum & Görvinum, seu Kerswein, illius oræ ditissima & munitissima; adjuncta sunt prioribus oppidula ejusdem nominis.

Statu Archiducum Austria.

Archiduces Austria possident jam ultra centum annos quasi hæreditarium regnum Hungaria, seu partem illius, quæ adhuc sub Christianis est, ut & regiones dependentes, Slavoniam & Croatiam. Post bellum Bohemicum Bohemia hæreditaria eorum provincia facta est, cum antea Electiva esset: huic adjuncta est Silesia, Moravia, & Lusatia. Iure successionis possident Stiriam & Carinthiam, Ducatus, Cilli, Windorum Marchiam, Carnioliam & Görz Comitatus cum parte Istria. Possident quoque Comitatum Tyrolis, Dominium Frauenenberg, & valles Montafum & Klostertall. Domini sunt octo Iurisdictionum Unionis Decem; & quanquam non absoluti totius Unionis sint Domini, conservant nihilominus autoritatem suam per suas Arces & Præpositos. Tenent quoque Arcem cum suo Governatore in Unione Domus Dei; ut & Comitatus Sonneberg in confiniis Grisonum, & Veldkirchen ad Lacum Constantiæ, Bludens & Walgau. Quod Habsburgi in Helvetia Comitatum attinet, licet titulum usurpent etiam nunc, extinctus attamen fuit cum diruta à Lucernensibus ipsa Arce circa annum 1352. Comitatus autem Kyburg venditus Germaniæ.

fuit Tigurinis à Sigismundo ad annum 1424. Possident quoque Comitatum Bregentz ad extremam Lacus Constantiæ oram, cujus urbis, quamvis Imperialis, domini sunt, ut & Urbis Cell live Ratolscel. In Suevia illis subditi sunt Comitatus Hohenberg, Landgraviatus Nellenburg & Hegow; Marchionatus Burgoyn, & Algouyn, omnes cum suis urbibus & castellis: item Villinga urbs in Schwarzwald, seu Sylva Nigra. Domini quoque sunt urbis Waldshut, prope dictam Sylvam, ad Rhenum in regione Klekgouyn, cujus quoque partem tenent. In Comitatu Sigovia, qui fere totus territorio Basileensi includitur, possident totam illam partem, quæ se ultra rivum Film extendit, cum Comitatu Rheinfelden, sive Frickgovia, cujus præcipua urbs ejusdem nominis quatuor tantum communibus leucis Basilea Orientem versus distat. Illorum quoque est Landgraviatus Alsatia, cujus primaria urbs est Ensheim: item Comitatus Pfirt in Sangovia ad oram Alsatia, & Brisingovia, cujus majorem partem possident. Quia autem Archidux Episcopatu Argentineni fruitur, qui multas egregias urbes in se comprehendit, credibile est, omnem moturos lapidem, ut in sua Familia Episcopatus ille remaneat, quo commodius toti Alsatia incumbant. Ultra hæc omnia Imperium quasi hæreditarium ad se traxere; jam anni sunt ducenti: & videtur Germania illis hanc prærogativam voluntariè concedere. Taceo adhuc plurimas terras & provincias vel urbes, quas ultimo bello Germanico in Germania suas fecerunt.

Nunc ad originem Archiducatus transeamus. Iam ante diximus Henricum I. Imperatorem cognomento Aucupem Leopoldo Illustri Marchionis titulum dedisse, sive Othonem I. ejus Patrem. Hunc Leopoldum sequuntur ordine:

- 2 Albertus II. Leopoldi filius, obiit anno 996.
- 3 Henricus, Leopoldi filius, obiit anno 998.
- 4 Leopoldus II.
- 5 Leopoldus III.
- 6 Albertus III.
- 7 Ernestus.
- 8 Leopoldus IV.
- 9 Leopoldus V, Sanctus.

Hic Leopoldus fuit Othonis Frisingensis nobilissimi Historici Pater, quem idcirco Radvicus nominat, Imperatorum Henrici IV nepotem, sororium Henrici V, Conradi Regis fratrem uterinum, Friderici Imperatoris patrum, ex clarissimo regni Principe Leopoldo Patre & matre Agnete filia Henrici IV. Ejus Fratres idem memorat Conradum Pataviensem Episcopum, Leopoldum Ducem Bajoaria, Henricum Ducem Austria, Albertum & Ernestum. Sorores Gertrudem Ducissam Bohemia, Bertham Ducissam Polonia, tertiam nuptam Henrico Burggravio Ratisbonæ, quartam Hermannio Lantgravio de Saxonia, quintam Marchioni de Pherum.

10 Henricus II, quem post obitum Conradi Imperatoris Fridericus Barbarossa primum Austria Ducem creavit, quum esset ejus patruus, anno Christi 1156. Ratisbonæ, die 17 Septembris; quod tum ex Othone Frisingensi constat, tum ex privilegio Cæsareo, in quo Henricus ille primus Austria Dux & dilectissimus patruus Imperatoris,

H

ratoris,

ratoris, terra vero Austria *Clypeus* & *Cor Sacri Romani Imperii* appellatur.

11 *Leopoldus VI*, qui *Virtuosus*: Hic Richardum Angliæ Regem ex bello Afendico per Austriam iter facientem cepit, extorsitque insignem summam argenti, se Ioppæ injuriis affectum querens, cum sua insignia ab Hospitio diripi & in latrinam conjici Rex juberet. Obiit 1191 quum renuntiasset sæculo.

12 *Leopoldus VII*, Prioris Filius, defunctus anno 1232.

13 *Fridericus*, cui Imperator Fridericus II, privilegia à Barbarossa data innovavit, addiditque ad priora insignia crucem Auream, qualem in coronis gestant Imperatores, cum titulo Regio. Multa hujus sunt fortiter gesta. Periit in bello adversus Hungaros, interfectus ab ipsis anno 1246.

A Friderici morte successio intercidit Ducum Austriæ, invaseruntque provinciam hinc Hun-

gari, inde Bavari. Provinciales verò ad defensionem sui & Ducatus gubernationem evocant *Henricum* Misniæ Marchionem, cujus tunc celebris erat virtutis fama; vel si is recusaret, alterum ex filiis Theodoricum vel Albertum. Sed Wenceslaus Boemiæ Rex *Othocarum* filium suum, qui uxorem duxerat Margaretam Viduam Henrici VI, Imp. in possessionem illam mittit, conivente Imperatore, vel potius ob remp. disturbatam aliis rebus distento. Ita exclusi sunt Misnici. Sed quum Imperii fata Rudolphum Habsburgensem rebus præfecissent, dejectus est pulsusque Austria Othocarus, quod cum Hungaris contra Imperatorem conspirasset; ac tandem in prælio interemptus. Sublato Othocaro Rudolphus Austriam tanquam jure belli captam filio suo Alberto tradidit anno 1282. à quo deinceps fluxit Stemma Austriacorum Ducum; de quibus in Generali Descriptione ampla facta mentio est.



BOHEMIA.

Sunt.



Bohemia patrio vocabulo
Czechia, Regnum anti-
quissimum, ovali quasi
forma Hercynio Saltu
includitur. De eo Stra-
bo hoc modo scribit:

ὅδε ἐρμύνει δρυμὲς πυκνὰς ἐν
πεί, ἢ μεγαλόδενδρον ἐν
χωρίοις ἐρμυνοῖς, κύκλον
περιλαμβάνων μέγαν. ἐν μέσῳ

δὲ ἰδρύσθαι χώρα καλῶς οἰκεία δύναμένη. Hercynia, inquit,
Silva admodum densa est, habetque locis desertis proce-
ras arbores, magnumque ambitum complectitur. In ejus
vero Silva mediterranea sita est regio habitationi apta. Re-
fert idem, Suevorum partem eam regionem
coluisse, in eaque fuisse Bubiemum Marobodui
regiam, translatosque eò ab ipso Marcomannos.
Quæ quidem cum Taciti descriptione consen-
tiunt, qui tamen hoc addit, Bojemos ortos à
Gallis Boijs; verba ejus hæc sunt: Inter Hercy-
niam Sythiam, Rhenumque & Mœnum amnes, Helve-
tici, ulteriora Boji, Gallica utraque gens, tenuere. Ma-
net adhuc Bojemi nomen, significatque loci veterem me-
moriæ, quamvis mutatis cultoribus. Dixerat autem
Bojos pullos à Marcomannis. Ptolemæus regio-
nem quidem ipsam non ponit, gentem tamen
agnoscit, μέγας, inquit, ἔθνος οἱ βάριοι. Ex quibus
discimus, Germanorum olim eas sedes fuisse,
postea illas Gallis Boijs cessisse: Hos pullos fuisse
à Marcomannis. Sed & ipsi quoque Marcoman-
ni ejecti sunt à Sclavis, ducibus Zecho & Le-
cho, quorum ille hunc tractum, hic Poloniam
occupavit, durante ad nostra usque tempora
Sarmatici sermonis inter vicinas has gentes co-
gnatione. Clauditur Regio ad ortum Moravia &
Silesia, ad occasum Norici & Bavariæ parte
ea, quæ Danubio prætexitur; ad meridiem Aus-
tria, & Misnia ad Boream. Insignia ejus non quæ
nunc sunt, olim fuere. Nam cum inde ab ipsius
gentis incunabulis Aquilam nigram in Scuto al-
bo gestasset, Imperator Cæs. Fridericus Barba-
rossa eam Leone albo bicaude, diademate au-
reo caput cincto in scuto rubeo, commutavit.

Termini.

Insignia.

Cæli quali-
tas.Soli fertili-
tas.

Fodina.

Aëre puro & salubri fruitur, quanquam conti-
nuis Aquilonis flatibus paulum durior & fri-
gidior. Ipsum vero solum hordei ac tritici, lu-
puli feracissimum est: hinc optimâ cerevisiâ
regio claret, & vicinis eam ut & illa largè co-
municando, non mediocriter ditescit. Vina tamen
parcius exhibet, & austera & acidiora; quan-
quam & aliqua provenire constet, quæ saporis
satis boni sint. Crocum è contrario, succo, odo-
re & colore optimum mittit. Aromaticarum re-
rum Pharmaceuticæ inservientium ditissima re-
gio est: olei tamen, quemadmodum reliqua Ger-
mania, sterilis. Iam illa rara ac prorsus beata tel-
luris dos, quod ex venis ejus tanta ubertate ar-
gentum adfluit, ut vix credi possit. Nec auri,
stanni, cupri, plumbi, ferri, argentivivi, nec
sulphuris, aluminis, nec vitri defunt fodinæ ac
officinæ. Eruitur autem aurum ex fodinis Gilo-

Germania.

vianis & Crinensibus, eluiturque ac eliquatur
ex sabulo in aquis Tetinianis, Vatavæque amnis
volutato. Habet Bohemia marmoris, molarium-
que latomias; habet calaim, amethystum, sma-
ragdum, sapphirum & jaspidem, ex cotibus
suis metallicis abruptos; habet varias, easque
raræ elegantia, gemmas, quæ ex conchis propter
Horazdegovicium in amnis Vatavæ profluento
collectis eximuntur; habet scintillatione flam-
mam imitantes carbunculos, Granatos dictos,
qui exportatæ ex puteis Podsedicianis ac Strze-
bivlicianis saburræ glareæque permisti, crebris
percolationibus, aqua eleantur ac perpurgan-
tur. Non habet autem urfos luposve tanta in co-
pia, ac cæteræ regiones, neu serpentes scorpio-
nesve multos, nullosque dracones. Ferarum
porro, ut vulpium, cervorum, urorum seu bu-
balorum (quos Lomi sua lingua vocant,) copia
assiduam venationem præbet. De hac autem fe-
ra Lomi perhibent, quod in venatione vesicam
aqua calidissima, dum canes insequentes fugit,
impleat, eosque hac, dum potestas datur, in-
spergat, qua quicquid tactum fuerit, adurit,
non secus ac si ferventi aquæ fuisset immersum,
ut & pilos & cutem absumat.

Animalia.

Fluviorum præcipuus est Albi, suis Labe di-
ctus, qui (ut Xiphilini verbis utar) ῥέϊ ἐκ τῶν οὐραν-
δαλικῶν ὄρεων; hoc est, ex præruptis montibus in
Silesiæ confinio, quos Krkonosse vulgus, das Ries-
engebirg Germani, Latini Giganteos appellant.
Modico primum fonte erumpens, mox aliis de-
cem fontibus in eundem alveum confluentibus
(unde Germanis Elb / vel El / id est, undecim)
versus meridiem vadit, ubi absorptis Vpa, Metuge
& Wortice; ad Aquilonem vertit cursum: inde
Cydlinam, Mrlinam, Gizeram excipiens, Vulta-
væ seu Multaviæ occurrit, quo sibi conjuncto
Oegram aliosque imbibens, per saxi rupibusque
horridas valles in Misniam eluctatur. Vultava seu
Multavia, proxima Albi quoad magnitudinem &
dignitatem, ex Lunæ Sylva Passavio finitima ebul-
liens, & recepto Malcza, seu Malice Budiejovi-
cium præterlapsus, & pluribus amnibus auctus
tandem Pragæ caput gentis cursu suo dissecat,
& super Mielnicum in Albim exoneratur. Egra,
Sassana & Misa fluvii, alique complures amnes
totam ubique regionem irrigant. Thermas va-
letudinarias quamplures, ut & acidos fontes tem-
perando æstivo calori affatim natura loci suppe-
ditat. Piscinas lacuum magnitudine piscibus re-
fertissimas plurimas invenias, cum stagna fere
nulla, vel certe nullius nominis sint.

Flumina.

Notant in hac gente Authores plura vitia, Mores.
quam virtutes: Sunt enim incolæ versatilis inge-
nii & inconstantis, gloriosi, inedia, sitis, sudo-
risque ac squaloris castrensis impatientes, trucu-
lenti & rapaces, belli quam pacis avidiores, in-
quieti, seditiosi, novitatis in vestibus maxime
appetentes, & exterarum nationum simia. Hinc
illi versus: Eosdem habet cum Simia

Mores ferox Bojemia:

I

Quæ



*Quæ facta viderit, facit,
Cultusque priscos abjicit.*

Sunt enim domi nascentium fastidiosi contemptores, & peregrinarum tantummodo rerum æstimatores. Fortunæ cum adversæ tum secundæ habere socios quamplurimos gestiunt; Disciplinæ severioris impatientes; dum hilari sunt, tractabiles; dum mœrent, stomachantes; indignabundi cum esuriunt; non tam ingenio judicioque quam industria destituti; in inimicitiis deponendis & fuscipiendis tardi, bello primum quasi indociles, ubi tamen illi assueverunt, perquam habiles & impavidi. Sunt tamen magnanimi, hospitales, fortes, &, ut Poëta quidam canit,

Servant sua pacta Bohemi.

Diviso.

Veterum in plurimas partes Bohemiæ distinctionem relinquentes, videbimus ut hodiernis temporibus unaquæque ejus provincia discreta sit. Carolus IV, ejus nominis Imperator, divisit eam in quindecim provincias seu Districtus, ut nunc vocant; hæc publicè approbata hucusque obtinet. Sunt autem,

- | | |
|------------------|------------------------|
| 1 Pragensis | 9 Prachenfis |
| 2 Kaurzimensis | 10 Piltznensis |
| 3 Hradecensis | 11 Racoumicensis |
| 4 Chrudimensis | 12 Slanensis |
| 5 Czaaslaviensis | 13 Zatecensis. |
| 6 Bechynensis | 14 Litomierzicensis, & |
| 7 Vultaviensis | 15 Boleslaviensis. |
| 8 Podbrdcensis | |

His nihilominus superadditi ante Caroli ætatem fuerunt, peculiariibus viventes institutis, ab ortu Comitatus Glacensis, ab occasu Territorium Hebanum seu Oegranum & Loctense, seu Cubitanum.

*Districtus
Pragensis.
Praga.*

Ex Pragensi districtu sola nobis Praga memorabitur, quæ, Urbium clarissima, est regni caput, in ipso veluti umbilico posita, sedes & patria multorum Regum, Ducum & Imperatorum. Condita fertur à Libussa celebri tunc temporis mantissa & Bohemiæ regina. Tanta est amplitudine, ut in tres civitates distinguatur, nominibus discretas, vocant enim *Veterem*, *Novam* & *Parvam*, quarum illæ duæ sitæ sunt ad dexteram, hæc ad levam amnis ripam. Pragam Veterem cum parva jungit pons quadrato saxo exstructus, inque sedecim arcus porrectus, habens utrimque in aditu insignes turres. Vetus in valle sita est. Nova à Veteri olim distincta fuit fossa & muris: postea muris partim collapsis vetustate, partim dirutis, fossaque oppleta, cessit ager in hortos & arva. Varios casus experta est. Anno 930 circumfedit eam Henricus Auceps, & in illas angustias adegit, ut Dux Cæsari se dedere, ac tributum pendere coactus sit. Iterum capta est à Ioanne Lucelburgio anno 1316. Sed in extremas angustias redacta est bello Hussitico, quo præter alia immanis crudelitatis exempla, factiosi Curiam irrumpentes, Senatores septem primarios de fenestris præcipientes in confertam multitudinem projecerunt, quos illa hastis exceptos misere interemit. Ea res ita Wenceslai regis animum consternavit, ut apoplexia correptus sit, ac non multo post extremum diem clausit. Wenceslao successurus Sigismundus Pragam obsedit: qui, cum ipsi cives repugnarent, occupata arce, ab

Archiepiscopo coronam regni accepit anno 1420, abiitque in Hungariam: unde post tumultum Ziscæ pacatis rebus regressus est, ut narrat Æneas Sylvius. Cæterum sub Carolo V, quum is adversus Iohannem Fredericum Saxoniam Ducem proscriptum arma sumisset, Pragenses à Rege suo Ferdinando abalienati, de Caspare Pflugio in regem adsciscendo consilia agitaverunt, missisque ad Saxonem legatis auxilia ipsi adversus hostes suos polliciti sunt. Victo Saxone perstiterunt Bohemi in suo adversus Ferdinandum odio. At is auxiliis fratris adjutus, ex arce, quæ semper in fide manserat, directis in subiectam urbem tormentis, facile ad deditionem cives coëgit. Ex eo sub Maximiliano, Rudolpho, Matthia Imperatoribus tranquilla civitas opibus ac potentia floruit, usque dum defuncto Matthia, ob electum & coronatum Bohemiæ regem Fredericum Comitem Palatinum, grave bellum inter Ferdinandum Austriacum & Bohemos exarsit, in quo suppetias Austriacis ferente Saxone & Bavaro, admotoque ad urbem exercitu, post cæsas Palatini copias, capta fuit urbs deditione subita, fugato Palatino, imperium delatum Ferdinando Imperatori. Temporibus vero belli Suecici à Saxone primum capta, dein à Wallensteinio recuperata est. Postea Coningsmarkius Novam urbem, & in ea palatium per proditionem intercepit, diripuit, & misere destruxit.

Pragà ad ortum tendentibus primus se offert districtus Curimensis, vel potius Cauzimarus, *Districtus Kaurzimensis.* ab omnium hujus regionis vetustissima urbe Caurzima sic cognominatus. A vulgo vocatur Kaurzimsko. Limes ejus ab occidente est Vultava, & ab eo cognominatus districtus; à Septentrione Albis, ab Oriente districtus Czaaslaviensis; ab Austro districtus Bechynensis. Sunt in eo liberæ regni urbes Caurzima, Colina, & Broda cognomento Bojemica. Oppida quæ cum omni vicino agro in Regis patrimonio censentur, sunt, Gilovia cum aurifodinis, Brandeisum sive Brundusium, cum arce Albi imminente, Costelecium ad Albim, loco à natura communito, Schelacovica, Sadscaque. Nobilitatis autem ditione continentur cum agro suo, Libna, Neczanum, Chwaterubæ, Clorinum, Przerovum, Clucorum, Caunica, Cerhenica, Zafuuky, Colodegæ, Aurxinovesium, Ratagæ, Sternberga, Costelecium in edito colle supra silvam quæ Nigra vocatur, Pyseli, Hradecum seu castellum ad Sazavam, Lissno, arces partim solæ, partim cum oppidis, & Domassinum Benešovumque oppida: Cœnobium hic unum est, Abbatia clarum, monachorum ordinis Benedictini, quod ad D. Procopii supra Sazavam vulgo vocatur, Brzetislai II Ducis opus: Sacra in eo, inde à principio, Slavica, non Latina, vel nulla peregrina lingua peragi erant solita. Tractus hic silvis abundat, ex quibus recisæ arbores Scaindo, Sazara Vultavaq; Pragam, & ultra in cæteram Vultavæ Albique adjacentem viciniam subvehuntur. Est hic silva per quam Praga Brodam euntibus iter habere est necessum, & quæ Fridolet vocatur, latrocinii eo usque infamis, ut cum locum furibus obnoxium notare volunt Bohemi proverbio, *Gest tuco na Fidrolcy*, dicere soleant.

Caput

Caput hujus circuli urbs Kauzima est; antiquissima totius Bohemiae, quinque mill. Praga distans, inter Brodam Bohemiae & Ianowitz; à Lecho Chechi structam esse ferunt, & à voce kaurziti, Latinis fumare, nomen accepisse.

Intra duos à Cuurzina lapides abest urbs Colina, quæ à quibusdam Colonia Bohemica dicitur. Aedificavit eam veteres ad sinistram Albi latus, nomenque ei à sudibus, quæ Koli vocantur, indidisse videntur. Propterea autem quod à magna Iudæorum multitudine habitaretur Colina urbs, à plerisque per ludibrium Iudæorum nidus appellatur.

Ab hac occasum versus tertio, à Praga vero quarto lapide diremta, subortoque anno 1627 per imprudentiam incendio, flammis tota cum tribus templi turribus, cumque Curia prorsus absumpta stat in plano Broda cognomento Bohemica. Cinxit eam muro Ernestus Archiepiscopus primus; cæteris urbibus regiis, diplomate singulari eam in rem dato, accensit Rex & Imperator Sigismundus, Anno 1437.

*Distriktus
Hradecensis.*

Digressi ex Caurzimenfi districtu ad Ortum hybernium, veniamus in peramplam situque admodum amœnam provinciam seu districtum Hradecensem, qui vulgo Hradecsko & Koningracensis, ab primaria similiter istic urbe Hradecio Regina cognomento est sortitus. Circumscribitur autem is ab Occidente districtu Boleslavienfi, ab Aquilone montibus Krkonossis & silvis ad Silesiam pertinentibus, ab Ortu Comitatu Cladiscano Moraviaeque plaga Septentrionali, ab Austro denique districtu Chrudimensi. Sitæ in eo sunt liberæ urbes, Hradecium, Iaromierza, Bydzovum, Trontnovum ad Vpam, & Dwurum seu Curia, quæ Reginarum Bohemiarum sunt dotales. De Regis patrimonio sunt Podiebradae arx & oppidum cum omni suo agro, vivario, multa silva ac piscinis. Has inter maxima per integrum ferè milliæ quaquaversum diffunditur, & Blato dicitur, Albi oppidum id à parte occidua alluit. In Nobilitatis bonis censentur eis Cydlinum Dymocuræ, Copydlenum, Velissus, Chlumecium; ultra Cydlinam vero Gítmiczinum, quod à Fridlandiæ Duce dilatatum & mirifice exornatum, Cumburgum, Cylomnice, Schatzierzum; Adrspachum, Peczka, Cošta, Smirzica, Nachodum, Novo Hradistium, Opocznum, Boruhradeca, arces, partim solæ, partim cum oppidis: Oppida denique, Tyncium, Zizelicium, Bodaneczium, Horzica, Wrchlabium à vicinis Albi scatebris vocatum, Hostinnæum, Police, Dobrusca, Trzebochovicium, Solnice, Rychnovum, Costelcium, & Vsta seu Ostia, sub Aquilæ fonte, & si qua sunt alia.

Opulenta hic quoque est Abbatia & Cœnobium monachorum ordinis S. Benedictini ab Abbate Brzecnovienfi Paulo Bavaro ad limitem Silesicum, Iohannis regis ævo fundatum, & Volfram cujusdam nobilis patrimonio dotatum, cui Braumovio est nomen.

Hradecium Vrbs in hoc districtu primaria ad Albi & Vorlices, Aquilæ Latine, confluentem loco editiore ac perquam amœno, à Dobroslao illustri quodam Dynasta condita esse perhibetur anno 782. Vrbs est satis elegans ac populosa, Germanica.

à Praga & Cutna Pilsnaque dignitate proxima. Nomen traxit à muniendo, quod Bohemi, nostri Hraditi dicunt. Vocatur vero Hradecium Regina, tum quia Reginarum Bohemiarum est dotalis, tum ut ab alio Hradecio, quod Henrici vocamus, discernatur. Destinata ac in usum fructum olim fuit data, anno 1055 à Brzetislao I, filiorum natu minimo Iaromiro, jam tum Episcopo Pragenfi à Duce patre designato, à Vladislao vero I Duce, Sobieslao fratri, anno 1115. Sed posteriore tempore Reginio Bohemiarum dotis titulo attributa, nunquam inter urbes dotales connumerari, ac primaria esse desiit. Arx in ea fuit latere cocto non ineleganter ædificata, quam incendio aliquanto prius deformatam, oppidani ipsi tumultu excitato, diruerunt, ita ut ad hoc usque tempus nitore pristino nequeat restitui; & nisi Iudicum singulari tribunali, de quo suo loco erit dicendum, nobilitaretur, jam dudum vastata desertaque in rudibus jaceret. Schola in hac semper frequens fuit, liberaliumque artium studiis celebris, templa similiter multa inprimisque primarium, quod Spiritui S. consecratum, & Archidecanatu insigne est. Inter alia commendantur à bonitate pressi in hac vicinia versicolores caseoli. Sunt præterea, Iaromierza in loco ubi Alpīs Vpam haurit, sive à Iaromiro Principe, sive ab eo quod Xaromierziti (ver metiri) dicimus; Bydzovum similiter à Bydo conditore; Trutnovum vel potius Trudnovum, ab eo quod trudno agrimoniam vel τὸ μωχθηρὸν notat; Dwurum denique, hoc est curia, à conventibus quos Regina olim istic cum suis agitare consueverunt, cognominatae regni urbes liberæ. Distant illæ à Hradecio, Iaromierza secundo, Bydzovum, ut & Dwurum tertio; Trudnovum fere sexto lapide, seu milliari.

Sequitur districtus Chrudimensis, quem Hradecensis provincia à Borea attingit, quique Orientali ac australi suo limite Moraviæ respicit; Occidentali vero districtum Czaaslaviensem, vulgo Chrudimsko dicitur à Chrudima urbe. Sunt in eo liberæ eademque Bohemiarum reginarum dotales urbes, Chrudima, Paumberga vitiferis collibus decora, Altamya, & Policzka.

In patrimonio Regis hic sunt, situm in monte, subjectamque quaquaversum planitiem ex alto despectans propugnaculum Kuneticska hora sive Cunaci-Mons, itemque Pardubiciæ arx ad Albim cum splendido egregieque munito oppido, ita ut Bohemis in proverbio sit: *Splendet instar Pardubicii*. Ditio est cum ob saltuum venatu aucupioque, tum ob piscinarum, quæ quadringenta præter propter numerantur, piscationi opulentæ juxta & voluptuosæ, accommodatissimarum, Rege haudquaquam indigna. Regiæ etiam huic ditioni paret Przelaucium oppidum ad Albim. A nobilitate tenentur arces Miestecium-Hermani, Chraftum, Cholticium, Chraustovicium, Cofsumberga, Rychnuburga, Chocena, Brandeisum ad Vorlicem, Novo-Hradæ, Cruceburga, Raubovicæ, Bystrus, Zumberga, Rosycæ, Worle, Aurzeczica, Svogellica, Morassica, Dobrzicovum, Zamrscus, Auherseum, Geleninum, Przebora, Landescorona, & quæ Episcopatu quondam fuit celebris, civitas etiamnum arxque non obscura

*Distriktus
Chrudimensis.*

Litomyslæa. Vitri officinæ hic quoque sunt ad Heralecium & Wrzistum. Tractus præterea hic, ut & Hradecensis totus, equorum fœtura cæteris anteit.

*Distriktus
Czaslaviensis.*

Ad occasum attingit Chrudimensis hanc provinciam distriktus Czaslaviensis, cujus fines obvertuntur à Septentrione distriktui Hradecensi, ab Austro Bechynensi ac Moraviæ parti, ab occasu provinciæ Caurzimenfi. Bojemica lingua Czallawsko vocatur ab urbe Czaslavia. Regias hic & liberas urbes habemus Cutnam five montes Cutnæos & Czaslaviam.

Cutna est urbs metallica, in qua ex repertis, Wenceslai II Regis ævo, fodinis, argentum, cuprumque præstantissimum permultis jam hominum ætatibus, ad hæc usque tempora magna copia eruitur, ita ut montis istius tricollis viscera, nunquam intermissis fossorum operis, noctes atque dies urgeantur. Vrbs Cutna est ab oneribus publicis immunis, & jam inde ab Iohannis regis temporibus anno 1338, percusso arctiori, ac ei quod Rhodios inter & Athenienses, olim viguit simili quodam fœdere, cum majori Praga in unam quasi civitatem coit, ut nempe qui civis esset Pragensis, idem jus haberet civitatis Cutnensis, & qui esset civis Cutnensis, gauderet etiam jure & civitate Pragensi. Emendis vendendis hæreditariis seu allodialibus in regno fundis, possessionibus, ac solo cohærentibus id genus bonis, parem cum nobilitate impetravit anno 1501 à Vladislao, & anno 1541 Ferdinando I. Regibus libertatem, nec urbium cæterarum more de tabulis regni inferendo contractu, Regis assensum specialem, aut qui de eo referant, Internuntios ex Nobilitate procurare habet necesse. Mercatores Cutnenses à vectigali Francofurti ad Moenum solvendo, prorsus immunes esse iussit anno 1359 Imp. Cæs. Carolus IV. dato ad Aquas Granenses diplomate, pari jure ut Pragenses, Wratislavienses, & Sultsbachienses. Vno ab ea, sed prægrandi, lapide distat Czaslavia, urbs amœna planoque loco à Raslavo conditore, viro quodam opulento, magnæque apud Wnyllaum principem autoritatis, cognomen tu sortita, anno 796. Ut autem principio adversus inopinatas Moravorum irruptiones fuit ædificata, ita posterioribus temporibus, quoties ex ea plaga furor militaris sævit, prima fere semper infesta vidit hostis signa.

Quinto ab urbe hac lapide ad Austrum euntibus occurrit non ignobile oppidum Brodu Teutonice dictum, à prædonibus Germanis ad sinistram Sazavæ amnis ripam, loco edito anno 793 olim fundatum, paulatimque amplificatum. Id neque libera urbs est, nec in Regis, nec in ullius ex Nobilitate patrimonio. Et quamvis angustis in rebus, sicut quondam ex Maximiliani Regis liberalitate ad Comitum Turrensium; ita postea ex contractu recentiore anno 1561, ad Trezkæ stirpis Baronum patrocinium confugere, illiusque eo nomine temporarium, five honorarium quoddam pecuniæ vectigal, quasi ex tutelari jure pendere singulis annis soleat; sui nihilominus est juris, & multis gaudet immunitatibus. In Regis patrimonio nihil his locis præter argentifodinas jam dictas fuit, priusquam

ditio Moleffoviana ab Rudolpho Rege esset comparata, Anno 1586. Sub nobilitate sunt Novo-Dwory, Zelusica, Ronovum, Lichtemberga seu Lichnicium, Krchlebæ, Czeſtrinum, Zbraſtavicæ, Wylimovum, Genicorum, Crzivusoudorum, Lipxicum, Humpolecium, Polna, arces cum agris, quædam etiam cum oppidis suis, Malinum fossorum Cutnensium petulantia olim vastatum, Ledecium, Habrum, Chotieborzum, Przibistarum oppida. Est præterea in hoc distriktu ordinis Cisterciensis monachorum cœnobium, qui sub Abbate vivunt. Conditum & Sedlicense, ex Ephippio cognominatum id esse perhibetur ab Episcopo Pragensi Daniele, stirpe Barone de Lippa, anno 1149. Et quia Cutnæ urbi nimis est vicinum, persæpe cum ea de finibus ac jurisdictione solent contendere.

Distriktum Czaslaviensem excipit Bechynensis, insignis sane terræ tractus, à Bechyna propugnaculo, nomen adeptus, qui ab ortu æstivo distriktum Czaslaviensem, ab hyberno Moravos, à meridie Austriam, ab occasu distriktum Pragensem, à Borea partim Vultaviensem, partim Caurzimensem attingit: Lingua Bohemica Bechynsko vocamus. Vrbes in eo liberæ sunt, Budiegovicium, Taborum, Peldtzmorum, Tyna ad Muldam.

*Distriktus
Bechynensis.*

Budiegovicium, vel potius Budiegovicæ, quam Germani corrupte *Budweis* vocant, est urbs non solum splendida, sed & probe communita, ad dextram Vultavæ amnis, loco oportuno ædificata. Est vero non admodum vetus, ut quæ demum post Przemyſli Othcari II, Regis temporibus, propter cœnobium, quod eo loco à S. Dominico cognominatis sodalibus, idem Rex erexit, constructi cœpit; neque dum trecentos quinquaginta annos stetit. Magnis donata est privilegiis, & inter alia habet jus stapulæ, quo salis ex Austria Bavariaque vectores in ipsorum civitatem divertere, salque venum proponere tenentur, & non nisi depenso prius certo vectigali ultra progredi permittuntur.

Taborum, five, ut cives ejus scriptitant Hradistie Hory Tabor, hoc est, Castrum montis Tabor, ab Hussi discipulis, quinto post supplicium Doctores sui anno, fundatum, cum ii primo, in abditis silvarum montiumque recessibus, exædificatis ligneis ædiculis, agitant. Tabor Bohemis est id quod Latinis castra, Taborzi idem, quod homines castrenses. Urbem hanc libertate donavit, post res suas in regno confirmatas Imp. Sigismundus, privilegiisque abundè exornavit, & inter urbes Regias connumerari iussit. A cuius morte cum Albertum generum regem ea habere anno 1438 recusaret, & procures regni, qui Casimiro Polono regni coronam imponere contendebant, inter muros cum Polonis præsidioque cætero accepisset, gravem ab eodem Alberto, ejusque affectatoribus obsidionem, per dies fere quadraginta perpeſſa, fortiter sustinuit, ac tricies mille bellatorum assultus frustra neos fecit, nec arma priusquam Albertus in vivis esse desiisset, deposuit. Rudolphi II, Regis anno ultimo, à Passavicis, ut vocabantur, militibus, stratagemate occupata anno Christi 1611, grandi in periculo fuit. Nuper anno 1621, similiter

liter cum datam Frederico Palatino fidem, contra Ferdin. II, Imp. pertinaciter observaret, ab ejus copiis duce Balthasare de Charradas est cincta, quarum impressiones à 21 Maij, usque ad 8 Novembris viriliter retudit, & non nisi necessarium penuria ad deditionem compelli potuit. Imminet ipsi Pintorca saltus haud inamœnus, itemque piscina ingens Iordanis cognominata, quæ vasto permagnæque altitudinis ac crassitie aggere coerchetur: quem si quando diruperit, inundatione vulgo creditur Pragæ Veteri aliisque, ad Vultavam & Albim depressionibus locos, prægrande damnum allaturum. Luznice flexuosus & aurifer amnis, ab occidua, alius vero quidam, ex supra memorata piscina, ignoto nomine evolutus, ab Australi eum parte lambit. Peldrimorum sive Pelhtziniorum, urbs est opibus cum quavis urbe regia comparanda, sed quia à literarum liberalium studiis hætenus fere abhorruit, eapropter nec de ejus origine, nec de ullis rebus memorabilibus, quicquam potuimus observare. Archiepiscopos Pragenfes, dominos quondam agnoscebat. Nomen accepit ab Episcopo Peregrino, quem Bojemum vulgus Pelhrzmi vocabat. Reliqua inter Regias urbes hic est Tyna, urbecula necdum ex veteribus favillis, ut oportuit recreata, nec ita pridem inter Vrbes regias cooptata; Vocatur autem Tyna, à voce tyniti, quod est sepire, quasi sepimentum, vel septum, dicas, & Tyna ad Muldam seu Vultavam, ut ne cum Tyna Horfii confundatur. Vultava abundat hoc loco salmone pisce nobili, qui opulentioribus solet in deliciis esse. Fisci bona seu regum patrimonialia, sunt Budiegovicio vicinæ argentifodinæ Rudolphstadianæ. Quæ vero procerum nobilitatisque ditioni subsunt arces, oppida, vici & permulti sunt & nitidi, & complures bene muniti. In his principes sunt Henrici-Hradecium, Trzebona, Bechynia, arces cum oppidis adversus vim hostilem non vulgariter munitæ.

Henrici-Hradecium, alias Nova-Domus, seu castellum, mea opinione, ab Henrico quodam gente Vitcoveri cognomentum traxit. Ad nostram enim usque ætatem hanc, gentis ejus proceres qui Rosam auream pro insigni gerebant, & de nova-domo vocabantur, dominos ea agnoscebat. Est urbs satis ampla, splendideque ædificata, & digna quæ libertatem pleniorē, locumque inter urbes regias aliquando inveniat. Erexerit in ea Patribus Societatis Iesu, collegium luculentum loci dominus Adamus de Nova-Domo, Baro inclytæ ejus stirpis penultimus.

Trzebona propugnaculum est perquam validum, in planitie inter paludes situm, Petri Woci, ex inclita pervetustaque procerum Rosenfium stirpe ultimi, industria ac magnificentia, cum aliis decoribus, tum imprimis bibliotheca ac armamentario exornatum. Nominis ejus origo videtur esse sumpta ex voce Trzeba, quod Latini dicunt voce aptata opus, quasi quis dicat loco istoc sibi fore opus. Germani *Wittigenau* vocant. Pro porta ejus restagnat Swiet (quod est si interpreteris, mundus) prægrandis piscina, in qua ædicula stat pervetus, D. Ægidio consecrata.

Bechynia similiter est arx egregia, loco opportuno & à natura munito, à primis Regni incolis Bojemis, in ardua rupe ædificata, cui oppidum subjacet jam olim in hoc tractu non ignobile. Minoris vero notæ, pleræque tamen non incelebres nobilitatis arces, castellaque, partim sola, partim cum oppidis hic sunt: Sobeslavia, Neusteipovia, Horzepnicum, Lautcovia, Zelivum, Paczovia, Gistebrićium, Chaušnice, Nova-Byst-Zicia, Lislovia, Landtsteina, Novo-Hradium, Rosenberga, Rzeczeice, tum qua Rubra, tum qua Cardassii vocatur, Cercquicie, altera nova, altera (ut & Camenicia) Lescovecii cognominata, Prezatscy, Czernovicium, Wesselim, Lomnicia, Svinæ, Benessovia cum Officinis vitriariis, Caplice, & quædam alia. Cœnobium monachorum tria in hoc tractu sunt, Vadam altum, Ordini Cisterciensi à Zavissio Rosenbergio dynasta erectum, ejusque familiæ monumentis insigne: Bechynensē pro Franciscanis à Zdislao Sternbergio fundatum, & Mileuscanum, monachis, qui Præmonstratenses vocantur, à Babona quodam Comite exstructum. Totus autem hic districtus bello paullo ante Matthiæ regis obitum accenso Anno 1618, ferro ignique misere fuit vastatus, incolæ pars trucidati, pars dissipati, ita ut ad hoc usque tempus multa calamitatis istius vestigia in oculos incurrant.

Bechynensi districtui seu provinciæ adhæret tractus omnium minimus, qui à Vultavo fluvio, Vultaviensis cognominatur. Vulgus *Wltawsko* vocat. Est autem is figura oblonga, ad Septentriones quasi fastigiata, cui ab Ortu & Borea, adjacet districtus Caurzimanus, à meridie triangulata quædam districtus Bechynensis portio, ab occasu partim Prachenfis, partim Podbršcensis Provincia. Nullæ in eo sunt urbes liberæ, nullum regis vel fiscī patrimonium, nullum Cœnobium. Sedlezana, sive ut quidam scribunt, Sedessa, habentur hic pro oppido primario, quod tamen nobilitatis ditione tenetur, ut & Conopistæ, Tloscovium, Osiecznum, Merula mons, Obdennicum, castella & arces, itemque Novoclovum, quod proverbio apud Bohemos fecit locum, ut cum ingratis quid agere aliquando volunt significare, soleant dicere, *Nechoje ezortu do Neweklowa*, quod fere est, averfatur Diabolus Neveclovum.

Ex hoc districtu in alium haud paulo ampliorē transitur, qui Podbršcensis nuncupatur, à licio forte, quod Brdo appellant, quasi sublicianum dicas. Vulgo Podbršsko solet nominari. Fines ejus attingunt ab Ortu æstivo Caurzimenfem, ab hyberno Vultaviensem, à Meridie Prachenfem, ab Occasu Pilznensem, à Septentrione partim Racounicensem, partim vero Slanenfem districtum. Regia seu libera urbs in eo est unica Beraura, ad dextrum Misæ amnis latus exstructa, quæ quia in eam persæpe Vulcanus defævit, non admodum splendide reædificari potuit, sed nec prorsus est invenusta: Tercio à Praga abest lapide. Teritur ejus via assidue à viatoribus in Imperii Germanici regiones, ex Vngaria, Polonia, Silesia ac Moravia, per Bojemæ Regnum iter facientibus. Quoties hostis aliquis

*Districtus
Vultaviensis.*

*Districtus
Podbršcensis.*

aliquis à meridie vel occasu Pragæ armis tentavit, nunquam periculo urbs hæc caruit. Sic memoria nostra Passavicus miles eam An. 1611 expilavit, sic Ferdinandicus nunc nuper An. 1620. & 1632, acerbè vexavit. Vno ab ea lapide abest clarissima à conditore Cæsare Carolo Anno 1348 Carolo steina cognominata, & superiore seculo inexpugnabilis iudicata; nostra vero hac sagacissimæ solertiæ ætate ob circumstantes montes, bello parum utilis æstimata arx & propugnaculum: servabantur in ea hætenus singulari ac accurata diligentia Regni corona, privilegia, & *κρημνία* quæque Reip. præstantissima. Ager vicinus cum castellis aliquot pagisque & villis circumjacentibus, est in ejus ditione, cujus in colæ singularibus gaudent immunitatibus, quorum munus est custodiis perpetuis, pro arce excubare. Redituum ordinariorum, luculentorum sane, Burggravius est usufructuarius. Agnoscit quoque arcis hujus dominium pervetustum, & cum aliarum provinciarum principum sede, tum imprimis Lidmiliæ martyrio olim illustre castellum ac oppidum Tetinum, à Tetka Libuffæ sorore & conditum & denominatum, in cujus aqua præterfluente statimque in Misam illabente, auri ramenta reperiri consueverunt. Regis ac fisci patrimonium per amplum hic est eximium; Cors regia Tocznicum, Zebracum cum oppido; Zbirolium, Dobrzissium, cum villis, silvis, agroque omni, & Cninenfibus aurifodinis: sunt Cœnobita, Zbraslavianum (Latinis Aula Regia) Cisterciensibus monachis anno 1297, à Venceslao Rege II, ad Vultavæ Misæque confluentem amœnissimo loco exstructum: S. Iuani seu Iohannis in petra vel spelunca, à Borzivogio I, Duce Anno 909 conditum, & aliquanto post monachis, sub Abbate, Benedicti regulam observantibus traditum, quod, ad sepulchrum S. Ivani eremitæ, peregrinatione anniversaria 9 & 8. Calend. Iunias, à maxima hominum multitudine, religionis ergo solet frequentari. S. Dobrotivæ, hoc est, Benignæ, monachis Augustinianis ab Ulrico Hasenburgo Anno 1262, ædificatum. In Nobilitatis fundo bonisque, sunt Horzovicium, Lochoviciumque arces cum oppidis Nyzburgum, Comaroriumque castella cum ferri fodinis, Mnissicum & Myta oppidula, & quædam notæ obscurioris alia.

*Distriktus
Prachensis.*

Distriktus Prachensis à vetusta, & jam in ruderibus jacente arce Prachno, nuncupatus, confines habet ab Ortù Vultaviensem & Bechenensem distriktus, ab Austro Austriam Superiorem, ab occasu diœcesin Passaviensem & Provinciam Pilznensem, ab Aquilone distriktum Podbrdscensem: Per amplum quoque hic terræ tractus est, & nisi bello miserabiliter fuisset vastatus, cum populosus, tum opulentus. Vulgus Prachensko appellat. Liberæ hic ac Regiæ urbes sunt Piseca, Suffice, Vodnana & Prachaticium. Piseca est urbs in dextro Vataavæ amnis latere infra Blanices confluentem, à primis auriferorum ramentorum seu arenæ istis in locis in Vataavæ amne repertoribus, condita, & Pisce quod arenam sonat vocata. Ii namque cum experimento didicissent magnum se, si eluendo è glarea auro invigilarint, operæ pretium facturos, conjun-

ctis studiis Vrbi isti principia dederunt, quæ pedetentim est aucta, & munita, & populi multitudine impleta fuit. Excoluerunt ejus pomœria & agrum posterius, ita ut, & domi necessaria affatim, & foris congruam ordini suo auctoritatem haberet.

Suffice sive Suticium, Vrbs hujus tractus secunda, ex vico quodam parvulo ab auri ex glarea purgatoribus, qui ab hominum vulgo Ryzovonicy vocantur, jam olim urbis celebritatem accepit. Cum enim ii, divitem auri ramentorum copiam, inde ab ipsis, Vataavæ vicini amnis, scatebris, in aquis volutari animadvertissent, laribus figendis locum hunc, jam ante nonnullis ab hominibus habitatum, accomodum esse judicarunt. Metallicas igitur operas suas in amne, fabriles vero in sicco, ea industria urserunt, ut brevi & res eorum familiaris, & Urbis inchoatæ, incrementa haudquaquam contemnenda sumpserit. Probavit hæc studia Renata Princeps, surgentemque metallicam hanc urbem, libertate cum aliis pari gaudere voluit. Nomen ei ex voce Bohemica Suffiti, hoc est à ficcando, est datum, quasi ficcatorium dicas. Ramenta enim ista recens ex aquis educta, crebrisque ablutionibus madentia, ad solem ficare hic oportuit. Sexto ab ea lapide dirimitur, contraria ex causa nomen sortita, Vrbs libera Wodnany, locum in quo aqua redundat, usitate notat. Ideoque Wodnary, Latine loquentibus non inepte fortasse possent Aquilegia dici. Germani corruptè ut pleraque omnia, Budnam vocant. Vrbs est ad Blanicen amnem, mediocriter munita, per vetus illa quoque, sed cujus conditæ, nec tempus, nec authores à quoquam hætenus sunt proditi. Verisimile tamen & ex nominis notatione probabile est, eodem, quo Sufficem avo exstructam fuisse. Pruchaticium locum & nomen interurbes regias nuper sortita, urbs limiti Bavarico vicina.

Imminet ei mons ex ipso cacumine fontem aquæ dulcis effundens; Libichonius ab incolis vocatur à latere dextro, Blanice amnis à sinistro. In regio patrimonio, procurante Rudolpho rege, esse hic cœpit, Rosebergicæ Domus proceribus, longa prius serie possessa, per ampla ac perquam locuples ditio Crumloviana, in cujus territorio visitur, re pariter & nomine oblectabile viridarium, ac spatiosa tempe, à Wilhelmo ejus nominis ultimo dynasta Rosenfi, figura quadrilatera ædificata, toparioque splendido eleganter exornata, Kratochwil Bojemis dicitur. Est autem Crumlovia arx pariter & oppidum nitidum, probe communitum, in sinistra Vultavæ ripa, opportuno fruticetisque & pratis læto loco constructum: certum est id, ut & permultas in hac ora arces alias, à Vitionis cujusdam inter procures viri potentis, & multorum filiorum patris posteritate ante annos plus minus sexcentos esse ædificatum, & voce ut ajunt, à saltus curvatura defumpta, vel ab eo quod vulgo Kry id est glaciei tabulas & militi commolare dicimus, quasi Krumlovo nuncupatum. Collegium Iesuitis in eo erexit idem Wilhelmus Rosenbergius. Iter ad hoc oppidum Bavaria, per Lunæ silvam à Passavicis militibus ante prætentatum, & posteritati Bohemicæ forsitan periculosum, bello

Bohe-

Bohemico nuper apertum ac via nova appellatum. Ejus beneficio Casariani, quasi ex improvise, & Crumloviam occuparunt, & Comitem Mansfeldium ad Zublatium opprefferunt, & speratam Bohemis Budieguricii expugnationem eluserunt. Sunt hic non uno loco argentifodinae, ad montem videlicet Reichensteinianum, Hradecae, Nalzioviae, & imprimis Przibramae.

Vicinum Crumloviae est monasterium ac abbatia S. Coronae spineae, Cisterciensis instituti monachis, ab Ottocaro rege, aliquanto antequam commissa adversus Rudolphum Imperatorem infelici pugna occubisset, à fundamentis anno 1263 excitatum, & mox à victoribus Casarianis flammis absumptum. Est & alterum, à S. Corona sexto lapide diremptum, sive Coenobium, sive castellum cum oppido Equitum D. Iohannis Melitenfium, vestem alba cruce insignem gestantium, Prioratu magno, sive supremo nobile, à pica ave garrula Strakonice cognominatum, cujus Prior supremus, quoties ex indigenis optabatur, inter regni Ordines semper fuit praecipua dignatione.

Nobilitatis opes luculentae sunt in hac provincia. Arces enim, oppida, castella, praediaque optima ab ea possidentur, qualia sunt Orticum, Zwicovia, Hluboca, tria ad sinistram Vultavae ripam propugnacula, quorum virtus bello nupero praecipue enituit. Ante Carolosteinam conditam, Zwicoviae, regni coronam, ceterumque ornatum servari solitum ferunt, in qua Ferdinando Imperatori ad obsequium compellenda, à Lazanscio Tribuno an. 1621 operose ac diu sudatum fuit. Situs ejus est ad Vultavam & Varavam confluentes. His adde Brzeznicen, Lnarzium, Sedlecium, Horazdiegoviciam, Strzelam, Rzepinum, Carolibergam, Vimbergam, Helfenburgum, Vitcovum, arces ac castella, quaedam sola, quaedam cum oppidis vel vicis. Mirovicium, Miroticium, Baltnam, Volinam, Bavorovum, Netolicium, & alia gentium minorum oppida non pauca, quorum origines, & pagorum, collum, nemorum, rivorum cognominationes, etsi magnam partem non sint ignota, iis tamen describendis Lectori molesti esse nolumus.

*Districus
Pilznensis.*

Pilznensis provincia, districtus nobilitatis, populi, rerumque omnium copia praecipuis nihilo inferior, praestantium vero ac scite compactorum caseorum bonitate, ceteris omnibus commendatior est. Vulgus Plzensko, & incolas Plzaky, vocat, à durissima urbe regia quae à limacibus, eo loco, tum cum urbs anno 775 condi inciperet, maximo numero repertis, Plzen sive Pilsna dicitur. Fines ejus pertingunt versus Ortum ad districtum Podbrdscensem, Prackensemque, versus meridiem ad oram Bavariae, versus occasum ad Palatinatum superiorem seu Nortgoviam & oram Oegranam, versus Boream vero ad districtum Lucensem, & Racounicensem. Urbes in eo regiae sunt Pilsna, ut diximus, Glatovia, Strzibro, seu Miza. Domazlizium, Rokyssana. Pilsna, est urbs celeberrima, tuto à natura loco, inter Mizam, & Bordaucam aquis auctum Cadburzen amnes, splendide admodum aedificata, & probe communita. Vhlava quartus in hoc tractu amnis, paulo infra eam Mizae com-

Germania.

miscetur. In magna Vrbs haec fuit gratia apud Venceslaum & Iohannem Reges, apud Sigismundum, & Ferdinandum utrumque Caesares, qui eam & privilegiis & opibus exornarunt. Zisciano bello, minas insultusque Hussitarum anno 1421, & 1433 bis irrisit & fortiter contempsit. Anno 1618 Ernestus Mansfeldius Ordinum Bohemiae nomine urbem binis locis adortus, vi cepit, & multis defendentium civium caedibus replevit.

Defensa autem fuit à Mansfeldicis viriliter adversus Casarianos, ab eo die Pilsna, etiam post cladem Pragensensem, tantisper usque dum anno 1621 in eorum manus deditione venit. Huic urbi natalitia debet Ioannes Dubravius, historiae patriae celebris scriptor. Glatovia, vel fortasse melius Clatovia, urbs regia, Zimislaeo praeclaro quidam dynastae originem suam fert acceptam, anno 771, ac cum conderetur, nomen à Clautoca Czimisltai uxore accepisse fertur; sed demum sub Vldrico Principe anno 1000 vallo murisque est circumdata, ac in ordinem urbium liberarum cooptata. Data olim fuit à Vladislao Principe, anno 1243 paternae haereditatis titulo fratri Theobaldo, cum omni terrae tractu, qui inde à fonte Vultavae, usque ad Myzae fluvii crepidines protenditur, fuitque in ejus ac Theobaldi filii ditione per annos septem & quadraginta. Theobaldus enim junior, accepto tandem Znoymensi Ducatu in Moravia ab agnato Principe Cunrado, urbis ac tractus hujus dominio renuntiavit. Strzibro, sive Argentina nostra (Strzibro siquidem argentum Latinis significat) ad laevum Mizae amnis latus sita, conditorem agnoscit Principem Sobeslaum, ejus nominis Primum. Vocata autem urbs haec est Strzibro, propterea quod in fundamento ubi aedificanda erant ejus moenia, argenti glebae fuerunt inventae, anno 1131. Commode est & aedificata & munita, commendabaturque haecenus non tantum Bohemicorum hominum, sed & Noribergensium mercatorum praconio; coctae è tritico cerevisiae bonitate. Bello Hussitico anno 1462 occupavit eam, ex composito, ut tum quidem Pilsnenses querebantur, Przibico Clenovius, nec ea decedere voluit, quam accepta in compensationem ab Imperatore Sigismundo Volina cum omni ejus agro. Arma nuper per eam oram circumferente Bavariae Duce Maximiliano, in Ferdinandi Caesaris potestatem 16 Octob. anno 1620 invita venit, & ab eo paulo post Illavio militum tribuno, nobili Marchiaco tradita est. Domazlicae porro est urbs regia in limite Bavarico, ad inhibenda hostium Bavarorum latrocinia, tempore Boleslai saevi principis condita. Bello Bohemico, Bavarorum hostium impetus, omnium prima urbs haec sustinuit. Ab eo enim limite, pro Ferdinando Caesare bellum in Bojemiam gesturus Maximilianus Dux irruptionem anno 1620 Septembri mense fecit, & resistentes per triduum Domazlicenses, agro ipsorum ferro ac igni vastato, quin & castris urbi admotis murisque verberatis, deditionem facere coegit.

Rokyssana denique quinta hujus provinciae urbs Regia, clivosa fere & silvosa, feraci tamen in regione est sita. Nomen videtur accepisse à vimine, vel vimineto, quod apud nos Rokiti-

L

dici-

dicitur. Episcopi Pragenses urbis hujus libertati non raro olim fuerunt graves. Opes urbis sunt luculentæ. Regius Fiscus nulla hic habet bona, præterquam, si forte usus postulet, opulenta aliquot cœnobia, qualia sunt Cladrubinum à Vladislao Duce anno 1122 monachis Benedictinis; Chotesslovinum & Teplense à Hroznata Comite, Virginibus instituti Præmonstratenfis; Plassense Cisterciensi Ordini, sub Abbatibus; & Pivoncanum, à Brzetislao Principe in monumentum maxima strage à Bojemia depulsi ab se Henrici III Imperatoris Eremitis Augustinianis, sub Priore, conditum. Nobilitati subjiciuntur arces, castella, oppida, prædiaque perquam multa, ut sunt Cacerovia, Suanberga, Tachovia quondam urbs regia, Przirda, Borum, Suihovichiam, Tyra Horesli, Ronsperga, Ryzimberga, Viridis mons, Opulca, Hersteinum, quædam sola, quædam oppidis vel pagis aucta. His adde oppida sola, Planum, Radnicen, Pilzenezium, Przefticen, Stodum, Bielany, Tostaunam, Negitzscum, & quæ ejus notæ supersunt.

*Distriktus
Lucensis.*

Pilsnensi provinciæ cohæret districtus Lucensis, à pratis, vel Zatecensis à Zatecio urbe, cognominatus. Fines ejus junguntur ad Austrum, ei de quo diximus, tractui Pilsnensi, ad occasum Loctensi, ad Aquilones Misniæ montanis, ad Cæciam Litomeczicensi, ad Subsolanum Slanensi, & ad Eurum Racounicensi districtui. Vernacula lingua dicitur Lucsko vel Ziatesko. Frugum, vini, & præcipue lupuli terra ferax. Incolis hujus districtus innatum fere est, ut sint superciliosi, subsannatores, & religionis publico consensu approbatæ pertinacissimi cultores. Urbes hic regię liberæque sunt, Zatecium, Mosta, Launa, & Cadana.

Zatecium urbs præclara à præterfluentis, atque ab eo quod Latinis est tepefieri, vocati amnis Ohrzes, sive Oegræ sinu, quem insubter urbem facit, nomen adepta. Religionem Christianam cæteris diutius sunt averfati, eam tamen semel ex Græca disciplina amplexi, constantissime coluerunt. Commendationem non vulgarem habet de cocta ex hordeo cerevisia præstanti, quæ vocatur *samec*. Hussiticis motibus propius cum copiis accedentes Germanos Præfules abscedere coëgit inglorios, anno 1421. A Ferdinando vero Rege, cum is bellum Ioanni Frederico Saxonie Electori fecisset, & Zatecenses ad militiam istam coacturus, in urbem immodico stipatorum numero ingredi vellet, nec à Civibus admittus esset, graviter sunt multati, proscripto primæ M. Nicolao Artemisio, solique bonis omnibus, imo & portarum valvis, civitati, ne clauderetur, ademptis anno 1547. Aperta igitur nocte dieque semper stabat urbs hæc omnibus, reliquo Ferdinandi Regis tempore, & gratiam claudendarum portarum factæ, eam in rem alligationis, in regni Archivo disunctionem non nisi ægre demum ab ejus successore Maximiliano Rege impetravit anno 1565. At vero Fridericus, cum sumendæ regni coronæ cum Elisabetha uxore liberisque Pragæ à Palatinatu suo Octobri mense anno 1619 contenderet, in hanc urbem omnium primam exitinere divertit, festa que populi acclamatione est exceptus, unde

postea victores Cæsariani milites eo magis ejus cives habuerunt suspectos ac exosos.

Iohannis Georgii Electoris Saxonie suscepta Novembri mense anno 1631 in Bojemiam expeditione bellica, accepit quidem urbs hæc ex ejus exercitu præsidium signorum aliquot, sub vicaria Caroli Bosii præfectura; sed ejus incuria ab HermannO Ozerninio, cum aliquot militum Cæsarianorum manipulis anno 1632 dolo capta est. Mosta seu pons Germani *Bruck* seu Bryxs, urbs inter regias, hac in provincia, secunda, & loco quidem limoso, sub montibus, Bilinæ piscosæ amni à dextris sita, populosa, ampla, & satis nitida est. Nomen ei à ponticulis, ob ebullientes è terra aquas passim in orbe positis, ventustas dedit. *Most* videlicet lingua Boemica pontem vocat. Despectat in eam nobile propugnaculum seu arx inter limitaneas numerata, ac in montis ardui vertice ædificata. Primi ipsius conditores ignorantur. Vetusta tamen est ejus origo, & multa libertas. Lingua Bojemica jam fere obsolevit, & id quidem non alia validiore de causa, quam Milniorum connubiis cum hujus urbis puellis frequentatis, & Magistratûs, contra quàm leges ratioque suadent, de linguæ cultura præpostera negligentia.

Abeft ea tertio lapide Launa, urbs in dextro Ohrzes amnis latere, figura semicirculari à Vlastaco & Sobeslao fratribus, grassatoribus, metu latrocinii promerita pænæ adversus Vegenum principem, ex Launa vico quodam tenui ædificata, & egregiè communita. Res quasque victui quotidiano necessarias, frumentum vinumque domi habet abunde; piscibus saltem exceptis, quos amnis suburbanus subministrat parcius. Cives ejus sunt jurgiosi, & conventibus quibusdam commestoriorum, qui ab illis D. Margareta vocantur, æquo impensius dediti, & advenas dicacitateque procaci agitare, urbanitatis loco habent. Hussitico bello Zatecensium consilia erant sequuti; sed Bohemico proximo, ac uno quasi momento ad Catholicorum placita transiverunt universi. Cum post, prælio ad Lipsiam superatum Tylium, Saxonie Elector Iohannes Georgius in Bojemiam Novembri mense anno 1631 irruptionem faceret, militem ejus simili facilitate admiserunt.

Zatecio distat tribus milliaribus occasum versus, urbs regia à conditore Cadano Cadania dicta an. 821. Sita est in læva amnis Ohrzes ripa, satis amœna, & Germanis plerisque infesta: Regii fisci ditio non alia est in hac provincia quam quæ Fodinis argenti Prziseznicensibus, Sonnebergh, Platnensibus, & Bastianbergenfibus, itemque stanni fodinis Slaveorianis, & Lauterbachianis, Schonfeldianisque comprehenditur. Chomutovia quoque oppidum nitidum ac amplum, Georgio Baroni Lobcovicio Rudolphi Regis edicto est ex potestate exempta, regisque fisco anno 1595 adscripta. Erat olim in usufructu Crucigerorum Pragensium, quam Sigismundus Imperator tandem Iacobo Wrzesovecio pignori dedit. Laudem ex eo habet cum paucis communem, quod cerevisia ejus non vulgaris est bonitatis. In Nobilitatis agro sunt Carlaria, mons Eisenberga, Czerveno Hradecum, hoc est rubrum castellum, Boreca seu Gorcovium, cum oppido

oppido saluberrima cerevisia, vicinisque aluminis officinis nobilitato, Iuvenicum, Beczovum, Postolopetæ, Novo-Hradæ, Liczovum, Wintirzovum, Massitorum, Walecxium, Bochovum, Angelicus mons, Claſtercium, Novo-Schumburgum, Haſſenſteinum, Hrjeveſium, arces, tam cum, quam ſine oppidis, cum prædiis, villisſque permultis, ut & oppida ſola, Geſſenicum, Zluticum, Chyſſæ, Slaucovum, Oſtrovum, Prziſezmicium, repertis ſub Imperio Regis Caroli anno 1341 argentifodinis clarum, & quæ accolis nota ſunt cætera.

*Diſtrictus
Racounicen-
ſis.*

Diſtrictus Racounicenſis, & vulgo Rakowniſko, à Racounico urbe Regia, & his in locis ſola, cognominatur. Adjacet autem is, Zatecenſi diſtrictui parte ſui occidua, ad Ortum vero cuſpide tantum quadam mucronata inter diſtrictum Slanenſem à latere Septentrionali, & inter diſtrictum Poebrdſcenſem à latere aſtrali interjectus pertingit. Regiuncula eſt ſilvoſa & montana.

Racounicum, ſeu ut alii loquuntur, Racona, regiæ urbis ac libertatis plenioris honorem, Ordinibus in comitiis regni interceſſoribus, à Rudolpho rege, anno 1588 eſt conſequuta: antea ſiquidem regio fiſco accenſebatur. Nomen à Cancro, quem propterea in inſigni geſtat, obtinuit: is enim Boëmis *Rack* dicitur. Eſt urbs mediocriter munita, verum non adeo magna. Ob cereviſiæ ſingularem bonitatem ſemper fuit celebris; nuper vero anno 1620 & Cæſareanorum & Friderici Boh. Regis caſtris, quæ utrique habuere ei propinqua, etiam exteris innotuit. Vladislavus I, ejus nominis, Princeps, paulo plus quam uno ab eo lapide, ædificavit in ſilva, trans Mizam fluvium, celebrem illam, omnis pretioſioris regni ſupellectilis cuſtodia magnorumque virorum carceribus arcem, Krzivocluſum, Burg-Leysam Germanis vocatam, eique agrum multum ac redditus luculentos fiſci regii hæreditarios adſignavit. Ex hujus ditionis ſilva, ſingulis annis ingens lignorum multitudo, Miza ſecundo Pragæ ſubmittitur, indeque per Vultavam & Albim, in loca materia fabrilis deſtituta diſtribuitur. In hac arce captivi ſub cuſtodia tenebantur olim; Otho Dux anno 1110 à Vladislao principe agnato, Henricus Iohannis regis Cancellarius anno 1318 à regni proceribus; Henricus Dux Aſtriæ anno 1322, ut & alii alii permulti. Huic arci ſubeſt oppidum novum Straſſecium. Ditione nobilitatis continentur Horoſediæ, Pertsburgum, Soſna, Poulcæ, arces, & Senomata oppidum. Cœnobium in hac ora nullum eſt.

*Diſtrictus
Slanenſis.*

Slanenſis Diſtrictus Racounicenſi conjungitur à parte meridionali, verſus Occaſum habet Provinciam Zatecenſem, verſus Aquilones Litomienzenſem, verſus Ortum Cauzimanum. Vulgariter Zrzitsko & Slansko vocamus. Zrzitsko à Zrzito monte; Slansko à Slana urbe Regia hujus oræ ſimiliter unica: Horreum urbis Pragenſis, diſtrictum hunc quidam judicant. Eſt autem

Slana urbs à falſedine dicta, ſub vaſto monte de voluntate Nezamyſci Principis, à priſcis noſtris ſalis coctoribus, loco humili condita, & contra Lucenſium incurſus utcumque munita. Erumpebat enim ex monte iſto aquæ falſæ fons,

& accolis erigendarum ſalinarum, ac mōx urbis extruendæ occaſionem dabat, ſed qui intrā paucos annos, ut & alter Bilinenſis, exaruit. Eſt vero diſparentibus aquæ iſtius ſcatebris, emolumentorum omnium ſpes ſalinatoribus iſtis videbatur perſiſſe; nihilominus tamen conditam ab ſe urbem neſtquam deſeruerunt, ſed ad agri hortorumque culturam, ac cereviſiam coquendam ſe converterunt. Inventus urbis parum morate educari olim ſolita, ſicut & virgines Pragenſes, equique Curnenſes, diſterio cuidam locum dederunt Virgines nempe Pragenſes, equos Curnenſes, adoleſcentes Slanenſes, tria eſſe, quæ perraro ſunt bona. Patrimonium fiſci regii, præter Vnhoſtam oppidum, vicoſque aliquot ditioni Krziracladenæ adſcriptos, non memini hic eſſe ullum: duo nihilominus Virginum cœnobia: unum Doxanæ, & rerum omnium abundantia lauſiſſimum, & loci inter ſaltus amenitate lætiſſimum, anno 1144, à Gertrude Vladislav Principis uxore, Veſtalibus inſtituti Præmonſtratenſis, eſt conditum. Ohrze ſeu Oegra pomariis virgultiſque paſſim cinctus amnis id alluit. Alterum Tynecianum, à Plichra Zerotinio, Veſtalibus D. Claræ erectum, & honeſte, non tamen ad luxum, dotatum. Eſt ſimiliter hic uno ſaltem lapide à Slana urbe diſjunctum, in præpingui glarea temperato ſolo ab Vngaris olim anno 956 conditum oppidum, Velvaræ ſeu Welvarium. Nomen traxiſſe fertur ex Vngaricis vocibus Bel & War, farris oppidum ſignificantibus. Non numeratur id quidem inter urbes regias, veruntamen ſub προξενία Burgravii ſupremi, pleriſque urbibus regiis immunitatum amplitudine eſt par; in hoc etiam ſuperior, quod ager ipſius cum magnam partem ſit juris liberi, adeoque emphyteuſis perpetua, tabulis regni abſque regii conſenſu internuntiis, quoties legitimus contractus intervenit, poteſt inſeri; quæ alioquin Nobilitatis prærogativa cenſetur. Nobilitatis dominium agnoſcunt cætera, ut eſt Raudnicia arx & oppidum peramplum, olim etiam cum Archiepiſcopi Pragenſi procerum Smirziciorum ac ex Polonia Oſtorogorum, dominatione leni tenebatur, ſatis fortunatum. Mercatura enim ac cæteris honeſtis quærendæ rei mediis, ex Albi, quo alluitur, percommode poteſt uti. Talis præterea eſt Budina, arx & muris cinctum oppidum, ad Ohrzes latus dextrum, Hoſtivity principis ævo, ex vetuſtiore vico ædificatum, ac à taguriis nuncupatum. His adde Berzcovicium, Bezcoricum, Hoſpozinum, Nelahozefium, Micovicium, Ocorzen, Buſtehradam, Rubrum Augedum, Cladnum, Smecznum, Corhuſam, Srbecium, Dievicæum, Slavietinum, Patcum, Wrahum, cum prædiis agroque perquam fertili. Eſt in hac provincia mons celebris ille, ac patenti in planitie eminens conſpicuus, Zrzit, à ſpecula, vocatus, ab aliis Zrzip, hoc eſt mons *nar' i' exclud* appellatur. Primi gentis Bohemiæ conditores ſub eo primum omnium anno 550 conſediſſe, illiusque reipublicæ initia dediſſe feruntur. Vertici ejus perquam ſpacioſo impoſita, à Sobeflao Principe inſtaurata potius quam fundata ſtat ædicula D. Georgio dicata.

Litomierzicenſis provincia, vulgo Litomierzicſko,

*Diſtrictus
Litomierzic-
enſis.*

zicsko, à primaria ejus urbe cognominata est. Ea fere tota sub Sudetis montibus protenditur, figura pyramidali, cujus basis Zephyro, Africo, Libanotoque obversa, Lucensi & Slanensi districtui incumbit: latus vero Septentrionale Misniae montanis, Australe limiti districtus Boleslaviensis adhærescit, conus denique versus Boream Cæciamque ad Lusatiæ Superioris limites pertingit. Provincia vini imprimis, ac pomorum, quin & frugum feracissima, Misniæ cis-Albinæ horreum. Regis seu fisci patrimonialia bona nulla hic sunt. Sunt autem duo saltem cœnobيا reliqua, Osëcanum sub Abbate ab Ottocaro rege Cisterciensi, & sub Melnicano Priore ab Hroznatæ Comite, Augustinianorum ordini datum, quamvis Osëcanum Ferdin. I, regis ætate Archiepiscopus Antonius, ut & Suetecianum, quod principio Rubæ crucis gerulis institutum, tandem vero alendis D. Claræ Vestalibus datum fuit Rudolphi II tempore Zbynecus, ad se pertraxit. Dotalis hæc præterea est Reginarum Bojemæ ditio arcis Mielnicanae, ditio opima ac locuples, sed quæ plerumque nostra memoria alicui ex proceribus pignoris titulo utenda fruenda concedebatur; nuper autem anno 1627, per Imp. Ferd. II, inito cum Wilhelmo Slavata quodam contractu, à reginarum patrimonio penitus avulsâ. Nobilitatis ager hic similiter peramplus est & opes luculentæ. Tenentur enim ab ea arces Teplicium, Duckzovum, Bilina cum oppidis muro cinctis, Libezonesium, Strzebiulicium, Podsedicæ, cum gemmarum fodinis, Libochovicium cum oppido, Clopcium seu Hasenbourgum, Brozanæ, Lovosiciæ, Sulevicæ, Czizcovicæ, Cossalovum, Scalca, Nedviediczium, Cossomlatæ, Milissovum, Vgezda sub monte qui acutus dicitur, Sobockleba, Daubravius Mons propugnaculum Radislai Wchynicii industria nuper è veteribus ruinis egregie instauratum, Supius seu Vulturinus mons, Brzrcitea Blanchensteniæ succenturiata, Schonsteina, Giloria, Bideburga, Dieczinum propugnaculum limitaneum, Brzcnum, Svadovum, Strzecovum, Libochovanæ, Zirenicæ, Zahorzanæ, Ploskovicæ, Enchswanæ, Gizterpæ, Aufsteum cum oppido muris cincto; Radaurum, Brocenum, Conogedæ, Strolinquæ, Marquardiciæ, Libchava, Bircofteina, Nova arx, Lippa, Mlado Benefovum, Rumburga, Shlucnovum cum oppidis, itemque Scheracovum, Hanspachumque, & alia permulta, nec inculta nec infructuosa. Oppida præter ea sola, Camenicea, Radussovum, Hoffteca, Trzebenicæ, & metallifera duo, Crupca, Hrobumque monachale. Iam vero liberæ ac cultissimarum vinearum collibus longe lateque omnibus antestantes in hac Provincia urbes, sunt Litomierzicæ, Vsta, Kelnicum, ad Albim sitæ omnes. Vinosi censentur plerique omnes earum incolæ.

Litomierzicæ, seu Litomierzicium, est urbs populosa à dextro Albis latere, splendide locoque opportuno ædificata. A Lidomiro Cossali filio (qui à conciliandis hominibus nomen habuit) anno 771 ea inter Radiczium (qui locus nunc Hradicz corrupte vocatur, & D. Stephani æde est celebris,) Procraticumque arces, condita, mœnibus tamen & vallo demum anno

1019, à proceribus Vurssovienfibus, quorum tum in ditione fuit, communibus gentis sumptibus, offensi Vldrici Principis metu, ante annos sexcentos, circumdata ac communita est. Cum vero damnatis à Brzetislao II, ob structas Principum vitæ insidias, atque in Lusatiam deportatis Vurssovienfibus, bona eorum universa in ærarium Principis essent illata anno 1096; Litomierzicæ libertatem, ac inter urbes sub Principum patrocinio viventes, locum, multaque post hac privilegia obtinuit, quæ anno fere ducentesimo post anno 1297, incendio quo urbs hæc fœde fuit deformata, pleraque omnia perierunt. Iohannes rex Ottocarorum privilegia, quæ flammis, de quibus diximus, erepta supererant, adhuc aliqua ei confirmavit, & nova aliquot addidit. Ejus vero filius Carolus Imperator nundinis solemnibus, & jure stapulæ, ab VII cal. usque ad VI idus Augusti eam locupletavit. Maximiliano vero & Rudolpho imperantibus, Albis prælongo ponte ligneo fuit stratus, quem hosti propinquanti 8 Id. Iunias anno 1632 loco cedens flammis penitus absumpsit Iohannes Melchior Sualbachius, magno civium & accolarum incommodo. Hic in Albi, magno numero capiuntur vernis mensibus, longe quam alibi meliores sapidioreque murenæ & salmones; æstivis vero etiam grandes sturiones. Vindemiæ tempore multò quam alibi suavior conficitur murina, itemque ex sinapi trito ac vini recentis decocto, sapa seu defrutum: amicos & homines excepturi Litomiercenses, ita vino obruebant, eis interim immemores apponendi cibi, ut duplici scommati ansam dederint. Dicitur namque solet; *homines à Litomierzicianis potu fere suffocari, fame vero enecari*. Item, *oportere esse felicem, qui non fuerit Zatecii ludibrio habitus, Launa pulsatus, & Litomierzicæ vini potu immodico gravatus*. Reditus hujus urbis publici, necessariis impensis publicis comparati, modici sane sunt, sed eos tamen bonorum Principum munificentia quandoque sublevabat. Iura ejus agnoscens pomerium perangustum quoque est: Undique enim Cœnobiorum ac Nobilitatis agro constringitur. Antiquitus jure Saxonico utebatur, & Scabinatus tribunali clara fuit, ita ut oppida vicina, urbefque adeo nonnullæ domesticorum judicum subfelliis ad ejus sententiam provocare, diu in more habuerint, quæ prærogativa non ita pridem ipsi anno 1610 Comitiorum placito est extorta.

Ab ea versus Thrafciam abest altero lapide Vsta, urbs in montium angustiis à Russivado & Lahoborio fratribus ædificata. Mediocri est magnitudine, sed loco hostibus expugnatu facili, mœnibus suis non magnopere tuta. Nomen ei plerique ab Hausti voce Bohem. dumetum significante, factum esse contendunt: alii tamen probabiliori ratione ab ore, quod *usta* vocant Boëmi, formant: sita enim, ut dixi, est in angustis, ad quas Albis flumen aquas suas per convalles quasi os vel fauces aliquas in Misniam evomere incipit; Vnde non inepte posset Ostria vocari. Exigitur in ea portorium regium, in limite à mercatoribus quibusque navibus merces portantibus, antehac pendi solitum. Vinum quod hic urbanis sub rupibus nascitur, quodque

quæ ideo Podskalske dicitur, non habet aliud in Bohemia, à quo generositate superetur, nec locus fere ad Albim alius est, ubi typhlarum, seu oculatorum piscium captura sit uberior. Nobilitati in montanis Vltæ habitanti, quoties suborta controversia coram arbitris ex compromisso disceptanda, vel componenda erat, locus hic præ aliis plerumque conventui ut commodior eligi hætenus fœvit.

Melnicum vero Litomierzicea euntibus ad ortum hybernum, inter lapidem quartum occurrit urbs sub Albis & Vultavæ confluentibus, arduo in colle condita, mœnibus à Slaviboro D. Lidmilæ patre circumdata anno 877. Datum enim nomen ei est à molendo; Melnicke idem quod molitor sive locus, in quo sunt mœlindina, notat. Vrbs quidem est parva, sed peramœno, ac propulsandæ hostium vi opportuno loco exstructa, à rubri vini suavitate præcipue commendata. Refertur in numerum urbium, quæ Reginarum Bojemix sunt dotales. In ea (habet enim mœnibus impositam arcem) à Principum maritorum mortibus vitam transgebant, cum aliæ Principes ac Reginae, tum imprimis Barbara Sigism. Imp. & Iohanna Georgii Regis viduæ. Alluit eam à parte Aquilonari modicus amnis Bslowca. Immunitates ac libertatem, urbibus Regiis parem, jam à vetustis temporibus semper habuit, & adversus malitiosas plerorumque arcis præfectorum machinationes defendit.

*Distriktus
Boleslawien-
sis.*

Reliqua adhuc est provincia, quæ vulgo à Boleslavia urbe, Boleslawsko vocatur, ampla satis, fertilis, ac populosa, Distriktum Litomierzicentem parte sui occiduum, Silesiam Septentrionali, Hradecensem tractum Orientali, Caurzimanum meridionali, attingens. Participat ejus fertilitatem non solum Lulatia, sed & ipsa Silesia. Regis patrimonium in ea est Benarchæ, Lyssa & Brandeisena ditionis pars trans Albim non modica, cum Opoczino & Hlavenecii voluptuariis. Benarchæ arx est à dextris amnis Giseræ, arduo in colle cum oppido tenui, quæ à Dominæ stirpis proceribus per Rudolphum regem est redempta, fiscoque adjuncta. Lyssa vero seu Mons Calvus arx similiter est cum oppido in subjectam ingentem silvam regiam ex alto despiciens. Reditus utriusque præcipui sunt ex piscinis, quæ iis locis & sunt numerosæ, & cyprinorum delicatorum multitudine præstant. Cœnobio in hoc distriktu hac ætate nulla sunt, nisi forte si quis Boleslavia veteris, D. Venceslai Cenotaphio nobilem, D. Cyrilli & Metudii ædem, recensque sumptuosissime ac splendidissime ædificatum, & ante annos aliquot, peregrinationibus anniversariis, frequentari cœptum, divæ Virginis delubrum, Cœnobii nomine appellandum putet. Vrbes hujus loci regie duæ sunt, Nymburgum & Boleslavia. Nymburgum est urbs in patenti planitie, loco propulsandis hostium insultibus valde idoneo, à Vicemilo dynasta quodam inter Albis & Malinæ confluentem exstructa, lateritioque muro & profunda amni alveum præstante fossa, probe firmata. Vicemilus quidam eam de suo nomine Vicemilovum voluit vocari; domestici tamen propter suum silvestrium familiare illic volutabrum, Suini-Brodam dici maluerunt.

Germania.

Nymburgum vero multo demum tempore post à Germanis hominibus peregrinis, voce peregrina nomen accepit. Vencellus II Rex, unice eam dilexit, & cum ampliore, tum privilegiis ornatiorem fecit, quin & primus eam in urbium regiarum numero esse iussit. Olerum omnis generis ac leguminum abundantia pariter & succosa bonitate præ aliis excellit. Proximæ Saxonici militis in Bojemiam irruptioni anno 1632, quasi obicem urbs hæc objecisse est visa, quam is, quia vi expugnare non potuit, missilibus ignium artificialium machinis totam una cum ponte quo Albis jungebatur, in cineres redegit.

Versum Aquilones lapide tertio ab eo est diremta Boleslavia urbs, non vetus illa, cujus jam ante meminimus, sed alia, à qua tota hæc provincia accepit nomen. Veterem illam ad Albim in totius (ut plerisque placet) Bojemix umbilico, Vratisslaus Princeps anno 915 fundavit; & Boleslaus Sævus anno 937 excoluit; hanc Iuniorem vocatam, Boleslaus Iunior, seu ut postea frequentius vocabatur, Lenis, vel Pius, in colle Hrobka, qua voce sepulcretum significatur, condidisse fertur anno 973. Fuit urbs hæc olim in ditione procerum Michaloviciorum, Cymburgiorum, tandem Cragiriorum, postea stirpis Halusteineæ Lobcoviciorum, à quorum postremo Bohuslao Ioachimo libertatem plenam anno 1595 ære grandi emit, ac Rudolphi Regis Cæsaris clementia locum inter urbes regias anno 1600 obtinuit. Giseræ ejus latus lambit, & aquam intra muros, hydragogicis machinis seu siphonibus immittit. Subjectam arcem vallem rigat Clenice rivus, qui ibidem mox Giberæ miscetur. Ager nobilitatis multus quoque est in hac provincia, multæ arces, castella, oppida, villæ, quales sunt Ronorum, Rozdialovicea, & Dobrovice cum oppidis Brodecæ, Cossatecæ, Libenium, Vidimia, Hausca, Bezdicium, Cosmonosæ, Zuurzereticum, Costa, Troscæ, Virgo & Anus, Scalæ seu rupes, Semilæ, Waldesteinum, Rohozecium, Suiganæ, Monacho-Hradista cum oppido Zasadca, Dona, Curzivodæ, Zacupium, Wartembergæ, Dubum, Wysoccum, Reichenbergæ seu Libercum, Gralsteina & Fridlanda, partim castella, partim arces, oppida denique, ut Bacovum Misenum, Bicla muro cincta, originemque & nomen ab Iunioris Croci nepte sortita, Turnovum, Saborca, Mimonia, Gablonia, & alia numero non pauca.

Hucusque ac hætenus versati sumus in recensendis iis Bojemix provinciis, seu distriktibus qui inde à primis gentis incunabulis sub eodem Magistratu summo, eadem lingua, legibus, moribus, institutis vixerunt; nunc jam accedimus ad tres reliquos describendos, qui tametsi jam olim jure clientelari, cum corpore Bojemico, vinculo indissolubili coaluerunt; actibus tamen panegyricis non solent, ut cæteri provinciales, interesse, neque consiliis de republica intervenire. Immunitates nihilominus, instituta, leges, ac consuetudines quasdam peculiare semper & habuerunt, & ad hæc usque tempora tenuerunt. Lingux similiter usum neutiquam cum Bojemis communem habere voluerunt, quales sunt Co-

M

mita-

miratus, Cladscanus, seu Glacensis, provincia Hebana seu Oegrana, & districtus Loctensis seu Cubitanus. Nobilitas horum districtuum pleraque omnis ex ordine equestri est, paucissimis saltem exceptis, qui, Barones cum sint, agrum istuc possidere jam pridem coeperunt. Principum Bojemiarum vasalli sunt omnes.

Comitatus
Glacensis.

Circumdatur autem Comitatus Glacensis (cui nomen à Glatz primaria ejus oræ urbe ac propugnaculo munitissimo factum est) ab Aquilone & Ortu Silesiæ terminis; ab Austro angulo quodam Moraviæ, ac, sicut & ab Occasu, provincia Hradecensi. Fuit olim, nunc in Polonorum, nunc in Bojemorum manibus, donec ex fœdere, quod Ottocarus Rex cum Henrico Duce anno 1280 percussit, priscorum Principum Minsterbergensium, seu Sambicensium dominio accrevit; quem tandem Ioannes Rex à Boleslao Duce anno 1322 redemit, ac regno Bojemiarum in perpetuum conjunxit, quinquennio nihilominus post anno 1327 ex pacto, Wratislaviæ Duci Henrico VI, usufructu in eo ad vitæ dies concessio. Ardentibus tamen postea Hussiticis motibus, venit in possessionem procerum gentis Podiebradiæ, qui longo post tempore Minsterbergæ Duces erant creati, tenebaturque eorum ditione totos plus minus annos octuaginta, usque dum ab Alberto Carolo, & Georgio fratribus anno 1500 Vldrico Comiti Haidecchio, cum is paulo ante, more incolis Bojemiarum usitato, in Regis regni fide sacramento esset receptus, venditionis titulo fuit resignatus. Ex Hardechiorum manu Iohanni Pernsteino dynastæ concessus fuit, qui eum Ernesto Archiepiscopo Salisburgenfi Bavaricæque Duci oppignoravit. Ernesto è vivis sublato, succedendi agnato in ejus usufructu jus habere se contendebat Bavaricæ Dux Albertus, sed quia per regni leges non licebat, ut inter provinciarum incolarum locus illi esset, & alia ratio Ernesti hominis Clerici esset, alia Alberti Principis Politici; Ordines Maximiliano regi authores in comitiis anno 1567 fuerunt, ut pignus istud seu hypothecam à Bavaro, vel ipse redimeret, vel è proceribus Bojemicis cuiquam qui vellet, redimendam cum usufructu concederet. Sed res tamen ista ac Ordinum placitum, non prius quam duodecennio post, Rudolpho jam regnante, exitum invenit, cum ex ære Ordd. collectio, Comitatus hic anno 1579 onere peregrini æris liberatus, Regum usibus publico comitiorum decreto, ea lege fuit assignatus, ut nec vendi in posterum, nec in hypothecam dari, nec permutari, nec ad usumfructum cuiquam concedi, nec alio quolibet modo alienari unquam posset. Est igitur jam in regia possessione, perque Præfectos, plerumque Barones, gubernatur.

Primaria, ut diximus, urbs in eo est Cladscum, vulgo Glacium, seu Glaciæ, cum arce in colle ac loco arcendis hostibus commodo ædificata, hominumque industria probe communita. Alluit latus ejus dextrum amnis Nissa, ponte lapideo stratus. De urbis hujus conditore silent Bohemici, ut & Polonici scriptores, de pervetusta tamen ejus origine non parva sunt apud eos vestigia. A Sobiellao Principe cum Polonis bel-

lum Vladislao fratri faciente anno 1114 igne fuit penitus deleta, sed quintodecimo anno post splendidius, quam ante, fuit instaurata. Cœnobium quod in ea Canonici Augustiniani regulares ab Ernesto Archiepiscopo erectum, & D. Virgini dicatum habuerunt, non ita pridem anno 1597 occuparunt Sacerdotes Societatis Iesu. Integro fere post cladem Pragensem biennio, virtute Francisci Comitis à Turri, in Friderici Palatini fide fuit retenta ac adversus Cæsareos defensa, donec commeatus penuria anno 1622 conditionibus æquis dederetur; à fulmine non multo post disturbata, mox vero Bojemiorum Ordinum sumptibus, ex ruinis vicissim excitata. Arces & oppida in hoc Comitatu sunt, Chelnava, Levinum, Homolæ arx rudibus saltem, & luculento Regum Bojemorum patrimoniali agro nota, Duffnicum sive Reinhercium, Ryckerzina, Wunsfelburga, Sualdevasum, Reichensteinum, Neudecum, Landecum, Habelswerda, Mitwaldum, Schonfeldum, & si quæ sunt alia.

Hebana, seu ut alii vocant Oegrana Provincia vel regiuncula, cohæret primo ex Occidentali plaga Bojemiarum aditui, ac nominatim accedit districtui Lucensi parte sui Occidentali, quæ vero Subsolanum Vulturumque respicit districtui Plnensi. Ad Austrum contingit Palatinatus Bavarici fines: ad Occasum Vlskensko seu Voilandiam, partim Provinciam Cubitanam. Regiuncula est fœcundissimis hortis & agris variisque pomorum ac fructuum generibus luxurians. Scindit eam ac irrigat mediam, erumpens è pinniferi montis jugis fluvijs, quem Latine scribentes Germani *Oegram*, nos à tepidiore ejus aqua Ohrzen, vocamus. Ademit autem illam Bavaricæ Duci Henrico anno 1193; primusque belli jure regno nostro acquisivit Przemysl-Ottocarus Dux, quæ cum aliquandiu in Bojemorum potestate fuisset, per Rudolphum Habsburgium, cum is ad imperium pervenisset, Ottocaro II extorta est; verum novennio post, in prælio Marchefeldiano cæsi patris Regis filio anno 1285 & in regno successori, Venceslao II dotis nomine restituebatur. Et cum in Bavaricæ Ducum manus recidisset, Ludovicus Imperator ejus nominis IV, eam Iohanni Bojemiarum Regi operæ strenuæ adversus Fridericum Austriam navatæ compensandorumque sumptuum bellicorum, qui ad vicies mille marcas puri argenti assurgebant, præmium esse voluit, ac de Principum Electorum assensu Anno 1322 possidendam dedit. Sortita autem est hæc regiuncula nomen ab urbe istuc primaria, quam Bohæmi ab inflexu, *Heb*; Germani à præterlabente amne Eger vocant. Hebrum igitur vel Oegra urbs ipsa, alluitur ab Australi latere Egra fluvijs. Eam Marchio Vohburgenfis Friderico Barbarossæ dotis loco dedit, quum filiam suam Adelheidem ipsi desponderet, anno 1179. Etsi vero Hermannus Episcopus Constantiensis opera matrimonium illud postea rescissum fuerit, tamen adhæsit Imperio Egra, usque ad annum Christi 1315, quo Ludovicus Bavarus capto Friderico III Austriaco, quum pecuniæ inopia premere-tur, Iohanni Bohæmorum, & Polonorum regi eam

Provincia
Oegrana.

Districtus
Loctensis.

eam oppignorat, acceptis ab ipso quadragies mille argenti marcis. Ita Egra in confinio Imperii & regni sita, cessit regi Bohæmiæ, cui etiamnum parer, adeo ut in Senatu ad solum nomen regis adsurgant patres venerabundi, & in urbis insignibus aquilæ pars inferior cancellata sit, lineis decussatim productis. Creditur aliquando dicta Saurstadiæ à vicinis fontibus acidulis. Sed antiquiora ignorari mirum non est, quum tota civitas cum omnibus privilegiis, monumentis, ædificiis, tristi incendio conflagravit anno 1270. Sita est in amœna valle, ita ut pars ejus ex declivi colle pendeat. Cingit eam murus duplex; cui tertius etiam additus, ea urbis parte, quæ à flumine est remotior. Arx inter flumen & urbem posita ornamentum ei & tutelam adfert. Templum S. Nicolao sacrum splendidum est, præsertim ob turres duas quæ Orientem respiciunt. Templo vicina ac pene contigua est domus fratrum Teutonicorum. Est & alia Cruciferorum, & alia Stelliferorum domus, prope Xenodochium. Curia ampla est & laxa. In ea Carolus V anno 1547 exercitum colligens, quo postea Saxoniam incubuit, diversatus est. Senatus est centumviralis. In hoc novendecim lecti è patriis, Consules urbi sufficiunt quotannis quatuor. Tredecim sunt Scabini, qui jus dicunt, causasque civium dirimunt, non ex scriptis constitutionibus Romanorum, sed ex legibus municipalibus, exque recepto jure. Reliqui 68 sunt plebei. Porro à Senatus Egrani sententiis non datur nisi ad ipsum Bohæmiæ regem provocatio. Præter ædificia publica quæ jam diximus, sunt & horrea, omni frumentorum & leguminum genere referta; Armamentarium quoque instructissimum. Nola duæ. Xenodochia duo. Balnea publica quatuor. Portæ majores tres: minores totidem; quarum non est usus nisi ad Consules noctu admittendos, si quando Reip. causa abfuerint. Pons urbem suburbio necit amœnissimo, in quo fons est, quem dixi, acidus, cujus potus æstivis mensibus leniendis caloribus expetitur. Suburbium illud incolunt magna ex parte coriarii, quorum merces per Bohæmiam, Pannoniam utramque, & finitimas regiones plaustris petita divenduntur. Arcem incolit regio nomine Burggravius sive toparcha ad urbis præsidium. In ea præter turres urbi imminentes, sacella sunt duo, alterum B. Martino sacrum: alterum B. Vrsulæ. Cives Egrani hydromeli coquunt, expetitur Germanis ac Bohæmis ob vinuli saporis gratiam, & aromata quibus temperatum est. Arces & oppida in hoc districtu celebriora sunt, Cimzvardum, Libersteinum, Neclanica, & quædam alia, in quibus est Chlumum cœnobium D. Virginis, annuis, Septembri mense, peregrinationibus notum.

*Districtus
Loctensis.*

Loctensis denique seu Cubitanus terræ tractus, territorio suo attingit ab Ortu Lucensem, ab Austro partim Lucensem, partim Hebanum districtum, ab Occasu & Septentrione Voithlandiam: lingua Bohemica vocatur Loketsko, à primaria istic urbe, quam Loket, hoc est Cubitum vocamus. Germani *Elbogen* dicunt. Fuit autem jam olim, vel Vogeni Principis, ut videtur, ævo, districtus hic non tantum in Bojemiam Principum

potestate, sed & ab ipsis Bohemis habitatus. Iohannis regis temporibus in usufructu Elisabethæ reginæ fuit, à qua & ejus liberis, non raro animi colligendi gratia habitabatur. Sigismundus Imp. illum suo Vicecancellario & tum Egrænsi Capitaneo Caspary Schlichio dedit. Patrimoniales regum redditus hic præcipui sunt ex argentifodinis, quæ ad oppidum Ioachimi Vallem anno 1516 ineunte regnum Ludovico repertæ, præstantes sane habentur.

Vrbs ipsa Loctum seu Cubitum una cum arce in ardua rupe edito colle, locoque inaccessibile sita, & non tam hominum industria, quam naturæ beneficio adversus vim hostilem adeo probe munita, ut inexpugnabilis fere semper habitata fuerit. Circumstant eam undique montes prærupti præcipientesque, in quorum medio una sola cum base sua assurgit. Hanc Ohrze seu Oegra amnis infra collem alveo suo veluti profunda ac lata fossa contentus, rapido inter fragora montium præcipitia delabente fluente finitèr alluens, in obversa sibi collis parte angulum constituit, è quo tanquam è voragine regurgitans, sinuoso illam anfractu ambit, & seu cubiti amplexu (unde nomen etiam sortita) cingit, atque à dextri lateris montibus separat. Aditum illi vicinus in læva mons, qua rupi urbis basi contiguus est, quadam quasi cervice ad rupem, ceu collo ad caput protenso, præstat, eumque adeo angustum & brevem, ut hac iter curru facientes, urbem prætervehi minime possint; sed quum per vias undequaque in compita, & ob præcipitia ac invia, in angulum ad portam, qua una tantum clauditur, peracutam coeuntes ad civitatem perventum est, nolentes volentes eam ingredi coguntur, & per longum vicum ad forum usque progressi, acto ubi in gyrum curru, iisdem, quibus paulo ante ingressi, vico ac porta exeunt, & ad montis oppositi, præruptique bivio imminentis saxi alterutrum descedentes latus iter coeptum pergunt. Hæc nupero bello, Bohæmico, obsidione à Cæsarianis ducibus gravè cincta propter pulveris tormentarii penuriam, nonis Maij anno 1621, deditionem facere coacta. Sunt in ejus territorio multæ arces ac oppida, quæ Nobilium, Regibus Bojemiam clientelæ juribus obnoxiorum, dominio tenentur; ut sunt Wary seu thermæ Carolinæ, scatebris aquæ vehementer calidæ nobiles, itemque Ostrovum ac Lichtenfordium oppida. His adde Königsbergam, Neudeccam, Falconovum, Hertembergam, Schonpachum, Cagerum, Stampachium, Globenum, Cetlicium, Pezembiricium, Schancam, Deysam, Polomum, Delbiczum, Teleazium, Otnoricium, Lucum, Ressvicium, Machovicium, Berseticenum, Crupam, Copeznum, & cæteras arces, castella, oppida, vicos.

Primum antiquitus Bohemici regiminis specimen Ducatus erat. Czecho namque Duce hæ gentes primum eum tractum, qui nunc Bohæmia dicitur, occupaverunt. Gzecho suffectum à Populo Crocum legimus, qui non ut Princeps & arbitrio suo imperaret, sed ut Prætor ex æquo bonoque jus diceret. Nullæ huic leges erant, sed vim legum mores & consuetudo populi habebant. Croco successit ejusdem nominis filius: huic

*Regimen
Bojemie.*

huic filia iterum Libussa. Sub hac motus animorum ingentes fuere: aspernabantur enim omnes muliebri imperium, & virum rebus præesse volebant: illa ut incassum se populo adversari videret, Przemyslum seu Primislaum Rusticum sibi maritum, populo Ducem adsciscit: equum de populi consensu emittebant, cui is primus se sisteret, ille Rex foret. Stetit is se ante Primislaum forte aratro incumbentem, sicut ipsa prædixerat; qui magna cum populi acclamatione ab aratro ad Solium & Libussæ thorum deductus est. Hic primus feroci populo leges dedit. Libussa fati functa, res mira & in qua fere Annalium fides laboret, accidit. Wasta enim Libussæ olim puella à cubiculo, & una à consiliis, ubi post illius obitum vilipensam se cum reliquis puellis videret, conspirat cum his, & indutis armis fugatis sæpius virorum copiis, septem integros annos totam Bohemiam devastat & sibi tributariam reddit, usque dum dolo Primislai capta & interempta, reliquæ quoque mulieres internecione deletæ sunt. Primislai nepotes regimen plusquam trecentos & sexaginta annos continuos administrare; cum tandem Vladislao ab Henrico IV

Imp. regi corona imponeretur anno 1082 vel (ut quidam volunt) 1072. Non tamen absoluta Bohemicorum Regum in subditos potestas illa fuit, sed certis conditionibus limitata. Primislaus enim leges condiderat, (quæ subinde à Regni Proceribus accumulatae sunt) in quas servandas jurare Principes, & postea Reges gubernacula arrepturi cogebantur. Per multa sane Principibus illæ in moderanda ex arbitrio Rep. largiuntur, sed nonnulla populo quoque vel soli vendicant, vel cum Principe communicant. Ventantur enim Reges, *A regno quicquam abalienare, pignori dare; Libertati regni legibus obrogare; præter Barones, Equites, Civitates, plures in regni Ordines invehere; alienigenas ad arcium præfecturas vel publicas functiones ullas admovere; præter morem præsum, jura & libertatem, militiam incolis imperare, &c.* In decernendis bellis, imponendis tributis, & distribuendis majoribus officiis, siquid novi Rex decernere velit, rem prius ad Ordines universos in comitiis, vel ad Optimates collegialiter in consistorio referre, nec eorum modo consilium, sed & assensum exquirere necesse habet.

S E R I E S

D V C V M & R E G V M

B O H Æ M I Æ.

D V C E S.

I Echus Slavi invasit terram anno 649.
II Crocus, hic obiisse dicitur anno 709.

III Libyssa filia Croci, primum sola, postea cum Primislao marito, qui Pragam condidit, & leges genti scripsisse fertur. Sub his Valsca comparata ancillarum manu rebellis, excursionibus ex arce Dibin factis, Bohemiam depopulata est totum septennium, sed victa tandem est.

IV Nimislaus, dictus Epimetheus, magni patris degener filius. anno Christi 754.

V Mnatha patri similis, vixit anno 783. Sub isto coeperunt Moravi & Germani Bohemiam invadere.

VI Voricius Mnathæ filius, Mysos domuit, Moravos vicit.

VII Wenceslaus.

VIII Bela, anno 832. Hic cum Vratislaum ducem Soyzensem, qui bellum ipsi inferebat, precibus, muneribusque, mollire non posset, prælio vicit.

IX Nostrius patri successit anno Christi 873.

Stemma Ducum Bohemæ Christianorum, à Borzovogio usque ad Vladislaum primum regem.

X Borzovogius anno 890. Vxor ei Ludomilla. Quum autem Zwemtopolcus Moraviæ Rex, cui bellum erat adversus

Arnulphum Imperatorem, vicinos proceres ad epulum & societatem belli invitasset, solus Borzovogius, non mensæ admotus, sed humi sedere iussus, quod Paganus adhuc esset, motus ignominia & Cyrilli Episcopi pollicitationibus, qui ipsum Moraviæ regem futurum dicebat, si Christo nomen daret, protinus baptizatus est.

XI Sbitignovus Patri successit anno 905. Hic Templum exstruxit & Scholas, in quibus inventus Latine docebatur.

XII Vladislaus fratri successit, anno 907, quo defuncto uxor Drahomira Pagana Christianos afflixit, & socrum suam Ludomillam piam sceminam, submissis sicariis, occidit.

XIII Wenceslaus, qui Sanctus dicitur, matris odiis exagitatus Ratisbonæ Comitibus interfuit sub Henrico Imperatore, anno 923. Frater Boleslaus eum in templo trucidavit.

XIV Boleslaus I, fratricida, anno 929 à Moravis, Hungaris, Ottone I, Imperatore, bellis petitus est.

XV Boleslaus II patri longe dissimilis, Mitis à moribus dictus fuit. hic Christianam religionem in Bohemia valde promovit, evocato Dirmaro Saxone Episcopo. Congressus cum Paganis non aspernatus est auxilia Iudæorum, quibus post victoriam ob egregie navatam operam Synagogam Pragæ concessit, eo quo adhuc conspicitur loco.

XVI Boleslaus III anno 999, bellum gessit cum Boleslao Polono: quo Cracoviam, quæ antea Bohe-

Bohæmorum juris fuerat, amisit. Eum hostis oculis privavit.

XVII *Iaromirus* Boleslai III filius, anno Christi 1003.

XVIII *Vdalricus* educatus in aula Henrici II Imperatoris, Iaromiro successit anno 1004. Hic villici cuiusdam filiam uxorem duxit, quæ Beatrix dicta est.

XIX *Predislaus* Vdalrici filius, anno 1026 post patrem Bohæmiæ præfuit.

XX *Sbitignævus* II Predislai filius, homo iniquus, Germanos Bohæmia expulit, ne matre quidem excepta.

XXI *Vladislaus* anno 1061 fratri successit. Hic Moguntiæ ab Henrico IV cunctis Principibus suffragantibus primus Bohæmiæ rex creatus est, corona manibus Imperatoris ipsius capiti imposita.

XXII *Conradus* Dux, Vladislai frater.

XXIII *Predislaus* II Dux.

XXIV *Borziogius* Dux.

XXV *Suentopolcus* Dux.

XXVI *Vladislaus* Dux.

XXVII *Sobieslaus* Dux.

XXVIII *Vladislaus* II. hic pontem Pragensem exstruxit. Rex quoque factus est.

XXIX *Sobieslaus* Dux.

XXX *Fredericus* Dux.

R E G E S.

I *Vladislaus* ab Henrico IV ex Duce rex primus (ut jam dictum) Bohæmiæ appellatus.

II *Vladislaus* Dux vigesimus octavus, postea rex Bohæmiæ factus est à Frederico I, anno 1159.

III *Primislaus* I à Philippo Romanorum Imperatore rex factus est, qui potestatem quoque Bohæmis dedit proprios reges deligendi.

IV *Wenceslaus*, dictus quoque Ottocarus, obiit anno 1242.

V *Primislaus*, II vir potens, excelsi animi, bellicosus, dux Austriæ, Styriæ, &c.

VI *Wenceslaus* II, vix octennis patrem amisit, datus in tutelam Ottoni Marchioni Brandenburgico.

VII *Wenceslaus* III, vivo patre rex Hungariæ factus, successit defuncto ei in regno Bohæmiæ. Sed cum per ludum & ebrietatem vitam transigeret, Olomucii à sicario confossus periit, annum agens decimum octavum, anno Christi 1306.

VIII *Rudolphus* Austriacus Alberti Imperatoris filius, accepta Elisabetha Wenceslai vidua in uxorem, anno Christi 1307 electus est in Bohæmiæ regem contra Henricum, obiitque eodem anno in castris.

IX *Henricus*, Tyrolis & Carinthiæ Princeps, factus est Bohæmiæ rex contra Rudolphum Alberti Imper. filium.

X. *Joannes* Lutzelburgicus Henrici VII Imp. filius, Rex Bohæmiæ factus est anno 1310, pulso Henrico.

XI *Carolus*, ante Wenceslaus dictus, nomen illud accepit à Carolo Galliarum rege, apud quem fuit educatus. Hic anno Christi 1348 novam Pragæ condidit, Academiam ad exemplum Parisiensis formavit.

XII *Wenceslaus* Caroli filius, Ioannis nepos, cognomentum Ignavi ex re habuit. fuit enim vecors & plane dissolutus, ob eamque causam imperio motus. Mortuus est Pragæ in mediis furoribus concitata plebis Hussitica, correptus paralyti anno vitæ 57, Christi 1419.

XIII *Sigismundus* fratri Wenceslao successit, primum in Imperio, postea etiam in regno, sed fratri dispar, Hungariæ quoque Rex factus est. desinit vivere anno 1437 septuagenarius.

XIV *Albertus* Austriacus, post Lutzenburgicus, rex Bohæmiæ factus est, ducta Elisabetha Imperatoris Sigismundi filia. Extinctus est anno 1439.

XV *Ladislaus* Alberti posthumus patri in regnis Bohæmiæ & Hungariæ successit, simul atque tutela egressus est anno 1453; permisitque suis civibus, ut sive sub una, sive sub utraque specie sacram Cœnam sumerent, prout à Synodo Basiliensi fuit decretum. Extinctus est Pragæ in ipso nuptiarum apparatu, quæ cum Caroli Galliarum Regis filia adornabantur, anno ætatis 17, Christi 1456, non sine suspitione veneni.

XVI *Georgius Podiebractus* ob egregias virtutes, quas, dum minorennis adhuc esset Ladislaus, in gubernatione regni ostenderat, Rex factus, dignum se eo loco ostendit. Multa ipsi fuere cum Papa Eugenio certamina; Matthiam Corvinum, quem captivum tenebat, dimisit in regnum Hungariæ, data etiam ipsi filia sua Mariâ in conjugem, extinctus est hydrope anno 1471.

XVII *Georgio* statim successit *Vladislaus*, Casimiri regis Poloniæ filius primogenitus. Obiit Budæ anno 1516.

XVIII *Ludovicus* post patrem rex factus Bohæmiæ & Hungariæ, infeliciter cum Solymanno ad Mohatium pugnans cecidit, anno Christi 1526, lapsus in paludem, & ab equo oppressus.

XIX *Ferdinandus* Austriæ Archidux, frater Caroli V, Imperatoris, obiit anno 1564.

XX *Maximilianus* vivo adhuc patre rex coronatus est Pragæ anno 1562, die 20 Septemb.

XXI *Rudolphus* vivente patre Maximiliano rex Bohæmiæ designatus & coronatus est. Obiit anno 1612.

XXII *Matthias* Rudolpho Imperatori fratri suo successit.

XXIII Post Matthiam Ordines regni primò *Ferdinandum* II, deinde *Fredericum Palatinum* regem Bohæmiæ coronavere. Verum, bella ipsi movente Ferdinando Austriaco prædicto, pulsus regno Fredericus, & mox Palatinatu quoque à Spinola exutus, in Hollandiam concessit.

XXIV *Ferdinandus* II Imperator, obiit anno 1637.

XXV *Ferdinandus* III Imperator, Ferdinandi II filius, obiit anno 1657.

XXVI *Leopoldus* Imperator, filius Ferdinandi III, hodie feliciter regnat.

115

G L A T Z C O M I T A T V S.



Inter nobiliores Silesiae Comitatus, non infimus fuit Glacensis, vulgo Glatz, sui quondam juris, sed Boleslaus Comes Munsterbergensis & Glacensis vendidit Comitatum hunc Glacensem Ioanni Lucenburgio, Bohemiae Regi, anno 1326. Porro Ioannes, ab Henrico Principe Vratislaviensi, qui à fratre Boleslao oppugnabatur, in defensionem vocatus, dono dedit Henrico Comitatum Glacensem, ea vero intentione, ut & Vratislaviam ad se traheret, quod & effecit, nam Henricus improles moriens, eum heredem constituit, atque exinde Reges Bohemiae gaudent titulo huius Comitatus.

Populi veteres.

Populi veteres fuere *Quadi*, uti & in tota Silesia: istis succedere Slavi, gens Sarmatica, generali nomine Poloni dicti.

Termini.


Montes.

Comitatus hic undique amoenissimis cingitur montibus, quibus à cæteris sibi conterminis regionibus discluditur. A meridie enim sunt montes *Sudeti* & *Niviferi*, ubi altissimus monstratur mons nivis, vulgo *Schneeberg*, ad cuius pedem fons Nissae fluvii scaturit. Est & alius versus orientem mons eminens, quem *Wiesenberg* incolae dicunt, inter quem & supradictum maxima copia est ferarum, atque adeo locus venatione admodum frequens. Terminatur porro & alio monte ad

orientem, vulgo *Der Gulden Esel*, quasi Aureo Asino, ita dicto ab auro & argento quod hic effoditur. Ad Septentrionem montem habet *Bohemicum*, vulgo *Bohemsberg*, & *Argenteum*, *Silberberg*. Ad occasum autem *Riphaeis Gigantæis*que montibus clauditur. Fluvii præcipui, *Nissa*, *Steina*, *Biela*, & *Weistritz* magnam piscium copiam suppeditant. *Nissa*, vulgo *Neisse*, in Comitatu hoc ortus, lambens urbes *Mittelwalde*, *Habelswerde*, *Glatz*, *Wartha*, *Richenstein*, *Nissam* fluvio cognominem, *Laubenam*, & fluvios *Steinam*, *Bielam*, & *Weistritz* secum vehens, labitur ad *Schurgastum* in *Oderam*. Arva, agri, & camporum planities, pecoribus & frugibus omnigenis abundant. Horti amoenissimi fructus arboreos, olera, & alia naturæ beneficia mira copia subministrant.

Primaria & Metropolis huius Comitatus est *Metropolis*. **GLATZ**, à qua tota regio denominatur, jucundissimo tractu sita, & pulcherrimarum domuum nitore splendida. Arce in vicino colle posita fulget munitissima. Ex hac civitate prodire viri omni doctrina & eruditione præditi; inter quos *David Origanus*, qui *Ephemerides* composuit; & *Nicolaus Henelius*, qui *Silesiae & Vratislaviae Geographiam* edidit, *Francosteinii* natus, claruerunt. Ante annos complures turris supradictæ arcis nitrati pulveris plena, & fulmine incensa, miserabilem urbi cladem attulit, saxi vicinas aedes destruentibus: qua clade liberalitate plurimorum *Dominorum* absterfa, ad pristinum vigorem restituta est.





S I L E S I A

D V C A T V S.

43



Vetres
Incole.

Nomen.

Elevatio
Poli.

Termini.

Qualitas.

Montes.

SIlesia Quadis olim Marcomannorum & conterminis & sociis habitata fuit. Gens utraque bello celebris, & manibus animisque valida: Romanos illos rerum dominos, varia victoria adeo fatigarunt; ut primus

omnium M. Antoninus Imperator orbis terrarum consensu Philosophus cognominatus, Christianorum militum precibus victoria divinitus impetrata, triumphum de iis emeruisse duxissetque legatur. Quadis successerunt *Slavi*, gens Sarmatica: qui quodam tempore prægravantem domi multitudinem ductis coloniis exonerare adgressi, cum transmissio Vistula flumine in ea Germaniæ loca, quæ prius Vandali tenuerant, immigrassent, hanc etiam Quadorum sedem occuparunt: generali nomine *Poloni*, sive à *Pole*, quod vocabulum planiciem & venationem significat, sive à *polo*, Aquilonio nimirum, cui regio subjecta, sive denique à primo Duce auctoreque suo *Lecho* vel *Lacho*, quasi Polachi nuncupati. Generali inquam nomine: neque enim vocabulum aliud reperire est, quo hujus regionis incolæ ante inventum *Silesiæ* nomen vocati: quod quidem recentius esse, & vix à quingentis annis aut paullo amplius usurpari coeptum, certum est. *Silesiæ* sive *Slesæ* à confluxu multorum populorum nomen inditum: *Silesii* enim sive *Slezaci* quasi convenæ dicuntur, lingua Polonica.

Silesia porro, si per milliaria computare volueris, longam invenies plus minus 40 milliaria Germanica, latam 20 & ultra. Si vero ratione cæli ejus longitudinem collegeris, à gradu 32 ferme usque ad 37 protenditur; latitudo autem, sive poli elevatio, summa quidem est graduum ferme 52: ima paullo minor, quam 50. Ita quidem, ut figura ejus non rotunda sit & circularis; sed tetragonis speciem, inæquilateri tamen, præ se ferat. Terminos à Septentrione & Ortum habet Poloniam; à Meridie Moraviam & Hercyniam silvam; ab Occidente Lusatiam & Bohemiam partem. Regio universim tum montuosa est, tum campestris. Qua Septentrionem spectat & Occidentem, planior est & à montibus liberior: amœnos hic ibi habens colles, interque eos valles non minus jucundas quam frugiferas. Interior *Silesia* planicies habet amplas, & campos fertiles: suis tamen nec ipsa montibus, iisque non investibus aut sterilibus, sed qui densis vetustisque nemoribus ornati, destituta. Inter quos principis loci *Zabothus* sive *Zottenfis mons*, *der Zottenberg* / duobus à Swidnicio milliaribus situs, verticis altissimi & in summo nonnihil lati, subjectaque camporum æquora latissime despe-

Germania.

stantis, & vicissim longissime spectandi. Passus 1400 in circuitu complectitur, castellumque olim habuit impositum: cujus, quod latrunculis receptaculum præberet, anno Christi 1428 diruti soloque æquati vestigia quædam etiamnum supersunt. Meridiano Soli objacent montes *Sudeti*, à solitudine meridionali sic dicti, quasi *Eudæde* / pars amplissima illius vastissimæque *Hercyniæ* sylvæ: qui ab Hermunduris progressi ab Occasu in Ortum ad Carpathum excurrunt; qua enim Bojemiam respiciunt, quod toto fere anno nive canescant, niviferi, *das Böhmishe / Riesen / oder Schnegebirge* vocantur. In quibus eminentissimus *Giganteus mons*, *Risenberg* / auro, argento, ære, gemmis gravidus, sed in quem avaritia minus penetravit, deterrita obversantis montani demonis terrore, qui varia forma & specie, modo monachi cuculligeri, modo senecionis metallicorum more vestiti, mox equi generosi, iterum galli, corvi, ululæ aut bufonis maximi se conspiciendum offert, mirisque sæpe gestibus ea loca perlustrantibus illudit: vix unquam tamen noxam aut damnum intulisse cuiquam comperitus, nisi cachinno prius aut maledicto fuerit provocatus. Is vero tractus, qui Moravos à *Silesiis* dirimit, *Nissensium* & *Moravorum* montium nominibus gaudet, *das Neissche / Mährische gebirge* item *das Gesenke*. Ab Orientali autem plaga *Carpathi* juga *Silesiam* tangunt, eamque ab Hungaria & Polonia determinant, argenti & plumbi nigri egregie fecunda: *die Ungerischen Gebirge* / vulgo *Zabelunka*.

Regio hæc ut septentrionalior est, ita sterilis, inculca, & silvis horrida pleraque fuit superioribus sæculis, ætatis opinor injuria, & incolarum arma magis, quam aratra tractantium incuria. Postea autem cum habitatoribus cultior facta esset, silvæ illæ condensæ paulatim rarefcere coeperunt, terraque humano cultu & improba industria, sic emendari, ut paucarum rerum ad usum vitæ pertinentium ac necessariorum indiga, multis ad ornatum & voluptatem, Dei pietate indulgentissima, abundet. Frumenta quidem, triticum, adonem, hordeum, avenam, milium, fagopyrum, & leguminum omnijuga genera magna copia effundit. Soli tamen bonitas non ubique eadem. Commendantur præ aliis soli læticiæ agri *Vratislavienses*, *Strelenses*, *Leobschucenses* & *Giogovienses*. Nec tamen defunt etiam viridantia & florifera præta, pascuaque animantibus omne genus enutriendis uberrima: neque non silvis ac nemoribus in planis juxta ac montanis locis sua gratia. Pomaria apud *Silesios* frequentia & fructuosa, tam in hortis suburbanis, quam in prædiis rusticis. Lino adeo felix est hæc provincia, ut vix locum reperias, in quibus linificia tractari non animadvertas: quæ ob id non modo Provincie homines, sed ex-

P

teros



teros etiam homines divitiis atque opibus complent.

Nec vero minorem commoditatem & quæstum percipit Silesia ex *rubia sativa*, cujus præcipuus ad tincturas usus: quippe qua imbutæ lanæ & melius atque penitus colores quosdam combibunt, & firmiter durabiliusque retinent. *Acorus* item, non multis abhinc annis tam diligenter coli cœpit: ut ad externos etiam devehatur, magnumque inde cultoribus cedat lucrum.

Vinum. Baccho inimica prorsus non est Silesia. Tametsi ob cœli intemperiem & auram frigidiusculam minus frequenter vinum colitur: non tamen nullibi videas vites in collibus apricis ad ortum Solis patentibus. In inferiore sane Silesia vinum satis feliciter provenit: ac bonitate reliquis præferuntur, quæ ad *Crofnam*, *Gubenam*, *Grunbergam* colliguntur, præsertim rubra.

Metalla; Aurum. Metallorum, si quæ alia, hæc regio ferax est, & auri quidem divite vena olim claruerunt Goldberga, Leoberga, Strigovia: hodie Zuckmantela, Reichensteinum, & Vallis montis Gigantæi, *der Risengrund oder Goldgrund*: tum etiam Langenovia, Grunau & Smotzseiffen, districtus, Hirsbergensis pagi. Quod quidem Silesiæ aurum probe excoctum, non inferius esse Hungarico, metallicæ rei intelligentia præstantes testantur. Quin aurum quoque ipsum tale statim, quale nativæ venæ ferunt, alicubi eruitur: tenetque fama è fodinis ad Zuckmantelam auri puti frustra multarum librarum sæpe fuisse Episcopis Vratislaviensibus allata. Quid? quod & fluvii quidam rivulique Silesiæ arenas cum auri ramentis impetu aquarum à venis abrafis permittas alicubi provolvunt, ut *Cattus*, *Boherus*, *Zacus*, *Isara*, *Goldbach* prope *Gryphibergam*, *S. Georgenbach* ad *Hirsbergam*, prætereaque torrentes nonnulli in Lignicensi, lauraviensi, Swidnicensi & Nissenfi Ducatibus: ubi hodieque ramenta auri puri & optimi, utpote cursu iplo triti atque perpoliti ab aurilegulis lavantur.

Argentum. Argentariis celebrantur Silberberga, Bithonia, Tarnovitium, Reichensteinum, Gotsbergum, Ditmansdorffium, haud procul Swidnicio, Smotzseiffen, Zischdorffium, Gabela pagus ad Landeshuttum, Isaræ pratum, mons Gigantæus, & alia loca. *Æs.* *Æris* venas olim Goldberga, hodie Cupferberga, Altstadium Ducatus Nissenfis, Zuckmantela, Gotsbergum, Gieren & *Plumbum.* *Querbach* ad *Quissi* fluvii fontes ostentant. Plumbi candidi, quod *κασσίτερος* Græci vocant, unde Cassiterides insulæ, adparent venæ in subditorum tractu ad eosdem *Quissi* fontes veluti in Gieren, *Querbach*, *Vlrichsdorff*. Plumbi nigri Tarnovitium ferax, ubi ex terra flava liquatur. *Ferrum.* Ferrum pluribus locis silvestribus ingenti copia non sine uberrimo possessorum fructu & foditur; & ad id excoquendum atque elaborandum magna vis lignorum quotannis absumitur. Quod ad Sagum oppidum, è pratis eruitur fossis ad altitudinem bipedaneam actis (nec enim propter abundantiam aquarum altius agi possunt) decennio renatum denuo fodi non aliter ac *Iluxæ* ferrum, Georgius Agricola scribit.

Stibium. (quod antimonium officinæ vocant, Altstadii excoquitur. Chalcanthum sive vitriolum,

perspicuitate vitrea vulgo sic dictum, in Gigantum valle, Schreiberau, Zuckmantela, Cupferberga in viridem lapideamque duritiem ex pyrite atramentoso decoquitur: Wolaviæ etiam cæruleum ex melantheria: Tarnovitii item ex scoriiis plumbi: ut & lithargyrium. Ne quid hic de lazurio, chryfocolla, auripigmento sive arsenico, minio, alumine, sulphure, & similibus dicam fossilibus.

Latumia. Latumia, marmor, saxa calci conficiendæ apta & lapides lithanthraces, Germanis *Steinfolen* plurimis in locis effodiuntur.

Cotes ferramenta exacuenda in latumiis Leobergæ, Goldberga, & Naumburgi ad *Quissum* exciduntur. Nec *vitriaria* defunt fornaces & officinæ. Ad Strigam Ducatus Suvidnicensis oppidum in fodinis montis acuti sive D. Georgii terra subrubra, per Ioannem Montanum Medicum primum reperta, duras inter rupes eruitur, summaque diligentia in orbicularem formam, probatæ notæ sigillo impresso (unde *sigillatam* vocant) præparatur, ejusdem coloris virtutisque, cujus quæ Lemnia dicitur, raroque in officinis habetur legitima. In Ducatu Lignicensi sigillata etiam candida generatur, & ipsa non exigui in Medicina usus.

Plerisque locis in monticulo, quem *den Top pelberg* vocant, ollas effodi ajunt, & aliarum figurarum vasa fictilia prope madida molliaque, in aërem autem prolata indurescentia. Conjectantur olim sepulturas illic gentilium fuisse: qui cum urnis carerent, ollas interim cum cinere, igne, favilla & reliquis instrumentis ex rogo relictis tumulo condiderunt, mediaque inhumarunt arena. Vnde longinquitate temporis factum, ut madente terra assiduo humore ollæ liquecant, & si parum caute eximas, non nisi lutum atque argillam retineas: fin cautius & diligentius rem agas, aëris siccitate indurescant, & naturam pristinam, qua à figulo formata, retineant. Habet & hæc nostra regio lapillos preciosos sive gemmas, quæ cum alibi, tum ad ripas interque arenas torrentium & rivulorum è montibus præcipitantium passim reperiuntur, & pulcerrimæ quidem in Isaræ prato, minori maxime ad Bojemiam jam spectante lavantur. Sed & *Quissi* arenosa littora conchulas alunt, è quibus Margaritæ eruantur: quæ extra conchas etiam elegantissimæ ac pulcerrimæ in arena sæpe leguntur.

Sal fossitium seu nativum Silesia non habet, nec flumina ac fontes gignendo sale fecundos. Vtitur igitur adventitio, ex vicina Polonia & Saxonia importato. Halonitri plena multis in locis terra est. Feris omnis generis ad usus & delicias hominum refertissima est; quibus ob id vivaria etiam dominicis habitationibus vicina passim posita videmus: Ex his quædam in cibum idoneæ, ut cervi, capreoli, lepores, cuniculi quoque alicubi: quædam cibo fere inutiles, conficiendis exornandisque vestibus pelles, pilosque subministrant, ut lupi, vulpes, ursi, mustelæ, hermillini, ictides, martes sive mardures, taxi, lutræ item; & Castores sive *fibri aquificia*, hoc est, duplicis vitæ animalia.

Quadrupedum domesticorum, rei pecuariæ & volatilium omni genere abundat. Præter cohortales autem & villaticas, anseres, puta, anates columbas,

columbas, pavones, gallinas domesticas pariter & Meleagrides, nostri Indicas & Calecutenses adpellant, ad aucupia invitant, mensamque preciosis epulis opulentant anates feræ, quarum plurima ob piscinarum, lacuum & fluviorum frequentiam, genera, attagenes sive bonosæ, perdices, scolopaces, quas Plinius rusticulas, Martialis rusticas perdices, nostri *Sneppas* vocant, gallinæ montanæ, urogalli, fulicæ, glareolæ sive gallinulæ palustres, quarum plures item species, anseres feri, otides (*Trappanza* vulgo) columbæ montanæ, palumbi, turtures, grues, phasiani, coturnices, sturni, merulæ, & qui prima inter aves gloria, turdi. Atque ut de rapacibus illis alitibus, aquilis, accipitribus, falconibus, milvis, ardeis, onocrotalis, bubonibus, noctuis, & mille aliis nihil dicam: minorum quoque avicularum ingens est copia, ut lusciniarum, alaudarum, carduelium, ficedularum, rubecularum, rubicillarum, regulorum, parorum, galbularum, fringillarum, bombycillorum, luteolarum, corvirostrorum, embryzarum.

Fluvii. Fluvii Silesia irrigatur quamplurimis: quorum pauci quidem rarium patientes, plerique tamen lectissimorum piscium copia ac varietate celebres, tum molas & machinas frumentis frangendis, lignis secandis, chartis conficiendis, subigendis eluendisque pannis versant innumeras. Inter eos autem primo loco jure merito censetur Odera sive Viadrum, *Oder*, tum quod magnitudine sua præ reliquis conspicuus, tum quod inter Germaniam ac Poloniam limes olim habitus. Oritur hic in confinio Moraviæ & Silesiæ, & per hanc, perque Marchiam inde ac Pomeraniam ulteriorem permeans, infra Stetinum auctior aquis factus, nomine ubique suo, in Venedicum Sinum irrumpit. Currens Ostram, Elsam, Oppam, Nissam utramque, Olam, Stobram, Weidam, Bartham, Boberum, aliaque minora flumina in se recipit atque exhaurit: & Oderbergam, Ratiboriam, Cossam, Oppoliam, Bregam, Vratislaviam, Leubusium, Stinaviam, Kobenam, Glogoviam, Beuthenam, Crosnam, Francofurtum, Gripenhagen & Stetinum, urbes oppidaque non ignobilia præterfluit: agris vicinis non inutilis, & piscosus affatim. Post Viadrum præcipui sunt, qui sequuntur:

Boberus. Boberus, *Bober* / Slavis castorem sonans, nascitur juxta Schetzlariam, in Suidnicensi & Javorienfi Ducatibus, supra cognominem sui vicum *Bober* & Landishuttum, Cupferbergam, Hirsbergam, Lebnum, Leobergam, Boleflaviam, Sprottam, Saganum, Naumburgum oppida delapsus, ad Crosnam fluviorum convenarum auxilio auctus, Viadro immergitur. *Zacus, der Zack* / Slavis *Zakato* / id est, rivulorum constilatio, ex Sudetis montibus originem trahens, multis stipatus rivulis thermis Hirsbergensibus visis, ad Hirsbergam ipsam Bobero se immiscet.

Quissus. Quissus, *der Quiss* / limes Silesiæ Lusatiæ versus, montanis supra Gierengagum venis plumbi candidi celebrem erumpens, Fridebergam, Gryphimontinum, Lauubanum, Namburgum oppida attingit, & prope Saganum Bobero inseritur.

Cattus. Cattus, *die Katzbach* / qui anno 1608, 4 Non. Junii prodigiosa inundatione ita excrevit, ut hor-

Germania.

tis & agris foedum in modum devastatis, hydro-myliis, horreis, casis aliisque ædificiis quamplurimis quassatis, non modo innumera jumentorum ac pecudum multitudo perierit, sed & homines plusquam 120 tristissima morte vitam finierint. Nissa, *die Neiß* / qui è Lusatia promanans Pribusium, Soraviam, Muscam, Sommerfeldam, Gubenam attingit; inde Viadrum ingreditur. Nec tacere possum *Vistula, die Weichsel* / dominum & decus omnium eorum amnium, qui Boream versus per Sarmatiam feruntur. Exoritur autem in Ducatu Teschinenfi, & exinde statim in Poloniam lapsus, ea pervagata ad Gedanum in mare Balthicum exoneratur.

Lacus in Silesia non pauci: Inter eos non postremi loci sunt Cunicensis, Slavacensis, Culmenis, Breuningensis, Swibocensis Nastich dictus, & alii: Gigantæo monti lacus adjacent bini: quorum major occiduus, montibus à Meridie altissimis perpetuaque nive rigentibus, ex parte autem Septentrionali scopulis minus altis circumdatur. Aqua ipsa nigricat dira & ferruginea facie, immensæ profunditatis: nullos alit pisces, nec aliud quidquam vivens. Minor, orientior & depressior, in quem multæ aquæ ex montibus decurrentes ingrediuntur. Trutis abundat maximis, nigricantibus prorsus, sed optimi saporis ac probi succi.

Piscinæ insuper arte manuque factæ, iis permultæ & tam grandes, ut veterum piscinæ ad istas comparatæ nugæ videantur & imagines muscarum.

Piscium porro, quos Silesiæ alunt aquæ, genera, opfophagus aliquis melius tibi commemoraverit: & in iis præcipue, lupos sive lucios, carpiones, percas, luciopercas, prassios sive bramas, carassios, cirtas sive certas, erythrophthalmos, alosas, thymallos, siluros, nasos, mustelas sive lacertos, capitones, albiculos, alburnos, squalos, spinachias, & virides, vulgi solatia, tincas: tum mensarum delicias trutas sive fariones auratasve, salares, anguillas, mullas, sive barbos, gobiones, fundulos, & alios complures: muranæ, quas Poloni sulizæ & saluizæ & fulares vocant, in lacu Swibocensi, qui Marchiæ fines attingit, capiuntur. salmones & sturiones, quos acipenser Antiqui dixerunt, è mari Pomeranico in Oderam statis anni temporibus penetrant, & obstacula transilientes circa Beuthenam, Glogoviam, Stinaviam, & Vratislaviam, insidiosis caplis collocatis capiuntur. Neque hic omisero, quod mirum omnibus visum, in piscina quadam Baronatus Trachenbergenfis ante annos haud ita multos repertum fuisse lucium albidum coloris, longitudine cubiti unius & semissis, pinnis, notis, maculisque per corpus rubentibus: qui quidem sæpe captus & iterum atque iterum in piscinas injectus, nunquam colorem mutavit.

Fontes aquæ vivæ innumerabiles: nec defunt etiam calidarum aquarum salubres & uberrimæ scaturigines: quæ,

Sive bituminea rapiunt incendia vires,

Luteæve exiguis ardescunt sulphura fumis:

fit ut eorum ardore incallescens tellus, fervidum vaporem in superiora emittat loca: quo offensi vicini

Q

vicini fontes effervescunt inter venas suas, atque ita profluunt calidi: incorrupto interdum sapore, si remotior ab ignis pabulo fontium ortus. Quod si vero per ipsa loca sulphure aliave materia plena fluant aquæ, non calorem modo illius contactu, sed & saporem atque odorem contrahunt, quas variis corporum morbis curandis efficacissimas esse, multis experimentis cognitum est.

*Incolarum
Indoles.*

Cæli atque astrorum interpretes Silesiam Virginis & Mercurii tutelæ subijciunt. Huic cæli constitutioni Curæus ingenia Silesiorum respondere scribit. quippe quæ ut plurimum media sint inter sanguinea & melancholica: ideoque plerumque in illis, qui doctrina & usu non sunt exculsi, naturalem quandam tristitiam, morositatem, vel subagrestem quendam pudorem cerni. Verum si accedat cultura ex liberali institutione & assuefactione, ingenia eorum hominum non solum optime esse omnium artium capacia, verum etiam accipere elegantem quandam dexteritatem ad res magnas efficiendas. Si addam bellicosos esse Silesios, & ad conferenda prælia deposcendaque pericula audaces, sed sine mala malitia, mente candida & simplici, magisque falli quam fallere aptos, nihil opinor falsi dixerim. Eaque res haud dubie occasionem dedit fabulæ illi vulgo decantatæ de Asina à Silesiis pro magna leporum matre devorata. Quod si quis adhuc est, qui ridicula illa exprobratione delectetur, is tribus verbis respondentem sibi optimi genii & ingenii Poëtam audiat:

Dicis Grille, Asinos Silesia devorat omnes.

Si verum est, ne te devoret illa, cave.

Color hominum subrubicundus; statura mediocris: habitudo corporum optima: membrorum ac lineamentorum compositio elegans: tum naturalis quædam formæ bonitas: in feminis præsertim & puellis, quæ formæ genuino & non fucato nitore lacteoque candore gentes finitimas provocant: ut jam olim auctor magni Chronici Noribergensis *sexum femineum in Silesia venustum & affabilem*, salva tamen pudicitia, scripserit.

Iuventutis educationem quod attinet, ad pædagogia & magistros mares liberos mittere, & primis literarum elementis imbueri, pauperibus æque ac locupletibus, nobilibus ac plebeiis studium est. Puellæ etiam nobiles & urbanæ vel in scholis vel domi vernacula lingua legere, literas pingere & numerare discunt. Adultiores, puellæ quidem, rei familiari & sexui consentaneis artificiiis, qualia sunt nere, acu pingere, texere, coquere, &c. manus admovent. Nisi quod alicubi etiam materculæ reperiuntur, quæ filias suas, quas *αλγυδίνες* vident esse *ήμιμαθών*, ne forte maciem contrahant, & faciei sibi pravitatem affricent, ab omnibus laboribus & curis domesticis studiose submovent atque arcent. Mares vero vel ad doctrinarum studia, quibus Ecclesiæ ac Reipublicæ esse quandoque usui possint, admoventur, vel militiæ, aut mercaturæ, aut agriculturæ, aut opificiis mechanicis aliisque manuariis artibus, aut Principum denique & procerum ministeriis (*μία δ' έχ' άπαντας άμμε θρέψει μελίτις*, nec naturæ tantum semina, sed etiam

Fortuna sequitur munia quisque sue)

fese addicunt: complures etiam, præsertim nobiles ac ditiores, variorum populorum rerumque publicarum moribus & institutis coram intuitendis noscendisque lares paternos deferunt, & magnam secum doctrinæ copiam & optimarum rerum usum ex peregrinationibus collectum domum referunt.

Sunt autem docilia Silesiorum ingenia, neque mechanicarum magis quam liberalium artium capacia: majores quidem nostri Marti magis quam Phæbo dediti, & doctrinæ studia parum fuere culta. Avorum autem & nostra ætate doctorum virorum summaque eruditione, variis artibus & disciplinis præstantium magna copia.

Rem familiarem Silesii diligentissime curant: *Vitis.*

Victus mundior & elegantior, quin etiam parabilior, quam inter alias gentes. Plebis urbana & agrestis domesticarum pecudum carne, lactiniis, oleribus, & pane cum hordeaceo tum filigineo victitat. Urbanis ditioribus & nobilibus ampliora prædia possidentibus victus dapilior & preciosior, & hanc etiam provinciam sumptuosius exterorum luxus nonnihil contaminavit. Priscus & promiscuus Silesiæ potus est, Cerebibia vel Cereris vinum, *Cerevisia* vulgo & *Zethus* indiscriminatim appellatur, atque ex tritico hordeove primum ad regerminationem madefacto ligulisque enatis torrefacto (*βύνη* Græci, nostri *Malzam* vocant) tum aqua cum lupulo decocto, magnæ probitatis multique nutrimenti conficitur. Inter triticeos præcipuam laudem habet cerevisia *Vratislaviensis*, quæ *Scheps* vulgo adpellatur: Potus enim sapidus, gratus & jucundus, nec siti magis sedandæ, quam robori & salubritati quærendæ, præsertim ubi lupulo salictario bene fuerit temperatus: qui eam ob causam plurimus ad vicinos etiam asportatur. Hordeacea cerevisia mense Martio ut plurimum coquitur, & sine acoris vitio per integrum annum, imo plures etiam servari potest. Cujus rei causam sunt qui referant ad primi veris vim, atque singularem efficaciam. Vino olim pauci, & non nisi elegantiores utebantur: nunc nemo non abutitur: ex Hungaria præsertim, Austria & Moravia advecto. Mel quoque cum lupulo aqua decoctum (*Medonem* vulgo vocant, Plinius hydromeli & aquam mulsam) in frequenti usu est. Ex pirorum etiam & pomorum vinoso succo multis in locis fictitium vinum conficitur, quo plurimum tenuiores utuntur, quamvis sit, ut id genus alia, & frigidum, & flatulentum. Sed & vini sublimati, quod ex vini fæcibus vel ex frumento eliquatur, frequens est in Silesia potus, ex quo quidem nobiles in superiore præsertim Silesia luculentos proventus percipiunt.

Cæterum compotationes in Silesia frequentiores: ubi quidem portentosa pocula exhauriri videas, & sollicitè legem illam Græcorum observari, *aut bibendum aut abeundum*. Idque non magis in cauponis, ad quas vulgus compotandi causa convenire solet, quam in procerum conviviis, & quibuscunque fere conventibus.

Vestitus ratio eadem fere in Silesia est, quæ in reliqua Germania, hoc est, neque una, neque certa. Sæpe quippe pro tempore variatur cum qualitate, tum forma & ritu. Eum autem in modum à paucis annis,

Merces.

Lingua.

Religio.

annis, in corporis cultu & vestitu luxus invaluit, ut nec is ullis videatur legibus coerceri posse: apud sequiorem potissimum sexum, qui maxime hic modum excedit. Erga advenas & peregrinos Silesii perquam humani & benigni: optimisque moribus hoc ab iis impetrarunt, ut cum hic habitare cœperint, alia in patria se natos esse obliviscantur. Quæ quidem præclara omnino laus est; non ob id continuo Silesiæ deroganda, quod unus forsitan & alter homines nequam & improbi illam negligant. Magna sunt iisdem variarum rerum tam inter se quam vicinis cum gentibus commercia, quibus frumentum præcipue, pisces, cerevisiam, caseos, lanas, linum, pannos laneos lineosque, alutam, mel, ceram, rubiam tinctorum, acorum, plumbum, ferrum, lithargyrium, arma, &c. communicant.

Merces.

Lingua.

Idioma quod attinet, quemadmodum originis & nominis communione, ita etiam linguæ societate gens Silesiaca cum Polonis olim conjuncta fuit. Postea vero quam Germanorum coloniæ in Silesiam deductæ, ipsa denique à Polonia avulsa fuit: Germanici etiam sermonis usus prævaluit. Quamvis oppida pene tota & pagi pleni, ultra Viadrum præsertim, ista etiamnum ætate mordicus retinentium sermonem Slavicum: nec defunt, quibus in usu Bojemicus, à Polonico, si pronuntiationem & dialectum excipias, parum diversus.

Religio.

Religionem Christianam Silesia deorum superstitione olim occupata anno post natum Christum 969 Ioanne XIII, Romæ sedente amplecti cœpit: idque opera Micislai Polonorum Principis, qui tanta religionis Christianæ propagandæ cupiditate flagavit, ut novem statim diversis locis basilicas supellectili omnis generis preciosa ornatas, & censibus ac possessionibus locupletatas ædificaverit: & inter has etiam in Silesia Smogoroviensium cathedram: quæ subsequenti tempore Bicinam, tandem à Casimiro Polono Micislai II F. Vratislaviam translata est: insula urbi vicina ad Oderam sita, Episcopo & collegio sacerdotum attributa.

Præter Episcopatum autem alia quoque collegia canonicorum, ut Vratislaviæ ad D. Crucis & D. Egidii, in majore & minore Glogovia, Nissæ, Oppoliæ, Ratiboriæ atque alibi instituta sunt, redditibus amplissimis Principum liberalitate aliorumque fidelium prompto studio cuique attributis. Præterea monachorum quam plurimi ordines, ut vestibus ita & regulis inter se distincti: multiplices nonnarum sive monialium cœtus: domus hospitales, & id genus conventus alii: quorum antistitibus ducales nonnullis opes, omnibus vero ad liberaliter ac splendide vivendum magna facultas datur. Ne quid de plebanis, parochis, sive curionibus dicam, aliisque minorum sacerdotiorum curatoribus.

Episcopum porro suffragiis communibus deligunt sodales sive Canonici Collegii D. Ioannis: hæc tamen, si & Bojemiarum Regis accedat consensus: à quo electus & regaliū, quæ habet, investituram petere, & homagium illi atque fidelitatem, tanquam Princeps & vassallus Ligius, præstare tenetur. Eligendus autem est non nisi è Bojemis, Moravis, Silesiis aut conjunctis regno

Bojemiarum provinciis, qui quidem hoc munere dignus sit. Sic enim in celebri illa transactione Colowratenfi facta Anno Christi 1504, inter alia convenit. Quamquam ab hoc transactionis capite aliquoties recessum est.

De beneficiis Ecclesiasticis, quorum distributio ad Episcopum, Principes, Collegium, & alios quosunque pertinet, in eadem transactione pariter cautum est: ne aliis quam indigenis regni-que Bojemiarum & conjunctarum provinciarum incolis, qui quidem eo munere & honore reperiantur digni, conferantur. Sed hoc quoque transactionis caput non semel est violatum.

Abbatum & Præpositorum eligendorum jus Collegia Monachorum in Silesia hæc tamen retinuerunt. Tametsi enim decreto Concilii Tridentini collegia Monachorum Episcopis subiecta sunt: Gregorius tamen XIII, P. R. istius provinciarum monachos Episcoporum potestati exemisse fertur. Itaque eligantur nunc Abbates & Præpositi sine Episcopi assensu, quamquam consecrationes ab eodem accipiunt, quod ipsum tamen non aequè ab omnibus observatum constat.

In moniales plus habet Episcopus potestatis. In eligendis enim Abbatissis jus suffragii habet: & si moniales forte in electione dissentiant, suo voto controversiam dirimit.

Hoc plane singulare est, quod Abbatibus & monasteria in hac provincia pleraque in patrimonio Principis seu Regis Bojemiarum censentur, *werden für Sammergüter gehalten*. Itaque cum lis aliqua eis movetur, Cæsareus fisci Advocatus ipsis præsto est, qui operam dat, ne quid res Principis detrimenti capiat. Defungentium Antistitum bona non Ecclesiis neque cognatis, sed fisco regio sive Camera cedunt: quæ ob id mortuo Abbate vel Abbatissa quamprimum à fisco obsignantur, & præfente fisci Advocato in inventarium rediguntur. Quin etiam si quæ necessitas incidit, frequenter à Bojemiarum Regibus tributa Abbatibus & Prælatibus indici consueverunt: quam tamen subventionem ex charitate solum benevolentiaque in Reges, non etiam ex debito proficisci, vulgo commemorant: quippe qui jus esse Regibus in sacerdotia negant. Atque ex eodem jure etiam illud est: quod potestatem sibi Reges usurpant alendos offerre cœnobiiis milites veteranos sive caussarios: qui acceptis bello vulneribus graves annis, & multo jam fracti membra labore, fonticam caussam, cur dimissionem impetrent, adferunt, corporis autem artificio vitæ necessaria quæritare nequeunt.

Duces superioribus seculis in hac provincia fuerunt plurimi: inter quos cum hæreditas paterna in capita divideretur: factum est, ut in multas quasi lacinias discerpta provincia crebris exponeretur bellis, nunc vero stirpibus nonnullis morte sublatis ad pauciores redacta est provincia: qui quidem terras habent & dominia non contemnenda. Sunt autem hodie quatuor in Silesia Principum familia: Lygio-Bregensis & Teschenensis, à Piaſto Polonia Monarcha, continua serie absque ulla interruptione originem ducentes: quædam posterius in hanc provinciam aliunde

Duces.

de velut infitione quadam translata: cujusmodi sunt Monsterbergensis sive Olsnicensis, & Brandenburgensis. Ac Monsterbergensis quidem est stirpe Georgii Regis Bojemiae: cujus majores est stirpe Bosconis Comitis Nidani & Berneccii ad Rhenum: quem Germania relicta in Bojemiam transiisse illustremque Constadium & Podiebradiorum gentem condidisse, consensus quae editorum, quae ineditorum annalium habet. Brandenburgensis ex Zolleriana, Comitum, gente antiquissima: quae sub Carolo Magno coepit, à Thassilone propagata per 470 annos usque ad Eitel-Fridericum Comitem in Hohenzollern, qui vixit anno salutis 1273, & ex sorore Rudolphi Habsburgici Caesaris filium reliquit cognominem Eitel-Fridericum II, primum hujus familiae Burggravium Noribergensem, beneficio avunculi Caesaris: hujus abnepotem Fridericum ob res sapienter fortiterque domi bellicae per Hungariam & Bojemiam atque in imperio gestas, Sigismundus Imp. Constantiae designavit primum Marchionem Brandenburgicum, & suum in eo principatu successorem: à quo tota ista heroica Electorum & Marchionum Brandenburgensium omnium, quotquot hodie Dei gratia in Marchia, Borussia, Ducatu Iuliacensi, Franconia, Silesia florent, progenies uberrime fruticavit.

Et horum quidem Principum ditiones Silesiacae Regibus Bojemiae clientelari jure obstrictae: adeo quidem, ut tametsi jure communi Feuda dignitatum sint perpetua, & in infinitum transmissibilia, hoc tamen in Silesia deficiente simultanea investitura neququam observetur.

Barones.

Baronis vox ordinem Nobilium inter Principes & minorum gentium nobiles, sive equites, interjectum significat; sunt autem Barones in Silesia hac tempestate permulti: in quibus praesignis praeter reliquis illorum dignitas, qui Baroniarum Liberarum nomine Status provinciae repraesentant, & inter quos controversiis de jure *proinde sive* sessionis praerogativa compescendis D. Ferdinandus Rex hanc legem dixit: ut qui antiquissima esset familia, reliquos praecederet. Tenent autem hodie dynastias illas, Wartenbergensem quidem Burggravii Donenses, Pleßensem Promnicii, Milicensem Malzanii, Trachenbergensem Schaff-Gurschii Barones. Reliquorum nomina, quae mihi quidem innotuere, haec sunt: Bessii, Braunii, Curtzbachii, Donati, Kitlicii, Kochticii, Kotolinskii, Logi, Mettichii, Oppersdorffii, Parchwicii, Proskovii, Rederi, Schonaichii, Sedlnitzkii à Choltitz, Sonneckii, Tschirnhauseri, VVirbena, Zedlicii.

Nobiles in specie sic dicti sunt equestris loci homines, Italici *Gentilhuomini*, Silesiis vulgo *Zunckern* dicuntur, non modo clypeis gentilitiis, quae Nobilitatis insignia gestant, sed & specialibus titulis à plebe distincti.

Magistratus Silesiae vel Ecclesiastici sunt, vel Seculares.

Inter Ecclesiasticos familiam ducit Episcopus, quem sequuntur Pro-Episcopus sive Suffraganeus; cujus opera Episcopus in sacrandis templis cimiteriisque, ordinandis sacerdotibus &

similibus rebus utitur; Praepositi, Decani, Archidiaconi, Scholastici, Cantores sive Primicerii, Custodes, Cancellarii, Vicarii in spiritualibus, Officiales, Cœnobiarchae sive Abbates, Magistri, Priores, Custodes sive Guardiani, Parochi sive Plebani, &c. Qui qualem vel in clericos suos, vel in laicos etiam in causis vel spiritualibus vel civilibus habeant potestatem, late tractat jus Canonicum: quo lectorem remittere sufficiat.

Inter Laicos Magistratus post Imperatorem Romanum principe loco merito numeramus Regem Bojemiae.

A Rege primum sibi in Silesia vendicat locum Praefes Provinciae, sive Pro-Rex, qui supremus Praefectus sive Capitaneus vulgo adpellatur, & quasi *ἐξαρχ* quidam vice Regis universae provinciae cum imperio & auctoritate praestit. Ad ejus officium pertinet, convocare Ordines, quoties opus est, mandata Regis exequi, Principes & Ordines dissentientes ad concordiam redigere, rebelles aut contumaces ad officia cogere, & qualiter publicae disciplinae ac laeis tenuioribus consulatur, providere, denique ut pacata sit & quieta undique provincia, curare.

Principes porro Silesiae tam Ecclesiastici quam Seculares suis in Ducatibus & territoriis amplissimam potestatem, licet Bojemiae Regi obnoxiam, habent: & arbitrato adeo sibi suo consiliarios cum Equestri ordinis, tum Togatos & Iurisperitos legunt, praefecturasque ac magistratus mandant. Quanquam illis etiam Ducatibus sua cuique privilegia & consuetudines, in quibus Principes haud facile quid immutandum sibi censent. Baronibus Liberis eadem fere, quae Principibus, toto districtu Baronatus, potestas est.

Ceteris Ducatibus, qui Regi Bojemiae immediate subiecti, ex arbitrio Regis rectores sive gubernatores peculiare vulgo Capitanei, cum imperio praeficiuntur, tum in plebem, tum in Equestri ordinis homines jurisdictionem habentes, sed certis legibus ac finibus circumscriptam. Ad horum munus pertinet querimonias subditorum cognoscere, conventus Nobilitatis, quoties necessitas postulat, convocare, humiliores à potentiorum injuriis defendere, in delinquentes animadvertere, res judicatas executioni mandare, tranquillitatem publicam in urbibus & agris praestare, & nequis in praefectura sua motus existat, providere, & id genus alia jurisdictionis vel magis voluntariae ac honorariae, vel certe summariae. Oportet autem Praefectum esse Nobilem, & agros ac fundos proprios in ea ipsa Praefectura, quam gerit, habentem. Neque ignobili neque externo conferri praefecturam fas est. Habent item singuli fere Ducatus Cancellarios suos, & Secretarios vel Scribas, quos vocant, terrestres sive Provinciales: qui diplomatibus, edictis, sententiis, placitis comitialibus & aliis scripturis conficiendis atque signandis praesunt.

Plebs urbana & rustica partim Regi Bojemiae, partim Principibus, partim Sacerdotibus, partim Baronibus & Nobilibus parent: regunturque à suis quaeque dominis, eorumve praefectis ac procuratoribus. Sed praeter hos tamen plebs

plebs quæque oppidatim & pagatim proprios habet ex corpore suo magistratus. Ac civitatibus quidem gubernandis præfunt Decuriones sive Senatores, qui statum urbis tuentur ac de Rep. simul consultant, proque civitatis aut magnitudine, aut infrequentia & parvitate varia inter se politiæ munia distributa habent. Sunt enim præfecti ærarii, ædiles, viocuri, pupillorum ac viduarum patroni, sacrarum ædium curatores, eleemosynæ præfecti, scholarum præfides, præfecti agrorum & pagorum, forestarii, & si quæ sunt alia munera publica: quæ in oppidis ac vicis minoribus communiter fere à decurionibus curantur. Eorum porro non idem ubique certus tamen est numerus: quibus qui præfider, vernacula lingua Burgo-magister, vulgo Consul dicitur, etiam minorum oppidorum. Officium autem civium magistri est, collegas, quoties opus est, convocare, pecunias publicas in usus necessarios disponere, operum publicorum munera singulis demandare: in rebus insuper urbanis edicere, decernere, vocare, in custodiam per prætorem mittere, & jus quoque ac sententiam in causis civium controversis dicere ac pronunciare, sed ut arbitrum fere, non ut judicem: & toti denique politiæ ac statui urbano consulere, atque eam in rem curas suas ac cogitationes omnes intendere. In primariis quibuldam urbibus plures uno sunt Consules, iique per vices fere magistratum gerentes. Creant autem hos magistratus vel Domini eorumve præfecti; vel ipsi jus habent ex his, qui inter oppidanos virtute atque opibus præcellunt, quos volunt, in sua collegia cooptandi, quoties vacat locus: iidemque alicubi temporariam, alicubi perpetuam habent administrationem.

Decurionibus præsto sunt in Rebuspub. majoribus Syndici Legum & jurisperiti: qui id præcipue curæ habent, ut Senatui non tantum in jure dicundo, sed & aliàs consilio adsint, & ejusdem Oratores, adeoque Universitatis veluti Advocati, etsi usus postulet, etiam Legati audiant: tum Secretarii, & Scribæ sive Notarii, cum suis etiam adjutoribus sive vicariis, si opus sit: qui cum privatas tabulas, sive ut loquuntur instrumenta contractuum ac testamentorum, nuptiarum, transactionum, donationum conscribunt, tum judicum sententias in acta redigunt, scribendis epistolis & custodiendis decretis magistratum ac Senatusconsultis aliisque publicis chartis toti vacant. Et Notariorum quidem munus in Silesia lucrosum juxta & honorificum: neque ad id quisquam admittitur, nisi honesto loco, & fide atque industria cognita: quod necesse est plerorumque consiliorum eum esse participem, in minoribus præfertim oppidis, in quibus qui magistratum gerunt, homines magnam partem imperiti & idiotæ tantum fere sapiunt, quantum hi nostri *уездныхъ* velint.

Potestate decurionibus proximi sunt jurati judices sive Scabini, qui à decurionibus ut plurimum leguntur, & judiciis tum pecuniariis tum etiam capitalibus præfunt: quorum princeps ab aliis prætor, ab aliis scultetus (quasi *Schultheiß*) quod noxæ debitive exactor esse, penas irro-

Germania.

gare, ac multas ab iis, qui deliquerunt, exposcere soleat) ab aliis Advocatus, vulgo *Stattvogt* vocatur.

Habent item in qualibet civitate & oppido singulæ opificum societates & contubernia decanos sive tribunos suos, & his adjunctos aliquot seniores. In pagis gens rustica scultetos habet, qui jure Saxonico *Wassermeister* vocantur: & vel hæreditarii sunt (*Frey und Erbschulthen*) vel dominorum arbitrato constituuntur: quibus adjuncti aliquot ex aratorum numero Scabini.

Judicia quod attinet, siquidem inter Ordines ipsos lis existat, aut alius quispiam sive sit Nobilis sive ignobilis, sive subditus sive extraneus, cum uno aliquo ex ordinibus contendat: Præfectus supremus controversiam, si potest, componit; si quæ vero difficiliore oriantur controversiæ, de quibus aut præfectus ferre sententiam, aut litigantium alterutra pars acquiescere sententiæ nolit, tum ad supremum tribunal, quod Vratislaviæ ex Statibus provinciæ eorumque legatis ac consiliariis legum ac morumperitis bis quotannis convocatur, & velut vinculum est ac nervus publicæ tranquillitatis (*das Ober oder Fürstenrecht*) causa refertur. Concessum est hoc judicium Ordinibus Silesiæ à Vladislao Rege A. C. 1498: ejusque tanta auctoritas, ut non solum *авторитетъ* sit, & ex jure quodam majestatis possit claudere jura manu, succisa sublataque omnibus appellationis ulterioris licentia, nec non & gravissima in eos constituta pœna, qui sententiæ intra duos ab ejus publicatione menses non paruerint & executioni sese opposuerint: verum ipse etiam Bojemix Rex coram illo & conveniat alios, & vicissim se conveniri patiat. Quod ipsum postea Ferdinandus & subsequentes Reges peculiaribus diplomatibus Principibus & Ordinibus Silesiæ confirmarunt.

In hoc porro Silesiæ tribunali secus quam in aliis citationes non singulos ad actus, sed ad totam causam indistincte decernuntur: quæ tamen reo tribus ante judicii diem mensibus innuandæ.

Illud quæsitum, an Principes & alii Status Silesiæ etiam in causis criminalibus coram supremo tribunali convenire possunt. Nec desunt etiam eorum exempla, proditum est, Nicolaum Principem Oppoliensem propter vim Casimiro Teschinenti & Episcopo Vratislaviensi in publico Ordinum conventu illatam, Nissæ sententia à judicibus urbanis pronunciata, capitali supplicio adfectum.

In Ducatibus causas provincialium suorum privatas, quæ sine strepitu judicii de simplici & plano componi possunt, cognoscunt & dijudicant Præfecti: graviores controversias judiciis provincialibus reservantes, quæ statis temporibus in certis oppidis quotannis exercentur, per scabinos ex ipsa Nobilitate delectos. Provocatur inde, si litigantes sententia lata sibi minus satisfactum arbitrentur, ad Regem Bojemix. Glogoviensibus tamen, Iavoriensibus, Oppoliensibus & Ratiboriensibus extremæ provocationis jus inter jura majestatis tam præcipuum

R

spe-

specialibus privilegiis remissum, ita quidem ut sententiæ, in comitiis illorum latae, provocatio- num aleis remorisque minime sint obnoxiae.

In urbibus, quarum pleræque vel Principum concessu expressoque privilegio, vel præscri- ptione, hominum memoriam excedente, non simplicem modo jurisdictionem, sed & merum imperium sive jurisdictionem superiorem exer- cent, judiciorum non una atque eadem ratio. In universum tamen judiciaria potestas partim penes Burgomagistrum & decuriones, partim penes Advocatum & Scabinos juratos: quorum hi processum judicarium accuratius servant, illi summariter plerumque sine consueta judicii forma procedunt.

In pagis judicia simplicissima, quæ sine stre- pitu & figura judicii, vel à dominis pro jurisdic- tionis, quam obtinent, ratione eorumve præ- fectis & procuratoribus exercentur, vel à scul- tetis, qui cum adjunctis scabinis in minoribus & facilioribus negociis jus dicunt, & judicia humi- liora obeunt.

Ab his autem judiciis omnibus tam urbanis quam paganis, servatis gradibus & ordine juris, provocare fas est: non obstantibus etiam quo- rundam locorum statutis.

De provocationibus, quæ ad Regem Bojemiam fiunt, Senatus Appellationum Regius, qui Pra- gæ residet, cognoscit, quem D. Ferdinandus I Rex, in arce Pragensi constituit & ordinavit: ad quem non modo ex Bojemia & conjunctis ei provinciis provocationes omnes, quibus ca- sibus eæ licitæ, devolverentur, sed & in pri- ma instantia sententiæ inde definitivæ peteren- tur.

Cum superiore illo Germaniæ Tribunali, quod jam Camerae Spirensis nomine celebre est, ni- hil Silesiis negotii: neque causam ullam Silesia- cam ab illo Senatu judicatam, meminisse quis- quam potest. Extra Appellationem Rex Bojemiam causas, quæ apud ordinarios Iudices tractan- tur, è Silesia evocandi potestatem non habet. Vtitur porro omnis ferme Silesia jure Saxonico. Quod si quid comprehensum illo non reperi- tur, aut comprehensum quidem, sed usu minime receptum, ad jus commune Romanorum sive Cæsareum recurritur. Sed & Ordines Silesiæ, tum singuli Ducatus peculiaria, inter se autem com- munita habent instituta, quæ *Policey & Landß- ordnungen*/hoc est, Terræ constitutiones vocan- tur: in quibus istius Polonici juris, quo usa fuit antiquitus Silesia, non obscura alicubi adparent vestigia.

Comitia.

Comitia à Bojemiam Rege, quo tempore commodum videtur, indici solent: Principes tamen & Ordines Silesiæ, etiam ante impetra- tam ad eam rem Regis veniam, in concilium eundi, si quid subitum & fortuitum incidat, jus sibi esse putant.

Senatus.

Statuum ordines quatuor censentur: primus Principum: alter Baronum, qui *nat' i' exch'ni* Liberi adpellantur: tertius Nobilium, quartus Civita- tum. Principum subditi, inter quos Baronum etiam & Nobilium præstantes familiæ, nec lo- cum in Confessu, nec dictionem sententiæ ullam habent.

Forma ac modus habendorum Comitiorum & statuendi in iis, ac concludendi talis est: Su- premus Præfectus literis ad Ordines missis, quis dies & locus comitiis futurus sit, edicit: Quibus literis redditis, Principes & Ordines vel ipsi se- sistunt, vel Legatos suos sive nuncios mittunt: universæ potestatem illis facientes curandi ea, quæcunque in communi è Republ. fore vide- buntur. Vbi conventum est, Legati, si qui ad co- mitia missi, Regii per certas personas ab Ordini- bus ad hoc deputatas ex hospitio avocantur, & officii causa in locum comitiorum honorifice deducuntur, Legationisque suæ ac mandatorum ante omnia fidem faciunt: tum propositio ore- tenus ab uno Legatorum facta, mox etiam de scripto legitur, atque ut de postulatis Regis cæ- terisque rebus propositis in medium omnes con- sultant, quæque in commune profutura existi- ment, ex animi sententia proferant, admonen- tur. Peracta rogatione, Status in classes sive con- silia divisi, de capitibus propositis seorsim con- sultant. Sunt autem consilia quatuor. I. Prin- cipum & Baronum conjunctim. II. Nobilium. III. Civitatum. IV. Supremi ipsius Silesiæ Præfecti, qui Comitiorum director est, & vota reliquorum colligit. Habitis deliberationibus rursus similiter conjunguntur: ibique Principes ac Barones pro dignitatis gradu & suffragiorum prærogativa sententiam suam primo loco ape- riunt: quæ si cæteris placet, eam approbant: sin minus, suas quoque sententias suo quique lo- co indicant. Quod si omnium Ordinum vel ma- jor pars consentiat, ex Ordinum parte confecta res est. Sin minus, supremus Præfectus vel voto suo controversiam dirimit, vel validis ad persua- dendum utens rationibus, ut Status in id, quod Princeps rogaverit, aut alias ex usu videtur Rei- publ. consentiant, pro ratione muneris sum- mam adhibet diligentiam.

Quæque ita conclusa sunt, literis consignata in Principum ac Procerum & Ordinum Provin- ciæ corona, præsentibus Legatis publice reci- tantur: tum sigillis munita iisdem Commissariis, ut ad Regiam Majestatem referant, traduntur: denique ut omnibus innotescant, in Provinciali- bus Ducatuum conventibus publicantur.

Locus habendorum comitiorum apud majores nullus fuit certus aut perpetuus; nostra vero ætate, non lege aut decreto ullo, quod sciam, sed solo usu diu servatum est, ut publicus Sena- tus Vratislaviæ ut plurimum in ejus urbis curia habeatur.

Ex Cæsarum quoque auctoritate Vratislaviæ constitutum est Collegium sive Curia Rationa- lium, quam vulgo Camera Silesiacam vocant, ex viris dignitate & integritate conspicuis, & Legum ac morum peritis: qui regalium & fisci atque patrimonii Principalis curam & admini- strationem habent, causasque eo spectantes judicant, rem denique nummariam Principis universam tractant & moderantur. Horum ca- put est vir primariæ plerumque Nobilitatis & auctoritatis, quem Præsidentem Camerae vocant. Adjuncti sunt iisdem Procuratores sive Patroni & Advocati Fisci: quorum munus est, pro Re- ge, quotiescunque de Fisci interesse agitur, po- stulare,

Comitiis: m
habendorum
modus.

I Divisio.

Fides Sile-
siæ Supe-
rioris;

Inferioris.

II Divisio
in 16 Du-
catibus.Camera Sile-
siaca.

stulare, ejusque jura & commoda, absque calumnia tamen, tueri & curare.

Prædiorum Regiorum sive Cameralium atque reddituum inde provenientium Curatores, tum vectigalium qua ordinariorum, puta ex rebus investitis evectisque & similium, qua extraordinariorum & aliarum, quæ Fisco debentur, pensionum exactores varii constituti & per provincias dispersi: iisque præfectus Quæstor ærarius sive Rent-magister: rationibus reddendis omnes Cameræ obnoxii. Quibus inspiciendis ac dispungendis peculiares discussores sive magistri ratiociniorum constituti: quos rationum Consiliarios, *Ratirätthe* vulgo vocant. Cum tributis, quæ respectu ædium, prædiorum aliorumque bonorum immobilium, secundum censum sive æstimationem & taxationem illorum publice factam, exiguntur atque imperantur, Cameralibus nihil negotii: neque illorum colligendorum & tractandorum potestas penes alios, quam qui ad hoc munus à Principibus atque Ordinibus ipsis sunt delegati: qui deinde vel ad Regem ipsum ejusve Cameram destinant, vel in Hungariam ad alendos stipendiis cum in expeditione & castris, tum in præfidiis milites mittunt. Cujus quidem regni tutelæ quanti à Silesiis vel nupero quindecennali bello sint impensi sumptus, si quis universim computare velit, plures auri myriadas reperturus sit, quam multorum opinio assequatur.

i Divisio.

Dividitur Silesia sex modis; Prima autem & generalis divisio erat olim in tres partes, nunc vero in duas, Superiorem scilicet & Inferiorem Silesiam.

Vrbes Silesiæ Superioris;

Superior Silesia Vrbes præcipuas complectitur has, *Jaegerndorf*, *Troppaw*, *Teschén*, *Ratibor*, & *Oppeln*, cum sibi annexis oppidis, monasteriis, castris, castellis atque pagis, nec non Libero Baronatu *Plessensi*.

Inferioris.

Silesiæ Inferiori attribuuntur, *Grotkaw* cum *Neissa*, *Brieg*, *Breslaw*, *Olsfen*, *Monsterberg*, *Sweidnitz*, *Iauer*, *Lignitz*, *Glogaw*, *Sagan* & *Crossen*, cum sibi annexis urbibus, monasteriis, castris, castellis, nec non tribus Baronatibus Liberis, *Wartenberg*, *Mielitsch*, & *Trachenberg*.

ii Divisio in 16 Ducatus.

Ex hac prima Silesiæ divisione, resultat Secunda, qua universa partitur in sedecim Ducatus, & quatuor Baronatus, qui singuli à sua metropoli denominantur.

Tres Ducatus contigui, *Ratibor*, *Jaegerndorf*, & *Troppaw*, usque ad Alpes Bohæmicas protenduntur, habentque sibi confinem Moraviam.

Ducatus *Teschensis* terminatur hinc Moravia Alpibus Pannonicis, inde finibus ipsis Pannoniæ & Poloniæ Minoris.

Ducatus *Oppelensis*, atque etiam *Briegensis*, qua parte Viadrum transcendit, nec non Baronatus *Trachenberg*, *Mielitsch* & *Wartenberg*, Polonia Minori terminantur. *Grotkaviensis*, qua Meridiem spectat, Moraviam habet conterminam, pars Meridionalis, ut & Ducatus *Vratislaviensis*, *Lignicensis* & *Monsterbergensis*, in penitissima Silesia siti sunt. *Vratislaviensis* tamen Septentrionem versus procurrens, ipsum quoque Viadrum superat. Ultra Viadrum situs intermediumque habens Ducatum *Liegnicensem*, oppositam aspicit Po-

loniam Majorem. *Sweidnicus*, & *Iauericus* porriguntur usque ad Alpes Bohæmicas, atque hic quidem parte Occidentali etiam usque ad Lusatiam Superiorem. Major *Glogovia* terminatur partim Polonia, partim etiam Electoratu Brandeburgico. Ducatus vero *Saganensis* & *Crossensis*, Lusatia Inferiori. Primus quatuor Baronatuum prædictorum, *Plessensis* scilicet, contingit Poloniam Minorem, reliqui tres Poloniam Majorem sibi adversam habent.

Tertia hujus regionis divisio, est in quatuor Circulos, ut loquuntur, ad rem militarem spectans, quæque urgentibus rebus, & variantibus belli casibus, ipsa quoque diversimode variatur.

Tertia Divisio in quatuor Circulos diversimode.

Anno quippe 1530, regio hæc divisa fuit in quatuor circulos hoc modo, ut primus contineret hos quatuor Principatus, *Saganensem*, *Glogoviensem*, *Iauerensem*, & *Liegnitzensem*: cum urbe *Lubenac*.

Secundus vero complectebatur præter Ducatum *Vratislaviensem*, *Olnicensem*, & *Brigensem*: urbes complures; *Wohlaw*, *Steinaw*, *Rauden*, *Winzig*, *Hernstadt*, *Trachenberg*, *Prausnitz*, *Mielitsch*, *Wartenberg*, *Bernstadt*, & *Oblaw*.

Tertius vero præter *Schweidnitz*, *Monsterberg* & *Franckenstein*, habuit Episcopatum *Neissa*, *Nimbtzsch* & *Strehlen*.

In quarto vero, præter *Oppelensem*, *Ratiboriensem*, *Troppaviensem*, *Teschensem*, & *Jaegerndorfensem* Ducatus, fuerunt *Oberberg*, *Pless*, *Lubschütz*, *Neustedt*, & *Oberbeudten*.

Postea anno 1541, tota regio rursus in quatuor, sed diversos à prioribus, circulos fuit partita; nam in primo fuit Episcopus, cum *Grotkaviensibus*, & *Neissensibus*, item Marchio Georgius, cum *Jaegerndorf* & *Lubschütz*, Ducatus etiam *Vratislaviensis* & Liber Baronatus *Plessensis*.

In secundo fuit Fridericus Dux *Liegnitzensis*, cum Ducatu *Saganensi* & *Glogoviensi*.

In tertio Dux *Monsterbergensis*, cum omnibus suis ditionibus & subditis, item *Sweidnitzensis*, duoque Domini à *Kurzbac*, & *Malzhan*.

In quarto vero, *Oppeln*, *Ratibor*, *Teschén*, *Troppaw* & *Fulstein*.

Anno 1578, nova demum regionis secundum circulos divisio, Defensionis dicta, secuta est. Hæc tota regio in quatuor rursus sive tractus sive circulos divisa fuit. In primo conclusa fuit tota Silesia Superior, quæ in se comprehendit Ducatum *Teschén*, cum omnibus dominiis, velut *Jaegerndorf*, *Troppaw*, *Oppeln*, *Ratibor*, *Pless*, *Bilitz*, *Olberstorf*, *Heubendorf*, *Glinka*, *Villenstein*, *Viest*, *Costenthal*, *Katschur*, *Fulnegk*.

In secundo, Episcopatus *Vratislaviensis*, & *Briegensis*. quibus ceu additamentum adjectum *Burgum* majus.

In tertio, Ecclesiastica bona omnia in hoc circulo sita, *Liegnitz*, *Wohlaw*, *Steinaw*, *Rauden*, *Winzig*, *Herrenstadt*, *Rietzen*, *Trachenbergk*, *Mielitsch*, duo *Kirtzbaccher*, *Sigismundus* & *Henricus*, *Glogovia* major, *Sagan*; quibus adjiciendum *Crossen*.

In quarto, *Schweidnitz*, *Iauer*, *Monsterberg*, *Franckenstein*, *Reichstein*, & *Silberberg*.

Quarto omnis Silesia in duo latera bipartita est, Germanicum & Polonicum: Polonicum latus vocant, illud quod est ultra Viadrum, versus Septen-

Altera.

I.

II.

III.

IV.

Tertia.

I.

II.

III.

IV.

Quarta.

52 S I L E S I A S V P E R I O R .

Septentrionem; Germanicum contra, quod est cis Viadrum, Meridiem versus: in illo Polonico idiomate plurimum delectantur pagani; neque in illo solum, verum etiam in Germanico, ubi quotquot inter Ohlaw & Cant rura incolunt, ab usu Polonicæ linguæ avocari se non patiuntur.

Quinta divisio.

Dividitur etiam quintò hæc regio in quater-

niones, habita proportionem Geometricam, quod censibus agendis hæc divisio videatur commodissima.

Ultimo & sexto loco Silesia omnis non incommode dividitur in planam, qua Meridiei objacet; & saltuosam seu montosam, qua Septentrionem spectat.

D V C A T V V M
S I L E S I Æ S V P E R I O R I S
D E S C R I P T I O .

D V C A T V S
R A T I B O R I E N S I S .

mœnitum, inter Mislowicum & Lasnam situm. Est præterea in hoc Ducatu Monasterium Rauden.

Termini.



Atiboriensem Ducatum cingunt ab Oriente Polonia, Septentrionem versus Oppaviensis Ducatus, Oppaviensis ab Occidente & Teschinenfis à Meridie. Situs ejus non absimilis est Saganensi Ducatui, nisi quod latior hic Ducatus sit & magis curvus.

Ratiboria.

Ratiboria primas tenet, urbs cum arce vetusta, sinistro Viadri alveo adjacens. Subjacet aëri salubri, agros habet fertiles, amœna prata, uberemque fructiferarum arborum copiam. Cœnobium isthic virginum & virorum est. Collegium Canoniorum sub titulo B. Mariæ Virginis in arce instituit Thomas Episcopus, eique decimas quasdam de suis attribuit: quod successu temporis ex arce in oppidum translatus est. Spectantur præterea Cathedralis Ecclesia & Cœnobium virginibus inhabitatum, Collegium Societatis Iesu, Xenodochium & Palatium Ducale ad Oderam. Privatorum ædes plurimum ligneæ sunt. In insignibus habet mediam candidamque aquilam, & mediam candidam rotam. Multis bellicis casibus obnoxia, & plurimis incendiis fœdata fuit, quemadmodum & anno 1574 per bombardam in horreum explosam tota incendio exhausta, ut & anno 1637 non minora damna ex fortuito igne passa est. Anno 1627 Wimarodanici irritò eventu eam obsedere. Anno vero 1633 & 1642 à Suecis capta, & aliquamdiu retenta est, donec à Cæsarianis tandem reciperetur. Attribuuntur præterea huic Ducatui, Lossa oppidulum immœnitum, sed cui famam annuæ equorum nundinæ conciliant. Oderberga, oppidulum sine mœnibus, arcem habens adjacentem vetustam ad Oderæ & Elsæ confluentem: Pilzowicium Poloniam versus situm inter Rauden & Leschnitz. Ribnicum oppidum apertum cum arce ducali. Ribnicensis Ducis apud Cromerum & alibi mentio. Mislowicium oppidulum in finibus Poloniæ situm. Sora, oppidum

Oppida subjecta.

T E S C H I N E N S I S
D V C A T V S ,
E T B A R O N A T V S
P L E S S A .

Terminatur Teschinenfis Ducatus Polonia ad ortum Solis, ad Austrum Moravia, Oppaviensi Ducatu ad Occasum, & Ratiborienfi ad Aquilonem.

Metropolis est Teschena, Cromero Cessinum, urbs primaria cum arce Principis ad Elsam fluvium, & radices montis Carpathi, emporio nobilis. Sclopeti isthic conficiuntur, qui palmam poscere audent contra omnes Silesiæ. Aura fruitur montana & salubri, & omnis generis annonæ abundat; avium ferarumque copiam non longe distantes silvæ, una præstantissima Hungaria suppeditat. Munita est urbs fortibus muris & excelsis portis, & splendidissima arce, quæ in editiori colle fundata, non exiguum urbi munimentum est. Ædes circa forum ex lapide structæ sunt, reliquæ plurimæ ex ligno. Insignia præferunt candidum palatium in cæruleo campo cum acuminatis turribus, ante quas flava aquila resplendet.

Reliqua oppida sunt: Bilicium, munitum atque amœnum, cum arce non inelegante atque invalida ad cognominem fluvium Bilam, cujus Dynasta ex illustri Sonneckiorum familia. Fristadium oppidum est mœnitum & arcipotens, textoribus telarum linearum frequens, Dynastas habens ex generosa Ziganorum familia. Fridecca, nomine tenuis cognita. Iablunca ad Carpathum montem & fines Hungariæ, nullis mœnibus circumdatum, sed arce validum. Niskovia, ad fluvii Ostræ fontes situm oppidum, aliis Mitskovia dictum, & ad Moraviam relatum. Skotzovia ad Vistulam situm oppidum, non procul Plessa urbe, & dynastia celebre, cui Struminum non longe distans oppidum, alias Schwarzwasser dictum, subdi-

Limites.

Teschena.

Oppida.

subdi-

subditum est. Ray porro arx est, è regione Fristadii ad Elsam fluvium jacens.

Plessa.

Plessa, oppidum elegans in planicie amœna haud procul Vistula fluvio, ad limites Poloniae Majoris situm, & insigni arce præditum, Baronatus fulget honore, Toparchas nacta, ex testamento Episcopi Balthasaris, Barones Promnicios. Anno 1618 & 24 à Polonis Cosaccis direptum est.

D V C A T V S
O P P A V I E N S I S,
S E V
T R O P P A V I E N S I S.

Termini.

Terminatur hic Ducatus Teschinenfi & Ratiborienfi Ducatibus ab Oriente, à Meridie ac Occidente Moravia & Grotkavia, Carnoviaque à Septentrione. Includit quasi ab omni parte Carnoviensem Ducatum, & ab Oppa fluvio nomen habet.

Troppavia.

Troppavia, sive Oppavia Ducatus sui Metropolis est, ad Moræ & Oppæ confluvium ædificata: urbs satis ampla & habitatorum multitudine referta, tota undique muris firmis cincta: templis compluribus, inter quæ speciosissimum est parochiale, affabre extructum, ornata: magnis concinnisque civium ædificiis, tum suburbii longe hinc inde procurrentibus conspicua; insigni denique agri calique benignitate prædita: Monasteria virorum habet bina, forminarum unum, itemque Equitum Iohannitarum Commendatariam. Magnam superioribus annis ex proscriptione Cæsaris calamitatem sensit, & libertate, & juribus omnibus ac privilegiis per eam amissis: sed quæ tandem pleraque assidua Principum & Ordinum intercessione recuperavit.

Oppida.

Huic Ducatui subdita sunt oppida plurima. Engelsberga oppidum metallicum est, immœnitum, ad radices montium Moraviam à Silesia separantium, am Geseñde/ Dominorum de Freudenthal/ quod in valle amœnissima situm, & arce elegantiori conspicuum est, nomen à loco mutuans. Hiltschinum, oppidum mœnitum cum arce pulchra, ubi Oppa Oderæ jungitur. Karchor vicus immœnitus est. Künzberg vel Königsberg/ Bohemis Klimkowitz oppidulum est non longe Benischovia distans. Kranowitz oppidulum immœnitum est inter Ratiboriam & Oppaviam situm. Neufirch/ Bohemis Cerckwe, in finibus Ratiboriæ situm est. Wochstadium oppidum elegantiori arce Prazmannorum superbit. Ostra oppidulum immœnitum ad Ostram fluvium, Episcopi Wratislaviensis jurisdictionem ac tribunal agnoscit.

Arces habet Sulstein/ Witzstein/ Grätz/ Neufirch & Grebnitz.

Germania.

D V C A T V S
O P P O L I E N S I S.

Ducatus hic magnitudine, urbiumque seu oppidorum frequentia nulli Ducatum Silesiæ cedit, fertilitate agrorum, opaca silvarum densitate, vinorumque aliquibus in locis proventu uberi non incelebris. Terminatur à Septentrione & Oriente Polonia, à Meridie Carnovienfi & Ratiborienfi Ducatibus, & Brengensi & Grothano ab Occidente.

Termini.

Prima hujus Ducatus urbs est Oppolia, collegio Canonorum celebris, & pervetusta, sita in amœna planitie sub cælo valde salubri, camporum circumjacentium ubertate satis culta. Incolæ ob vicinitatem Poloniae plurimum Polonice loquuntur. Spectantur illic Cathedralis Ecclesia, Curia & cœnobium quod ante Palatium est; Palatium vero vetustate jam collapsum habet. Annonæ vilitas magna, ut in plerisque Silesiæ locis. Post Nissæ capite multatum Ducem Nicolaum, & mortem fratris absque mascula prole anno 1532, in Bohemiæ Regem Ducatus hic recidit. Exinde Regina Hungariæ, Elizabetha, tempore Ferdinandi I, & Duces Transylvaniæ, Sigismundus & Gabriel Battorii hunc Ducatum tenuere. Conjunctus aliàs est cum Ratiborienfi, iisdemque privilegiis & jurisdictionibus fruitur. Capitale est, siquis ab Oppolienfi Tribunali appellet ad aliud; item si cum gladiis Nobiles ante tribunal compareant. Anno 1501 tota incendio periit. Anno 1615 iterum deleta est incendio cum 104 hominum clade. Anno 1627 à Wimar-Danicis direpta & aliquamdiu possessa, inde anno 1632 ab Arnheimio manu capta, post Pragense fœdus iterum ad Dominum Ferdinandum Imperatorem rediit. Anno 1642 à Suecis occupata, & casu incensa in fumos abiit. Anno 1645 à Cæsarianis recepta, & Polonis pro 1100000 florenis oppignorata est in quinquaginta annos; exinde anno 1647 Polonicum præsidium accipiens, fortuito incendio 70 domos amisit. Beuthena, ad fines Poloniae situm oppidum, ejusdem nominis cum alio oppido Glogoviensis Ducatus, vetustis argenti fodinis clarum. Cosla munitum oppidum est cum arce ad Oderam fluvium, cum reliquis quoque belli varios casus expertum est, & præcipue anno 1642, cum à Suecis capta in favillas redigeretur fortuito incendio: Arx tamen contra hoc malum servata est. Crappicum ad Prudnicæ & Oderæ confluentem jacet, mœnitum cum arce Rederorum. Dobradinum Sarotskiorum nobilium peculium est. Falcoberga ad Steinam fluvium non obscuri nominis oppidum, & Ducatus olim titulo insigne: Promnicio Baroni hodie paret, cum antea Pichleriis fuisset subiectum. Francosteina Steinæ fluvio adjacet, non inglorium hac tempestate oppidum, satisque copiosum, & arce præditum. Fridland oppidulum immœnitum jacet ad Steinam fluvium. Glogovia Minor oppidum non magnum est, sed pulchrum & amœnum cum egregia arce, in pinguisimo fertilissimoque tractu situm, sub domi-

Oppida
aliena.

S

nio

nio illustris Oppersdorfiorum familiæ. *Glywici-
cium*, *Gleibitz*, oppidum mœnitum, neque incele-
bre. Glywicensis Ducis apud Cromerum & alios
mentio. *Gortzoba*, oppidulum nullius momenti
& nominis. *Lesniti-um* oppidulum ripæ Viadri
dextræ impositum, prope montem D. Annæ,
peregrinationibus, quæ religionis & votorum
caussa istuc instituuntur, celebrem. *Lublinicum*
Baronum Kochticiorum dominium est, immœ-
nitum, sed arce præditum. *Nachel* oppidulum
cum arce non longe Oppolia distat. *Neostadium*,
Polonis *Prudnica*, à fluvio, quæ præterfluit, co-
gnomine sic dicta, urbecula mœnibus cincta,
non magna quidem, sed neque inamœna, ne-
que incelebris, quæque adeo inter oppida pri-
mas sibi vindicat. Castrum habet vetus colli
impositum, *Wodengruffel* antiquitus dictum, unde
jucundus in agros subjectos prospectus patet.
Aër ibi purus & salutaris, ædes civium eleganter
extructæ: ager circa oppidum cum pascuorum
fœcunditate lætus, tum frumenti satis ferax,
præcipue in planiciem ubi subsidet. *Pruscavia*
eleganti arce conspicua est. *Rosenberga* oppidum
cum arce mœnitum, ad Poloniæ fines situm est.
Peitschkretscham oppidum prope Tarnovicium &
Beuthenam situm est, Rhederos agnoscens do-
minos. *Sassinkovicium* haud procul Glywicio di-
stat. *Stinavia*, *Steinaw*, prope urbem Nissam ad
fluvium Steinam sita est. *Strelicia Major* oppidum
cum arce, sedes Baronum de Rhedern. *Strelicia*
Minor oppidulum apertum, Baronis Proskovii
est. *Tostum*, urbecula mœnita cum arce Baronum
de Rhedern. *Vyastum* ad fluvium Kladinitz situm
est, sub ditione Episcopi Wratislaviensis. *Zulez*
Poskoviorum familiæ possessio est. Sunt & Mo-
nasteria duo, *Czarnewans* & *Chmelnitz*, ut & arces
Schworlinetz & *S. Georgenberg*.

Monasteria
& Arces.

C A R N O V I E N S I S D V C A T V S.

C Arnoviensis Ducatus Græco Delta non ^{Termini.}
male assimilatur, in triangulum formatus;
cujus Septentrionale latus Oppolien-
Orientale, Meridionale & Occidentale, Oppa-
viensis Ducatus claudunt.

Iagerndorf, seu Carnovia caput Ducatus est, ^{Iagerndorf.}
Oppo fluvio adfidens, qui non longe Cranowi-
cio in Viadrum defertur, urbecula elegans, in
valle pulcherrima, undique montibus cincta,
qui laricis feracissimi. Arcem habet splendidam
& magnificam, Marchionibusque paret Bran-
denburgensibus, è quibus Georgius cognomine
Pius avunculi sui Vladislai Hungariæ & Bohe-
miæ Regis beneficio, primus imperium suum
isto Ducatu amplificavit. Nunc vero sub Duce
Lichtensteinio est, cum Cæsar id lata sententia
Brandenburgico Marchioni abjudicasset. No-
men plerique à frequenti venatione derivant.
Carnocufsky ideo vocari dicitur, quod Cornua
inter duos lapides in insignibus ostendet. Priva-
torum ædes pleræque ex ligno sunt. Habet Cu-
riam splendide è lapidibus ædificatam. An-
no 1627 à Wimar-Danicis direpta est. Anno
1643 Torstenfoni-
us irritis conatibus eam tenta-
vit. Anno vero 1645 à Koningsbergio stratege-
mate intercepta est.

Habet hic Ducatus alia adhuc tria oppida, <sup>Alia oppi-
da.</sup>
Leobschucium, *Zaudicium* & *Benschinam*.
Leobschucium, Bohemis *Hlubice*, oppidum politum
& elegans, nundinisque frumentariis celebra-
tissimum; in feracissimo totius Silesiæ solo situm;
anno 1603 totum incendio exhaustum est.
Zaudicium & *Benschina* nomine tenus nota sunt.
Ducatus hic minimus est omnium totius Silesiæ
Ducatum.

S I L E S I A I N F E R I O R.

Amice Lector, Descriptio Tabulae hujus, quae Silesiam prae se fert Inferiorem, inserta est ex parte in generali Silesiae descriptione; hinc etiam illas proferemus, quarum necdum tabulas potuimus obtinere. Ducatus autem, ac Dynastia quaecunque residuae sunt, suo omnes ordine, appositis etiam propriis earum tabulis, in subsequentibus adjicientur.

C R O S N E N S I S
D V C A T V S.

D V C A T V S
S A G A N E N S I S.

Termini.



N ultimo quasi Silesiae angulo apparet Ducatus Crosnensis, habens ad Orientem Poloniam, ad Septentrionem eandem & Brandenburgicam Marchiam, ad Occidentem Lusatiam & Saganensem Ducatum ad Meridiem.

Crosna.

Nomen huic Ducatui dat Vrbs *Crossen* Silesiae extrema Marchiam versus, ubi Boberus Viadro commiscetur, sub ditione & dominio Marchionum Brandenburgicorum: quibus una cum Zulichio, Sommerfelda & Bobersberga oppignorata, nec constituto postea tempore liberata fuit. Ex iis autem consentiente Ferdinando Rege Boemiae, primus Ducem Crosnae, se scripsit Ioachimus II Elector. Nomen proprie denotat fimbriam vestis. Vrbs pervetusta est; coelo gaudet salubri, aedificiis nitidis palatioque Ducali splendet, munimentis olim inclusa erat non poenitendis. Non parum decoris adfert in ulteriori Viadri ripa lente assurgens mons vinetis arborumque fructiferarum proventu copioso celebris. Anno 1481 tota igne absorpta est, ita ut ne domus quidem restaret, multi vero homines diversi sexus aetatisque perirent. Anno 1631 iterum una cum arce ab incendiariis deleta est. Sequentibus annis non minores clades passa est a Suecis, Caesarianisque; nunc his, nunc illis urbem oppugnantibus. Reliqua hujus Ducatus oppida sunt Sommerfelda ad Lupam fluvium in Lusatiae Inferioris confiniis; quod aliqui Lusatiae conjungunt, cum tamen Brandenburgico pareat. Bobersberga inter Crosnam & Sommerfeldam situm oppidum ad radices montis. Zulichia, oppidum ad fines Poloniae a Suecis semel occupatum, sed diutissime retentum, olim quoque Saganensis Ducis iram expertum erat, ab eo captum, cum Henricus Undecimus Vxori suae Barbarae filiae Alberti Marchionis Brandenburgici Crosnam cum jam dictis oppidis testamento legasset, anno 1476. Ex pagis praecipui sunt Sandoro, Beutnitz, Tschickerfig, Schmellen & Netba.

Oppida reliqua.

Saganensis Ducatus in longum recurvus non absurde curvato cubito comparari posset; ab Occidente enim utramque Lusatiam attingens, Septentrionem versus ad Crosnensem Ducatum pertingit, ad latus Orientale Glogoviensem Ducatum habens, & ad Meridionalem angulum Iauraviam. Ducatus hic omnium totius Silesiae minimus est, si Carnoviam excipias.

Termini.

Praecipua urbs est Saganum, Cromero Zaganum, eo loco sita, ubi Boberus & Quissus conflunt, ad vastas silvas extructa. Abbatiam habet, & officinis, in quibus ferrum durius cuditur, excellit. Paruit aliquamdiu haec urbs cum universo territorio Electoribus Saxoniae, sed eam Ferdinandus Rex Romanorum redemit A. C. 1548. Nominis etymologiam multi exquirunt, partim a Polonis partim Germanis eam derivantes, & multum de lana caprina disputantes. Visuntur in urbe Palatium Ducale, duo Caenobia & templum Cathedrale. Anno 1640 in Stallhansii potestatem venit, inde iterum a Caesarianis capta, anno 1642 a Torstensonio recepta est, & iterum insequenti amissa. Oppida subjecta sunt: Naumburgum ad Boberum fluvium, Baroni Promnicio parens; olim etiam Canonorum Regularium collegium ab Henrico Barbato ejusque conjugis Principibus pientissimis A. C. 1217 institutum, & redditibus dotatum; sed quod post 67 annos in vicinam urbem Seganum a Primislao, Duce Sprottaviensi, translatum est. Pribus, ad Nissam situm, olim Glogovienfi Duci parebat; multique pagi enumerantur, qui huic oppido subjecti erant. Hic in rotunda turre Dux Ioannes, fratrem Balthasarum captivum detinuit, usque dum ex morbo, quem putredinis foetor ei afflaverat, decederet. Freisvalda oppidulum non longe Pribusio situm. Eisenberg non longe Sprottavia distat.

Oppida.

Germania.

T

D V-



Explicatio Notarum.
Urbs muro cincta, Stad.
Oppidum, Städtlin.
Arc, Schloß.
Pagus cum templo, Dorff mit einer Kirch.
Pagus notabilior, Berühmter Dorff mit einem Schloß.
Pagus, Dorff.
Locus Ordini Sacre militie Dicator, Comterey.
Monasterium, Closter.
Præpositura, Präbsteley.
Bona Scolastica, Geistliche güter.
Vinea, Weinberge.
Fodina auri, Goldgrube.
Argent, Silbergrube.
Capri, Kueffer.
Stanni, Zinngrube.
Ferro, Eisenhammer und grube.
Calcia, Kalk.
Lacus, See.
Fluvius paludinosus, Moers.
Nons notabilis, Berühmter Berg.

SILESIA INFERIOR.
Sorensis ac Celsa Principibus ac Dominis
Dn. GEORGIO, Dn. LYDOVICO,
Dn. CHRISTIANO, Fratribus,
Ducibus Silesie Sigeniensis ac Bergensibus,
Dominis gratissimus Dicator
Jona Sculteto Sprota Silesia.

Millaria German: communia.

Jo. et Corn. Blaeu Excud.

D V C A T V S
O L S N E N S I S,
E T
M O N S T E R B E R G E N S I S.

Termini.

Olsnensi Ducatui claudunt latus ad Orientem & Septentrionem Baronatus Trachenberg, Militsch & Wartenberg, Wolaviensis Ducatus ad Occidentem & Breslaviensis ad Meridiem.

Olsna.

Primaria hujus Ducatus urbs *Olsna* est, Cromero *Olesnica*, arce & palatio Principis nobilissimo superba. Aëre fruitur salubri, multisque commodis abundat. In insignibus habet aquilam volantem in campo rubro, cujus caput lucidum est, tenentem unguibus albam schedulam. Olim hæc urbs suos Duces habuit: sed cum anno 1492 ultimus Dux Conradus VIII, sine prole decessisset, & Ducatus in Vladislaum Bohemæ regem recidisset, Rex illum Ducatum in Henricum prædecessoris sui Georgii filium, Ducem Monsterbergensem contulit, recepto in ejus locum Dominio Podiebrad in Bohemia sito. Anno 1634 urbs *Olsna* à Dubaldio Sueco capta & direpta est, prædaque æstimata tribus auri tonnis seu tercentum millibus florenorum: eodem quoque anno à Cæsareis recepta & à Saxonibus iterum expugnata est, quo tempore incendiis plurimum deſœdata est. Anno 1640 Stalhanſius irritò eventu eam tentavit; sed 1642 Sueci idem meliori ſucceſſu tentavere. Nihilominus Cæsarei ſub Laurentio Barone in Hoffkirchen, urbis iterum compotes facti ſunt, & pluſquam quingentos Suecos captivos abduxere. Tandem 1648 jūſſu Wittenbergii Suecorum Ducis diruta urbis valla mœniaque.

Reliqua oppida hujus Ducatus ſunt: *Bernſtadium*, Cromero *Beriltonia* & *Beroltzovia*, nonnullis *Beroltzadium*, ad Weidam fluvium cum arce, quod miſerabili incendio paucis abhinc annis funditus fere deletum cives reſtauraverunt, plurimum bello Suecico deinde vexati. *Conſtadium* Cromero *Cunceſtadia* ad Stobram fluvium ſitum oppidulum, ditionis Poſedewſkiorum eſt. *Feſtenberga* oppidulum inter *Olsnam* & *Bernſtadium* ſitum. *Hundesfelda*, id eſt, Campus caninus, oppidulum uno ab *Wraſiſlavia* milliari eo in loco ſitum, ubi Henricus V, Imperator, cum *Glogoviam* diu, ſed fruſtra, oppugnaret, à *Bolleſlao* Polono victus eſt & fugatus A. C. 1109. *Medeziboria*, *Medziber*, in *Poloniæ* finibus oppidum anno 1599 ab *Andrea Leſchinsky*, Ducibus *Monsterbergensibus* venditum. *Stroppavia* oppidulum eſt immœnitum, non longe *Wolavia*. *Trebnitia* oppidum & ejuſdem cognominis, magni nominis Cœnobium, ab *Henrico Barbatto*, D. *Hedwigis* marito fundatum, & puellis *Ciſterciensis* ordinis ex cœnobio *Bambergensi* huc tranſlatis attributum. Peregrinatione ad D. *Hedwigis* ſepulchrum illo ævo celeberrimum; anno 1430 *Huſſitæ* oppidum hoc diripuerunt. Ad hunc Ducatum ſpectat quoque *Monsterberga*, urbs antiqua Ducalis, opportuno fertilique ſita loco:

olim Ducibus cognominibus, qui hodie *Olsnenses*; nunc Regi *Bohemie* ſubjecta. *Cromerus* *Monsterbergensem* Ducatum alicubi *Sambicensem* vocat. Nomen fertur habere à Cœnobio Germanis *Munſter*, & circumjectis montibus. Non longe hinc oritur fluvius *Olavia*. Inſignia urbis ſunt Palatium album in campo cæruleo, duabus turribus ornatum, inter quas aurea ſtella: infra in aperta porta litera antiqua *M* conſpicitur. *Monsterbergensi* porro Ducatui ſubdita ſunt oppida *Francoſteynium* ad *Steinam* fluvium, hodie non inglorium. Anno 1612 per incendiarios totum fere oppidum deſlagavit: Bello Suecico bis terve oppugnata & capta eſt. *Warta* inter montes ſitum oppidum ad *Niſſam* fluvium, peregrinationibus ad vicinum montem celebre. Numerantur præterea oppida *Tſcheplivoda* & *Heinrichau*, ut & Monasterium *Kamentz*.

B A R O N A T V S L I B E R I
T R A C H E N B E R G,
M I L I T S C H,
& W A R T E N B E R G.

HI tres Baronatus Liberi ſibi invicem quoad longitudinem contigui, & *Poloniæ* contermini ſunt. Hæc illos cingit à Septentrione & Oriente, *Olsnensis* & *Breslaviensis* Ducatus à Meridie, & *Wolaviensis* ab Occidente.

Trachenbergensis Baronatus continet oppida *Trachenbergam*, quod Baronatui nomen dat, *Praufnicium* & *Karszenski*. *Trachenberga* uliginoſo loco ad *Borthæ* fluvii ripas ſitum, bonorumque piſcium, ac maxime luciorum, captura celebre. *Toparchas* olim agnovit *Barones Kurtzbachios*, ante annos haud ita multos in *Schaffgotschiorum* familiam tranſlatum. Arcem habet non exiguam, quæ anno 1579 igne multum ſœdata eſt. Anno 1640 irritò ſucceſſu oppidum à *Stallhanſio* tentatum eſt, ſed 1642 à *Torſtenſonio* vi captum & diu poſſeſſum cum magna obſidentium Cæsarianorum clade. *Praufnicium* ſeſquimilliari *Trachenberga* diſtans, olim *Glogoviensis* ditionis erat, ſed poſtea *Ioanni Bohemiæ Regi* ut feudum oblatum, exinde mutata rerum facie, huic Baronatui acceſſit. *Karszenski* oppidum ad *Horlam* fluvium ſitum eſt.

Alter Baronatus *Militsch* conſtat oppidis *Militsch*, *Freihain*, & *Zulauff*. *Militsch* ad *Bortham* fluvium oppidum *Malzanio* Baroni ſubjectum, olim, anno 1329, à *Conrado*, Duce *Glogoviensi*, *Ioanni Bohemiæ Regi* ut feudum oblatum eſt. Anno 1578 Ducum & Ordinum *Sileſiæ* conſenſus illud munire decreverat. *Freihain* oppidulum in ipſis *Poloniæ* finibus ſitum eſt. *Zulauff* oppidulum apertum, nunc *Barones* agnoſcit *Donneſes*.

Baronatum *Wartenbergicum* conſtituunt oppida *Wartenberga*, *Gofchutz*, *Bralin*, & *Beraun*. *Wartenberga* oppidum Baronatus ſui primum, amœnum & elegans, haud longe à *Weidæ*

Weidæ fluvii fontibus distans : cujus dominio hodie potitur familia Burggraviorum Donensium. Anno 1632 oppidum Sueci deditione; & 1634 Saxones manu cepere. Anno 1643 Torstenfonius tribus noctibus & diebus continuis sed vano eventu illud oppugnavit; anno autem 1646 Sueci hujus oppidi tandem domini facti, omnibus id munimentis denudarunt. *Bralinum* inter Beraun & Wartenbergam situm oppidulum est. *Beraun* & *Goschütz* oppidula, hoc non longe Medeziboria, illud in confinio Poloniae situm est.

B R E G E N S I S D U C A T V S.

Termini.


B Regensis Ducatus in hac descriptione non recte à prioribus separari, sed melius eodem intexi filo videbatur, quum uni cum prioribus Domino pareat. Cingitur ad Ortum Polonia & Oppolienfi Ducatu, ad Septentrionem Breslaviensi Ducatu, Schwidnicensi ad Occasum, & Grothkano ad Meridiem.

Brega.

Caput Ducatus est urbs *Brega*, Cromero *Bregum*, præcipuis Silesiæ urbibus annumeranda. Posita est loco amœnissimo ad Viadri ripam, plateis, templis, turribus aliisque ædificiis qua publicis, qua privatis admodum venusta; tum vero magnifico Principum suorum palatio superba. Præcipuum illi decus & ornamentum ex Gymnasio illustri, quod omnium artium & disciplinarum studio hætenus fuit florentissimum. Habet hæc urbs suum Consistorium, ad quos res nuptiales referuntur. Sunt quoque multa præclara statuta, inter quæ: Ne opifices Lunæ die feriantur: ne noctu balnea celebrentur: ne sordibus plateæ maculentur: ne pecudes per plateas errent: ne puellæ post choreas à juvenibus domum deducantur: ut cito domum discedatur: ne noctu choreæ agantur: ut pueri diligenter ad scholas amandentur: ne paleæ vel straminis copia in urbe recondatur, &c. Insignia urbis sunt tres anchoræ ferrei coloris ad unum annulum alligatæ in campo rubro. Anno 1428 Hussitæ ex Bohemia urbem cum arce & ecclesia igne absumperunt. Anno 1507 Faber lignarius, quo haberet unde laboraret, urbem diversis locis incendens 69 domos destruxit, postquam aliquos puteos inutiles reddidisset;

sed igne punitus est nefarius homo. Anno 1633 ex compacto præsidium Suecicum accepit, sed post Conventiones Pragenses iterum anno 1635 Cæsareos admisit. Anno vero 1642 diu obsessa à Suecis est, sed irritò eventu.

Bicina oppidum juxta Silesiæ & Poloniae confines, hoc ævo nulla re notius, quam ob cladem anno 1588 ibi à Polonis acceptam. Oppidum quippe direptum est & exutum, cives crudelissime tractati: multi trucidati, plurimique in acerbissimam servitutem à Tartaris abducti. Anno 1627 à Danis astu captum & direptum est. *Creutzberga* ad fontes fluvii Brincii non longe Rosenberga situm oppidum, eandem cum Bicina fortunam in supra dicto prælio expertum est; postea temporibus belli Suecici multis cladibus affectum. *Kedzerdorf* vicus ad Stobram fluvium cum arce Principum Bregensium. *Levinum*, Oppidulum immœnitum ad Nissam fluvium sub dominio Bresliorum. *Nimitium*, *Nimpsch* oppidum situm inter Frankenstein & Wratislaviam, cui castellum imminet opere pulchrum & validum, in monticuli fastigio extructum, Hussitarum bello Silesii illud obsedere irritò conatu. Ultimo Suecico totum deflagavit & multa mala perpeffum est. *Olavia*, urbs mœnita & valde munita ad Olam fluvium sita est, una cum elegantissima Ducali arce. Anno 1429 ab Wratislaviensibus Hussitarum manibus extorta est. Anno 1632 in Saxonum manus venit, inde iterum ad Cæsareas partes transgressa, tandem in manus Suecorum pervenit, & anno 1647 ab illis munimentis inclusa, arx vero demolita est. *Reichensteinium* oppidum ob metalla auri & argenti clarum, quod ante annos haud multos una cum Silberberga ditioni suæ adjecit Illustrissimus Princeps Ioachimus Fridericus, Dux Lygio-Bregensis. *Silberberga* oppidulum metallicum à venis argenti nomen accepit, quod olim venæ argentariæ illic fuerint celebres. *Strela*, Cromero *Strelinum*, oppidulum ad Olaviam fluvium insignis pulchritudinis, agro undique beatissimo pinguisimoque cinctum. Hoc enim præcipue tractu lætissimas fruges tellus producit. Anno 1647, portis, muris, & turribus nudatum est, postquam aliquoties partes in bello Suecico mutasset. *Michilavia*, vicus primum, inde anno 1615 à Ioanne Christiano, Duce, singulari gratia oppidi privilegia adepta est: distat non longe Levinum.



IAURAVIENSIS

D V C A T V S.



Termini.

Vcatus Iauraviensis in longum directus Bohemiam versus, quæ ipsi Meridionalis, in ampliorem latitudinem se dispergit, ita ut amphoræ non absimilem figuram retineat, cujus angustum os

Glogoviensi Ducatu ad Septentrionem claudatur, ansatum latus, in quo ipsa Metropolis, Swidnicensem & Lignicensem Ducatus habeat confines, & anterior pars Lusatiæ Superiorem, & partem Bohemiæ Occidentem versus respiciat.

Diviso.

Dividitur totus in quatuor Diœceses, Buntzlaviensem, Leobergensensem, Hirschbergenensem & Iauraviensem. *Iauraviensis* Diœcesis ab angulo illo, quem amphoræ ansam constituere diximus, Leobergenfi & Hirschbergenfi Diœcesibus terminatur. Urbem unam tantum habet, quæ & toti Ducatui caput est, & nomen dat, *Iauravium* five *Iavoriam*, agro circumquaque fertilissimo circumdatam, inter Swidnicium & Lignicium loco opportuno sitam. Non quidem ita grandis est Iavoria ac Swidnicium, sed fortibus tamen muris & portis cincta est; aëre fruitur saluberrimo, gaudet Cathedrali ecclesia, Cœnobio asseclarum S. Bernardi; & ingenti nitenrique palatio, in qua residet præfectus utriusque Ducatus Swidnicensis & Iavoriensis, prædita est. Curiam habet lapideam & mediocrem, circumcirca aream non exiguam cum domibus, quæ ita ædificatæ sunt, ut sub porticibus, quæ ante aedes sunt, ambulare tutis à cœli injuria liceat. In insignibus præfert S. Martinum gladio pallium rubrum dividendum in campo caruleo equo cinericio insidentem. Anno 1640 Stalhanfius huic urbi præsidium imposuit & munimentis providit. Sub ejusdem anni mensem Aprilem Goltzius Cæsarianorum Dux urbem uno alterove impetu recepit, magna cum civium clade, qui urbem egregie defenderant. Anno 1642 à Succis sub Torstenfionio occupata est, & 1646 ab iisdem direpta. Anno 1648 strategemate à Cæsarianis recepta, direpta, & incensa, (quo incendio media pars urbis cum cathedrali ecclesia in favillas redacta est) excepta arce, quam Sueci tenuere.

Oppida & pagi.

Oppidum hujus Diœcesis unicum *Schonavia* est, ad Cattum fluvium situm, & ab amœnitate loci nomen adeptum. Castella sunt *Hertzogwald* & *Lobris*. Ex pagis hi præcipui inveniuntur: *Matzdorf*, *Bersdorf*, *Proffen*, *Kolminitz*, *Pöschwitz*, *Hermisdorf*, *Prausnitz*, *Conradswalde*, *Leippe* & *Pumbfen*.

Hirschbergen.

Hirschbergensem Diœcesim ambiunt Bohemia, Germania.

Leobergensis & Iauraviensis Diœcesis, & Ducatus Swidnicensis. Tota fere montibus obsita, & sylvis adumbrata est. *Hirschberga* primum oppidum hujus Diœcesis, Latine *Cervimontium*, à cervorum venatu sic dictum, non spaciosum quidem, sed hominibus & incolis frequens, & artificii lini elegantioribus celebre, ad confluentem Zazi & Boberi fluviorum intra Sudetos loco amœno commodoque positum: tum balneis five thermis vicinis nobilitatum, quæ variis corporum morbis malisque curandis efficacissimæ. Anno 1549 fortuito igne totum exustum est; sed magnificentius & ornatus postea reædificatum; anno 1634 incensis à Cæsarianis suburbiis, flammam vento ferente urbem versus, iterum in favillas redactum est, ita ut ne unica quidem domus inviolata remanserit. Anno 1640 à Cæsarianis diu obsessum est, cum Stalhanfius priori anno præsidio illud firmasset, tanta obsessorum pervicacia, ut multæ mulieres fame perierint, infantesque manus sibi ambederint. Tandem à Stallhanfio liberati urbem reliquere, incensis portis & omnibus quæ tolli poterant asportatis, quingenti circiter cum mulieribus & infantibus. Relictam & destructam urbem Goltzius, Dux Cæsareus paulum restauravit, & incolis ditavit. Exinde anno 1645 à Koningsmarckio occupatum oppidum, & diu contra Cæsarianos defensum est. Reliqua oppida sunt: *Schmideberga*, ad latera montis gigantæ, à fabrorum metallicorum frequentia, ac si diceret *Fabrorum montem*, denominatum. Ferrariâ secturâ ante multos annos notum, & hodie Metallicorum habitatio. *Kupferberga*, quasi *Æris mons*, oppidulum metallicum antiquitate non incelebre, intra Riphæos montes ad Boberum fluvium, ubi ultra 70 officinas, in quibus æs fuit excoctum in valle, quæ à scoriis nomen retinuit, *der Schlackengrundt* / exitisse, idque ingentia scoriarum agmina ad Boberum conjecta etiamnum demonstrare, cum hodie unica tantum super sit, *Schwenckfeldius* testatur. *Molckenhaus* ad Hebrum fluvium è regione arcis Fischbach situm; *Katzdorf* ad fontes amnis Katzbach, & Altenberg. Arces plurimæ in hac Diœcesi sunt, ut *Kynast*, *Kemnitz*, *Falckenstein*, *Bobersteyn*, *Poltzenstein*, & *Fischbach*. Pagorum numerus quasi infinitus melius ex tabula cognoscitur.

Oppida & Arces.

Leobergensis Diœcesis Lusatiâ, Buntzlaviensi & *Leoberga*, Hirschbergenfi Diœcesibus, & parte Lignicensis Ducatus circumdatur. *Leoberga* urbs amœnissimo ad Boberum fluvium situ (totus enim tam supra quam infra urbem tractus nil nisi Tempe est) olim metalli fodinis, nunc ingeniorum & agrorum cultura, ædificiorum elegantia, lanificii præstantia, hortorum denique amœnitate celeberrima est. A Bojemis quidem vel solo

X

Rosma-



Rosmarino matresfamilias Leobergenses vestigal non infructuosum haftenus exegerunt; cuius quidem aromaticæ plantulæ culturæ acceptum referre non dubitat Tobias Coberus, quod multorum cum magnatum stupore malus granata, & quidem Infera in horto Consulis Schubarti, sub ipsa Silesiæ Erigone conspiciatur. Anno 1640 à Stallhansio præsidio firmata, & 1642 à Lawenburgico recepta est. Inde post Glogoviam à Suecis interceptam in eorum manus venit, & 1643 à Cæsarianis iterum obsessa, illisque dedita est.

Oppida,
Arces, &
Pagi.

Sunt præterea in hac Diœcesi & alia oppida, ut *Greiffenberg*, non ignobile, ad *Quisso* fluens situm, cui famam conciliant, quæ illic excoluntur linifolia. Vnde ingens mercimoniorum commoditas, & luculentum incolis lucrum. Anno 1603 ex improvise subortis ignibus totum in cineres abiit. Anno 1645 huc adveniens *Torsten*sonius Arcem *Greiffenstein* obsedit, quæ arbitrio victoris sese permisit, ut & Arces *Fridland*, *Polchenheim* & *Lehnhaus*, quas posteriores Montecuculi proxime sequenti anno recepit, sed *Fridland* & *Greiffenstein* accurrens *Wittenberg*ius Suecorum Dux periculo exemit. *Fridberga* oppidum montana versus *Quisso* fluvio annexum, *Gottschiorum* dominii. *Lehn*, cum arce adjun-

ctâ, inter *Leobergam* & *Hirschbergam* situm oppidulum; & *Liebethalum*, in valle amoena situm, non procul *Gryphimontio*, sodalitis sanctimonialium sub Abbatisa viventium celebre. Arces in hac Diœcesi sunt *Greiffenstein*, *Zoten*, *Siebeneichen*, & *Plachwitz*. Pagi sunt *Birngratz*, *Langenwasser*, *Rabshorn*, *Mertzdorf*, *Geppersdorf*, *Langenau*, *Newdorf*, *Sirgwitz*, *Hartmansdorff*, *Trinnendorf*, *Steinkirch*, & innumeri alii.

Diœcesis *Buntzlaviensis* cæteris angustior & *Boleslavia* ignobilior est. Vnam habet urbem *Buntzlaviam*, sive *Boleslaviam*, non ignobilem ad *Boberum* fluvium, situ comodo & amœno, ad nemora quippe & porrecta camporum æquora floridis & irriguis distincta pratis, aëris salubritate, fontium perennium & egelidorum frequentia, soli egregia fecunditate paucis secundam. Tempore belli Sueco-Germanici sæpius hæc urbs bellantium partes mutavit, non sine suo dispendio. Oppidum habet hæc Diœcesis tantum unicum, nempe *Naumburgum* ad *Quissum* fluvium situm, cœnobio sanctimonialium celebre. *Klitzdorf* non exigua quoque arx, aliquibus pro oppido ponitur, ut & vicus *Modlaw*. Ex pagis hi præcipui sunt: *Olse*, *Newdorf*, *Tillendorf*, *Mittel*, *Mertzdorf*, *Schonsfeld*, *Leichtenwalde*, *Aslaw*, & *Medlaw*.



G L O G A W

D V C A T V S.

Limites.



Logaw, celeberrimus inferioris Silesiae Ducatus, habet ad orientem Poloniae regnum, circulum Guraviensem, & Wolaviensem Ducatum; ad meridiem clauditur Bolcovicensi & Sprottaviensi circulis; ad occiden-

tem illi sunt circuli Freystadensis & Grunbergensis; porro ad septentrionem terminatur Dominio Beuthen, & Polonia. Glogaw ita dicta est lingua Slavonica, quod non longe à loco sepibus & dumetis referto sita sit. Posita est ad Viadrum amoenissimo prospectu. Totius autem Principatus tractus, ab utraque Oderae ripa protensus, frugibus quam maxime abundat, & multis locupletibus fulget pagis. Incolae perindustrii sunt, operam stivæ & mercaturæ navantes. Nobilitas tanta est, ut tota regio Nobilium arcibus passim ornetur.

Nomen.

Divisio.

Circulus Glogaviensis.

Dividitur Ducatus hic in Circulos, quos Silesii *Weichbildt* vocant. Hi octo sunt: *Glogoviensis*, *Swibustienensis*, *Guraviensis*, *Bolcoviensis*, *Sprottaviensis*, *Beuthensis*, *Freystadensis*, & *Grunbergensis*.

In circulo Glogoviensi primaria civitas, quæ Ducatui nomen dedit, est *Glogovia*. Quo tempore hæc fundata sit, nomenque *Slavan Polacre* obtinuerit, incertum, Historicorum defectu: quorum antiquissimi, qui Glogoviæ servantur, scripsere anno 1285. Historia vero Polonica meminit ejus anno Christi 1104, ubi ait Ducem Boleslaum Crispum Glogoviæ militem conscripsisse, ad Pomeranos invadendum. Verisimile est, Glogoviam & Vratislaviam, eodem tempore, sub rege Mieslao, conditas, cum Episcopi Godfredi, aliorumque consilio, multæ in Polonia civitates, ædes, ecclesiæque construebantur.

Sunt qui sentiant oppidum hoc in adversa Oderæ ripa fuisse, & à Boleslao Crispo ad hanc fertiliorē & amoeniorem translatum, ejusque pomæria, ob civium multitudinem, latius extensa, in eoque, suadente Episcopo Haymone, primam Ecclesiam erexisse, Diocesiſque Vratislaviensi subjecisse. Anno 1260 transposuit Dux Glogoviensis Conradus oppidi hujus ecclesiam ad flumen Oderam, ubi hodieque cernitur, atque in ejusdem ecclesiæ fundo arcem struxit.

Cives indies magis magisque ædificia sua ex præscripto Architecturæ extruunt & ornant, quamvis maximâ ex parte lignea. Sarmatæ veteres & Poloni, parvi hanc artem faciebant. Præcipuus ejus ornatus est templum suburbii, situm in loco aspectui grato, fluvio irrigato, arboribusque frugiferis ad normam plantatis, hortisque voluptuariis cincto.

Germania.

Extenditur civitas in longum ab Austro ad Septentrionem instar ovi. Duo hic olim erant castella, unum ad Meridiem, quod dirutum, ejusque loco jam porta est, qua in oppidum itur. Alterum ad Oderam, in parte Occidentali, forma antiqua, Ducum quondam habitaculum. Videre hîc etiam est formidabilem illam turrim, in qua, jussu Ioannis Ducis, Magistratus fame interit.

Templum Cathedrale ad Austrum est, cum turri sublimi, cui Silesia parem non habet. Tria etiam sunt hic monasteria, Virginum sacrarum unum, alterum Franciscanorum, quod nunc Bernardini possident, tertium Dominicanorum.


Princeps hic instinctu conjugis suæ Salomes à Posen, mulieris piæ & prudentis, multa fecit præclara. Inter alia condidit cœnobium fratrum Prædicatorum in parte civitatis occidua, quam partem etiam extendit. Purgavit insuper locum ubi fontes puniebantur, quem ædificando Virginum Deo dicatarum monasterio designavit, quod filius ejus Henricus III, Dux Glogoviensis, post mortem prædictæ Reginae extruxit. Tanta erat fœminæ hujus pietas, ut Reges & Ecclesiastici eam ut Sanctam habuerint & coluerint. Vrbs multis incendiorum casibus vastata lætior & ornatior ex ipsis flammis semper surrexit. Bellis nuperis quoque plurimis clidibus affecta, & fortiorum aliquando in partes transire coacta est plurimo cum suo damno.

Civitatis hujus diameter seu latitudo passuum est quingentorum, circuitus sexcentorum viginti quinque. Non longe distat à Vratislavia, estque reconditorium tritici aliarumque mercium; & exterarum gentium velut penuarium.

Aër sanior hic est quam Vratislaviæ, nec facile corrumpitur ob loci situm; Alpes enim præcludunt viam ventis pestiferis ab Austro flantibus: Aquilo rectâ civitatem intrat perflatque, purgans omne quod aërem posset corrumpere, qui, licet acer & mordax sit, temperatur tamen exhalationibus ex Odera ascendentibus, ita ut hic tractus non ita morbis pateat ut alii.

In Circulo Swibustienſi oppidum *Swibussen* est, mediocre, ultra Viadrum loco peropportuno & amoenissimo collocatum, ubi magna omnium rerum necessariarum copia. Curæus notat collocatum istuc ordinem Equitum S. Mariæ. Cromero vocatur *Suebodinum*. Dubitatur de nominis origine; sitne deductum à Suionibus vel Suevis. In circuitu non adeo magnum est oppidum. Adjacet finibus Polonorum, decem mill. Glogovia distans. Templum cathedrale eximii operis est, totum ex lapide constructum, magna & alta cum turri, in qua majorum & minorum campanarum egregia symphonia. Oppidum ipsum multis lapideis munimentis satis defensioni aptum est. Pagi, *Strentsch*, *Moschten*, *Scharmse*, *Ogerschutz*, alii-

Circulus Swibustienſis.



DVCATVS
SILESIE
GLOGANI
Vera Delineatio

Secunda cura ac labore confecta
A Iona Sculteto Sprota Sillesio.

Notarum Explicatio

- | | |
|-------------------------------|-----------------------------|
| Orbs | Stade |
| Oppidum | Stadlein |
| Pagus cum
templis | Dorff mit
Kirchen |
| Pagus cum
Sala nobili | Dorff mit
einst. classen |
| Pagus | Dorff |
| Ara | Schloß |
| Monasterium | Kloster |
| Bona Ecclésiastica | Geistliche
güter |
| Vineorum
Colles | Weinberge |
| Palatia & Offi-
cina Ferri | Eisenhammer |
| Lacus | See |
| Stagnum | Morast |
| Paludes | |

Milliaria Germanica communia

que. Arces, *Liebenaw*, & *Mubblock*. Monasteria, *Obelwitz*, & *Schonfeld*. Nobilium prætoria, *Wutten*, *Koppen*, *Blanckenfeld*, & alia.

*Circulus
Guraviensis.*

Circulus Guraviensis habet oppidum ejusdem nominis *Guraw*; Cromero *Goram*: editiori loco omnibusque ventis, præsertim Aquilonibus exposito situm, & frumentario foro celeberrimum. Magna enim vis frumenti singulis septimanis huc convehitur, idque propter situs opportunitatem ad Poloniam. *Margaretha*, *Vladislai Teschinensis* & *Glogoviensis Ducis* vidua, multis illud oppidum privilegiis donavit & ornavit. Anno 1457 totum unâ cum Ecclesia deflagavit. Bello Suecico hinc & inde sæpius occupatum, & multas clades passum est.

Tschirnawium, *Tschirnaw*, oppidum cum arce Stofchiorum recentissimum, lanificii & tincturæ artificio præcipue clarum: nec nobilior tota fere Silesia, quam isthic, pannus textitur. Arcem habet *Seitsch*. Monasteria, *Munchebrauna*, *Weschke*, & *Neugurt*. Prætoria Nobilium, *Salerswitz*, *Schatz*, *Stroppen*, plurimæque alia. Pagos, *Tribusch*, *Geischen*, *Gleinich*, *Alt Guraw*, aliosque.

*Circulus
Bolcevicensis.*

Circulus Bolcevicensis; ita dictus ab oppido *Bolkowitz*. Oritur hinc amnis *Goltback*, qui districtum *Glogawicensem* perlabens, in eodem se Oderæ miscet. Non longe hinc in Ducatu *Ligniciensi* juxta pagum *Sprottichen*, pullulat *Sprotta* fluvius, qui, postquam circulo & civitati *Sprottaw* nomen dedit, in flumen *Bober* se præcipitat. *Sprottawia* vero urbs est elegans, frequens, amœna, & post *Glogaviam* & *Beuthenam* illo in territorio antiquissima. Arcem habet versus ortum eo loco sitam, qui fluviis & paludibus circumdatur. Cœnobium hic virginibus sacratum, *Beuthena* huc translatum. Aëre fruitur temperato & salubri. Locus hic, ut & alii, bellorum vices, præsertim Suecicorum, sæpius expertus est, & nunc à Suecis, nunc à Cæsarianis captus & amissus. *Primislavia*, sive *Primkenavia*, non procul *Sprotta* situm oppidum, cui nomen à *Primislao* *Sprottaviensi* Duce.

*Circulus
Beuthensis.*

Circulus Beuthensis, quem *Viadrus* medium perlabitur, oppida habet duo, *Carolath* & *Beuthen*. Domini de *Schonaich*, ad quos dominium hoc pertinet, *Gymnasium* *Beuthenii* erexere. E regione *Carolath*, fluvius *Weisfurt*, in ditione *Freystattensi* ortus, in *Oderam* influit.

*Circulus
Freystattensis.*

Circulus Freystattensis, locus admodum conspicuus, aliqua ex parte montibus stipatus, & dominium in circumjacentes tractus exercens, nomen habet à patentibus liberisque campis sive arvis, quibus passim refertus est, quæque in ho-

diernum etiam diem *liberi campi* ab incolis dicuntur. Vrbs ipsa *Eleutheropolis* seu *Freystadt*, depressiori situ posita, amœna satis & elegans, magna ex parte collibus cincta. Linearum telarum texendarum gloria cæteris territorii illius oppidis præcellit. Arx aquilonem versus sita à Dominis loci *Schonaichis* non mediocriter exornata est. Aëre quidem grato fruitur, non tamen adeo salubri, ob conjunctum frigus pectori nocivum. Hinc totæ domus phthisi laborantes concidere videntur; præcipue vero mulieres huic malo obnoxie sunt. Ager vicinus arenosus, improbo tamen agrestium labore satis fertilis est. Antiquitate venerabilis est, etsi ejus primò circa annum Christi 1380 meminerint historiae. Inter cæteros amnes, qui hic originem habent, & ab *Odera* absorbentur, præcipuus est *das Schwarzwasser*. *Newstättin*, oppidum ad fluvium *Weisfurt* milliari Germanico distans *Freistadio*, equinis nundinis quadragesimalibus celebre est; & familiæ *Rechenbergianæ* hereditas.

Circulus Grunbergensis, extremus inferioris Silesiæ versus Occidentem tractus, ita dicitur ab urbe *Grunberga*, in valle perquam amœna sita. Ager vineis, pascuis, & arvis lætissimus, multis fontibus ubique irrigatur. Extructa est urbs anno 1320 à Germanis, magnitudine cum *Sprotta* certans; sed binis incendiis deleta, & iterum reædificata, tandem ultimis bellis plurimum fœdata est.

*Circulus
Grunbergensis.*

Videtur etiam in hac tabula pars fluvii *Hebri*, quem *Bober* vulgo dicunt, qui in Principatu *Schweidnitz* Bohemiæ finibus, juxta oppidum *Landshut* ortus, percurrit Principatum *Iaur*, præteritque oppida *Hirschberg*, *Lemberg*, *Buntzel*, ad *Sprottaw* usque, ubi fluvio *Sprotta* auctus, & absorpto primum *Quisso* in *Lusatia* orto, *Sagam* versus labitur: inde civitatem *Crossen* petit, & *Neissæ* flumini comes factus, *Frankfurtum* ad *Oderam* festinat per *Marchiam* *Brandenburgensem* *Custrinum* versus: porro civitatem *Britzen* transit, atque ex *Marchia* *Brandenburgensi*, relictis post se *Gartz* & *Griffenhagen*, *Pomeraniam* perlabitur, atque tandem, postquam infra *Stettinum*, lacum magnum effecit, tribus ostiis in mare *Balthicum* præcipitatur.

Anno 1333 *Ioannes*, *Glogoviensis* Dux, cum *Ioanni* Regi Bohemiæ mediam partem Ducatus vendidisset, idem *Ioannes* Rex exercitu in *Glogoviam* veniens, alteram etiam partem in suam redegit potestatem. Posteaque omnes Silesiæ Duces Regi Bohemiæ se subjecerunt.

*Glogaw sub
rege Bohemico.*

B A R O N A T V S C A R O L A T H.



Irculus Bethaniensis
sive Beuthensis (de
quo in præcedentibus
mentionem fecimus)
Viadro flumine in
duas partes secatur.
Oppida habet duo, *Ca-
rolath & Beuthen*, è re-
gione sibi objacentia.
Sunt hæc oppida pe-


culium Liberi Baronis Georgii à Schonaich,
olim in Aula Imperatoria Silesiæ Vice Cancel-
larij, qui Beuthenæ eximium Gymnasium ere-
xit, cujus famam non mediocriter auxit D. Ca-
spar Dornavius ibidem Professor. Carolus Ca-
raffa in sua Germania sacra scribit Imperatorem
Ferdinandum II, anno 1625 Patribus Iesuitis
Schonaichiis impositam pœnam exigendam
tradidisse: quod si non totaliter fieri posset,
ipsis Calvinistis concessum à Schonaichiis Gym-
nasium occuparent. Cum Boleslaus Distortus,
Rex Poloniæ, bellum gereret cum Henrico V,
Imperatore, Beuthena ab Imperatore obsessa,
defendentibus se ex arce Polonis, vim ejus egre-
gie illudit. Bello verò Polonico, quod Cæsar Fri-

dericus Primus ipsis intulit, à Polonis una cum
plurimis aliis oppidis & tota regione ferro &
igne vastata est, ut Cæsarem ubicunque annonæ
pabulique copia deficeret. Exinde iterum, sed
magis Occidentem versus, ab incolis reedificata
ad Oderæ fluvii ripam, iterum, anno 1475 tota
excepto templo, igne consumpta est. Bello Sue-
cico, Sueci Duce Stalhanfio egregiis operibus in
Beuthena se muniverant & possederunt, usque
dum fortiori Cæsarianorum impressione coacti
illam anno 1641 reliquerint, in munimentum in
insula structum concedentes: ex quo tamen
majorum tormentorum explosionibus fugati
Crosnam petivere. Cessit Cæsarianorum viri-
bus & Beuthena una cum Carolatho, quod præ-
cipuum & firmum munimentum est. Anno ve-
ro 1642 Torstenfonijs iterum eadem oppida
Cæsarianis eripuit. Ager vicinus fertilis &
amœnus Reklacha & Weisfurta fluvijs irrigatur.
Non longe hinc spatiosæ sylvæ plurimarum fe-
rarum copia non ingrata.

Tarnovitium, *Tarnowitz*, oppidum Dynastiæ
Beuthensis metallicum, ad radices Carpathi
situm, metallis argenti, maxime plumbi hodie
celeberrimum.







WOLAVIENSIS

DVCATVS.



Vanquam non proprie Wolaviensis ditio Ducatus sibi titulum usurpet, neque inter 16 Silesiæ Ducatus numeretur, equidem cum circulos suos habeat, videtur non absurdum hoc eam nomine insignire, cum ubique in

tabulis Geographicis id obtineat. Fuit antea pars Ducatus Olsnensis; qua vero ratione Lignicensis Ducatus accessio facta sit, equidem ignoratur. Terminatur Olsnensi Ducatu, & Trachenbergenfi Baronatu ad Ortum, ad Occasum Glogoviensi Ducatu, ad Septentrionem confiniis Poloniæ, & ad Meridiem Lignicensi & Wratislaviensi Ducatibus. Regio partim silvis cincta, partim frugiferis agris dives, ubique salubri cælo fruitur. Circulis comprehenditur sex, *Herrenstadiensis, Wintzingensis, Wolaviensis, Stinoviensis, Raudensis, & Rutzinensis.*

Termini.

Circuli.

Wolaviensis.

Wolaviensis Circulus continet urbem *Wolaviam*. Hæc udo loco inter piscinas sita, munita & amœna simul, laneis pannis conficiendis hodie insignis est, & arcem minime contemnendam habet. Anno 1640 Suecorum Ductor Stallhanfius post exigui temporis obsidionem arbitrio suo deditam cepit, & in ea non exiguum bellici apparatus copiam invenit. Inde recepta à Lauenburgico iterum anno 1642 à Suecis vi capta est & ad annum 1644 retenta,

usque dum ad finem ejus anni Cæsareanorum impetus deditioe eam acquireret. Non longe distat Piscina à magnitudine der *Grosse Tetsch* dicta. Pagi sunt *Alt Wolaw, Loswitz, Montschutz, Gros Kreidel, Polgsen, &c.* Leubus præterea ad Oderam Cœnobium celeberrimum est.

Herrenstadiensis circulo nomen dat urbs *Herrenstadt*, una cum arce splendidissima in Ussii ripa sita. Pagos habet *S. Andrea, Gros Saul, Klein Saul, Geischen, Sande walda, Tschelcsen & Hunnera.*

Wintzingensis circulus continet oppidum *Wintzig* in editiori colle situm, & pagos *Piskerschina, Seyfray, Gros Schmoger, Gros Wangeren, Hern Motshelnitz, Gimmel & Preichaw.*

Stinoviensem circulum constituit oppidum *Steinaw* ad Oderam, Ducatus olim titulo insignis, & præteritis bellis satis celebre. Anno 1345 Poloni captum oppidum incendio delevit; ut & anno 1632 Sueci & Saxones: Exinde sequentibus temporibus sæpius dominos mutavit. *Damitsch* porro, *Dieben, Grossendorf, Lampersdorf, Burchwitz, Bietwize, Merschwitz, Ransen, Zedlitz, Thimendorf, & Cuntzendorf* præcipui ex circumjacentibus pagis sunt.


Raudiensis circulus oppidulum *Rauden*, & pagos *Brodelwitz, Alt Rander, Mlitsch, Quieffen, Klein Gafron, Kamelwitz, Vrschka, & Deichsel* comprehendit.

Circulus Rutzinensis duo oppida habet, *Rutzen & Koben*, hoc ad Oderam, illud ad Borussia situm: & pagos plurimos, sed non magni momenti.



Serenissimo et Celsissimo
Principi ac Domino,
D. GEORGIO RODULPHO,
DUCI SILESIE LIGNICENSI,
BERGENSI, WOLAVIENSI, GOLT:
BERGENSI, DOMINO SUO AC PRIN:
CITI CLEMENTISSIMO,
Dilectionem, quam Ducatus
WOLANI humillime D.D.
Jonas Sauterus.





L I G N D V C

Termini.



Ignicum, Si
ferioris infig
Ducatus, ad
tem Wratiss
ad Septen
Glogoviensi
laviensi, Occidentem
versus Glogoviensi &
Iauraviensi; & ad Me
ridiem Iauraviensi &

Nomen.

Swidnicensi Ducatibus ambitur. Originem no
minis trahit à sibi cognomine Metropoli Ligni
cio, à *Ligiis* seu *Luiis*, quemadmodum Ptole
maus & Strabo vocant, populis sic dicta. Aer
regionis salubris, & agri cultura amœnissimis
pratis immixta, fructuosissima est.

Diviso.

Circulus I.
Furderhei
densis.

Totus Ducatus in Circulos septem disparti
tur. Hi sunt: *Lubenensis*, *Parchwiciensis*, *primus &
secundus Furderheidensis*; *tertius Vberderheidensis*, *Hay
noviensis*, & *Goldbergensis*. Lignicum ad primum Fur
derheidensem circulum refertur, caput & quasi
mater Ducatus sui, avita Ducum Lignicensium
& Brigenfium aula & habitatio. Urbs quidem
antiquitate est insignis, testanturque Silesiæ An
nales Boleslaum Procerum, cum mortuo patre
Vladislao Polonia Principe patruorum suorum
scelere una cum fratribus Polonia Minore exu
tus, solius Silesiæ Principatum teneret, Ligni
cium & Lubenam splendidioribus ædificiis &
structuris exornasse, eorumque mœnia dilataffe.
Paullo post indulgentia & favore successorum
Principum, maxime Henrici Pii, Lignicum ita
crevit, ut ipsi etiam Wratisslaviæ elegantia stru
cturarum opibusque & frequentia civium pa
rum concederet. Nam cum B. Hedwigis ma
ter Henrici, quem præ reliquis duobus filiis uni
ce diligebat, ex nobili stirpe Ducum Carinthiæ
& Istriæ orta esset, passim magnæ familiæ ex
Germania in hanc viciniam commigrarunt; quæ
facile eam ex inculta reddere potuerunt cultissi
mam. Etsi vero ab eo tempore irruptione Tarta
rica partim Hussiticis furoribus graviter attri
ta & debilitata fuit: in eam tamen quasi postli
minio sese vindicavit celebritatem; ut, sive fer
tilitatem soli & victus parandi commoditates,
sive munitiones & propugnacula mœnium &
vallorum, sive ædificationis concinnitatem, sive
denique civium numerum & opulentiam, hu
manitatemque consideraveris, non facile in Si
lesia, excepta Wratisslavia, quæ Lignicio præfer
ri possit, urbem invenias. Nisi quod A. C. 1609
18 Sept. incendium, casu an maleficio incertum,
noctu exortum, vento flante vi tanta grassatum
est, quanquam civibus ad flammæ extinguen
das accurrentibus, ut tertia nobilissimæ urbis
pars igne absumpta fuerit. Sita est ad amnem
Katzbach, in quem Deichsa & Schwartzwasser

Germania.

nit, plurima cum hominum, pecuniarum,
ge. Ad annum C. 1454 coorta seditione truci
datus à populo Senatus, expulsusque est Præfe
ctus regius, vix ei compescendæ sufficiente Al
berto Marchione Brandenburgico, totius Du
catus possessione in Fridericum I, Lignicii Du
cem translata à Matthia Rege. Insignia urbis
sunt duæ claves albæ transversæ in campo cæ
ruleo.

Cæterum Circulus hic satis amplus & pluri
bus non exiguis pagis obsessus est. In iis sunt
Kunitz, *Heinersdorf*, *Seyfersdorf*, *Koischwitz*, *Nicollstad*,
Gros Wandritsch, *Kamperen*, *Gros Baudis*, *Koskaw*,
aliique. Præter Weinlache amnem & aliquot
lacus, eximiam piscinam habet *der wirtche tetsch*
dictam.

Alter Circulus Furderhaidensis nulla alicujus
nominis oppida continet, sed tantum pagos, in
ter quos præcipui *Waldaw*, *Rotkirch*, *Kroitsch*, *Ho
bekirch*, *Pischwitz*, *Lubenaw*, *Newdorf* & *Oyas*.

Tertius Vberheidensis circulus totus quasi
silvis obitus est. Pagi præcipui in eo sunt *Krebs
berg*, *Gros Kotzenaw*, *Samitz*, *Sprottichen*, *Lerchenborn*,
Branchitzdorf, *Muhredlitz*, *Schonborn*, *Rustern*, & *Bi
nowitz*. Piscinam quoque non ignobilem ha
bet.

Circulus Goldbergensis late extensus urbe
Goldberga censetur, loci amœnitate cœlique cle
mentia beata, at multo magis optimarum disci
plinarum sede. Cattum amnem ob auriferas
arenas clarum præterlabentem prospectat in
convalle longe jucundissima, quæ agrorum fer
tilitate, hortorum amœnitate, pascuorum uber
tate, salictorum denique ad utramque ripam
suavissima umbra nulli secunda. Aurifodinis cla
ruit circa A. C. 1200 tam sæcundis, ut septimo
quoque die 150 libras auri dedisse legantur; è
quibus una libra, sive ut quidam volunt, 80 au
rei Rhenani Senatui urbano cesserunt. Henri
cus Pius Silesiæ Dux, cum congregaretur Tata
ris ex Asia per Poloniam in Silesiam irruentibus,
quingentos metallicos Goldbergenses sub signis
habuit. Cœnobium à D. Hedwige A. C. 1212
illic extructum, avorum memoria in Scholam
illustrem commutatum est. Anno 1427 Hussitæ
omnes pueros in ludo literario & sacerdotem in
templo trucidarunt. Variis & memorabilibus
incendiis vastata est diversis temporibus, & bel
lo Suecico præsidio Suecorum infessa multa bel
li mala ferre cum reliquis coacta est. *Rechlitz*
porro, *Hernsdorf*, *Adelsdorf*, *Graditz*, *Groditzberg*,
Bb *Vlbers-*



Wibersdorf, Wilhelmsdorf & Probsthain pagi sunt non exigui.

*Haynovien-
sis Circulus.*

Huic circulo conterminus est Circulus Haynovien-
sis, in quo eminet oppidum *Hayn*, ad
Deichsam seu Cattum fluvium, arce munitum,
sed A. C. 1581 ab impio & scelerato quodam
incensum & flammis quasi totum absorptum est.
Exinde reaedificatum non exigua mala ultimis
bellis sustinuit. Pagos habet *Cunnersdorf, Steins-
dorf, Gollschau, Beersdorf, Polsdorf, Lobendaw, Steud-
nitz, Straupitz, Lohm, Kaiserswalda, Kreibe, Reysicht
& Sambitz.*

*Lubenensis
Circulus.*

Lubenensis Circulus oppidum habet *Luben*,
ad Kaltzbach amnem situm & pervetustum; Bo-

leslaum cognomento Procerum Annales testan-
tur hoc oppidum auxisse & munivisse. Anno
1431 ab Hussitis injecto igne incensum est.
Bello Suecico nunc harum, nunc illarum par-
tium accessione factum, ut multis belli malis no-
bilitatum sit. Pagos subjectos habet *Altstadt,
Groskirchen, Ossig, Petschkendorf, Gugelwitz, Oberbert-
zogwalda, Schwartz, Pilgramsdorf, Rinnnersdorf, Brau-
na, Ober, &c.*

Septimus Circulus hujus Ducatus est Parch-
wiciensis, cujus caput est oppidum *Parchwitzium*
Katzbach amni incumbens, non mœnitum sed
arce nitens, & vinetis celebre. Pagi subjecti
sunt *Obheyde, Wangten, Altlaß, Grosleswitz*, aliique.

*Parchwi-
ciensis Cir-
culus.*



D V C A T U S B R E S L A N U S

Limes.

Nomen.



Reslau, Silesiæ totius præcipuus Ducatus, terminatur ad Orientem Bregensi, ad Meridiem Bregensi & Swidnicensi; Lignicensi Occidentem versus, & ad Septentrionem Olsnensi Ducatu. Nomen toti Ducatui ex

ipsa capitali urbe inditum est Wratislavia. Totus hic tractus valde frugiferus est; aer salubris & clarus; nisi quod ipsa Wratislavia depressiori loco sita ad Oderam, frigidis vaporibus obnoxia sit, qui multorum morborum causa sunt. Faciunt ad hoc plurimum cerevisia *Scheps*, quæ crassum & pituitosum alimentum præbet, & fortia vina Hungarica, Austriaca, Moravica & Franconica, quæ nimis avidis sui potoribus multa mala inferunt.

Diviso.

Dividitur Ducatus hic in tres Dioceses & Circulum quem Silesii *Weichbild* vocant. Sunt vero Wratislaviensis, Neoforiensis, Namslaviensis, & Circulus seu Districtus Cantienfis.

Wratislavia.

In Diocesi Wratislaviensi urbium princeps est Vratislavia, Bojohæmis *Wratzlam*, *Breslaw* Germanis, opulentissimum in his oris emporium, splendidaque urbs, ac merito inter tres pulcherrimas Germaniæ (quarum altera Monachium & Lipsia) computata. Sita est ad confluentes Oderæ & Olanæ amnium, à Wratislao Bohemiæ Rege condita, cujus etiam nominis primam litteram W in suis insignibus honoris causa gestat. Ante ipsum Quadi hæc loca tenuerunt, quorum Duces in Australi Oderæ ripa habitasse creduntur, ubi adhuc tres aut quatuor spectantur domus turritæ, eximie vetustatis. Crevit urbs tractu temporis per res adversas, non tantum structuræ dignitate, opibus & commerciis, sed etiam legibus & prudentia Magistratus.

Casus mirabilis.

Memorabile est quod de turri templi S. Elizabethæ testatur inscriptio sequens:

MIRABILIS IN ALTIS DOMINVS.

Collapsa est turris Siloë madesacta cruore.

Pyramide hac nostra nemo cadente perit.

Nam jussu Domini exceptam, cui gloria soli,

Angelica molem deposuere manus.

Episcopatus.

Accidit casus hic anno 1529, nemine læso no 1057 sedem Episcopalem, quæ ante Smograz, exiguo nunc pago, postea stulit in suburbanam insulam Cniæ Rex, eamque Episcopo legio attribuit, addita siæ, urbisque præficti supersunt vestigia Germaniæ.

modo uig. opulentia fastigium, quægressi, pervenerit: & Aureus adeo nuncupari quondam meruerit. Basilica ipsa Cathedralis D. Ioannis Baptistæ honori sacra est: qui gentis ejus Sanctus tutelaris, tam venerabilis omnibus, ut Principes etiam viri nomen ipsius litteris suis præfixerint: uti patet ex Henrici Barbatî vetusto diplomate, cujus hoc est initium: Nos Henricus Dei & beati Ioannis, Patrisque mei Boleslai Gratia Silesie Dux, &c.

Ordinem ceremoniarum, cantus, & vestitus cum liliorum insignibus, ex Lugdunensi omnium Galliæ nobilissima & antiquissima basilica in Vratislaviensem induxit Waltherus Episcopus, Equestri Zadoreorum natus familia. Series antistitum hæc est:

*Episcopi
Wratislavienses.*

A. C.

- | | |
|---|-------------------|
| 969 Godefridus | } Nobiles Romani. |
| 973 Urbanus | |
| 1005 Clemens | |
| 1027 Lucilius | } Nobiles Itali. |
| 1036 Leonardus | |
| 1045 Timotheus | |
| 1051 Hieronymus, | Nobilis Romanus. |
| 1062 Ioannes I. | } Nobiles Poloni. |
| 1072 Petrus I. | |
| 1091 Ziroslaus I. | |
| 1100 Imislaus vel Heymo | |
| 1126 Rupertus | |
| 1141 Magnus | |
| 1146 Ioannes II. | |
| 1148 Waltherus. | } |
| 1170 Ziroslaus II. | |
| 1181 Franciscus, Nobilis Silesius. | |
| 1198 Iaroslauus, Boleslai Alti Silesiæ Principis F. | |
| 1201 Cyprianus | |
| 1207 Lauren | |
| 1232 T. | |



- 1376 Theodoricus Bojernus. Hic à quibusdam inter Episc. non numeratur, quod à Pontifice Romano confirmatus non sit.
- 1382 Wenceslaus, Dux Silesiæ Legnicensis.
- 1417 Conradus, Dux Silesiæ Legnicensis & Olsnensis.
- 1447 Petrus I. Nowack dictus, Silesius.
- 1456 Iodocus Rosenbergius, Baro Bojemus.
- 1467 Rudolfus, ex Diœcesi Moguntina oriundus.
- 1482 Ioannes IV. Roth Suevus.
- 1506 Ioannes V. Turzo, nobilis Polonus.
- 1520 Iacobus à Salza
- 1539 Balthasar à Promnitz } Nobiles Silesii.
- 1562 Casparus à Logaun }
- 1574 Martinus Gerstmannus, Boleslav. Sil.
- 1585 Andreas Ierinus, Suevus.
- 1596 Bonaventura Han, Glogoviensis Silesius electus, sed non confirmatus.
- 1599 Paulus Albertus, Suevus.
- 1600 Ioannes VI, à Sirsch, Nobilis Silesius.
- 1608 Carolus, Archidux Austriæ.
- 1624 Carolus Ferdinandus, Sigismundi, Regis Poloniae filius.

Principes.

A Polonis ad Boleslaum Procerum devenit urbis iurisdicção, qui primus Vratislavensium & Lignicensium Princeps factus est à Frederico Imperatore, anno 1163. Boleslao successit Henricus Barbatus; huic filius Henricus Pius, sub quo Tartarorum incursione adacti cives, delecta urbe, quod lignea esset, parumque munita, sese in insulam, ubi Principum arx erat, recepere, incensa urbe. Sub Henrico Tertio, anno 1260, Vratislavia novis ædificiis ornari cœpit. Murus quoque ejus interior, qui adhuc multis locis exstat, jactus est. Tamque grata fuit Principi in ea amplificanda civium magnanimitas, ut is multis immunitatibus & privilegiis crescentem civitatem ornaverit. Sub Henrico Quarto, qui Probus dictus fuit, commissæ est tota civilis gubernatio civibus, quos Princeps videbat libertatis suæ impense esse studiosos. Nec potuit incendium duplex ardorem istum civium restinguere, præsertim cum ipse Princeps animos ipsis adderet, vetaretque, ne quis ex lapide cocto vel vivo ædificaret. 1280 constructum est Col-

successit Henricus

rolus Quartus Cæsar partem eam urbi adjecit, quæ in ulteriore ejus ripa cernitur, trans flumen Olam, in eaque templum B. Dorotheæ exstrui curavit. Ac tandem anno 1348 ipse Vratislaviam venit, ejusque urbis Senatui præfecturam totius agri vicini concessit. Wenceslaus ejus filius tantæ in cives quosdam liberalitate & indulgentia usus dicitur, ut etiam tumultui, qui anno 1418 accidit, occasionem dederit. At frater ejus Sigismundus, biennio post urbem ingressus, supplicium cepit de 22 seditionis auctoribus, & adhibito temperamento salutari cavit, ne vel Aristocratia in Oligarchiam in posterum prolaberetur, vel plebs de Optimatum potentia queri posset, adhibitis etiam in Senatum de plebe quibusdam viris prudentioribus. Hisce artibus provecta paulatim est Vratislavia in eam prudentiæ, moderationis ac pietatis famam, ut Sigismundi elogio dicta fuerit, Regula morum, exemplar & speculum modestiæ, humanæque vitæ splendidum jubar.

Præterea in hac Diœcesi est oppidum *Aursum*, sed nullis mœnibus cinctum. Pagi sunt *Przige, Thiergarten, Riemberg, Stries, Sponsberg, Newkirche, Gros Schotkarw, Woickwitz, S. Moritz, Gros Peiskeraw, Wirbitz, Schonfeld, Grosburg*, & multi alii.

Diœcesis Neoforiensis continet urbem *Neumarch*, seu *Neoforum*, urbem munitam in fertili solo sitam, quatuor miliaribus hinc Vratislavia, inde Lignicio distantem. Bello Suecico Henricus Redingerus Cæsareus Præfectus illam Præfecto Suecico Stalhansio tradiderat, cui Vratislaviæ idcirco ante curiam publice caput abscissum est. Exinde iterum à Cæsareis capta, & postea rursus à Torstenfonio Sueco tentata est. Oppida sunt *Kostimplotz, Gros Peterwitz, & Lissa*, nuperrime nova & egregia arcæ exornata ab Henrico ab Hornigh. Pagos habet *Steffelsdorf, Kameje, Witschen, Baudis, Krinisch, Schobekirch, Pirschen* & alios quamplurimos.

In Namslaviensi Diœcesi primaria est urbs *Namslavia*, ampla & frequens, castrum habens cum genio & natura loci, tum solerti manu egregie munitum, è quo Sueci diu se defenderunt, cum Cæsariani vi urbem expugnassent. Postea Saxones illud suæ potestatis fecere; exinde iterum à Cæsarianis recepta est. At annis 1642 & 1646 à Torstenfonio & Wittenbergio Suecis capta & recepta, iterumque amissa est. præterea habet *Reichtal, Schmogetaw, Palms-Stadlin*, &c.

pro districtus nonnisi uno illo oppido *Knitz, Sachwitz, Lanckwitz*

er hanc Regionem
res amnes &
sus & alii.

Diœcesis
Neoforiensis.Diœcesis
Namslaviensis.Circulus
Cambriciensis.

SCHWIDNICENSIS

D V C A T V S.

Termini.



Chwidnicensis Ducatus orbiculari quasi figura nulli ex omnibus Silesiæ Ducatibus fertilitate agrorum; oppidorumque frequentia cedit, Iauraviensi & Wratislaviensi Ducatibus aquilonem versus cinctus, Bregensi

versus Solis ortum, Monsterbergensi Ducatu & parte Bohemiæ ad austrum, & Iauraviensi Ducatu ad occasum.

Drusio.

Distinguitur hic Ducatus in Dioceses Bolchenhainensem, Landshutenensem, Strogenensem, Reichenbachensem & Schwidnicensem. Caput *Swidnicensis* Diocesis, ut & totius Ducatus, est *Swidnicium*, cujus nomen ab apro derivari aliqui volunt, cum eundem in insignibus habeat. Boleslao I. Bellicoso platearum distinctionem, arearum ornamentum, murosque urbs accepta refert, sita loco commodo, in planitie uberrima, sub salubri celo, cincta amœnis hortis pratisque, & Westricio fluvio humectata. Primarium templum est Cathedrale S. Wenceslai, amplum, magnæque altitudinis cum altissima turri adjuncta. Est præterea templum S. Nicolai extra urbem, multæque aliæ ædes sacræ tam intra quam extra urbem. Inter ædificia publica eminent palatium Ducale, Curia, & armamentarium. Privatorum ædes modicæ sunt, partim ex lapide, partim ex ligno. Insignia urbis in quartas divisa sunt: quarum duæ in campo nigro auream coronam præferunt, tertia in campo albo rubrum gryphem erectum, quarta in albo campo currentem nigrum aprum ostentat. Belli Sueco-Germanici tempore hinc inde aliquoties obsessa & expugnata, sueta belli mala cum aliis tulit.

Oppida, Arces & Pagi.

Oppida in hac Diocesi satis multa sunt. *Freiberga*, ad radicem arcis Furstenstein, castelli antiqui & nobilis à Bulione Duce exstructi. *Fridland* oppidum ad Riphæos montes, Duce suo Alberto Walsteinio celeberrimum, cui id Ferdinandus II contulerat; quo occiso ad Gallassii hæredes pervenit. Anno 1639 à Suecis captum, & cum arce centum equitum bombardiferorum præsidio firmatum est. Anno 1642 Torstenfoni eo quoque pervenit, ubi acris pugna inter Cæsarianos & Suecos orta, usque dum Cæsariani ad Riphæos montes recederent, & oppidum Suecorum direptioni pateret. *Gotzberga* oppidulum ditionis Holibergiorum metallicum, argenti, æris, plumbi nigri metallis excellens: imprimis vero carbone fossili abundans, qui plurimus à fabris ferrariis vicinis, ubi ligna defunt, aliunde devehitur. *Waldberga* oppidulum est ad

Polsnitzam non longe Schwidnicio distans. *Zabothum*, *Zobten* oppidulum *Zabothis* montibus subjacet, vicinum cœnobio *Gorcha*. Arces numerantur multæ; *Newhaus*, *Borchersdorf*, *Birckenhan*, *Furstenstein*, & *Konigsberg*.

Reichenbachensem Diocesi, *Swidnicensis* Diocesis quasi amplectitur, ita ut in ultimo Ducatus angulo seclusa videatur. Oppidum in eo nullum præter *Reichenbachium*, quod ab textorum officinis frequens & celebre est. Anno 1633 ita Cæsarianum Ducem Schafgotsch excepere oppidani, ut plusquam trecenti ex Cæsarianis temeritatis suæ pœnas morte luerint; quamquam postea in eorum manus venerit, omnesque oppidani qui in armis erant, occisi, & post direptionem oppidum desertum fuerit. Arcem habet *Pieterswaldam*, non longe *Reichenbachio* sitam. Ex pagis præcipui sunt: *Bitlar*, *Steinkuntzendorf*, *Weigelsdorf*, *Habendorf*, *Falbruch*, *Vlrichsdorf*, *Girlsdorf*, *Oxenfeil*, *Banschdorf*, &c.

Reichenbachensis Diocesis.

Landshutenensis Diocesis complectitur tantum unum oppidum *Landshuttum*, ad confluentes *Boberum* & *Ziderum* fluvios sita prope arcem *Keippelschoff*. Ex pagis hi primarii sunt; *Schumberg*, *Lübe*, *Hermisdorf*, *Michelsdorf*, *Reusendorf*, *Gabel*, *Hartmansdorf*, *Wittgendorf*, *Weinsdorf*, &c. Continet quoque hæc Diocesis Monasterium *Grüssam* ad *Ziderum* fluvium situm.


Landshuttum.

Bolchenhainensis Diocesis habet urbem *Bolchenhain*, non quidem adeo amplam, sed amœnam, cui imminet castrum in colle summo, loco admodum edito collocatum, quod à Bulione Duce & exstructum est, & cognominatum, à Ladislao autem Zedlicio L. B. Commendatore Strigoviensi, cui sedem præbet, superioribus annis egregie instauratum. *Fridberga* quoque oppidulum in hac Diocesi jacet, situm ad *Strigam* fluvium, ab altitudine situs *Altra Fridberga* dictum. Pagorum magnus numerus, inter quos hi maxime numerandi: *Rursdorf*, *Wolfransdorf*, *Hausdorf*, *Lauterbach*, *Langenbelmsdorf*, *Blumenau*, *Widraw*, *Girlachschorf*, *Ronslock*, *Reichenau*, *Strichenbach*, &c.

Bolchenhain.

Strogenensis, Diocesis solam urbem *Strigoviam* cum pagis continet. Hæc Cromero *Stregomum* dicta, satis ampla & loco fertili sita est, celebris terrâ sigillatâ, quæ in monte acuto D. Georgii effoditur. Celebritatem auget cerevisia, quæ ibi ex tritico coquitur, optimis concenseri solita: quanquam non desint, qui vim illius censeant flatulentam, cavendamque iis, qui sedentariam exercent vitam, quales sunt hi, qui libros diurna nocturnaue manu versant. Arces in hac Diocesi sunt duæ, *Plachwitz* & *Safterhaufe*. Pagi sunt: *Puschke*, *Lafen*, *Ols*, *Haslich*, *Rosen*, *Gottschdorf*, *Droungisdorf*, *Eysendorf*, *Pofelwitz*, *Picherwitz*, &c.

Strigaw.



Illustri et Generoso Domino,
D. OTTONI, Lib: Baroni a Nostitz in Rockhitznitz
Seifsdorff, Hertzsogswalden, Lobitz, Profen, Mangschütz, et Neundorffitz
Sacr. Cæs. Maj^{est} a Confiliis, et Capitano Swedensicis et Laurum Ducatumum:
ut et
Plurimum Reverendis Presbiteris, Illustrissimis Generoso Comitibus, et
I. L. Baronibus, Nobilibus Srenenis, Equitibus Ord. D.D. Provincialibus univer-
sit Ducatus Swedensicis, Dominiis suis gratissimis,
Debitum cum Deo Ducat. Swedensicis humiliter D.D.

D V C A

Demetrius, hunc archiepiscopum, qui hunc in diebus...

TVS W R A T I S L A V I

Bohemicis


MILITARIA GERMANICA COMMUNIO

Notarum Explicatio

- Urbs
- Oppidum
- Pagus cum Longis
- Pagus
- Ara
- Aedificium

Notarum Explicatio

1. Urbs
2. Oppidan
3. Pagus cum Templo
4. Pagus
5. Ars
6. Ars destructa
7. Molendinum



D V C A T V S
G R O T K A N V S,
S I V E
N I S S E N S I S.



Termini.

Le Ducatus olim Lygio-
Bregensium Ducum
fuit, sed anno 1341
ab Episcopo Wratilla-
viensi ære redemptus,
hucusque ejusdem E-
piscopatus ditioni sub-
jectus est. Termina-
tur ad Orientem Opo-
liensi Ducatu, Bregen-

si ad Septentrionem, Monsterbergensi ad Oc-
cidentem, & inde Glacensi Comitatu & parte
Moraviæ ad Meridiem.

Vires.

Primariæ urbes sunt, Grotka & Nissa, *Grot-
ka*, seu *Grodkovia*, in læta sita planicie, Epi-
scopo Wratislaviensi parere cœpit jam inde à
Precislai Pogarelli Episcopi temporibus: qui
eam cum universo districtu à Boleslao Ligni-
censium & Bregensium Duce emit, & Eccle-
siæ Wratislaviensi adjunxit. Aër saluberrimus
est, agri fœcundi, & silvis cincti: ita ut om-
nia exiguo pretio venalia sint; unde prover-
bium derivatum, Grotkavienſes nec fame nec
frigore extingui posse, (tempore pacis nimi-
rum) cum quæque domus adjuncta arva & sil-
vas habeat. Domus ex ligno pleræque, nisi
quod Curia, Palatium Episcopale & templa
ex cæso lapide constructæ sint. Multis quoque
casibus claret. Anno 1490 tota incendio perit.
Anno 1549 cælesti igne tota deflagavit, excep-
tis sex domibus cum Cathedrali Ecclesia. Anno
1633 à Sueco-Saxonibus capta est; exinde ite-
rum 1642 à Torstenſonio occupata.

Nissa, Grotkoviâ major, urbs nobilis ad Nissam
fluvium, Episcopis Wratislaviensibus sedem præ-
bens: in qua nihil fere earum rerum, quæ ad ci-
vitatē splendorem faciunt, desiderare queas.
Peramœno quippe sita solo, agros habet uberri-
mos, cœlumque saluberrimum: annonæ copia
abundat: civibus frequens est, mercaturæ oppor-
tuna & negotiatione florens, mechanicis arti-
bus egregie exulta, excellentibus denique ædi-
ficiorum structuris sacris & profanis, publicis
& privatis ornatissima: Forum vinarium mense
Ianuario habet tota Silesia celeberrimum: sæpius
conventibus agendis hæc urbs deleta est, sicut
& anno 1497, cum Nicolaus Dux Oppoliensis


& Silesiæ Præfectus Casimirus Teschinenſem
& Episcopum Wratislaviensem pugione confo-
dere conaretur; qua de causa condemnatus &
in foro capite plexus est. Anno 1632 Arnhe-
mius Sueco-Saxonum Generalis urbem deditio-
ne cepit, quam tamen illi eodem anno Holckii
Cæsariani Ducis exercitus adjuvantibus civibus
extorsit. Anno 1642 Torstenſonii viribus cessit,
& 15 millia thalerorum cum omnis generis ma-
gna parte commeatus suppeditare coacta est.
Hanc tamen post relinquentes Sueci omnia de-
populati, exustis quatuor portis aliquotque tur-
ribus, Consulem duosque Senatores atque ali-
quot Nobiles avexere.

Oppida reliqua sunt: *Freiwalda*, sine mœnibus *Oppida*,
inter montes situm. *Hotze-plotz*, situ commodo,
locoque edito; arce & mœnibus olim à Bru-
mone antistite Olomucensi cinctum. *Iaxernick*,
arcem adjunctam habens, quæ *Iohansberg* appel-
latur. *Kaltenstein*, oppidulum *Freiwalda* proxi-
mum. *Ortmuchovia* oppidum apertum cum egre-
gia arce, ab Hussitis proditiōe captum ad an-
num 1429, qui eximia præda illic potiti sunt,
& arcem præsidio tenuere, usque dum Episcopus
Wratislaviensis Conradus anno 1435 illud reci-
peret, cum Senatus Wratislaviensis ejus hortatu
captivos Hussitas dimitteret. Anno 1646 à Sue-
cis direptum est. *Fridzberga* montana versus *Quis-
so* fluvio annexum, Gottschiorum dominium.
Patzkovia, oppidum prope Nissam fluvium inter
Reichenstein & Ormachaw situm. *Wansena*, op-
pidum ad Olam fluvium, anno 1606 totum fere
incendio deletum est. *Weidenavia* non magni
momenti oppidum, anno 1632 incendio con-
sumptum est. *Ziegenhals*, ad Bielam amnem,
qui ad Nissam urbem Nissæ fluvio jungitur, offi-
cinis nitet ferrariis. *Zucmantela* olim *Edelstein*, op-
pidum metallicum sub radicibus montium Mo-
ravorum positum, ferri, æris, calchanti, argenti,
aurique fodinis clarum, sic dictum, quod latro-
nes ibi viatoribus pallia detrahare soliti essent.

Sunt præterea vici pagique innumeri, & ali-
cujus nominis arces, ex quibus celebriores nomi-
nasse sufficiet: *Bilitz*, *Nieder-Pomsdorf*, *Hertwigswald*,
Saupsdorf, *Arnsdorf*, *Freudenſtat*, *Wintzenberg*, *Ober-
Tarna*, *Leippe*, *Strubitz*, *Waltersdorf*, *Borchendorf*, *Op-
persdorf*, &c.

Vici, pagi,
arces.





S T I R I A.

77



Nomen.

Stiria, Croatia, Windorum Marchia, Carniola, Carinthia & Austria Superior, quia Domui Aultriacae parent, in Germania hodie censentur, quum olim Pannoniae portiones fuerint. Stiriam multi autumant *Valeriam* dictam, in gratiam *Valeriae* filiae *Diocletiani*, teste *Marcellino* & *Aurelio Victore*. *Volaterranus* lib. 8. Geographiae *Lapidiam* vocatam vult. Ejus in hanc rem haec sunt verba: Proxima huic *Lapidia*, quam *Stiriam* nunc vocant, licet *Pius Pontifex* eam *Valeriam* putet. Ego vero ex descriptione *Rufi*, *Valeriam* potius *Croatiam* dixerim inter *Danubium* & *Dravum*.

Termini.

Est autem haec regio *Norici Mediterranei* pars, quemadmodum *Carinthia*, *Illyrici* provinciis annumeranda. Ad Ortum *Hungaria* est: ad Meridiem *Carniola*, *Carniaque* ad Occidentem, *Carinthia* & *Austria* ad Septentrionem. *Istuanfius* lib. 24. Rerum *Vngaricarum* asserit fluvium *Suklan* dividere *Stiriam* ab illa *Illyrici* parte, quam recentiores *Sclavoniam* appellant. *Marchionatus* erat olim, unde *Stiria Marchia* dicta fuit: *Marca* autem limes est, quia per *Limitem* *Comitem* administrabatur. *Vltimus* *Marchio* *Othocarus*, cujus filia domum ducta *Leopoldus* *Dux Austriae* ex *Imperatoris* *Friderici* *Barbarossae* voluntate *Stiriam* cum *Ducatus* titulo accepit. Verum familiae istius serie extincta, *Provinciales* ex *Hungaria* sibi *Ducem* arcessiverunt; qui cum subditis gravis foret, *Ducatu* exutus *Othocarum* *Bohemiae* *Regis* filium sibi *successorem* habuit. Hic bellis cum *Rudolpho* *Caesare* implicitus, victus ab eo occisusque fuit; & in ejus locum *Dux* successus filius *Rudolphi* *Albertus*.

Marchionatus.

Dravus.

Fertilitas.

Distinguitur *Stiria* in *Superiorem* & *Inferiorem*. *Superior* est, ubi *Murae* fluvii *divergium* est. *Inferior* juxta *Dravi* & *Murae* *confluentes* se extendit, quae *Pannoniae* *Secundae* seu *Hungariae* *proxima*. Haec *vinetis* *excellentissimis*, praecipue circa *Rachelsburg* & *Lutenberg*, abundat: Hic enim nata *vina* *Hispanicis* comparantur. *Copia* *fructuum* *omnis* *generis* *tanta*, ut *exiguo* *pretio* *impressa* *eorum* *quantitas* *coematur*. *Agri* *fertiles*, *fluvii* & *piscinae* *optimi* *generis* *piscibus* *refertae*: *Sylvae* *multa* *fera* *plena*, *balnea* *sanitati* *conducentia*, *acidi* *fontes*, *montesque* *ferro* *aliisque* *metallis* *gravidis*; & *salinae* *non* *incelebrem* *hanc* *provinciam* *reddunt*. *Notanda* *tamen* *diversitas* *temporum* *in* *frumenti* *proventu*; aliquando enim ejus tanta abundantia, ut de distractione querantur agricolae; aliquando iterum tanta inopia, ut summa caritas totam regionem obsideat. *Superior* *Stiria* *valde* *montosa*, *valles* *tamen* *alias* *habet* *satis* *fructiferas*, & in montibus *Germania*.

amœna pascua salutiferis herbis vestita, ita ut totam aetatem pecora in montibus pastum eant; unde magnus indigenis butyri caseique proventus. Aer hic multo salubrior quam in Inferiori Stiria, ubi Febris & morbus Hungaricus saepe dominantur. Aquae hic tamen sunt multae inialubres ex mineralibus profluentes, quae bibentibus strumas ad collum causant; multi nihilominus sibi ab illis aquis cavent, & alias salubiores bibunt, inter quas aliqua certis morbis conducunt: in Superiori namque Stiria vinum nullum provenit, & cerevisia valde tenuis est, sed ex Inferiori magna copia huc devehitur.

Fluvii praecipui sunt *Dravus*, *Lavanda*, *Sackana*, *Flumina*. *Sulmo*, *Raynachus*, *Mura*, *Martza*, *Arrabo*, *Veyßnitz*, *Laufnitium*. *Torrentes* sunt innumeri, qui omnes tandem *Danubio* miscentur. *Montes* generali nomine *Noricae Alpes* vocantur. In confiniis *Austriae*, *Carinthiae*, *Stiriae* *Taurus Mons* est; ultra *Dravum* versus Meridiem *Claudius Mons*.

Celebriores *Stiriae* urbes sunt: *Gracium*, caput totius regionis, in Inferiori Stiria ad *Muram* fluvium, qui secundum *Lazium* *Savaria* antiquis appellatus fuit. *Cluverius* & alii inter se de hujus urbis antiquitate disputant; & adhuc sub judice lis est, utrum *Ptolemæi* *Muroëla* *Gracium* sit, an vero vicus *Murecb* fuerit. In vetustis Archivis vocatur *Bayrisch Gratz*, ad distinctionem *Windisch Gratz*, nos de nomine ad situm, stylum transferemus. Ipsa urbs in longum porrecta arcem versus in latitudinem se paulatim incurvat; quae alta rupi imposita circumjacentibus regioni montibus libera & intacta, inexpugnabilis censetur. In Urbe Palatium Ducale una cum Domo Publica, *das Landshaus* dicta, spectabile est. *Templa* *modica* *sed* *multa* *visuntur*, cum adjunctis sibi cœnobiis, ita ut sacerdotum numerus ad duo millia excrecere putetur. Urbis Regimen constat ex Consulibus, Iudice & Senatu; praeter hos & *Secretus* *Caesareus* *Senatus* est, cui suprema potestas incumbit; & alius iterum, qui de Regionis totius redditibus disponat, cum suo *Landthauptman* *Landverweser* &c. ad hunc omnia referuntur, quae subjectas Provincias, *Carinthiam*, *Carniolam* reliquasque spectant. Huc quoque ex jam dictis Provinciis omnes Appellationes & res Civiles Criminalesque diriguntur. Hinc & Comitiorum conventuumque reliquorum ergo, ut & *Academiae* & *binarum* *nundinarum* respectu, haec urbs satis frequens & populosa est; Mercatura non exigua exercetur cum *Hungaris* & vicinis. Omnia hic levi pretio comparantur, quanquam vini frumentique copia tanta non sit, ac paulo infra, ubi deficientibus montibus planiores se campi aperiunt. Anno 1532 haec urbs à Turcis capta, sed statim recepta, quum arcis munitae praesidium eorum furiae resisteret, & nimis crudis dapibus inciviles illos hospites exciperet.

Montes.

Urbes. Gracium.

Bruga ad *Muram*, non magni momenti oppidum

G g



dum & ad montis radices situm. Friburgum antiquissimum Stiriae oppidum, ut Lazius arbitrat. *Furstenfeld* ad Lauffnitium fluvium in confiniis Hungariae, Romanis *Aqua* dictum, multis Antiquorum monumentis clarum. *Hartberg*, *Heortis Mons* vel *Civitas* ad Lauffnitium: hinc per montem *Gessacum*, accolis *Schöckl*, Gracium itur, qui magnae altitudinis in iis terris celebris est. *Iudenburg* caput Superioris Stiriae ad Muram 14 milliariibus Gracio distans. Vrbs egregia, binis nundinis frequentata; habet sicut & Gracium, Palatium Ducale, ubi olim Aula Ducum fuit, quando Graecii morbus aliquis grassabatur: superbis templis & cœnobiis ornata, & non modicis suburbiis aucta. *Knitselfeldt*, modicum & amœnum in superiori Stiria oppidum. *Leubenum*, urbs satis magna, amœna & apto loco sita ad Muram. Non longe hinc celebre illud virginum cœnobium *Gössense* jacet, quæ eximia Abbatia est. *Marpurg* in Inferiore Stiria urbs novem mill. Gracio distans, antiquis *Castra Marcena*, *Mariana*, sive *Marciana* Ammiani Marcellini, multis monumentis clara: est in ea Ducale Palatium hoc gaudens privilegio, ut ex eo omnes pistores urbis frumentum emere teneantur. *Muravia* Mura fluvius in duas partes scissa pontibus conjungitur. Cluverius *Ad Pontem* olim nominatam putat; Palatium jam noviter reedificatum & altiori loco situm valde eam commendat: non longe hinc diruti ab Othocaro castelli ruinae conspiciuntur. *Pettaw*, *Petovium*, *Petavia*, & *Petovia* dicta, ad Dravum sita est; de antiquis ejus monumentis legatur Lazius de Republica Romana. Ipsa nec grandis nec eximia structurae est; & multorum bellis patuit. *Rain* oppidum cis Savum fluvium arce firma munitum. *Rakosburgum*, *Rackelsburg* ad Muram oppidum, satis firmum; cui tamen in alto & arenoso colle structa arx dominatur, quamquam non munita. Hic celeberrima totis Stiriae vina nascuntur, quæ, à propinquo pago *Lutenberg*, *Lutenbergica* nominantur. *Rotenmanium*, secundum Lazium, Antonini *Montana Castra* in valle Palthina jacet. Adjacet huic Cœnobium Ord. S. Benedicti *Ad Montem*, *Atmont*, dictum, potentia & divitiis clarum. *Veisritz* parvulum oppidum inferioris Stiriae. *Voitsperg* oppidum prope arcem *Kaynach*, antiquum, & olim Stiriae caput *Vianna* dictum. *Windorum*

Gracium prope Carinthiae fines, Ptolemæi *Vindria*; non longe hinc arx *Gradischia* jacet in monte excelsio structa.


Hæc de Stiriae oppidis: sunt tamen aliqua alia, quæ non proprie Stiriae ditionis sunt; sed, quia præsidia eorum ab hac Provincia sustentantur, ei quasi adjudicantur. Sunt hæc, *Warasdinum*, ad Dravum fluvium in confiniis Hungariae, Sclavoniae, & Stiriae situm, Antonini *Variana Castra*, modice munitum, & Windis inhabitatum; *Comprantz* Latinis *Caproncia*, munitissimum cum arce oppidum; & *Canisla*, arx valde firma & munita, à Turcis capta, & hætenus possessa. Hujus nomen memoriam mihi refricat Arcis *Czackothurni*, quæ firmo opere structa, & Illustrissimo Comite Zerinio inhabitata, Turcarum impetus egregie repressit: ita ut hujus Comitatus nomen æque illis formidabile sit, ac olim illud Huniadis fuit. Ad confluentem Muræ & Dravi jacet *Legrad*, ejusdem Comitatus arx & munimentum, illius oræ præcipuum, ex quo quotidie Milites Zeriniiani in Turcas prædatum abeunt, magna cum Comitatus gloria.

Sunt autem Stirii agrestes, insulsi, quamquam *Mores*. non inhumani, ut plurimum *Strumosi*, adeo quidem, ut ingentes strumæ vocem sæpe impediant, lactantesque mulieres eam pendulam in tergum rejiciant. Refert Ortelius, se Frisachii, dum Vienna Venetias proficiscebatur, non sine admiratione hominem contemplatum, cui mentum ab auribus incipens humeros latitudine fere æquabat, & ad pectus usque propendebat. Hodie adhuc in vico Trouleyten ut & Brugis ad Muram habitant, quorum strumæ capitis magnitudinem si non superant, saltem exæquant. Illud vero dolendum, quod fere omnes illi strumosi male sanæ mentis sint. Aquæ nivalis, seu ut quidam arbitrantur, metallorum quorundam vi infectæ potus hæc strumas profert.

Omnes fere indigenæ Catholici sunt, quamquam ante annos aliquot Lutheri secta multas sibi addictas urbes habuerit; sed nunc iterum fere omnes ad Catholicam Religionem retracti. Est non longe à S. Hippolyto, credo 5 mill. famosissima peregrinationibus, *Marie Cella* miraculis innumerabilibus clara: Thesaurus hujus templi à devotis hominibus congestus magni aestimatur, sed aliò translatus creditur. *Religio.*

CARNIOLA, WINDORVM MARCHIA, ET CILIA.

Carniola.



*Arniola olim pars Pan-
noniæ superioris, quæ
& Consularis dicta est,
à Carnis populis nomen
accepit. Carnorum me-
minit Volaterranus l. 2.
Geogr. supra Istros Carni
sunt, lata regio: à Foro julien-
sibus incipiens, atque ad
montana pertingens. Populi*

sunt Istis finitimi, ab ea parte, qua Alpes Iuliæ Aquilejæ incumbunt, qui à Plinio collocantur in decima regione Italiæ ad Tergestum fluvium, qui in Venetiarum ora in sinum Hadriaticum influit. Dividitur in Superiorem & Inferiorem, quarum hanc *Siccam*, illam *Irriguam* aquis Magnus appellat: Male vero *Goritium* Comitatum Inferiori adjudicat. Cum autem variis mutatio- nibus harum regionum imperia obnoxia fue- rint, difficile erit regioni huic suos assignare li- mites & terminos. Regio montosa est, (quam- quam quædam planities sint valde frugiferæ) vi- ni, olei, frumenti, aliarumque rerum, quæ ad hominis sustentamentum sunt, ferax. Superbit Ducatus titulo, ac Austriacis paret. Quia vero ob incolarum barbariem non multum exteris frequentatur, & sic quasi incognita sit, nihilomi- nus valde grandis & ampla est provincia, pluri- bus urbibus pollens & eximiis vicis nobilis.

Karstia.

Habet Carniola Inferior, quæ à quibusdam dicitur *Karstia*, ab Oriente Windorum Mar- chiam, ab Occidente Forum Iulium, Sinum Tergesticum à Meridie, & à Septentrione Mon- tes. Regio hæc non magni circuitus, & ejusdem cum vicinis naturæ, urbes alicujus momenti nul- las habet, sed tantum vicos & arces. Laasium vulgo *Laäs* sive *Kacseole* ad radices montium situm, regiunculæ caput est, multos equos vici- na regio fert, satis bonos non tamen multis molestiis duraturos. *Czircknick* ad lacum co- gnominem est, latius *Lugeæ* palus dicitur. *Iessen* munita urbecula est ad eundem lacum. *Gnuino* ad fluvium *Chubel*; & *Vnitæ* ad fluvium cognominem. Cingitur fere fluminibus *Lisonzo* & *Albeno*. Irrigat eam *Timavus* fluvius celeberrimus novem nascens capitibus, teste Pomponio, unoque ostio se in mare evolvens. Per subter- raneos meatus cum *Recca* fluvio confunditur. De eo Virgilius lib. 1. *Æn. Regna Liburnorum & fontem superare Timavi*: vulgo *Brenta* vocatur.

Carnorum
Mores.

Ipsi Carni, gens rustica, Windorum lingua utens, sine cura vivit, terræ proventibus con- tenta: in eorum ædibus barbaries summa, le- ctorum usus fere nullus in stramine cubantibus: eorum hypocausta hominibus porcisque æque
Germania.

patent; in omnibus sunt homines sordidissimi. Harum omnium adjacentium nationum idem fere ingenium: inhospitales sunt, &, ut dicam uno verbo, barbari.

Fluvii sunt, *Savus*, illis in oris maximus post multos alios absorptos se Danubio miscens; *Lau- bach*, urbem sibi cognominem alluens, *Savo* aquas suas tradit: *Gurca*, ad cujus ripas multa oppida sunt, eidem *Savo* se infundens. Sunt & alii; sed imprimis memorandus est lacus cele- bris, qui quotannis messe, piscatione & venatio- ne indigenas beat: accolæ eum *Czircknixersee* vo- cant ab oppido *Czircknitz*, quod in ejus ora situm. Clauditur iis circumquaque montibus; patetque ad sesquimilliarium, minus laxa latitudine: ple- risque in locis decem & octo cubitos altus; & ubi minimum profundus est, æquat justam hu- mani corporis mensuram. Ex montibus circum- positis rivi quidam ignobiles procurrunt, suo quisque alveolo; ab Orientali quidem plaga tres, ab Australi quatuor. Singuli, quo longius fluunt, hoc minus scatent aquis, terra nimirum eos absorbente, donec postremo absorbeantur scrobibus faxeis, ita natis, ut humano opere ex- cisæ videri possint. Hic aquis ita redundantibus, ut recipi non possint, fit, ut regurgitent scrobes, neque solum nihil aquæ admittant, sed etiam quicquid receperint, effundant tanta celeritate, ut reflexus impetum equiti quamvis expedito & fugienti vix effugere liceat. Itaque quacunque pateat locus, diffunduntur aquæ & lacum effi- ciunt. Hæ aquæ non minus fere celeriter rece- dunt quam accesserant, sed non per scrobes illas tantum, sed universa pene terra eas absorbente, non aliter quam si per cribrum diffunderentur. Quod cum fieri sentiunt agricolæ, continuo grandioribus, quantum fieri poterit, meatibus obstructis, agminatim advolant ad piscationem, quæ ipsis non modo jucunda, sed etiam fru- ctuosa est. Nam hi pisces sale conditi magnâ co- piâ ad vicinos exportantur. Porro siccatu lacu fit messis, qua parte solum confitum, & idem rursus conseritur, antequam inundet: ubi quo- que volunt, venationi satis oportunus est. Du- bium an ab aquis lacus, an à piscibus vivarium, an à venatione arvum appellari debeat. Gra- minis ita ferax est, ut post xx dies secari soleat. Straboni *Lugeum* palus appellatur. Cingunt hunc lacum ultra montes densæ sylvæ, *das Byr- pamerwald* dictæ. Montes, quibus tota fere Carniola consistit, *Czalin* vocantur, suntque partes Alpium, quæ Italiam versus se extenden- tes, tam famosum ei munimentum præbent. Multa in his montibus rara & notatu digna oc- currunt, quæ incuriosos accolæ adepta vix in
H h curio-



curiosorum cognitionem veniunt. Sunt enim fluvii in iis, & fontes, per occultos terræ meatus in altum se gyrantes, & rursus post parvum cursus sui spatium se abscondentes, in tanta aliquando præcipitia evehuntur, ut impossibile videretur: inveniuntur nihilominus in iis pisces *Forelle* dicti, qui una cum aqua ex infima montium regione ad eorum cacumina sese egerunt. Dejecta in profluentem signata ligna, vel aliæ res, post longum temporis spatium in longe diffitis locis inveniuntur, quo occultos tramites aqua se confert. Capiuntur etiam in his montibus perdices, in quorum stomachis auri ramenta inveniuntur.

*Windorum
Marchia.*

Windorum Marchia Carniolæ accessio videtur, eodemque jure utitur & plerumque cum ea confunditur, cum recta ejus & Carniolæ distinctio dari non possit. Mores incolarum vicinis simillimi. Flumina iisdem confusa jam nominata sunt. Nos uniuscujusque urbes ordine enarrabimus.

*Vrbs.
Labacum.*

Labacum caput gentis ad fluvium ejusdem nominis situm est. Cluverius arbitratur antiquis *Hemonam* dictam fuisse. Lazius vero *Iasonis* & *Argonautarum Nauportum* sive *Pamportum* esse existimat. Romanorum vel *Iapodum* municipium, cujus nomen decrecente Imperio vicini *Latobici* in *Labacum* mutarunt. Windis vocatur hodie *Lublana*, Italis *Lubbiana*. Oppidani utuntur passim Italica, Windica & Germanica Lingua: accolæ & agrestes plurimum Windica. In urbe nihilominus omnia edicta Germanica publicantur, & quæ Tribunal spectant, eadem lingua pronunciantur. Plurimi quoque Nobiles Germanici sunt sanguinis, & ad Germanicum morem se gerunt. Vrbs ipsa plurimis eximiis ædificiis ornata & populosa est, sed aëre valde insalubri fruitur; munimentis hosti arcendo nullis fere provisâ; licet arcem satis magnam in propinquo sibi colle habeat, & continuo præsidio munitam, non tamen alicujus hostis fortiori impressioni resistere posset. Episcopatu quoque gaudet, & quamvis ab aliquot centenis jam annis à Windis fuisset extinctus, tamen Imperator *Fridericus IV* ad annum 1470 iterum Episcopatum erexit, decrecente interim Patriarchatu *Aquilegensi*. Episcopi reditus ad quatuordecim florenorum millia esse feruntur.

Sequuntur *Bischofslack* ad *Zeyram* fluvium, *Antonini Prætorium Latonicorum*, *Iapodum municipium*, juxta *Lazii* sententiam, in *Diœcesi Aquilegensi*. *Crainburgum* ad *Savum*, cui ibidem *Cancer* fluvius confluit: Lazius putat illud fuisse *Iapodum Noviodunum*, non solum quod olim *Neuburg* sit appellatum, multæque antiquitates illic repe-

riantur, sed etiam quia hic locus adeo *Antonini* dimensionem convenit. *Gotschee* in *Windorum Marchia* oppidum à Patriarchatu *Aquilegiæ* dependens, cui annexum parvulum dominium, seu regiuncula, *Gotscheerlândlein* dicta, in qua ut & in oppido medios inter *Windos* soli *Suevicum* idioma loquuntur, & *Suevicæ* esse originis dicuntur; Lazius *Suevos* quoque tempore *Iustiani* illic habitasse vult, & oppidulum appellatum *Burnum*. *Gurckfeldt* ad *Savum* jacet in Inferiore Carniola, gaudetque pulchro castello; antiquorum *Quadrata* est. *Landstraß* ad *Gurcam* fluvium, oppidum modicum. Hic prope mons est aliquot milliaria in longum porrectus, quem multi *Walachi* infederunt, plurimisque pagis exornarunt: *Vskoobi* appellantur, Græco ritu sacra administrantes, & Imperatori nulla tributa solventes; sed ubi necessitas postulat, unaquæque Domus seu Familia unum virum in *Turcam* mittere tenetur. *Metlinga* ad *Culpam* fluvium *Windorum* oppidum, anno 1431 atrocem in modum à *Turcis* deturpatum. Anno 1578 iterum *Turcarum* insultum passum est, quos tamen *Windorum* & *Croatarum* agrestium manus in fugam convertit. *Ratmansdorff* in Superiore Carniola prope *Savum* fluvium. *Neuwstettl* sive *Rudolfsworth* ad *Gurcam* fluvium, secunda à *Labaco* fertur, & vini optimi totius Carniolæ proventu claret. Milliari abhinc *Balneum Dopltz* est, ab ægrotis valde frequentatum. *Stein* ad *Veistricem* fluvium, oppidum *Tschernemblin* *Windorum Marchia* ad incelebrem torrentem, qui in *Culpam* elabitur. *Weichselburg* in Inferiore Carniola. *Igg* oppidum *Windorum* ad *Iggam* fluvium; & *Segna*, *Antonini Senia*, *Dalmatis* infessa, satis firma, arcem habet cum præsidio. Sunt & plura minoris nominis oppidula, quæ curioso Lectori in mappa seu tabula conspicienda relinquimus.

Cilia Comitatus inter *Dravum* & *Savum* fluvios jacet. Nomen habet à Metropoli *Cilly*, quæ *Cilia Comitatus* *Cilly* antiquis dicta fuit, celebris urbs & antiqua, arcem egregiam habens, sita ad *Sainam* fluvium: Germanicum & Windicum seu Sclavonicum idioma hic indifferens est, cum fere omnes accolæ *Windi* sint. Ubique multa antiqua monumenta monstrantur, eruta quoque multa numismata; & ingentis molis reperta cadavera, non dubia venerandæ antiquitatis vestigia sunt. Spectantur adhuc magnifica marmora tantæ magnitudinis, ut uni soli vix currus sufficeret. Comitatus hic continet *Saxenfeld*, *Tifer*, *Lichtewald*, *Keyserberg*, aliaque oppida; & à *Pœtovia* ad *Trojanum* usque montem extenditur.

C A R I N T H I A.

Nomen.

Termini.

Partes.

Montes.

Lacus.

Flumina.

Mores
aliqui Re-
gionis.



Arinthia olim Panno-
niæ pars fuit : A Carnis
nomen accepisse nul-
lum dubium ; ante Ca-
roli Magni tempora
Provincia Norici, Lauria-
na, & Patria Slavorum
dicta. Ab Ortu & Se-
ptentrione Styriam ha-
bet, ab Occasu & Me-

ridie Alpes & Forum Iulii contingit. Dividi-
tur in Superiorem & Inferiorem. Hæc inter
Olezam fluvium & Lavandam jacet : illa in-
ter Mol fluvium & Olezam. Regio montosa est
& satis frigida, quare vina ex Stiria, Foro Iulio
& Carniola in illam advehuntur. Montes qua-
tuor præcipuos & altissimos habet, nempe S. Vl-
rici, S. Helene, S. Viti, & S. Laurentii, ad quem ma-
gna multitudo singulis annis, tertio Veneris die
post Pascha, peregrinantes confluunt ; qua de
caussa multi morbos contrahunt, imo aliquan-
do moriuntur : est enim via satis longa, & ut qui-
dam rationem ducunt, 12 miliarium Germani-
corum. Mons Löbel quoque valde altus & latus
est, quo Carniola à Carinthia dividitur. Lacus
primarii sunt Ossiachersee, Weissensee, Forchtensee,
Mulltettersee, Wordsee, Lavantsee, Iudenburgersee, &c.
Excellit inter hos de Wordsee latissimus, & duo
miliaria longus, piscibus abundans. Ex Flumi-
nibus primas tenet Dravus, Gurcam, Lavandam
aliosque multos fluvios (quorum numerus cum
torrentibus centum & viginti excedit) sibi con-
jungens. Oritur circa dimidium milliare supra
Doblach in planitie ; & prope inferius Drabur-
gum ex Carinthia cursum in Styriam continuat,
& recepta, prope Czackothurnum (Illustrissimi
Comitis Zerini Arcem & Domicilium) Mura
fluvio exinde non longe supra Albam Græcam
Danubio aquas suas tradit. Multæ in hac regio-
ne valles sunt tritici aliique frumenti feracissi-
mæ, quod Venetias asportatum non mediocri
lucrum incolis adfert. Abundat quoque peco-
rum armentis & metallis. Imperium penes Au-
striacos est. Ecclesiastica Iurisdictio inter Saltz-
burgensem Archiepiscopum & Patriarcham
Aquiliegensem dividitur. Vetus in Carinthia
mos est, ut unusquisque in propria persona ju-
dicio se sistere cogatur, ubi vel agens vel reus
est : quo Carolus V, anno 1520 Moniales exe-
mit, & licentiam dedit, ut per alium earum
caussa agatur. Anno 1585 Prælati, Ecclesiasti-
cis & Nobilibus in Carinthia juramenti in judi-
cio præstandi, ubi testimonium dicebant, ne-
cessitate ab Archiduce Carolo soluti sunt : ita ut
Prælati aliique sacerdotes per sacerdotalem
suam dignitatem & honorem ; Nobiles per Fi-
dem suæ Nobilitatis, Chirographam & Sigillum
omnia exequi possint. Nobilitas hic frequens
est, sicut & in tota Austria, Stiria & adjacenti-
bus locis.

Olim mos in hac regione fuit, ut Duces Pro-
Germania.

vinciæ, feudum à certo aliquo rustico cogerentur accipere ; qua in re multæ ceremoniæ usita-
tæ fuerunt, quas hic operæ pretium erit adjice-
re. Est in Carinthia congeries ruderum, quæ
ex diruta aliqua veterum urbe adhuc restant :
inter cætera verò grandis lapis seu petra, in
quam Rusticus aliquis, cui id jus genituræ com-
petit, profilit, dextra prope petram tenens vac-
cam, & à latere equam, & circumcirca multis
rusticis cinctus. Interim Dux magno cum suo-
rum comitatu adequitat cum duodecim vexil-
lis in fronte, (quorum unum altero major &
præstantius est, quæ certus aliquis Comes, hoc
speciali privilegio gaudens, portat) & habitu
pastorali ac rustico ad petram accedit. Vbi ille
Rusticus accedentem eum conspicatur, clamat
alta voce & rogat ; quis ille est, qui tanto fastu & su-
perbia huc venit ? respondent adstantes, Ducem esse
& Dominum Provinciæ. Ille iterum ; Ecquid Iustus
Iudex erit ? Eritne Defensor libertatis & salutis Patriæ ?
estne nobili sanguine prognatus ? estne Fortis, & dignus ho-
nore & reverentia ? estne Christianus & Christianæ fidei
Defensor ? Acclamant alii, Est & Erit. Iterum Ru-
sticus : Dicite, quæ ratione me hac petra depellat, in qua
nunc confisto ? Respondet illi Comes vexillifer : Pro
hoc loco dabuntur tibi sexaginta aurei, hæc vacca, & equa
tue erunt : donabitur tibi vestis pretiosa quam ita statim
Princeps deposuit : & tu cum tua domo omni tributo liber
eris. Quo finito Princeps seu Dux petræ appro-
pinquat, cui à Rustico parva alapa impingitur, &
admonetur boni Iudicis officio defungi. Interim
rusticus cum vacca & equa discedit. Princeps
equo descendens subsilit in saxum, & nudato
gladio circum caput acto promittit omnibus se
bonum Principem & Iudicem futurum. Tum
apportatur ei in pastorali concha aqua ad bi-
bendum ; Princeps iterum de saxo abit, & cum
comitatu ad templum equitat, postea habitum
pastoralem magnificis vestibus commutat, &
post opiparum convivium totum diem dicundo
juri infumit. Vltimus hujus moris usurpator Er-
nestus, Dux Austriæ fuit, pater Friderici IV,
Imperatoris, ad annum 1414. Sunt quoque qui
scribunt, Clagenfurti cives adeo furta odisse, ut
levi furti suspitione gravatus, inauditus ad cru-
cem abripiatur. Post tertium vero, à quo sum-
ptum supplicium est, diem, de mortui causa &
crimine judicant, quem si insontem fuisse co-
gnoverint, quod unum misero solatium est, ho-
neste sepeliunt ; sin vero reum deprehenderint,
pendere sinunt. Verum commentitia hæc est
fabula, & figmentum oscitabundi & nugiven-
duli cujusdam scriptoris.

Clagenfurt forte olim Glanfurt à fluvio Glan: La-
vius à Claudia vel Claudio Veterum, dictum Clau-
denfurtum vult. Prope jacet Cœnobium Vitring,
Victoria olim appellatum, ubi paucis ab hinc an-
nis miraculose triticum pluisse fertur. Anno
1473 Turcæ prima vice irruptionem in Carin-
thiam fecerunt, & ejus Præfectum den Lands-
haubtman / D. Christophorum à Colnitz ante
urbem

SALTZBURG ARCHIEPISCOPATVS, et CARINTHIA DVCATVS. Auct. Ger. Mercatore.



urbem Clagenfurtum pralio superavere, ita ut cum paucis vix in urbem fugiendi facultas data fuerit. Hodie Carinthiae caput est, ubi Ordines totius Provinciae conveniunt, suamque Domum habent. Aedificia Italico more structa urbem satis decoram reddunt, ad quod templa quoque multa & cœnobîa plurimum faciunt.

Villacum, Villach vulgo, oppidum domibus in fronte, coloribus historiisque magnifice depictis spectatoribus gratum. In planitie jacet, altis rupibus cinctum, ad Dravi ripam, ponte lapideo ulteriorem ripam contingens. *Sanct-An-*

dreanum in valle Lavantina; *Frisachium* loco amœno conditum, ad confinia Superioris Styriae, cinctum monticulis seu collibus; terra circumjacens non adeo magna, sed fertilis: multa antiquorum monumenta hic inveniuntur. *Sancti Leonardi* oppidum in Lavantina valle eximio castello fulgens; *Volckenmarca* ad Dravum; *Argentina Carinthia*, sedes Episcopalis ad Gurcam; & *Wolfsberg* in valle Lavantina. *S. Viti* Oppidum ad Lan fluvium, & *Gemunda* ad Lyseram in confiniis Salisburgensis Archiepiscopatus.

S A L T Z B V R G E N S I S A R C H I E P I S C O P A T V S.

Nomen.



Iuvavum, quod Antonius & Tabula Peutingeriana aliquoties nominant, esse hodiernum Saltzburgum non negabit, qui id ita proditum olim sciet ab Eginhardo in Vita Caroli Magni, & Siegebarto in Chronicis. Ille sic: *Vivanum*, quæ & *Saltzburgum*: hic, *Iuvavum* quæ & *Saltzburch*: Notitia Imperii vocat *Iuvense Castellum*, haud dubie à juvando formata militari appellatione. Amni idem nomen inditum à castro. Sed in Tabula Peutingeriana mendose legitur *Ivaro*. In Inscriptionibus est: *Col. Hadriana Iuvavia*, & *Duumviri Iuvavenfes*. Otho quoque Frisingensis, *Iuvavia*, inquit, quæ nunc *Saltzburga dicta*, *Bajoariae Metropolitana* sedes esse noscitur. Creditur etiam dicta *Hadriana*. Atque huc faciunt versus, quos in urbis templo legisse se testatur Pighius:

*Tunc Hadriana Vetus, quæ post Iuvavia dicta est,
Prædialis erat Noricis & Episcopo digna.*

Aventinus author est, Ptolemæi *Ἰουδαίων* idem esse cum Saltzburgo, pagumque ostendi in vicinia ejus nominis. Gaspar Bruschius initio vernaculo nomine *Heiffenberg* dictam prodidit, atque ex eo fluxisse Romanum nomen *Iuvaviae* vel *Iuvenfis* castelli. Saltzburgum postea à salinis vocari cœpit, quarum copia non procul ab ea urbe reperitur in oppidulo Halla. Alii vero & rectius Saltzburgum dici volunt, à Salza fluvio, qui urbem alluit. Sita autem est in Norico Cisdanubiano, in mediis Alpibus, decenti murorum ambitu, turribus & propugnaculis, ac præterea ædificiis publicis privatisque egregie exulta: Arcem habet in edito monte splendidam. Veteris Arcis Iuvavenfis ruinæ extra suburbium conspiciuntur in colle. Templa & sacella sunt varia: Abbatia S. Petri vetusta admodum est, ex eaque petiti sunt sæpius Episcopi. Ad S. Sebastianum conspicitur Theophrasti Paracelsi monumentum cum hac inscriptione: *Conditur hic Philippus Theophrastus insignis Medicinæ Doctor, qui dira vulnera, lepram, podagiam, hydropisim, aliaque insanabilia corporis contagia mirifica arte sustulit, ac bona sua in pauperes distribuenda collocandaque ordinavit. Anno 1551, die 24 Septembris vitam cum morte commutavit.*

Situs.

Cathedrale templum præ cæteris eminet. Fuit enim hic per diu sedes Archiepiscopalis, translata illuc Laureaco, sub Carolo Magno, anno Christi 798, qui dignitatis illius eminentis titulum contulit in Arnonem Episcopum, suffragante Papa Leone, quum ante à temporibus inde Bonifacii tantum fuisset sedes Episcopalis. Bonifacius quippe ab Vtilone Bajoariae Duce invitatus tractum illum omnem in quatuor parœcias distribuit, & singulis singulos Episcopos præfecit. Ex his, inquit Wilibaldus, is qui Bonifacii vitam contexit, primus fuit Ioannes, quem voluit Salisburgensis oppidi cathedram obtinere; alter Erimburtus, qui Frisingensi Ecclesiae præfectus est: tertius Gunibaldus Ratisbonæ, quæ est Bajoariae Metropolis, antistes institutus est: Winilus vero à Præsule Apostolico jam ordinatus Pataviensi Ecclesiae Episcopus datus est. Fuere autem Cathedræ isti, ex quo ad Archiepiscopalem dignitatem evecta est, subiecti suffraganei, Tridentinus, Pataviensis, Viennensis, Gurcensis, Brixienfis, Frisingensis, Seccovienfis, Laventinensis, & Chiemenfis.

Archiepiscopatus.

Terminatur Status Archiepiscopalis ab Oriente Stiria & Superiori Austria, à Meridie Carinthia & parte Tyrolis: ab Occidente & Septentrione Bavaria & Tyrolensi Comitatu. Abundat Salinis, auri, argenti, cupri, ferri aliorumque metallorum fodinis. Regio montosa est: montium nomina sunt *Radstattersbourn*, *Felberghbourn*, *Kornthbourn*, *Casteinrthbourn*, alique. Multæ quoque sunt sylvæ, quas *Herdionem*, *Henhardum* & *Weyhardum* vocant. Flumina prope innumera sunt, quæ ex montibus scaturientia, totam regionem irrigant. Sunt autem *Anassus*, quem suis aquis augent *Altzius*, *Matichius*; *Traunus*, *Mura* & *Dravus* è lacubus orti; & *Salza*, quæ urbi & toti regioni nomen commodat. Sunt & multi lacus, omnes piscium abundantissimi.

Fines.

Montes.

Sylvæ.

Flumina.

Comprehenduntur hoc Statu, præter Metropolin Saltzburgum, hæc urbēs; *Tietmoning*, *Tietmanninga* ad Salzam fluvium in confiniis Bavariae; ut Lazio videtur, Antonini *Bidaum*. *Radstatt* ad Anassum fluvium situm in valle oppidum, circumjacentibus montibus quibus nomen communi-

Urbes.

municat, circumquaque cingitur. Anno 1257 natus in hoc oppido infans fuit, duo cornua in capite habens, cujus vagitum quatuordecim ante natalem diebus auditum fuisse ferunt. Lazius antiquum putat, & Taurinam, Tauream, five Teurniam appellatum arbitratur. *Muldorff* ad sinistram Oeni ripam situm, & praelio inter Ludovicum Bavarum & Fridericum Austriacum Imperatores (in quo Fridericus captus fuit,) celebre. *Lauffen* ad Salzam fluvium inter Saltzburgum & Dietmoning, Antonini Laviacum, ut Lazius lib. 12. Comm. Reip. Rom. arbitratur. *Haltein*, *Halitola*, & *Halula* ad Salzam fluvium salinis & salis coctionibus satis frequentatum; anno 1573 in una ex iis Salinis, seu Salifodinis 6300 pedes profunda inventus est homo totus 9 spithamas longus, duræ Petræ Salinæ insculptus, qui corpore, capillis, & vestimentis satis dignosci poterat, & olim forte illuc decidit. *Frifachium* & *Sanct-Andreeanum* quoque Salzburgenfi Archiepiscopo parent; quia vero in Carinthia sita sunt, eorum descriptionem benevolus Lector illic inveniet.

Series Archiepiscoporum
S A L T Z B V R G E N S I V M.

ANno 476 quo tempore Noricum Romanis parebat, fuit Iuvavensis Episcopus S. Maximus, quem Ostrogothi & Heruli Duce Vidomaro in Italiam proficiscentes ex patibulo suspenderunt, urbe insuper vastata, & plurimis civibus in captivitatem abductis. Et jacuit aliquamdiu ita Civitas, donec Rupertus Episcopus Wormatiensis jussu Theodeberti Francorum Regis ad Bojos profectus, baptizatis Ratisbonæ Theodone III, & Theudeberto ejus filio, doctrinam Christi illis locis docuit Laureacum usque. Inde reversus per Noricum, Oetingæ baptizavit Theodonis fratres, Vtonem & Theodewaldum, ac tandem Saltzburgi docuit. Defunctus est ibi anno 624.

Abbates S. Petri ante Episcopos.

- 2 Vitalis, Monasterii S. Petri Abbas, sedit annos 23, mortuus est anno 646.
- 3 Ansologus, Abbas ad S. Petrum, sedit annos 20, sepultus est anno 666.
- 4 Savolus, sedit annos 14, defunctus anno 680.
- 5 Ezius, Abbas sedit annos 23, obiit anno 703.
- 6 Florbargisus, Abbas vixit annos 37.

Episcopi.

- 7 Ioannes, qui à Bonifacio factus est Episcopus, sicut ante diximus: sedit annos 14, obiit anno 754.
- 8 S. Virgilius Hibernus: sedit annos 30, obiit anno 784.
- 9 Bertricus Abbas, defunctus anno 885.

Germania.

Deinceps Archiepiscopi.

- 10 Arno I, ex Episcopo factus Archiepiscopus anno 798 per Leonem III, sedit annos 36, obiit anno 821. Fuit autem in flagrante gratia apud Thassilonem III, Ducem Bojoriæ, non tantum priusquam ille à Carolo Ducatu pelleretur, sed etiam post. Sub hoc celebrata sunt Saltzburgi Comititia anno 807, quibus interfuere etiam Legati Nicephori Imp. Constantinop. decretumque, ut Carolus ipsiusque successores Imperatores Romani, Latini & Occidentales, dicerentur: Nicephorus vero cum suis, Constantinopolitani, Græci, & Orientales.
- 11 Ammilonius, obiit anno 821.
- 12 Adalramus, defunctus anno 836.
- 13 Leopramus, obiit anno 869.
- 14 Adalwinus, sedit annos 14, obiit anno 873.
- 15 Adelbertus, sedit annum unum, obiit 874.
- 16 Dietmarus I, sedit annos 23; cæsus est ab Hungaris anno 907.
- 17 Piligrinus I, sedit annos 16, obiit anno 923.
- 18 Olibertus, sedit annos 12, obiit anno 935.
- 19 Egilolphus, sedit annos 4, obiit 939.
- 20 Heroldus Comes à Schyern, sedit annos 18, erutis oculis dejectus est de dignitate anno 958.
- 21 Fridericus I, in Chiemgaw, obiit an. 991.
- 22 Hartwicus, Comes in Spanheim & Artenburg, sedit annos 32, defunctus est anno 1002.
- 23 Guatherus, Henrici Imp. qui Sanctus dictus est, Cancellarius, obiit anno 1025.
- 24 Dietmarus II, sedit annos 16, defunctus anno 1041.
- 25 Balduwinus, sedit annos 19, obiit anno 1060.
- 26 Gebhardus, Suevus, ab Helffensteyn, sedit annos 28, constituitque Ecclesiam Gurcensem. Hic pulsus aliquamdiu à Bertholdo à Mospurg, restitutus est: defunctusque anno 1088. Bertholdus postea sedit annos 2. Is Gebhardus cum Papa tenuit in bello contra Henricum IV gesto, unde ipse & posterius titulum *Legati nati in Germania* acquisivere.
- 27 Thiemo ex Abbate S. Petri, sedit annos 11, captus inde à Turca apud Chorazin in Palæstina vitam martyrio finivit.
- 28 Conradus I, de Abensberg, Henrici IV, Capellanus, sedit annos 42, defunctus anno 1147.
- 29 Eberhardus I, Comes de Hiltboldsteyn, Abbas Biburgensis, sedit annos 17, defunctus anno 1164.
- 30 Conradus II, S. Leopoldi, Marchionis Austriæ, filius, ex Episcopo Pataviensi factus Archiepiscopus Saltzburgensis, sedit annos 4, obiit anno 1168.
- 31 Adelbertus, filius Sobeslai, Regis Bohemiæ, sedit annos 6, expulsus est à Friderico

K k

derico

- derico I Barbarossa, an. 1174, suffectus tunc Administrator Henricus Præpositus Berchesgradensis.
- 32 Conradus III, Cardinalis Episcopus Sabinenfis, sedit annos 6, postea factus Archiepiscopus Moguntinus deserta ea sede rediit, rexitque adhuc annos 17, ob. anno 1200.
- 33 Eberhardus II, Episcopus Brixinensis, præfuit annos 46, erexitque Episcopatus tres, Chiemensem, Secoriensem & Laveminsensem; defunctus est anno 1246.
- 34 Philippus Bernhaldi Carinthiæ Ducis filius electus contra Burchardum, præfuit annos 10, sed quum nollet ordinari in Sacerdotem, depositus est anno 1256.
- 35 Vdalricus Episcopus Secovienfis, sedit annos 9, & resignavit.
- 36 Vladislaus, Henrici Silesiæ Ducis filius, sedit annos 5, obiit anno 1270.
- 37 Fridericus II, de Walhen, sedit annos 14, ob. anno 1284.
- 38 Rudolphus, Rudolphi Imp. Cancellarius, sedit annos 5, ob. anno 1290.
- 39 Conradus IV, sedit annos 22, ob. anno 1312.
- 40 Wichardus à Polheym, sedit annos 3, obiit anno 1315.
- 41 Fridericus III, à Leibnitz, sedit annos 23, defunctus anno 1333.
- 42 Henricus à Piernprun, sedit annos 5.
- 43 Ortulphus de Wisenech, sedit annos 22, mortuus anno 1365.
- 44 Piligrinus II, à Pucheym, sedit annos 32, obiit anno 1396.
- 45 Georgius Schneck, sedit annos 7, obiit anno 1403.
- 46 Eberhardus III, præfuit annos 24, mortuus anno 1427.
- 47 Eberhardus IV, de Starenberg, obiit anno 1429.

- 48 Ioannes II, sedit annos 12, defunctus 1441.
- 49 Fridericus IV, Truchseß d'Emerberg, defunctus anno 1452.
- 50 Sigismundus I, à Volckendorff, præfuit annos 8, obiit anno 1461.
- 51 Burchardus à Weispriach Cardinalis, sedit annos 4.
- 52 Bernhardus à Ror, sedit annos 15, resignavit anno 1482.
- 53 Ioannes III, Strigonienfis, sedit annos 7, mortuus anno 1489.
- 54 Fridericus V, Comes à Schauwenberg, sedit annos 5.
- 55 Sigismundus II, ab Holneck, sedit menses 8, obiit anno 1495.
- 56 Leonardus à Keutzbach, sedit annos 24, obiit 1519.
- 57 Matthæus Langius à Wellenburg, Augustanus, Cardinalis S. Angeli, Confiliarius Maximiliani I, Imp. Francofurti Imperium Carolo V obtinuit. Interfuit quoque Comitibus Augustanis an. 1530: sedit an. 21, obiit anno 1540.
- 58 Ernestus Comes Palatinus Rheni, Bavarix Dux, natus Alberto Bavaro & Kunegunde Friderici Imp. filia, discipulus fuit in patria Ioannis Aventini, Ticini Iasonis Mayni: ex Episcopo Patavino factus est Archiepiscopus Saltzburgenfis.
- 59 Michaël à Nieuenburg, electus an. 1554.
- 60 Ioannes Iacobus Tirolensis Nobilis, electus anno 1560.
- 61 Georgius à Kienburg.
- 62 Wolfardus Dietericus à Raittenaw, anno 1587 electus, & à Bavarix Duce usque ad mortem in custodia detentus.
- 63 Maximilianus Sittich ab Hohen-Embs, anno 1612 electus.
- 64 Paris, Comes Lodron, qui nunc præsidet, anno 1619, 13 Novembris electus.

T I R O L I S

C O M I T A T V S.

Nomen.



Ateriolis Tauriscorum populis castroque Romanorum cognomine, Tirolis nuncupatio est, tam arcis ad confluentes Athesis & Passeryi, quam toti Provinciae communis.

Habet arx suos Comites, Dynastas ab

Ulthen, quorum ultimus Albertus, cum maiorem natu filiam Adelaidam Meinardo Goritienfi Comiti elocasset, obiit anno 1254, & in eadem arce sepultus.

Principatus.
Domini.

In Tirolis Provincia novi Principatus initia, post proscriptum Henricum Leonem Bavariae & Saxoniae Ducem, dedere Duces Meraniae, Andechia gens; nam Berchtoldus Dux Primus à Caesare Friderico Barbarossa creatus, collata opera cum parente Berchtoldo Istriae Marchione Insprug, Oenipontem Latine reddes, fundavit anno 1180. Otto autem Berchtoldi Ducis filius, Dux ipse Meraniae II, Oenipontem muro circumdedit, & jure civitatis donavit, anno qui notatur in antiqua illa inscriptione:

*Otto Merania Princeps, cognomine Magnus,
Insprug circumdat muris, & mœnia fundat,
Trigesimo quarto post annos mille ducentos
A nato Christo privilegia Dux dedit Otto.*

Qui cum conditam à se urbem in Principum etiam sedem, & Provinciae caput destinaret, Provincialia ibidem eodem anno celebravit Comitia. (praecipui inter Provinciales fuere Gebhardus Tridentinus, & Henricus Brixinensis Episcopus) Egit praeterea cum Brixinensi de Advocatia Episcopatus, sed inaudito Alberto Tirolensis arcis Comite, cujus etiam lis illa intererat, statutum est nihil. Litem mors tunc diremit Magni Ottonis, quae secuta est nonis Maji ejusdem anni; sed Mars eandem suscitavit sub Ottone II filio, Duce Meraniae III, tandemque compositio facta cum Egnone electo Episcopo Brixinensi, in haec verba:

Dominus Electus debet infeudare Ducem Meraniae & Comitem Tirolensem, de feudis eorum indivisim, prout prius infeudati fuerunt, cum omnibus suis pertinentiis, excepta Advocatia Brixinensi, quam unus eorum tantum, de consensu alterius & voluntate debet habere in feudum tempore vitae suae; defuncto illo, alter succedit ipsi Advocatiae jure hereditario, & dicti Domini, scilicet Dux Meraniae & Comes, non debent alienare ipsum ab Ecclesia calumniose, exceptis suis heredibus. Et non solum ab ipso Electo hoc debet inviolabiliter observari, sed etiam ab omnibus Successoribus suis. Acta

Germania.

Brixinae anno 1241. Indictione 14 die Mercurii 12 Calend. Aprilis.

Hinc ordo ille Comitiorum Provincialium, Tridentinae & Brixinensis Ecclesiae hereditaria Advocatio, forma denique Liberi Principatus, quam armis & jure saepe propugnatam, factam tectamque in hanc usque diem servant Meranensium Ducum successores, qui se Provinciae Principes, *Landfürsten* / & Tirolis Comites nominarunt.

Annus 1248 fatalis fuit Ottoni II, Duci Meraniae III, quo sine prole mascula extincto, cum vacaret Imperium, magnis Meranensis Ducatus ditionibus, quae jure, quae injuria distractis, Menardus Goritienfis Comes, qui & ipse genere Andechius erat, & Berchtoldi Ducis I, ex Methilde Sorore nepos, Provinciam sibi Tirolensem vindicavit, sed Ducis Meraniae titulum praetermisit; An in gratiam soceri Alberti arcis Tirolensis Comitis, adhuc superstitis, cujus etiam hereditatem sexennio post adivit; An quod sciret Duces Meraniae non à Tirolensi, sed à Forojulienfi Merano, vel à maritimis illorum Principum provinciis (est enim Meran, quasi *Ufer dem Meer* / ad mare) quae tunc temporis ad Ungaros & Venetos transierant, denominationem accepisse.

Cognominem Parentem secutus est filius Menardus II. Stambsenfis Monasterii fundator. Enimvero hic ille est quem Rudolphus I, Habsburgicus, Ducatu Carinthiae donavit, cujusque filiam Elisabetham natu maximam, sibi nurum, Alberto filio postea Caesari uxorem, Austriis Principibus, qui nunc vivunt magnam matrem adlegit, magnamque illis olim dotem allaturam, quod tum factum est, cum (de Carinthiae Ducatu & Goritiae Comitatu hic taceo) Margaretha Maultaschia, Menardi hujus ex Henrico filio Neptis, & Haeres ultima, adhuc vivens anno 1263 Tirolim Rudolpho IV Magnifico, Alberto Trica, & Leopoldo Probo, Austriis Fratribus, & communibus ejusdem Menardi & Rudolphi I, Caesaris Pronepotibus, transcripsit. Porro solus Leopoldus longa Augustae Propaginis serie beatus, ad Pronepotem Maximilianum I Caesarem, inde ad Pronepotis Abnepotem Archiducem Leopoldum Tirolim transmisit. Produxit quidem ac vindicavit Maximilianus Tirolenses fines, quos Leopoldus contra jamjam irrupturum Weimarium ad fauces Fieffenses tutatus est anno 1632; eo è vivis abrepto, Masculae virtutis, singularisque prudentiae ac pietatis vidua, Claudia Hetrusca, Mater, Tutrix, ac Gubernatrix Ferdinandum Carolum Provinciae Principem, cum pupillis Archiducibus, ad avitam educavit paterni maternique nominis gloriam. Nunc vero

L I

Fer-



Ferdinandus Carolus Archidux Serenissimus Provinciæ huic maxima cum prudentiæ & benignitatis laude præest, vestigiis majorum suorum dignissimus insistens.

*Amplitudo
regionis.*

Porro Tirolis amplitudo, qua longissima est, intra tres gradus Germanica milliaria 30, totidem qua latissima est intra gradus duos continet. Quamvis autem ejus superficies ubique montosa sit, crebris tamen, cultisque vallibus diducta ad hospitaliora & fecundiora spatia identidem fatiscit; proinde festive Carolus V, Tirolensem Comitatum rugoso pallio, quod semper majus est quam appareat, comparabat.

Qualitas.

Alpes, quæ Peninæ antiquis Authoribus dicuntur, à Lyci ad Dravi fontes, Provinciam fecant in partes duas, Septentrionalem quæ Germanico tantum, & Meridionalem, quæ magna ex parte Italico sermone utitur. Illa fodinis ditior, hæc vitibus fecundior, utraque tamen frumenti, frugumque ferax:

Est argentiferis tellus & turgida venis,

Et Cereri non indocilis, nec inhospita Baccho,

verè de Tirolis quidam cecinit, sed non integrè: nam præter venas cujusvis generis metalli, & Cadmiæ lapidosæ, fufuris (ut Plinius lib. 34. cap. 10. loquitur) necessariæ, turget Tirolis prope Hallam, civitatem officinis cum salinariis, tum cudendæ & examinandæ monetæ nobilem, venis optimi salis, nec non diversi coloris terræ, ad tincturæ picturæque usum, denique fossilium, ac lapidum variorum pretio: Crystallus enim hic optima & Malachites, casuris olim si feratur opem allatura. Cæterum fodinarum proventum, qui quotannis non est contemnendus, tam divitem in solis Schwazensibus argentifodinis Archidux Sigismundus habuit anno 1448, ut Opu-
lenti cognomen inde acceperit.

Alpium prædictarum vertex, exesis præruptisque jugis tam vaste coronatus, ut ejus diameter ad sex Germanica milliaria se extendat, *Gros Ferner* dicitur, quod longè lateque ferreo perennique rigeat gelu: interim inde caput, unde altum primum se erumpit Athesis, & dii minorum gentium flumina ferme 30. Quæ ad Aquilonem labuntur Oenus excipit, quæ vero ad Meridiem Athesis, quibus uterque auctus, ille in superiori Engadina natus à Ponte-alto, ad fauces usque Kuffensteinianas, totam Tirolis longitudinem irrigat, inde per Bavariam fluit, nomen daturus Oenopoli, Germanis *Instatt*, in ripa Danubii Passavio opposita.

Athesis.

Athesis vero, qui majorem partem Tirolen-

sis latitudinis fecundat, sinuoso primum flexu per Vennonum Vallem, nunc Venustam, ad Sigismundi coronam, mox recto cursu, gemina inter ostia Anaunii & Evisii, in urbem Episcopalem Tridentum excurrit. Inde per Archiducum pluribus victoriis insignem Lacherinam, Vallem, Roveretum præterfluit; relicturus quidem infra Borgettum, olim Palatium Tirolenses fines, sed nomen usque in Adriæ sinum servaturus.

Vltro citroque in Italiam & Germaniam comitantibus, facilem semper aditum præbuere Breneri fauces. Viæ duces sunt ibi Sylla & Eifacus, in vicinia nati, sed Sylla ad Oenum tendit, quo aureas etiam prope Oenipontum arenas immittere, testantur torques aurei, qui cum thesauro Tirolensium Principum, servantur in Arce Ambras. At Eifacus opposito cursu Sterzingam (nam Vipitenum antiquum nomen, vicinæ tantum valles nunc retinent, incolis dictæ Wipthal) Brixinam, in Reuniam, vulgo Rienzia, confluentem, Sabionam, nunc vicum Seben, olim urbem, unde Episcopalis sedes Brixinum translata est anno 1038, denique Bolzanum Provinciæ emporium præterfluit, magno Mercatorum compendio, opem laturus Athesi, ad sustentandas onustas mercibus naves.

Australis pars Tirolis, præter Athesim, & longos ejus decursus, deducit etiam ex valle Zugana in Adriam fontes Meduaci, vulgo Brenta; nec non ab Euganeis fluvium Sarcam, qui cum intra fines Tirolenses in Benacum influat, an idem mutato nomine Mincius effluat, non parvus, sed alumnus Benaci, ut Plinius loquitur lib. 3. cap. 19. auctores certant.

Septentrionalis autem Tirolis pars, præter Oeni fluentia, derivat in Danubium fontes Dravi, qui ultra Leontium, vulgo Lienz, Carinthiæ fines ingreditur: sed & Isaræ per Bavariam, denique Lyci Vindique fontes per conterminos, quibus nomen etiam ii fecere, Vindelicos.

Numerantur in Tirolis universim urbes Episcopales duæ, Civitates quindecim, oppida majora 16. Monasteria, Collegia & Coenobia supra 60. Provincialia dominia, Baronatus & Comitatus 142. Teuthonicorum Equitum Domus quinque. Nobilium arces 350. Pagi denique supra mille. Totius Provinciæ Metropolis Oenipons, ubi Archiducum Aula, armamentarium, & suprema causarum Tribunalia. Plura & singulariora in Annalibus Tirolensibus.

Flumina.

Oenus.

Dravus.

*Meduaci.
Sarca.*

*Episcopales
Urbes.
Pagi.
Monasteria.*

B A V A R I A

D V C A T V S.

Nomen.



Avariam multi ab *Avaris*, plurimi à *Bojis* Gallicæ populis nomen accepisse existimant; aliqui ab utrisque: unde & doctiores *Bojoariam* eam appellant, quasi *Bojo-Avariam* ex duorum istorum populorum coalitione: Germanis hæc regio *Bayerland*, & incolæ *Bayern* nominantur.

Veteres Populi.

Veteres incolæ fuere *Narisci*, *Vindelici* & *Norici*. *Narisci* hodie sunt *Nortgovienfes*, quos *Danubius* ab aliis hujus tractus populis separat. *Vindelici*, prout docent *Veteres*, inter *Noricos* & *Rhætos* positi sunt; *Ptolemæus* autem eos à *Rhætis* *Lycos* flumine disjungit: at *Strabo* *Rhenos* & *Constantiæ* lacu, & ab *Alemannis* *Danubio* discretos scribit. Origo nominis eorum à *Vinda* & *Lycos* (qui & *Lechus* dicitur) fluviis emanavit, ut patet ex hisce versibus:

Respicit & late fluvios Vindamque Lycumque,
Miscens undas, & nomina littoris, unde
Antiquam gentem, populumque urbemque vocarunt
Vindelicam.

Termini.

Norici ab *Oeno* flumine versus *Hungariam* & *Italiam* se exporrigunt: hi fortiter contra *Romanos*, ipsis vicinos, olim militavere; quare *Noricorum* arma *Poëta* *Horatius* præclare celebrat. *Limites* habet *Bavaria* ab Oriente *Austriam*, ab Occidente *Sueviam*; à Meridie sunt *Alpes Rhæticae*, à Septentrione vero *Franconia* *Bavariæque Palatinatui* adjacet, *Danubio* interficiente. *Aëre* fruitur sano & temperato; territorium habet fertile, frumentique quam vini feracius, sed quod abunde vicina *Austria* subministrat. *Salis* hic & porcorum magna copia, quæ duo in alias vicinas regiones magno cum indigenarum emolumento evehuntur: *Argenti*, *cupri*, ferrique venæ non defunt, præcipue in *Nortgovia* circa *Ambergam* & *Sultzbach*. *Frequentes* per totam *Bavariam* sylvæ, fluvii & lacus de palma inter se certare videntur, utrum plus ferarum illæ, an piscium hi suppeditare possint. *Longitudo* ejus est 29 milliarium, & *latitudo* fere exæquat mill. 25.

Fluvii.

Fluvii præcipui sunt, *Danubius*, qui omnium totius *Europæ* maximus, *Isara*, *Labra*, *Oenus*, *Lycus* vel *Lechus*, *Alemannus*, *Ambra*, *Zoyfus*, *Vilfus*, pluresque alii & fere innumerabiles. Multa præterea sunt stagna ac lacus, *Azee*, *Ammerzee*, *Wirmzee*, *Rorzee*. *Montes* sunt *Rhæticae Alpes*; *Sylvæ* & *Saltus* magnæ *Hercyniæ* partes sunt, uti *Heynerdoch*, *Schwartzwald*, *Grienswald*, & *Zellerwald*.

Montes & Sylvæ.

Mores Veterum Bojorum.

Erant *Veteres Boji* homines rudes & agrestes, sed bellicosi, & tempore pacis agriculturæ Germaniæ.

ra, & armentorum cura vitam sustentantes: cubabant semper humi, quam gramine straverant, in pagis plurimum habitantes. *Artium* & *scientiarum* illis nulla cura: divitiæ in auro & armentorum numero apud eos consistebant; unde & sagittas auro illustrabant, & colla torquibus ornabant. In hoc intenti plurimum erant, ut quamplurimos sibi amicos devincerent, illos potentissimos æstimantes, quorum dominatio maximo clientum numero niteretur. Quoad religionem, habebant eosdem cum reliquis Germanis deos, & ante insignes vetustate quercus iis sacra faciebant.

Hodierni *Bavari* homines sunt religiosi, populares inter se, sed inhospitales aliquantulum, pacis amantes, timidi, agriculturæ dediti, & mercaturæ ignari, nec avidi. Præterea feruntur esse vinosi, & multa sobole delectari; imprimis amatores suæ patriæ, quique non libenter cœlum mutant. *Principes* suos eximia benevolentia amplectuntur, & literarum fautores intra aliquod tempus esse inceperunt: sicut & ex conversatione continua *Italorum*, *Musicæ*, armorum studio aliisque artibus operam dare contendunt.

Mores hodierni.

Vestitus *Bavarorum* convenit cum *Austriacis*; ita ut *Nobiles* utriusque sexus ditiores Gallicum modum imitentur; minoris vero conditionis homines, Italum vel nativum vestiendi modum asciscant. *Lingua* ferè eadem cum *Suevis* utuntur, sed magis adhuc rudi & agresti: in qua id observatur, plura vocabula *Armenica* in ea inveniri, ita ut *Bojos* aliqui exinde ex *Armenia* ortos esse suspicentur.

Hæc vestitus.

Divisa est *Bavaria* in duas partes; in Superiorem nempe & Inferiorem: hæc Orientem, illa Occidentem spectat. Superior versus Meridiem *Alpibusque* vicina, magnis lacubus & stagnis, nec non fluviis & saltibus abundat: inferior populis frequentior est, agerque ejus excultior, & ad *Danubii* *Laberæque* & *Isaræ* confluentes fertilis & feracissimus.

Divisa.

Comprehendit *Bavaria* plurimas regiones, videlicet *Nortgoviam*, aliàs Superiorem *Palatinatum*, sive Superiorem *Bavariam* dictam. *Archiepiscopatum Saltzburgersem*, *Episcopatus Pataviensem*, *Frisingensem* & *Ratisbonensem*; *Ducatum Neoburgensem*, *Landgraviatum Leuchtenbergensem*, & *Urbem Imperialem Liberam Ratisbonam*. Tota quidem hæc regio *Duci* & *Electori* *Bavariæ* paret, exceptis *Diocæsis* *Ecclesiasticis*, urbe imperiali *Ratisbona*, *Ducatu Neuburg*, & *Landgraviatu Leuchtenberg*; quæ suis quæque *Dominis* reguntur: ita ut triginta quatuor urbes, quadraginta sex oppida, septuaginta duas *Abbatias*, exceptis adhuc innumeris castellis contineat.

Contenta.

M m

Supe-



Monachium.

Superioris Bavariæ urbes sunt; *Monachium* situm ad Isaram flumen, quod ex Alpibus Pœnini lapsus Septentrionem versus volvitur, inque Danubium sese exonerat; sedes est Bavariæ Ducum, urbs ampla, potens, elegans. Exstructa murisque cinctæ fertur ab Ottone Duce, anno Christi 1162 aut circiter; nomen autem habere ex eo dicitur, quod monachorum villa hoc loco fuerit collegii Schefflariensis: itaque insigne illi adhuc Monachus, qui passis ulnis dexterâ speciem jurantis præ se fert, lavâ librum tenet. Caterum sita est ea in loco amœnissimo; Occidentem versus respicit Lycum amœnem & Augustam Vindelicorum: versus Orientem, Oenum & Wasserburgum, paribus intervallis decem milliarium. Septentrionem versus est Frisinga; ad Meridiem montes Tirolenses. Amplitudo ejus interior continet passus quingentos. Templâ in urbe sunt varia; duo autem præcipua, quorum alterum B. Petro, alterum B. Virgini sacrum est, in quo monumenta spectantur illustrium Bavariæ Ducum, & Ludovici IV Imperatoris. Turres hujus templi binæ, columnarum instar rectæ adfurgunt in altitudinem pedum 333. Organum musicum pneumaticum ejus templi constat ex tubis buxeis, quibus nullæ in universa Germania capaciores ex plumbo vel stanno fusiles esse creduntur. Monasteria plura sunt, Franciscanorum, Augustinianorum, Iacobitarum, aliorumque. Inter quæ magnificum illud Patrum Societatis Iesu collegium eminet, ampli cujusdam & regalis palatii structuram referens. Primum templi porta conspicitur statuis diversis, columnis sculpturisque decorata; parsque illius interna picturis insignibus, operibusque prominentibus artificiose elaboratis conspicua: fornicem habet ex lapide & gypso singulari industria calato compositum. Insuper se offert in collegium aditus, porta sua magnificis picturis exornata superbiens: intus apparent perystilia & ambulacra, Italicos fastus omnino præ se ferentia. Collegium ædificari cœptum est à Duce Guiljelmo (qui vitæ normam Iesuitarum non absimilem sibi instituerat) petitis ad hoc undequaque opificibus architectisque, tum ut opus collegii inchoatum consummaret, tum ut Palatium Ducale (uti nunc est) splendidum & plane regium, exstrueret; quod inter prima mundi mirabilia merito collocari potest, siue amplitudo locorum quadrangularem, porticibus circumquaque ex marmore & Iaspide affabre factis, cinctorum consideretur, siue magnificentia aut multitudo aularum, in quibus præclara Ducum Bavariæ gesta depicta, Phrygiarioque opere texta conspiciuntur. Hortus præter artificiosum fontem, & domum pulcherrimis picturis ac statuis ornata, pergulasque & antra ex opere topiario, hoc habet insigne, quod sub vesperam quotidie vergente ad noctem crepusculo, magnus cervorum grex fenestras arcis sua sponte subeat; quasi dominum salutans, ut facile sit Principi vel sagitta vel sclopeto destinatum aliquem ex tam multis conficere. Bibliotheca Ducalis habet undecim millia voluminum, quorum magna pars scripta est manu. Vicinum ei est theatrum: infra thea-

trum locus, in quo statuae & monumenta ex Italia Græciaque & remotioribus locis, immani sumptu petita adservantur. In curia Ducali aluntur tigrides, lynces, ursi, leones, etiam ad genituram. Ante palatium exstructus est à Ferdinando Duce fons ad ornamentum & usum civitatis, quem quatuor angulis statuae elementorum, in medio, equitis galeati & cristati simulacrum exornat. Viæ urbis latæ sunt, nitidæ, superbis ædificiis exornatæ; ad quarum munditiem multum faciunt canales tres ex Isaræ alveo ducti.

Frisinga ad Mosaci amnis ripam sita est, quam *Frisinga* vetustiores *Fruxinum* vocaverunt. Est autem urbs amœna, colli imposita, agro satis fertili. Locum sic describit Otto ejus urbis Episcopus: Mons est in pulcherrimo & amœnissimo loco positus, limpidissimarum aquarum, ac præcipue Isaræ rapidissimi fluvii cursu conspicuus, totam illius regionis faciem, & ex Australi plaga latissimam campi planitiem tanquam è specula longe lateque contemplans. Originem urbis aliqui ad Romanos referunt, cum totam hanc regionem à Danubii fontibus ad Alpes usque per prætores suos administrarent. Sunt qui ad annum 444 templum D. Mariæ sacrum hoc in colle exstructum volunt, & primum hujus urbis fuisse, non vero sacellum D. Petri, ut quidam alii existimant. Gaspar Bruschi in monte *Tetmo*, qui huic urbi vicinus, Pipinum Galliæ regem, ut & Carlomanum aulas suas constituisse scribit in castello, cujus nunc locum occupat Benedictinorum cœnobium. Multis porro rerum successibus & variantibus longo temporis tractu casibus, *Frisinga* & erecta & debilitata est. Imprius ab Ungarorum incursibus plurima damna perpeffa est. Anno 1086 à Saxonibus tempore Paschatis, Imperatori Henrico rebellis, capta est. Henricus quoque undecimus Dux Bavariæ Ecclesiasticorum Frisingensium vicos & oppida mœnibus nudavit, urbemque ipsam gravi pœna attrivit, quod à partibus Ducis Guelphi stetit, una cum Imperatore Conrado urbem obsidione cingens. Tempore Friderici I, ad annum 1159, paucis mensibus post Othonis Frisingensis Episcopi obitum, tota cum Cathedrali Ecclesia reliquisque aliis templis in cineres abiit. Anno 1632 à Gustavo Sueciæ Rege occupata est. Primus Frisingensis Ecclesiæ Antistes cum Episcopi titulo fuit *S. Corbinianus* ad Annum Christi 716, cujus vitam cum aliis plurimis Otho Frisingensis conscripsit. Obiit A. C. 730, cum 14 annos Ecclesiæ præfuisset. Secutus est *S. Corbinianus* frater ejus germanus *Erimbertus*, qui vixit annos 28, vel ut alii volunt 13, in Episcopali dignitate. III. *Iosephus Veronensis*, Isaræ sepultus anno 764. IV. *Aribo*, qui *S. Corbiniani* cadaver Frisingam deferri curavit, cum antea ad *S. Valentinum* Maiarum in Tyroli sepultum fuisset: miraculo res insignita est, quod in *Tetmo* monte puteus tunc aquam large iterum subministrare inciperet, cum jam ante quadraginta annos exaruisset. *Ariboni* successit *Atto*, anno 782, qui 27 annos Ecclesiæ præfuit. VI. *Hito*, qui 25 annos Episcopatum rexit: moritur 837. VII. *Erchimbertus*, siue *Erimbertus*, mortuus anno 853. VIII. An-

Episcopi.

no,

no, Episcopatum plurimis suis bonis ex patrimonio proprio coemptis ditavit, & 21 annos administravit; excessit anno 875. IX. *Arnolphus*, vir satis doctus, 8 annos Ecclesiae praefuit, cui successit anno 883, X. *Walcho*, sub quo Ecclesia Cathedralis cum diplomatibus; scriptis, aliisque ornamentis omnibus in favillas redacta est; quod damnum multum sublevavit liberalitas Arnulphi & Ludovici Imperatoris. Rexit annos 22, & obiit anno 905. XI. *Vto*, unum annum Ecclesiam gubernavit, & successorem habuit, XII. *Dracolphum*, non fidelem Episcopatus administratorem, cui praefuit annos 20, in Danubio submersus A. C. 926 die S. Urbani. XIII. *Wolframus* 12 annos Ecclesiae regendae insumpsit, plurima alienata à praedecessore suo bona recuperavit, multa cum sua laude. Hunc secutus est, XIV. *Lambertus*, vir pius & sanctus, cujus fervidis precibus adscribitur, quod cum Ungari 955 circumjecta loca misere depopulati essent, apertis oculis, sed confusa mente ob intercedentem nebulam, urbem montemque Frisingensem non viderint, & intactam reliquerint. Episcopatus habenas tenuit 18 annos, mortuus anno 957. *Abrahamus* XV Episcopus, electus est anno 962, triginta annos Episcopatum rexit, obiit anno 992. XVI. *Gotscalcus*, vir eloquentissimus, qui mellita sua eloquentia Henricum Imperatorem aggressus, oratione de clementia habita, adeo movit, ut statim Hachelonem sive Henricum, Marchionem Franconiae, quem captivum retinebat, dimitteret. Hic quoque ejus decreti auctor est, quo Canonici una praebenda contenti esse coguntur, usque in hunc diem vigentis. Praesedit annos duodecim, fatis concessit anno 1005: sub hoc tempus monetam cudendi libertas Frisingensi urbi data; & Dñm Waidhofen in Austria huic Episcopatu incorporatum est. XVII. *Engelbertus* seu *Egilbertus*, ex Comitibus Mospurgensibus ortus, cui Conradus II, Imperator, filium Henricum dederat educandum, rexit ecclesiam annos 34, & obiit anno 1039. XVIII. *Nitgerus* praefuit annos 13; decessit Ravenna anno 1052. XIX. *Elmbardus*, Comes Dachspurgensis, sedit annos 25; è vivis abiit anno 1078. XX. *Meginwardus*, vir pius & zelosus in propagando nomine Iesu Christi; qua de causa in Bohemiam abiens Pragae coenobium & templum exstruxit, ibidem mortuus anno 1098, cum jam reditum cogitaret: praefuit annos 20. XXI. *Henricus* ab Ebersstein, seu Ebersdorf, sedit annos 39, obiit 1137. Ecclesiae omnia sua testamento legans. Hunc secutus est *Otho*, Leopoldi S. filius, sub quo Frisingensis Episcopatus maxime floruit, nullique in divitiis, splendore & ornamentis cessit; adeo Ecclesiasticorum integra vita erat sub hoc Praefule, ut Frisinga margaritae assimilaretur, quae Imperii Romani annulo infereretur. Cum Conrado Imp. in Syriam, contra Saracenos militatum abiit, & Graeciam Palaestinamque visens, memorabilem illam Chronologiam à Mundi creatione ad sua usque tempora conscripsit. Cum 20 annos sedisset, sub Friderico patruo decessit anno 1158. XXIII. *Albertus*, Comes Sigmariensis, eligitur anno 1158, cujus regiminis

Germania.

altero anno, ingenti tempestate exorta, tonitribus & fulguribus quasi certatim erumpentibus, tota Frisinga incendio fere absorpta est. Albertus, qua potuit diligentia, & de suo suppeditatis sumptibus, templa refici, aedificia erigi, omnia restaurari curavit. Obiit anno 1183, postquam 24 annos Episcopatum administrasset. XXIV. *Otho* II, antea Canonicus Magdeburgensis, filius Dietpaldi Comitis à Dieffen, & Gisalae Comitissae Bergensis; fratres habuit quinque; quorum tres quoque ad Episcopatus honorem pervenere. Hic Otho uno die Veronae à Pontifice & Imperatore Ecclesiastica & Caesarea Regalia accepit; qui honor paucis Germanis Episcopis contigit. Sedit annos 35, & mortuus est anno 1220. XXV. *Geroldus*, qui 11 annos praefuit. XXVI. *Conradus*, dictus *Telznerus*, à Friderico II Imperatore, cum aliis Episcopis Austriam gubernandam accepit, cum dictus Imperator Ducem Fridericum illinc expulisset: qui ut Viennam recepit, Conradum in custodiam dedit, diuque detinuit. Exercuit quoque hic Episcopus graves cum Othone Bojoariae Duce inimicitias, quae tandem sopitae sunt, & acta scriptaque hinc inde igni tradita, in meliorem amicitiae redintegrationem. Obiit 1258, cum 27 annos Ecclesiam rexisset. XXVII. Successit *Conradus* II, Comes Sylvester, sedit annos 20, subita morte extinctus. XXVIII. *Fridericus Montalbanus*, 4 annos, obiit 1282. XXIX. *Emicho*, Comes Mospurgensis, praefuit annos 29, obiit & sepultus est Viennae anno 1311. XXX. *Gottfridus* quatuor annos praefuit. Hunc secutus est, XXXI. *Conradus* II, qui defunctus est anno 1322 cum veneni suspicione, post 7 annorum regimen. XXXII. *Iohannes Decretorum Doctor*, à Pontifice Ioanne XXII Brixienfis, inde Bambergensis & tandem Frisingensis Episcopus ordinatus, quinque tantum septimanas sedit, & obiit anno 1324. XXXIII. *Conradus* IV *Clingenbergensis*, qui ob dissidia bellantium Principum in Austriam secedere coactus fuit, & Vlmerfeldae mortuus est 1337, tertio decimo Episcopatus sui anno. In hujus locum electus est XXXIV. *Iohannes à Gittingen*, per Papam Bonifacium XII, excellens Medicus & Astrologus: hic nunquam Frisingam venit, sed Avenione in Aula Pontificia remansit; ubi & mortuus est anno 1349. Hoc interea absente electus est *Leopoldus*, seu, ut alii malunt, *Ludovicus à Schaumburg*, qui interim Episcopatum administrabat; & post utriusque mortem, à Clemente VI ordinatus est XXXVI Episcopus *Albertus*, Comes Hohenbergensis, filius Rudolphi, qui 9 annos plurima cum laude Ecclesiam rexit, mortuus Steinæ ad Rhenum 1359, & sepultus Rotenburgi in templo S. Mauritii. XXXVII. *Paulus*, sedit annos 18. XXXVIII. *Leopoldus*, post triennale regimen ex constructo à se ipso ponte in Carnia decidens obiit anno 1381. XXXIX. *Bertoldus de Wabing*, Austriacus, & Ducis Austriae Cancellarius, decessit anno 1410, postquam Episcopatu 29 annos praesedisset. XL. *Degenhardus von Weix*, Conrado Episcopo Gurciensi cedere coactus; qui à Ioanne XXIII Pont. Rom. ordinatus erat. Sequitur XLI. *Hermanus* Comes

Nn

Cilia,

Ciliae, anno 1412 electus, sedit annos 9. XLII. *Nicodemus de la Scala*, Veronae & Vincetiae Dominus, unde paulo ante hanc familiam Veneti armis expulerant, à Pont. Martino V, Episcopatu huic praepositus est, quamquam à Capitulo Iohannes Grunwaldter electus esset, cui tamen Nicodemus annuos 200 florenos expendere constrictus fuit; rexit annos 20, mortuus Viennae anno 1443, & ibidem in Augustinorum ecclesia sepultus. XLII. *Iohannes Grunwaldter*, post Nicodemi mortem Episcopatum adeptus est, & S. R. E. Cardinalis factus: renitente licet Henrico Schlichio, quem Caesar Fridericus favore suo ad id fastigium evehere conabatur. Iohannes itaque recuperatis, quae ab Ecclesia alienata erant, & multa alia animo agitant, subito morbo correptus decessit Viennae anno 1452, & Frisingae in Cathedrali Ecclesia, sicut voluerat, sepultus est. XLIII. *Iohannes Tulbeck*, Decretorum Licentiat, Ecclesiae bona cum fide, & sua magna laude praefuit annos 21; at propter incommoda provecta jam senectutis dignitatem resignavit in *Sixtum Tannebergensem*, Cancellarium suum, virum doctum & eximii ingenii, qui reformandis cœnobiis immensam operam insumpsit; obiit Franckenthaliae anno 1495, anno regiminis sui 21, & reliquit Ecclesiae 30 millia Ducatorum sive aureorum. XLV. Hujus in locum postulatus est Rupertus Philippi Palatini & Electoris ad Rhenum filius; qui cum ob teneram nimis aetatem, (agebat enim 17 annum) aliasque causas Episcopatus habenas accipere recusaret, & tandem cum Georgii Bavariae Ducis filia conjugium necteret, locum ejus occupavit frater *Philippus* anno 1499. Hic plurimis ex Episcopatus bonis restauratis, refectionisque, plurimis quoque aliis coemptis, & adjunctis, post 42 annos laudatissimi regiminis fato functus est anno 1541. XLVI. *Henricus* Palatinus, Philippi frater, praefuit annos 10, obiit anno 1551. XLVII. *Leo Lösch* rexit annos 7, obiit 1559. XLVIII. *Mauritius Sandizellius* post sexennale & pacificum regimen Episcopatum in manus *Ernesti*, filii Alberti Bojori Ducis resignavit, qui exinde plurimos alios adeptus, tandem ad Archiepiscopatum Colonensem pervenit; vir probus & pacificus, qui multa inter Principes Germaniae dissidia composuit: obiit Arnburgi in Westphalia anno 1612. L. *Stephanus à Seibelsdorff* praefuit annos 5 menses 6, post cujus obitum anno 1618 electus & confirmatus est *Vitus Adamus* ex Nobili Gebeckiorum familia oriundus, sub hoc Suecorum arma Frisingam sibi subjecere. Innumera mala, quibus & urbs & agri vexabantur & opprimebantur, in historiis patent: Quibus resistendis coadjutor & Successor Vito adjunctus est *Albertus Sigismundus*, Alberti Bavari filius.

Ingolstadtum.

Ingolstadtum urbs ad Danubium flumen posita est, ab Anglis Suavis sic dicta; initio tantum vicus fuit, verum ab Imperatore Ludovico Bavaro jura privilegiaque, quibus civitates donari solent, obtinuit. Hoc tempore claret Academia & Universitate scientiarum omnium disciplinarumque doctrina celebri, quae immunitatibus amplis à Ludovico Bavariae Duce, summoque

Pontifice Pio II, dotata fuit. Vrbs ipsa tantopere nunc est munita, ut fere omnino inexpugnabilis habeatur: ideoque commotionis & belli tempore ad eam Bavariae Duces confugere, domiciliumque habere soleant. Sita est ad Danubium fluvium in planicie, nisi quod Danubium versus paulo inaequaliter assurgat: Circumjecta urbi regio fertilissima, aëque saluberrima est. Vrbs distincta nitidissimis plateis, & pictis aedibus exornata, non minus tamen ornamentum sui eximiis templi divitiis acceptum refert, in quo pretiosissima & rarissima D. Mariae effigies palmam cæteris eripit 50000 aureis aestimata: imago ipsa ex puro auro satis grandis lapillis pretiosissimis confita & variis coloribus insignita, Regis alicujus Galliae donum existimatur, cui conjuncta est effigies multo minor S. Michaelis, ex auro quoque confecta & lapillis ornata. Media in ecclesia pavementum foundationis originem rubro lapide descriptam exhibet. Est praeterea in hac urbe Cœnobium seu Collegium Iesuitarum; excellens, amplum & multis cubiculis, cameris & scholis divisum, & insigni Bibliotheca conspicuum. Anno 1632 à Gustavo Adolpho, Sueciae Rege tentata est urbs, sed in vanum, cum tormenti ictu equus sub corpore Regis mortuus concideret, & Marchio Badensis interficeretur.

Alia Superioris Bavariae oppida sunt plurima, *Oppida.* ut: *Abensperga* ad amnem Abenst, qui oppido nomen dat, Antonino & in Notitia Imperii *Abusina* dictum. Fuit olim sedes Comitum Babonis fecunditate proles celebris; fertur enim 32 filios & 8 filias generasse. Post occisum à Christophori Bavariae Ducis militibus Nicolaum ultimum Abenspergensium Comitem, Albertus, Dux Bavariae, oppidum in suam potestatem redegit, annivente Imperatore Friderico anno 1486. *Aicha*, duabus commendatariis Ordinis Teutonici olim celebre oppidum, Camerae Monachienfi subditum, sed bello Suecico anno 1634 à Suecis captum, direptum, & in cineres redactum est. *Brauna* urbs ad Oenum fluvium sita, Latinis Brundunum, ubi antiquum monumentum reperitur, spectat ad Cameram Burghusianam: & tam natura loci quam munientium arte hodie satis firma censetur, neque unquam bello Suecico tentata est. *Burghusium*, *Burghausen* ad Saltzam fluvium sita urbs, cui eximia & munita arx in monte excelso structa, non exiguum decus & munimentum praebet. Videtur haec urbs quasi propugnaculum esse hujus partis Bavariae, quae Salisburgensem Archiepiscopatum respicit. Constitutus est hic Confessus Principis Iudiciarius, pertinentque ad hanc Cameram multa alia oppida & vici, quae numerare nimis operosum. *Fridberga* urbs uno milliari Augusta distans, ad Cameram Monachensem refertur: arcis suae fundamen Duci Ludovico, Ludovici I V patri acceptum refert, quamquam aliqui sint, qui ipsam urbis foundationem ipsi ascribant. Anno 1632 à Suecis urbs capta, direpta & incensa est, incolae ferro absumpti. *Landsberga* 6 parvis milliariibus Augusta Vindelicorum distans, Camerae Monachienfi subiecta est, urbs pera-

peramœna, in inæquali solo sita ad Lycum fluvium, & in colle arcem habens. *Neostadium* ad amnem Abenst, Cluverio Celeusum, urbs est gratissimo in loco condita; spectans ad Cameram Iudicalem Monachensem. Anno 1395 inopinatò à Ludovico, Duce Ingolstadiensi tentata, capta, & direpta est, cives trucidati; tantaque præda à victoribus inventa, ut equites aurum & argentum galeis inter se dividerent & metirentur. Iterum sub Sigismundo Cæsare tempore Bacchanalium civibus somno vinoque sepultis, ab Ingolstadiensibus improvise assultu urbs capta & incensa est. Anno 1633 Bernhardo Wimariensi deditioe se tradidit. *Ottinga* urbs, Camera Burghusianæ subdita, ad Oenum fluvium sita est. Nomen huic urbi aliqui ab *Vtone* vel *Otone* Duce Baviaræ, Theodonis II filio inditum existimant. Hoc constat, quod plurimi Reges Ducesque Baviaræ hinc sedes fixerint, & temporibus Hunnorum incursantium sapissime Principes Imperii huc de republica deliberaturi convenerint. Invitabant ad hoc commoditas & amœnitas loci, piscinæ frequentes, & non infructuosæ ferarum venationes, quibus aucupiorum deliciae accedebant. Ostentantur adhuc horum Principum Regumque monumenta in SS. Philippo & Iacobo sacris templis. Postquam Hunni Veterem Ottingam vastassent, & incendio delevissent, excepto solo sacello D. Virginis sacro, suburbium incolæ inhabitare, quod tandem in urbem mutatum, nunc novæ Ottingæ nomen occupat, quarta miliaris parte Veteri distans ad fluvium Oenum, & muris cinctum, quibus Vetus Ottinga nudata est, ita ut nec pago nec vico similis sit, habens aliquid inter utrumque, clara tamen miraculosa D. Virginis imagine, quæ in dicto sacello collocata est. Plurimæ huc peregrinationes instituuntur, & innumera donaria conferuntur, ita ut illic custoditus cimeliorum thesaurus vix æstimari queat; unde aliqui hanc Germanicum *Lauretum* appellare non vereantur. *Pfaffenhoven* oppidum est ad Ilmam fluvium, sub camera Monachienfi. *Raina*, oppidum non quidem amplum sed cultum satis, sub eadem camera, ad Acham situm, pervetustum, quod Cluverius *Claremmam* vocitatum arbitratur. *Reichenhall* ad Salam situm oppidum, ad Monachensem Cameram spectans, salifodinis & fontibus celebre est. *Schardinga* ad Oenum fluvium Camera Burghusianæ oppidum, pulchrum & amœnum, ædibusque lapideis nitens, cum eximia & munita arce. *Schonga*, quibusdam *Schongavia*, oppidum camera Monachienfi, loco excelso structum, subterlabente fluvio Lyco. *Schrobenhausen* oppidulum parvum est ad dictam Cameram judicalem spectans. *Traunstein*, ad Draunum fluvium non longe Reichenhall situm oppidum sub Camera Monachienfi, balneis propinquis celebre. *Wasserburg*, ejusdem Camerae amœnum, splendidum & opulentum oppidum, media sui parte Oeno fluvio cinctum, & in profunda valle situm: olim suis Comitibus paruit, quorum jam diu familia extincta est. *Weilheim* ad Ambram fluvium, Camera Monachienfi subjacet. *Wemding*, non spaciosum oppidum, sed nitidum, habet adjunctam

arcem, situm inter Ottingam Suevorum & Monhemium.

Vicorum pagorumque numerus innumerus est, inter quos eminent, *Aibling*, *Dachau*, *Diesen*, *Friburg*, *Gaimersheim*, *Hag*, *Toltz*, *Trospurg*, *Vokburgh*, *Wolfertshausen*, *Ilm*, *Kæsching*, *Maurkirchen*, quo in vico egregium templum, & in eo statuæ multæ equestres ab Henrico I, post victoriam ab Hungaris partam solvendo voto positæ; *Parthenkirchen*, *Ried*, *Riedenburg*, *Schwaben*, &c.

Cænobia in hac Baviaræ parte multa & magni nominis sunt: Excellunt inter hæc; *Altenmünster*, Virginum S. Brigittæ Cænobium; *Andechs*, peregrinationibus celebre, & ordinis S. Benedicti; *Berchtesgaden* eximia & libera Abbatia, quæ à nullo nisi Pontifice & Imperatore dependet; *Bernfriedt*, ordini Regularium Canonicorum S. Augustini dicatum; *Beurberg*, ejusdem ordinis; *Beyhartingh* itidem ordinis Reg. S. Augustini; *Ebersberg*, eximium Cænobium ex voluntate Pont. Clementis VIII, Iesuitis concessum, cum antea Benedictinorum esset; *Ettal*, ordinis Benedictinorum; *Furstenfeld* Ordinis Cisterciensis ad Ambram fluvium; *Hocherwart*, olim arx Comitum ab Andechs, nunc Cænobium Virginum Ord. S. Benedicti; *Keyfersheim* Abbatia Illustris non longe Donawerta; *Kuebach*, Virginum Ord. S. Benedicti; *Raitenbach*; Ord. S. Augustini prope Schongam, monumentis & reliquiis Primi, Feliciani & Panosæ Martyrum celebre; *Raitenbach*, Ord. Cisterciensis ad Saltzam fluvium; *Scheftlarn*, Ord. Præmonstratensis, decem millia passuum Monachio distans ad Isaram; *Schyrum*, *Scheyren*, celebre Benedictinorum Cænobium supra Pfaffenhoven, olim arx munitissima, quæ ab Arnulpho, Ducis Arnulphi, dicti Maligni, filio ædificata fertur, 120 Principum tumulis famosa; *Schænsfeldt*, Abbatia & Cænobium Virginum Ord. Cisterciensis non longe Raina, ubi Lycus fluvio Danubio miscetur; *Seon*, *Seppum* Ord. S. Benedicti non longe Chiemsee; *Staingaden* Ord. Præmonstratensis Abbatia prope Raitenburch ad Lycum; *Tegernsee*, celeberrimum totius Baviaræ Cænobium, & Abbatia inter Isaram & Oenum situm, munimentis & bellicis tormentis in omnes hostium assultus provisum; cujus Abbates Nobilium liberos, instar Principis, in servitium suum adsciscunt, & sæpius ab Imperatoribus Imperii Principes nominati sunt; *Thierhaupten*, Abbatia Ord. S. Benedicti, ad Lycum non longe Augusta Vindelicorum; & *Wesfesbrunn*, eorundem Cænobium ad Lycum situm.

Inter Inferioris Baviaræ urbes palmam tenet *Ratisbona*, de qua Otto Frisingensis sic scribit lib. 2 de gestis Friderici Barbarossæ: Hæc civitas, inquit, super Danubium, qui unus trium famosissimorum fluminum in Europa à Topographis dicitur, ex ea parte qua prædicto amni duo navigabilia Regnus & Naba illabuntur flumina, posita, eo quod ratibus opportuna bonaque sit, *Ratisbona*; vel à ponendo ibi rates *Ratispona*, Bajoariorum quondam Regum, nunc Ducum sedes est. Urbs est amplissima atque ornatissima; aggere, fossa, mœnibus egregie ornata. Paruit olim Regibus Bojorum, sub Friderico autem

autem Primo adserta est in libertatem. Anno 791 incendio pene tota consumta fuit, sed Arnulphi industria restaurata est. Templi & sacella tot habere dicitur, quot sunt in anno dies. Pars urbis ultra Danubium sita, est vetustior, habuitque à Regno amne nomen Reginopurgi. quod nomen postea adcrecente parte Cildanubiana, ad novam quoque urbem derivatum est. Pontes hic duo sunt lapidei, unus ad Regnum, alter ad Danubium: quorum ille antiquior est, hic magnificentior; omnium ad Regnum & Danubium pontium maximus, ac Dresdano dumtaxat ad Albim minor, ut qui 800 habeat passus in longitudine, quum hic tantum habeat 470. Pontem illum condidisse dicitur Henricus Dux Bavarie & Saxonie, adjutus opibus civium Ratisponensium & Episcopi, anno 1135. Religionem Christianam primus in urbem importavit Marcus B. Pauli comes. Postea sub Zenone anno 484 Paulinus & Iustus. A Paulino usque ad Garibaldum numerantur Episcopi novem. Prolapsam enim Ecclesiam restituere Carolus Magnus & Bonifacius, dato Garibaldo Præsule. Hic primum Garibaldus ordinem inter Episcopos Ratisbonenses auspicatur, ita ut hunc primum constituent, quem sequitur 2 Symperus. 3 Adalwinus. 4 Baturicus. 5 Erchamfridus. 6 Embricus. 7 Aspertus. 8 Tuto. 9 Isingrinus. 10 Conradus. 11 Guntherus, sive Guntharius, tempore Othonis I. 12 Michael. 13 S. Wolfgangus, qui anno C. 994 obiit. 14 Gebhardus I. 15 Gebhardus II. 16 Gebhardus III, qui anno 1060 decessit. 17 Otho. 18 Gebhardus IV. 19 Vlricus. 20 Hartvicus I. 21 Chuno I. 22 Henricus I. 23 Hartvicus II. 24 Eberhardus. 25 Chuno II. 26 Gothofredus. 27 Conradus II. 28 Conradus III. 29 Sigfridus. 30 Albertus I. 31 Albertus II, cognominatus Magnus, qui anno 1260 ad Episcopatum hunc pervenit, & ut melius studiis vacare posset, Coloniam discessit, desertis Episcopatus molestiis. 32 Leo. 33 Henricus II. 34 Conradus IV. 35 Nicolaus. 36 Fridericus I. 37 Conradus V. 38 Theodoricus, Liber Baro in Abensberg. 39 Iohannes I. 40 Albertus III. 41 Iohannes II. 42 Erhardus. 43 Conradus VI. 44 Fridericus II. 45 Fridericus III. 46 Rupertus, Comes Palatinus Rheni, qui anno 1465 facto functus est. 47 Henricus III. 48 Rupertus II, Comes Palat. 49 Iohannes III, Comes Palat. qui anno 1538 mortem obiit. 50 Pancratius I. 51 Georgius I à Pappenheim, mortuus anno 1563. 52 Vitus à Fraunberg. 53 David Köldrer, qui cum urbe de Iudiciis & officiis exercitas lites composuit, aulamque Episcopalem ita redintegravit, ut Imperatori Maximiliano sedem per aliquod tempus præbuerit. 54 Philippus, Dux Bavarie, qui decessit anno 1598. 55 Sigismundus Fridericus Fuggerus. 56 Wolfgangus II. 57 Albertus IV, Comes Toringicus anno 1613, 22 Octobr. electus: cui anno 1642 Coadjutor datus Franciscus Guilielmus, qui dein factus est Episcopus Osnabrugensis, Mindensis & Verdenensis, Comes in Wartenberg; nunc S. R. E. Cardinalis. Goldastus in lib. de R. Boh. hunc Episcopatum non amplius Saliz-

Episcopi.

burgensi Archiepiscopo subiectum esse, sed immediate Pontificem tantum agnoscere asserit.

Patavium, Germanice *Passau*, in libro Notitiarum Imperii *Batava* dicitur: urbs præclara ad Oeni ripam, qua is se Danubio jungit, posita, in ipsis Austriæ finibus: nescio an toto orbe amœnior gratiorque loci prospectus inveniri possit, quippe secundo Danubii alveo paulatim sub urbem delapsis urbs ipsa in medio, exerentesque post urbem capita montes, hinc Cœnobium D. Virginis sacrum in edito monte, & subtus longo ordine structæ ædes, inde excelsæ rupi impositum castellum, castelloque subjacentes domus, triplici fluviorum ordine dividente visum, gratissimum oculis spectaculum præbent, luxuriantisque tum naturæ, tum æmulantis naturam artis, amœna diversitas, quo animum, quo oculos flectas, dubitantem, & inter claudentes latera rupes jam modo devium, rapacitate fluminis relinquit. Adjuncta, sed suo tamen flumine separata, Patavio oppida sunt, *Innsstadt* & *Iltsstadt*, hoc ad Iltzam margaritarum proventu valde celebrem, illud ad Oenum rapacitate sua notum fluvium, utrumque è regione Patavii situm, ita ut una potius urbs, sed tribus divisa fluvii videatur, ligneis duobus iterum conjuncta pontibus. Patavium in longitudinem 1100 passuum porrecta urbs, undique à tergo montibus sylvisque quasi muro cingitur, suoque Episcopo immediate subiecta. Inter structuras sacras prima se offert Cathedralis S. Stephani Protomartyris Ecclesia, quam Plectrudis Grimoaldi Campaniæ & Bavarie Ducis filia, & Pipini Heristalli, Comitis Palatini Regni Gallie uxor, cum patre fundavit, qui Patavii sedem fixerat: Monumentum in ea S. Valentini visitur, cujus in Arrianis convincendis zelus enituit. Hodie quoque celebris est miraculosa D. Virginis imagine, quam Archidux Leopoldus ab Electore Saxonie dono acceptam hoc in templo plurima cum reverentia conservandam reliquit. Secunda huic sacræ ædi aula Episcopalis est, nitida & excelsa turri conspicua, nec minus omnium facultatum codicibus repletissima Bibliotheca insignis. Reliqua templa SS. Paulo, Michaeli & S. Crucii dicata, ut & Cœnobium Virginum nobilium *Niedernburg*, non exiguum urbi ornamentum sunt. In monte S. Georgii trans Danubium munitissima Arx *Oberhaus* conspicitur, & infra hanc *Iltszopolis* sive *Iltsstadt*, Iltza fluvio ab altero sed jam per vetusto castello *das Vnderhaus* dicto distincta. Anno 1552 famosa illa comitia Imperii huc convocata & celebrata sunt, in quibus Religionis Pax seu libertas inter Carolum V, & Mauritium Electorem Saxonie, intercedente Romanorum Rege Ferdinando, constituta est, & exinde Passaviensis contractus nomen invenit. Quod Episcopatum Pataviensem attinet; ditio Episcopalis Bavaria, Archiepiscopatu Salisburgensi, Bohemiaque & Austria includitur. In Austria plurima habet prædia, pagos, ut & oppidum Mautem, & vicos Ebersberg ad Draunum & Ambstetten. In Bavaria, præter Patavium, urbem vel oppidum non habet, sed multos vicos, pagos & dominia cum arcibus: ita ut reditus hujus Episcopatus ad 80000 Coronatorum sum-

summam accedere existimetur. Olim Laureaci, ubi Anassus fluvius Danubio jungitur, Episcopalis sedes constituta erat, sed ob continuas Hungarorum incursiones Patavium translata fuit, cuius primus Episcopus *Erchenfridus* vocabatur, ad annum 616. S. Ruperto memoratus in Itinerario suo. Sunt tamen aliqui, qui eundem *Erchenfridum* Archiepiscopum Laureacensem & Episcopum Pataviensem volunt. Vt ut sit, major lux apparet paulo post, cum *Philoni*, quem Archiepiscopum Laureacensem fuisse, & *Erchenfridum* Episcopum Pataviensem ajunt, & *Brunoni* Patavienfi unus tantum *Theodorus*, & huic *Vivilus* succedit, qui primus, post dirutum Laureacum ab Hunnis ad annum 735, sacra, sacerdotes, Monachos & Moniales Patavium transtulit: hunc secutus est *Sidonius*, hunc alii iterum, & inter eos *Waldericus* Archiepiscopus Patavienfis, sub cujus jam appropinquantem vitæ terminum hic Archiepiscopus Saltzburgum translatus est; quamquam & postea aliqui hic Episcopi Archiepiscopatus titulum usurparint, & Romæ Archiepiscopale pallium acceperint. Ex his erat *Winechindus*, sive *Wichindus*, cui Imperator Arnulphus donationem urbis Patavii ab Ottilone Bavariæ Duce factam confirmavit anno 899, & plura alia privilegia contulit. *Gerardus*, seu *Gebhardus*, qui anno 945 obiit, à Pontifice Archiepiscopus iterum Laureacensis creatus, tandem cum Heroldo Archiepiscopo Saltzburgensi convenit. *Pilegrinus*, qui ultimus Archiepiscopus aliàs dicitur, obiit anno 991. Inter sequentes jam Episcopos hi maxime clarent: *Almannus*, mortuus anno 1091. *Conradus* Marchio Austriæ; *Weichardus* à *Polheim* obiit anno 1282. *Albertus* II, Dux Saxonix, mortuus anno 1342. *Gothofredus* à *Weissenack* an. 1362, sub quo terræ motus Patavii fuit, & pars urbis in cineres abiit. *Iohannes* à *Scherfenberg*, decessit anno 1387. *Georgius Comes Hobenloius*, obiit anno 1424. *Ernestus* Dux Bavariæ anno 1517 electus; huic successerunt *Wolfgangus* Comes à *Salm*: *Wolfgangus* II, à *Klofen*: *Vrbanus* à *Trenbach*, qui 70 Laureacensis & Patavienfis Episcopus existimatur. *Leopoldus* Archidux Austriæ, qui anno 1580 dicto Vrbano Coadjutor datus erat. *Leopoldus Guilielmus* Archidux Austriæ, nuper Belgicæ Hispanicæ pro Rege Hispaniarum Gubernator, adhuc Ecclesiasticum regimen administrat.

Landishutium.

Landishutium est ad rapidissimum fluvium Isaram, qui longe lapsus, postquam Landaviam, Sindelfingium, Monachium, Frisingam, Mosburgum, & Mittenwaldium, urbes satis celebres attigit, in Danubium tandem sese effundit. Conditum est anno Salutis partæ 1208, à Ludovico Bavariæ Duce, quum antea arcis jacta fuissent fundamenta à Ludovico Ottonis filio, sub annum 1178. Sedes est Principalis. Ager omnium rerum beata copia abundans, segete, vino, leguminibus, arboreis fructibus, quibus colles agrique vestiuntur. Prata quoque habet & silvas: meritò ut regio ista cum amœnissimis & uberrimis totius Europæ certare possit. Vrbs ipsa ædificiis admodum venustis & elegantibus nitet, inter quæ potissimum eminet Ecclesia, quæ artificii structura, ac præsertim stupendæ altitudinis turri spectantium ad se oculos atque animos rapit. In monte, qui urbi imminet, ampla est arx, ex qua in vicina loca quaquaversum patet amœnissimus prospectus. Est quoque magnificum aliud in inferiore parte urbis Palatium, opus Alberti Ducis, quod vulgo novum ædificium vocant. Ejus structura elegans, ad Italicæ architecturæ symmetriam, scite subtiliterque concinnata, magnum toti urbi decus atque ornamentum adfert. Est ibi visendus hortus, quem Guilielmus Dux, in gratiam conjugis suæ Lotharingicæ, Gallorum hortulanorum operâ consecvit. In eo pergulæ operis topiarii, sepimenta, labyrinthi, areolæ, artificii manu directæ, ingentem spectatoribus recreationem præbent, inter limpidissimorum fontium ductus.

Germania.

Straubinga, altera Inferioris Bavariæ metropolis, ad Danubium sita est, sexto milliari infra Ratisbonam, à Ludovico Bavariæ Duce an. 1208 fundata. Est in hac urbe etiam Camera Ducis Bavariæ judicialis, ad quam plurima oppida, pagi, arces & monasteria referuntur. Anno 1238 incendio grave damnum passa est. Anno 1392 tota in favillas redacta est. Imperator Ludovicus IV, rebellantem Henricum Ducem Bavariæ persecutus, *Straubingam* obsedit & cepit: cujus Imperatoris filius Dux Albertus è fundamentis arcem hic exstruxit, cum hac in urbe sedem statuisset. A Duce Bernardo Wimariensi urbs obsidione cincta, deditione tandem in ejus manus venit, sed insequenti anno à Bavaris recuperata est. Vrbs satis magna est, & è lapide constructis ædificiis nitens, & commodo mercaturæ exercendæ loco sita.

Straubinga.

Reliqua Inferioris Bavariæ oppida sunt: *Dingolzinga*, commode situm ad fluvium Isaram, & pervetustum, quo ad annum 765, Episcopi, Abbates, & Status Bavariæ Inferioris convenerunt, veteraque statuta & privilegia congesserunt, correxerunt, & novo suo Duci Thassiloni confirmanda proposuerunt. Tempore Concilii Basileensis, ab Henrico Duce Landishutensi obsessa & expugnata est, cum antea Ingolstadtensi Duci Ludovico paruisset. *Erdinga*, oppidum vetustum & olim grande, nunc valde contractum: situm est in amœnissima & omnium frugum felicissimo proventu grata planitie, in finibus quasi Inferioris & Superioris Bavariæ, quam irrigans Sempta ingenti accolis piscium copiâ prospicit. Anno 1632 & 34 bis captum à Suecis oppidum, direptum & incensum est, incolis plurimis ferro igneque absumptis. *Landavia* ad Isaram, anno 1224 à Ludovico Bavaro exstructum, cujus cathedrali D. Virgini S. Ecclesiam Ludovici IV, Imperatoris, filii, anno 1348, Abbati & conventui Cænobii Ober-Altaich ad Danubium, cum omnibus appendicibus, privilegiis & commodis in æternum possidendam tradidere. *Mosburgum* inter Ambram & Isaram situm, & inter urbes Landishutium & Frisingam, ab utraque 2 mill. distans, virentibus circumcirca pratis inclusum est. Anno 1632 à Gustavo Sueciæ Rege obsidione captum, sed anno 1634 à Suecis direptum est, Ratisbonam tunc temporis tendentibus. Olim suos habuit Comites, sed eorum familia extincta ad Bavariæ Duces, anno

Oppida.

O o 1281,

1281, Comitatus possessio devenit. *Ostervavia*, inter Vilsam & Isaram non longe Danubio situm, olim *Petrensis* nomen habuisse Cluverius existimat. Insigne hic cœnobium est Ordin. Præmonstratenlis, in quo Dux Vtilo, qui anno 765 obiit, cum conjuge Hiltrude Caroli Martelli filia, tumulati sunt. Post Ludovici Imperatoris mortem, qui Arnolphi filius, Hungari Bavariam excursionibus vastantes, Regium hîc Palatium, & hoc quoque cœnobium incendio delevere. Henricus autem Mosellanus Bavariæ Dux, S. Cunigundis frater, jamjam in ruinas abiens oppidum restauravit, & in integrum restituit. Sub regimine Henrici VI, Imperatoris, ab Austriacis direptum est, & postea multis fortunæ ictibus objectum, nunc iterum quasi convaluit. Et hæc quidem oppida ad Cameram Iudicalem Landshutensem referuntur: sequentia vero Straubingensis Cameræ sunt: *Deckendorff* prope Danubium inter Straubingam & Vilshoviam situm est, versus Palatinatum Superiorem: anno 1633 à Wimarïensibus, & dein anno 1641 à Suecis expugnatum. *Dietfurtum* ad Laberam fluvium situm est. *Furt* ad Sylvam Hercyniam situm oppidum, munitissima arce gaudet: quam anno 1641, Dux Suecorum Wrangelius in potestatem redegit, ut aliam satis munitam arcem Ritzsteig, sesquimillari hinc distantem, quam Decanus Campensis arbitrio victoris permittere, seque cum aliis quos in defensionem arcis assumserat, pecunia redimere cogeatur. *Gravenavia* amni Sagæ adjacens, non longe Hercynia sylva Bohemiam versus. *Kelhemium*, ad Danubium situm oppidum, olim Ducum sedes; prope quod Abbatia *Valentia* Ordin. S. Benedicti jacet. Primum in tota Bavaria Cœnobium *Statt am Hoff* è regione Ratisbonæ situm, suburbium ejusdem potius, quam oppidum videtur, à Bernardo Wimarïensi destructum, ut ex ejus ruinis novum munimentum erigeret, sed post recuperationem Ratisbonæ à Bavaro in justam oppidi formam redintegratum. *Vilshofen* ad confluentem Vilsæ & Danubii structum oppidum, non spatiosum quidem, sed nitidum, & Austriacorum vinorum mercatura celebre.

Ex pagis & vicis hi præcipui sunt: *Abach*, Latinis *Abudiacum Danubianum*, Henrici II, Imperatoris incunabulis celebris vicus; *Dorffen*; *Ebersbeundt*, *Eckmühl*, *Eggfelden*, *Enchendorff*, *Ergolsbach*, *Essing*, *Falckenstein* cum arce munitissima; *Gangkoven*, *Geisilboring*, *Griesbach*, *Hals* Comitatus titulo insignis, & ad Landgravios Leuchtenbergenses relapsus, ab iis venditus est, ita ut nunc Bavarorum Ducum sit. *Hengersberg*, *Kötsding*, *Newmarckt*, *Pfarrkirchen*, *Pfatter*, proventu parvularum, sed grati saporis raparum celebris; *Plädling*, *Pogen*, *Reispach*, *Rögen*, *Rotenburg*, *Thonawstaus* vicus paulo infra Ratisbonam, cum eximia arce ad Danubium situs; *Viechtach*, *Vilshiburg* olim suis Comitibus parens; *Wertha* vicus anno 1641 à Suecis direptus, & incensus excepta arce, quæ à 150 præfidiariis egregie defensa est; *Wolnzach*; alique complures.

Cœnobia.

Inter Cœnobia primas tenent: *Ober* & *Nieder Altaich*, duo Benedictinorum Cœnobia ad Danubium, nomen à quercubus pervetustis trahen-

tia, quæ olim divino cultu ab Ethnicis insignitæ, materiam Christianis præbuere extruendi ibidem loca, ubi Christiana religio doceretur. Anno 1634 à Suecis astu captum Ober Altaich, & fortuito igne absumptum est, omnibus præfidiariis fere cæsis; quippe locus & natura & arte munitus erat. *Furstenzell*, præcipuum Bernardinorum monasterium; *Gottzell* Canon. Regularium S. Augustini ad sylvam Hercyniam; *Mallersforff* Ord. S. Benedicti ad Laberam fluvium, Abbatem habens. *Maria Cella*, in finibus Bavariæ Bohemiam versus, æcleis S. Bernardi inhabitatum; *Pamburg* Ordinis S. Augustini ad confluentem Drauni & Altzæ situm; *Ror* non procul à fluvio Labero situm, iisdem inhabitatum; *Suben*, sive *Subana* ad Oenum Ordinis S. Augustini; *S. Veit* sive *S. Veitsberg*, prope fluvium Rotam Ordinis Benedictinorum; *Viepbach* infra Landshutum non longe Isara situm, Virginum monasterium Ordinis S. Augustini.

Reditus Electoris & Ducis Bavariæ ad mil-
lionem sive 1000 millia thalerorum accedere
ferunt. Regio populosa & bello apta est; ita ut
intra sex septemve dierum spatium Dux 30 mil-
lia militum armare possit. Armamentaria duo
habet, Monachii & Ingolstadii, quæ viginti mil-
libus arma suppeditare possunt, & plusquam
sexcenta tormenta bellica majuscula, exceptis
innumeris minoribus. Illud vero ejus statui ma-
ximum præsidium, quod tantopere à subditis
ametur; & nobiles æque ac opifices ad Principis
jussa parati esse debeant.

Ad Electoratam hic Dux anno 1623, 25 Febr.
pervenit, excommunicato à Cæsare Ferdinan-
do II. Palatino Rheni, Friderico, qui contra
Imp. arma sumpserat, suffectus. Quoad Aulæ
sux splendorem, valde magnificus & splendidus
est, quippe qui suum præfectum Aulæ majorem,
Marescallum, Cancellarium & alios ministros
habeat, & plusquam mille homines sustineat.
Habet præterea centuriam custodum sui corporis
tam equitum quam peditum, & duodecim
tubicines. In urbibus oppidisque Nobiles con-
stituit, qui illis præfint. Hi populum in causis
civilibus, criminalibus & Politicis gubernant,
non vero Nobiles, qui ab ipso Duce dependent.
In successione natu major filius Patri succedit,
& reliqui fratres aliqua dominia vel Episcopatus
adipiscuntur, eadem fere in urbe cum Duce pa-
cifice viventes.

Secundus Imperii circulus est Bavaria, tribus
compositus Ordinibus, Ecclesiastico scilicet, in
quo comprehenduntur Archiepiscopus Saltz-
burgensis, Episcopus Pataviensis, & Ratisbo-
nenlis, Præfectus Berchtolsgadensis, Abbates
Waldsachsensis, Rodensis, Keishaimius, S. Hay-
merini in Ratisbona, Abbates Altmunsteriensis,
& Obermunsteriensis in Ratisbona. Secundus
Ordo est Principum & Nobilium, quem confi-
ciunt Dux Bavariæ, Comes Palatinus Bavariæ,
Lantgravius Leuchtenbergius, Comites Hagen-
sis, & Ortenburgensis, Baro Stauffennius, Do-
minus à Rhinfelden, Barones à Degenberg, &
Overfultzenberg. Tertius autem Ordo est Civi-
tatum liberarum Freistadii & Ratisbonæ.

Imperator Fridericus contulit anno 1180 Du-
catum

Reditu.

Vires.

Regimen.

Imperii Cir-
culus.

Genealogia.

catum Bavariæ in *Othonem* Comitem à Wittels-
pach, qui Landishutum condidit, & mortuus
est anno 1183.

Ludovicus I, filius *Othonis*, condidit *Straubingam*; occisus anno 1231. Reliquit ex Vxore
Ludomilla, *Primislai* Bohemiæ Ducis filia,

Othonem II, dictum *Illustrem*. Huic suc-
cessit

Ludovicus II, *Severus*, *Palatinus Rheni*, è ma-
tre, quæ illius hæres erat. Succedit

Ludovicus III, interfectus *Noribergæ*, à Co-
mite *Hohenlojo* in ludo equestri secum lancea
dimicante. Sequitur hunc Frater

Ludovicus IV, Imperator electus anno 1314,
mortuus anno 1347, postquam triginta tres an-
nos Imperio præfuisse.

Stephanus I, *Fibulatus*, *Ludovici* filius, obiit anno
1390; habuit hic tres filios, quorum natu ma-
jor

Stephanus II, *Ingolstadii* aulam suam stabilivit,
& decessit anno 1413, hæredem relinquens *Luo-*
dovicum Barbatum, qui fatis concessit anno 1447.

Fridericus, *Stephani I* alter filius, mortuus est an-
no 1393, *Inferioris Bavariæ Dux Landishuti* se-
dem figens, reliquit filium *Henricum Divitem*, qui
cognatum suum *Ludovicum Barbatum* terris
suis spoliavit, & anno 1450 obiit. Huic successit
filius *Ludovicus Dives*, *Dux Inferioris Bavariæ*,
Princeps liberalis, & *Iudæorum inimicus*, quos
omnes è ditione sua ejecit, omnibus eorum bo-
nis fisco condemnatis: moritur anno 1479 re-
lictò hærede filio *Georgio Divite*, qui anno 1503
obiit, absque mascula prole.

Ioannes, *Stephani I* tertius filius, *Monachii* vixit,
& obiit anno 1379.

Ernestus II, filius *Iohannis Bavariæ Ducis*, de-
cessit anno 1438, hæredem instituens

Albertum III, filium ex *Elizabetha Barnabæ*
Ducis Mediolanensis filia. Hic reliquit tres filios,
Ioannem, *Sigismundum*, mortuos absque ma-
scula prole, &

Albertum IV, qui obiit anno 1508, & itidem,
tres filios genuit, *Wolfgangum*, *Christophorum*
& *Guilielmum V*. Ex iis *Wolfgangus* & *Chri-*
stophorus absque prole mortui; & successit

Guilielmus V, utriusque *Bavariæ Dux*, qui fa-
tis concessit anno 1550.

Albertus V, *Guilielmi* filius, utriusque *Bavariæ*
Dux, obiit 24 Octob. anno 1579. Vxorem duxe-
rat *Annam Austriacam* filiam *Imp. Ferdinandi*
anno 1546. Filios habuit tres, *Guilielmum*, *Fer-*
dinandum, & *Ernestum Archiepiscopum Colo-*
niensem, & filiam *Mariam* nuptam *Carolo Ar-*
chiduci Austriæ, *Duci Stiria*.

Guilielmus VI, filius *Alberti V*, natus 29 Sept.
1548 *Monachii*, uxorem duxit *Renatam*, *Fran-*
cisci Lotharingæ Ducis filiam anno 1568. Suc-
cessit illi

Maximilianus, *Electorum* adeptus anno
1623, cum *Palatinatu Superiori*, ut diximus.
Obiit mense Septemb. 1651, ætatis suæ 78: pri-
mam uxorem duxit *Elizabetham*, *Caroli Ducis*
Lotharingæ filiam; alteram vero *Mariam* filiam
Imperatoris Ferdinandi II, ex qua suscepit suc-
cessorem suum

Ferdinandum Maria, qui in matrimonium sibi
adjunxit *Adelheidam*, *Victoris Amadæi Sabau-*
diæ Ducis filiam; & cum summa laude etiam-
num hodie superstes est.

B A V A R I Æ

P A L A T I N A T V S.

Nomen.



Alatinatus Superior, sive Bavarie, ad differentiam Palatinatus Rheni ita dicitur, vulgo die Oberpfalz. Hodie Nortgoviam, Nortgow vocant, voce à Nort & Gow deducta: Nort enim plagam Septentrionalem significat, Gow ter-

Termini.

ram & agrum. A Septentrione Voilandiam adspicit, ab Ortu Bohemiam; qua Meridies est Danubio Fluvio à reliqua Bavaria dispescitur; qua Occidens Hanecampo, Sueviae parte & Franconiae terminatur. Veteribus Noricum dictum fuit. Noricos olim ad dexteram labentis Danubii ripam coluisse, Lycoamne à Vindelicis discretos alibi diximus. Hi quando transmissio Danubio interiora Germaniae petiverint, Noricumque Transdanubianum fecerint, omisso vetere, incertum est. Tota regio in 22 mill. longitudinem se extendit, novemdecim mill. lata, continet Rempubicam Noribergensem, Landgraviatum Leuchtenbergensem, & partem Marchionatus Anspachensis Brandenburgici, ut & urbem Oegram, cum Comitatu Ellbogen, qui nunc Bohemici juris sunt.

Qualitas.

Aëre Nortgovia fruitur amœno & salubri, sed paululum frigido, unde multo vigore & robore incolæ præditi sunt. Hinc quoque terra dura, aspera & non adeo ferax, quanquam aliquibus in locis bona arva inveniuntur, plurimum tamen in prata desinit, vinum hic nullum provenit, nisi aliquantulum ad Danubii ripam, quod tamen aceto similis ob cruditatem. Metallorum hic venæ innumeræ, ita ut inde immensum lucrum incolis proveniat. Lapis quoque cæruleus Lazurus dictus, è Pinifero monte abundantissime eruitur.

Montes.

Montes in ea sunt aliqui, & imprimis der Sichelberg / sive mons Pinifer, qui ad sex miliaria in rotunditatem extenditur, & quatuor fluvii, Mœno, Nabo, Salæ & Egræ ortum præbet, quorum unusquisque ad singulos mundi cardines separatim cursum dirigit. Regio tota sylvis umbrosa est, quæ magnæ Hercyniæ sylvæ partes sunt.

Sylvæ.

Fluvii.

Fluvii hunc Palatinatum humectantes multi sunt, inter quos Pegnitz, urbes irrigans Herschpruck, Lauff, & Noribergam; Regnitz, scaturiens prope Wissenburg, præterlabitur Noribergam, & Pegnicium recipit; Altmühl, qui cancro- rum copia claret, originem trahens prope Anspach, postquam Papenheimium & Eystetten aquis suis & piscibus ditavit; prope Kelhemium Danubio miscetur; Wernitz Danubio prope Donawertam confunditur; Nabus, receptis Vilso aliisque fluvii, non longe Ratisbona Danubio

confluit, & Palatinatum quasi in duas partes secat; Regen, ex Bohemiarum montibus fontis originem trahens, ad Ratisbonam Danubium aquis suis, & urbem nomine suo donat. Illud vero notandum, omnes hosce Nortgoviarum fluvios officinis ferrariis percommodos esse, quippe qui rapacitate sua molas circumagentes, immensi ponderis malleos elevant ad cudendum super incude ferrum, tanto cum fragore, ut verè hæc Regio Vulcani sedes credi posset.

Inter Nortgoviarum urbes palmam obtinet Noriberga, urbs illis in partibus commerciis celeberrima, de qua suo loco amplius. Post Norimbergam excellit Amberg, vallo, fossa, turribus, propugnaculis, situ egregie munita; civium vero concordia & in Principes suos fide, armorumque tractandorum peritia invicta. Sita est ad amnem Vilsam, qui in Nabum sic sese exonerat, ut hic in Danubium. Crevit urbs paulatim incolarum industria, prudentia Magistratus, & liberalitate Principum. Maximus in ea provenit ex metallis, ac ferro imprimis. Fuit autem initio sub potestate Suevorum: sed eam Ludovicus II Dux Bavarie & Elector Palatinus emit à Conrado Sueviæ Duce, anno Christi 1266, firmatusque est contractus ab Episcopis, Abbatibus, & Principibus compluribus. Post casum vero ab Helvetiis Leopoldum Austriacum, imperante Wenceslao, tres hic convenire Ruperti, fœdusque inter se pepigerunt, quo comprehensi sunt etiam Albertus Ludovici Imperatoris filius, Comes Hollandiæ, nepotes Imperatoris, alique. Lectus postea in Imperatorem Rupertus Palatinus, Ambergam egregie auxit munivitque. Is moriens quum plures liberos relinqueret, voluit ut Friderico cederet Ambergam, cæteris liberis aliter ipse prospexit. Friderici huius, itemque Ottonis, & Ioannis Neoburgici nepotes nulli fuerunt: itaque ad Ludovicum II Electorem Palatinum devoluta sunt, Ambergam, Mosbachium, Neoburgum. Ejus filius Ludovicus Mansuetus tranquille urbem, ut & cætera utriusque Palatinatus rexit. Obiit anno 1449, relicta uxore gravida, quæ eo ipse anno enixa est Philippum posthumum, cui tutor ex lege fuit patruus Fridericus. Is quum statuisset Palatinatum tempore suæ tutelæ ornare, protinus se gessit pro Electore, hortantibus etiam ad id Comitibus, & Ordine Equestri, & plerisque civitatibus, quod vererentur, ne per infantiam legitimi hæredis alius in bona illa involaret. Displicuit autem ea res Imperatori, quod existimaret, Fridericum crescente potentia ad se suosque pupilli hæreditatem translaturum. Itaque ab Imperatore proscribitur est. Quum autem postulare, ut Ambergenses fidem sibi tanquam Palatino Electori darent, diffidiles offendit ad eam rem animos civium, dictum,

tium, se obstrictos esse Ludovico ejusque hæredibus, nec posse aut ipsum ad se trahere pupilli bona, aut se duos legitimos dominos habere. Fuit enim Ambergensium summa semper in suos Principes fides. Ille ergo contra obniti. Hi cum Senatu pertendere. Tandem decretum unanimi omnium consensu, Friderico præstandum quidem juramentum obsequii & fidelitatis, sed ut Tutori & Administratori, non ut Electori. Ille nihilominus missis ad ipsos Consiliariis conatus est mentes eorum ad se flectere, vim etiam, si recusarent, ostentans. Offensi ergo cives, quosdam ex iis in Curia captivos tenuerunt aliquandiu, quos tamen haud multo post dimiserunt, uno excepto, qui, ut iratae multitudinis furorem evaderet, bovi mactato atque exenterato se insui passus est, & corruptis custodibus pro cadavere extra urbem deferri. Irritatus hac Legatorum suorum injuria Fridericus, collecto subito milite cum 1500 equitibus Ambergam properavit, cæteris sequi jussis, pœnas à civibus contumacibus sumpturus. At illi jam ducti pœnitentia cum Senatu, & ordine Ecclesiastico ipsi obviam progressi, veniam delicti postulabant. Fridericus quinque è civibus noxæ dedit, deque iis tres securi percussit. Ita tandem jurarunt Ambergenses in verba Friderici, ipsumque pro Electore habuerunt.

Alia oppida.

Est & Egra Nortvagiæ Civitas sita ad Hercyniam sylvam; sed quia hæc nunc Bohemiæ annexa est, de ea in Descriptione Bohemiæ amplam mentionem fecimus. Reliqua hujus Palatinatus oppida sunt: *Anerpach*, quod anno 1634 Sueci in suam potestatem redegerunt; & ubi 1641 Banerius eorum Dux stativa habuit; *Champ* ad fluvium Campam & Regnum situm oppidum, olim Marchionatus titulo insignie; nunc Baviaræ Ducum est, à Banerio Suecorum Duce anno 1641 deditione captum, & post Bavarici exercitus intellectum adventum iterum relictum. *Freyenstatt* oppidum in Sultzgoviæ finibus, à Suecis anno 1632 captum, direptum & incensum est. *Hilpoltsteyn* ad Rotam amnem situm, olim suis Comitibus ex stirpe Brabonis Comitibus ab Abensberg paruit. *Kemnat* oppidulum 5 mill. Egra distans, à Wimaricis anno 1634 expugnatum, & anno 1641 à Suecis captum cæso Bavarorum præsidio. *Neoburgum ad sylvas*, ad distinctionem alterius Neoburgi, 3 mill. Champa distans, amni Swartzach adjacet; oppidum hoc arce insignitum, instrumento bellico apertis portis, Suecos recepit anno 1634. Anno vero 1641 Bannerius Suecorum militiæ Marecallus locum hunc sui arbitrii fecit. *Neumarcht* oppidum valde

amœnum, & pulchrum, eximia arce nitet; olim, cum Palatinorum ad Rhenum esset, illustri Gymnasio celebre. *Pfreimb* olim Nariscorum sedes, nunc vile oppidulum, sola arce, quæ egregia, nomen meretur. *Sultzbach* inter Ambergam & Vilseck edito in monte situm, Ducali arce floret: aquarum nullæ in eo venæ, ita ut ex puteo ad radices montis effosso cives omnes sustententur. *Waldmünchen* prope sylvam Hercyniam situm oppidulum, anno 1641 à Suecis occupatum est. *Weiden* oppidum satis amplum & munitum, ad Nabum fluvium inter Newstatt & Pfreimb situm, anno 1634 à Bernardo Wimaricis obsessum, & post acrem defensionem tandem occupatum, sed insequentis anni iterum à Bavaris receptum.

Ex pagorum numero eminent, *Bruck*, *Gravenwerd*, *Hirschaw* veterum incolarum maxima simplicitate notus vicus; *Miterteich*, *Nittenaw*, *Pleinstein*, *Pressat*, *Schönsecht*, *Schneittenbach*, *Swartzfeld*, *Oberviechtach*, *Waidhausen*, aliique. Monasteria præcipua sunt *Castell*, ad amnem Lauterbach, olim arx Comitum à Castell, quæ anno 1098 à Beringerio, Comite à Sultzbach, ejusque sorore & patruo in Cœnobium Benedictinorum mutata est; quod nunc tamen à Iesuitis possidetur: *Ens-dorf*, ad Vilsum olim monasterium Ord. S. Benedicti valde dives, sed quod Elector Fridericus II cum consensu Pontificis bonis nudavit, eaque in fundamen Ambergensis Scholæ impendit: *Gnadenberg* olim valde celebre monasterium Ord. S. Salvatoris; *Waldassen* Ordinis Cisterciensis, uno milliari Egra distans.

Possidet Dux Baviaræ non tantum Superiorem & Inferiorem Baviariam, (exceptis Episcopatu terris & Ducatu Neoburgensi) sed quoque Nortgaviam sive Palatinatum Superiorem, quem ultimis bellis sibi acquisivit cum Electoris titulo, cum antea hæc duo fuissent Friderici Electoris Palatini ad Rhenum. Tenet præterea urbem Donawertam, quam anno 1607 vi ceperat à Cæsare excommunicatam. Quod Electoratus & Palatinatus Superioris possessionem attingit, de eo in tractatu pacis Monasteriensis definitive conclusum est, ut Dux Baviaræ, ejusque hæredes masculi, utrumque retineret; sed Inferiorem Palatinatum ad Rhenum Carolo Ludovico Friderici, Bohemiæ Regis filio, octavo Electori, cederet: Præterea deficiente mascula Bavarum prole, Superior Palatinatus cum titulo Ducis Baviaræ rediret ad dictum Principem Carolum Ludovicum; & exinde octavus Electoratus concideret, priorque septem Electorum ordo vigeret.



Palatinatus five Ducatus

N E O B V R G E N S I S.

Origo Du-
catu.

Riginem hic Ducatus è Bava-
rico bello, quod Comites Pala-
tini cum Alberto IV gesse-
runt, trahit, cum antea omnes
illius urbes & oppida Bavaricæ
ditionis essent. Imperator au-
tem Maximilianus I, post dictum bellum anno
1505 omnem hanc terram Palatino Comiti ad-
judicavit, & Ducatus titulo insignivit. Hinc
quoque quod Novi Palatinatus nomen accepe-
rit, cum ad Comitum Palatinorum Familiam
ejus possessio devenerit. Concessit eum Maxi-
milianus, ut diximus, Ruperti Comitis Palatini
jam mortui filiis Philippo, & Othoni Henrico,
quorum hic Neoburgi novum Ducale Palatium
exstrui jussit, & eodem aulam transtulit. Idem
Otho, bello Smalcaldico Protestantium partes
amplexus, ab Imperatore Carolo V, omni sua
ditione exutus est, sed iterum restitutus anno
1552 juxta Passavici fœderis conventum; usque
dum mortuo Electore Friderico II, ad Electo-
ratum pervenit, & hunc Ducatum Cognati
Wolfgangi Ducis Bipontini maximo natu filio,
Comiti Palatino Philippo Ludovico hæredita-
rio jure concessit, cui filius Wolfgangus Guiliel-
mus successit, & huic Philippus Guilielmus, ejus-
dem filius.

Neobur-
gum.

Caput hujus Ducatus est urbs *Neoburgum*, non
adeo ampla, sed nitide exstructa. Aliqui sunt
qui Neoburgum dictum velint, ad differentiam
Altenburgi veteris castelli, cujus rudera proxime
Neoburgum ostentantur. Quis conditor sit,
ignoratur; hoc certum, pervetustam esse, & cu-
jus Episcopus Manno, unicus quidem quantum
scimus, tempore Caroli Magni vixerit, & pri-
mum locum in Concilio Dingoltingæ anno
772 habito, occupaverit. Exinde semper Bava-
riæ annumerata est; in qua Ludovicus Gibbosus
Patrem Ludovicum Barbatum obsedit. Singu-
lis septimanis Forum vinarium hac in urbe est,
in quo omnis generis vina emuntur & vendun-
tur. Fuit quoque illustre hic Cœnobium Virgi-
num Ord. S. Benedicti, quod emortuis virgini-
bus Wolfgangus Guilielmus in templum & Col-
legium convertit, & Patribus Societatis Iesu in-
habitandum dedit, situm non longe Ducali Pa-
latio. Anno 1632 aliquoties urbs hæc à Suecis
& Bavaris hinc inde occupata, & plurimis belli
malis divexata est. Duo hinc milliaria distat ce-
lebre Benedictinorum Monasterium *Bergen*, vir-
ginibus monialibus istius ordinis inhabitatum.

Alia hujus Ducatus oppida sunt: *Gundelfinga*, *Oppida*.
ad Brentzam amnem modicum oppidulum, &
pulchra arce celebre, habens circumcirca plu-
rima castella, vicos & Monasteria in vicino sita.
Hacdeck, una cum arce Pegnitio fluvio adjacens
oppidum, olim cum consensu Caroli V, & Fer-
dinandi I, cum duobus aliis Reipublicæ Nori-
bergenfi oppignorum, & à Philippo Ludovi-
co Palatino redemptum est anno 1578. *Hemavia*
oppidulum 3 milliaria Ratisbona distans. *Hiltpolt-*
stein ad Rotæ fontes situm, olim suos dominos ex
Brabonis Abensbergensis Comitis posteris ha-
buit, nunc Neoburgici domini est. *Hochstatt* ad
Danubium situm oppidum, Ioannis Heroldi Pa-
tria, cum arce, Croatarum tyrannide hic anno
1634 exercita, nomen in annalibus meruit. *Lau-*
ginga, altera à Neoburgo urbs & cæteris lon-
ge præstans, insignia sua à Sutore accepit,
cui ea ob interfectum duello Vngarum Otho I,
Imp. donaverat in fortitudinis præmium, cum
privilegio ut exinde rubræ ceræ urbis sigillum
imprimi liceret. Cathedralis Ecclesia turri 301
pedes alta superbit, quæ anno 1518 strui cœpta,
anno demum 1576 absoluta est. Anno 1632 à
Suecorum Rege occupata, & munimentis pluri-
mis circumdata est. *Monhemium* duobus mill.
Donawerta distans, acuum ibidem confectarum
copia claret. *Nabburg* five *Nabbruck*, ut alii vo-
lunt, inter Egram & Ratisbonam situm ad Na-
bum fluvium. Anno 1634 à Suecis expugnatum,
& eodem anno à Cæsarianis recuperatum. Ad-
jacet huic oppido Arx Drausnitz, in qua Fride-
ricus III, Imp. detentus fuit. *Schwandorff*, amœ-
num, sed parvum oppidulum inter Nabburg &
Regenstauf situm; & anno 1641, à Suecis ca-
ptum, plurimo cum incolarum damno, qui jam
à prioribus cladibus acceptis mediocriter con-
valescebant. *Velburg* prope Laberam fluvium
oppidulum, non adeo magnum; anno 1633 in
Suecorum potestatem venit. *Burglengenfeld* ad
Nabum, optimi saporis cerevisia nobile, cui re-
condendæ aptæ cellæ confectæ sunt; anno 1633
Suecorum vires expertum, iterum ab illis anno
1641 mense Januario incensum est, & eodem
anno à Bavaris recuperatum.

Ex pagis, quorum in hoc Ducatu non exiguus *Pagi*.
numerus, eminent *Burckheim*, inter Neoburgum
& Rainam; *Marxheim*, in quo telonium; & *Regen-*
stauff ad fluvium Regnum, qui ab hinc duo mil-
liaria apud Ratisbonam in Danubium effundi-
tur.

Descriptio Territorii

NOVOFORENSIS,

In Superiori Palatinatu.

Nomen.



Ovoforense Territorium, partem constituens Superioris Palatinatus, denominationem à *Neumarcke* vel *Novofo*, Metropoli sua, deduxit; quod ad Septentrionalem plagam *Norimbergensium* ditioni incum-

Fines.

bit, versus Occasum & Meridiem ad Marchionatum & *Aichstetensem* Episcopatum extenditur, reliqua sui parte partim Marchionatu, partim aliis Superioris Palatinatus Præfecturis terminatur. Hodie Dominum agnoscit *Bavariæ* Ducem, in quem *Ferdinandus II* Imperator, (rejectis Palatinis *Heidelbergensibus*) Electoralem Dignitatem transtulit, quo tempore una cum universo Palatinatu Superiori, armorum vi in *Bavari* potestatem est redactum. Solum habet feracissimum, maximam partem planum, lætissimis agris, saltibus, pascuis, cum innumereis quos alebat incolis nuper luxurians, sed quod diuturno hoc bello multis expeditionibus & incursionibus per & in illud factis devastatum, incolisque & culturâ fere universâ est privatum. Ex uberrimo frumento optima hic coquitur cerevisia, qua cum copiosa ferina, piscibusque, quos fluvii abunde suppeditant, mensæ opipare instruuntur. Aër est serenus, salubris, sed aliquanto inclementior, & vitis proventui nocivus, hinc vina à *Rheno*, ex *Alsatia* & aliunde ipsi advehuntur.

Fertilitas.

Aër.

Fluvii.

Schwartzach fluvius.
Monasterium Gnadenberg.

Multi rivi fluviique terram hanc irrigant, quibus plurimæ molæ, tam molendo frumento, quam cudendo ferro, sunt impositæ; nam Superior Palatinatus non solum omnigenis frugibus, sed & ferri mineris, imprimis circa *Ambergam* & *Sulzbachum* abundat, cui fundendo & cudendo, multæ officinæ & machinæ aquarum impetu circumagendæ sunt necessariæ. Fluvius *Schwartzach* è stagno *Novofo*rensi ortus, & *Reduizæ* junctus, infra *Bambergam* à *Mœno* suscipitur. Mons *Gratiæ*, Germanice *Gnadenberg*, (olim *Eichelberga*, ut nonnullis placet) dictum cœnobium, non longe à *Schwartzach* fluvio distans, multis redditibus est ditatum, quod Monachi pariter atque Moniales, S. *Brigittæ* regulam observantes, ante Reformationem possederunt; hoc in duas partes erat distinctum, quarum altera viris, altera fœminis erat consecratum: in harum medio à *Fuggeris* *Norimbergensibus* magnificum templum fuit erectum, sex & triginta altaribus instructum, in quibus Monachi & Moniales divinum

Germania.

cultum peragebant; in adito ingens conspicitur lapis, sub quo *Catharina Pomeraniæ* Ducissa, cum suo Coniuge *Iohanne*, Palatino Duce, atque *Christophori Daniæ* Regis Patre, qui hoc cœnobium anno 1436 junctim fundarunt, sepulti jacent. Artificioissime fabrefacto ambulacro, cui simile alibi vix inveneris, est exornatum: dimidio milliari distat *Altorffium*, ubi *Norimbergensis* Magistratus anno 1578 Academiam fundavit, cui Cæsar *Ferdinandus II*, anno 1622 hac conditione, ne *Theologiæ* Doctores ibi crearentur, privilegia concessit. Dimidio milliari *Altorffio* *Burgthannum* occurrit; una de quatuor præcipuis *Burggraviatus* *Norimbergensis* præfecturis, quam à possessore, Nobili, cui nomen *der Thanner*, *Burggravi* sibi acquisiverunt; antiquitus vero Feudum fuit Palatinorum ad *Altorffium* pertinens. *Laber* fluvius è duplici scaturigine, quarum altera, *Laber Inferior*, ad *S. Helenam*: altera, *Laber Superior*, ad *Botenhofen* erumpit: quæ duo fluvii uno alveo excepti, inter *Kelheim* & *Ratisbonam*, in medio *Altmuhli* & *Nabi* fluviorum decurrentes, in *Danubium* se exonerant. *Sultzæ* è stagno *Mosweicher* prope *Neoforum* oritur, quam *Altmuhlo* fluvio, *Eichstadio* descendenti junctam, *Danubius* juxta *Kelnheim* absorbet.

Altorffium.

Burgthannum.

Laber fluvius.

Sultzæ.

Neoforum vel *Novofo*rum, hujus tractus caput, est urbs amœnissima planitie ad stagnum *Mosweicher* sita, non tam splendida amplaque Principum arce condecorata, quam *Gymnasio*, quod sub Electorum Palatinorum imperio ibidem semper floruit, sed à *Bavaro* postea sublatum. Hæc civitas licet in Imperii Matricula non reperiatur, neque locum vel votum in Comitibus habeat, Regalia tamen & Immunitates ab antiquis Imperatoribus & Regibus, præcipue à *Carolo V*, in Comitibus *Wormatiensibus* anno 1521 accepisse, Imperii Registra satis ostendunt; ideo & *Aquilam Imperialem* simplicem, & non bicipitem pro insignibus habet. Ultimi belli injuriis multa est perpeffa, cunctisque bonis suis exhausta: primò enim cum totus Superior Palatinatus à *Bavaro* invaderetur, cum reliquis & hæc urbs in manus ejus pervenit; quam *Sueci* anno 1632 occupatam usque ad annum 1634 tenuerunt, ubi accepta prope *Nordlingam* clade, eam *Bavaro* iterum capiendam permiserunt, à quo in hunc usque diem detinetur. Hæc urbs sesqui milliari à Cœnobio *Gnadenberg* distare censetur, juxta regiam viam sita, qua *Herbipoli*, five *Wurtzburgo* & *Norimberga* *Ratisbonam* itur. *Norimbergâ* *Altorffium* tria numerantur milliaria, hinc *Gnadenbergum*, dimidium, à quo *Novofo*rum sesqui milliari distat, quæ

Q 9

jun-



Kastell co-
novum.

junctim 5 milliaria constituunt. Kastell cœno-
bium, præclara olim fuit Abbatia, anno 1098
fundata, de qua Lazii lib. 7. de Migrationibus
Germanorum; & Bruchii Chronologia Mona-
steriorum Germaniæ consulantur. In hoc Mona-
sterio multa occurrunt notatu digna, inter quæ
Seisfriedi Schweppermanni, fortissimi Herois
effigies & epitaphium in circuitu eminet, quod
sic sonat:

Jederman ein Ey /

Dem frommen Schwepperman zwey.

Quod Latine in hunc sensum verti posset:

Vnum exercitui toti præbeto viritum;

Sed Schweppermann duo nos concedimus ova.

Cujus historiæ Michaël Hebrerus in Ægyptiacæ
suæ servitutis descriptione meminit. Huic Mo-
nasterio vicinus est fons quidam, cujus aquæ sa-
lis petra saporem exhibent, qui cum fluvio Lau-
ternach, cui se associat, Vilzio conjungitur. Ad
Occidentale Novifori latus *Freystätlein* ad
Schwalam & Schwarzam situm est, quod Sueci-
cus Capitaneus Tupadel anno 1632, mense Ju-
lio superavit, spoliavit, flammisque misere diri-
puit. Pagus *Deining* unius milliarii spacio Novo-
foro abest, transitum præbens iis, qui Ratisbo-
nam proficiscuntur: sequitur Pagus *Teszwang*,
urbs *Helmas*, arx & pagus *Eretzhause*, quæ sin-
gula loca duorum milliarii intervallo ab invi-
cem distant: dimidio milliari abest Ratisbona,
quo curru vel navi per Nabum descenditur.
Milliaria ergo Norimbergâ Novoforum nume-
rantur quinque, hinc Ratisbonam octo: totum-
que iter Norimberga Ratisbonam tredecim
leucas conficit.

Freystät-
lein.Iter No-
rimbergâ
Ratisbo-
nam.

Incole.

Tractum hunc cum Superiori Palatinatu
confinibusque regionibus Suevi Narisci, Nari-
sti vel Naristæ dicti, olim incolere: his succe-
serunt Norici, qui vel à Romanis, quod Pirck-

heimerus vult, vel, juxta aliorum & verisimilio-
rem opinionem, ab Hunnis sedibus suis pulsi,
hanc regionem invaserunt, & à se Noricam vel
Nordgow cognominarunt. Complectitur vero *Nordgow*.
Nordgow vel Norica urbes, Norimbergam
cum subiecto territorio, Ambergam, Novofo-
rum, Chamb, cum aliis Superioris Palatinatus
locis: districtum quoque Egrensem, Ellenbo-
genssem, Parenth, Creussen, quæque ad Culm-
bacensem Marggraviatum spectant, Abbatiam
Aichstatensem, Rempubicam Stattweydensem,
Sulzbacensem & Hippolsteinensem ditionem,
Landgraviatumque Leuchtenbergensem. Mons
à pinis (*der Fichtelberg*) dictus, cujus ambitus est
sex milliarium, in hac Nordgovia valde celebra-
tur, à quo quatuor insigniores fluvii, Nabus sc.
qui Danubio, Mœnus qui Rheno, Sala & Egra,
qui Albi excipiuntur, ortum suum ducunt.
Quicquid territorii Palatini Electoris olim fuit,
hodieque Bavariæ Duci paret, à Norimbergen-
sum imperio Egram usque excurrens, hoc to-
tum Palatinatus Superior, ab aliis verò *Vetus Ba-
varia* vocatur. Sed Marquardus Freherus part. 2
Orig. Palat. cap. 4. Superiorem hunc Palatina-
tum Sueviæ potius quam Bavariæ annumerat,
dicens: Has terras Cunradini, ultimi Suevorum
Ducis, è Sorore Ludovici & Henrici Palatino-
rum Principum prognati dono, ad Palatinos
fuisse devolutas; quam donationem Imperator
Rudolphus I, accedente Electorum suffragio
confirmavit. Videtur & ejusdem Freheri Episto-
lam 2 ad D. Gewoldum. Ludovicus IV Impe-
rator, Dux Bavariæ, Ambergensem ditionem,
Sulzbachum & Hippolsteinum cum subiectis
locis Palatino Rheni, cognato suo concessit,
quod Andreas Ratisbonensis attestatur: hanc
divisionem præfatus Freherus uberius pertra-
ctat.

101

S V P E R I O R I S S A X O N I Æ C I R C V L V S.

*Termini
Saxonie
præfæ.*



Saxones in Germania agnoscit Ptolemæus, sed illic terminos eorum angustiores facit. Postea vero multum crevit eorum ditio, ut quæ ad Septentrionem mari Balthico & Oceano; ad Austrum Hercynio saltu conclusa fuerit: ad Ortum habuit Albim fluvium, ad Occasum Rhenum. Constat tamen, etiam ultra Albim Saxones multum terræ possedisse, imò verò ab Albi per littora maris Balthici, usque in Prussiam exstructis claris urbibus omnia tenuisse. Pulsis Chaucis, Bructeris, populisque omnibus inter Albim & Rhenum sitis, Saxones oram omnem littoris Germanici infedere, cum Ostrophalia & Westphalia, tentata etiam Gallia, in qua littus Saxonicum agnoscit Notitia Imperii; & occupata Insulæ Britannicæ parte: ob quam rem Saxones Occidentales, apud posterioris ævi scriptores pro Anglis, Orientales pro Germaniæ populis sæpenumero ponuntur, manetque hodie sermonis quoque cognatio. Nunc tam late non patet. Antiqua siquidem Saxoniam inter Albim & Rhenum fluvios, mare Germanicum, & Eydoram amnem usque ad Hassiam & Thuringiam extendebatur, eratque ejus centrum Brunswicum. Itaque Westphalia, Marchia vetus, Misnia, Lusatia, Mansfeldia, aliæque complures Saxoniam nomine vocabantur. Hodie

non ita naturalibus limitibus, quales sunt flumina & montes, sed secundum Principum dominia & imperia terminatur. Post Imperii divisionem in Circulos aliter hæc ditiones distributæ, quippe in duos Saxoniam distincta fuit, Superiorem scilicet & Inferiorem: in Superiori equidem sui nominis Ducatum habet peculiarem, cujus Dux est ex septem Electoribus.

Hic Superioris Saxoniam Circulus in ordine est octavus, & tribus constat Ordinibus, quorum primus est Episcoporum, Misnensis scilicet, Merspurgenensis; Naumburgensis, Brandenburgensis, Haverburgensis, Lubusensis & Caminensis; Abbatum vero Salfeldt, Rotterhausen, Walckenried; & Abbatissarum Quedelnburg & Genrode. Secundus ordo est Principum sæcularium, in quo sunt, Dux Saxoniam Elector, Marchio Brandenburgensis Elector, Dux Pomeraniæ, Princeps Anhaltinus, Comites Schwartzenburg, Mansfeld, Stelburg, Hogenstein, Buchlingen, Rappin, Mullingen, Gleiche, Leisneck, Windenfels; Domini de Plawen, de Gratz, & de Schonburg. Tertius ordo est civitatum liberarum, ut sunt, Dantiscum, Elbinga aliæque. Ad Inferiorem Saxoniam referuntur Ducatus Lauwenburgensis, Luneburgensis, Brunswicensis, Mechelenburgensis, ut & Holsatiæ Ducatus; Archiepiscopus Magdeburgensis, & Bremensis; Episcopus Hildeshemiensis, Lubecensis, Halberstadiensis, Suerinensis & Ratzeburgensis, cum urbibus Imperii Lubeca, Hamburgo, Mulhusia, Northusia & Goslaria.

*Saxoniam
duplex.*

SAXONIA SUPERIOR, CVM LVSATIA ET MISNIA.



MARCHIONATUS

MISNIÆ.

Termini.



Diviso.

Misnia S. R. I. Marchionatus non exigua sui parte Sudetis montibus cincta, ab Oriente Lusatiam, à Meridie Bohemiam, ab Occidente Thuringiam & Saxoniam Septentrionem versus respicit.

Misnia hodie omnis in duas divisa est partes, quarum una, quæ à declivore, quem nacta est, situ Inferior dicitur, in duos se tractus scindit: Orientalem, & eum, quem Misniam veteres solum appellarunt. Orientalis Pleissensem tractum complexus, *Libonothrie* olim ac *Osterlandia* appellatione claruit. Alter ad Lusatia fines ultra Albim procurrens, hac ex parte Muldam recipit, quæ, plures supra Grimam secum amnes raptans, paulo infra Desfaviam flexuoso meatu in Albim se effundit. Superior ad *Sudetos* montes (à Germanica voce *Sudöden*, quasi dicas Eremum Australem, sic nominatos) exporrigitur, quorum cacumen exsuperans agrorum, collium, nemorum, convallium spatia haud exigua occupat, urbibus, pagis, oppidis frequenter convestita. Inferior, quæ campestris ut plurimum & plana est, quemadmodum agrorum ubertate, urbium populique frequentia, navigatione fluminum, piscatu, hortorum amœnitate, vitiferis collibus ac negotiatorum commerciis præstat: Ita Superior pascuis, lignorum, metallorum, ferarumque copia longe illam antecellit. Vtramque *Hermunduri* habitant, qui hodie Misnenses & Voitlandi. *Hermunduro*rum appellatio à Germanico *Heermänner* defluxit, ac si viros militares dicas, seu bellicosos. Regio ipsa à Misna oppido appellationem sortita est, quod à Misa fluviolo, qui Misnam præterlabitur, nuncupatum fuisse, plurimi eruditorum demonstrant.

Qualitas.

Regio omni frugum genere fecunda, vini & mellis ferax, nec non plurimis variorum metallorum, imprimis argenti, venis referta est: prata habet virenti gramine obducta, quæque omnis generis pecudum gregibus corpora pinguedine distendant. Aëre fruitur paululum clementiori ac Saxonia, & valde salubri.

Urbes.

Urbes præcipuas habet Misnam, Dresdam, & Lipsiam. Misna Meridiem versus habet Tubiscum torrentem, à Septentrione rivulum Misnam. Tres autem habet Misna in uno monte arces, unam Principis, alteram Episcopi, tertiam Burggravii. Pons saxeus altissimus montes duos inter se committit: estque is templis ac turribus ad Albim sitis multo eminentior. Per eum itur ex monte Afræ in arcem Episcopi, patetque prospectus ex eo in urbem subiectam, in

colles circumfusus, in hortos, in vineta. Arx Principalis inchoata est ab Ernesto, perfecta vero & absoluta ex opulentia metallorum Annæbergensium ab Alberto Saxonæ Duce, anno Christi 1471. Episcopatum ibi constituit Otto Magnus, liberum, & à reliquorum Germaniæ Metropolitanorum inspectione immunem, soli subiectum Pontifici Romano. Urbs ipsa sparsa varie, alibi planitiem habet & valles, alibi in colles montesque adsurgit. Ad Occasum sunt excelsi montes, ad Septentrionem rivulus Misena, qui ad Schlosburgum montem in maiorem amnem sese exonerat: ad Austrum est Tubiscus, ad Ortum Albis; qui ponte sternitur ligneo, tam artificioso, ut similem neque Romanum habeat Imperium, neque regiones exteræ. Extra urbem sunt metalli fodinæ in montibus. Primo ab urbe lapide occurrit Scharffenbergum, unde argentum & plumbum effoditur. Fribergum versus fuisse etiam fodinas, testantur altissimi specus. Multa vero passa est urbs ista ab hostium incursionibus. Anno 1015 obsessa est à Mesicone filio Boleslai Polonorum Ducis, absentibus Marchionibus Misniæ Guntero & Eccardo II, qui tunc in castris Imperatoris militabant. Tentata est tunc expugnatio summo labore, præsertim ad vicum Wasserburgicum. Ferunt injectum ignem in tabulata, quum jam erupisset, & vicina loca depasceret, à mulieribus restinctum, affuso loco aquæ mulso. Quum autem videret Mesico se nihil posse obtinere, ob civium in suos Principes fidem, constantiam & fortitudinem, & militum suorum clades, quodque Albis crebris tunc imbribus crescens, difficilem in castris mansionem faceret, discessit re infecta. Huius tam opportunæ liberationis memoria publico festo celebrari solita est, mulieribus in domum Consulis convenientibus, & cum pompa inde in templum ad gratias Deo Liberatori ac Sospitatori agendas, urbisque custodiam ipsi commendandam, procedentibus. Anno 1067 venit urbs in manus Henrici IV Imperatoris, traditaque est ab eo Vratislao Duci Bohemorum: sed anno 1076 recuperavit eam Ecbertus II Thuringiæ Marchio, mansitque ex eo tempore semper in potestate Marchionum Misniæ.

Lipsia ad trium amnium confluentem, Plisnæ, Elystri & Pardæ sita, emporium est haud admodum grande, sed peropportunitate mercimoniis, & omnium ad vitam necessariorum rerum copia abundans. Commendant illud prata, horti, muri, fossæ, turres, curia, castrum, templa duo, scholæ particulares duæ, Academia, iudicium Provinciale, mercatus annui tres, depositio mercium, atque imprimis optimorum civium humanitas & fides. Monasterium Canonicorum regu-

regularium fundavit Theodoricus Marchio Misniae, anno 1218. B. Thomae monasterium confirmatum est ab Adolpho Imperatore anno Christi 1294. Cœnobium Vestalium extra portam Peninam fuit: Bernardinum Cisterciensium in Prulio. Tria quoque castella, quæ mœniorum ambitu inclusa fuerant, conversa sunt in sacros usus à Ludovico. Vnum ad portam Grimensem cessit Dominicanis, qui templum illic B. Paulo condiderunt. Alterum illud est quod vocatur castrum Plissenburgicum. Tertium fuit in vico Franciscanorum, qui & ipsi templum magnificum eo loco extruxere. Quumque hæc triangularis fuisset urbs, rectis lineis à porta Penina ad Rantstetensem, atque inde ad Grimensem, facta est quadrata, incluso Prulio vico. Anno 1263 Theodoricus Marchio de Lansbergo donavit cives autonomiâ, ut à Præsede citati non teneantur comparere, sed de suo iure possint apud Prætorem urbanum contendere. Circa annum 1420 cœpere Scabini Lipsienses lites publice decidere. Collegium autem illud ab Augusto Saxoniae Duce & Electore ita ordinatum est, ut Præsides unus sit, Assessores sex, è quibus tres sunt Iureconsulti, totidem Senatores, cum uno Actuario. Anno 1488 institutum est Lipsiæ ab Alberto Saxoniae Duce iudicium Provinciale, quod etiam ita ab Augusto ordinatum est, ut in eo unus sit ex Equestri ordine iudex primarius sive Præsides, tres nobiles Assessores, totidemque Iurisconsulti. Tum ordinarii Advocati quatuor ad causas ordinandas, & ad causas amice componendas Nobiles duo, cum totidem Iurisconsultis. Nundinæ Lipsienses à Maximiliano I Imperatore anno 1467 & 1469 confirmatae sunt, & ita constitutæ, ut quotannis vere, autumno, & kal. Ianuarii in omne tempus celebrari ac frequentari possint, nec fas sit similes in Halberstadiana vel Misnensi, vel Merceburgensi diocesi ad quindecim miliaria indicare. Academia Lipsica ortum habuit ex Pragensi, sub Friderico Electore Saxoniae anno 1409, concessis ei duobus Collegiis, uno maiore in equestri vico, altero minore in vico B. Petri. Distinctæ quoque sunt nationes, in Misnensem, Bavaricam, Saxonicam, & Polonicam. Ioannes XXIII Papa Canonicatus sex Academiae dedit, duos ex Misnensi Episcopatu, duos ex Merseburgico, singulos ex Numburgensi & Cicensi. Principes quoque pagos tres contulerunt, Cozschinam, Mercovicium, & Hoheheidam. Sub Henrico Duce mutatio facta est Ecclesiae. Sub Mauritio ingens ad Academiam bonorum accessio. Concessi pagi quinque, evocati Professores, Ioachim Camerarius, Ioannes Rheticus, aliique. Anno 1517 obsessa est per dies 14 Lipsia à Ioanne Friderico, qui regionem suam, licet proscripserat, conatus est Mauritio eripere, sed ob gelu soluta est obsidio. Curia sumptuose extructa est anno 1556, cum tabernis mercatorum, & libra, supra quam aula ingens ad honestiorum civium convivium. Castrum ad Plisnam ædificare cœpit Mauritius, absolvit Augustus. Anno 1595 Rector Universitatis designatus est Vdalricus, Sleswici & Holsatiae Dux. Anno 1602 Philippus Iulius, Stetini & Pomeraniae.

niae Dux. Biennio post Adolphus Fredericus, Dux Megapolensis.

Dresda propter Albim, supra Misnam sita est, *Dresda*. vetus & nova, quæ ponte committuntur. Illa ad Lusatiam, hæc ad Misnam spectat. Illa Slavorum opus, qui ante Henricum Aucupem ad Albim incolere: hæc post Hunnorum irruptionem fuit veteris Dresdæ colonia. Sed hanc Imperator Misnensi Ecclesiae dedit. Adolphus Nassovius, qui ære magno Thuringiam emerat, adflixit Misnam: venerunt autem tunc in ejus potestatem Friberga, Dresda, Misnia. Anno 1303 Dresda cessit Regibus Bohemiae, quod eam Wenceslaus ab Alberto Misnensi Præsede emisisset: non multo tamen post rediit ad Henricum Marchionem: qui numeratis mille sexaginta marcis à Misnensi Episcopo Witigone eam redemit. Ex eo crevit urbs. Pons ædificari cœpit anno 1070, estque decennio post consummatus. Omnium is totius Germaniae pontium est elegantissimus & firmissimus, ut qui passus 800, vel cubitos nongentos, fornices vero sive arcus habeat viginti quatuor, de quibus tamen quatuor propter arcis ampliationem decesserunt. Pragensis hoc est minor. Sunt qui ejus initium referant ad Ottonem Divitem, qui ex redditibus argentifodinarum Fribergensium eum cœperit extruere sub annum MCLXXV. Idem perfectum ajunt tempore Henrici Illustis anno 1222. Inter hujus urbis memorabilia jam dictus pons est, ad cuius finem in sinistra fluvii ripa Arx est, qua in tota Germania nulla splendidior, aut spectatu dignior, munimentis compluribus in justæ obsidionis impetum firmata, è cuius medio eximiae magnitudinis turris se elevat, & magnum eidem decus addit: digna certe tanto Electore sedes. In uno area, quæ in arce est, latere plurima fera animalia asservantur, ut Leones, Tigres, Leopardi, Pantheræ, Vrsi; & alia, quæ aliquando commissa gratam spectantibus pugnam exhibent. Præterea excellens illud armamentarium, omnibus armorum & instrumentorum bellicorum apparatus instructissimum, non minorem in peregrinis admirationem excitat, ac illa cimeliotheca, sive omnium vel naturæ vel artis miraculorum reconditorium. Nec minus sese spectatorum oculis ingerit magnificum templum S. Crucis, à Constantia Leopoldi Archiducis Austriae filia, & Henrici Illustis uxore extructa.

Reliqua hujus Marchionatus oppida sunt: *Oppida*. *Annaburgum*, olim *Schreckeburgum*, anno primum 1500 à Georgio Duce Saxoniae ædificatum, exinde multis privilegiis auctum; celebre est argentifodinis, & natalitiis eximii Poëtæ & Critici Gregorii Bersmanni, olim Rectoris & Professoris in Ill. Gymnasio Serbstensi Anhaltino: non longe hinc balnea sunt, multorum morborum medela certissima. *Belgradum Misnicum*, olim non exigui nominis oppidum, multis bellorum vicissitudinibus diminutum est. *Bischofswerda*, olim ignobilis vicus *Werta* dictus, à Bennone Episcopo in oppidi formam restaurata est: nuperis bellis bis à Suecis captus, & direptus est, & plurimi ex civibus ferro interempti sunt. *Chemnicium*, satis notum & ad sui nominis fluvium situm



situm est, multos quoque belli casus expertum, & sæpius hinc & inde occupatum, tandem ab Electore anno 1644, per quatuor septimanas obsessum & expugnatum est. Adjacet urbi Arx *Augustiburgum*, quæ tanto studio & tantis impensis ab Electore Augusto exstructa est, ut parem excepta Dresdana in Saxonia non inuenias. *Colbitz* ad Muldam fluvium cum pulchra arce situm, anno 1643 à Suecis direptum est. *Crimnitz* oppidulum ad *Leyssam* situm sub ditione Arcis *Schweiburg*, quæ medium circiter milliare illo distat. *Delitzsch*, caligis, quas in vicinas oras incolæ avehant, ibidem confectis, & cerevisia, *der Kûbeschwantz*, celebre. *Dobel*, quod *Sumen Misnia* nonnulli appellare solent, ob armentorum greges & terræ fertilitatem, quæ illic summa. *Eilenberga* oppidum cum arce, cui propinquum vetus illud castellum *Grunna*. *Frauenstein* oppidulum, cui excelsa arx imminet, ad *Sudetes* montes situm. *Friberg* oppidum metallicum non parvi momenti, & populosum; quippe quod ultra centum metalli fodinas circumcirca habeat. Inter cætera templum excellit, in quo suggestum mira arte ex lapide excisum, lilii formam representans: in hoc quoque Electorum sepultura cum monumento ex vario marmore multis imaginibus & statuis ornato invenitur. Arcem Elector Augustus reedificavit, & multis structuris auxit & ornavit. Anno 1639 & 1642 à Suecis plurima cum suorum clade frustra tentatum, & virtute Georgii Hermanni à Schweinitz egregie defensum est. *Grimma* Muldæ adjacet, arcem olim habens, quam Sueci solo æquavere, cum jam antea ab iisdem oppidum direptum fuisset. *Hayna* ad *Rederam* fluvium, modicum oppidum, tribus milliariis Dresda distat. *Königsstein*, cum inexpugnabili in rupe sita arce, oppidum; arcem illam Augustus exstruxerat, quam Christianus I, ejusdem filius, adjectis munimentis valde auxit, & invictam reddidit. *Leisnium*, Muldæ adjacet, olim Burggraviatu celebre, cuius modo ante Henrici I, Imp. tempora mentio fit; à Suecis direptum est aliquoties. *Lützen*, parvum cum pulchra arce oppidulum, famam meruit memorabili illo inter Suecos & Cæsarianos prælio, ubi Rex Suecorum Adolphus, & Papenheimius Cæsarianorum alterum caput, vitam finierunt; & Wallensteinus in fugam coniectus est. *Marienburgum* recenter ad annum Christi 1519 ab Henrico Duce Saxonie exstrui ceptum. *Mühlberga* oppidulum ad *Albim* fluvium cum arce, famosum clade Ioannis Friderici Electoris, qui prope hoc oppidum in prælio à Cæsaris Caroli V militibus captus est. *Pirna* oppidum anno 1639 à Suecis vi expugnatum, & incensum est, excepta arce *Sonnenstein*, in quam Præfectus cum multis militibus & civibus se contulerat. *Rochlitz* oppidum cum arce, olim suis Comitibus parens; bello Suecico aliquoties cum suo damno partes mutavit. *Schneeberga* prope Muldam in montanis situm oppidum, argentifodinis celebre, & aliquoties bello Suecico direptum est. *Weissenfels*, sive *Leucopetra*, olim Comitatu insignie oppidum, arcem habet in edito monte sitam,

egregiis structuris ita adornatam, ut Ducali sedi conveniat. Aliquoties à Suecis oppidum direptum est. *Wurtzenium* oppidum 3 mill. Lipsia distat, olim Comitatus titulo gaudens, nunc funestis cladibus, & à Suecis immani ibi exercitata atrocitate in aliquot direptionibus memorabile. *Zeitz*, sive *Cizium*, oppidum Episcopale, ad *Elsteram* fluvium situm est, in amœno & fructifero solo. Arx ultimis Germaniæ bellis omnibus munimentis nudata est. *Zwickaw*, sive *Cyzna*, in Voigtlandiæ & Misniæ confiniis ad Muldam situm oppidum, cuius fundamen aliqui ad Caroli Magni tempora referunt: quamquam mediocriter munitum fuerit, anno tamen 1639 in Suecorum potestatem venit, qui illud ad annum 1641 tenuere. Et hæc quidem de insignioribus oppidis; quippe reliquorum oppidulorum, quorum magnus numerus, nomina quoque recensere nimis operosum, & Lectori forte fastidiosum esset.

Fluvii Misniæ primarii sunt, *Albis*, *Elstera*, *Sala*, qui Misniam à Thuringia dividit, & Voigtlandiam irrigans, Naumburgum & Merseburgum percurrans, Elsteræ se jungit; & Mulda, è Bohemia originem trahens. Regio Bohemiam versus *Sudetes* montes habet, ut & hic & illic præcipue Thuringiam versus sparsos alios, *der Harzwald* dictos, quod densis sylvis obfiti sint.

Est præterea in hoc Marchionatu Ducatus *Altenburg*, quem possident Duces Saxonie *Altenburgici*, filii Friderici Guilielmi, qui Christiani II, Electoris tutor, per aliquot annos Electorum administravit. Situm est *Altenburgum* ad fluvium *Pleissam*, cuius & nomen olim tenuit, dictum *Pleissenburgum*, Comitatus tunc temporis & S. R. I. Burggraviatus. Plurimum hanc urbem exornat Arx & sedes Ducum, quæ antecessoribus cincta hortis, gratisque aquarum fontibus, sylvis, aliisque ad amœnitatem facientibus rebus, spectantium oculos nunc huc, nunc illuc errantes circumducit. Urbs ipsa nitidis distincta plateis, & egregiis tam publicis quam privatis ædificiis spectabilis, anno 1430 ab Hussitis tota incendio deleta est. Exinde reedificata anno 1632 à Cæsarianis occupata est, & insequentibus annis multis cladibus affecta.

Subjacent huic multa oppida: *Burgel*, uno mill. Iena distans: *Camburg*, inter Naumburgum & Dornbergam situm; *Eysenberg* olim Comitatus, anno 1640 à Suecis occupatum; *Gräventhall* ad amnem *Zepten*; *Leuchtenburg*, primaria arx cum dominio ad Salam è regione oppiduli *Kale*, quod ad id dominium pertinet; *Lucka*, inter Altenburgum & Pegaviam situm oppidum, famosa Suevorum clade anno 1308, à Marchione Friderico illata celebre: unde natum proverbium: *Es gehet dir wie den Schwaben für Lucca*: id est, tecum agitur, sicut cum Suevis ante Luccam. Bello Germanico sæpius partes mutavit. *Orlamunda* edito loco ad Salam sita, Comitatus olim fuit, & Comitum sedes, qui in arce, quæ nunc destructa, habitabant; *Peseneck*, ad Orlam situm; *Rosla* ad amnem *Helmam*; & *Schmöllen*, non longe Pleissa fluvio inter Werdam & Altenburgum.

T E R R A A D V O C A T O R V M, S I V E V O Y T L A N D I A.

Nomen.



Erram Advocatorum olim Hermunduri, Suevorum, qui nunc sunt, progenitores, tenebant. Regio hæc cum adjacentibus Misnia, Moravia, aliisque à Philippo Imperatore ad annum 1207 in *Præfecturas* dividebatur, ut

Sethus Calvisius in suo Opere Chronologico testatur. Hinc huic Terræ nomen: quippe *Voyt* Germanis idem quod Advocatus seu Prætor; & *Land* terram denotat. Germanicum hoc nomen, Latine exprimere desiderans Aeneas Sylvius, *Terram Advocatorum*, & *Prætorianam* appellavit: nec male, quum olim quatuor Prætoribus paruisse, scriptores affirmant. Hisce tandem, senescente Romano Imperio, ab Imperatoribus in tutelam data, addito successorum jure, quo verius in hostes Imperii vigilarent. Inde à *Voytburgo*, præcipuo hujus regiunculæ oppido, quod Latine *Prætorium* voces, *Burggravorum*, id est, Comitum Palatii nomen. Intervallo postea temporis devoluta Voigtlandia ad Saxoniam, ab ea bis ad alios transit, usque dum Adorf cum vicino oppido ad Domum Saxoniam rediret, quanquam Marchiones Brandenburgici oppidum Hoff cum quibusdam aliis, & Domini de Reussen non exiguam Voigtlandiæ partem ad se traxerint. Non prætermittendum vero est, hac in regione purissime linguam Germanicam pronunciari, nec ullibi tota Germania nitidiorem ejusdem linguæ usum inveniri.

Termini.

Terminatur Voigtlandia ad Orientem & Meridiem Bohemiæ montibus; ad Septentrionem Misnia, & Thuringia ad Occidentem. Regio multis montibus & sylvis obsita est: frumenti tamen & fructuum feracissima: aëre gaudet salubri & temperato.

Urbes.

Plaven.

Caput & primaria Voigtlandiæ urbs est *Plaven*, ad Elsteram fluvium, uno tantum milliari Olfnitio distitum, ante nupera bella, satis pulchra, & inter primas Saxoniam annumeranda. Dresserus nomen illi per allusionem *Himmelsblau-thal* fuisse asserit, id est vallem cæruleam: celebritate quatuor annuarum nundinarum urbs valde claret; cui non parum decoris olim addebant Cathedralis S. Ioannis Ecclesia, castellum excelso monti impositum, *Ratschawer*

Germania.

dictum, quasi dicas, Consiliorum inspector; Cœnobium Dominicanorum, Gymnasium, & Domus Publica. Sed Bellis Germano-Suecicis hæc omnia in fumos abierunt, quædam fortuito, quædam supposito igne. Magna olim incolis commoda ex pannorum & velorum ibidem confectorum commutatione, & vicinas in oras exportatione proveniebant; quæ nunc fortasse respirantes à tanto bello incolæ, iterum persequuntur.

Olfnitium ad Elsteram inter Adorf & Plaven situm, oppidum est Electorale, pertinens ad adjacentem arcem *Voytzburg*, jam memoratam; cujus originem sunt qui ad Drusum referant; doctiores tamen Prætorum alicui eam adscribunt. Bohemorum vicinitas oppido semper funesta fuit: nec minus funestum erat illud incendium, quo anno 1519 totum, solis duabus ædibus exceptis, in favillas abiit. Anno quoque 1632 mense Augusto huc accedens Cæsarianorum Dux Holkius, vi captum Olfnitium diripuit, incendit & civium strage replevit, ita ut Magdeburgensis cladis quasi exemplum esset.

Adorf oppidum Electorale est, tribus milliari. Egra distans, sita ad viam, quæ Lipsiam ducit, non longe à fontibus Elsteræ. Prope hoc oppidum Hospitium est, quo Mercatores, qui ad Lipsienses Nundinas pergunt, divertunt. Hic illis novitiis, qui iter illud nunquam ante fecerunt, liber offertur, cui nomen suum inscribunt, expenso in sociorum reliquorum hilaritatem uno vel altero coronato. Anno 1632 Holkius hoc oppidum diripuit, in quo insequenti anno pestifera lue attractus obiit. Anno 1642 ab Erfordienfi Sueco Præsidio iterum direptum est.

Weida oppidum cum arce ad Elsteram à rivulo Weida, qui oppidum ingreditur, nomen accepit; olim Comitatus, & dein Baronatus titulo insignis. Atrocibus illis Germaniæ bellis plurimas sacras, publicas & privatas ædes, partim incendio, partim vi destructas amisit; quæ tamen nunc temporis fere omnes restauratæ sunt. Reliqua oppidula sunt: *Arnsburg*, cum arce, ad Orlam situm, El. Saxoniam annumeratum: *Auma* ejusdem ditionis; *Gera* inter Zicium & Plaven ad Elsteram situm, oppidum ante ultima bella non spernendum, & multis privatis sacrisque ædificiis, Gymnasio & arce spectabile, Reussios agnoscit dominos; *Glauchavia*, munita

T t



munita arce celebre oppidulum, & parvum, Dominis à Schönburg paret, ultimis bellis valde divexatum; *Graitz* oppidulum ditionis Reussiorum à Plaven, arcem habens; *Lobenstein* ad Salam situm, Reussiorum est, vicinum habens in monte vetus & dilapsum castellum; *Neuenmarckt*, Schonbergiis subiectum est; *Pausa*, Electorale oppidulum; *Reichenbach* ejusdem ditionis oppidulum, anno 1632 à Cæsarianis incendio exhaustum est; *Schletz* Reussiorum oppidulum cum arce; *Salburgum*, ad Salam situm, iisdem domi-

nis accensetur; anno 1633 à Croatis male exceptum; *Tann* forum pecuarium habens, Reussios agnoscit; *Wildenfels* oppidum cum arce, uno milliari à Zwickavia distans, ejus obsidione satis innotuit; & *Ziegenruck*, oppidulum ad Salam, in confiniis Thuringiæ, Electorale.

Fluvii in Voigtlandia multi sunt: inter quos *Fluvii* eminent, *Elstera*, *Sala*, *Menus*, *Nabus* & *Egra*, ex Pinifero monte orti; & *Mulda*, è Bohemiæ montibus profluens.



THVRINGIA.

Situs &
termini.



Imperium.

Flumina.

Silve.

Effordia.

THVRINGIÆ Landgraviatus omnium nobilissimus, inter Salam Vifurgimque amnes protensus, familiæ Saxonica paret. Terminos habet Salam & Werram fluvios, Hercyniam silvam & Thuringensem saltum. Longitudo regionis latitudinem exæquat, & milliaribus duodecim describitur. Frugum leguminumque ferax mater, & imprimis herbæ istius, quam *Glastum* vocant, & statim, vulgo *Weedt* & *Pastel*, è qua cæruleum colorem lanæ imbibunt. Ex hac magnum quæstum faciunt incolæ. Olim Regem habuit, jam Landgraviatus titulo regitur. In hac regione Comitatus sunt XII, & totidem Abbatia, civitates CXLIV, & totidem oppidula, vulgo *Marckstecken*, pagi bis mille, & CL arces. Fluminibus gaudet pluribus, *Sala*, *Werra*, *Vnstrut*, *Ilma*, *Gera*, *Or*, *Apfelftet*, *Helbe*, *Cling*. Silvis quoque conspersa est, quæ ex Hercyniis saltibus efflorescunt, inter quas spaciosissima est Thuringica silva, *Duringerswald*. Quod de Campania Italiae dici solet, de Thuringia dixit Georgius Agricola, eam esse fumen Germaniæ.

Caput regionis est *Erfordia*, nobilis civitas, amœnissimo ad Ierram fluvium situ. Nomen habet ab *Erffa* arce pervetusta, septem inde milliaribus diffusa, cujus olim dominus jus illic habuit telonii, haud procul Prulio. Inde fluxit fabula, molitorem quendam Erfum noctu suspendere solitum fuisse lucernam cum candela, ut ad eam, transitori flumen, iter dirigerent, ne eluvione in devia abriperentur: ita paulatim convenarum numero crescente factum pagum, qui *Erffordia* dictus sit, quasi *Erffel-furdia*, hoc est, vadum *Erffi* molitoris. Atqui *furdum* proprie non vadum sonat, sed trajectum: & *Erffa* non molitoris obscuri nomen, sed arcis tota Thuringia vetustissimæ & notissimæ, cujus etiamnum supersunt parietes & domini. Sunt qui ejus primordia referant ad Arcadii & Honorii tempora. Erfi vero nunc inter primas Germaniæ sit, neque vel civium frequentia, vel opibus, vel amplitudine structuræ, vel murorum ambitu dicatur cedere Coloniae Agrippinensi; tamen exigua ejus fuisse initia, verisimile est. Hoc constat, quo tempore Bonifacius Moguntiacy agebat, urbem fuisse, & quidem antiquam Paganorum. Ipse enim, postquam illic prædicando ad Christum multos convertisset, petiit à Zacharia Pontifice, ut aliquis illic constitueretur Episcopus. Verba ejus epistolæ hæc sunt: *Vnam esse sedem Episcopatus decrevimus in castello, quod dicitur Wirtzburg, & alteram in oppido quod nominatur Buriburg, (puto legendum Nurburg) tertiam in loco, qui dicitur Erphesfurt, qui fuit olim paganorum.* Neque arbitror exstare vetustiorum hujus urbis memoriam. Idem cathedrale templum B. Mariæ extruxit. Sunt qui existimant,



Germania.

monasterium B. Petri, quod in monte est, quodque monti nomen dedit, opus esse Regis Dagoberti. In ejusdem templi fastigio spectantur dracones duo saxo incisi, quorum alter diducto rictu infantem, alter adultiorem virum devoraturus videtur. quod opus extra controversiam Gothica structura est. Vt sit, negari non potest, quin antiqua urbs sit, & ab initio paruerit Archiepiscopo Moguntino, à cujus potestate postea, crescente cum viribus libertate, se exemit. Manet tamen hoc reliquum, quod cives quotannis solemniter jurant, se jura domini sui Moguntini non imminuturos, sed fideliter ea defensuros. Muris cingi cœpit anno M CLXIII. Chorus templi Beatæ Virginis exstructus est anno M CCLII, dicunturque in eum expensæ vices mille marcæ argenti. Academia sub Wencellao instituta est, anno M CCCXCII. Anno M CCCCXCVII fusa est grandis illa campana Erfurdienfis, quæ in æde B. Mariæ spectatur: ejus ambitus habet XIV cubitos cum sesqui quadrante.

Alia hujus Landgraviatus oppida complura sunt, è quibus præcipua memorabimus. *Dornburg* modicum est cum pulchra arce oppidum, infra quod Sala aquas suas devehit, uno mill. Iena, duobus Naumburgo distans, Altenburgicæ Domui accensetur. *Eisfeldt* ad saltum Thuringicum situm oppidum, Werra fluvio in vetus & novum scinditur, quorum hoc edito colli impostum, turribusque & vallo cinctum, illud in planicie absque muris situm est: ante funesta Germaniæ bella elegantia & nitore excellens, postmodum sæpissime direptum & destructum, nihilominus assidua civium vigilantia & labore reedificatum est. Eminent in hoc oppido ecclesia cathedralis unâ cum magnitudinis eximie turri ex quadrato lapide exstructa. *Heringa* oppidum amni Helme adjacet, anno 1590 miserabili incendio totum in cineres redactum cum suburbiis, & arce, exceptis duobus molendinis & Xenotrophio. *Neapolis* ad *Orlam*, oppidum antea modicum, sed à Croatis direptum, deinde quoque incendio consumptum est. *Ordorf* ad Or amnem prope saltum Thuringicum jacet; anno 1248 à Walthero Schenkio à Largula in cineres redactum. *Orlamunda* ad confluentem Salæ & Orlæ Fl. sita, antiquissimi olim Comitatus Orlamundani caput fuisse perhibetur; ut & Comitum sedes, qui in arce jam diruta se detinebant. Nunc Altenburgicæ familiæ accensetur. *Sangerhausen* cum arce oppidum Mansfeldiam versus, fertili in solo situm, anno 1431 fortuito igne in cineres redactum, & anno 1641 à Suecis captum, qui tamen statim à Præsidio, quod in arcem se subduxerat, expulsi sunt. *Salfeld* oppidum ad Salam Altenburgicæ familiæ, ante bella Germaniæ, amœnum & cultum: olim tempore Imper. Othonis IV Hermannus Landgravius Hassiæ captum oppidum incendit, & funditus delere conatus fuit. Anno 1646 Dux suecorum Löwenhaupt huc veniens, oppidum

V v

gravif-



gravissimè afflixit. *Saltza* oppidum Electorale duobus mill. Mulhusio, quatuor verò mill. Erfurdia distans, nomen à *Saltza* Fl. accipit, anno 1632 à Papenheimii militibus direptum, & à Fridlandicis eodem anno suburbii nudatum est. *Sundershausen*, oppidulum, cui annexa arx, ad Wippram, Comitum Swartzburgensium: ubi idolum ethnicum asservatur magnitudine annorum octo puerum exæquans, ex metallo fustum & intus concavum, tantæ duritiei, ut vix multo labore fragmentum aliquod malleis ex eo descindi queat, quod nullo alio postea metallo ei annecti & conglutinari potest. *Tennstad* ad rivum Seltenlein, Electorale oppidum, anno 1632 à Papenheimii militibus direptum est, ut & anno 1641, à 400 Cæsarianis Equitibus. *Tonna* duplex est in Thuringia, quarum altera *Burgi-Tonna*, altera *Comitissa-Tonna* dicta: illa Commendatariam Ord. Teutonici habet, hæc arcem, quæ cum oppido 1631 à Tilliacis direpta est. *Weissenfee* oppidum bina templa, & arcem habens Fl. *Helbæ* adjacet: nomen illi à lacu, qui non longe distat, adeo profundo, ut fundus in eo non inveniatur. *Wiebe*, oppidulum arce insigne, è regione arcis Wendelstein, olim Heldrungiorum fuit; anno 1609 totum in favillas fortuito incendio redactum est.

Continet præter hæc Thuringia plurimos Ducatus, Comitatus, Episcopatus, Abbatis, Cœnobias & Castella; ex quibus quædam carpemus, quædam minus celebria relinquemus.

WIMARIENSIS DUCATUS.

Offert se primùm *Ducatus Wimarientis*, seu *Vimarientis*, cujus caput *Wimaria*.

Wimaria.

Wimaria, Prinipum Saxonie Landgraviorum Thuringie domicilium, ad lævam Ilm ripam, medio fere itinere inter Erfurdiam & Ienam. Nomen habet à vino, cujus copiam Iena huc mercatores advehere soliti sunt. Quamobrem etiam quibusdam Vinaria dicitur. Ea fuit initio Comitatus, postea tamen cessit Ducibus Saxonie, quorum hodie Palatium magnificum ex saxo quadrato ad normam cæso in urbe spectatur, interlabente amne discretum à pomario & horto elegantissimo. Insigne Comitatus Wimarientis est Leo niger erectus in campo luteo cum corona rubra in capite, & foliis rosæ rubris in clypeo circa leonem dispersis. Est autem operæ pretium scire, quomodo Hermannus Wimarientis Comes ultimus à Friderico Thuringie Landgravio victus, bonisque omnibus exutus sit. Anno 1342 fertur Hermannus Comes epulum Erfurdie instituisse in aula Wimarienti, quæ tunc illic publico loco erat. Forte autem Fridericum Lantgravium Thuringie conspicatus è fenestra Hermannus prætereuntem, paucis stipatum, sine ornatu & pompa honoratiore, per ignominiam compellavit, dicens: Quorsum abis *Fritz*? Et postea, Abi *Fritz*, quæ quidem voces ad pueros & viliores servos adhiberi solent. Non tulit contentum istum generosus Principis animus, qui pro verbis & gestis repositurus vindictam gravio-rem, juravit, acerbam sibi vitam fore, nisi

Comitem illum eò adduxisset, ut ipsum cogere-
tur superiorem suum agnoscere, atque etiam
dominum compellare. Mox ergo Erfurdienses
sibi junxit socios adversus Hermannum, qui jam
Swartzenburgicum Comitem sibi socium adjun-
xerat. Post varios & ancipites casus hic tandem
ejus belli eventus fuit, ut capti Comites Wima-
rientis & Swartzenburgicus venirent in Lantgra-
vii potestatem: qui cum altero quidem egit be-
nignius, Hermannum vero coëgit deserto Co-
mitatu Wimarienti jura omnia resignare in Lant-
gravios, cum urbibus, arcibus, & agris. Ex eo
Wimaria semper fuit in victoris ejusque postero-
rum potestate. Anno 1613, die 29 Maij, ingens
Thuringie incubuit tempestas, quæ tantam inter
tonitrua & fulgura profudit pluviarum grand-
inumque copiam, ut ad quindecim milliaria Erf-
fordiam Mulhusiumque versus segetes omnes in
agris perdiderit. Sed imprimis obfuit ea Wima-
ria. Hujus enim fluvius in tantum subito excre-
vit, ut exundatione facta vicina omnia abripue-
rit, nitrati pulveris molam, pontem faxeum,
viridarium Principis, balneum stanni cupro coo-
pertum, carnarium, telonium, aliaque ædificia
publica, tum ornithotrophia, quibus gallinæ In-
dicæ ad Principis mensam saginabantur, cum
mola gemmaria, in qua jaspis ad tumulum &
Epitaphium defuncti Principis Iohannis polieba-
tur, & propugnaculum arcis, aliaque ædificia
disjecerit ac disturbarit. Perierunt eo tempore
hausti undis Wimarie equi Principis 25, nec
non alia plura animalia. In urbe homines 65.
In vicinis quoque pagis permulti. Erfdörffi
disjectæ domus 10, mersi homines quindecim.
Disfurti domus 9, cum totidem hominibus.
Crumsdorffium totum dissipatum, cum homi-
nibus & pecore omni, sola excepta domo pa-
rochi, & ædificio nobilium. Sultzæ ædificia 25,
homines viginti. Rossæ ovile publicum cum ovi-
bus mille. Wartstetti domus 10, homines 25.
Oberfetzæ domus 44, homines 23. Probernæ,
Stottelstetzæ, Marstetzæ, Brumbachii, aliisque
locis similiter. Atque hæc omnia inter horam
vespertinam-septimam & tertiam noctis.

Possident quoque Wimarientes Duces *Ienam*, *Iena*.
oppidum celebre, postquam à Ioanne Frederico
constituta illic bonarum artium & Sapientie
Schola. Nomen unde habeat ignoratur. Sunt
qui ex Hebræa voce *Iain*, quæ vinum sonat, ejus
originem petant. Est enim ad illam ingens vini
proventus: cujus copia, ut supra dictum, Wi-
mariam singulis septimanis evehi solet. Alii à
Iano Ienam dici maluerunt. Sed hæc incerta &
vana. Vrbs in valle sita est, muris & turribus
munita: pons lapideus fluminis ripas jungit.
Crevisse urbem per incrementa, apparet ex mu-
rorum ambitu. Monasterium Prædicatorii ordi-
nis à Dominis de Leuchtenburch fundatum est
anno Domini 1286, auctum vero & locupletatum
liberali donatione potentiorum. Contulit quoque
bonam partem Albertus Thuringie Lantgravius
& Saxonie Palatinus. Confirmavit tandem Fri-
dericus Lantgravius Thuringie & Marchio Mi-
sniæ atque Ostlandie. Academia Ienenfis solem-
niter introducta est anno 1555, die 25. Ianuar. in-
signi munificentia Ducum Saxonie Ioannis Fride-
rici

rici & Ioannis Guilielmi. In ea aliquando docuit Iustus Lipsius, & funebri oratione Duci Saxoniae parentavit. Non est quidem nunc eadem ejus Scholæ, quæ olim fuit, celebritas; habet tamen & viros eruditos, & copiam studioforum satis frequentem.

Gotha.

Nec prætereunda *Gotha*, cui nomen à Gothis, qui sexies Italiam, ex penitissimis ad mare Germanicum oris profecti, ingressi sunt, relictis fere quacunque iter faciebant, monumentis suæ protectionis. Ergo ut *Gothingam* habet Saxonia, sic *Gotham*, *Gothleben*, *Altengorben* habet Thuringia. Est autem *Gotha* ad Linam fluvium, qui olim eam alluit, nunc perlabitur. Oppidi faciem ex pago sumit circa annum 964, opera potissimum Guilielmi Archiepiscopi Moguntiacensis. Templum B. Augustini fundatum est anno 1216. Alterum B. Margaretae fundari coeptum anno 1494. Linam annem in urbem admisit Balthasar Lantgravius, purgandis viis & fordibus eluendis. Arcem *Grimmensteyn* munivit validisque operibus firmavit Guilielmus Saxoniae Dux. Ex eo destructa aliquoties & restaurata fuit, donec funditus eam evertit Guilielmus Crumbachius, collecta manu proscriptorum Alberti Brandenburgici, anno 1567.

Oppida alia.

Sunt & alia in hoc Ducatu oppida: *Blankenhain*, 4 mill. Erfurdia distans; *Buttelfatt*, sesquimillari *Wimaria* divisum; anno 1642 fortuito igne media sui parte in fumos abiit; *Buttstatt* ad *Loffan* Fl. situm, annuis nundinis pecuariis valde celebre; *Gersfungen*, oppidum, cui addita arx, ad *Werram* Fl. situm; *Tambach* vicus inter *Smalcalden* & *Gotham* jacens; *Tanroda* Ilmæ Fl. cum arce adsitum, non procul arce *Dondorf*, & ejusdem nominis pago; *Salztunge* *Werræ* Fl. adiacens in confiniis *Hassiae*; nomen à *Salifodinis* habet, quæ hic frequentes. Celebre quoque in hoc Ducatu Coenobium est, *Ichtershausen* ad *Geram* situm, sesquimillari *Erfurdia* distans.

Genealogia Ducum Wimar.

Ioannes Fridericus I, Elector, cujus in Electorum Saxoniae Genealogia mentionem fecimus, uxorem duxerat *Sibyllam* *Ioannis* III, Ducis *Iuliaci* filiam; è qua filios habuit *Ioannem* *Fridericum* II, successorem suum; *Ioannem* *Guilielmum*, *Ioannem* *Fridericum* III, & *Ioannem* *Ernestum*, mortuum in infantia. Ex hoc Electore, qui Electoratu à *Carolo* V demotus fuit, stirps illa Ducum *Wimariensium*, *Isenachicorum*, *Coburgicorum* & *Altenburgicorum*, proserpsit. Successit Patri, in Ducatu *Wimariensi*,

Ioannes Fridericus II, natus *Torgavia*, anno 1529, hic post mortem patris pactum iniit cum fratribus, ut unusquisque decem continuos annos ad gubernacula federet, ipse vero ut natu maximus, primus inciperet. Sed ob receptum feditioso *Crumbachio* permissum *Gotha* urbe privatus, arcis *Grimmensteinii* demoliendæ causa fuit; postea captus anno 1567 *Dresdam* primum, inde *Viennam* & *Neapolim* *Austriæ* auctus fuit; obiit *Steiræ* in *Austria* anno 1595. Filios reliquit *Ioannem* *Fridericum* IV, ut & *Fridericum* II, mortuos in infantia, *Ioannem* *Casimirum* Ducem *Coburgicum*, & *Ioannem* *Ernestum* Ducem *Isenachicum*.

Ioannes Guilielmus, *Ioannis* *Friderici* II frater, *Germania*.

expirato decennio, post mortem tertii fratris *Ioannis* *Friderici* III, cum fratre de novo pepigit, ut ipse *Coburgum* cum aliis *Franconiae* oppidis retineret; e contra *Ioannes* *Fridericus* *Wimariam* possideret: sed post rebellionem ejusdem, ut diximus, omnes illius status in hunc *Ioannem* *Guilielmum*, utpote unicum jam Fratrem reciderunt; quorum tamen fratris filios participes fecit. Obiit *Wimariæ* anno 1573. Filii ejus fuerunt *Fridericus* *Guilielmus*, Electoratus sub minorenni *Christiano* II, administrator, & *Ioannes* II.

Fridericus Guilielmus I, natus anno 1562, mortuus est anno 1602. Filios sustulit *Ioannem* *Guilielmum* II, & *Fridericum* IV, mortuos adhuc infantes, *Ioannem* *Philippum*, natum anno 1597. *Fridericum* V, natum anno 1599. *Ioannem* *Guilielmum* III, natum anno 1600. omnes *Torgavia*, & *Fridericum* *Guilielmum* II, natum *Wimariæ*, anno 1603.

Ioannes II, *Ioannis* *Guilielmi* I. filius, & *Friderici* *Guilielmi* I, frater, natus *Wimariæ*, anno 1570, feudum *Voigtlandiae* sibi & prædecessori fratri ab Imperatore obtinuit; cujus mortui viduæ & filiis *Altenburgicum* Ducatum cum annexis dedit. Obiit *Wimariæ* anno 1605, relictis octo filiis, *Ioanne* *Ernesto* III, nato anno 1594; *Friderico* VI, nato anno 1596; *Guilielmo*, nato anno 1598. capto anno 1624 in *Westphalia*, sed ab Imperatore in libertatem restituto; *Alberto* II, nato anno 1599; *Ioanne* *Friderico* VI, nato anno 1600; *Ernesto* II, nato anno 1601. *Friderico* *Guilielmo* III, nato anno 1603, & *Bernardo*, nato anno 1604; & filia posthuma *Ioanna*, nata anno 1606.

Isenachicus porro Ducatus nomen ab urbe *Isenach* habet, quæ illius Ducatus præcipua, & pervetusta, ab *Attila*, Flagellum Dei se nominante, expugnata olim fuit, & quo comitia indixit, inaugurari se ab omnibus Germaniae Principibus volens. Exinde ad annum C. 807 iterum ab Hunnis capta & diruta est, sed à *Ludovico* *Thuringiae* & *Hassiae* Landgravio reedificata, & in alium locum translata est. Adjacet urbi inexpugnabilis Arx *Wartberg*, à *Ludovico* fundata. Mortuo anno 1638 *Ioanne* *Ernesto*, *Ioannis* *Friderici* II, filio, sine prole, ut & Fratre *Ioanne* *Casimiro*, Ducatus hic ad *Weimarienses* rediit, & sorte *Alberto* Duci Saxo-*Wimariensi* obtigit. Pertinet quoque ad hunc Ducatum oppidum *Creutzberg* ad *Werram* Fl. qui egregio ex lapide confecto ponte contratus est; diripere illud *Papenheimici* anno 1632. Inveniuntur & hic aliqua vineta. Frequentia in hac urbe magna, ob divitem ferri mercaturam. Quamquam autem Dux *Isenachicus* divitiis longe reliquis Saxoniae Ducibus inferior sit, Aulæ tamen splendore illos exæquat, si non excellit: habet quoque suum Cancellarium, Marescallum, aliosque officarios, ut reliqui.

Tertius in *Thuringiae* finibus Ducatus est *Coburgicus*, nomen à *Coburgo* Ducatus primario oppido fortitus, quod ad *Crempam* Fl. situm centrum totius Germaniae aestimatur. *Ioannes* *Casimirus* adjuvante Fratre egregium in hoc oppido Gymnasium fundavit. Adhærent huic Ducatui oppida *Cronach* & *Kunigsberg*, Patria Illustris *Matthæi*.

thematici Ioannis à Monte Regio; ut & aliqua alia. Oppidani & incolæ plurimum lino colendo & ferendo animum applicant; quibus eam in rem facultas deest, ii colendis vineis in Franconiam abeunt.

Comitatus
Gleichenfis.

Comites *Gleichenfes* in media ferè Thuringia Comitatum suum habent. Arx *Gleichen* inter Erfordiam & Gotham in edito monte sita, Comitatus nomen dat, cui porro adjuncta sunt, oppidum & Arx *Thonow*, sive *Tonna*, oppidum & Arx *Arndorf*, &c. Comitum horum mentio fit anno C. N. 1285, quorum unus in Palæstina sub Frederico II, à Sarrazenis captus, & à virgine Sarrazena liberatus fuit, quam cum venia & assensu Pontificis & prioris uxoris in uxorem duxit, eodem tempore tunc binas habens. Nec male hoc ipsi cessit, providente Deo, ne ex hac Sarrazena liberos tolleretur: quæ dein prioris conjugis liberos materno affectu profecuta est.

Schwartz-
enburg
Comit.

Comitatus *Schwartzenburg* nominis originem à Castello in Sylva Thuringica ad Salam Fl. sito trahit. Ditio Comitum per totam fere Thuringiam dispersa est, & ad Mansfeldiæ Comitatum se porrigit. Carolus Magnus primo Comiti Witichindo Saltum Thuringicum concessit, cum adjacentibus, quæ in 20 mill. longit. & 10 mill. latitud. se extendebant. Subiecta quoque illis est magna *Hoënsenii* Comitatus pars, cum Dominiis *Lohr*, *Clettenburg*, *Arnstedt*, & *Sunderhus*; ut & oppida *Frankenbus* & *Rudelsfatt*: præterea Dominium *Leutberg* paucis abhinc annis eorum ditionem ampliavit.

Oppida.

Oppida fere huius Comitatus propria sunt, *Arnstatt*, cui adjuncta arx, inter Gotham & Erfordiam situm, sedes Comitum à Schwartzenburg: valde amœnum oppidum est, amœnior vero arx, cui annexi pulcherrimi horti, omnibus quæ oculos aut animum pascunt, refertissimi; *Ilma* ad ejusdem nominis Fl. situm oppidum, nitidum habet templum, ut & arcem non spernendam; *Königsee* ad rivum Rinne oppidum, satis celebre est, unde nomen habeat, cum nullus in vicinia lacus sit, ignoratur; *Rudelsfatt* sive *Rudolfstatt* pulcherrima arce clarum oppidum Salæ Fl. adjacet.

Divitiæ.

Comes hic Swartzenburgicus ex ditissimis totius Saxonix Comitibus est, quippe qui ultra 30 millia thalerorum annua ex redditibus accipiat. Religio illi, ut reliquis, Lutherana.

Stolberg Com-
itatus.

Stolbergia Comites titulum hunc à veteri Castello *Stolberg* sibi vendicant, quod Otho Columna Nobilis Romanus condidit anno 566, in monte *Hartz*, quem veteres *Iuga Hercynia* indigittavere. Oppidum nunc temporis est huic Castello conjunctum, celebris Iurisconsulti Ioannis Schneidewini patria; anno 1631 à Suecis expugnatum. Est præterea in hoc Comitatu vicus *Vffterungen*, prope quem celeberrimus ille specus *Baumanshôle* invenitur, plusquam quatuor miliaria in longum protensus, & mira ossium ibi inventorum varietate curiosorum oculos meritis. Acquisivere præterea Stolbergenses Comites Comitatus, & Dominia *Weringrode*, *Königstein*, *Rufschefurt*, *Wertheim*, *Heringen*, *Kelbren*, &c.

Hohenstein
C. mit.

Est præterea Comitatus *Hohenstein* in Thuringiæ finibus ad juga *Hercynia*, quem olim Comi-

tes Imperii possedere, quorum ultimus Ernestus Volckmari Wolfgangi filius, absque mascula prole decessit. Hinc quædam ad Swartzenburgicos, quædam vero Dominia ad Stolbergenses Comites defluxere: major tamen pars Brunsvicensi Duci, utpote Feudi Domino, cessit. Anno 1631 oppidum *Hohenstein* à Suecis victoribus captum est.

Episcopatus in Thuringia duo sunt, *Mersburgensis* & *Naumburgensis*. *Mersburgensis* caput est urbs *Mersburg*, satis amœna, ad Fl. Salam sita. Primariam apud Ethnicos in Saxonia urbem fuisse, multæ antiquitates, & imprimis alta quædam columna, in qua Mercurii simulachrum, satis patet faciunt. Originem aliqui ad Merovæum Francorum Regem inferunt. Olim annuis hic nundinis locus frequens fuit, quæ ob ortum ex explosa bombardâ incendium (quo tota urbs cum omnibus mercatorum mercibus consumpta fuit) alio translata sunt. In urbe maxime spectatu digna est Ecclesia Cathedralis S. Laurentii, ab Henrico II, Imp. exstructa. Primus ex Episcopo *Bofo* fuit, nobilis Bavarus, mortuus anno 970. Quartus fuit *Theodomarus*, Comes Saxo, qui à temporibus Othonis I. Imp. usque ad Henricum II, inclusivè rerum gestarum Chronicum composuit. Quadragesimus quartus fuit *Adolphus* Princeps Anhaltinus, qui Iudæos expulit, illic ab Hierosolymæ modo destructiore habitantes. *Augustus* Saxonix Dux 45 fuit, anno 1544, ejusque Coadjutor Georgius Princeps Anhaltinus, quorum tempore Consistorium hic stabilitum est. 46 Episcopus erat *Michaël Heldingus Sidonius* anno 1549, qui ad annum 1561 Episcopatum administravit. Post hujus mortem Elector per Vicarium Episcopatum rexit, usque dum Ioannes Georgius Dux Saxonix 50 Episcopus factus, & postea Elector, Vicario Episcopatum administrandum tradidit.

Episcopatus
Merseburg.

Alteri Episcopatus *Naumburgensi* nomen commodat urbs *Naumburg* ad Salam, olim Imperialis, & Thuringiæ annumerata. Primus urbis conditor Ludovicus Ferreus Thuringiæ Landgravius fuit, qui hoc loco spatiosam arcem condidit. Præterquam quod Episcopatus titulo hæc urbs superbiat, celebris quoque est annuis nundinis ad SS. Petri & Pauli festa. Aedes sacræ hic sunt Templum Episcopale, *der Dom*, bina alia templa in urbe, & unum extra urbem S. Mauritii, & insigne Cœnobium *Porta*, anno 1543 ab Electore Mauritio in Gymnasium conversum. Anno 1632 Sueci urbem Cæsarianis extorserunt; ad quam paulo post ipse Adolphus Gustavus castra metatus est. Anno 1636 Bannerii milites omnibus ludibriis, & sceleribus urbem replevere: anno 1642 à Königsmarchio frustra tentata, tandem relicta est. Episcopatum Saxonix Electores per Vicarios nunc administrant: cui adhærent Dominia *Schonburg*, *Saleck*, *Hainsburg*, *Crossen* & *Breitingen* cum Capitulo *Osterfeld*.

Episcopatus
Naumburg.

Præclara quoque est Virginum Abbatia *Quedlinburg*, cum ejusdem nominis oppido, inter Halberstadtium & Ermeslebiæ sita, quod Henricus I. Imp. muro cinxisse, & ibidem cœnobium in honorem S. Servatii fundasse dicitur, cui Abbatissam præfecit Machtildim, sororem, vel, ut alii, filiam suam. Henrici filius Otho I corpora

Quedlin-
burg Ab-
batia.

Abbatie
Cœnobium.

Castella.

pōra SS. Martyrum Fabiani, Eustachii, Pantaleonis, Hippolyti, & Laurentiæ virginis huc transtulit. Otho quoque Tertius Imp. ad annum 985 hic Imperii Comitia habuit, & pauperum filiis scholam erexit in objecto monte *Zion* dicto. Erat hæc urbs olim potens & in fœdere Hanseatico, sed ob rebellionem contra Abbatissam Ernesti Saxonæ Ducis sororem, ab illo expugnata, direpta & Rulandi columna (quæ libertatis olim signum erat) privata est, & in ultimam servitutem redacta, unde Duci Saxonæ ut defensori paret, qui omnem regionem sibi subiecit; Abbatissæ tamen, quæ nunc Lutheranæ religioni addicta, jus hæreditarium competit; in comitiis Imperii membrum repræsentanti. Idcirco Abbatissa illa cum Priore ex Ducum, vel ad minimum ex Comitum genere sit necesse est: anno 1641 Cæsarianorum Dux Laba multam hinc prædam avexit; sicut & insequenti anno Sueci Konigsmarchii fecerunt. Præter hanc est & alia Abbatia Cœnobium *Walchenried*, in jugis Hercyniis, cujus olim patroni erant Comites Hohensteinii; quibus deficientibus, Lunenburgici Duces jus illud ad se, utpote Dominos feudi traxere; Comites contra Swartzenburgici illis se opposuerunt, sed à Cæsare Lunenburgicis adjudicatum est: *Volkeroda* præcipuum ordinis Cisterciensis Cœnobium non longe Mulhusia urbe situm est; *Oldersleben*, non incelebre prope Sachsenburgum Cœnobium; *Reinhardtsbrunn*, Cœnobium Ord. Benedictinorum ad Saltum Thuringicum, anno 1085 à Ludovico Comite Thuringiæ fundatum, qui eo se recepit, ut pœnitentiam ageret, quod Fridericum Palatinum Saxonæ interfecisset, sicut & uxor ejus Adelheida, illius homicidii causa, jam dictum Cœnobium Oldersleben cum eadem intentione erexit. Adjacet huic Cœnobio aliud *Georgenthall* dictum à Comitibus à Kefernburg exstructum.

Abbatia & Cœnobium.

Castella.

Castella & arces, quæ maxime nomen merentur, sunt, *Beichlingen*, *Lora*, *Nebra*, *Arnschaug*, *Wassenburg*, *Sachsenburg*, *Scharfenberg*, *Wendelstein*, *Tennenberg*, *Heldrungen*, *Wertern*, &c.

Civitates liberæ sunt Mulhusia & Northusia.

Mulhusia, Germanis *Mulhaussen*, Civitas Imperialis libera, fertili in solo sita, Hanseatico fœderi inserta est. Celebris huc anno 1620 Conventus indictus fuit, quem constituere Electores Moguntinensis, Trevirensis, Coloniensis, Saxonæ, Maximilianus Dux Baviaræ, & Ludovicus, Landgravius Hassiæ ut in rem publicam intenti de tumultibus Bohemiæ consilium caperent: anno 1632 Comes Pappenheim 80 millia thalerorum urbi solvenda imposuit; nec minora incommoda insequentibus temporibus perpessa est.

Northusia, five *Northausen*, altera in Thuringia libera Imperii civitas ad juga Hercynia, quæ Thuringiam à Saxonia dispescunt, sita, protectioni Electoris Saxonæ (sicut & Mulhusia) se commisit. Gaudet hæc urbs multis privilegiis: Senatus quoque absolutam in cives potestatem habet, & omnes actus meri & mixti Imperii, & simplicis jurisdictionis: Anno 1612, urbs noctu fere tota incendio periit. Vltimis Germaniæ bellis, anno nempe 1642 à Konigsmarchio vi expugnata est, captis Cæsarianis omnibus fere ducibus.

Northausen.

Non inconveniens erit huc addere Dominium *Querfurt* in finibus Thuringiæ Hallensem Episcopatum versus situm, cujus caput *Querfurt*, urbs cum castello annexo, Electorem Saxonæ agnoscit, ad quem hoc dominium Pragenfi fœdere devenit. Olim suos habuit Dominos, qui illustri erant prosapia orti: ex his fuit Lotharius II, Imp. sicut & hodierni Comites à Mansfeldt illos inter proavos suos numerant. Anno 1630 Marchio Brandenburgicus per Legatum suum Bock Querfurtum & Mansfeldiam in suam potestatem redegit, ejectis Cæsarianis; at insequenti anno Cæsariani ea loca receperunt: anno 1640 à Suecis Querfurtum cum castello oppugnatum in flammâ abiit, & post aliquam defensionem à præfidiariis deditum est: anno 1641 & 42 iterum hinc & inde expugnatum est.

Querfurt.



MANSFELDIA

COMITATUS.



Ratio no-
minis.

Termini.

Antiquitas.

Vrbes.

Eislebia.

Omitatus Mansfeldiæ Superiori Saxonix in-
nexus est, inter Salam
& Wipperam fluvios.
Veteris itaque Saxonix
portio nomen habere
putatur à Manno, se-
cundo Germanorum
Rege, cum Mansfelt
nihil aliud sonet, quam
Manni campus. Eam etymologiam stabilire vide-
tur Ascania, locus huic proximus, quem Asce-
nez Germanorum patris nomen referre non-
nullis persuasum est. Est hic prope etiam As-
chersleben, quasi dicas, Aschenez domum, &
lacus ejusdem nominis. Ab Oriente Salam flu-
vium habet, territorium Magdeburgensis Ar-
chiepiscopi, & diœcesin Merseburgensem. Thu-
ringia à Meridie est, ab Occidente Comitatus
Swartzeburgensis, Stolbergenensis, necnon Prin-
cipatus Sangerhusii, Anhaltinus, & Assebur-
gius. His itaque Comitibus Principibusque cin-
gitur, Archiepiscopo Magdeburgensi, Episcopo
Merseburgensi, Electore Saxonix, Lantgravio
Thuringiæ, Duce Saxonix, Episcopo Halber-
stadiensi, Principe Anhaltino, Domino Bernbur-
genfi, Comite Swartzeburgensi, & Stolbergen-
fi, Domino à Werther, & Domino ab Asseburg.
Quando hæc regio, aut à quibus, titulo Comi-
tatus insignita sit, incertum. Antiquitas tamen
ejus ex eo evincitur, quod ejus Comes Hegerus
nomine, illius celeberrimi Arturii Britannorum
Regis coætaneus fuerit, atque unâ cum ceteris
hujus Regis Heroibus, mensam, quam vocant
rotundam celebraverit. Vixit hic Arturius circa
annum Christi 545. Quod si cui hæc de Tabula
rotunda historia nimis fabulosa videatur, exstat
nihilominus, in Angliæ Regni medietate fere,
oppidum Mansfelt dictum, situm inter fluvium
Trentam & Rotheram, non procul ab urbe No-
tinga.

Continet hic Comitatus in se quatuor alios
Comitatus, *Arnstein, Wipra, Wethin, & Quernfurt*.
Hi olim proprios habuere Comites, nunc uni
Mansfeldiæ Comiti obnoxii. Est quoque hic
Palatinatus Saxonicus, alique Principatus. Vr-
bes habet primarias *Mansfelt, Eysleben, Wipram &*
Leimbach. Mansfelt à Comitatu ipso nomen ha-
bet, cui proxime adjacet Leimbach; Wipra ses-
quimilliare abest, à fluvio Wipera nomen ha-
bens, Eislebia unico. Omnium maxima Eisle-
bia, quæ à metallis, quorum illic ingens proven-
tus, nobilitata est. Eruitur enim prope eam la-
pis niger fossilis, lithanthracum facie, qui ex-
coctus igni, æs fundit, magno civium & aliorum
incolarum lucro, quod acervi scoriarum & re-

Germania.

crementorum ingentes demonstrant. Lapis ille
fissus in scindulas, varias repræsentat formas, an-
guillarum, carpionum, ranarum, gallorum quo-
que & salamandarum, dædalæo naturæ opifi-
cio. Arx urbis satis firma est, ager vicinus ferti-
lis, ac porro imprimis abundans. Mercatus duos
solemnies habet civitas, unum Dominica post
Viti, alterum Dominica post *Galli*, qui in eos dies
rejecti sunt, propter Lipsienses nundinas, opera
Hojeri Comitis Mansfeldici, Consilarii Cæsæ-
rei. In hanc urbem convenere anno 1082 Prin-
cipes Germaniæ, & Hermannum Ducem Lo-
tharingium Comitem Sarrapontanum Roma-
norum Regem designarunt, fixa etiam illic sede
regia. Eum adversarii per contemptum voca-
bant Regem porraceum. Sequenti vero anno
Bremenfis Archiepiscopus cum Præsule Hildes-
hemio, qui Henricum Cæsarem sequebantur,
contractis copiis Iselebiam obsederunt, & to-
tam, excepta arce, expugnarunt, diripuerunt,
incenderunt, ac vastaverunt. Sed repulsi sunt
ab Hermanno Rege. Ferunt ingentem tunc Fri-
siorum numerum, qui sub Henrico militabant,
ab Hermanno casum esse, ope Ernesti Comitis
Mansfeldici, in vico qui inde Frisonum appella-
tur, *die Frenzstrasse*. Anno 1362 obsessa est iterum
à Friderico Lantgravio Thuringiæ & Marchio-
ne Misniæ, fratreque ejus Ludovico Episcopo
Halberstadiensi: arx etiam tunc valide oppu-
gnata. Sed quum expugnare fratres arcem non
possent; ira & indignatione concepta exusse-
runt pagos circumjacentes, & ingens damnum
agris intulerunt, templis & cœnobiis ex manda-
to Episcopi relictis integris. In bello autem
Germanico, anno 1542 Albertus Comes Mans-
feldicus, qui ob religionem innovatam proscri-
ptus fuit à Carolo Cæsare, ipso die S. Ioannis
Evangelistæ urbem invasit, arcem occupavit, ci-
ves evocatos ad sacramentum sibi præstandum
adegit, pecuniam & suppellectilem pretiosam ex
arce ablatam Mansfeldiam misit. Idem tamen
anno 1550 receptus est à Cæsare in gratiam, &
in integrum restitutus. Anno etiam 1510 tribu-
tus est à Maximiliano I Imperatore Comiti
Mansfeldiæ Hojero, atque adeo omnibus hujus
ditionis Comitibus, titulus Generosorum; con-
cessumque ipsis, ut pro viridi, rubra cera uti
ipsis liceret. Hæc urbs Martinum Lutherum
orbi dedit xi Novembr. 1483, parentibus Ioan-
ne Luthero, & Margareta.

Præcipui in hoc Comitatu saltus sunt *Tregen-* Sylva.
steig, Alzbein, Proschoff, Hohenbrant, Syffterholtz, Newe,
Hayn, Steinberg, Rabe, Bornberg, Alkenberg, Seuge,
& *Lintbal*; ex fluviis hi maxime numerandi, *Sala, Fluvii.*
Vnstrutt, & Wippra.

Regio valde fertilis, sed montosa, venis me-
talli-

Y y

Qualitas.



tallicis abundantissima, cupri præsertim, ut & argenti apud Mansfeldiam. Ferarum magna copia nobilibus occasionem tempus terendi præbet, sic ut & lanigerarum ovium & mansuetorum animalium abundantia incolis sustentamentum vitæ, & præter hoc non exiguas pacis tempore divitias ministrat.

Divitie.

Ex minarum seu metallicarum venarum proventu non exiguas opes Mansfeldiæ Comes adipiscitur, ita ut ejus redditus 40 mill. thalerorum excedere existimentur. Ex hac familia multi

præclari viri originem traxere, inter quos primus quidem referendus Albertus, qui anno 1560 obiit post octoginta annorum vitam: hic acerrime Carolo V se opposuerat. Petrus Ernestus, qui res Philippi in Belgica virtute sua valde promovit; Carolus ejus filius, qui bellis Belgicis initiatus, inde in Hungariam contra Turcas militatum abiit, quos vicit & fudit sæpius; & nostris temporibus Ernestus, cujus fama totam Europam occupavit.



PRINCIPATUS ANHALTINVS.

Termini.



Nomen.

Dessau.

Servesia.

Bernburgum.

Cothonia.

Includitur Principatus Anhaltinus ad Septentrionem Archiepiscopatu Magdeburgensi, ad Orientem Ducatu Saxoniae, ad Meridiem Mansfeldiae Comitatu, & ad Occidentem Episcopatu Halberstadiensi. Nomen illi à veteri castello Anhalt, ad juga Hercyniae Silvae sito, quod Archiepiscopus Magdeburgensis & Marchio Misnensis anno 1140 diruerunt.

Caput totius Principatus est urbs *Dessavia*, quæ nunc sedes est Principis Iohannis Georgii, Marchionatus Brandenburgici Gubernatoris, ad Multam fluvium non longe inde in Albim se effundentem, sita, nuperis bellis ob vicinum Albi injectum pontem, & opere militari munitum, ut & clade Mansfeldii, satis celebris & nota. Anno 1631 munimentum ponti servando exstructum à Cæsarianis relictum, & metu Suecorum, una cum ponte, incensum & combustum est. Multis exinde belli cladibus urbs hæc affecta, nunc pace Germanis post longa bella concessa, iterum revirescit. Arcem habet pulcherrimam & satis magnificam, Italarum more exstructam. Secunda huic, imo potius æqualis vel major, est urbs *Servesia*, *Zerbst*, nobili cerevisia celebris, quæ in Franconiam, imo ipsum Belgium, & alias regiones devehitur, vino contra cara est. Distat Magdeburgo 5, Witteberga 3 milliariibus. Arcem habet urbs pulchram, & Principis aulae opportunam. Imprimis celebre hic Gymnasium est à Ioachimo Ernesto, Principe Anhaltino, apertum, cuius Rectores, & Professores fuerunt G. Bersmannus, ac Christianus Becmannus, uterque ex Criticis non minimi nominis. Reliqua oppida sunt: *Bernburg*, cum arce, in qua Christianus, Princeps Anhaltinus, sedem fixit. Situm est oppidum ad fluvium Salam, in solo omnis generis fructuum feracissimo. Anno 1115 à Vandalis dirutum, & incensum est; Anno 1139 ab Henrico Superbo, Bavariæ, & Saxoniae Duce obsessum, & incendio scedatum, exinde à Magdeburgensibus & Hallensibus, sed irritò conatu tentatum est. Anno 1636 à Saxonibus quinto assultu vi captum, & magna cum Suecorum & civium clade, fere direptum est. Insequentibus annis à Suecis, & Cæsarianis hinc inde obsessum, & expugnatum multa damna pertulit. *Cothonia* celebris olim & potens urbs, hodie è ruinis æstimatur; quippe à Vandalis diruta, postea alio non longe disito loco formæ fere triangulari reedificata est. Anno 1547 *Cothonia* cum adjacentibus terris à Carolo V, *Germania*.

miti Sigismundo Ladronio concessa est, quod Anhaltinus Protestantium partes secutus esset; sed intercedentibus postea aliis Principibus, Principi reddita est, qui econtra non exiguam argenti summam expendere cogeatur. Eodem anno magna urbis pars cum turri arcis incendio exhausta, materiem sequentibus Principibus præbuit arcem novam ex fundamentis erigendi; quod ipsum, consensu cæterorum Principum Anhaltinorum, nempe Iohannis Georgii, Dessaviam, Christiani, Bernburgum, Augusti, Plotzkam, Rudolphi Ludovici, Servesiam tunc incolentium, circa annum 1598, ad effectum perduxit Ludovicus, Wolfgangi Anhaltinorum Principis successor minime degener. Adjunctos huic arci hortos omnibus florum, herbarum, arborumque generibus refertos, fama Alcinoi hortis æquavit. Nec minus celebre est illud Arcis Atrium, in quo omnium fere, qui Fructiferæ Societati adscripti sunt, nomina, & insignia muris affixa sunt: quorum anno 1646, 450 erant, inter quos 2 Electores, 32 Duces, 2 Palatini Comites, 4 Landgravii, 4 Marchiones, 17 Principes & 32 Comites numerabantur, præter plurimos nobiles & equites, quorum nimis longus ordo. Horum omnium caput fuit modo dictus Ludovicus, Princeps Anhaltinus doctissimus, qui hic Matriculam, sive librum, cui unusquisque ex Societate nomen inscripsit, asservari curavit. Mortuus est hic Ludovicus anno 1650, cuius in locum successus est, ut Societatis Senior, Dux Saxo-Wimariensis, Guilielmus. Sed filius ejus unicus, Guilielmus Ludovicus, optimo Patri successit in hæreditatem, & Cothoniam cum Principatu & adjacenti districtu solus possidet. Cothoniam sequitur *Hertzigeroda*, urbs haud ignobilis, ac Hercyniæ Silvæ vicina. Hæc cum adjacenti terra peculiariter suum agnoscit Principem, ex Anhaltinis oriundum, quem arce satis culta excipere videtur. Principatus enim Anhaltinus, quod obiter hic notandum, mortuo Georgio, totius Anhaltinatus Principe, ac omnium ditionum rectore ac possessore, in plurimas pedetentim partes scissus ac divisus est. Ac primum quidem anno 1546 in quatuor Principatus peculiares; quorum primus attributus est Georgio, Præposito Magdeburgensi, & Misnensi, Principi in Anhalt & Warmsdorf, plurimis scriptis Theologicis claro. Secundus adjudicatus est Iohanni & Bernhardo, Cerveciorum Principi ac Domino. Tertius Ioachimo Ernesto, nempe Dessavienfis, Arcis Dessavæ, ac pontis per Albim conditori, qui tandem solus superstes rursus possessor totius Principatus est factus. Quartus, nempe Cothonienfis, Wolfgango, Woldemari Principis filio. Hodiernis vero temporibus, præter dictos quatuor



tuor Principatus, nempe *Deſſavienſem*, *Zerveſtanum*, *Bernburgicum*, & *Coſthonianum*, ſe quoque offerunt adhuc duæ partes, *Herzigerodana*, & *Worlitzenſis*. *Plotzkam* pagum emit Princeps Auguſtus, atque inibi aulam ſuam celebrare ſolitus eſt.

Oppida
alia.

Oppida huius Principatus reliqua ſunt *Worlitium*, cum arce, *Raguna*, & *Ieſnitium*, quæ ad Principem Deſſavienſem proprie ſpectant; item *Coſpicum*, ad Albim fluvium ſub Principatu Zerveſtano ſitum; ut & *Ermsleben*, *Munchenmeuburg*, & alia minora. Non longe ab oppido *Ermsleben* ſitum eſt Cœnobium Virginum *Gerrenroda*.

Mores.

Incolæ huius regionis proceri plerumque, & craſſi ſunt, ut & mulieres, pluſquam aliæ Germaniæ gentes: civiliores, & politiores quoque ſunt cæteris Saxonibus verſus occaſum, & ſeptentrionem degentibus.

Divitiæ.

Reditus Principis Anhaltinatus ſupremi non adeo magni, qui illi tam ex dominiſui proventibus, quam ex impoſitis tributis, & oneribus, ut & teloniis in omnia aliunde eveſta mercimonia conſtitutis proveniunt. Ius cudendi monetam cum reliquis Germaniæ Principibus idem habet. Aulam non magnificam aut ſumptuoſam, ſed ſuis redditibus parem exhibens. Statum ſuum per paucos adminiſtrat, qui Senatus, ſeu Conſilii locum Deſſaviæ repræſentant. Ipſe Princeps Calvini opinionibus, cum cæteris ſuis cognatis, addiſtus eſt, excepto Iohanne, Rudolphi filio, qui Principatui Zerveſtano præeſt, ac Auguſtanam Confeſſionem conſtitentibus ſe rurfus adiunxit.

Primus huius Familiæ progenitor, erat *Henricus*, Ducis Bernardi, Electoris Saxonæ filius, & Alberti Vrfi Nepos, qui Marchio Brandenburgicus fuit. Tædioſum nimis foret omnes ex illo ortos numerare: incipiemus itaque à *Georgio*

Principe Anhaltino, Comite Aſcaniæ, & Domino Bernburgi, qui anno 1474 deceſſit, relictis Woldemaro IV, patre Wolfgangi, qui cælebs vixit, Lutheranam religionem amplexus, & obiit 1566; ut & Erneſto, & Ioachimo Erneſto.

Erneſtus, Georgii filius, genuit Georgium, qui anno 1552 Deſſaviæ mortuus eſt; Ioachimum qui in diſiſione Deſſaviam accepit, & ibidem fatiſ conceſſit anno 1561; & Ioannem, qui Princeps Anhaltinus & Zerveſtenſis remanſit; obiit anno 1551. Lutheranam in ſuo Principatu religionem valde promovens, & relinquens Carolum, qui ſine maſcula prole deceſſit.

Ioachimus Erneſtus natus anno 1536, mortuus eſt Deſſaviæ anno 1586. Ejus filius fuit

Ioannes Georgius, natus 1567, pater Ioachimi Erneſti, nati an. 1592; Chriſtiani Iunioris, nati an. 1593; Ioannis Caſimiri nati anno 1596, ac denati anno 1660; Friderici Mauriti, nati anno 1600, & poſtea mortui; Eleonoræ Dorotheæ, natæ anno 1602, & Sibyllæ Iuſtinæ anno 1603 natæ.

Chriſtianus Ioachimi Erneſti alter filius, & Ioannis Georgii frater, natus anno 1568, pater Chriſtiani, nati anno 1599, & Erneſti nati anno 1608.

Reliqui Ioachimi Erneſti filii fuerunt, Bernardus, natus anno 1571; Auguſtus natus anno 1575; Rudolphus natus anno 1576; Ioannes Erneſtus, natus anno 1578; & Ludovicus natus anno 1579.

Ioannes Caſimirus unicum ſolummodo filium genuit, Ioannem Georgium, qui Patri in Principatu Deſſaviæ ſucceſſit, cujus Soror unica ſuperſtes Loyſa, nupſit Chriſtiano, Duci Brigenſium, & Lignicenſium.

S A X O N I A

D V C A T V S.

Termini.



Qualitas.

Aër hujus regionis frigidus & asper, sed non infectus, & saluberri-
mus est, exceptis locis quibusdam uliginosis, in
quibus vapores aërem paululum inficiunt. Fru-
menti terra feracissima, sed vini inops; quem
defectum eximia ex frumento decocta cerevisia
compenfat: Armentorum greges innumeri, &
piscium abundantissimi fluvii, præterea feraces
fructuum, olerum horti, omnis generis incolae
deliciis explent.

Mores ve-
teres.

Veterum Saxonum historias inspicienti, inve-
nientur fuisse viri proceræ staturæ, robusti, facie
in horrorem composita, oculis cæcis & minaci-
bus. Nec absimilis erat eorum vita, ad feram
barbariem accedens: si quid obvenisset, quod
eorum iram excitaret, rationis apud eos nullus
usus, & gladio decidenda lis erat; iterum, ubi
illa deferbuisset, in amicitiam mutatis odiis con-
vivium agitabant, & aliorum arbitrio rem per-
mittebant. Fides in iis summa; nec ullum ma-
jus convitii dedecus, quam fractæ fidei. Pira-
ticam summo studio exercentes, unusquisque
imperator, miles, & naucerus erat: omnes pa-
riter in belli furta maxime intenti: quæque alios
terrent naufragia, ipsis animos addebant, ita ut
terribiliores hostes nulli inveniri possent; inopi-
nato se in aliorum terras effundere, & prædis
actis, ut se detectos sentiebant, domum reverti
ipsis familiare: quod si hoc absque certamine
fieri non posset, viros se ostendere fugiendo,
quo se tuto subtraherent, despiciere. Monumen-
ta nisi summæ virtutis hominibus erigebant; to-
tusque ille honor in eo consistebat, si sepul-
chrum lapide obrutum, aut cæteris magis ex-
cellsum esset.

Regiminis
antiqui for-
ma.

Regiminis apud eos forma fere Aristocratica
erat. Duodecim ex suo corpore cæteris sapien-
tia, fortitudine & prudentia præstantes elige-
bant, quibus omne regiminis jus summa cum
authoritate commissum. Et sic quidem tempo-
re pacis: bellis vero hinc inde perstreptibus, ex
illis duodecim Ducem seu Imperatorem regio
cum titulo adsciscabant, cui totius exercitus sa-
lus tuenda deferebatur. Furta morte punita ab
illis; iuramenta per armorum suorum dignita-
tem præstabant; & si quis perjurium commi-
sisset, cæteris assidere, vivere aut edere cum
tali tempore belli capitale; tempore vero pacis

Germania.

exilio multabatur. Religio illis cum vicinis
eadem, nisi quod quæque regio suos quosdam
tutelares deos haberet.

Moderni Saxones sunt homines robusti, for-
tes, proceri; ingenui, optimæque conversatio-
nis, affabiles & humani magis quam ulla Supe-
rioris Germaniæ natio. Ingenii vivacioris sunt,
& subtilioris quam ex corporis proceritate con-
jicere liceret; sed sunt rudiores in quibusdam,
quod tamen cum gratia aliqua mixtum ipsis non
dedecori est. Honoris acquirendi & retinendi
avidissimi, patientes laboris, maxime militaris:
Lucri quoque valde appetentes sunt. Fidem da-
tam servant, in amicitis tuendis constantes, in
consiliis lenti, sed non stupidi; latæ semel senten-
tiæ tenacissimi; nihil nisi rarissime in moribus
mutant, inveterata optima existimantes: in victu
porro, nempe cibo & potu immodici. Quoad
vestium modos attinet, Nobiles, ut solet, sed
hujus regionis præcipue, reliquis (nempe mino-
ris qualitatis hominibus) splendidiore sunt,
thoraces oblongos induti, in quorum manicis
plurimum sacculos habent, in quibus strophio-
la, & sæpissime argentum recondunt. Caputibus
pileos imponunt ex serico velluto, quos *Brun-
swicher huti* nominant. Capillos habent longos ad
modum Gallicum, nisi quod majores natu, illos
decurtent. Equari sibi in vestibus mercatores,
opifices & ignobiles cives, impatientissime fe-
runt; ut & connubia nectere cum illorum libe-
ris utriusque sexus, summum dedecus existimant;
quos in opprobrium *Pfefferack*, id est, piperinos
saccos appellitant, quamquam inter mercato-
res aliqui sint, qui filiabus suis 30 millia thal. in
dotem conferant.


Lingua non omnibus eadem: sed ad Albis ri-
pas plurimi pagi sunt, quorum incolæ Windo-
rum linguam loquuntur: Italica, Gallicaque
longe minus illis cognita, ac Austriacis, Pala-
tinisve.

Lutherana & Calvinii doctrina hic maxime
viget; magis tamen Lutherana, cui multi Ar-
chiepiscopi, Episcopi, Prælati, ut & Abbatissa
de Quedlinburg addicti sunt. Ipse Elector Sa-
xonæ, cum reliquis ejusdem Familiæ Ducibus,
eandem fovet & amplectitur.


Primaria Saxonæ Superioris urbs est *Wite-
berga*, cui nomen non ab albis montibus, sita
est enim in planitie, sed à Witikindo datum, Sa-
xonice Domus capite. Planitiem habet undi-
que apertam, adeo ut eminens adventantes pro-
spectari è vallo possint. Fossa urbem ambit am-
pla admodum & profunda, cum vallo lato pe-
des sexaginta. Ad ejus pedem murus est alter
demissior, in usum tormentorum adversus con-
sensionem dispositorum. Ambiunt urbem mu-
nimenta quinque, præter arcem, quæ in extre-

A a a

ma



Serenissimo ac Cellissimo
Principi,
IOANNI GEORGIO,
D. G. SAXONIE DVCI,
S. R. I. Electori Cassero,
et Archimarchi, etc.
MARCHIONI MISNIE, THVRINGIE
LANDGRAVIO, etc.
F. H. H. D. D. J. Blaeu



ma urbis parte loco eminentiore sita, urbem, muros, suburbia despicit. Septentrionem versus munitur aditus palude, Orientem versus Albi. Arcem veterem instituit Bernardus II, Alberti Vrsi filius, ex nobili familia Principum Anhaltinorum & Ascaniorum, cui Conradus II, Imperator, ditionem Witebergicam confirmavit, eandemque contulit Electori Saxoniae. Accessit postea ejus collationis confirmatio per Fredericum I I, Imperatorem. Ita factum est, ut diu admodum civitas ista Electoralis sedes habita fuerit. Sepulti in ea sunt Duces, & Ducum conjuges plurimae. Porro templum, in quo tot Principum cadavera recondita sunt, mutatum nonnihil est à Ioanne Frederico Electore, translatis defunctorum ossibus in templum arcis. Hujus etiam se industria potissimum efferre coepit civitas, modica hactenus, & non pro tantorum Principum gloria. Hic pontem in Albi exstruxit: arcem de integro aedificavit: summum templum, quod est Vrsulae & undecies mille virginum, fundavit. Condidit quoque cœnobium Eremitarum Augustinianorum, quod postea Academiae cessit, & habitationi Lutheri. Academia instituta fuit anno 1502. Sigillum Academiae datum hujusmodi: Effigies Frederici Electoris & fundatoris trabeata, cum ense & cum inscriptione, ME AVSPICE COEPIT WITEBERGA DOCERE.

Anno 1547 mense Majo urbs ab Imperatore Carolo V obsessa, & tandem sub ejusdem mensis finem expugnata est. Vltimis vero bellis Germaniae, non quidem iusta unquam obsidione cincta, plurimis tamen & quidem gravibus cladibus affecta est. Anno 1637 ob incursum Suecorum metum incensa sunt à praesidiariis militibus suburbia, ut & Academiae Hospitalis, cui erigendo fere tota Germania contulerat. Praecipue tamen anno 1640 maximo incendio urbs foedata, absumptis multis aedibus; quae necdum reaedificatae, cum destructarum ruinis mixtae, magnam urbis partem desertam efficiunt, praesertim versus Elsteranam portam.

Multi quoque in Saxonia secundam à Witteberga urbem Torgaviam constituunt, quae ad Albim fluvium in planitie sita, (ita tamen ut à quolibet latere urbem ingredientibus equidem aliquantum ascendendum sit) egregiis exornata aedificiis, & mercaturae percommoda est. Multi huc Principes conventus seu Comitiae indixere; multi quoque hic nuptias celebrarunt, amoenitate loci, ubertate agrorum & omnium rerum abundantia allekti. Inclaruit quoque haec urbs eximia, quae hic coquitur, cerevisia, quam in vicinas regiones avehentes incolae, non exiguum urbi emolumentum adferunt. Inter structuras profanas prima se spectantium oculis ingerit Ducalis arx, quae à Iohanne Friderico Electore anno 1535 exstructa, & anno 1544 procera turri aucta & ornata est. Insequentibus post seculum fere bellis, anno 1636 à Suecis obsessa & expugnata, & iterum insequenti anno relicta; postea anno 1639 ab iisdem 12 millibus talerorum taxata, tandem à Torstenfonio, anno 1642 & 1644 à Konigsmarkio obsessa & capta, quas

clades, quos belli casus pertulerit, unusquisque satis conicere poterit.

Cætera hujus Ducatus oppida haec sunt: *Oppida.* *Beltzig*, quatuor milliaribus Witteberga distans oppidum, cum arce in finibus Marchionatus Brandenburgici; bello Sueco-Germanico exustum est. *Brettin*, ad Albim, quo non longe distat arx *Liechtenberg*, sedes nuper viduae Christiani II, Electoris Saxoniae, è Regia Danorum stirpe oriundae. *Dama*, Magdeburgici olim juris, anno 1635 cum quibusdam aliis, juxta foederis Pragensis pacta, haereditarie Saxoniae annexum est. *Düben* five *Dieben*, oppidum ad Muldam fluvium medium inter Lipsiam & Wittebergam, hinc inde quatuor milliaribus distans, arcem habet, in qua olim anno 1188 Albertus Marchio Misnienfis patrem Othonem detinuit, quod minorem natu in successione majori praepone voluisset. Celebris quoque hic locus conjunctione copiarum Saxonicarum & Suecicarum, quibus ipse Rex & Elector praerant, cum in Comitem Tilli, eas ducerent. Anno 1637 à Suecis oppidum hoc direptum & incensum est. *Guterbock*, oppidum cum arce olim Magdeburgensi Archiepiscopatu subiacens, optimo totius Germaniae ante bella nupera hospitio famosum, quippe ubi in conventu ob turbas Iuliacenses indicto, 24 Electores Principesque simul coenavere. Anno 1644, 23 Novembris praelium non longe hinc commissum inter Suecos & Casarianos, quo hi in fugam coniecti, & eorum Duces plurimi & inter eos Enchefordius capti sunt. *Hertzberga* ad Elsteram situm oppidum, ex iis unum, quae nupero bello suburbia amisit: anno 1631 acriter à Suecis impugnatum, sed ab accurrente Arnhemio periculo exemptum est. *Liebenwerda* Elsterae adjacens modicum oppidum, arcem & egregiam venationem habet, anno 1641 à Suecis incendio deletum. *Schmideberga*, prope oppidum *Düben*, egregia, quae ibi coquitur, cerevisia clarum, anno 1637 à Suecis direptum & incensum est. *Schweinitz* oppidulum Elsterae adjacet, quo uno milliari distat arx *Lochau*, quae ab Anna Augusti Electoris priore conjugereaedificata Annaburgi nomen accepit, olim clade 2 filiorum Electoris Rudolphi, 6 Nobilium epheborum cum praepatore suo, à collabente turri obrutorum famosum. *Gommern* Saxonicum nunc juris oppidum, antea ad Magdeburgensem Marchionatum pertinebat; Suecicis bellis incensum est: sunt & oppidula alia quae nominasse sufficiet: *Dommitzsch*, *Iessan*, *Kemberg*, *Niemeck*, *Pretsch*, *Schlieben*, *Schilda*, *Seida*, *Vbigaw*, *Warenbruk*, & *Zanaw*, è quibus plurima incendio deleta sunt tempore belli Germanici.

Fluvii Saxoniam irrigantes sunt, *Albis*, qui è *Misnia* in hunc Ducatum se effundens, *Torgavia* & *Witteberga* visitatis, per Anhaltinum Ducatum in Magdeburgensem Archiepiscopatum dilabitur, & non longe Hamburgo in Oceanum se exonerat: *Mulda* è Voigtlandiae montibus ortum trahens, exinde per Saxoniam in Anhaltinum Ducatum excurrit, ibidem Albi confluens. *Elstera* paulo supra Caminum in Lusatia ebulliens, eidem Albi non longe Witteberga sociatur.

Montes in Saxonia multi, sed continui, uno *Flem-* *Montes & Sylva.*

Flemmingi nomine comprehenduntur: extendunt se ab Anhaltino Ducatu usque ad intima Inferioris Lusatiae. Sylva quoque non exigua prope Dübenam, *die Dieberhande* vulgo vocata, intus saepius viatoribus, Misniam versus non longe Hertzberga jacent.

*Dominia
Domus Sa-
xonice.*

*Vires Ele-
ctoris.*

Parentia Domui Saxonicae Dominia sunt, Saxonia Superior, ut diximus; Misnia, Thuringia, Lusatia, Voigtlandia, seu Terrae Advocatorum pars, & Comitatus Henneberg in Franconia. Dividitur hodie in quinque Familias, Saxoniam nempe Electoralem, Wimarientem, Altenburgensem, Coburgensem & Isenachensem. Viribus & potentia inter has excellit Electoralis Saxonia; quippe cum Elector ex redditibus annuos habeat 1000000 thaleros, Argenti fodinas plurimas, & Nobilium innumeram cohortem, qua reliquos omnes Germaniae Principes superat, ita ut octo millia equitum & plusquam 20 millia peditum hosti objicere possit, & intra tertium diem ultra mille nobiles conjungere, divite armorum apparatu instructos. Nec parum Elector nupero bello Germanico Caesareis partibus profuit. Quod militarium rerum, armorum, tormentorumque copiam attinet, refertissima eorum armamentaria Wittebergae, & praecipue Dresdae habet, quorum numerus infinitus. Multis quoque & inexpugnabilibus quasi munimentis regio tuta hostium insultus acerrime semper ulta est.

Regimen.

Aulam suam Elector Saxoniae fere semper Dresdae habet, ubi & Nomophylacium cum Consilio, à quo omnis regio jura accipit. Exercet hic Princeps non solum Jus Civile, sed & Ecclesiasticum, omniaque Ecclesiastica edicta suo nomine promulgat, constituens Superintendentes, qui Episcoporum veterum locum obtinent, & verbi Divini Ministros. Plurimos habet Gubernatores seu Praepositos, quibus pagi aliqui & oppida subjecta sunt, ut & minores magistratus, *Wit* dictos, qui redditus Principis colligunt, & Scabinos, illis *Schöffen*. Urbium unaquaque suos habet Consules & Senatum, sed qui ab Electore & Praefecto dependent. Pagi & oppida habent quoque suos Iudices, quos *Schultzei* vocant, alibi *Richter*, & nonnunquam *Kruger*, qui rusticorum lites decidunt. Iure illic utuntur scripto, quod Saxonicum appellant, multis in rebus ab Imperiali differens, quod Saxonici Iurisconsulti in Pandectarum quasi formam composuerunt. Crimina acriter puniuntur; nec differentia ulla inter Nobilem aut ignobilem observatur.

*Genealogia
Electorum
Saxonice.*

Electores Saxoniae ortum trahunt è Misniae & Thuringiae Marchionibus & Landgraviis, è progenie Witechindi, magni Saxonum Ducis, tempore Caroli Magni. Primus ex hac familia Electoratum adeptus est Fridericus Bellicosus, filius Friderici Severi, post obitum Alberti III, Electoris Saxoniae, qui sine mascula prole decessit; à Sigismundo Imperatore anno Christi 1426, Budae in Hungaria ad id fastigium evectus, quod rebellantes in Caesarem Bohemos domuisset. Obiit anno 1428, sepultus Altenburgi.

Successit Patri Fridericus Pacificus seu Bonus, natus anno 1411. Ex Margareta Austriaca, sorore Germaniae.

Imp. Friderici III, genuit Ernestum I, & Albertum; obiit anno 1464.

Ernestus I, natus anno 1441, patrem in Electoratu secutus, uxorem duxit Elizabetham Alberti Bavariae Ducis filiam, è qua suscepit Fridericum III, Sapientem, Ioannem Constantem, Ernestum Archiepiscopum Magdeburgensem, & Albertum Archiepiscopum Moguntinensem; obiit anno 1486.

Fridericus III, dictus Sapiens, natus Torgaviae anno 1463, in Romanorum regem electus, dignitatem illam aspernatus est. Obiit caelebs anno 1525.

Ioannes, Friderici frater, natus anno 1469, ex priore Coniuge Sophia, filia Magni Megapolitani Ducis, Ioannem Fridericum I, ex altera Ioannem in infantia mortuum, & Ioannem Ernestum I, suscepit. Excessit anno 1532.

Ioannes Fridericus I, natus Torgaviae anno 1503, Religionem Lutheri magno animo defendit, quare ab Imp. Carolo V captus, & Electoratu privatus est, quem in cognatum ejus Mauritium contulit. Obiit anno 1554.

Interea temporis Albertus Electoris Friderici II, Pacifici, filius, natus anno 1443 Grima ad Multam, urbem Annebergam aedificat, ducta in uxorem Zedena Georgii Bohemiae Regis filia, è qua nati Georgius, & Henricus I, natus anno 1473, qui uxorem duxit Catharinam filiam Magni Megapolitani, è qua genuit Severinum mortuum adhuc minorem, Mauritium & Augustum postea Electores. Obiit Georgius anno 1539, & Henricus I, anno 1541.

Mauritius, natus Friburgi anno 1521, partes secutus Caesarianas contra Confoederatos Principes Smalcaldicos, Electoratum à Carolo V adeptus est, cum plurimis Ioannis Friderici terris: decessit ex ictu bombardae in Marchionatu Brandenb. anno 1553, absque mascula prole.

Augustus, natus Friburgi anno 1526, fratri succedit; liberos plurimos sustulit, sed in infantia mortuos, excepto minimo natu & successore

Christiano I, nato Dresdae anno 1560, qui ex uxore Sophia, Ioannis Georgii Marchionis & Electoris Brandenburgici filia, filios habuit Christianum II, natum Dresdae anno 1583; Ioannem Georgium, Augustum III, Administratorem Episcopatus Naumburgensis, & tres filias.

Christianus II, post patris obitum anno 1592, sub tutela Friderici Guilielmi Ducis Saxo-Wimarientis ad aetatis suae annum 18, exinde suo Marte Electoratum administravit: obiit absque mascula prole anno 1611.

Ioannes Georgius fratri successit, natus Dresdae anno 1585. Bello Sueco-Germanico primum Sueci, dein Caesaris partes fovit: obiit anno 1656, cui successit ejus primogenitus,

Ioannes Georgius II, Sacri Romani Imperii Princeps, Elector, Archimareschallus, & c. etiamnum hodie superstes, natus anno 1613, 31 Maji; Conjux illi Sibylla Christiana, Marchionis Christiani Brandenb. filia, è qua sustulit Ioannem Georgium, natum anno 1647, 20 Junii, Ermutham Sophiam, & Sibyllam Mariam.

Reliquorum aliarum Famil. Ducum Genealogiam sui cujusque Ducatus descript. inferuimus.

B b b

H A L L

HALL EPISCOPATUS.



Termini.

Incole ve-
teres.Hall Civi-
tas.

Hallenſis Episcopatus modicus Archiepiscopo Magdeburgensi ſubjectus eſt. Vicina illi ad Orientem Saxonia Superior, ad Meridiem Miſnia, ad Occidentem Mansfeldiæ Comitatus, & Anhaltinus Principatus ad Septentrionem.

Veteres olim Hermunduri inventum hic ſalis fontem ex volutante & incruſtato in eo porco, ſtatim diligentius coluere, ita ut proſperi ſucceſſus fama in vicinas continuo terras erumpere; quæ Cattos, nunc Heſſos, excitavit, & animos dedit, ut armis illum fontem Hermunduris eriperent. Sed hæc eorum aviditas optato caruit eventu: Victi namque & cæſi ab incepto deſiſtere coacti ſunt. Ita enim de iis Tacitus: *Eadem æſtate inter Hermunduros Cattosque certatum magno prælio, dum flumen gignendo ſale ſecundum & conterminum vi trahunt: religione inſita, indulgentia numinum illo in æmne, illisque ſilvis ſalem provenire, non ut alias apud gentes eluvie maris aſcende unda, ſed ſuper ardentem arborum ſtruem fuſa, & contrariis elementis, igne atque aquis concreta.* Sed erravit in eo Tacitus, quod ſalem putavit ex flumine confici. Et habet quidem fluvius à ſale nomen, vocatur enim Hala, Græciſque ἅλς ſalem ſignificat, unde Hala urbs. Non tamen ex undis fluminis, ſed ex fontibus amni vicinis ſal & olim conſectus eſt, & nunc adhuc conſicitur. Fontes illi ſunt numero quatuor, eminentes, ad S. Mauritium verſus Septentrionem, quorum tamen primarius eſt, qui *Tentonicus* appellatur, qui in circuitu 107 caſas habet. Quarum unaquæque labrum continet, in quo noctu dieque 10 ſalis fruſta coquuntur, ejus magnitudinis, ut uni ex illis ferendo vix homo ſufficiat. Ex eo tam copioſa aqua erumpit, ut niſi exhauriatur, intra dies XXI exundet, ſequæ in profluentem exoneret. Hi fontes flumini nomen, & occaſionem communi opinioni dederunt, quaſi ex flumine ſal gigneretur. Iidem cauſa primum fuere vici aut pagi, dicti initio *Dobrefola*, vel *Dobrebora* à Sclavis vel Vandalis, qui huc venerant; qui poſtea ſub Othone II Imperatore in urbem converſus ſit anno 981. Vrbs itaque ad Salam fluvium in fertiliffimo ſolo ſita, inſequentium temporum tractu in immenſum aucta, pulcherrimis plateis diſtincta, à quibuſdam Hanſeaticis urbibus annumeratur. Longa 1617 paſſus à Meridie verſus Septentrionem, lata 1078 ab Ortu ad Occidentem, in murorum circuitu 5796 paſſus extenditur. Inter ſtructuræ ſacras ſunt Eccleſia major Cathedralis, cui quatuor turres impoſitæ ſunt; Templum S. Vlrici, S. Mauritii, & Episcopale novum, à Cardinale Alberto Archiepiscopo Mogunt. & Magdeburgenſi fundatum, & templum ac Cœnobium Franciſcanorum, quod Archiepiscopus Sigismundus anno 1565 Gymnaſio conceſſit; cujus Adminiſtrator Marchio Ioachimus Fridericus 24 jugera agri ſuperaddidit, & decem Doctores inſtituit, qui juventutem inſtruerent. Extra urbem ſunt templa S. Laurentii & S. Georgii cum pluribus ſacellis hic illic

ſparſis. E profanis ædificiis eminet maxime Mauritiiburgum, fortuito incendio anno 1640 plurimum conſumptum; Cancellaria, ut vocant; Domus Publica; Bibliotheca; Cella vinaria publica; Armamentarium; Scabinorum Domus; Fons artiſcioſus; & ſola in foro rubra turris ex quadrato lapide conſtructa, 140 ulnas alta, cum campanis, horologiis &c. Varii quidem in hac urbe Iudicarii conſeſſus ſunt: ſupremum tamen iudicium apud Senatum eſt, qui 26 Senatoribus conſtat, è quibus duo Præſides, duo præterea *Worthalter*, tres Camerarii, & unus Secretarius, alique officarii unoquoque anno vicatim eliguntur; ex his quoque Senatoribus ordinantur, qui injuriarum & debitorum delationes cognoscunt, & quæ alia hanc rem ſpectant: ſunt quoque *Iudicialia Principis Officia*; *Prætor*, & in valle ad fontes *der Oberbornmeiſter* cum adjunctis, qui à Senatu eliguntur, ab Archiepiscopo vero confirmantur. Eſt quoque *Scabinorum ſedes*, in qua 8 Iuriſperiti jus dicunt cum Prætor; nec tantum in urbe, aut Archiepiscopatu, ſed in vicinis quoque regionibus, per literas rogati, ſententiam ſuam pronunciant. Anno 1264 Rupertus Magdeburgenſis Archiepiscopus, adjutus à Comite Mansfeldico, Halenſes multis incommodis affecit, & grandi pecunia mulctavit, quod autores fuiſſent ludæis illic agentibus, ne Archiepiscopo cenſum ſolverent. Anno Chriſti 1433 conſpirarunt Halenſes cum Magdeburgenſibus adverſus ſuos Præſules, à quibus ſe premi iniquis exactionibus conquerebantur. At hi illos vibrato excommunicationis fulmine ſperabant ad officium poſſe cogi. Quam ſpem quam irritam viderent, Electorem quoque Saxonie Fridericum promiſſa ingenti pecuniæ vi in ſuos cives concitarunt. Is ergo adjutus à fratre Guilielmo Lantgravio Thuringiæ, itemque à Lantgravio Haſſiæ, & Comitibus Swartzenburgicis, Mansfeldicis, Stolbergicis, & Honſteiniis Halam obſedit, ac tormentorum globis petiit. Halenſes vero adjuti à Brunsvigiis ſociisque fortiter ſe defenderunt. Tandem vero ita tranſactum eſt, ut Halenſes & Magdeburgii capitulo omnia redderent quæ bello occuparant, cætera oblivione perpetua involverentur. Anno 1478 diſſenſio inter Senatum & ſalinarum dominos nata eſt, in qua per tumultum occiſus eſt Schiltbachius honeſtus civis. Ob hanc diſſenſionem accerſiti Halberſtadienſes in conſilium adhibiti ſunt. Tandem ita conventum, ut Halenſes propter ſeditionem motam Archiepiscopo ſolverent quartam partem ſalinarum ſuarum, quintam vero partem reliquorum bonorum ſuorum omnium, ac præterea 500 amplius florenos conferrent ad ſtatuum monumentum perpetuum Schiltbachio, ei de quo jam diximus. Anno 1630 ſtrategemate ab Archiepiscopo intercepta urbs eſt; arx tamen conſervata, cui Cæſariani ſuccurrentes adeo inexpectati ſe adverſæ parti oſtenderunt, ut omni præda relicta aufugerint. Exinde ſæpiſſime hinc inde, non ſine magno ſuo detrimento, capta & amiſſa eſt.

L V S A T I A.

Populi ve-
teris.



Termini.

Incolarum
indoles.

Diviso.

Vrbes.

Gorlitium.

Lusatiam, regionem inter Albim, Viadrum five Oderam, & Bohemiam montes interjacentem, olim habitatam fuisse ab *Elisis* vel *Ligiis*, uti à similitudine vocis colligitur, ita etiam à *Ioachimo* Curreo affirmatur. Terminatur à Meridie regno Bohemiam; ab Occidente Misnia & Saxonia; ad Septentrionem Marchiam Brandenburgensem habet; versus Orientem claudit latus ejus Silesia Inferior. Fuit aliquando Misnia conjuncta. Tandem Bohemi ad se pertraxerunt. Incolarum ingenia, mores, & lingua parum à Silesiis differunt, sed unica fere appellatio, & distincta praefectura discrimen facit. Lusatia duplex est, Superior & Inferior. Sunt autem in hac Superiore, de qua nunc agimus, urbes sex; *Gorlitium*, *Budissina*, *Zittavia*, *Laurvena*, *Camensium* & *Lieba*, quas simul Hexapolim vocant; quarum quæque suo jure & privilegiis utitur, & nulli nisi immediate Bohemiam Regi subest, qui singulis Praefectum praeficere solet jura administrantem: qua de causa etiam sex Regiae civitates vocari meruerunt, suntque adeo firmo foedere inter se junctæ, ut minime divelli queant. *Gorlitium*, vulgo *Gorlitz*, nobilissima ac primaria Superioris Lusatiae urbs, nomen habet à combustione, Slavorum lingua; quo fit ut eam Germani *Brandstat* vocent. Nam quum condita esset, à *Sobieslao* Bohemiam Duce, anno 1301, ducentis post annis tota igni absumpta est, adeo ut ne domus quidem una superfuerit. Sed protinus civium industria restituta est majore etiam quam ante elegantia. Sita est ad ripam dexteram Nissæ fluvii, ex quo molitores, cerevisiarii, tinctorum, insignes commoditates percipiunt. Ejus ripa utraque ponte ligneo & quidem cooperto nequitur. Vrbs ipsa ædificiorum nitore & frequentia claret, muris fossisque, ubi flumen deest, munita. Primarium templum B. Petro sacrum est. Curiam venustat turre. Etsi autem Lusatia Superior, mortuo Marchione Waldemaro sine hærede masculo, in potestatem venerit *Ioannis* Lucelburgici Bohemiam Regis, ac veluti feudum Bohemiam regno attributa sit à *Ludovico* Bavaro Imperatore, mansit tamen *Gorlitium* in potestate Ducum Silesiae, usque ad annum Christi 1330, quo *Zittavia* Henrico assignata est, *Gorlitium* vero ad Bohemiam Reges rediit, ea lege, ut in posterum numquam ab eo alienaretur. Nihilominus tamen anno 1352 *Carolus* IV Imperator *Gorlitium* *Ioanni* natu minori jure feudi cum titulo Ducis possidendum dedit, voluitque ut in ejus verba cives jurarent. Sed *Ioannem* illum cives *Gorlicenses* ob effrenatam libidinem & insolentiam

excludere, qui idcirco in Inferiore Lusatia quod reliquum fuit vitae inglorius consumpsit. Eo defuncto *Iudocus* Moraviae & Brandeburgi Marchio, *Wenceslai* & *Sigismundi* Regum patruelis, Ducatum *Gorlicensem* sibi vendicavit, connivente, imo & adnuente *Wenceslao* Bohemiam Rege. At *Gorlicenses* missa legatione ad *Sigismundum* Hungariae Regem, impetrarunt, ut penes *Bohæmum* ditio maneret, neque à regno urbs socia & fida avelleretur, causati aspera *Ioannis* imperia, & vinculum antiquæ conjunctionis. Ab eo igitur tempore mansit perpetuo *Gorlitium* junctum regno, neque inde divulsum est. Cœnobium quod in eo est, anno 1234 conditum perhibetur. Schola hic est illustris, quæ aperta est anno Christi 1565, primo ejus Rectore *Petro* *Vincentio* *Vratislaviensi*, ex Academia *Witebergensi* in illam urbem accito. Hujus egregiæ operæ ad mitiorem cultum juvenus formata est, instillatis sapientiæ & veræ pietatis præceptis.

Budissina ad fluvium *Spream* sita, civitas fuit *Budissina* admodum amœna ædificiisque nitens, sed novissimis Bohemiam bellis magnas calamitates perpeffa, sæpius occupata & superata est: quum enim *Fredericus* V, Comes Palatinus & Elector, Bohemiam regnum affectaret, obsedit eam Elector Saxoniae, tunc temporis à partibus Cæsaris *Ferdinandi* stans, & invasit anno 1619. Advéniente vero in Germaniam Sueciae Rege, cui se Saxo jungebat, Dux *Wallensteinensis* eam recuperavit, & Saxo eam rursus armis petiit & subegit: deinceps iterum Cæsareani. Per quas continuas obsidiones, non illa solum in extremam ruinam est redacta & solo æquata, verum etiam circumjacens tractus & tota regio vastata est.

Zittavia initium suum à pago quodam, ad quem Bohemi frumenta sua magna copia advehere, ibique divendere solebant, est auspicata. Extruxit eam, uti perhibent, *Wenceslaus*, anno Christi 1255, quo muris etiam cincta in fastigium civitatis ascendit: atque deinde in Regum potestate huc usque mansit. *Wenceslaus* II, Bohemiam Rex, anno 1273 regnum auspicatus, natus est in hac civitate, atque eam ut patriam summo opere dilexit, ornavit, & domicilium ibi sæpius fixit. Tandem vero ad *Dominos* de *Leipe* pervenit, atque à *Ioanne* *Lutzelburgico*, anno 1319 Regno denuo adjuncta. Post illa rursus tempora obtinuit eam, sive per hæreditatem, sive per mutationem, *Henricus* Dux de *Iant* in *Silesia*. Anno autem 1356 pristinam resumpsit libertatem, reliquisque se sex civitatibus associavit sub *Carolo* IV; siquidem tum temporis tota regio, una cum prædictis civitatibus, incorporata fuit, cum antea non nisi *Budissina*, *Gorlitium*, *Laubanum* & *Lieba* coronæ Bohemiam subessent.

Laubanum civitas ad confluentes *Altlauben* & *Laubanum*.

Ccc

Queis

Germania.



Queis sita, ad Silesiam quondam pertinebat, postea vero à Marchionibus Brandenburgensibus in possessionem accepta, multis privilegiis ab Otone anno Christi 1294 donata fuit. Waldemarus eam anno 1318 muris fossisque circumcinxit. Ioannes Bohemiarum Rex Gorlicensi adjudicavit jurisdictioni, qui simul etiam Gorlicenses & Bauzinenfes fines instituit, ad quos ad hæc usque tempora perseveravit.

Lieba.

Lieba, reliquarum omnium antiquissima, nomen accepit ab aquis Liebecensibus ad quas posita est; eo fruitur privilegio, ut civitates, si conventum inter se aliquem proclamant, huc plerumque conveniant. Maximum damnum tulit Hussitarum bello, nec minus novissimis hæc diffidiis Bohemicis sustinuit.

Camenz.

Camenz, civitas in petris & rupibus sita conspicitur, unde & nomen sortita est, Slavis enim *Camenz* lapis dicitur. Anno Christi 1155, cum misere pene tota incendio periisset, restaurata

fuit. Creditur Comitum olim fuisse sedes.

Regio fere tota frumenti rerumque è terra nascentium feracissima est. Sylvas habet complures; præcipuæ sunt, *Penzigerheide*, *Laubenerwaldt*, & *Koningswaldt*. Inter Dominia, maxima & excellentia sunt, *Herschaft Mosqua*, & *Hewersxerda*, cum oppidis ejusdem nominis. Fluviorum, qui Lusatiam irrigant, princeps *Nissa*, qui in Bohemiarum montibus ortus, & *Zittaviam*, *Gorlitium*, & *Prybum*, aliasque civitates præterlapsus, in Oderam sese exonerat. Oritur in eisdem etiam montibus fluvius *Queis*, quem, postquam Lusatiam hac parte ab Inferiori Silesia separavit, Hebrus sive Bober absorbet. Conspicitur hic etiam fons *Spreha* fluvii, non longe à pago ejusdem nominis. Lacus habet innumeros, præcipue supra *Gorlitium*, inter fluvios *Neisse* & *Queis*, ex quibus scaturientes fluvioli, incredibile est, quot quantasque agant ferri officinas.

*Regio
queis.**Dominia.**Fluvii.*

L V S A T I A I N F E R I O R.

Termini.

Vlatia Inferior ad Septentrionem Francofurtum ad Oderam usque se extendens, inde Orientem versus juxta Nyssum fluvium Silesiam attingit, & conjuncta Superiori Lusatia à Meridie, Saxoniam Superiorem ad Occidentem habet.

Qualitas.

Aër Regionis prosper; fertilitas vero soli non adeo extollenda est; quippe quod ubique fere arenosum, vix incolas suo frumento tueatur. Saltuum tamen & sylvarum, ut & fluviorum frequentia feris piscibusque refertissimorum illum defectum supplet, & ut vili cibaria pretio prostent, efficit. Ingenia incolis non absurda, imo acria, & omnium artium capacia natura concessit, quæ non recta educatione, & maxime nimis maturis conjugiiis corrumpuntur. Sunt alias parci, & in multis diffidentes, Vandalorum in morem, quorum & linguam quibusdam in locis retinent.

Mores.

Urbes in ea Saxoniarum Duci parentes sunt quatuor: *Lubbenæ*, *Calovia*, *Gubena* & *Lucca*. *Lubbenæ* ad Spream fluvium; qui inter urbem & Spreensem sylvam fluit, sita, in confessu urbium Inferioris Lusatia primus locum tenet. Anno 1631 post conflictum Lipsiensem à Cæsarianis incensa est; insequenti anno mense Junio per decem dierum intervallum ter obsidione cincta & expugnata est. Exinde savientibus porro bellicis tumultibus sæpius hinc inde partes commutavit, non sine acerbis suis damnis. *Lucca* non longe *Calovia* sita, anno 1642 à Suecis obsessa, in eorum potestatem tandem venit, honestas conditiones sibi & urbi pacto Gubernatore. Tanta equidem illi multa imposita, ut plures ex ea centuriæ colligi potuerint. Anno 1644 post iteratos conatus ab Enchefordio recepta est. *Gubena* ad Nissam fluvium quinque milliariis Crof-

na distita, olim Bohemiarum annexa fuit, nunc vero Saxoniarum Electorem ut dominum, agnoscit, qui illam cum quibusdam aliis Georgio Bohemiarum Regi eripuit, & suæ ditioni adjunxit. Anno 1434 miserabili clade à rebellibus Bohæmis tota incendio devastata, & suorum civium sepulchrum effecta fuit. Anno quoque 1631 à Cæsarianis direpta, & anno 1642 Stalhanisio Suecorum Generali post acrem defensionem dedita est. *Calovia* quarta ex Saxoni subiectis Lusatia Inferioris urbibus, *Dobra* fluvio adjacet, quam anno 1642 Sueci subiecto igne incendio absumere voluerunt, *Torstenfonius* autem conservavit, sceleratis illis partim in ignem coniectis, partim in furcam actis.

Reliqua oppida sunt: *Finsterswald*, prope *Sonnenwaldam*, anno 1642 à Suecis incendio deletum; *Forst* ad Nissam situm, Croatarum ibidem exercita crudelitate nomen in Annalibus meritum; magis tamen famosum fuit miraculo, cum anno 1638 Eques, qui lanioni 100 thaleros in vicina sylva abstulerat, & coram Commendante, ut vocant, se animam concedere velle diabolo, si id fecisset, perjuraverat, continuo ex omnium conspectu à diabolo ablatum est maximum cum adstantium terrore: *Kirchain* oppidulum in confiniis Misnia, ultimis bellis incendio exhaustum est; *Luberas*, ad Spreensem sylvam, situm oppidum; *Moska* in confiniis Superioris & Inferioris Lusatia; *Senftenberg* inter ea oppida numeratum, quæ bello Germanico sacras, publicas, & privatas ædes amiserunt, cui arx adjuncta, quæ contra Suecos à Cæsarianis anno 1643 defensa est; *Sonnenwalde* ad Dobram fluvium situm, oppidum Comitum à Solms, anno 1642 à Suecis interceptum est, qui arcem præsidio firmarunt, unde postea oppidum incensum est, eodem tamen anno ad Electoris partes rediens; *Sora*, oppidum cum arce, inter *Pribusium* & *Mus-*

Oppida.

Muskam ad Nissam fluvium situm, anno 1641 à Suecis, inde 1642 à Cæsarianis, deinde iterum à Suecis, & ultimo iterum 1643 à Cæsarianis captum fuit. *Spremborg*, quasi *Spreenberg*, ad *Spream* fluvium situm est.

Fluvii.

Fluvii Lusatiam hanc irrigant, Nissa, Odera, Sprea, Dobra, & Gosta. Nissa, è Bohemiæ montibus emanans, qui inde per Lusatiam Superiorem, in hanc se effundit & Oderæ conjungitur, non longe Crosna Silesiæ urbe; Odera quo-

que illi latus claudit; *Sprea*, apud Schluchenam in Misnia ortus & Lusatiam omnem pervagatus, in Oderam se exonerat: *Dobra* porro & *Gosta* *Spreæ* se miscent.

Sylvæ in ea aliquot, & ex his primaria sylva *Sylvæ & mones.* *Spreënsis* dicta, à fluvio *Sprea* nomen habens: mons *Flemmingius* ex Saxonia Superiori in Lusatiam se extendit, magnam in ea partem occupans.



MARCHIONATUS BRANDENBURGICVS.

Nomen.

Origo &
Instituio.

Vocabulum *Marc*, ut antiquis æque, ac hodiernis temporibus, in Germanica lingua, *Signum*, seu notam quandam, imo ipsos fines, & limites regionum significavit, ita postmodum pro tota regione limitanea, imo tandem pro ipso Brandenburgici, aliorumque Territoriorum nomine proprio, usurpatum est. Antiquus autem Romanorum Marchionatus, seu Marchionatus Soltquellensis in hisce tractibus primus fuit, quem Claudius Drusus Nero, Tiberii Frater, circa undecimum annum ante, vel, ut aliis placet, post Christi nativitatem, ut coloniam Romanorum limitaneam, instituit; cum hic Principem Romanorum Clodium, fundatorem illum Clodiani, seu Castelli Clodii, hodie Gladigau dicti, primum Principem & conservatorem limitaneum Imperii Romani, seu primum Marchionem, hoc est, Iudicem, & Tutorem finium Romanorum contra finitimos Vandalos, aliosque populos inimicos crearet. Dehinc, exemplo Drusi, Ritmarus, & Hermanfridus, quorum ille Francorum, hic Thuringorum rex fuit, cum conjunctis viribus primo Romanos, postmodum Sorbos, & Vandalos, ex hisce regionibus rursus deturbassent, duas colonias limitaneas, vel Marchionatus instituire, iisque octodecim militum millia, quos Marcomannos appellarunt, imposuere. Et primus quidem Marchionatus Landsbergi juxta Salam, contra Sorbos, & alter contra Polonos, Landsbergi juxta Oderam, instituebatur. Hujus insignia erant gallus niger cum aureis pedibus, & rostro, in campo rubro; illius autem duæ lineæ ceruleæ retrorsum ductæ, in campo aureo. Atque ita Ritmari Regis filius, Sunno, primus Marchio Brandenburgensis factus est, quam civitatem jam dictus Ritmarus, anno 90, vel, ut alii produnt, 145 post Christi Salvatoris nativitatem, expugnavit, ubi Vitillaus Secundus, Regis Alarici Vandali Pater, occubuit. Tandem cum Henricus Primus, cognomento Bonus, vel Auceps, anno 920, è Saxonum familia primus Romanorum Imperator creatus esset, ac in hisce regionibus plurima fortia perpetrasset facta, Sigfridum Ringelshemiæ Comitem, primæ conjugis Mechtildis fratrem, anno 927, Marchionem Brandenburgicum, tanquam Sacri Romani Imperii in hisce tractibus Gubernatorem, & Principem limitaneum contra Vandalos, & alios hostiles populos, versus orientem, instituit, ac illi nova insignia tribuit, nempe

Insignia.

aquilam rubicundam sanguineam, cum rostro, unguibus, & alis aureis in campo albo; ad denotandam sanguinolentam ejus futuram contra Vandalos pugnam, quos tamen fortes alæ aureæ, rostrum, & ungues depellere, & dilacerare deberent; imo quod Gryphes aquilam hanc non dilaniare possent, ut præcedentem nigrum Francorum Gallum. Primi autem, & veteres Marchiones ad eum finem instituti sunt, ut Gubernatores solummodo, imo Iudices, & tutores limitum essent, omnibus & singulis jus dicerent, bonos tuerentur, malos vero pœnis afficerent, imo incursus hostium averterent, & fines Imperii propugnarent. Tandem hoc fidei eorum ad tempus commissum officium pedetentim hæreditarium factum; ita ut hic Marchionatus postea in unam semper familiam sit collatus, & continuatus, præsertim tunc temporis, cum Imperator Otto Tertius eundem in Electoratam evererat, & Marchionibus hisce potestatem tribuebat eligendi, cum aliis Imperii Electoribus, Romanum Imperatorem.

Marchionatus Brandenburgicus autem se cum suis regionibus, quas hodie in circuitu suo comprehendit, ad sexaginta milliaria in longitudinem protendit; aspicitque versus Occidentem Saxoniam, Misniam, & partim Megaloburgum; versus Septentrionem Stetinum, Pomeraniam, Cassubiam, Daniam, & Sueciam; versus Orientem Poloniam, & Silesiam; versus Meridiem Bohæmiam, Anhaltinatum, Lusatiam, Moraviam, & Austriam. Dividitur porro in Veterem, Novam, Mediam, & Vckeraniam Marchiam: ac in circumferentia sua continet ditionem Cotbusiam in Lusatia Inferiori, ut & Peitzam, Bescoviam, & Storcoviam, tanquam pignus, Ducatumque Silesiæ Crossiam, cum Comitatus Ruppina, Stolpa, Vierraden; & regiunculam Prignitz, cum tribus potentissimis Episcopatibus Brandenburgensi, Havelbergensi, & Lubusensi, in Marchia media sitis, ut & trans Oderam Satrapiam Sternberg, in finibus Silesiæ, & Poloniæ, ubi Magister S. Iohannis Ordinis Rhodiensis per Saxoniam, Pomeraniam, Marchiam, & Lusatiam sedem suam tenere consuevit. Ducatum Electoralem Borussiam, cujus Metropolis Regius Mons, à Polonis *Krolawiec* appellatus, hodie quoque, ut feudum Regni Poloniæ, possidet Elector Brandenburgicus; ut & magnam partem Ducatus Cliviæ, cum Comitatu Marchæ, & Ravensbergi.

Alias Marchiones Brandenburgici pro tempore divisi sunt in quatuor Domus principales, quarum prima est Electoralis Brandenburgica, altera Marchionum Anspachensium prope Noribergam, in finibus Franconiæ, & Baviaræ, tertia

Extensio.

Limites.

Divisio.

Ditiones
comprehen-
sæ.Domus
Branden-
burgicæ di-
visio.

ria Culmbachensium, inter Vogtlandiam, & Franconiam, quarta Lagerendorffiana in Silesia, prope Moraviam.

Fluvii.

Omnes hæ regiones, quanquam in plurimis locis arenosæ, tamen valde fructiferæ sunt, & variis ad navigationem pariter, ac piscatum commodis fluviis, ac omnibus instructæ; ut sunt Albis, *de Elbe* ab undecim fontibus, ex quibus in montibus Bohemicis, prope vallem Teuffelsgrund / originem ducit, apud Germanos sic dicta; Odera, quæ ex Moravia, prope pagum Oderberg, haud procul ab urbe Olmitz, erumpit; Havela, quæ cis pagum Megalopolitanum Tornau, ex locis paludosis scaturiginem ducit; Sprea, alias à Suevis Senonicis, Mediam inhabitantibus aliquando Marchiam, Suevus dicta, quæ in Lusatia Superiore, duobus milliaribus ab oppido Bautzea, vel Budissina, juxta pagum Spreuberg exoritur; ac denique Varta, Boberus, Rhenus juxta oppidum Bellinam, Vquera, unde Vqueranæ Marchiæ nomen, aliique quam plures, de quibus in descriptione uniuscujusque partis Marchiæ principalis fusius agemus.

Vrbes, oppida, pagi.

Abundant quoque hi tractus nitidissimis, ac valde ingentibus urbibus, oppidis, monasteriis, pagis, arcibus, castellis, villis, aliisque ejusmodi ædificiis. In veteri Marchia solummodo 465 pagi numerantur; & hujus Metropolis est Stendalium, Mediæ vero Brandenburgum, Vandalis olim *Schorelitz* dictum, Novæ Custrinum, & Vqueranæ, *Brenzlo*. Ex his Brandenburgum cæterorum omnium caput existit, licet aulam suam Electores Brandenburgici jam plerumque Berolini, vel potius Coloniae ad Spream celebrent. Univerfus quippe Marchionatus non solum denominationem suam ab hac urbe ducit, sed etiam inibi jus suum in causis criminalibus querere, ac obtinere solet; cum à diversis Imperatoribus, Regibus, ac Principibus, multis immunitatibus ad eam rem prædita sit: quod utique Rolandus stricto gladio in nova urbe indicat. Et hoc jus Brandenburgum oppido, ob ejus vetustatem, maxime competit; nam oppidum vetus anno 416 ante Christi Salvatoris nativitatem à Brennone, Senonum, Celtorumve Principe, qui postmodum Romam expugnavit, ac vastavit; & Novum, anno 230, vel ut alii computant, 270, post Christi nativitatem, exstructum ac conditum est.

Soli indoles.

Ceterum vinetis fere abundant, præsertim circa Brandenburgum, Berlinum, Coloniam juxta Spream, Francofurtum ad Oderam, Drossam, Bescoviam, & in Ducatu Crossen: ut & plurimis amœnis pratis, pascuis, sylvis, ac ericetis, ubi multæ feræ, præsertim cervi, apri, urfi, lupi, lepores, & vulpes passim inveniuntur. Tandem quoque hic in conspectum veniunt plurimi montes, & valles, variis herbis, floribus, radicibus, & aliis fossilibus præditi. Inter alia se offert nobilis herba *Scordium*, juxta Francofurtum ad Oderam, & Bescoviam, in pratis, & pascuis crescens; item radix illa aromatica *Galanga*, quam alii *Acorum*, sed contra Matthiolum, dixere, juxta Oderbergam, ad ventriculi, aliosque morbos valde conducens.

Germania.

Veteres harum regionum incolæ fuerunt modo Vandali, Slavones, Heneti, & Obetruti, modo Teutones, Gothi, Longobardi, & Suevi Senonici, modo Cimbri, Angeri, vel Angrivarii, Anarpri, & Burgundi, modo Romani sub dicto Druso, Imperatoris Augusti privigno, modo Sorbi, & Sarmati, quos Polonos jam dixeris, modo Sudeti, modo Cassubii, & Heruli, jam Mekelenburgici dicti, modo Francones, qui, circa annum à nato Christo 140, Vandalos ex illis depulere, modo Harlungi, jam Brigsavii dicti, quos circa annum Christi 789 Carolus Magnus Imperator in hæc terras eduxit, modo Saxones, sub Henrico Primo Imperatore, qui Vandalos in Marchia delevit, ac alii populi plures. Hi varios colebant deos ethnicos, de quibus in singulis partibus hujus Marchionatus separatim dicturi sumus. Hos inter erant præcipui *Zerneboch*, vel *Zornebok*, hoc est, *deus niger*; & *Suandewitz*, vel *Swantewit*: Hic erat supremus Deorum bonorum, à quo omne bonum fluere credebant; ille autem malorum, à quo omne malum, & omne infortunium procedere autumabant, & quia certissimum præ omnibus aliis responsum reddere solebat, Christianum hominem in ejus honorem immolabant, atque sic sanguine Christiano placari credebant.

Religio.

Hodierni incolæ, qui maximam partem à veteribus Saxonibus orti, adhuc hodie utuntur idiomate fere Saxonico, quin & veterum Saxonum mores ut plurimum observant. Quippe vitam fere degunt juxta veterem simplicitatem, & in ædibus suis paucis utuntur ornamentis; quamquam hodie magis, quam antea, liberalibus, aliisque artibus sint dediti, ita ut in hisce terris ubique multi docti inveniantur.

Incole moderni.

Nobiles, qui ex variis Germaniæ nationibus in hæc loca confluxere, eaque ubique ubertim incolunt, bella Principum externorum, siquando iis in patria sua destituuntur, maximo ardore frequentare solent, ita ut hodiernis temporibus multi inter eos fortes ac maxime celebres bellatores & exercituum ductores inveniantur. Cæterum rebus venatoriis valde dediti, atque venatum exercent non solum in suis propriis territoriis, sed etiam ipsum Electorem in ventionem abeuntem magno numero sequuntur, ubi eundem quoque concomitantur multæ nobiles scæminæ, quæ ejusmodi exercitiis valde delectari solent.

Nobiles.

Familia hujus Marchionatus Nobiles præcipuæ sunt, *Blumenthalia*, *Arnimia*, *Slaberdorfia*, *Burgsdorfia*, *Holtdorfia*, *Lochovia*, *Trescovia*, *Gadovia*, *Pinnovia*, *Dipovia*, *Gutenovia*, *Stechovia*, *Grabovia*, *Randovia*, *Hohwegia*, *Platina*, *Wernstedia*, *Helbenia*, *Halberstedia*, *Molkenia*, *Plocheria*, *Capellia*, *Hohendorfia*, *Kohenbergia*, *Kehrbergia*, *Retsdorfia*, *Mollendorfia*, *Arnsbergia*, *Brodelenia*, *Slagetumia*, *Witstenkenia*, *Klodenia*, *Imme-catena*, *Tribergia*, *Melbergia*, *Brunnena*, *Negedorfia*, *Schonermarkia*, *Karstedia*, *Einwinkelia*, *Einbekkia*, *Winterfeldia*, *Gartzia*, *Vittenia*, *Wagleinia*, *Klitzingia*, *Brusekkia*, *Hakia*, *Quastia*, *Wenksternia*, *Dusterena*, *Flausina*, *Wedelia*, *Sparena*, *Barfussia*, *Selia*, *Krusekkia*, *Kattenia*, *Krommeseia*, *Bruncovia*, *Dokhovia*, *Kalbia*, *Greiffenbergia*, *Kalenbergia*, *Prodelena*, *Redekeimia*,
E c c Beie-

Familiae illustres.



Serenissimo ac Optimo Principi
FREDERICO GVILIELMO
D. G. MARCHIONI BRANDEVRGICO,
S. R. I. ELECTORI & ARCHICAMERARIO,
Borussie, Julie, Clivie, Montium, Stetini, Pome-
ranie, Cassuborum, Vandalorum, et in Silesia
Croslic, Carnovie ac Lagerndorff Ducis, Burgi
Groeno Norici, Buge Principis, Marchie et Ra-
venbergensis Comitis, Ratisbonensi Toparche, et
Catholici Rectoris
D. D. I. R. R. R.

Marchionatus
BRANDEVRGICVS.
Auth. Olao Johannis Goto. Gyltani. Mag. R. S. C. Gylt.

Beieria, Barlebia, Forderia, Schulenburgia, Iagovia, Bismarkia, Alvenslebia, Luderitia, Borstalia, Lindstedtia, Ballenstedtia, Eikstedtia, Grobbelena, Hopkoria, Belinia, Benernestia, Hunikia, Konigsmarkia, Pfalia, Sliebia, Meiendorfia, Wolfena, Krachtana, Reindorfia, Barboia, Pentzia, Grevenitzia, Krennia, Rudgena, Rochovia, Krocherena, Woldia, Kercovia, Robbelena, Doblinia, Wagelena, & alia quam plures.

Marchio-
natus Bran-
denburgensis
Domini.

Septem autem Illustres Familia Marchionatum hunc Brandenburgicum ab ipsis initiis usque ad hæc tempora possederunt, ac rexerunt. Prima, nempe Ringelhemia, ortum suum traxit ex regio stemmate Wittekindi, ultimi Regis, ac primi Ducis Saxonum: altera ex Marchionico Stadenfi, & Hertzfeldenfium Comitum: tertia ex Comitum Plotinorum, & Marchionum Landsbergenfium: quarta ex Comitum Ascania, & Principum Anhaltinorum: quinta ex Palatinorum Rheni, & Ducum Bavarie; sexta ex regio Bohemico, & Marchionico Moravia: septima & adhuc florens ex Comitum Zollernorum, & Burggraviorum Norenbergenfium.

Comitum
Zollernorum
prosa-
pia.

Hujus Comitum Zollernorum familiae auctor & conditor est Petrus Columna, Italus, ex antiquo Bavarico, & Saxonico Guelforum stemmate, Engera, & Ringelshemia, per Comites Schirense, ortum suum trahens; cujus familiae nomen ab Italica arce Columna, vel, ut aliis placet, à columna illa, cui Salvator noster affixus loro cæsus est, Historici deducere solent. Orto enim inter Imperat. Henricos Quartum, Quintumve, & Pontifices Romanos Hildenbrandinae factionis, vehementissimo bello, hic Petrus Columna, cum ea occasione Pontifici Pascali sese opponeret, ex Italia iterum ejectus, & in Germaniam profugus, ab Imperat. Henrico Quinto oppidis quibusdam in Suevia donatus est. Atque hinc accidit, ut ea occasione, & ab his Columnensibus duæ illæ potentes Domus, Habsburgia, Archiducum Austria, & Zollerna, hodiernorum Marchionum, & Electorum Brandenburgensium prosapia referentes, quarum illa per quatuor fere secula Imperatoriam, hæc autem Electoriam ultra annos ducentos possedit, exortæ sint. Fridericus autem primus, Comes Zollernensis, ab avunculo suo, Imperatore Rudolpho Habsburgico, anno 1273, primus Burggraviatus Norenbergenfium hæres institutus est: & quintus ab hoc ordine ejusdem nominis postmodum ab Imperatore Sigismundo, anno 1415, in Comitibus Constantinensibus, præterea quoque Electoratum, Marchionatumve Brandenburgicum, tanquam donum hæreditarium, accepit, postquam eundem ab anno 1411, solummodo ut Imperatoris Præfectus, seu Gubernator, in hæc usque tempora rexerat. Atque ita ex veterum Catulorum, seu Guelforum offibus, ac tumbis emerferunt Brandenburgici Electores numero ad præsentem Guilielmum Fridericum undecim, omnes florentissimi, ac potentissimi: imo sic Marchionatus Brandenburgicus rursus ad stemma Ringelshemium pervenit, cui antea, anno 928, ab Imperatore Henrico Aucupe, ut supra diximus, collatus erat.

Marchio-
natus series.

Modo dictus Fridericus, quintus ordine Burg-

gravius Noribergensis, ac primus Marchio, & Elector Brandenburgicus, magnanimus, ac valde bellax Princeps extitit. Fudit enim Hussitas, ac Bohemos, regiones circa Noribergam infestantes ac vastantes, imo ipsum postea Marchionatum bello petentes, & Strausburgum, Landsbergamque igne cremantes. Bella quoque gessit cum Ducibus Pomerania, & Megalopolitanis; ac vendidit, anno 1427, Arcem Noribergensem cum Marchionatu Reipublicæ Noribergensium pro 1800000 florensis; item duas silvas pro 60000. Sedem suam habuit Angermondæ, ac Arneburgo maxime delectatus est. Verum civibus Coloniae ad Spream, & Berlini tumultuare incipientibus, familiam suam Spandoviam transtulit, & Arcem Coloniensem ædificavit, ubi denique sedem suam fixit. Vxorem habuit Elisabetham Pulchram, Friderici I, Ducis Bavarie, & Comitis Palatini ad Rhenum, filii Stephani Fibulati, filiam.

Fridericus II, ex voluntate Patris Friderici I, Electoratum adeptus est, quanquam frater ejus Iohannes, cognomento *Alchimista*, major natus extiterit. Hic Fridericus ob bellicas virtutes, resque gestas, Marchio cum ferreis dentibus nuncupatus est. Pomeranis enim cum tredecim Principibus foederatis bellum intulit, dum jure Stetinensem Ducatum, tanquam sibi debitum, poscebat. Ius hoc nitebatur transactione inter Ludovicum Romanum, Electorem Brandenburgicum ex familia Ducum Bavarie, & Barnimum III, Pomeraniae Ducem, anno 1338, in Comitibus Francofurtensibus, inita. Verum hoc horribile bellum tandem, interponente se per Oratores Casimiro, Poloniae Rege, pace terminavit, ac consensu Imperatoris Friderici III, primus se Ducem Pomeraniae, Stetini, Cassubiorum, & Vandalorum, imo Principem Rugie scripsit, ac titulos hosce, & insignia, & quicquid præterea juris erat, familiae suæ adjecit, successum posteris relinquens. Tandem filius ejus morte in pueritia extinctis, sibi in Terram Sanctam proficisci proponebat, atque hinc fratri suo Alberto Electoratum tradidit, mortuus est anno 1469.

Hic *Albertus* est magnus ille suo seculo Bellator, quem ob incredibilem fere in præliis audaciam, cum pari felicitate conjunctam, Aeneas Sylvius, postea Pius II, Papa Romanus, Achillem Germanicum indigetavit. Ab ipsa enim pueritia in armis educatus, pluribus ipse interfuit præliis, quam alii sui temporis Duces aut viderunt, aut legerunt: militavit in Polonia, pugnavit in Silesia, castra posuit in Prussia, hostes fudit in Bohemia. Nullus in Germania angulus fuit, quem non calcarit armatus. Duxit exercitus innumerabiles, prostravit ferocissimos hostes, expugnavit munitissimas urbes. Mœnia primus ascendit: monomachiam nunquam detrectavit, in martialibus ludis, quibus hastis concurretur, unus omnium repertus est, qui nunquam equo dejectus sit, nec ullo unquam damno affectus, cum tamen septies & decies solo tectus clypeo, & galea, cætera nudus, provocatores armatos equo semper deturbaverit. Cum contra

contra Carolum Audacem, Burgundiæ, & Belgarum Ducem, eo seculo toti Europæ formidabilem, Novesium obsidentem, Dux bello quærendus esset, nemo in Germania reperiri potuit Alberto fortior, cujus etiam ductu, atque auspiciis Burgundionum ferocia contusa, & Imperium ab invasione liberatum fuit. Imo non solum Achillem sagatum, sed etiam una Ulysssem togatum se præbuit. Controversiam enim Pomeranicam eo deduxit, ut Duces Pomeraniæ Stetinensem Ducatum, reliquosque in feudum reciperent à Domo Brandenburgica, & sibi suisque de successione, si masculus Ducum Pomeraniæ hæres deficeret, legitime caveretur, atque sic omisso bello, controversias suas transactione finire, quam persequi summo jure maluit. Imo leges Domus Brandenburgicæ fundamentales conscribi jussit; & auctor fuit pactorum hæreditariorum inter familias tota Germania illustrissimas, Saxoniam, Brandenburgicam, & Hassiacam.

Cum jam hic Marchio Albertus valde numerosam reliquerit prolem, factum est, ut hæc Brandenburgica Domus in duas potissimum partes divisa sit, ac primo quidem in Domum Electoralem Marchionum Brandenburgicorum, & in Domum Anspachensem in Franconia. Electoratum, & Marchionatum Brandenburgicum sibi servabat filius ejus natu maximus, *Ioannes III*, cognomento Magnus, quem, ob summam, qua pollebat, eloquentiam Ciceronem Germanicum dixere. Hic postmodum etiam, anno circiter 1491, ex transactione in possessionem accepit Ducatum Crosnensem in Silesia, cum quibusdam oppidis, à Iohanne, ultimo Sagensium, Glogaviensium, & Crosnensium Duce. Frater ejus Sigismundus sibi sumpsit Vogtlandiam; Fridericus vero Marchionatum Anspachensem, seu Anolspachensem, & regionem prope urbem Noribergam. Hujus Friderici decimus filius, Albertus, ultimus ille Ordinis Teutonici Magister, primam Prussiæ Ducatus possessionem, consensu Regum, & Regni Poloniæ, nomine Ducis, ad se, & posteros suos transtulit. Ita ut hic Ducatus denique, cum Friderici mascula progenies, morte Alberti Friderici, defecisset, ad Iohannem Sigismundum Electorem, per nuptias cum Anna, primogenita Alberti Friderici filia, in solidum pervenerit.

Electorem Ioannem Magnum secutus est filius ejus *Ioachimus Primus*, & hunc *Ioachimus Secundus*, qui pace regionibus suis restituta, extinctisque vetustis, anno 1527, inter Pomeranos, & Marchicos odiis, contra juratum Christiani nominis hostem Turcam, qui tum gravis Hungariæ, & formidolosus Austriis, cum immenso exercitu incubabat, Solymanum, arma sua, & martios spiritus convertit. Testor patientes illos ad Danubium campos, in quibus virtute hujus Ioachimi Secundi multa Turcarum millia, & ipse Dux Cosanus, occubuerunt, tanta cum delectatione Caroli V Imperatoris, ut equestri cingulo Principem donaret. Imo toti postea expeditioni contra eundem orbis vastatorem, & flagellum Christiani nominis Soly-

Germania.

manum, in Comitibus Spirensibus præfectus, furores late grassantis Tyranni compressit, & à Germania avertit. Quin & anno 1539, Religionem Lutheranam in Electoratum suum introduxit, ac postea, anno 1571, animam suam exhalavit.

Electoris Ioachimi Secundi filius, ac successor fuit *Ioannes Georgius*. Hic cum conjuge sua Sophia, Ducis Lignitzenium filia, procreavit *Ioachimum Fridericum*, qui primum Postulatus Brandenburgensium, Havelbergenium, & Lubecensium in Marchia Episcopus, postea anno 1566, post obitum Sigismundi patruelis, Administrator Archiepiscopatus Magdeburgensis, & Primas Germaniæ creatus, ac denique, Patre obeunte, in Electoratu successit. Hunc Ioachimum Fridericum subsecutus est *Ioannes Sigismundus*, qui ducta Anna, Ducis Prussiæ filia, Ducatum Prussiæ amplissimum pariter, ac Cliviæ nactus est. Hæc etenim Anna filia erat unica Alberti, primi Prussiæ Ducis, ex Domo Brandenburgica, qui Mariam Eleonoram, Guilielmi, Cliviæ Ducis, filiam, ea conditione duxerat in uxorem, ut si quando fratres ejus absque liberis morerentur, Ducatus Cliviæ, Iuliaci, & Montium, cum Comitatu Marcha, & Ravensbergo, item ditione Ravenstena, Domui Brandenburgicæ accederent.

Electoris Ioannis Sigismundi filius, & successor erat *Georgius Guilielmus*, qui primò Ducatus Cliviæ, & Iuliæ, nomine Patris, & Matris, rexit, at postmodum, Patre obeunte, Elector factus est. Hujus filius, & successor est *Fridericus Guilielmus*, præsens Elector, ac Marchio Brandenburgicus, qui anno 1646 Loysam, seu Ludovicam, fortissimi illius Herois, Friderici Henrici Nassavii, Orangiæ Principis, filiam, duxit in uxorem, atque ita Brandenburgicam Majestatem cum Auriaca Celsitudine conjunxit.

Hi Electores seu Principes jamnunc appellari solent Electores, & Marchiones Brandenburgici, Sacri Romani Imperii Archicamerarii (quo titulo Imperator Fridericus Primus, cognomento Barbarossa, Electorem Albertum Vrsam, ex Anhaltinis Principibus ortum, ante 500 annos, additis novis insignibus Electoralibus, sceptro nempe in campo cæruleo, donavit) Magdeburgi, Borussia, Iuliæ, Cliviæ, Montium (quorum tamen portionem quandam Dux Neoburgicus possidet) Stetini, Pomeranorum, Cassubiorum, Vandalorum, nec non in Silesia, Crosnæ, Iagerendorffii, & Carnoviæ Duces (quamquam Iagerendorffium alius quidam ex hac Domo possidet) Burggravii Noribergenses, Principes Mindæ, & Halberstadii, Comites Marchæ, & Ravensbergi, Domini Ravensteni. Hoc titulo quoque alii Principes, ex hac Domo orti, utuntur, ita tamen, ut singulis regionum, quas reipsa possident, nomenclaturis additis, ab Electoris, ac Archicamerarii titulo abstineant.

In omnibus hujus Electoratus oppidis certi constituti sunt Iudices, à quorum judicio, ac sententia appellari potest ad Aulam, seu Auditorium Electoratus supremum, Berolini ut plurimum

Tituli Electorum & Marchionum.

mum celebrari solitum, ac ultimam pronuncians sententiam, ita ut ulterior provocatio ad Camera Imperialem Spirensē minime concedatur, æque ac in Electoratu Saxonico fieri consuevit. Concessum tamen est, ut tam ipse Elector, quam subditi ejus, in causis prophanationem pacis publicæ concernentibus, coram dicta Camera Imperiali accusari possit.

Electoris Consilarii, alique ejusmodi summæ notæ officiis obstricti, gladio accincti ut plurimum incedere solent, ut & omnes fere Ia-

risconsulti, more per totam fere Germaniam communi. Quod civitatem Francofurtensem ad Oderam concernit, ea, quamquam Electorem, tanquam supremum suum magistratum, suspiciat, tamen in criminalibus causis jus dicere obtinuit; & incolæ ejus ab omnibus teloniis, quæ alias mercium nomine per totum Electoratū solvi solent, immunes sunt.

Cæterum hic Elector, ut Vassallus, ob Electoratū Imperatori Romano, & ob Borussia, Regi Poloniæ subest.



MARCHIÆ VETERIS DESCRIPTIO.

Fines.



Marchia Vetus exordium ducit à Salto Lunæburgico, & pertingit usque ad Albim flumen; finesque ulterius extendit ad Archiepiscopatus Magdæburgensem, & Halberstadensem, item Brandenburgum, & Mecklenburgum usque;

ita ut eam, ab Oriente usque ad Septentrionem, Albis fluvius, quæ à regione Hiericho, & Episcopatu Havelbergensi divellitur; versus Meridiem vero fluvius Ora, & Archiepiscopatus Magdæburgensis; & versus Occidentem, Septentrionemque Ducatus Brunsvicensis, & Lunæburgensis, circumcingant. In latitudinem, longitudinemque ad septem, vel octo circiter miliaria se extendit; & septem oppida comprehendit, nempe *Stendaliam*, *Soltquellam*, *Gardelegiam*, *Sehusium*, *Angermondam*, *Osterburgum*, & *Varianum*.

Extensio.

Oppida.

Stendalia est Marchiæ veteris metropolis, juxta Vchtam flumen, in Orientali regione, *Balsamerland* vulgò dicunt, sita; quam Henricus Auceps, anno 920, aliis 1151, condidit. Quatuor templis parochialibus, multisque turribus ornata conspicitur. Templum cathedrale, S. Nicolai appellatum, fundavit, anno 1187, Marchio, & Elector Henricus secundus, Osterburgi Comes, idemque postea confirmavit Papa Celestinus Tertius. Hic dictus Henricus Marchio ipse Canonicum egit, ac in hoc templo, anno 1332, sepultus est. Episcopatum quoque in hac Veteri Marchia instituere annitebatur, verum à fratribus suis, Ottone secundo Electore, & Alberto secundo impeditus, à proposito destitit. Caterum hoc oppidum olim tantum pagus arce, ac foro præditus fuit, ab Angrivariis primum conditus.

Soltquilla, Germanice *Saltwedel*, item *Saltwedel* dicta, à Longobardis, veris Marchiæ Veteris Suevis, qui Solem pro deo suo æstimarunt, ac venerati sunt, tanquam Fanum Solis, ubi Solis statuam seu imaginem coluerunt, anno 318 ante Christi nativitatem, juxta Iezam flumen, primitus exædificata fuit. Post ea tempora Claudius Drusus Nero, oppugnato, & expugnato veteri oppido Soltquellensi, novum condidit Fanum Solis, quod hodie vetus oppidum appellatur, addita arce, seu turre. Imperator autem Henricus, Auceps dictus, idiplum spaciosius ac magnificentius reddidit, novumque, ut hodie dicitur, oppidum superaddidit; ita ut Soltquilla adhuc hodie duas civitates, novam & veterem, comprehendat.

Gardelegia, vulgò *Garleben* dicta, nomen suum accepit à *Garda*, hoc est, *Custodia legionum Romanorum*.

Nam cum modo dictus Drusus castra sua in hisce regionibus posuisset, inibi parvum exstruxit oppidulum, quod Romani *Garda-legionam Claudii* vocarunt, ex quo postmodum successu temporis urbs hæc exorta. Quin & idem Drusus ibidem, juxta confluentem seu commissionem amnium, ubi vetus Isis Fanum, quod Isauburg vocarunt, veteres Teutones ædificaverant, castellum firmissimum erexit, servato antiquo Isenburg nomine. Rustici vero illud ipsum *die Isern* / & Vandali, cum postea hic multum temporis illud obsidendo infumerent, ac minime expugnare valerent, *die Isern Schnippe* / hoc est, *Os ferreum*, vel *saucis ferreas*, vocarunt.

Sehusia, vel proprie *Senhusia*, quasi dicas *Senonum domus*, ab antiquis Senonibus, qui in hisce locis domicilia sua, sedesque habuerunt, circa annum 400 ante Christi nativitatem, juxta Alanum flumen, ædificatum, atque ita dictum fuit. Monasterium hic Prædicatorum Marchio ac Elector Iohannes primus instituit.

Angermonda, seu *Tangermonda*, à fluvio *Angera*, seu *Tangera*, quæ juxta hoc oppidum in Albim se effundit, sic dicitur; vel, ut aliis placet, ab *Angrivariis* Suevis, quos postmodum *Angeros*, vel *Engeros* nuncuparunt, quique hoc oppidum, cum arce Angera, circa 400 ante Christi nativitatem annum, in Terra Angerorum, ædificasse creduntur. Aliqui quoque tradunt, Romanos vetustæ arci Angermondæ, juxta *Tangeræ* os, vel ejus effluxum in Albim, prima fundamenta posuisse, ac ab *Angera*, dea Romana, id nominis imposuisse. Anno 1373 vendidit hanc urbem, cum tota Marchia, Imperatori Carolo Quarto ejus gener Otto, Comes Palatinus Rheni, ac Dux Baviaræ, Brandenburgique Marchio, pro 20000 florenis Hungaricis. Hic enim Imperator in hac urbe quam libentissime habitavit, atque hinc etiam, anno 1376, arcem hic exstruxit magnificam, ubi postea aulam suam celebravit. Quin etiam tunc temporis Templum illud ædificavit, quod adhuc hodie Caroli Capellam dicunt, ac eodem fere modo, ut divi Wentzelii Capella in Arce Pragensi *Herschina*, gemmis, margaritis, ac auro exornatum est. Templum autem S. Stephani fundavit Marchio Henricus secundus, anno 1185, qui & urbem majorem, ac ampliorem reddidit, ac munimentis firmavit. Anno 1415 eandem donavit Imperator Sigismundus Friderico Quinto, Noribergæ Burggravio, ob merita, ac fidelitatem suam, quam Imperatori contra Hussitas, ac Bohemos præstiterat, illique anno 1417, in Comitibus Constantinensibus, in feudum dedit. Ab hoc Friderico descendunt hodierni Marchiones Brandenburgici.

G g g

Oster-



MARCHIONATUS
BRANDENBURGICI
PARS, quæ
MARCHIA VETUS,
Vulgo
ALTE MARCK,
dicitur.



Osterburgum, vulgo *Castellum Ostorum*, quod in angulo Regionis Orientalis, seu Balsaminæ, ex opposito Albis, situm est, ubi Vchta, & Bifa, ac infra Alandus, amnes concurrunt, cum Comitatu suo, ab *Osten*, hoc est, ab Oriente sic dicitur.

Varianum, seu *Castellum Vari*, à Romanis sic dictum, supra nominatus Drusus, in memoriam Ducis Romanorum, Vari in Senonum terra, primitus ædificavit, ac Imperator Carolus Magnus postea rursus innovavit; Imperator autem Henricus Auceps denique muris cinxit, ac *Verben* vocavit. Ex hoc enim loco hic Imperator victoriam contra Vandalos se partum iri credit, quod etiam brevi post ita accidit. In eum quoque finem ingens propugnaculum prope *Varianum*, inter *Havelam*, & *Albim* fluvios, erexit, ac *Sige*, vel *Sigeburg*, hoc est, *Montem Victoria* dixit. Atque hoc nomen campo transalbino adhuc hodie reliquum mansit.

Oppidula.

Iuxta hæc septem hætenus enumerata, ac descripta oppida, adhuc septem vici, seu oppidula minora, *Stecten* Germanis appellata, in veteri conspiciuntur *Marchia*, ut sunt *Arneburgum*, *Bifemarchia*, seu *Bismark*, *Bezendorfia*, *Buchia*, *Golba*, *Apenburgum*, & *Gartovia*.

Arneburgum, alias *Aquilarum Castellum* dictum, Drusus primum fundavit, ut & *Galbam*, proprie *Kalbforda*, seu *Castellum Galba*, dictam, ubi Milda amnis in Bifam incidit; item non procul ab eo loco, ubi Ieza flumen exoritur, *Bezendorfiam*, & *Apenburgum*.

Arces.

Porro in eadem *Marchia* 14 arces, quæ adhuc hodie incoluntur, sese offerunt, nempe *Angermonda*, *Arneburgi*, *Gardalegia*, *Galba*, *Soltquelle*, *Bezendorfie*, *Apenburgi*, *Gartovie*; ut & *Burgstal*, *Aulosen*, *Kemke*, *Vchtenhagen*, *Klotzen*, & vetusta ac magna arx *Swartzlosen*; item septem aliæ vastatæ, ut *Osterburgum*, *Clodianum*, *Tholona*, *Schulenburgum*, *Goldburgum*, *Falkenburgum*, & *Cripa*, cum veteri *Gartitzke* prope *Gartz*. *Clodianum*, seu *Castellum Clodii*, Principis limitanei, hodie *Wadigau* dictum, unde *Silva Clodii*, vernacule *der Kiet* / non procul *Zervesto* sita, id nominis accepit, idem Drusus ædificavit. *Tholona*, Germanice *die Tolle* / vel *Tohle* / in saltu *Gardalegiaco* sita, ab *Angrivariis* fundata est.

Monasteria.

Monasteria monialium quinque habuit, ut *Disderfiam*, *Dambeckam*, *Crevesciam*, *Neodorfiam*, & *Arentseiam*, quod *Marchio* & *Electo* Otto Primus, Princeps *Anhaltinus*, anno 1194, fundavit; ut & adhuc duo *Stendaliæ*, *Monasterium S. Catharinæ*, & *S. Annæ*, unumque *Soltquellæ*. His annumerantur & quatuor *Monasteria Monachorum mendicantium*, *Stendaliæ*, *Soltquellæ*, *Angermundæ*, & *Sehusii*. Quod denique pagos concernit, quos *Marchia* vetus in circuitu suo complectitur, illi ad 465 numerantur.

Pagi.

Divisio.

Veteres *Marchiam* hanc in quatuor partes, seu regiones divisere, primum in Orientalem, nempe terram *Balsaminam*, vernacule *das Balsamerland* / seu *Ostland* dictam, quæ versus Orientem est sita, ac in circuitu suo comprehendit *Stendaliæ*, *Arneburgum*, *Osterburgum*, cum Comitatu ejusdem nominis. Deinde in partem Meridionalem, nempe Terram *Angeri-*

nam, *die Langer* / vel *das Angerland* dictam; in hoc tractu conspicitur *Angermonda*. Porro in Septentrionalem, quæ est Terra *Senonum*, *das Senland* dicta, quam veteres *Senones* incoluerunt, & Regio illa, *die Wische* dicta, ubi ager tam præstans invenitur, ut sæpenumero sedecim equi unicum aratrum trahere cogantur; atque in hoc tractu situm est *Varianum*, cum pascua *Lentziaca*, quam vulgo *die Leuzische Wische* dicunt. Ac tandem in partem Occidentalem, nempe Terram *Zermondanæ*, vulgo *das Land zu Zermund* / ab amne *Zerna* sic dictam, vel Terram & *Marchiam Soltquellensem*, quæ vera vetus Romanorum *Marchia* est, unde totius *Marchiæ* nomen exortum. Has quatuor partes secat ac dividit Terra *Bifana*, vulgo *das Bifentahl* / quam amnis *Bifa* alluit, & tanquam cingulum circumcingere videtur. Cæterum quod statum ac regimen Ecclesiasticum attinet, tota hæc *Marchia* ab antiquis rursus in duas partes dispertita fuit. Quippe quod cis *Bifam* situm fuit, annumerabatur Ecclesiæ *Halberstaden*si, & quod trans fluvium eundem inventum, Episcopatu *Werdano*. Hodie vero secundum septem supra enumerata oppida, in septem circulos dividitur.

Amnes, ac fluvii, qui *Marchiam* veterem tam *Fluvii* alluunt, quam pererrant, sunt *Albis*, *Angera*, *Tholona*, *Vchta*, *Balsamus*, *Cripa*, *Milda*, *Bifa*, *Ieza*, *Alandus*, *Rhenus*, *Zera*, *Hammaia*, *Euga*, *Sundera*, vel *Huttera*, *Ora*, aliique quamplures.

Angera, vel *Tangera*, item *Angra*, *Arangis*, & *Anagra*, ab *Angrivariis Suevis*, hujus fluvii accolis, sic dicta, oritur, ac se colligit ex locis palustribus ac bituminosis *Silvæ Angeranae*, juxta pagos *Malpful*, *Schonewalde*, exiguum *Schwartzlosen*; abinde descendit *Bellingam*, *Ebersdorfiam*, *Buchia*, *Polsdorfiam*, ubi *Tholonam* in sinum suum recipere conspicitur. Et hic fluvius *Tholona*, vernacule *die Tolle* / seu *Tohle* / originem suam ducit ex loco palustri juxta pagum *Alten Rosten* / haud procul ab *Alba specula*, seque colligit ex rivis saltuum, ita ut uterque fluvius versus Episcopatum, *Clausæ* dictum, tendat, atque abinde progrediatur versus Arcem & urbem *Angermondæ*, ubi ambo in *Albim* incidunt. *Vchta*, vel *Huchta* exoritur pone pagum *Narstede*, in Oriente, non procul à pago *Vincelberga*, ex palude horribili, vulgo *der Norderpfuhl* / atque exinde versus ortum tendens, irrigat pagum *Insfel*, *Doblien*, *Warberg*, & *Stendaliæ*, quam circumfluit, atque una secat; postea se recipit ad saltum *Stendaliensem*, *Tuncam*, ubi versus Septentrionem se inclinans, juxta *Eichstadium*, rivum *Balsamum* recipit; qui ex agris circa *Babiam*, & *Bertcoviam* collectus, inibi nomen suum perdit. *Eichstadio* autem rursus tendit *Lutkefuechtam*, ubi *Lutzendorffii*, *Brandenburgicæ* Domus *Pincernæ* hæreditarii, habitare solent; ac fluvius hic cum *Cripa* se conjungit, quæ *Peulinga*, ex palude descendens, versus saltum, ac arcem nunc pene vastatam, *Cripe* dictam, progreditur. Hinc *Vchta* fluvius ulterius profluit versus *Walsleben*, & *Vchtenhagen*; atque huad procul à pago *Dusdau*, in illum exoneratur amnis *Schildorf*, qui ex loco palustri *Wendeluk*,

luk, non procul ab Osterburg, descendit. Tandem se confert versus oppidum Segwische, ad Osterburgios pertinens, ubi in parte oppidi Orientali in Bisam se recipit, ac nomen suum sub ponte Vchtano perdit. *Bisa*, quæ & *Beza*, vel *Basana* dicitur, exoritur non procul à pago Befewege, ex locis palustribus juxta Woldenhagen, Baden, Lindstede, atque inter pagum Neuendorf, & aggerem longum, inferius in Silva, *Mildam* recipit. Hæc originem suam debet loco seu aræ cuidam pagi vastati, *Hohenmilde* dicti, non procul à nova Electorali villa, seu domo venatoria *Nislingen* vel *Hirschburg* sitæ; atque cum tribus rivis vel fluviolis, nempe *Lau-sebach*, qui juxta Gardalegiam, & Genenitz, ante Dahnhorn exoritur, & *Reinbach*, à vetustis Suevis, qui, Rheno relicto, in hæc regiones commigrarunt, sic dicto, atque juxta pagum Ises, ex monte quodam, sub stirpe quercina, originem colligente, fluviisque *Weteritz*, qui versus Monasterium *Neuendorff* tendens, usque ad oppidum Gardalegiam progreditur; ubi omnes quatuor, juxta vetustissimam Romanorum arcem Isenburg, sese conjungunt, ita ut posteriores tres nomina ac brachia sua perdant, ac cum primo conjuncti solummodo *Milda* vocentur, quæ postmodum *Bergam*, aliosque ad pagos tendit, ac oppidulum & castellum *Galbæ* ad sinistram præterfluit. Penes hoc castellum prolabitur *Milda* in *Bisam*, quæ dehinc ab Occidente in Orientem tendens, pagos *Bisam*, *Bisentaliam*, *Spennigam*, *Erpensdorfiam*, *Ronbecam*, *Clo-dianum*, *Rossoviam*, *Schlichsdorfiam*, non procul à monasterio *Krevesee* sitam, ac porro *Zedoviam*, *Krumke*, hoc est, castellum *Centurionum*, & oppidum *Osterburg* præterfluit, donec tandem prope oppidum *Schaufen*, per loca palustria, in *Alandum* se conjiciat. *Alandus* autem ex agris & pascuis se colligens, ab Oriente versus Septentrionem tendit, ac *Robbeliam*, & *Varianum* præterfluens, *Vendemarchiam* intrat, ubi versus *Falkenbergam* progressa, *Bisam*, uti dictum, recipit. Dehinc præterfluit *Sehusiam*, & pagos *Vielbaum*, *Krugen*, *Holtzhausen*, *Gan-seburg*, *Saltum*, *Nattewisch*, *Scharfenhune*, *Boltzgussen*, & *Lütken-wantzer*, *Strefau*, & *Snakenburg*, ubi in *Albim* prolabitur. *Zera*, seu *Cera*, vel *Cera*, à *Cerere* dea sic dicta, est brachium *Bisæ*, quod juxta pagum *Rosflau*, in paludes saltuum se recipit. Huic accedit, ac se jungit ex palude quadam, non procul à lecto Heroum lapideo, hoc est, sepulchro Dominorum vel Principum à *Zeren*, profluens, ac pagos *Kleinau*, *Buch*, *Kotzebu*, & *Einwinkel* præterfluens fluviolus *Hammaia*, vulgo *die Hammal* dictus, à *Iove* procul dubio *Hammone*, vel ab hoc *Hammone*, & *Maja* simul. Hunc enim tanquam deum quondam illic venerati sunt; & idipsum testatum reliquit vetus illa *Claufula*, seu fanum *Hammonis*, quod ante paucos annos, prope pagum *Kotzebu*, adhuc videre licuit. Hoc *Bisæ* brachium, per multas aquas hinc inde confluentes collectum, tendit ad pagum *Woldenberge*, atque à rusticis hujus loci senioribus itidem *Balsamus* nominatur. Hinc progreditur versus *Britzkam*, *Debitz*, *Hauwische*, & *Zeren* pagum quen-

Germania.

dam, ubi nomen supra dictum *Zere*, vel *Zern* accipit, atque idipsum quoque terræ *Zermondæ*, quam alias *Marchiam Veterem*, vel *Romanam*, vel *Soltquellanam* dicere solent, una tribuit. Porro tendit versus *Holtzhausen*, *Iegel*, *Gartz*, *Deutsch*, *Trosede*, *Bemezin*; ubi in lacum quendam incidit, & ex hoc ulterius in alium, *der Raben-see* dictum, juxta *Neuendorff* imo ex hoc rursus in alium prope arcem *Gartau*, atque tandem versus *Retzdorf* tendit, ubi nomine immutato *Euga* vocatur. Denique se recipit ad pagum *Mitznau*, *Wenksstediorum* sedem, ubi in *Albim* se conjicit. Atque sic hic amnis, sub quadruplici nomine, nempe *Balsami*, *Hammaia*, *Zeræ*, & *Eugæ*, recta versus Septentrionem tendit, separatque Terram *Zermundanam*, à Terra *Senonum*. Cæterum nomen *Cera* huic fluvio à *Cerere*, vel *Zera*, *Longobardorum* dea, quam & *Zizam*, hoc est, *Mammofam*, *Altricem* dixere, iidem populi indidere.

Iexa, *Geza*, *Gaza*, vel *Iæza*, exoritur non procul à pago *Stemke*, in arenoso quodam præalto colle, ex veteri quercu, inter pagos *Izrilop*, & veterem *Forfau*, prope *Reppin*; ac tendit versus *Dentze*, & *Damme*, arcem quandam veteris pagi, & templum desolatum, in quo idolum ligneum, quod *Gazam* deam dixere, quondam conspiciere licuit. Vulgus plerumque *Sanct Vielhaar* appellavit, eo quod rustici idipsum pro pecude capillata, siquando ægrotaret, aut sterileceret, invocant. Hinc ulterius pergit per vallem amoenissimam, multis herbis virtuosissimis, ac rivulis limpidissimis ab utraque parte ex montibus descendentibus præditam, versus *Immekaten*, ubi auratas, variolos, truttas, aliosque ejusmodi pisciculos nutrit; ac porro *Bergam*, *Ristet*, *Geben*, ubi in piscinam quandam, *Stolpe* dictam, se projicit. Ex hac piscina recta progreditur versus *Beizendorf*, à *beizen* hoc est venari, vel *Gezendorf*, à *Gaza* dea, sic dictum, atque sic ulterius versus *Audorf*, ubi *Zunderam*, seu *Huntam* fluvium recipit, qui descendit à domo *Klotzen*, inibique se colligens ex aquis montium, *Apenburgum* præterlabitur. Hinc procedit versus *Kuhfeld*, & vetustissimum Monasterium *Dambeke*; dehinc *Soltquellam* perlabitur, ac arcem *Wultrau* præterfluens, tendit versus *Litau*, *Hitzgohe*, vel *Hitzakker*, ubi in *Albim* sese exonerat. Atque sic *Geza* ex Occidente sese incurvat versus Septentrionem, ac Orientem.

Ora, seu *Hora*, vel *Hortella*, oritur juxta pagum *Ordorf*, in Ducatu *Lunæburgico*, tenditque versus *Bruhme*, *Stemke*, & *Silvam trementem*, vulgo *den freien Tremling* / in qua se prorsus in terram abscondit, eamque subtercurrens, prope pagum *Miste* se rursus videndam offert, atque sic *Kalbfordam*, *Haldenslebiam*, & *Wolmerstadium* pergit, ubi se in *Albim* projicit. Itaque *Ora* ab Occidente versus Meridiem, fines veteris *Marchiæ*, *Archiepiscopatus Magdæburgensis*, *Ducatus Lunæburgensis*, & *Brunsvicensis* pererrans, hæc regiones à Veteri *Marchia* dividit.

Siquando horum, aliorumque fluviorum vetusta nomina perpendimus, certe videbimus, eos plerumque à vetustis gentium diis ea accepisse,

H h h

pisse,

*Dii gen-
tium.*

pisse, quos antiqui harum regionum incolæ invocarunt, ut erant; *Lucina, Velleda, Aurinia, Isis, Ora, Hera, Sol, Ceres* seu *Zera, Zizas, &c.* Atque ab illis adhuc hodie multæ herbæ nomina sua vernacula servant, ut *Zsenhaar* / vel *Zserhaar* / *Drant* / *Alurin* / *Venushaar* / *die Ammen* / oder *Hammens-kreuter* / *die Lamiben* / oder *Lumifen-kreuter* / *die Zigenhaar* / *Zizen* / oder *Zist-kreuter* / *Sonnenschôs* / *Sonnenwende* / aliæque ejusmodi, quæ in medicina maximas obtinent virtutes.

Cæterum hanc Veterem Marchiam, cum regio sit ad sanitatem valde conducens, & frugum, pecudum, herbarum, eduliorumque omnis fere generis maxime fertilis, aliqui Galilæam Germanicam appellare soliti sunt.

*Incolarum
indoles.*

In urbibus, & oppidis multi inveniuntur viri docti, qui sapienti consilio, ac opere indefesso rempublicam valde juvant. Ruri rusticus agros colit, & pecudes educat summo suo commodo: ac nobiles partim prædia sua incolunt, fructibusque quas reddunt, vivere solent, partim bellum sequuntur, ac martialia sua ingenia ita exercent, ut multos invenias, qui ad summum honoris fastigium pervenere. Incolæ olim vere Germani, valde probi, simplices, honestatique maxime dediti fuere, quamquam alias rudes, ac in communi vita moribus inconditis; quippe qui nullam magnificentiam, ac fastum in ædibus suis curarunt, parvis contenti. Atque hinc est, quod Veteris Marchiæ incolæ rudes, ac rusticitatis studiosos appellarint. Verum enim vero hodiernis temporibus, rusticitate deposita, aularum munditiem pariter ac mores induunt, ac pro-

ximarum gentium civilitatem imitantur.

Cur autem hæc regio tantum Nobilium nobis exhibeat numerum, inde vel maxime processit, quod non solum Imperator Henricus Auceps, in bello Marchico contra Vandalos suscepto, omnes suos Aulicos, & asseclas, imo milites ipsos nobilitavit, eos sic alloquens; *Adel* / *Edel* / *Eid-halt*: sed etiam multos Nobiles è Saxonia, Franconia, Belgio, Gallia, aliisque locis ortos, ac bellum secutos, huic Veteri Marchiæ, tanquam præfidiarios, imposuerit, ita ut ex his quam plurimi postmodum sedes suas penitus hic elegerint, numeroque incolarum accenferi voluerint. Quin & idem Imperator eodem tempore suis dilectis Veteris Marchiæ civitatibus Aquilam rubram, tanquam communia insignia, largitus est; cum antea non nisi baculis, ligulis rubris, nodis peculiaribus, ac sanctis, suis Patronis, in sigillo usi sint. *Stendaliæ* attribuit Aquilam rubram duobus viridibus smaragdis insistentem; quod tamen postea in semiaquilam cum quatuor granis hordeaceis mutatum. *Soltquellæ* dedit semiaquilam cum clave, nempe veteri urbis parti, novæ vero Aquilam duas claves unguibus tenentem. *Gardelegiæ* rursus semiaquilam, cum tribus statuminibus lupulo circumcinctis. *Schusfiæ* Aquilam coronam in capite gerentem. *Angermondæ* solam Aquilam rubram: *Osterburgo* Aquilam rubram arcu aut castello insistentem. Denique *Variano* Aquilam Lunæ insistentem, ad indicandum, quod ex urbe *Variana* pax contra Vandalos fit parata, & *Brandenburgum* expugnatum.

*Nobilium
numerus &
origo.*

*Vibium in-
signia.*

M A R C H I A

M E D I A.

Sum.

Brandenburgum Metropolis.



Archia Media, in meditullio Marchionatus Brandenburgici sita, ad viginti octo milliarum, tam in latitudinem, quam longitudinem, se extendit; ac ab altero Albis latere incipiens, usque ad Viadrum excurrit, Havela infimul, Sprea, & aliis fluminibus irrigua. Hæc olim Suevorum sedes fuit; ac hisce temporibus multis haud spernendis oppidis, vicis, foris nundinariis, arcibus, ac monasteriis ornatur. Oppidorum caput, & Metropolis est Brandenburgum, fluente Havelæ in duas partes, nempe in veterem, & novam urbem, separatum, & distinctum. In hoc conspicitur Templum Cathedrale seu Episcopale, cujus locum olim *Arx Brandonis*, Francorum Ducis, ac primi hujus urbis conditoris, occupavit, ac ubi Primisslaus, Vandalorum rex, templum, in honorem Divæ Virginis Deiparæ, ante obitum suum, ædificavit, inibique anno 1142 sepultus est. In hoc quoque templo idolum triplici facie erectum, quod Vandali *Triclas* dixere, quondam conspiciebatur. Montem proxime adjacentem Carolus Magnus Imperator, anno 789, ubi oppidum hoc expugnaverant, & occupaverant, Harlungis, sive Brisgaviis habitandum tradidit: circa hoc quoque tempus quicquid Vandalorum in Marchia reliquum erat, Religionem Christianam amplectebatur. Post ea autem tempora Brandenburgum adhuc multas obsidiones passum, nempe sub Imperatore Ottone primo, cujus frater Henricus, Bavarie Dux, illud expugnavit; deinde anno 1020, Mstovæo, Vandalorum rege, qui Marchionem ac Electorem Didericum Secundum ex Marchia expulit; quam tamen haud ita longe post Elector Udo Primus recuperavit. Quinque annis autem elapsis, nempe anno 1105, Electoratum possidente Marchione Udone Secundo, Brandenburgum à Vandalorum rege Primisslao Primo rursus obsessum, & occupatum est. Hic urbem per viginti tres annos continuos possedit, quibus elapsis Saxones eum expulere; sed mox recuperatam usque ad vitæ finem servavit: ubi eam Marchio Albertus Ursus hæreditario nomine accepit, ac cum posteris suis possedit. Cæterum multis & exquisitis privilegiis à plurimis Imperatoribus, ac regibus, suisque Principibus munita est, ut in generali totius Marchionatus descriptione satis fuse indicavimus. Non procul ab hac urbe se offert regio quædam, quam Havela fluvio cinctam, Terram Havelæ, *das Haveland* vulgo nominant; item Monasterium Prin-

Germania.

cipale Leninum, Ordinis Cisterciensium, quod Marchio & Elector Brandenburgicus Otto Primus, Alberti Ursi Electoris filius, anno 1180 fundavit; & in ejus usum regiunculam illam, *die Hohe Zanche* dicunt, cum adjacentibus agrorum jugeris, quam à Primisslao, Vandalorum Rege, postea in Baptismate Henrici nomine insignito, tanquam à filio suo iustitico, dono susceptionis acceperat, contulit. In hoc Monasterio plurimi Marchiones Brandenburgici, ex Anhaltinorum familia, sepulti jacent.

Cæteræ Marchiæ Mediæ urbes & oppida sunt *Verber.* Ratenovia ad Havelam sita, Spandovia munimentum prope Spream, Berlinum, Colonia, utraque itidem ad Spream sita, & ponte conjuncta, Francofurtum ad Oderam, Brietza fidelis, Belitz, Bernovia, Bellina ad Rhenum, Mittenwalda, Monachoberga, Bisenthalium, Blumberga sub Episcopatu Brandenburgico sita, Bœtzovia cum arce, Bucovia, Deltovia, Deubitz cum arce, ad Dominos à Schenken pertinen- te, Falkenhagia, quæ quondam itidem arce conspicua, in qua Domini, ut vocarunt, Templi habitaverunt, *Freienwalda*, & *Oderberga*, ubi Marchio & Elector Albertus Secundus, ex Anhaltinorum familia ortus, in meditullio Oderæ arcem ædificavit, quæ hodiernis temporibus est Telonium exigendis vectigalibus inserviens; item *Fridlandia* cum Monasterio virginum Vestalium, *Frisachia* ad Rhenum, in regione ejusdem nominis sub Episcopatu Brandenburgico, *Gerswalda*, *Grimmitia*, *Grunebeida*, *Grunewalda*, & *Koppenicum*, quibus quatuor singulis singulæ Domus venatoriæ, ad Electorem spectantes, cum totidem arcibus, additæ sunt, *Hechelberga*, *Landsberga minor*, cum vetusta arce, quam quondam Marchiones, præ timore à Vandalis illis incuti solito, inhabitaverunt, indeque Landsbergici dicti, *Lichena*, *Libenwalda*, cum Domo venatoria, quam Marchio Ioannes Primus, & Otto Bonus, fratres, circa annum 1254, ædificarunt; *Naven*, *Putstam*, cum arce, *Neostadium*, *Eberswalda*, cum Monasterio Ordinis Cisterciensium principali *Corin*, quod itidem anno 1254, Elector ac Marchio Ioannes I fundavit, ac in eo sepultus est; *Mulrofa*, *Saarmonda*, *Schonbeca*, cum Domo venatoria, ab eodem Marchione eodem anno ædificata, & Monasterio à fratre hujus Marchionis Ottone condito, ubi quoque hic Marchio sepultus est; *Trebina*, *Werdera*, *Bernawicha*, *Zoffa*, cum arce, *Stendalia*, *Suet*, quod ante vastationem *Landskrona* dicta, postea nomen *Suet* vel *Sweet*, accepit, quia hostes obsidentes obsessi irriserant, quasi nondum sudarent; ac denique *Vierraden*, cum Comitatu, ad Pomeranos olim pertinens, *Wriszen*, haud procul ab Odera situm, & *Litza* cum territorio adjacenti haud exiguo.

I i i

Berli-



MARCH. BRANDENBURGICI
PARS, quæ
MARCHIA MEDIA
Vulgo MITTESMARCH dicitur.

Amstelædami
Evd. Joannes Blaeu.

Milliaria Germanica.

Meridies.

Berlinum.

Berlinum, ubi hisce temporibus Electores Brandenburgici plerumque aulam suam celebrare solent, ab Electore Marchione Alberto Urso, ex Anhaltinorum familia orto, id nominis accepit; quippe qui hoc oppidum, anno 1140, primus condidit, vel, ut quidam scribunt, antehac conditum auxit, & ampliavit. Alii affirmare conantur, quod Berlinum ab urfis, hasce regiones quondam maximo numero incolentibus, nominatum, ac à Ioanne Primo, ex Anhaltinis Principibus orto, amplificatum, & munitum sit.

Colonia ad Spream.

Colonia, quam Sprea fluvius Berlino opposito separat, vulgo à *Carbonibus*, vel *Carbonariis*, in hoc tractu olim magna frequentia habitantibus, sic dictum creditur; aliis autem à *Coloniis*, hoc est, populis ex aliis in hasce regiones, terræ colendæ gratia, vel Berlino potius deductis, ac collocatis. Arcem hic Marchio ac Elector Fridericus Primus, Noribergæ Burggravius, ad compescendum civium tumultuantium impetum, primum condidit, ac postea Marchio Ioachimus Secundus maximis sumptibus de novo extruxit, ac magnifico apparatu ornavit, licet non perfecit.

Francofurtum ad Oderam.

Francofurtum ad Oderam, quam Sunno primus, Clodomiri ex Francorum sanguine filius, anno 146, cum Francones acie ingenti confluentes, hic vado Oderam, unde & oppidum hoc nomen suum traxit, transirent, Vandalosque profligarent, una cum oppido *Sund*, primum condidit, limitanea est civitas versus Silesiam, regionem Sternbergam, Lusatiam, Poloniam, Pomeraniam, ac Novam Marchiam vergens. Anno 1253 eandem Gedinus ab Hertzberg, iussu Marchionis Ioannis Primi, & Ottonis Boni, Marchionis Alberti Secundi Anhaltini filiorum, à porta Oderæ vel pontis, usque ad portam Gubicam dilatavit, ac ampliorem reddidit, hancque partem superadditam oppidum superius, veterem autem, nempe illam à porta Oderæ, usque ad Lebusinam, inferius appellavit. Ad hanc autem dilatationem centum & viginti jugera insumpta, cum pratis trans Oderam sitis. Hunc tractum tunc temporis *Zwieselich* vocarunt; & modo dicti Marchiones ac Electores primo in animum insumserant, aliam ac novam urbem trans Oderam condere, quemadmodum idipsum ex literis quibusdam, in Curia Francofurtensi asservatis, videre est. Hoc autem oppidum olim Hanseatica, ac Imperialis civitas fuit, & adhuc hodie Lubecenibus, aliisque civitatibus Hanseaticis nullum vectigal persolvit. Quin & longe ante hæc tempora ibidem stapula celebris erat, multis privilegiis munita, quod nimirum omnes merces hic primum ex navibus exportarentur, ac deponerentur. Atque hæc privilegia modo dicti Marchiones confirmarunt, ut & tres illas nundinas, quarum primæ in Bacchanalia, diem nempe Dominicam, quam Reminiscere vulgo vocant, & alteræ in Dominicam à festo Margaritæ proximam, tertiæ vero in ferias Sancti Martini incidere solent. Anno 1506 eandem, consensu Imperatoris Maximiliani Primi, & Pontificis, Marchio ac Elector Ioachimus Primus, & Albertus, Archiepiscopus Moguntinus, & Magdeburgensis,

Fratres, Academiâ ornavunt. Quin & huic civitati Marchio Ludovicus Senior, Comes Palatinus Rheni, & Bavariæ Dux, eximias immunitates attribuit, quo fidelitatem ejus remuneraret, quam illi, anno 1348, præstiterant, cum Principes Saxonie, Mechlenburgi, Pomeranie, Anhaltinatus, Brunsvici, imo ipse Imperator Carolus IV, & Otto Archiepiscopus Magdeburgensis, Landgraviusque Hassie, & Thuringie, hunc Marchionem gravissimis peterent bellis, & in hoc oppido Francofurtano obsiderent; ubi omnes fere totius Marchie civitates desciscabant, ac Molitorem Iacobum Rebock, tanquam Dominum suum, recipere volebant. Hic enim Molitor Marggravio Woldemaro, quoad corporis staturam, & gestus, valde similis, affirmabat se esse verum illum Woldemarum, qui in Terram Sanctam quondam profectus, atque nunc reversus; cum tamen ille Marchio ante viginti novem abhinc annos, anno nempe 1319, absque mascula prole, mortuus esset. Quin & postmodum multis aliis eximioribus privilegiis à Fratre illius Ludovici Senioris, Ludovico Romano, ac Imperatore Ruperto, Comite Palatino Rheni, Francofurtenses præditi sunt, ita, ut per totum Rheni tractum, terra & aqua, vectigalium immunes commercia exercere valeant. Ante omnia autem notandum, quod hic Francofurti, post Carthusianos, rivulus quidam se offerat, ex vinea promanans, ac omnia injecta lapidescere faciens.

Briza fidelis, vulgo *die Trewe Bricke* / itidem à *Briza fidelis*. fidelitate sua sic appellatum, quam, cum Francofurti ad Oderam, uti jam dictum, Marchionibus Brandenburgicis præstiterat, nempe Marchioni Ludovico Seniori, & Ludovico Romano, fratribus, Imperatorisque Ludovici Bavari, Comitis Palatini ad Rhenum filiis, cum anno 1348, ex Marchia fere expulsi essent.

Bernovia, id nominis à Marchione ac Electore Alberto Urso, qui eam anno 1140 condidit, accepit, atque idem significat, ac *das Behren aue* / hoc est, *Vrsi terra*. In hoc oppido optima totius Marchie cerevisia coquitur, quæ in longe diffinitas regiones portari solet.

In hoc porro Marchie Mediæ tractu se offerunt tres Episcopatus, nempe Brandenburgicus, Havelbergicus, & Lubusensis. Brandenburgicus valde antiquus est Episcopatus, qui ab Imperatore Ottone Primo fundatus, ad Archiepiscopatum pertinet Magdeburgicum. Nonnulli scribunt eum fundatum esse ab Imperatore Henrico Primo, modo dicti Ottonis patre; alii Imperatorem Ottonem Tertium, circa 1100 annum, auctorem agnoscunt. In hoc Episcopatu situm est oppidulum *Zijeser*, ubi olim Episcopi aulam suam celebrarunt; ut & oppidula *Blumberga*, *Frisach*, & *Plaga*. Primus Brandenburgi Episcopus fuit Dulimus, circa annum 960. Hunc secuti sunt, Ioannes, Scotus, anno 1064; Didericus Primus, anno 1068; Didericus Secundus, anno 1070; Tarquardus anno 1072; Wigerus, decimus tertius in ordine, qui erat Abbas Ordinis Fratrum Præmonstratensium, tempore Primiislai Vandalorum Regis, nempe circa annum 1142; Wilianus, decimus quartus in ordine, anno

anno 1144; Marchio Sigfridus, Electoris Brandenburgici Alberti Ursi filius, anno 1163, qui, postquam quindecim annos Episcopatum rexe- rat, anno 1178 Bremam vocatus est, ubi Epi- scopus sexennis mortuus est; Waldramus, anno 1190; Winricius anno 1192; Fridericus à Gra- fenek, Vngariæ Abbas, anno 1420, qui etiam antea, anno 1411, ab aliquibus Canonicis in Episcopum Augustanum electus, sed rursus eje- ctus est; Hieronymus anno 1506; & ultimus Ioachimus, Munsterbergæ in Silesia Dux, anno 1546, qui Episcopatu resignato, anno 1563 ex hac vita discessit. Hoc mortuo, Episcopatum accepit Marchio Ioachimus Fridericus, postula- tus Brandenburgici Episcopus, ac postea Admi- nistratores Magdeburgensis.

*Havelber-
gensis.*

Episcopatum Havelbergensem inter alios possedit Marchio Hermannus Brandenburgicus, Electoris Ioannis primi filius, ex familia Anhaltinorum. Sub hoc Episcopatu situm est oppidum *Wistok*, ex prælio Suecico hic ante ali- quot annos commissio valde notum; ut & *Welse-
nacum*, olim ad sacrum sanguinem dictum; ac de-
nique *Zechlina*, Arx Electoralis, quam olim Do-
mini, ut vocantur, Templi inhabitaverunt.

Lubusensis.

Episcopatus Lubusensis unico milliari Fran- cofurto ad Oderam distat, ubi oppidulum cum arce, Lubusia, ab uxore Ducis cuiusdam Polo- nici Lubusfa, sic dictum, conspicitur. Hoc à Mitzlao Duce Polonico, sub Imperatore Otto- ne Primo, anno 965, ubi Christianam religio- nem primum profiteretur, conditum, quondam ad Regnum Poloniae pertinuit, & postea Mar- chionatui Brandenburgico incorporatum est. Episcopatus sub se continet triginta tres pagos, cum oppidis quibusdam, & arcibus, ut sunt *Fur-
stenwalde*, ubi templum cathedrale cum castello
conspicitur, item *Selovia*, & *Ioritium*, olim templo cathedrati ornatum, in regione Sternbergensi. Anno 1109 Sbignæus, Dux Polonicus, impe- rante Henrico Quinto, arcem ac oppidum Lu- busiam expugnavit, & Henrico Comiti Asla- viensi, Archiepiscopo Magdæburgensi, dono dedit. Anno 1180 Gaudentius, Lubusensis Epi- scopus, iussu Casimiri Primi, Poloniae Regis, Comitibus Polonicis, ut Vassallus, interfuit. An- no 1250, Marchio ac Elector Ioannes Primus, Princeps Anhaltinus, Episcopatum & ditionem Lubusensem à Boleslao Calvo, Henrici Barbat, Lignicensium & Crossensium Ducis filio, in An- nalibus Polonicis emisse fertur. Anno 1295, sub Imperatore Adolpho, & Primislao Secundo, Poloniae Rege, item Marchione Ottone Longo, Electore Brandenburgico, Conradus, Episcopus Lubusensis, Regis Polonici vassallus, & subditus fuit. Et anno 1368, inter Regem Casimirum Secundum, & Petrum, Episcopum Lubusen-


sem, omnibus ditionibus à Rege exutum, tan- dem ita conventum est, ut Episcopus ditiones, quas ab antiquis temporibus sub regno Poloniae possederat, servaret, sed Regem Poloniae, ut Patronum suum, ac Tutorem, agnosceret. Ve- rum anno 1469, Friderico Secundo Electora- tum possidente Brandenburgicum, Fridericus Episcopus Lubusensis dicto Electori paruit, qui eundem quoque ad Regem Poloniae, Casimi- rum III, ablegavit.

Quidam ex hisce Episcopis Lubusensibus, nempe vigesimus septimus, Didericus à Bulau, primus Academiae Francofurtensis ad Oderam Cancellarius, & Conservator, Furstenwaldam civitatem, ab arce usque ad portam molariam, muro cinxit, & anno 1523 mortuus est.

Cæterum huic Marchiæ Mediæ quoque an- numerantur hi duo Comitatus, Ruppiniensis, & Stolpensis; ut & regio Priegnicensis. In Ruppi- nensi Comitatu se offerunt oppida Ruppinum, cum arce vetusta Ruppinum vetus dicta, & *Granzoja*, cum Monasterio, item *Wusterbusum*. Extinctis autem omnibus ejus Comitibus hære- ditariis, inter quos Wichmannus ultimus existi- tit, hic Comitatus hæreditario jure ad Marchio- nes Brandenburgicos devenit. Comitatus *Stol-
pensis* nomen suum traxit ab oppido & arce Stol-
pa, circa annum 1254 condito. Huc quoque
pertinet oppidum Angermunda Nova, sesqui-
milliari spacio ab Odera situm, quod vulgus
Reber-Angermünde / hoc est, *Angermundam hæreti-
cam* appellavit, eo quod ab Hæreticis Bohemiæ
Husitis, anno 1429, sit occupatum. Conditum
est anno 1254, à Marchione Ioanne Primo, &
fratre ejus Ottone Pio. Olim ad Pomeranos
pertinuit; sed Marchio Fridericus Primus Ducibus Pomeranis, Ottoni Secundo, & Casimiro Quinto, armata manu eripuit, ac Marchiæ Brandenburgensi incorporavit. *Priegniti-
um* vel *Priegnissa* est vetus ac celebris regio, in finibus
Meklenburgicis, & Saxoniciis sita. Urbes in ea
celebriores sunt, *Perleberga*, *Pritzwalda*, *Kiritium*,
Lentzia, ubi se offert Telonium Electorale ad
Albim; & *Havelberga*, unde nomen suum Episco-
patus Havelbergensis accepit: oppida vero mi-
nora sunt *Wittenbergula* ad Albim, Neostadium,
Wilsnacum, Freienstenium, & monasterium Se-
pulchrum sacrum dictum; oppidulum item
Cremme, ut & *Lindovia*, cum Monasterio. In hoc
tractu olim habitaverunt Cimbri, & Wilti, populi
illi rapinis victitantes, & omnia circumcirca iti-
nera minus tuta reddentes.

Tandem quoque Marchiæ Mediæ accensetur Monasterium *Lissa*, inter Magdæburgum, & Zerveftam urbes situm, cum plurimis pagis sub-
jectis.

*Regiones
Naxebue
hinc accen-
sen solita.*



MARCHIA NOVA.

Fines.



Archia Nova, à Media separatur Odera fluvio, in quem juxta Custrinum se exonerat Warta, ex Polonia Sonneburgum, in regione Sternberg situm, item Zandocum, & Landsbergam versus tendens.

Hæc regio olim ad Dominos S. Iohannis Ordinis per Borussia Teutonicos pertinuit, atque ab his vendita est, anno 1290, Marchioni Brandenburgico Ottoni Longo, qui etiam, ut nonnulli putant, Arcem in Borussia condidit, & Brandenburgum appellavit. Quin & aliquando Polonis, acceptis 10000 marcis Polonicis, pignoris loco eam tradidit Marchio Sigismundus, postea Imperator Romanus, & Rex Bohemiarum, Hungariæque, nempe anno 1403; sed reddita ejus summæ parte dimidia, nempe 500 marcis Polonicis, Marchionibus restituta est.

Extensio.

Fertilitas.

Oppida.

Fines ejus imprimis Pomeraniam, & Poloniam attingunt; ac in circuitu suo viginti quatuor circiter milliaria complectitur. Agris abundat frugiferis, item pascuis, piscatu, saltibus, molisque. Sub Marchionibus Brandenburgicis valde aucta est, præsertim sub Iohanne Ioachimi Primi filio, & Ioachimi Secundi fratre, qui inibi urbem Custrinum, ejus sedem, ac hujus Novæ Marchiæ nunc Metropolim, ingentibus sumptibus innovavit, ac munivit, telonioque instruxit. Reliqua oppida sunt *Landsberga* ad Wartam fluvium, *Regius Mons*, vulgo *Rönigsberg* / ab Ottocaro, Rege Bohemiarum, postquam cum Ottoni Longo, Marchione Brandenburgico, Borussia expugnaverat & occupaverat, ad fluentum *Röriche*, anno 1255, vel, ut alii computant, 1266, conditum; item *Bernswalde*, & *Bernstein*, cum arce, *Bernviola*, & *Berliniolum*, vel *Berlinum novum*, à Marchione Alberto Vrso, anno 1140, fundatum, ac sic appellatum; porro oppidum *Arnsvalde*, *Thama* municipium, seu vicus, *Soldina* quondam Metropolis, *Furstenfelda*, *Dramburgum*, *Drifena*, in finibus Polonicis, *Falkenberg*, oppidum cum arce, in finibus Pomeraniæ, *Frideberga*, *Himmelftadium*, monasterium Virginum, *Califum*, *Curtovia*, *Lupena*, oppidula, *Margenswalde* monasterium, *Morina* oppidum, *Neoburgum* municipium, *Nurenborgula*, *Retza*, cum monasterio *Rhodia*, *Schiefelbein* oppidum, *Ofemonda*, *Schonsties*, *Woldenberg*, *Schiltberga*, *Zedena*, cum monasterio virginum, *Zandocum* municipium juxta Wartam.

In hoc Novæ Marchiæ tractu inveniuntur parva corallia rubra, lapidesque pretiosi varii generis, nempe *arhites*, parturientibus mulieribus valde conducens, & lapis *Xisthus*.

Cæterum ad Novam Marchiam vulgo referre solent Regionem *Sternbergam* trans Oderam

fitam, item partem quandam *Lusatiae*, Dominium *Bescau*, & *Sterkau*, ut & Ducatum *Crossensem*.

Sternberga regio septem milliariibus in longitudinem se extendens, & ab oppido suo ejusdem nominis sic dicta, se extendit usque ad Poloniam, Silesiam, Novam, & Mediam Marchiam, à quibus Odera fluvio dirimitur. Metropolis est *Droffen*. Cætera oppida sunt *Sonnenburg* cum arce, ubi aulam suam celebrare solitus est Magister Ordinis S. Iohannis Hierosolymitani supremus per Saxoniam, Pomeraniam, Lusatiam, & Marchiam: item *Reppen*, *Spiegelberga*, *Zielentzig*, vetusta olim arce præditum, quam condidit Marchio, Otto cum telo, Elector, at postmodum Poloni vastarunt; *Goritium* ad Episcopatum Lubusensem pertinens, *Sandau*, & *Königsvalde*, oppidum & arx, in finibus Poloniæ.

Sternbergensis regio.

Pars *Lusatiae* ad Marchionatum Brandeburgicum pertinens, quam solam sibi servavit Marchio Brandenburgicus Fridericus Secundus, cum, anno 1462, Regi Bohemiarum Georgio integram Lusatiam inferiorem traderet, est oppidum *Cotbus*, vel *Cotwitz* cum arce, item *Sommerfeld*, & *Peitze*, vel *Beutz*, ubi Iohannes, Marchionis Ioachimi secundi Electoris frater, anno circiter 1570, munimentum erexit.

Lusatiae Pars.

Ditionem *Bescau*, & *Storkau*, vel *Sorkau*, ut pignus, possident Electores Brandenburgici, ab anno 1565; ubi eandem Marchio Iohannes à Dominis Biberstenianis & Soravianis primum accepit, ita ut posterius ejus adhuc hodie, consensu Regum Bohemiarum, quorum regno olim annumerata est, retineant. In hoc tractu se offert fodina aluminis admodum dives, quod inibi purgari, & divendi solet.

Ditio Bescau & Storkau.

Ducatus *Crossensis* in Silesia, ad regionem *Sternbergicam*, & ad Marchiam Mediam Francofurtum usque pertingens, olim ad Poloniæ, deinde ad Bohemiarum Regnum pertinuit, nempe conjunctus fuit cum Ducatibus Glogaviensi, & Breslaviensi, quos omnes tres, anno 1162, Conradus, Vladislai filius, solus possedit. Ad Brandenburgicos autem postea bis, nempe anno 1277, & 1484, tanquam pignus, pervenit, donec tandem, anno 1491, ultimus *Crossensis*, Glogaviensis, & Sagenfis Dux Iohannes eundem, consensu Regis Bohemiarum & Hungariæ Vladislai, Marchioni & Electori Brandenburgico Ioanni Tertio, Electoris Alberti, Achilles Germanici dicti, filio prorsus in hæreditatem tradiderit; id quod, anno 1538, Ferdinandus, Bohemiarum, & Hungariæ, Romanorum item Rex, confirmavit.

Ducatus Crossensis.

Cæterum in hoc Ducatu duo tantum nominis cujusdam sunt oppida, nempe *Crossen*, cum arce ad Oderam, & *Zulchtrium*, vulgo *Zulch* etiam arce munitum.



MARCHIA UCKERANA.



Archia Uckerana nomen suum traxit ab ingenti lacu, *Uckera* dicto, & sese extendit à Marchia Media, & Nova, usque ad Pomeraniam, ad cuius Ducatum olim pertinuit. Verum ad Marchionatum Brandenburgicum, per nuptias Marchionis & Electoris Iohannis Primi, ex Anhaltinorum familia, cum filia Barnimi primi, Ducis Pomeranorum, ac Stetinensium, circa annum 1260, pervenit.

Metropolis hujus Marchiæ Vckeranæ est *Prentzlovia*, quam Vandalorum per Marchiam, ac Meklenburgum Rex, Primisslaus, postea in Baptismate Henricus dictus, primus condidit, ac ex nomine suo ita nominavit, anno 1138; & postmodum anno 1275 supradictus Barnimus primus, Pomeraniæ Dux, dilatavit, ac majorem

reddidit, inque duo oppida distinxit, nempe vetus, & novum. Nonnulli produnt, Marchionem Fridericum ejus nominis primum, Electorem Brandenburgicum, & Burggravium Noribergensem, hoc oppidum Brenzlo, anno 1424, Ducibus Pomeranis, Ottoni, & Casimiro, fratribus Germanis, armata manu abstulisse, ac Marchiæ incorporasse. Monasterium, quod inibi conspicitur, ædificatum ac conditum est à Marchione & Electore Brandenburgico, Iohanne Secundo, ex familia Principum Anhaltinorum.

Reliqua oppida, & municipia seu vici, sunt *Strasburgum*, *Templina*, *Angermonda Nova*, ad *Welsam* fluvium, *Leichen*, *Leuchenitium* cum arce in finibus Pomeraniæ; item *Granzovia*, seu *Kranzau*, *Potzovia*, *Petikun*, *Dotzenburg*, & *Wolfsbagen*. *Vallis Ioachimi*, vulgo *Jochimstahl* / est Schola illustris, ab Electore Brandenburgico, anno 1607, instituta.



C O M I T A T V S
R V P P I N E N S I S,
E T D I T I O N I S
P R I G N I T Z E N S I S
D E S C R I P T I O.

Comitatus
Rupp. finis.



Comitatus Ruppinenfis, vel Rappinenfis, ab oppido suo *Ruppien*, vel arce ejusdem nominis, dictus, in meditullio fere totius Marchionatus Brandenburgici, nempe inter Marchiam Vqueranam, Mediam, & Veterem, situs est, &

Fertilitas.

Domini.

Oppida.

Ditionis
Prignicenfis
termini.

Situs.

parte reliqua Prignicenfis territorium, Ducatumque Mekelenburgicum aspiciat. Regio est frugum omnis generis feracissima, pecorumque dives, ita ut nullius fere rei ad sustentandam hominum vitam egeat, præterquam vino. Antecentum, & quod excurrit, annos, Comitum Ruppinenfium stirpe penitus extincta, quorum ultimi fuerunt, Ioachimus, Iacobus, & Wichmanus, qui improlis ex hac vita discessit, ad Marchiones Brandenburgicos jure pervenit, ita ut illi hunc Comitatum ad hæc usque tempora possederint.

Metropolis ejus est *Ruppina*, vel *Rappina*, quæ alias etiam *Neu-Ruppien* vocatur, nempe ut eo melius distingui possit à veteri ejusdem Comitatus Arce, *Alt-Ruppien* dicta, quæ oppidum hoc ex opposito aspiciat, & non nisi interjectu cujusdam fluvioli ab illo secernitur. Cætera oppida, & loca cujusdam nominis sunt, *Wusterhausen*, quod aliquanto magis versus territorium Prignicenfis, & Episcopatum Havelbergensem, non procul Neostadio, in angulo fere situm est; & *Granzo*, cum Monasterio haud incelebri; item *Kremme*, prope Glinlandiam, versus Marchiam Mediam, & *Lindau*, haud procul à dicta arce *Alt-Ruppien* cum Monasterio quodam.

Territorium *Prignicense* ex opposito Marchiæ Veteris Albim fluvium attingens, & ab hoc usque ad Ducatum Mekelenburgensem exporrectum, parte inferiori aspiciat Comitatum Dannebergensem, & superiori modò descriptum Comitatum Ruppinensem. Verus ac haud incelebris est regio, Comitatum Ruppinensem magnitudine superans, quamquam nullo alio, ac territorii, seu ditionis, titulo gaudeat. Magis in longitudinem, quam latitudinem porrecta cernitur, & ditionis est Brandenburgicæ.

Equitum, Nobiliumque non solum splendore fulget, sed etiam optimis ornatur oppidis. Iuxta Havelæ fluvium, ex opposito Archiepiscopalis Magdeburgensis oppidi Sandau, ad Albim siti, se offert oppidum *Havelberga*, cum Templo suo Cathedrali summæ altitudinis, cui Episcopatus Havelbergensis nomenclaturam suam debet. Huic succedit *Witteberga*, vel *Wittenbergula* ad Albim, oppidum quidem exiguum, seu potius vicus, cum portis & munimentis plane careat, tamen ob vectigal, quod naves Albim frequentantes, Electori hic solvere coguntur, optime notum; deinde *Perleberga*, oppidum Mediterraneum prope tractum illum, *die Deutsche Gotschau* dictum; & *Wilsenacum* non procul à dicto fluvio, inter Wittenbergulam, & Havelbergam situm. Reliqua oppida, & loca alicujus æstimationis sunt, *Freienstenium* in finibus Mekelenburgicis; *Stabenau*, vel *Stawekau*, versus Ducatum Mekelenburgensem, & Comitatum Dannebergensem prospiciens; *Pritzwalde*, vel *Preutzwalk*, in meditullio fere hujus regionis situm; Cænobiumque *das Heilige Grab* dictum, in proximo aspiciens; *Kiritium*; & *Cumlosen*, pagus inter Wittenbergulam & Lenziam ad Albim situs, telonio celebris; item *Lentzen*, in angulo limitaneo ad Albim, cum telonio Electorali.

Oppida.

In hisce tractibus olim habitabant, seu potius circumvagati sunt veteres *Cimbri*, & *Wilti*, seu *Wilti*, qui omnia circumcirca loca rapinis, & latrociniiis implevere. Et idipsum, juxta quorundam interpretationem, indicare quoque videntur eorum nomina. *Cimber* enim illis est, secundum veterem dialectum, quasi *raptor*, *homo rapax*; & *Wiltus*, seu *Wiltus*, quasi *Lupus*, *ein Wolf*. Quod tamen ego minime concesserim; cum non solum hi, sed etiam omnes illi antiquissimi populi adhuc sub ethnicismo in hisce regionibus degentes, admodum crudeles, & infrenes, imo plane ferini fuerint, ita ut minime mireris illos rapinis ac latrociniiis deditos, alia negotia prorsus fere neglexisse. Verum hisce temporibus omnes hæc regiones in optima pace florentes, itinera satis tuta præstant, incolis tam in agris, quam oppidis, honeste, ac summo nisu victum, amictumque quærentibus.

Incola veteres.



Nomen.

Finis.

Sub Imp
vio.

Olim m
jor 3

3 regnu

D E S C R I P T I O P O M E R A N I Æ D V C A T V S,

Auct. EILHARDO LVBINO, in Acad. Rostochienfi nuper Professore.

Nomen.

Fines.



Sub Imperio.

Olim maior.

Est regnum.

Pomerania sic dicta est ab antiquis Suevis, Suecici maris accolis, quasi dicas *Pomeer*, apud mare; ut alii, à voce Slavonica *Pomercze*, quod idem significat. Pomerania à septentrione mari Baltico & Venedico, quod Orientale, vulgo *de Oostzee*, vocatur, longo 60 milliarium, & amplius tractu, objicitur, instar arcus incurvata, cui ab altera maris parte regna Daniae & Sueciae opponuntur. Terrâ verò ab altera parte regno Poloniae & Electoratu Brandenburgico cingitur ab Occasu Megapolensi, & Ortu Borussiae Ducatu clauditur. Errarunt haecenus Geographi, tum qui quicquid terrarum inter Borussiae & Holsatiam interjectum est, ad Pomeraniam retulerunt; tum qui illam vel Marchionatui, vel Poloniae attribuerunt, cum jam à 450 ferme annis immediatus S. Imperii Status sit. Olim multo longior latiorque fuit, ab ortu enim ultra Vistulam se extendebat, & Dantiscum urbem, & Olivam cœnobium à Ducibus Pomeraniae fundatum complectebatur: à meridie vero Vkermarkiam & Neomarchiam, provincias ultra 34 milliaria sese porrigentes, & ab occasu totum tractum ad Varnum usque, quod Rostochium alluit, à quo populi Warini dicti, possidebat. Hinc Pomerania regni titulo, nullum superiorem agnoscens, etiam post Caroli Magni tempora fuit administrata, unde & Wartislaus I, jam Christianus, à Sax. Grammatico adhuc Rex vocatur. Cujus duo filii licet ab Imp. Frid. Barbarossa Principes Imperii sponte sua facti sint, antecessorum tamen regalia & dictas provincias ultra 100 annos cum posteris suis retinuerunt. Postea Barnimus I, cui unus tantum filius, & hæc tot provinciarum, filiam suam Marchioni uxorem, & totam Vkermarkiam dotem dedit. Neomarchia bellis inter Swantipoleum Achillem Pomeranicum & Polonos, Marchiones & Cruciferos gestis avulsa est: quæ licet postea à Cruciferis Marchioni erepta, inde ad Pomeranos redierit, mox tamen per conjugia & alia pacta iterum Marchionibus cessit, sic tamen, ut si Marchionum stemma deficiat, ea ad Pomeranos revertatur: & versa vice, si Pomerani deficiant, Pomerania cedat Marchionibus. Pomer-

Germania.

relliam Mestovinus Primislao Poloniae Principi ex sorore nepote testamento donavit, & sic filiam à matre avulsit. Megapolenses etiam belli inter Pomeranos & Marchiones tempore, Dargunum, Stavenhagiam, Brodam, Ivenacum à Pomeranis fundatum eripuerunt: ut sic Gryphus ille Pomeranicus eandem cum Romana Aquila fortunam, plumis à variis variè avulsis, expertus fuerit. Hæc tanta damna aliqua parte compensavit anno 1325, Principatus Rugiæ, & anno 1357, Comitatus Gutzcoviæ, mortefuorum Dominorum, accessio. Hodie Pomeraniae sunt limites qui etiam in tabulis notati. Ab occidente Megapoli, à Meridie Vkermarkschia, à Notapeliote Neomarchia, ab oriente Pomerellia, sexto ferme ab urbe Dantisco lapide jungitur. Totum Septentrionale latus illi claudit Orientale mare.

Fines hodiernæ.

Divisa illa olim in citeriorem, & ulteriorem. Illa Ducatus Stetinensem & Pomeraniam complexa ab occidente ad montem Gollenberg, prope Cullinum se extendit. Quod inter fluvium Parantam & Vistulam interjectum est, ad ulteriorem relatum fuit. Iam illa distribuitur in quatuor Ducatus, unum Principatum, unum Episcopatum, unum Comitatum, & duo Dominia.

Diviso antiqua.

hodierna.

Ducatus primus Stetinum, quod à populis, qui ante Christum natum hæc loca inhabitaverunt, Sedinum vocatum est, inter Penam & Inam interjectus. Secundus inter Inam & Wipperam, proprie Pomerania dictus. Tertius Cassubia, quæ olim potiore Pomerellia partem complexa, jam circa Lebeburgum & Butavium situs. Quartus Vandalia, circa Rummelsburgum, Rugewaldiam, Slaviam & Stolpam.

Ducatus.

Principatus Rugiæ olim suos Reges habuit, & inter illos Odoacrum, qui Italiam quondam armis belli subjugavit. Ad hunc Stralesundium, Bardum, Tribbeseha, Grimma, Loitzium, aliaque urbes spectarunt, præter illam, quæ Rugia jam proprie dicitur, de qua latius in particulari illius descriptione.

Principatus.

Episcopatus Camminensis Archiepiscopatus similis, metropolitanum nullum, solos Pomeraniae Duces dominos & patronos agnoscit. Ad eum spectat Caminum, Cossinum, Colberga, Corlinum, Bublittum, Gulzovium. In Frionwal-di urbe suum etiam jus habet. Vassalli ejus Comites ab Eberstein. Cœnobio in Pomerania fuerit 24, & ultra.

Episcopatus.

N n n

In



Comitatus. In Comitatu Gutzkow oppidum Gutzcow, solum ejus fertile & pingue admodum.

Dominia. Dominia Lebenburgum & Butovium Ericus II, bello cum Magistro Teutonico gesto, circa annum 1455, sibi subjecit. Quæ jam Pomeraniæ hæreditario jure subjecta sunt, & recognoscunt quidem Polonum, quoties novus Rex eligitur: non tamen tanquam feudi dominum, nec ulla ei servitia præstant.

Aëris qualitas. Mediocris in his provinciis aëris temperies, qui si quid insalubre ex paludosis locis contrahat, vicinitate maris & ventorum agitatione sic flabellatur, ut morbi epidemii, aut pestes raro hic grassentur. Lepra rarissima & pene inaudita.

Montes. Montes pauci, præter dictum Gollenberge prope Cuslinum, Revecol mons præaltus & famosus Smolsino imminens, Ossa prope Dantiscum,

Fertilitas. Podegugii prope Sedinum. Vnde Pomerania satis fertilis, copioso pecorum & frumentorum proventu incolas beat, ut tritico, quod circa Piritium magno terræ tractu & mire pingui, copiose crescit, filigine, hordeo, avena, pilis, panico, fagopyro, lupinis, lino, canabi, &c. Talium maxima quotannis quantitas aliò deportatur. Equos alit generosos, & fortes, boves & porcos copiose. In plerisque pagis greges & stabula ovium, unde quotannis immensa lanæ præstantissimæ copia mari in Belgium, Galliam, Angliam; terrâ in Misniam, Silesiam, Borussia hinc vehatur. Butyro, etiam caseo, & similibus magnas incolæ sibi opes parant.

Slavi hæc regiones olim incoluerunt: Slavorum enim nominis vestigia sonant adhuc audiunturque in multis ipsorum nominibus propriis, Bugslavus, Wratislavus, Witslavus; quæ non Germanicæ, sed Slavonicæ originationis sunt. Et constat, diu admodum Polonis terras istas subjectas fuisse, ac non nisi à Friderico Barbarossa Imperio additas. *Cassubii* à plicis vestium nomen habent, sedemque habent ad Caslinum, qua Pomerellia sese extendit.

Vrbes. Habet autem Pomerania egregia & crebra oppida, in quibus *Bardum* haud intimæ famæ est. Nomen quidam deducunt à Longobardis: alii à Bardo flumine, quod accolæ *Bartze* vocant: id enim juxta oppidum mari Balthico se infundit, mistum ante aquis Bekenitzæ amnis. Ac fieri potest, ut & ipsi Longobardi, quorum circa Bardum flumen sedes fuere, nomen ab eo flumine traxerint. Urbis primordia referunt plerique in annum à Christo nato 1079, cui etiam sententiæ archiva urbis adstipulantur. Tunc enim ferunt Longobardos Rugiensem insulam occupaturos, urbem in suo littore condidisse, loco negotiationi peropportuno. Paruit autem diu ea Duci Wolgastensi, fuitque haud incelebre ejus tractus emporium. Postea tamen Stetineses Pomeraniæ Duces situs commoditate illecti, amplissimarum urbium privilegiis, Ducali residentia, palatio sumtuose admodum splendideque exstructo, adhæc Schola & officina Typographica, denique etiam horto amoenissimo eam exornarunt, in quo sepimenta, diversarumque herbarum, florum, arborum & plantarum, tum vernacularum, tum exoticarum varietas, liberalem adfert civibus delectationem. Forum quoque spatiosum insignem civitati & mercatoribus usum præstat:

in quo ob agri vicini fertilitatem & maris opportunitatem, res usui humano necessariae venum exponuntur ingenti copia. Habet civitas ipsa artifices industrios, mercatores strenuos. Ager suburbanus vicinusque omnium rerum ad vitam necessariarum grata ubertate affluit; est enim irriguus, abundat stagnis, pervius etiam onerariis mercatorum navibus, habet pascua, pomaria, sylvas, montes, arva, rivos, ex quibus pecora, poma, ligna, feræ, triticum, pisces ac alites petuntur, ac præterea mel, cera, lana, pelles, coria; ut merito illustres Pomeraniæ Duces invitati illectique tot bonis, sedem sibi vitæque domicilium in ea delegerint. Distat Stralsunda miliaribus tribus, septem Rostochio, totidemque Gripswaldo. Commoda est ex ea in Rugiam aliasque Daniæ insulas navigatio. Civitatis opes in re pecuniaria & negotiatione consistunt, quam navibus magno suo commodo in vicina Daniæ, Norwegiæ, Sueciæque regna exercent. Audent & remotiores regiones petere: & ex raris mercibus civitatem suam ornare. Cerevisiam coquant sapidam, cujus beneficium vicinis urbibus indulgent suo cum lucro.

At metropolis totius Pomeraniæ est *STETINUM*, ad Oderam posita, situ amoenissimo. Tanti est splendoris & nominis, ut ab ea Duces Stetineses in Pomerania appellationem ducant. Vandalos autem hæc quondam loca incoluisse certum est, populum ferocem, cujus reliquæ adhuc passim in pagis cernuntur, præter nomen nihil habentes priscae virtutis. Sunt qui Stetini nomen referunt ad Sidenos Germaniæ populos, quorum mentio est apud Ptolemæum. Christianam religionem admiscere anno 1115, opera Ottonis, Episcopi Bambergensis, præeunte Wartislao primo Duce, cum filiis duobus, à quibus etiam Iulini, quod Wolinum est, Episcopatus institutus est, & templum B. Iacobo consecratum Stetini. Est autem urbs omnium rerum ad vitam necessariarum proventu abundans, quum segetes agri; ligna ad focos, & structuram navium domorumque sylvarum sufficiant; flumina & lacus pisces. Viader non uno loco ponte stratus est. Unus illorum in suburbium oppositum ducit, ubi granaria ingentia servandis frumentis disposita sunt, & officinæ exstruendis navibus, tum minoribus ad usum fluminum, tum majoribus, quibus mare etiam tuto tentare possis. Pons major Dantiscum ducit, via in id munita. Adverso anni Francofurtum navibus tenditur. Vrbs ipsa omni ex parte munita est, vallo, fossa, portis, turribus, forma pene quadrata. Templi præcipua sunt B. Mariæ, S. Nicolai, S. Iacobi. Fora plura, novum, olitorium, caballinum, piscarium. Curia templo S. Nicolai vicina est, in novo foro, ex quo in omnes urbis partes viæ directæ sunt. Sed præcipue ornamento est urbi palatium Principale, tanta arte & sumptu exstructum, ut ne Italicis quidem præstantissimis cedat. Pædagogium illustre in eo aperuerunt Philippus & Barnimus Duces Pomeraniæ, collatis in ejus usum redditibus Ecclesiæ S. Ottonis & B. Mariæ, constitutisque inspectoribus quatuor è Senatu cum tribus Diaconis. Primus Stetinsium Dux fuit Bugslavus.

Duces Ste-
tinenfes.

rus II, cujus obitus incidit in annum Christi 1222. Hoc Duce domiti sunt Slavi & Winti, lingua- que eorum, mores & jura abolita, admiffis in eorum locum Saxonibus. Circa annum 1313, recuperavit Wartiflaus IV, Pomeraniæ Dux Wolgastenfis Stetinum, à Conrado I Electore Brandenburgico occupatum. Quomodo autem controversia de Ducatu Stetinenfi, inter Bugflavum Ducem Pomeraniæ, & Albertum Marchionem Brandenburgicum composita fit, quibusque legibus inter fe coierint, apud Historicos legere est. Porro Stetinum inter Hanseaticas urbes non postremum locum habet, neque officit ipfius libertati Princeps, etiam in urbe habitans.

Gripfwal-
dum.

Etiam celebre est literarum artiumque humaniorum cultu Gripfwaldum, oppidum in Ducatu Wolgastensi, quem alii Bardensem dixere, exstructum anno Domini 1457.

Stralsunda.

Est & Stralsunda oppidum insigne in littore maris Balthici, quod olim proprium Ducem habuit, quem Bardensem vocabant, nunc Pomeraniæ Duci paret. Nomen habet à vicina insula Strale, & fauce five freeg, quod Rugiæ insulas à Germaniæ extrema continente dirimit, & Rugiæ Principatum medium interlabitur, unde Krantzius insinuat authorem ejus fuisse Danum; nam Sund, angustam maris faucem vocant Dani, additque urbem anno 1209 à Waldemaro Daniæ Rege, ministerio Iarimari Rugianorum Principis fundatam, sed à filio illius Wislao, ut inquit Chytræus, fundatore cœnobii Campen absolutam, & jure Lubecensi ac libertate à D. Burdroino collata sylva, agris, pascuis, portu, jure piscandi, & vectigalium immunitate donatam, intra centum annos tantopere incolarum industria, & commerciis aliarum gentium maritimis crevisse, ut duorum Regum, Erici Dani, Byrgeri Sueci, & decem Principum, ac in his Villai Rugii, copiis eam obsidentibus, omnes illorum molitiones fortiter sustinens, capto etiam Saxoniæ Duce Erico, libertatem suam, magna cum gloria & felicitate, tutata sit. Paucis etiam ab hinc annis gravem longamque obsidionem passa armis Cæsareanis fortiter restitit, & Walfteinium, exercitus Imperatorii Ducem, post irritos illius in illam impetus violentasque impressiones, tandem obsidionem solvere coëgit. Exin munimentis propugnaculisque magis magisque muniri cœpta, hostilium armorum vim secuta despicit.

Vibes.

Sunt & aliæ urbes: Neugardia, Lemburga, Stargardia, Bergradum, Camenez, Publina, Grisenburga, & ad littus Colberga, Caminum, Collinum, Sunda, Pucke, Revecol, Lovensburg, & Hechel.

Wollinia.

Wollinia, five Iulina, quam hodie das Wollinsche Garder appellant, ab ortu, ponte prælongo supra Divenoum fluvium, quem Viadri in mare properantis alveum esse apparet, continenti Pomeraniæ juncta est: ab occasu Surno seu Suevo fluvio; à meridie lacu recenti, admodum piscoso, ad Boream Balthico mari cingitur. Vndiquaque quatuor fere milliarium spatio patet. In hac insula situm est Iulinum, emporium olim non solum in hoc littore Balthico, sed totius pene Europæ amplissimum, & à multis

Iulinum.

Germania.

externis gentibus, & diversarum nationum, linguarum & religionum populis, Henetis, Danis, Suecis, Slavis, Russis, Iudæis & Ethnicis, sola Christianorum religione excepta, pagatim, ita ut singuli suas distinctas plateas, nominibus gentium insignitas tenerent, inhabitatum fuit. Urbis ambitum milliare Germanicum excessisse, ex antiquis ruinarum vestigiis, & montibus, seu editoribus urbis locis, quibus castella olim adversus hostiles insultus imposita fuerunt, constat, adhuc exstantibus quos den Schlossberg / Moderow / Kafernel / & Silberberg hodie dicunt. Vbi vero nunc templum D. Michaelis cum cœmiterio extra oppidum cernitur, eum florentis quondam antiqui Iulini umbilicum fuisse perhibent. Incolæ rebus florentibus, cum ali- quando subrepentem religionem Christianam crescere viderent, vetuerunt, nequis advenarum novæ religionis mentionem faceret; atque hæc causa est, cur hi novissime ad Christi fidem venerint. Coacti igitur tandem admifere religionem anno 980. sed quum sæpius deficerent, atque anno 1066 occisis Christianis omnibus redirent ad paganismum, tandem ab Otone Episcopo Bambergensi, flagitatione Boleslai Poloniæ Ducis, & Danorum Regis, iterum Evangelium salutis in Pomerania prædicari cœpit, eo successu, ut Iulini viginti duo millia civium ab illo baptizata esse scribantur; unde & frequentiam populi æstimare licet. Primus Episcopus civitatis Iulinenfis fuit Adelbertus. Pristinam vero potentiam, diuturna bella, & victoriæ adversus Suenonem Danorum Regem, tandem ab eis captum, demonstrant. Verum nihil in rebus humanis perpetuum aut firmum esse, ut cæterarum urbium olim florentissimarum, Trojæ, Hierosolymæ, Tyri, Carthaginis, Corinthi deletiones; sic Iulini etiam excidium, varias idolorum & libidinum confusiones, luxum, æmulationes & seditiones secutum demonstrat. Vbi singulæ gentes, sua idola & ritus proprios servarunt: publice autem ex professo, TRICLAF, deum tricipitem, (cujus adhuc in Brandenburgensi Canoniceorum templo ad Havelam effigies cernitur) & minorum velut gentium divos, armorum & mercaturæ præfides, Haruit & Barouit, quasi Martem & Mercurium, præterea Bialbug & Zernebug, album & nigrum deum coluerunt. Idololatriam tetra libidinum confusiones; opulentiam, luxus, superbia, petulantia & intestinæ dissensiones, ac inter diversarum nationum populos, perniciosæ æmulationes ac distractiones comitatæ sunt: quibus adductæ societates mercatorum inde emigrarunt. Secuta sunt cum Daniæ Rege Waldemaro I bella, qui Rugiis domitis, & Daniæ regno subiectis, Iulinum quoque jam intestinis seditionibus labefactatum, & mole laborans sua, captum solo æquavit, anno Christi 1170. Ut campi jam sint, maxima ex parte, ubi vetus Iulinum fuit, exiguo tamen oppido Wollin, veteris urbis vestigium retinente, adhuc superstiti, quod D. Iohannem Bugenhagium, multarum in Germania & Dania civitatum, nascentem primum excepit.

In proxima Wollinenfi Insula VSEDOM, quam

O o o

Vsedum.
Suevus

Suevus & Panis fluvii concludunt, septem à Iulino versus occasum milliariis, duobus à Wolgasto, sede Principum Pomeraniae ultra Panim fluvium, ad Dameroam pagum, sita olim fuit *Wineta*, quam vetustae cantilenae, & fama per manus posteris tradita, & scripta in monasteriis reperta, ostendunt multis ante Iulinum annis, frequentia commerciorum, magnificentia, opibus, & potentia florentem, inundationibus & tempestatibus marinis submersam esse. Quidam circa annum Christi 830, Haldungum Sueciae Regem eam evertisse, & portas urbis aeneas, & alia munimenta, unà cum emporio in Gothlandiam insulam transtulisse arbitrantur. Ferunt coelo sereno, & mari placido, adhuc fundamenta quorundam aedificiorum, & stratas ex silicibus plateas, Sundii longitudinem aequantes, conspici posse.

Genealogia
Ducum Po-
meraniae.

1 Fertur *Swantiborus* is qui Danos bello vicit, caput esse Ducum Pomeraniae. Ejus filios *Wartislavum* & *Casimirum* ajunt circa annum 1124, ab Ottone Episcopo Bambergensi cum ingenti numero civium Pomeranorum baptizatos. Fuit tamen ante ipsos *Barnimus* ex Gryphonum gente, cujus insigne fuit gryphus in clypeo. Ab hoc adjutus est *Henricus Auceps* Imperator in bello contra Hungaros, erat enim Princeps Pomeraniae, *Cassubiorum* & *Vandalorum*. *Wartislai* uxor prior fuit *Hoila*, *Henrici Nigri* Bavariae Ducis filia, soror *Henrici Superbi*: posterior *Ioanna*, filia *Canuti IV*, Regis Daniae. Ipse occisus est anno 1136.

2 *Bugslaus* & *Casimirus* *Wartislai* filii in bello Saxonico à *Friderico Barbarossa* Duces creati sunt, adsignato ipsis in Imperii confesso loco. Ac tum primum à Polonia se juncti sunt. *Bugslaus* fundavit Episcopatum *Iulinensem* anno 1175 cum templo *B. Jacobi* quod est *Stetini*. Obiit anno 1188. Vxor ei *Walpurgis* filia *Valdemari I* Regis Daniae, ac post eam *Anastasia*, filia *Miecislai* Ducis Poloniae. *Casimirus* in *Palæstina* mortuus est anno uno ante fratris obitum.

3 *Bugslai I* filii fuere *Bugslaus II*, qui ducta uxore *Wislana*, filia *Iarolphi* Ducis Russiae, obiit anno 1222. *Casimirus II*, qui *Stargardiae* monasterium condidit, anno 1194, obiitque *Ierosolymis* anno 1217, habuitque uxorem *Irmengardem*, filiam *Iaromiri* Principis Rugiae, ac denique *Wartislavus II*, qui *Greiffenbergam* munivit. Hoc tempore Saxones primum sese in Pomeraniam effuderunt; *Bugslaus* vero etiam ab *Ottone I* Marchione *Brandeburgico* captus, posteaque dimissus est, anno 1188.

4 *Barnimus I* haeres omnium ejus familiae ditionum, *Stetini* creavit ædem *B. Mariae* anno 1261. Atrocia bella gessit cum *Ioanne I* & *Ottone* ejus fratre Marchionibus *Brandeburgensibus*, quæ tandem sopita sunt data *Ioanni* in uxorem *Hedwigis* filia, cum *Preutzlenia* & *Vckermarchia* dotis loco. Vxores ipse habuit, primam, *Mariam* filiam *Alberti I* Ducis Saxoniae; secundam, *Margaretam* filiam *Henrici Senioris* Ducis *Brunsvicensis*; tertiam *Mechtildem*, filiam *Ottonis* Marchionis *Brandeburgensis*: Defunctus est ipse anno 1278; at frater ejus *Bugslaus III*, anno 1224.

5 *Bugslaus IV* *Wolgasti* aulam habuit. Cum fratre *Ottone* ita ditionem partitus est, ut quicquid terrarum est à *Deutia* usque ad *Ancla*, cum *Iu-*

lino, *Caminia*, *Stargardia* usque ad *Pomerellam* sibi haberet, cætera fratri cederent. *Stargardiam* hic muro cinxit. Situs est *Caminia*. Vxorem habuit *Agnem* filiam *Ioannis I* Marchionis *Brandeburgici*, & *Margaretam* natam *Bislao* Principe *Rugiae*. Filias habuit *Annam*, nuptam *Swantiboro* Principi *Rugiae*; *Helenam*, nuptam *Bernardo* Principi *Anhaltino*; *Elisabetham*, nuptam *Erico I* Duci *Saxoniae*, ac denique*... nuptam *Nicolao* Duci *Megapolensi*. *Bugslai* frater *Otto I* *Stetinenfis* Dux ad posteros suos Ducatum transmissit. *Ottone* autem *III* sine liberis extincto, grave bellum inter Duces *Pomeraniae* *Wolgastenses* & *Marchiones Brandeburgicos* ortum est, qui feudum illud à *Friderico III* Imperatore acceperant. Composita autem est tandem controversia, ita, ut *Brandeburgici* titulo fruerentur, ac deficientibus maribus *Pomeranis*, ditio omnis cederet *Brandeburgensibus*.

6 *Wartislavus IV* *Stetinum* omnemque ulteriorem *Pomeraniam* à *Conrado* *Brandeburgico* occupatam recuperavit, *Rugiae* quoque Principatum adiit, avunculo *Witislavo* omnique mascula prole extinctis. Vnus igitur iste Dux *Pomeraniae*, *Stetini*, *Cassubiorum*, *Vandalorum*, *Rugiorum* fuit, & Comes in *Gatzkan*. *Syndia* quoque urbs se in hujus clientelam dedit, servatis tamen privilegiis suis: Sepultus est *Camini*. Vxorem habuit *Elisabetham*, *Henrici* Ducis *Vratislaviensis* filiam, ex qua nati, *Bugslaus*, *Barnimus*, & *Wartislavus V*.

7 *Barnimus V* & *Bugslavus V* partiti sunt inter se *Pomeraniam*, concessa fratri tertio annua pensione. *Bugslavus* tenuit *Orientalem Pomeraniam*, *Barnimus IV* *Wolgastanam*, qui etiam Comitatum *Gutzko* possedit: mortuus est anno 1365. Vxor ei fuit *Sophia*, filia *Nicolai* *Heneorum* Principis. *Bugslavus* vero *V* filium habuit *Casimirum IV*, ex *Elisabetha*, *Casimiri II*, regis *Poloniae* filia; qui educatus in aula avi materni, feuda habuit in *Polonia*, & à *Ludovico* rege *Hungariae* & *Poloniae* missus ad obsidendam arcem *Schotter*, dum inconsultius murum subit, lapide ictus interiit, anno 1377. Ipse vero *Bugslavus* *Ludovicum Romanum Electorem* *Brandeburgicum* acie superavit. *Torgoloniam* bello acquisivit. *Stetinum* novum ampliavit: Obiit autem anno 1364, situsque est *Balbuci*. Filias habuit *Elisabetham* *Carolo IV* Imperatori, & *Margaretam* *Ernesto* *Ferreio* Duci *Austriæ* nuptas. Filius *Bugslavi* *Wartislavus VI* mortuus est anno 1392, uxoremque habuit *Mariam* *Henrici* Ducis *Megapolitani* filiam, eaque defuncta, *Ingelburgim*, editam patre *Waldemaro IV* *Daniae* rege, ex qua natus est *Ericus I* Rex *Sueciae*, *Daniae* & *Norvegiae*, qui annos amplius quadraginta regnavit, ac postea in patrio Ducatu, deposita persona regia, quiete usque ad annum 1459 vixit. Sorores *Erici* fuere; *Sophia* uxor *Ioannis* *Palatini*, patris *Christophori* *Daniae* regis, & *Agnes*, nupta *Ottoni* Principi *Anhaltino*. *Bugslavus* vero *VIII* *Bugislai VII* filius ex *Sophia* *Procopii* *Moravi* filia suscepit *Bugislaum IX*, qui obiit sine mascula prole, anno 1448. Sepultus est *Rugenwalde* in *Carthusia*. Ita devoluta est hæreditas *Bugislavi V* ad liberos *Barnimi IV*.

8 War-

8 *Wartislaus VII*, Barnimi filius, Wolgastanus, maritus Annæ, Ioannis II Ducis Megapolitani filiae, obiit anno 1394: Filios ex ea habuit Barnimum VI & Wartislaum VIII, filiam Sophiam, nuptam Henrico Duci Brunsvicensi. Frater ejus Bugslavus VI obiit anno 1393, & neque ex prior uxore Iuditha filia Erici I Ducis Saxoniae, neque ex posteriore Agnete filia Ducis Brunsvicensis, prolem suscepit.

9 *Wartislaus VIII* obiit anno 1416. Vxor ei Agnes filia Ducis Saxoniae Inferioris Erici III, ex qua nati Suantiborius III, extinctus anno 1446, & Barnimus VIII, denatus anno 1451, qui ex Anna Henrici Comitis Winsdorffensis filia non habuit nisi filiam unicam, Agnetem; conjugem Friderici Pinguis Marchionis Brandenburgici. Ita decursa hac serie ad Barnimi VI liberos ditioes omnes pervenerunt. Barnimus iste obiit anno 1405, habuitque uxorem Veronicam filiam Friderici III Burgravii Noribergensis, ex qua nati Wartislaus IX, & Barnimus VII.

10 *Wartislaus IX*, magni animi & virtutis Princeps, Scholam Gripswaldensem fundavit anno 1457, quo etiam extinctus est. Vxor ei fuit Sophia, filia Georgii Ducis Saxoniae Inferioris, ex qua editi Wartislaus X & Ericus II. Frater ejus Barnimus VII extinctus est sine liberis anno 1449.

11 *Wartislaus X* uxorem habuit Margaretam filiam Henrici Comitis Stargardiae, defunctus est autem anno Christi 1348. Liberi ejus fuere Suantiborius IV, & Hertmannus, cui uxor Vrsula, filia Ioannis primi Electoris Brandenburgici. Ita devoluta est hereditas omnis ad fratrem Ericum ejusque liberos. Porro Erico conjunx fuit Sophia filia Bugslavi IX, Ducis Pomeraniae: Obiit autem ipse anno 1474, reliquitque liberos Wartislaum XI, Casimirum IX, & Bugslavum X.

12 *Bugslavus X*, qui à rebus gestis Magnus dictus fuit, Pomeraniae, Stetini, Wolgasti Dux, Rugiae, Cassubiorum & Vandalorum Princeps, natus est anno Christi 1454. Hic quum ab Imperatore Friderico III feudum suum Alberto Marchioni Brandenburgico, qui Achilles Germanicus dictus fuit, concessum videret, usque eo exarsit, ut se Imperatori opposuerit, & ab adeunda ditione Marchionem depulerit. Composita tamen sic est tandem controversia, interponentibus sese Wolgasti anno Christi 1470 Magno & Balthasaro Megapolensibus Ducibus, ut titulus insigniaque Ducum Pomeraniae penes Marchiones manerent, ac si haeres masculus ex Pomeraniae Ducibus aliquando non exstaret, Ducatus Stetini rediret ad Marchiones. Firmata est transactio, ut fieri inter Principes solet, nuptiis; Margaretam quippe Friderici II Electoris Brandenburgensis filiam Bugslavus uxorem duxit. Ea defuncta, Annam Casimiri Regis Poloniae filiam: ac denique Agnem filiam Ioannis Alchymistae Marchionis Brandenburgici. Hic ille est Bugslavus, qui venenum sibi à noverca propinatum fecit ut prior noverca biberet: Obiit anno 1523 paulo minor septuagenario.


13 *Georgius I* & Barnimus IX filii Bugslavi X, hereditatem patris divisere. Barnimo

cessit Stetinum cum inferiore Pomerania, cetera Georgio: qui quidem non diu vixit, natus quippe est anno 1493: obiit anno Christi 1531. Hic Augusta Vindelicorum cum fratre Georgio feudum à Carolo V accepit, & religionem in suo Ducatu mutavit. Gedanenses tumultuantes autoritate & prudentia composuit: Vxor ejus prior fuit Emilia, filia Philippi Comitis Palatini: posterior, Margareta filia Ioachimi I Electoris Brandenburgici. Liberos reliquit Casimirum Episcopum Caminensem, & Philippum, qui cum Barnimo patruo placide de paterno jure transegit. Natus fuit Barnimus anno Christi 1501. Fuit autem Princeps litteris addictus, gravis, prudens, serius. Filios ex Anna Henrici Ducis Lunenburgensis filia non habuit: Filias vero treis, Mariam, nuptam Ottoni Holfatiae Duci; Annam primam Caroli Anhaltini, tum Henrici Burgravii Misnensis, denique Iudoci Comitis Barbiensis conjugem: Et Dorotheam, nuptam Ioanni Comiti Mansfeldensi.

14 *Philippus I* Georgii filius, natus est anno 1515. In divisione cum patruo Wolgastum cum Superiore Pomerania & Rugia accepit: Obiit anno Christi 1560. Vxor ei fuit Maria filia Ioannis Electoris Saxoniae, ex qua nati anno Christi 1590 Georgius II. Anno 1592 Ioannes Fridericus Dux Stetinensis: Biennio post Bugslavus XI Dux Pomeraniae, Anno vero 1545 Ernestus Ludovicus. Anno Christi 1549 Barnimus. Anno Christi 1577 Ernestus, Episcopus Caminensis.

15 *Bugslavus XIII* ex Clara Francisci Ducis Lunenburgici filia, filios sustulit Philippum II, natum anno 1573; Franciscum anno 1577; Bugislaum, anno 1580; Georgium anno 1582, Ioannem Ernestum, anno 1586; & Ulricum, anno 1589; filias vero Claram Mariam nat. anno 1574, nuptam Sigismundo Augusto Duci Meckelenburgio, & postea Augusto Brunsvicensium Duci; Catharinam; Ertmutham Sophiam, Sophiam Hedwigen, & Annam. Fato functus est Bugislaus anno 1606, cui successit

16 *Bugislaus XIV*, ultimus illius stirpis, qui anno 1637 absque mascula prole obiit. Post hujus mortem juxta vetera pacta, ut & ultimum Grimmiciense anno 1529 initum, & à Caesare confirmatum, Pomerania ad Brandenburgicam Domum devenit. Quare Brandenburgensis Marchio in Comitibus Imperialibus anno 1641, Ratisbonae actis, titulo Ducis Pomeraniae, Stetini & Wolgasti singulos Legatos habuit. In tractatu vero Pacis anno 1648, Monasterii conclusum est, ut Regi Sueciae tota Anterior Pomerania, cum insula Rugia, & in Posteriori Pomerania Stetinum, Garcium, Damna, Gollnavia, insula Wollina, & in ea fluens Viadrus Lacus, vulgato nomine *Frische Haf* dictus, cum tribus inde orientibus fluviis Pœno, Schwino & Divenavia cederent: è contra Elector Brandenburgicus reliquum Posterioris Pomeraniae cum toto Episcopatu Caminensi & urbe Colberga retineret. Liborum quoque Electori relictum est, ut Canonicos Caminenses emori finat, & redditus in fiscum revocet. Vrbs vero Stralsunda antiquis suis privilegiis libera frueretur.



R V G I A I N S V L A.

Situs.

Olim ma-
jor.Magnitu-
do.

Incole.

Rugia Insula sita est in mari Balthico, & ab Occasu ac Meridie obicitur Pomeraniae, qua parte Bardum est, Stralsundium, Gryphiswaldum, & Wolgastum. Olim multo major fuit, quam est hodie, utpote quæ littoribus suis proxime attigit insulam Ruden, interjecta solummodo exigua fossa, à qua jam sesquimilliare distat. Tantum enim de litore absorpsit vis tempestatis anno 1309 exortæ, quæ turres, templa, vicos, domos dejecit, ac mari hausit, ita ut jam novus Trajectus vocetur, *Das neue Diefoder Schiffart*. Solebant enim olim naves onerariæ per aliud ostium versus Occasum, quod *Dan Bellen* vocant, mare conscendere. Verum cum hoc ipsum Dani mercatoris saburra navium ejecta pene obstruxissent, usque adeo ut naves onustas grandiores vehere non posset, ipsa natura alias sibi maris fauces aditusque recluserit. Undique mari circumflua est, & vere *ῥῆς ἀμφίπῃς*, ut Homérico epitheto utar. Septem milliariibus communibus Germanicis undiquaque, tam in longitudine, quam in latitudine propemodum patet. Ambitus si exacte rotundus esset, ex Mathematicorum supputationibus, esset 21 milliarium. Iam vero illa peripheria non solum multis insulis & peninsulis majoribus & minoribus distinguitur, verum etiam tot sinibus & divergiis maris ad medias Insulæ partes penetrantibus, ut si quis omnium insularum, isthmorum, peninsularum, sinuum, diverticulorum & anfractuum littora curiosius legere & notare velit, hujus insulæ circumferentiam non multo minorem fore, quam 70 milliarium sit deprehensus. In qua & illud notari solet, adeo interruptas esse à mari Insulæ hujus partes, ut nullus ejus sit locus, qui longius à mari abeat, quam dimidium milliare, aut tres saltem milliarii quadrantes. Et quamquam undique eam verberet Neptunus, ita tamen littorum naturali situ tuta est ac defensa, ut parum à maris insultu & appulsu incommodi patiatur. Frugum ac frumenti feracissima est tellus, & velut horreum Stralsundii, uti Romæ Sicilia. Equos, boves, oves, aliaque animalia feliciter nutrit: at anserum magna hic multitudo & magnitudo. Lupos nescit, uti & glires, quamvis in peninsula Wittovia jam pridem apparere cœperint, quos ex navibus ibi stationem habentibus, vel etiam naufragio ad ejus littora allisis, eo penetrasse vehemens suspicio est. Incolæ, *Rugii* olim dicti, pugnacissimi fuere, posterioribus temporibus magnum nomen sortiti sunt. Sidorius, recensens populos Septentrionales, inquit, *Germania*.

*pugnacem Rugum comitante Gelono
Gepida trux sequitur.*

Et rursus carmine quinto,

*Pannonius, Neurus, Chimus, Geta, Dacus, Alanus,
Bellonotus, Rugus, Burgundio, Vesus, Alites,
Bisalta, Ostrogothus, Procrustes, Sarmata, Moschus,
Post aquilas venere tuas.*

Sub Theodorico Ostrogotho Rugi Ticinum ceperunt. Adeundus imprimis Eunodius in vita S. Epiphani. Adeo idolomania & ethnicismi fuere tenaces, ut ultimi inter omnes Suevici maris accolæ fidem Christianam amplexi fuerint. Non solum extra hanc insulam fortitudinis suæ documenta ediderunt, urbes alibi & regiones occupando, Bardum, Grimmam, Tribbeleam, verum etiam perpetuis bellis Daniæ regem, & vicinos Pomeraniæ Principes fatigarunt. Nec securi ab illorum armis Lubecentes, ac vicini quotquot erant. Lingua olim ipsis fuit Slavonica *Lingua* five Vandalica, quæ ipsis cum vicinis Pomeranis communis fuit. De eorum conversione ad fidem *Religio* Christi, ita scribit Helmondus in Chronica Slavorum cap. 6: *Inter omnes autem Borealiū nationum populos, sola Slavorum provincia remansit ceteris durior, atque ad credendum tardior.* Tempore Ludovici Pii, qui fuit Caroli Magni filius, circa annum Christi 813, monachi quidam non sine vitæ periculo ad Slavos & Vandalos, ut eos converterent, penetrarunt, & inter alia loca etiam Rugiam Christo lucrificerunt. At mox iterum à fide deficientes, expulsis Christianis doctoribus, ad pristinum idolorum cultum reversi sunt. Nam S. Vitum Christi servum, relicto Christo, pro Deo coluerunt, quem corrupto nomine Swanto Vitum appellarunt. Huic idolum quadriceps fabricatum in magnifice exstructo templo collocarunt. Ab hoc omnes provinciales & vicini circumcirca oracula velut ex tripode petebant; mercatores, quotquot huc feliciter appulerant, mercium suarum preciosiora ipsi offerebant. Idolum hominis forma, resecta barba & capillis in oblonga talari veste stabat, dextera poculum ex vario metallo fustum, & veluti cornu efformatum, plenum liquore poculento, sinistra vero arcum cum sagitta tenebat. Huic idolo trecenti equi pascebantur, inter quos unus candidus, quem nisi summus sacerdos nemo adscendebat, & illo tanquam vate divino ad prædicendas res futuras utebantur, quem mane pulverulentum, & sudantem in stabulo sæpe ostentabat sacerdos, jactitans Swanto Vitum in pugna contra hostes Rugianorum in illo equitasse. Modus colendi eum hic erat: Idoli sacerdos inspiciebat cornu, quod ante annum liquore impleverat, idque halitu oris sui presso, ne illo idolum attingeret. Inspecto poculo de futuro anni proventu divinabat. Si poculi liquor majore ex parte in vapores abiisset, *P p p* cari-



caritatem annonæ: si plenum, vilitatem significare credebatur. Post hæc liquorem coram idolo effundebat, & idem rursus novo liquore repletum dexteræ idoli imponebat. Quibus peractis reliquum diei comessando & bibendo transigebant. Erat idolum hoc in urbe Arcona Wittovix, cujus maxima tum temporis fuit reverentia. Atque hæc quidem fœda idololatria ante annos 460 penitus in Rugia extincta est. *Arcona* fuit Rugiæ munitissima urbs, sita in promontorio peninsulæ Wittovix, natura loci valida, à Septentrione quippe cingebatur mari, ab altera parte, qua Insulam respicit, editissimi montis densissimo vallo circumdata fuit, cujus vestigia etiamnum exstant certissima & conspicua. Vallum tantæ altitudinis fuit, ut etiam sagitta à validissimo arcu emissa, ad ejus cacumen minime pertingere potuerit. Fuit & alia urbs valida *Charentina*, in quas se bellis Danorum pressi recipere solebant. Et quamvis bellis valde attritæ essent, nondum tamen prorsus fuerunt dirutæ. Verum illas postmodum vicini Principes Pomeraniæ funditus deleverunt. Hodie oppida quædam frequentiora habet, inter quæ *Berga* præcipuum, ubi tamen vix ultra 400 cives reperias. Reliqua, ut sunt *Sagart*, *Vick*, *Bingst*, & plura alia, minoris sunt momenti. Viris insula ipsa abundat, adeo ut 7000 armatorum ad bellum possit educere. In peninsula *Iasmunda*, qua Orientem spectat, promontorium est stupendæ altitudinis, quod infra excavatum marinis prædonibus ac piratis receptaculum præbuit longe tutissimum ac munitissimum, quod etiamnum vocant *de Stubbenkamer*. Non procul inde conspiciuntur rudera prisce arcis, cujus eminens vallum hodie vocant *Burchwal*. Huic proxime adjacet Lacus niger, profundus, qui licet piscosissimus sit, suspicio tamen est, aut potius superstitio, quod retia aut scaphas piscatorias non ferat, aut admittat: cui cum animosiores quidam piscatores scapham pridie intulissent, postero die retibus lacum tentaturi, non invenerunt. Ligna incolis suppeditat insula *Iasmunda*, ubi sylva densissima, quam indigenæ appellant *de Stubbenitz*, quasi dicas truncarum arborum congeriem. Ecclesiasticorum plerorumque lautior hic quam alibi conditio, qui non solum sua arva & agros habent, sed etiam decimas pecorum ac frumentorum. Nobilium hic antiquitatem generis jactantium magnus numerus, nec rusticorum hic fors intolerabilis, qui Magistratui

Vibes vestige.

Oppida hodierna.
Berga.

suo annuum censum solvunt, & certa servitia præstant. Principes Rugiæ prisce hi fuere:

Witzlaus I, Princeps Rugiæ tempore Ottonis I, Imper. A. C. 938, ethnicus & idololatra. *Principes Rugiæ.*

Grimus Princeps Rugiæ.

Cruco vel *Crito* Princeps Rugiæ & *Regulus* Obotritorum, circa A. C. 1100, qui novæ Lubecæ fundamenta jecit; tyrannidem cum exerceret homo gentilis, interfectus est ab Henrico regulo Obotritorum, filio Gotschalci, per ministrum, fraude uxoris, quæ fuit Schlavina, filia Suantibori I, Principis Pomeraniæ.

Raze Princeps Rugiæ, qui Lubecam evertit, mortuus A. C. 1141.

Teslaus Rugiæ Princeps, Ericum VI, & Suenonem III Daniæ reges irritavit, tandem à Waldemaro I victus.

Iarimarus I, Princeps Rugiæ, Teslai frater, primus fidem Christianam & baptismum suscepit, confirmatus à Waldemaro I, rege Daniæ.

Barmita vel *Barmites*, Iarimari filius, Princeps Rugiæ, mortuus A. C. 1241. uxor *Boleslava* à *Gutzkau*, filia *Witzlai*.

Witzlaus II Barmitæ frater, Princeps Rugiæ, fundator cœnobii Campen. Obiit 1247.

Iarimarus II, *Witzlai* fil. Princeps Rugiæ & hostis Danorum, quorum jugum excussit A. C. 1259. Obiit A. C. 1282.

Witzlaus III, Iarimari II filius, Princeps Rugiæ, promotor fidei Christianæ in Livonia. Obiit in Norvegia A. C. 1303.

Witzlaus IV, Dux Pomeraniæ, Princeps Rugiæ.

Witzlaus V, Princeps Rugiæ ultimus in hac familia. Urbem Sundensem contumacem vicinorum regum ac Principum auxilio obsidione cinxit, sed ab oppidanis interfectus fuit.

Atque his defunctis sine prole, Sundenses post diuturna Ducum Pomeraniæ & vicinorum Principum Megapolensium ac Herulorum de cortinentis Rugiæ ditionibus, Barthenfi, Tribulensi, Grimmensi, &c. bella, tandem Pomeraniæ Ducibus se, salvis privilegiis & immunitatibus, adjunxerunt, & Wartislao IV homagium præstiterunt.


Hodie bellis Cæsarum inter & Suecum misere attrita est, primum Cæsari cessit, jam eam cum copiis militaribus tenent Sueci, uti & maritima Pomeraniæ loca.

C I R C V L V S
S A X O N I Æ
I N F E R I O R I S.

Ipsum, ut suprà diximus, varios in circulos divisum est Germaniæ Imperium; at inferioris Saxoniae, cum ampla sit, & insignis provincia, specialem, & diffusam, tibi, Lector benevole, tabulam exhibebimus, quò liquidius conspicias, quo pacto membra istius Circuli inter se cohæreant; hoc enim Circulo comprehenduntur Archiepiscopatus Magdeburgensis & Bremensis; Episcopatus Hildesheimensis, Halberstatensis, Lubecensis, Ratzeburgensis, Schwerinensis, & Sleswicensis, quin & Rex ipse Daniae, propter Holsatiam; Duces Brunsvicenses, Lunenburgenses, Lawenburgenses, Mechelburgenses, & Holsatiae; Comites Delmenhorstenenses; civitates, Lubecensis, Hamburgensis, Northusensis, Mulhusensis in Thuringia, Goslariensis, & Gottingensis. Horum quippe tractuum amplitudo sua præ se fert elogia, nec operæ pretium judicavimus, ea verbis commendare, quæ seipsis celebratissima sunt; sufficit maxima nominasse, ut suâ gloriâ mentem impleant; præterquam quòd propriis cujusque locis speciales illorum tabulas tibi offeremus.







D V C A T V S MECKELBVRGENSIS.



Nomen.

Termini.

Populi ve-
tercs.

Qualitas.

Divisio.

Dividitur Saxonia omnis in Superiorem & Inferiorem. Ad hanc pertinent Ducatus *Luneburgensis*, *Brunsvicensis*, *Lauenburgensis*, ac præterea etiam Ducatus *Meckelburgicus*, quem cur quidam vocent *Megapolensem*, Græca vocis

compositione, equidem ignorare se fatentur doctissimi. Certe Græcæ linguæ idiotismus à tali compositione abhorret. Fuit hic olim pars Domini Regum Vandalia, juxta mare Balthicum extensa, ab Ortum Pomeraniam habet, ab Occidente Albim, à Meridie Marchiam antiquam, à Septentrione Mare Balthicum. Primi hujus regionis indigenæ appellantur Heruli, Obotritæ, & generali vocabulo Vandalii. Civitates habet elegantes satis & cultas. Fuit hic quondam Suerinum urbs vetus ad lacum Suerinensem posita, ante Lubecam, Rostochium, Sundium, Wisnariam, condita. Vicus Fichela ad eundem lacum jacet, à mari tantum 5000 passus distans: quæ vicinitas in causa fuit, ut de committendo lacu cum mari Balthico per fossam ætitatum aliquando sit, sed vano labore, ut in Isthmo Corinthiaco sub Imperatoribus Romanis accidit.

Regio est fertilissima frumento, pomis, leguminibus; abundat armentorum & pecorum gregibus, sylvis, fluviis, lacubus & piscinis. Montes, deserta, rupes in ea nullæ inveniuntur; exceptis quibusdam collibus, qui sensim in fructuosissimos agros declinant: sunt in ea 16 præcipuæ urbes, multa opulenta cœnobîa, splendida castella, innumeri pagi vicique. Dividitur tota in sex partes, nempe in Megapolitanum & Vandalicum, Ducatus, Comitatum Suerinensem, Dominia Rostochiense & Stargardiense, & Episcopatum. In Ducatu Megapolitano censentur urbes & oppida, *Wisnaria* cum vicina Insula *Pole*, *Gripwaldia*, *Tempsinum*, *Gades*, *Rhena*, *Bucovia*. Vandalico Ducatui annumerantur *Gustrovia*, *Sterneberga*, *Malchinum*, *Stavenbaga*, *Ivenacum*, *Neocalvia*, *Warinum*, *Pentzlinum*, *Rebella*, *Wendenbaga*, *Malchavia*, *Tetrovia*, *Goltberga*, *Parchum*, *Plaga*, *Luphanum*, *Grabovia*, *Domitium*, *Neostadium*, *Eldenavia*, & *Gorlosia*. Suerinensis Comitatus continet *Suerinum*, *Witteburgum*, *Beytzenburgum*, *Cribitium*, & *Hagenaviam*. Domini Rostochiensis sunt *Rostochium*, *Ribnitium*, *Gnoia*, *Tesinum*, *Laga*, *Schwana*, *Salinas*, & *Marlowia*. Ad Dominium Stargardiense referuntur *Brandeburgum*, *Stargardia*, *Furstenberga*, *Strelitium*, *Mirovia*, *Fredlandia*, *Wesembergia*. Episcopatus autem *Buchepaleam*, cum media Insula *Suerinia* complectitur. Nos itaque maxime claras uniuscujusque partis urbes memorabimus, præmittentes tamen

Germania.

urbem Lubecam, quæ quamvis Duci Meckelburgensi non pareat, nihil tamen vetat, quin ad illam ditionem pertineat.

Lubeca urbs amplissima est, situ, & mœnibus, & *Lubeca*, portu ornatissima, mercatura denique celebris, navigationibus potens, ac tam publicis, quam privatis ædificiis splendens, ut non immerito omnium, quæ ad sinum Balthicum jacent, urbium præcipua habeatur: Ut de ea recte *Lindebergius*:

Gens humana, situs, commercia, littora, mores,

Mars, toga, divitiæ, curia, religio,

Arctos inter claras virtutibus urbes

Efficiunt, tollat tanta LVBECÆ caput,

Et decus Europa, & lumen sit totius Anse,

Et sit Vandalici pulchra corona soli.

Sonat enim *Lubeca* laudis angulum, quasi dicas *Lob-eck*. Sita est ad *Suardæ* & *Dravennæ* confluentes, hinc amne, inde lacu *Wagnissa*, qui & *Bractusa* dicitur, irrigua. Ortum habuisse creditur partim à Cimbris, partim ab oppidulo *Swartow*, mari vicino. Sed crescentem urbem multa infestant. Nam & à Vandalis statim spoliata, & cremata est anno 1558. Cumque illi defendendæ impar esset *Adolphus* *Hollatiæ* Comes, *Henrico* *Leoni* *Saxonie* & *Bavariæ* Duci potentissimo cessit. Hic enim novæ civitatis incrementis querebatur *Bardovicensium* mercimonia decrescere, & proventum minui *Salinarum* *Luneburgensium* exportatione salis *Todesloani*. Mutato ergo Domino crevit urbs prudenti jam tum Magistratus consilio, qui Ducis *Saxonie* intercessione, facile à *Daniæ* rege *Woldemaro* obtinuit, ut libera essent *Lubecensibus* per *Daniam* commercia. Proscripto Leone venit civitas in potestatem Imperii, obsessa & capta à *Friderico* I. Post cujus obitum reddita est *Leoni*. Eo defuncto cessit Regi *Daniæ*, victa à *Woldemaro* *Cnuti* regis fratre, Duce *Slesvicensi*. Sed cum durius eam haberent *Dani*, dederunt se *Lubecenses* in potestatem *Friderici* II, & ab illo impetrarunt pristinam illam suam Imperii libertatem. Ita intra annos LX varios casus experta Respubl. ostendit, rebus adversis desperandum non esse ei, qui magnum aliquid moliri studet, sed enitendum prudenter, quamdiu spes aliqua divinitus adfulget. Ex eo tempore mansit semper in ditione *Romani* Imperii, fida & constans; insignia quoque virtutis suæ præmia à Cæsaribus experta. Anno 1238, ingenti incendio deformata est, quæ res occasionem dedit, cavendi, ne in posterum arundine, aut stramineo aut palustri juncu domus illic tegerentur, sed tegulis coctilibus. Anno 1408 motus est in civitate intestinus adversus Senatum tumultus à civibus quibusdam factiosis, quorum opera factum est, ut pulsus Consulibus antiquis novi subrogarentur in ipso-

R r r

rum



rum locum : sed non multo post facile sensit Respublica, quantum interfit, navem illam à perito nauclero, non ab ignaro ventorum & fluctuum regi. Restitutus ergo prior Senatus septennio post per Sigismundum Imperatorem, à faventibus civibus ingenti desiderio exceptus est.

Magna vero est in ea urbe Magistratus auctoritas, magna amplitudo. Neque enim ad eam dignitatem evocantur, nisi selecti ob singularem atque eminentem prudentiam viri. Consules sunt duodecim : omnes patritii vel equestris dignitatis. Ab his non datur, nisi ad Romanum Imperium, provocatio. Religio in urbe mutata est anno 1530. Situ & opere munitissima est, muri & propugnacula palis ac tignis in aquam depactis fusticato opere firmantur. Binæ sunt civitatis plateæ longis extensæ spatiis, quas reliquæ decussatim intersecant, clivoso descensu illinc in Dravennam, hinc in Vagenissam, illuviem omnem fordesque civitatis emittentes, quo fit, ut grata munditiæ plateæ omnes niteant. Templi conspicua sunt, Cathedrale B. Iohannis, Collegiata B. Virginis, S. Iacobi, S. Petri, aliaque, quæ celsis ornata turribus laminisque æreis, aut plumbo tectæ apicibus aureis fulgent.

Wismaria.

Post Lubecam *Wismaria* locum sibi vendicat. Significat autem *Wismar* Saxonica sive Germanica lingua certum mare. Estque id nomen propterea huic loco inditum, quod maris sinus ibi fidam & tutam navibus stationem concedat. Ut canoras nugas merito sonare dicendi sint, qui contendunt, *Wismarum* quendam regem Vandalorum huic urbi appellationem de suo nomine dedisse. Initia urbis referuntur ad annum Christi 1240, quo tempore ex ruinis antiquæ urbis Mecklenburgh, quæ regni Vandalorum in hac regione caput fuisse perhibetur, condita fuit à Guncelino, qui post Henricum Leonem huic ditioni præfuit. Brevi autem tempore magna incrementa sumsit ex commerciis aliarum gentium, ob eam, quam diximus, portus commoditatem, & importandi, exportandique facilitatem. Cinctæ est undique minoribus oppidis, ex quibus ingens rerum ad vitam necessariorum copia advehitur. Agrum suburbanum habet fertilissimum, ex quo fere quingentis civibus proprios lares habentibus, forte aliquot jugera agrorum totum septennium colenda fruendaque conceduntur, recepta jam à multis annis consuetudine. Templi eximia tria habet. Vnum B. Virginis in media urbe, alterum versus Septentrionem B. Nicolao sacrum, tertium Meridiem versus B. Georgio. Est & in ea Curia magnifica, & Palatium Ducis. Distat Suerino milliariibus quatuor, Rostochio septem, Lubeca octo; atque inter has urbes nomen suum & dignitatem egregie tuetur, ob singularem civium humanitatem, Magistratus prudentiam, legum æquitatem, ordinis recte constituti exactam observationem, & mercatorum industriam; quamobrem inter Anseaticas tractus Vandalici nequaquam ultima est. De ea sic refert Krantzius in sua Vandalia : *Guncelinus patri cognominis Suerinensem Comitatum tenet post patrem, quem ille ab Henrico Leone promeruit. Hic ergo filius quum Mecklenburg pro sui magnitudine oppidum cerneret immunitum, quod distensum in longum*

nullis vallibus ac muris potuit firmari, vicino loco ad mare contiguam urbem cepit moliri, quam Wismariam, incertum unde ducto nomine appellavit. Postea subiungit : Si Latini rem gessissent, suspicarer Cismariam vocitatum : nunc cum Saxones fundamenta jecerint, in obscuro manet, unde sit nomen deductum. Wismariam tamen nomen esse Vandalicum ex aliis meminimus. Potuit ergo vir in ea gente nobilis ibi habitans loco relinquere nomen, ut ex Wismaro Wismaria, quomodo ex Romulo Roma diceretur. At errat Krantzius, veram siquidem nos nominis originationem dedimus.

Sed nec *Rostochium* indictum nobis abire fas *Rostochium*. Est & hæc urbs Vandalica tractus Megapolitani, federis Anseatici. Nomen habet non à rosa aut roseto, neque à fuste rubro, tamen ad originationes istas videatur alludere Germanica appellatio, sed à terra uliginosa, quæ Sclavis (constat hos olim hæc loca infedisse) dicitur *Rostock*, quod nomen totidem litteris ajunt sigillo majore urbis exprimi. Confirmat etymologiam historia Polonica. Origo urbis prima refertur ad annum Domini 329. Tunc enim ajunt ad Varnam piscatores opportunitate loci illectos, casas suas & tuguriola illic condidisse. Sed oppidulum fecisse dicitur Godscalcus Obotritarum Dux. Illud constat, eam anno 1160 à Pribislao II, Nicoliti filio, quadragesimo & ultimo Herulorum Rege, ex ruderibus vicinæ atque à Principe suo Henrico Leone vastatæ, disjectæque bis *Kessin*, muro cinctam, fossa munitam, inque urbis formam redactam esse. Non multo minor est Lubeca. Urbis partes tres sunt, Antiqua, Nova, Media. In antiqua sunt templi tria, unum B. Petri, alterum B. Nicolai, tertium B. Catharinæ cum collegio Iurisperitorum. Media, quæ brachio Varnæ ab antiqua separatur, habet templi B. Mariæ, Iohannis, & Curiam cum lectissimorum & doctissimorum civium ædificiis. Nova habet Ecclesiam Collegiatam B. Iacobi, cum templo Spiritus Sancti, B. Michaelis, S. Crucis, & octo collegiis Academicæ. Fora tria sunt, Vetus, in quo rustici ligna, carbones, hordeum divendunt. Medium, in quo tabernæ sunt institorum, & tertium Lupuli, in quo lupulus prostat venalis, quod etiam ab equis equarium, & à collegiis vicinis Latinum vocatur. Plateæ sunt 140, quarum nonnullæ à portis nomen habent, ut Lapidea, Cygnea, Bramovienensis : quædam ab incolis, ut Piscatorum, Fabrorum, Carnificum : quædam à familiis, ut Cosfeldiorum, Lagestratorum, Wockrendiorum, Esselfotorum, Suichmanorum : quædam à situ, ut longa, lata, aspera, angusta, vaccineæ, sanguinea, aquatica. Portæ urbis majores in usum curruum olim septem fuere, B. Petri, per quam itur in Pomeraniam : Molitorum, qua in Marchiam : Lapidea, qua Cygneam : Kropelinenfis, qua Wismariam & Lubecam : Bramovienfis, qua Varnæmundum. Duæ reliquæ obstructæ sunt. Præter has sunt quatuordecim minores, quæ ex urbe Varnam ducunt. Pontes septem, sed ex his unus vetustate consumptus est. De numero verò septenario rerum hic memorabilem existat Rythmus :

*Seven doren tho S. Marienkærcke,
Seven straten van den grooten marckte,*

Seven

Seven dhoren so dar gahn tho lande,
 Seven kopmans bruggen by den strande,
 Seven torne so up den Radtbusz staan,
 Seven klokken die daar daalychen slaan,
 Seven linden op den Rosengarten,
 Dat syn die Rostocker kennewarten.

Habent autem Rostochiensēs jus cudendæ monetæ aureæ & argenteæ. Magistratus constat 24 selectis viris; ex his sumuntur Consules quatuor, Camerarii, item Præfecti opificum, ac denique Prætores & Iudices. Academia cum privilegio admīssa, tantum habet juris, quantum ipsi indultum est à Principe & Republica.

Gustrovia.

Gustrovia urbs cum arce, quæ sedes Principum, 4 mill. Rostochio distat. Templum in ea S. Cæciliæ sacrum, eximie pulchrum, ab Henrico Burewino II, Megapolitano, & Rostochiensī Duce, initio sui Principatus fundatum. Religio Christiana tempore Othonis Episcopi Bambergensis, Pomeraniæ Apostoli, hic primum coli cœpta. Anno 1631 urbs hæc cum arce hæreditario suo Domino restituta est, revocatis ambobus ab exilio Ducibus auxilio Gustavi Adolphi Suecorum Regis; incredibili cum gaudio incolarum, qui fidei sacramentum Ducibus suis oppido præstiterē: vinorum abundans, in vulgus copia data, ut & projecti nummi, qui una parte effigiem Ducis, altera Pellicanum referebant, rostro sibi pectus scindentem.

Malchinum.

Malchinum 4 mill. novo Brandeburgo distans, in finibus Pomeraniæ ad Penam fluvium situm est. Hic fluvius ex Malchinio lacu ortus paulo infra urbem in Cummerovicum se effundit, & adeo angustum ad urbem aditum efficit, ut vix curru pateat; unde non parvum urbi munimen est. Vtrimque enim profunda præcipitia sunt; & fossæ limo repletæ redeundi facultatem non permittunt: anno tamen 1631, stratagemate militari in Suecorum potestatem venit.

Schwerinum.

Schwerinum urbs ad sui nominis lacum sita, anno 1163 ab Henrico Leone Saxoniæ Duce condita & munita fuisse dicitur, qui illam bellicoso Equiti Guntzelio cum Comitatus titulo donavit. Ultimus ex ejus familia fuit Comes Otho cognomento Rosa, qui anno 1352 obiit, filiam unicam habebat Richardin, quam Albertus Megapolitanus Dux, conjugio sibi junxit. Ita hic Comitatus Megapoli annexus fuit. Imperator Otho IV, civibus Schweriniis multa privilegia concessit, inter cætera, ut libere unusquisque civis cum duabus majoribus navibus, & tot quot vellet minoribus, in Wismaria portu mercaturam exerceret, neve ulla telonia per totam Saxoniam perfolveret. Hinc est, quod nec hodie ulla Telonia Lubecæ aut Wismaria perfolvant. Bello Germanico Schwerinum Walstenio, Duci Fridlandiæ à Cæsare donatum, sed à Gustavo Adolpho recuperatum, & suo domino restitutum est. anno 1651, urbs cum curia in favillas redacta est, ita ut vix Ducalis Arx cum templo conservata sit.

Stargardia.

Stargardia, ad differentiam Stargardiæ in Pomerania, Vetus Stargardia dicta, Regia olim sedes, postea tantum Comitatus titulo insignē; ab Obotrito Vandalorum Principe condita, postea à Ioanne I, Marchione Brandenburgico Electore & ejus fratre Othone III, reædificata est.

Germanid.

Fuit in Marchionum potestate usque ad annum 1290, quando Albertus IV, Marchio Brand. & Princeps Anhaltinus Beatrici filiæ suæ dotis loco dedit nubenti Henrico Leoni Vandalo in Megapoli. Exinde devoluta est ad Duces Megapolitanos, quorum in potestate etiam nunc est. Et hæc quidem de urbibus: minores enim omnes, & oppida singula longis verborum tractibus describere, ut non necessarium, ita & tediosum est.

G E N E A L O G I A

Ducum Megapolitanorum.

DVcum Megapolitanorum origo longa serie ad Reges Henetorum seu Vandalorum refertur: quorum quod historiæ incertæ & multis commixtæ fabulis sint, sufficiet Ducum tantum seriem enarrare, quæ à Pribislao 41, & ultimo rege incepit. Hic in uxorem ducta filia Norvegiæ regis, anno 1170, ab Henrico Leone Duce Saxoniæ in acie victus & captus fuit cum fratre Vratislao sive Vladislao, qui in crucem actus est, quum Christianam religionem aspernaretur. Mortuus est Pribislaus in ludo equestri ex equo decedens.

Henricus, Pribislai alter filius, primus nomini & titulo Regio valedixit, & ab antiquo aliquo castello Ducem se Megapolitanum appellari voluit; & postquam rempublicam, post Nicolai fratris obitum, solus aliquamdiu administrasset, mortuus est anno 1238, & sepultus in Ecclesia Gustroviensi, quam ipse fundaverat; relictis quatuor filiis, quorum natu maximus Ioannes Megapoli cum adjacentibus terris, Nicolaus Herulorum & Vandalorum regionem, Berwinus Rostochium, & Pribislaus Sternbergam cum Parchimo jure hæreditatis acceperunt.

Ioannes, ex uxore Hennebergici Comitatus filia genito Henrico, & adactis ad recipiendam Religionem Christianam Lithvanis, moritur anno 1260.

Henricus, cognomine Hierosolymitanus, cum S. Ludovico Rege Gallia, aliisque Germaniæ Principibus Terram Sanctam recuperatum abiit; decessit anno 1302. Filii ejus fuere duo; Ioannes & Henricus Leo.

Henricus Leo uno eodemque tempore cum Rege Dania, Archiepiscopo Magdeburgensi, Othone Duce Brunsvicensi, Visilao Principe Rugiensi & Adolpho Saxoniæ Duce bella gessit, receptis à Danorum Rege Wismaria & Rostochio: successorem habuit Albertum I, concessio alteri filio Ioanni Ducatu Stargardiæ; qui cum fratre à Carolo IV Imper. S. R. I. Princeps factus, alterum Ioannem genuit, mortuum sine liberis; ut & Vlricum patrem Henrici, avum Vlrici II, mortui absque prole mascula, anno 1371.

Albertus I, victoriis felix, ex Euphemia Magni Sueciæ & Norvegiæ Regis filia liberos habuit Albertum II, Magnum I, & Henricum; quorum natu maximus Albertus II, in Sueciæ Regem electus, ea fortuna frui non potuit, captus cum filio Henrico à Margaretha Dania Regina, & redemptus à nobilibus scæminis Megapolita-

S s s

nis,

nis, quibus ideo concessit, ut cessante mascula prole feuda ad vitæ suæ terminum retineant. Obiit Albertus II, anno 1394, relictis Henrico & Alberto absque prole mortuis. Pater ejus Albertus I, fato functus est anno 1380.

Magnus I. Obiit anno 1384.

Ioannes ejus filius fundavit Academiam Rostochiensensem anno 1415; ducta domum Catharina Henrici III, Inferioris Saxoniae Ducis filia, procreavit Henricum Crassum, Magnum II, & Ioannem; vivere desuit, anno 1423.

Henricus Crassus ex Electoris Friderici Brandenburgici filia, Dorothea filios habuit Albertum, Ioannem, Magnum III, & Balthasarem. Finit anno 1447.

Magnus III, iter in Palaestinam cum cognato Vlrico fecit, quo defuncto Stargardiam ditioni suæ junxit, & uxorem duxit Sophiam Henrici II, Pomeraniae Ducis filiam, è qua sustulit Henricum Pacificum, Ericum & Albertum; Sophiam nuptam Ioanni Electori Saxoniae, Annam uxorem dein Gulielmi Landgravii Hassiae, Catharinam Henrico Duci Saxoniae & Marchioni Misniae connubio junctam, matrem Electorum Mauritii & Augusti, & Dorotheam Ribnicii Abbatissam. Cessit fato anno 1503.

Henricus Pacificus, Lutheri doctrinae adhærens, obiit Swerini, anno 1552.

Albertus Pulcher, Henrici frater, stirpem suæ familiae jam deficientem iterum restauravit, junctam sibi in matrimonium Anna filia Ioachimi I, Electoris Brandenburgici. Abiit ex hac vita anno 1545. Filii ejus fuerunt Ioannes Albertus; Vlricus, Episcopatus Swerinensis Administrator; Georgius; Christophorus, Coadjutor Episcopatus Rigensis, & Ratzeburgensis Administrator, Carolus, & Ludovicus.

Ioannes Albertus, natu maximus Alberti filius, ex Anna Sophia Alberti, Prussiae Ducis & Brandenburgici Marchionis filia, tres filios suscepit, Albertum, Ioannem, Sigismundum Augustum. Excessit è vivis anno 1576.

Ioannes, natus anno 1558, in uxorem ducta Sophia Adolphi Holsatiae Ducis filia, mortuus est

anno 1592, relictis Adolpho Friderico, nato anno 1589, Ioanne Alberto, nato anno 1591, & duabus filiabus cæcis.

Adolphus Fridericus, Swerini sedem figens, matrimonio sibi junxit Annam Mariam Ennonis II, Ostfrisiae Comitis filiam, è qua sustulit Christianum natum anno 1623; Sophiam Agnetem natam anno 1625; Carolum natum anno 1626; Annam Mariam, anno 1627; Iohannem Georgium, anno 1629; Hedwigem, anno 1630; Gustavum Adolphum an. 1631; Iulianam an. 1632. Mortua Anna Maria Adolphus Fridericus secundam conjugem duxit Mariam Catharinam Iulii Ernesti, Ducis Brunsvicensis & Lunæbergenfis in Dannenberg filiam, quæ illi peperit Iulianam Sibyllam an. 1636; Fridericum anno 1638; Christinam an. 1639; Bernardum Sigismundum an. 1641; Augustum an. 1643; Mariam Elizabetham an. 1646; Annam Sophiam anno 1647; Henricum Gulielmum an. 1651; Philippum Ludovicum an. 1652.

Ioannes Albertus, Adolphi Friderici Frater, Gustroviae residens, tres uxores habuit, quarum prima Margaretha Elizabetha, Christophori agnati filia, illi dedit Ioannem Christophorum, natum an. 1611; Sophiam Elizabetham nat. an. 1613. nuptam an. 1635 Augusto Brunsvicensium & Lunæbergenfium Duci in Wolfenbittel; Christinam Margaretham nat. an. 1605; junctam Francisco Alberto Lauenburgico anno 1640, Christiano Patrueli an. 1650; & Carolum & Henricum nat. 1616, biennio post mortuum: secunda improlis fuit; Tertia vero Eleonora Maria, Christiani Principis Anhaltini filia, dedit Annam Sophiam n. 1628, nuptam an. 1649 Ludovico Lignicensi & Bregenfi Duci; Iohannem Christianum n. 1629, biennio post extinctum; Eleonoram n. 1630, & sequenti anno fato functam; Gustavum Adolphum nat. 1633, & Louisam n. 1635, mortuam an. 1648.

Gustavus Adolphus, ad thalamos electa Magdalena Sibylla, Friderici Holsatiae Ducis filia, anno 1654, insequenti anno filium ex ea sustulit Ioannem Albertum n. 12 Dec. 1655.

H O L S A T I A ,

E T

S L E S V I C V M ,

D V C A T V S .

Sinus Du-
canus
Slesv. &
Holsatiae.



Iti sunt hi duo Ducatus, quemadmodum eos una in mappa conspiciendos damus, inter gradum 53 & medium, & 55 & medium juxta latitudinis dimensionem, à circulo Aequinoctiali in Zona temperata, & inter Cli-

ma 21, quod est per ostia fluvii Tanaidos, & 22, quod est per Brigantium Magnae Britanniae, juxta Veterum & Ptolemæi opinionem; in medio vero sexti climatis, juxta nostram, cujus in Introductione ad Atlantem amplam mentionem fecimus, unicuique climati decem gradus adscribentes: ita ut media linea parallela 54 gr. 30 min. ab Aequatore distans media horum Ducatum dissecet, & recta urbem Eckerenfordam pertingat, eique longissimum diem 17 horarum efficiat: à qua latitudine Gottorpium & Slesvicum non multum discedunt; apud Coldingam autem lat. loci & elevatio poli 55 gr. 29 min. longissimo diei 17 horas & quartam partem attribuit. Hamburgi, quæ urbs in Holsatiae finibus meridiem versus sita est, conficit Elevatio poli 53 gradus 34 minuta unde longissimus dies ad 16 horas & 60 minuta excurrit.

Long. &
Lat.

Extenduntur hi Ducatus ab Hamburgo, (quamquam hi fines ad Austrum aliquantulum declinent) usque Coldingam in viginti novem milliaria longitudinis: iterum ab Hamburgo Schotburgicum ad amnem usque idem longitudinis spatium complectuntur, non obstante quod juxta itinerum rationem triginta milliaria numerentur. Iniqua ubique latitudo ab Helgolandia ad Insulam Femeren inclusive triginta milliariis aestimatur: insulis autem deductis, continens inter utrumque mare longe angustior erit; Holsatia tamen Slesvicensi Ducatu latior & amplior apparebit, de quo infra: conjuncti interim in Regionis Matricula 18000 Iugera & amplius continent; & in iis, 28 urbes, 24 Arces, 39 vicos, 15 Praefectarum Domos, 436 templa, 173 pradia Nobilium, 2842 pagos, 281 villas, & 276 molas aquarias.

Fines.

Clauduntur hi Ducatus ab Aquilone Regno Daniae, sive ejus præcipua parte Iutia Septentrionali, intercedentibus duobus fluviis Schotburgico, qui parvum milliare ultra Ripam urbem cursum suum dirigens, inde in mare Cim-

Germania.

bricum se exonerat, & Coldingico, cis Coldingam per sinum Coldingicum mari Balthico se commiscente: latus Orientale cingit mare Balthicum, Plinio *Sinus Codanus*, Tacito *Mare Suevicum* dictum, non ita tamen, quin insulae quaedam in eo sitae Slesvicensi Ducatui annumerentur, quales sunt Alsen, Arroë & Femeren. Ab Euro Trava fluvio ambiuntur, qui Holsatiae & Megapolitano Ducatui limitaneus; exinde Lubecensi Territorio, Inferioris Saxoniae Ducatu, (alias quoque Saxo-Lauwemburgico appellato,) Hamburgensi ditione, & fluvio Albi; ac tandem Occidentem versus mari Cimbrico, *die Noordzee* indigenis dicto: in quo multae etiam insulae sunt, quæ Holsatiae & Slesvico attribuuntur. Ita, ut diximus, inter maria Cimbricum & Balthicum siti Ducatus constituunt unam cum Iutia Chersonesum Cimbricam; cujus forma Italiae non male convenit, quamquam tota hæc Chersonesus ejus dimidiam vix partem æquet.

Quamquam alicubi hæc regiones steriles sint, ut in Holsatiae Mediterraneis & in Ducatus Slesvicensis districtu inter ipsam urbem Slesvicum & Rendesburgum, ut & inter Flensburgum & Hufumum, attamen ab utriusque maris litore, terræ facies eo pulchrior & amœnior est, ut illius oræ sterilitatem sua fecunditate plusquam abundanter compenset: cum omnia in ea copiose progerminant, quaecunque ad vitæ sustentamentum faciunt, exceptis vino, oleo, saccaro, aromatibus, sale (utut in præfectura Tunderensi aliquantulum non adeo magnæ æstimationis coquatur) metallis & quibusdam medicantibus herbis: quæ merces & in Germania, exceptis vino, metallis & sale, exoticæ. Quæ porro hic proveniunt, sunt siligo, triticum, avena, oryza, hordeum, polenta, pisa, fabæ, casei, butyrum, boves, equi, pelles, sebum, vel sebum, lana, &c. Cum vero bonitas Numinis hæc terras felicibus portubus dotaverit, eorum & navigationis beneficio incolæ ex Germania, Borussia, Livonia, Suecia, Dania, Norvegia, Anglia, Belgio, Gallia, Italia, Hispania, aliisque plurimis longe diffitis regionibus desideratas merces, suisque permutatas brevi compendio advehunt, atque ita commercia exercent. Navigabiles portus ad mare Balthicum sunt Flensburgum, Haderslebia, Apenrada, Sonderburgum, Slesvicum, Eckernforda, Christianpries, Chilonium, Heiligenhafen, Neostadium; Lubeca in suo, Travemunda vero alter & major Lubecensium portus in Holsatico solo sita. Ad

Portus.

T t t

mare



Serenissimo et Potentissimo Principi
ac Domino.
DNO FRIDERICO III.
Daniae, Norvegiae, Olandarum, Gothorum,
Regni, Ducis Slesvici, Holsatiae, Stormarck
& Ditmarsiae, Comiti in Oldenburg et Del-
menhorst.

Serenissimo, Cellisimoq; Principi ac
Domino.
DNO FRIDERICO IV.
Marchioni Norvegiae, Ducis Slesvici, Holsatiae, Stormar-
ck et Ditmarsiae, Comiti in Oldenburg et Delmenhorst,
Domini sui Clementissimi, Tabulam hanc
Geographicam, Ducatum Slesvici & Holsa-
tiae Coniunctum exhibitorum, subiectis
Offere auctor.
Johannes Mejerus, Aulicus.

mare Cimbricum offerunt se Hamburgum, Gluckstadum, Itzehoa, Tonna, Fridericopolis, Husum, Sluta in Hallingen prope Nordstrand, Schmaltief prope Föhram, Rutebull & Hoier prope Tunderam, Listertief ad insulam Röm & Ripensem portum, &c. inter quos aliqui tam profundi, ut naves centum segmatum admittant: in Ducatu Slesvicensi & alii exstant præcellentes portus, sed non adeo frequentati.

Pisces.

Fluvii & sinus piscium affluentissimi sunt, præsertim ad mare Balthicum. Sunt quoque in Ducatu Holsatiæ maximi & piscibus divites lacus, & piscinae, quarum plurimæ Nobilium sunt, tam frequentes, ut non tantum hospitibus laute excipiendis, sed & perpetuo penuri nec non culinæ prospiciendæ sufficiant: Ingens quoque lucrum incolis adferunt, quo exsiccatis deducta aqua grandioribus piscinis, jam quartum vel quintum annum pro locorum conditione intactis, omnem captivum piscem in vicinas urbes venalem exportant. Piscium horum nomina hæc fere sunt: Salmones, lucii, carpiones, coracini, percæ, tincæ, foxii, apuæ, sturiones, sandatæ, murenæ, murenulæ, truttæ, thymalli, haleces, asseres, passeres, aselli majores & minores, rajæ, sammari, ostreæ, ceti, cancri, astaci, acipenseris, funduli, anguillæ, melanuri, &c. ut communes buriales cancri, aliosque quotidianos pisces præteream.

Montes.

Ambo hi Ducatus plane non montosi sunt, ita ut fere nulli excelliores montes in iis inveniuntur, præterquam Segeberg, Helgolandia, una & continua in mari rupes, Hutteri montes prope Slesvicum, montosa arbuta in præfectura Apenrade, & hinc inde aliqui ad mare Balthicum, qui potius colles, quam montes dicendi sunt: è quibus multi grati & dulcè strepentes amnes torrentesque emanant. Variis enim has terras fluentis Deus irrigavit, præsertim in Wagria, ut & in Ducatu Slesvicensi, inter quæ facile princeps est Albis, quamvis ipsi potius Holsatiæ conterminus dicendus sit, cum nusquam per eam nisi infra Hamburgum juxta quasdam inibi jacentes insulas cursum instituat. Alter ab illo fluvius est Eidora; post hunc Trava, Stora, Schwentina, Billa, Alstera, Pinnavia, Treena, Soholmavia, Funderavia, Lohbeca, Nipsa, Schotburgicus amnis, & minores alii, quorum suo loco sparsim fiet mentio. Nec desunt his in oris nemora & sylvæ, quarum major numerus ad mare Balthicum, ut in præfectura Haderslebienfi, in præfectura Apenrade, in Ducatu Sonderburgensi, in Anglia, in Schwantzen, in præfectura Gottorpiensi, in nemore Danico, in Snellemarca, pluribusque aliis in præfecturis, quarum nomina hic adnotare supersedeo.

Statu antiquus & modernus horum Ducatum.

Conjuncti licet nunc sint hi Ducatus, diverso tamen jure administrantur. Holsatia enim S. R. I. feudum est, Slesvicensis vero Ducatus à Regno Daniæ, juxta tenorem conventionis an. 1579 Otthoniæ initum, liberè dependuit: uni nihilominus aliquando ante aliquot centenos annos paruerunt; ac primo quidem cum Canutus Daniæ Rex, filius Regis Woldemari I, & Rex Woldemarus II, Comitem Adolphum III, ex Holsatia ejecissent, eademque tunc temporis tan-

tum Comitatus titulum habentem Imperio Rom. subtraxissent; quamquam Imp. Fredericus II, postea illam Woldemaro II, concessisse & confirmasse feratur. Nec multo post dedit Woldemarus II, Comitatum Holsatiæ Alberto Orlemundano in feudum, qui quoque eundem usque in annum 1225 retinuit, quo à Comite Adolpho IV, & Henrico Comite in Schwerin iterum expelleretur secundò, tempore Regis Christophori II, cum Gerardus Comes Holsatiæ, cognomento Magnus integrum Ducatum Slesvicensem, quamvis haud diu, magnamque partem Comitatus possideret. Iterum, cum Gerhardus Junior, memorati Gerardi Comitis Nepos ab Odolpho Daniæ & Norvegiæ Rege Ducatum Slesvicensem feudalem acciperet, qui suam quoque ex Comitatu Holsatiæ partem una cum fratribus administravit. Sed ab hujus obitu bellum cruentum exortum est inter Reginam Margaretham ejusque successorem Ericum ab una, & filios Comitis Gerardi, Henricum, Adolphum & Gerardum ab altera parte; quod tandem quorundam Ducum & Imperii Principum, nec non Hanseaticarum urbium interventu dissolutum est, ita ut Rex Ericus cum Duce Adolpho (Henricus quippe hoc in bello occubuit) in hæc pacis fœdera iverit, ut quilibet ea, quæ jam occupaverat, retineret. Erico Rege è vivis sublato, Dux Adolphus à Rege Christophoro Palatino Rheni, Duce Bavariæ, seu ejus nominis Tertio, totum Ducatum Slesvicensem in feudum accepit, eumque una cum toto Comitatu Holsatiæ (excepta Pinnebergenfi parte) quietus ad vitæ finem possedit, & feliciter administravit, denatus anno 1449.

Ab ejus obitu, cum non solum Ducatus Slesvicensis, ut feudum Regni Daniæ ad Dominum rediret, sed & Comites Schauwenburgici Christiano I, suas prætensiones in Holsatiæ Comitatum pro certa pecuniæ summa vendidissent, divisio inter Regem Joannem & Ducem Fridericum ejus fratrem facta est, & pars Ducatum suum & proprium dominum accepit. Illo autem tempore ambo Ducatus eo modo divisi sunt, ut alterutri ex fratribus Ducatus Slesvicensis, vel Holsatia tota concederetur, sed (sive ut quilibet tam Ducatus Holsatiæ quam Slesvici portiunculam accipiens, tam Romano Imperio quam Regno Daniæ devinctus esset, seu evitandi belli & discordiarum ergo, quoniam ea ratione dispersita Regio non adeo facile defensionis apta est, ac illa quæ limitibus suis circumscripta est) ut præfecturæ commiserentur, atque ita Rex Joannes quasdam præfecturas in Slesvicensi, quasdam quoque in Holsatiæ Ducatu possideret: itidem quoque Duci Friderico in utroque Ducatu distinctæ præfecturæ assignarentur. Equester ordo autem, ut & jura in bona Ecclesiastica, urbem Hamburgum, &c. indivisa manserunt; scitumque fuit, ut regimen esset ambulatorium, & per annum alternatim Duces præficerent. Id temporis, & nominatim anno 1482, assignatæ sunt Regi Joanni in Ducatu Slesvicensi præfecturæ Flensburgensis, Sonderburgensis, Norburgensis, Brunlundensis sive Apenradana, & Insula Femeren: in Ducatu vero Hol-

Divisio Ducatum inter Regem Joannem & Ducem Fridericum.

Holsatiæ Segeberga, tunc temporis Regis in hisce oris arx præcipua, una cum Præfecturis Rendesburgensi, Hanroviensi & Hafeldorpiensi. Duci Friderico cessit Gottorpium in sedem capitalem cum Hufumo, Strand, Eiderstede & Tielenborg seu Stapelholm. Porro Præfecturæ Tunderensis & Haderslebiensis, quæ tamen tunc non adeo ampla fuit, ac hodie. In Ducatu Holsatiæ adeptus est Præfecturam Chiloniensem cum Diocesi Novi Monasterii, Trittoviam, Steinburgum, Itzehoam, Plonam, Oldenburgum, Neostadium, &c. Hinc & Cœnobia, venationum & villicorum causa distincta sunt, sic ut Segeberga, Reinfeld, Arensboke, Prosa & Rüh-Closter Regi cum Segebergica parte, è contra Bordes-holm, Cismar, Reinbeck, Vtersen, & Löhmcloster Duci Friderico attributa fuerint.

II. Inter
Christiani-
um III,
Iohannem
& Adol-
phum.

Paulo post, cum successor Regis Iohannis Rex Christianus II, Regno Daniæ ab Ordinibus Regni & Duce Friderico anno 1522 ejectus esset, dictus Princeps (qui insequenti anno 1523 à Danicis Regni Ordinibus & Consiliariis in Regem electus est) etiam illam partem, quæ Regis fuerat, occupavit, & utrumque Ducatum solus tenuit: quo fatis functo Rex Christianus III, Friderici filius, Ducatus possessor fuit, sub tutoris nomine, usque dum cum fratribus Iohanne & Adolpho novam horum Ducatum divisionem anno 1544 auspicaretur, in tres nempe æquales partes, quarum optio Adolpho ut Iuniori concessa est. Quarto fratri Friderico minorenni Episcopus Hildesienfis & Slesvicensis destinati sunt. Quæ divisio, quoniam moderni Regiminis fundamentum est, accuratius explicabitur.

Portio Regis
Christiani;

Rex Christianus III adipisciebatur in Ducatu Slesvicensi Præfecturas Sonderburgum & Norburgum; item Ruh-Closter & Sundewit, (quæ postmodum unita Ducatus Sonderburgensis titulum acceperunt) porro Præfecturam Flensburgensem & pagum Forkebeeck inter Gottorpium & Rendesburgum situm: in Ducatu Holsatiæ Præfecturas Segebergam, Steinburgum cum adhærentibus Willstriæ & Crempæ paludibus, urbem Itzehoam, Plonam & Heiligenhafen, tandemque tria Monasteria, Segeberg, Reinfeld & Arensbocke, Segebergenfi præfecturæ commode adjacentia.

Ducis Iohannis;

Duci Iohanni obveniebant Præfecturæ Haderslebiensis & Doringensis, Tonderensis & Cœnobium Löhmcloster, tresq; pagi Præfecturæ Gottorpiensis, Borchstett, Lehmbeck & Campen, qui Præfecturæ Rendesburgensi annuebantur: in Ducatu Holsatiæ Præfectura Rendesburgensis cum dictis pagis & Cœnobium Bordes-holmium Præfecturæ Rendesburgensi vicinum.

Ducis
Adolphi.

Duci Adolpho adjudicata fuit Arx & Præfectura Gottorpiensis, quibus ea tempestate vicus Hufum cum adjacentibus circulis sive Harden accensebatur: item Stapelholmia, terra Eiderstett, Præfecturæ Hutten, Wittensee, Mohrkier, Brunlund sive Apenrade. In Ducatu Holsatiæ Præfectura Chilonium cum Diocesi Novi Monasterii, Præfecturæ Trittow, Oldenburg cum Neostadio, binaq; Cœnobia Cismar & Reinbeck, illud Præfecturæ Oldenburg, hoc Trittovia adsitum.

Cum vero ante multos annos (nempe anno Germaniæ.

1559) Dithmarsia à prædictis tribus Dominis subjugata foret, itidem & hæc anno 1568 in tres æquales portiones distincta est, ita ut Regi Friderico II, Christiani III filio, pars Australis, quæ cum Præfectura Steinburg lacui Willstriæ contermina, attributa sit; Dux Iohannes meditullium ejus, Præfecturæ Rendesburgensi vicinum, retineret, Dux Adolphus autem Aquilonarem oram Gottorpio propinquam, Eidorâ tantum à Stapelholmia & Eiderstadio discretam acciperet. Ita tunc temporis Ducatus hi divisi & à tribus Dominis administrati sunt, ad annum usque 1564, quo aliqua mutatio subiit, cum Rex Fridericus II, fratri Duci Iohanni Iuniori in feudum concessit Insulas Alsen & Arroë, & Præfecturam Plonam in Holsatia cum monasteriis Reinfeld & Arensbock, ea tamen lege, ut tamquam particularis Princeps summo Ducatum regimini non se immisceret, imo potius tributa, telonia, aliaque communia aliis cum subditis onera exsolveret. Postquam vero Dux Iohannes Senior mortem obiit, tradidit Rex Fridericus fratri suo Iohanni Iuniori (qui non in æquales cum duobus Regentibus Principibus partes iverat) cœnobium Rüg-Closter in Anglia prope Flensburgum situm, cum adjacente terra Sundewit: quod cœnobium Dux Iohannes proxime sequenti anno 1582 destruxit, ejusque loco arcem erexit *Lucksburg*, sive *Glucksburg* appellatam, quæ nunc Ducis Philippi primaria sedes est.

Diviso
Dithmar-
sia.

Paulo ante, ut monuimus, memorabilis mutatio facta est, dum Dux Iohannes Senior Haderslebiæ anno 1580 fatis concedit. Insequenti enim anno Rex Fridericus post multas disceptationes de prædicti Ducis Præfecturis, tandem hoc modo cum Duce Adolpho eas divisit, ut ipse Præfecturam Hadersleben una cum Dorning in Slesvicensi Ducatu, in Holsatia autem Præfecturam Rendesburg, australemque partem Dithmarsia acceperit: Dux Adolphus è contra in Ducatu Slesvicensi Tonderam, Löhmcloster, insulas Nordstrand & Femeren; in Ducatu Holsatiæ Cœnobium Bordes-holm & Aquilonarem Dithmarsiam ditionibus suis adjunxit. Ex eo tempore in hunc usque diem geminum tantum, Regium & Ducale Regimen, hi Ducatus habuere.

Mutatio
sub Friderico II, &
Diviso
tertia.

Regiæ Majestatis vices Legatus seu Prorex sustinet. Regis Christiani III Legatus fuit Iohannes Ranzovius, Dominus Bredenbergæ & Botkamp, &c. Eques, Regius Campi Marecallus: cui filius natu maximus Henricus Ranzovius hæreditarius Bredenbergæ, Lindewit, Ranzow, &c. singularis literatorum Mecænas, successit; qui Segebergæ residens huic summo muneri annos 44, summa cum laude præfuit, denatus anno 1599. Eum excepit filius Gerardus Ranzovius, idemque hæreditarius Bredenbergæ, &c. qui Haderslebiæ commoratus est, defunctus anno 1627. Hujus mortem interregnum quasi aliquod insecutum est, nullo illi in administrandum eximium hoc munus subrogato. Regiminis tamen status Haderslebiæ continuatus est. Cum autem superioribus belli Suecici tumultibus arx hæc improvise & fortuito incendio in cineres iret, Rex Fridericus III, tum temporis tantum Archiepiscopus Bremensis, Episcopus Verdenfis & Coad-

Regium Ro-
gimen in
hisce Ducatibus.

& Coadjutor Halberstadiensis, &c. Regiminis sedem in Flensburgensem arcem transtulit, ibidemque perfectiorem illi formam indidit, adjuncto sibi Cancellario, Consiliariis seu Assessoribus & Secretario. Cum autem non diu postea Christianus IV ex hac vita abiret, Patri in Regno succedens Fridericus, Christianum Ranzovium Gerardi filium, sibi nec non Romano Imperatori ex intimis consiliis, Legati munere exornavit: qui, quod & Præfecturæ Steinburgensis, Glückstadii & Australis Dithmarsiae regendæ curam suscepisset, Regimen Regium Flensburgo Glückstadium transtulit.

*Judicium
Univerſale
annuum.*

Ita quidem hodie sub duobus Principibus hi Ducatus sunt, alternis vel continuatis vicibus regiminis habenas moderantibus. Et quoniam, ut supra commemoratum est, Prælati, Monasteria & Equestris ordo sub unito regimine permanferunt, institutum est annuum Univerſale Iudicium, cui alter è Principibus pro tempore Regens in persona præſidet, cæteroqui nobilibus & eruditis tam provincialibus quam aulicis Consiliariis satis proviſo: moderni Assesores sunt ex parte Regia dictus Comes Ranzovius, & ex parte Ducis Wolfius Blom, Præfectus Tonderensis, in Test & Schedorf; atque ita consequenter alternatim nunc ex parte Regis unus, & iterum alius ex parte Ducis: ut, Cajus ab Alefeld, Eques, Præfectus Haderslebiæ, in Meelbeeck &c. & Nicolaus à Qualen, præfectus Cismariæ & Oldenburgi, in Siggem, &c. Caspar à Buchwald, Eques, Præfectus Segebergæ, in Heimsdorf, &c. & Paulus Ranzovius Præfectus Chilonii, in Borkampf, & Kohövet, &c. Henricus Blom, Eques, Præfectus Rendesburgi, in Hagen, &c. & Fridericus ab Alefeld, Præfectus Prittoviæ & Reinbeck, Præpositus Cœnobii Vterſen, in Seſtemug, &c. omnes Provinciales Consilarii; tum & duo Cancellarii, ut ex Regia parte Theodorus Reinking I C. Ducis vero nomine Iohannes Adolphus Kielman, Hereditarius in Satropholm & Obdorff, Templi Cathedralis Hamburgensis Præpositus, Præfectus in Moor kircken, qui per 26 & quod excurrit annos Principi Friderico fuit ab officio, 20 annos Cancellarius; cujus nobilissimi viri merita in istam inclutam Domum Gottorpicam multa & egregia extant merita. Cui cum Vicario D. Friderico ab Alefeld hoc ann. 1662, Princeps adexteros abiturians Præſidium Regiminis benigne obtulit. Itidem utriusque Principis sacramento adstrictum Consilium & Cancellarius Provincialis, qui in Provincialibus Iudiciis statuta describit & publicat; Henricus von Hatten I C. quem alternatim cæteri Regis & Ducis Consilarii subsequuntur, ut Reimanus Dorn, I. V. D. Balthasar Gloxin, I. V. D. Franciscus Stapel, I. V. D. Eberhardus Weidenkopf I. V. D. Iohannes Helm. I. V. L. Quicquid autem in hocce Collegio loco Definitiva, præsertim in rebus Slesvicensibus dijudicatur, manet inter partes irrevocabile, contra quod beneficia & remedia juris nulla efficaciter allegari possunt. Ast in Ducatu Holsatiæ concessa est, juxta privilegium Cæsareum, in rebus appellabilibus & alicujus ponderis, provocatio ad aulam vel Cameram Imperialem.

Reliquæ Provinciæ, Præfecturæ & Civitates fere quævis suas peculiare instantias habent, tandemque per appellationes definitive ad cujusvis Domini Cameram Iudiciariam aulicam devolvuntur, quemadmodum ex statutis provincialibus horum Ducatum latius patet. Nec silentio prætereundum, Regentem Ducem ultimis Comitibus Ratisbonæ actis per Exlegatum suum, ac Consiliarium intimum, & Aulæ Cancellarium Iohannem Adolphum Kielman anno 1641, Regem vero anno 1650, novissima feudi acceptatione Viennæ per suum Pro-Regem, introductum à se jus primogenituræ ut solemniter à Cæsarea Majestate confirmaretur, impetrasse: unde autumandum, in hisce Ducatibus alias deinceps subdivisiones haud subsecuturas esse.

Cæterum Iohannes Dux Sonderburgensis divisit ditiones & præfecturas suas in quinque partes, seu inter quinque filios: quorum natu maximus, Christianus, Insulam Arroë, Alexander Arcem Sonderburgensem cum dependentiis, Iohannes Adolphus Arcem & præfecturam Norburgensem; (cui Fridericus postea vi substitutionis successit,) Fridericus Luxburgum in Anglia cum maxima parte terræ Sundewitt, tandemque Iohannus Ernestus in Holsatia sitas Præfecturas Plonam, Reinfeld & Arensbock sortitus est; de quibus infra largius.

*Divisio
Sonderburgensis
Principatus.*

Iacent præterea in hisce Ducatibus, vel in eorum saltem districtu,

1 Territorium Episcopatus Lubecensis, sicut in Holsatiæ Provinciali Matricula reperitur. Alias Episcopus, ut notum, S. R. I. Princeps, nullo Iudici subest, præterquam Cæsareæ Majestati.

2 Episcopatus Slesvicensis sive Schwabstede, ad Ducatum Slesvicensem pertinens, cujusque jugera in Matricula Ducatus Slesvicensis comprehensa sunt. Quoniam autem non semper Episcopo prospicitur, eodem quo cætera Præfecturæ modo administratur.

3 Cætera Episcopalia & Cathedralia Capitula Lubecæ, Slesvici, & Hamburgi, & Collegium sive Calanum Eutinense.

4 Quatuor illa Parthenica Cœnobia, quæ sunt Itzehoæ, (ubi & Abbatissa) Prezæ, Vterſem, & Slesvici.

Econtra duæ in finibus sitæ Præfecturæ (quævis nunc suæ Celsitudini subditæ sint) Tremmelsbittel & Steinhorſt, ut diversæ, & immediate à Duce dependentes, in matricula Holsatiæ non reperiuntur. Episcopatus Ripensis etiam nunc Coronæ Danicæ annexus, & jam dudum reformatus, Præfecturæ Regiæ Ripensi conjunctus fuit. Tandem quoque Comitatus Pinnenberg & Rantow matricula Holsatiæ inserti non sunt, & Regis Ducisque coadunatione immediati declarati sunt.

Harum regionum incolæ commode dividi possent 1 in Prælatos & Ecclesiasticos, 2. in Nobiles seu ordinem Equestrem, 3 in ingenuos (Frey-leute) 4 in oppidanos; 5 in agrestes, 6 in rusticos. Ecclesiasticorum nomine designantur antiquorum Collegiorum quæ restant, nunc penitus reformatæ, sive masculini sive foemini sexus sint, qualia sunt Canonicorum Hamburgi, Slesvici & Eutinæ, Virginum vero Itzehoæ, (quod quia ab Abba-

*Incolarum
distinctio-
nes.*

*Status Ec-
clesiasticus.*

Nobilitas

*Nobilitas
prædicta
localis*

*Nobilitas
quæ
lib.*

Abbatissa regitur, Præposito caret, Advocatum tantum Defensorem eumque nobilem habens) Pretzæ & Vterfemi; quæ Præpositos Equestris ordinis habent.

Nobilitas.

Nobilitas non adeo frequens, sed prædives est, præstantissima prædia possidens, è qua ad Comitum fastigium Imperatoria Majestas Christianum Pentzium & Christianum Rantzovium evexit. Ut ut autem hæ regiones annuente Numinis benignitate diuturnæ pacis commoda senserint, & raris bellis fuerint divexatæ, propensiores tamen ad arma Nobilium animi videntur, unde plurimi non lucri ergo, sed animosa bellandi cupidine, honorumque adipiscendorum desiderio instincti, castra sequuntur: unde inter illos multos invenias, qui non tantum Ducum, sed & Generalis officio defungantur: inter quos silentio obvolvi non debet memoria Iosia Ranzovii, quanquam aliena inter signa militantis, qui virtute sua Marefcalli Franciæ & Gubernatoris Dunkerkæ munus adeptus est. Longe quoque majores suæ nobilitatis æstimatores sunt, ac reliquarum regionum Nobiles, ita ut inaudita in his regionibus sint nobilium cum ignobilibus conjugia; hinc & civica in urbibus munia aspernantur; (quod & in Pomerania familiare;) & cum juxta eorundem privilegia omnes peregrini ab officiis & muneribus regni administrandis exclusi sint, ampla ipsis facultas conceditur ordinem suum magnifice & splendide tuendi.

Nobilium prædia alodialia.

Prædia eorum, fundi & possessiones, maximam partem, paucissimis exceptis, alodialia sunt, id est, non feudalia, sed propria & priva, quamquam ex iis temporum & Principum necessitate id efflagitante, equi feudales indiscriminatum ali debeant. Quibus & hoc addendum, equestris prædia plerumque filiis levi pretio concedi, filias vero data certa dote elocari. Discrimen tamen grande est inter bona hæreditaria & coemptitia: in hæreditaria enim filiis tantum, in coemptitia, etiam filiabus successio patet.

Nobiles aliquæ Familiae.

Nobilium Familiae, quæ hodie hisce in oris eminent, hæ sequentes sunt: Von Alefelde, Blumen, von Boeckwolde vel Buchwalde, Breide, Brockdorff, von Bulow, von Damme, Gadendorp, von Hatten, von Heisten, von Höcken, Kielmann, Magnussen, Meinsdorffer, Pentzen, Peterfen, Plessen, Pogwisch, von Qualen, Rantzowen, Rahlow, Reventlow, Roden, Rumohren, Schacken, Schwaben, See-steden, Steding, von Tienen, von Veitboffen, von Vcken, Wensien, vonder Wisch, Wittorp, Wohnsfleth, Woyen.

Et hæ sunt Slesvico-Holsaticæ Nobilium Familiae nostro ævo vigentes. Caterum superiori ævo & aliæ in hisce Ducatibus fuerunt, quæ vel in Daniam & alias vicinas regiones commigrarunt, partim etiam inde oriundæ, vel hic extinctæ sunt: quales sunt von Barkentien, Boet, von Hogen, Halle, Holcke, Hoyer, Hummelsbüttel, Iohannsen, Itzehude, Kaas, Knop, Krummendicka, Lanche, Lembecke, Leven, Möthen, München, vonder Ost, von Ritzerow, Ronnow, Rosenkrantz, Schweinen, von Siggen, Spliet, Schinckel, Siverfen, Soep, Stacken, Sturen, vom Walde, Walfstorp, Westen-see.

Equestris modernus Ordo divisus est in duas cohortes satis magnas, Slesvicensem & Holsaticam, quarum illa ab Henrico Brocktorffio, Ca-

pitaneo, & Holsatiæ Ducis belli Consiliario; hæc à Bertramo Ranzovio Equitum Magistris ducitur.

Liberiorum incolarum ante aliquot annos quædam familiæ fuerunt, quæ partim extinctæ sunt, partim valde defecere. Inter eas maxime occurrunt Familiæ Andersen, Frudsen, Heinsen, Knudsen, Paysen, &c. omnes Slesvicensis, vel Frisicæ originis; è quibus sola Andersen hodie superest.

Liberi Incolæ, Frey-lense.

Civitates, excepta Hamburgo, (quæ ob exemptionem privilegia à reliquis distinguitur) hoc ordine in nuperrima Regis Friderici III. Confirmatione Flensburgi peracta, proclamata sunt: Slesvicum, Flensburgum, Rendesburgum, Itzehoa, Oldefschloa, Haderslebia, Tunderen, Crempa, Wilster, Eckerenförda, Burgum in Femerania, Segeberga, Hilligenhafen, Apenrada, Neostadium, Oldenburgum, Lütkenburgum: octodecim hæ numero sunt, exceptis Eutina, quæ Lubecensi Episcopatu accensetur, & Sonderburgo, Plona & Hartzköping in Arroënsi insula, quæ Sonderburgensibus Principibus parent. Super sunt adhuc quinque urbes, Husumum, Tonninnga, Gluckstadum, Fridericopolis & Gardinnga, quæ hucusque in Ordinum numerum necdum relata sunt.

Civitates.

Mercaturæ maxime dediti sunt oppidani cives minorum urbium seu oppidorum, ad quam gnæviter exercendam ipsos opportuni portus alluciant: cum autem hæ terræ angustiores sint, quam ut adeo grandi mercium affluentia indigeant, portusque multi & commodi sint: tum quoque cum Hamburgenses & Lubecenses, Imperio Romano viciniore, viris, nummis, ratibusque polleant, conjicere licet, vix has urbes majora incrementa sumpturas, nisi forte in mechanicis artibus aliqua melioratio introduci posset. Alias quoque multi ex civibus agrorum cultura & pecoribus alendis vitam tuentur; quod cum Helvetiis aliisque Germaniæ populis commune habent.

Oppidani.

Oppidanos sequuntur Agrestes, seu vernaculi le Hausleute, & Hueslunde, qui reliquis in Germania rusticis comparari nequeunt; quippe qui, præcipue in Ditmarsia, Eiderstede & Strand, ab omnibus Aulicis servitiis immunes sunt, nec sub Præfecturis connumerantur, sed à Quæstore, Præposito seu Legato gubernantur. Sunt & hi præter agriculturam aliquo modo mercaturæ dediti; frumenti, pecorum, butyri, casei, lanæ, aliarumque mercium copiam in vicinas regiones distrahendo. Vestitus iis idem fere, (imo aliquando ornatior) cum oppidanis; quamvis in agris commorentur, non longe separatas à se invicem ædes habentes, ita ut propemodum eximii alicujus & ingentis pagi faciem ipsa regio accipiat: qui incolendi modus Hollandicis provinciis non inusitatus est.

Agrestes, seu Hueslunde.

Ultimum locum occupant Rustici, qui itidem gemini, alii enim liberi Rustici sunt, & proprias suas villas possident: alii vero Lansten dicuntur, quibus pro annua mercede agri colendi conceduntur, ita tamen ut defuncto patri si filius succedere velit, certam pecuniæ summam expendere cogatur.

Rustici, Lansten.

Cæterum

Statura
corporum.

Cæterum statura Gentis pro locorum ratione longe diversa est: illi enim, qui maritima incolunt, proceriores, robustiores & obefiores sunt; hi contra, qui in aridis & mediterraneis se continent, brevioris & subtilioris staturæ sunt, & ad operas bellicas aliasque haud multum virium & roboris requirentes, & multo aptiores. Maritima accolentes autem laboriosi & perseverantes, in arvis fulcandis, vallis fodiendis, & muniendis contra turbulentos Neptuni Æolique impetus agris, omnem fere æstatem transigunt: qui quod satis fertiles sint, evenit, ut victu & amictu contenti accolæ, opificiis exercendis dediti non sint; quod satis apparet ex lanarum in alias terras divenditione; quum longe satius & utilius foret non tantum illas retinere, quæ regio hæc suppeditat, sed peregrinas etiam cœmere, ut deinde ex iis pannos conficerent, cum ingenti multorum commodo, qui inde vitam tolerarent, & non minori totius regionis emolumento, quæ viris & nummis immensum quantum accresceret. Sunt tamen horum Ducatum incolæ, præsertim Holsati & Slesvicenses ad Austrum vergentes, omnium artium mechanicarum nec non Liberalium satis capaces; sufficere solum Georgium Calixtum memorasse, qui præfecturæ Tonderensi natales suos acceptos refert. Quod autem non tot eruditi in his oris inveniantur, Academiarum penuria efficit, quæ hic nullæ; quod grave incolis, qui liberos suos, ubi studiis animum applicare desiderant, in longinquas Academias magnis cum impendiis ablegare coguntur.

Forma Re-
giminis:
In hisce
Ducatibus;

Recensitis incolarum divisionibus, non absurdum erit subnectere Iudiciorum formam, quæ pro illorum varietate etiam diversa est. Ut igitur ab ima classe inchoemus; Rustici sub præfecturis utriusque Principis primum ad proprios sibi conventus Iudiciales citantur, qui in Holsatia *Freyen Holsen gehegetes Ding* in Slesvicensi autem Ducatu *Bonden Gerichte* appellantur, sive circuli (*ein Harde-dinge*) sive præposituræ (*ein Birk-dinge*) iudicium fuerit. Adest iis plerumque ipse Præfectus; & si libuerit rusticis, concessa est iis appellatio ad illius Præfecturæ iudicium, *das Amptgericht* vernaculè vocitatum, in qua prima dica audita & dirempta fuit, id est, in qua ipse reus habitat.

Rustici autem, qui sub Nobilibus sunt, partim communi cum supra memoratis jure fruuntur, partim coram Dominis propriis causas suas agere tenentur: in quarum decisione si iis non satisfactum, appellatio ad provinciale (ipsis ultimum) iudicium conceditur, coram quo lites suas exponunt decidendas, usitato tam in Slesvicensi Ducatu quam in Holsatia more. In maritimis Wilsstræ & Crempæ regionibus major ventilationis occasio datur, quippe appellatur primum ad Wilsstræ & Steinæ iudicium, dein ad duodecim fideles Arbitros, & sic porro.

In Civitatibus;

Quædam civitates majoribus privilegiis gaudent; his concessum est sub certis conditionibus ad Spirensis Cameram appellare: præterea scitu dignum est, quatuor Holsatiæ urbes Chilonium, Itzehoam, Rendesburgum & Olde-

schloam commune iudicium habere, ad quod non tantum unaquæque ex illis ipsis; sed & hæ Holsatiæ, Crempa, Wilsstræ, Segeberga, Heiligenhafen, Neostadium, Altenburgum & Lutenburgum; Slesvicenses vero Tundera & Burgum in Femeren (quæ omnes Lubecensi jure utuntur) ut ad forum secundæ instantiæ appellare possunt. Ab illis quatuor seu respectivè tribus civitatibus procedit appellatio ad Regimen seu Ius Provinciale, hoc cum discrimine, quod Slesvicenses civitates Tundera & Burgum in Femeren ultimam causarum decisionem ibidem acceptent; Holsaticis appellare vero liceat sub quibusdam conditionibus ad Cæsaream Cameram Iudicialem, quæ est Spiræ, sive ad Consilium Imperiale Aulicum. Cæteræ civitates ad sui Principis Aulicum iudicium seu Forum, nec ulterius appellant.

Praelati & Equestris Ordo citantur in prima instantia coram Provinciali iudicio, quod Slesvicensibus primum & ultimum: Holsatis vero licita est, quemadmodum & dictis civitatibus, appellatio ad Cameram, si non impediatur, vel summa, de qua controversatur, magnitudo, vel aliæ quædam exceptiones: quippe summa, cui determinandæ auctoritas Cameræ Spirensis intercedit, mille aureos excedere debet; quæ cum deficit, & debitum manifestum est, (licet altero tanto summa major foret) nec non cum delicta graviora & injuriæ criminales sunt, omnis appellatio rejicitur: quemadmodum Impp. Matthiæ & Ferdinandi II, nuper Regi Daniæ, Ducique Holsatiæ concessa privilegia fufius declarant.

Subditorum Ducatus Sonderburgensis, Norburgensis, Lucksburgensis & Plonæ causæ à proprio magistratu deciduntur, negata porro appellatione ad Provinciale seu commune iudicium. Eodem modo agitur cum Lubecensis Episcopatus subditis, quibus ultra proprium Magistratum appellatio non competit. E contra in Slesvicensi Episcopatu, ubi apud Dominum Capitularem jus dicitur; cum autem alterutra pars sibi non satisfactum arbitratur, pro extrahendis Processibus Cancellarium pro tempore Regentis Principis adeunt, ut in proxime subsequenti Provinciali conventu iudiciario causæ suæ ultimam ventilationem & decisionem consequantur. Ripensis Episcopatus jamdudum Præfecturæ Ripensi conjunctus fuit.

Dicitur in Slesvicensi Ducatu plerumque jus secundum codicem Iuricum, *das Eowbuch* Waldemarii II, Daniæ Regis; at in Eiderstede, Nordstrand, & quibusdam Holsatiæ civitatibus, juxta Statuta Speculi Saxonici & Consuetudines, de quibus postea.

Annuum conventum Iudicarium celebrari, & qua ratione, supra indicavimus; cui adde, ejus eminentiam non adeo parvi momenti esse, cum non tantum sub præsidio Regentis Principis de bonis, vita, & honoribus incolarum judicent, sed præsertim in Comitibus, cum quæstiones graves & ponderosæ, Regionum statum concernentes, ventilandæ sunt, quarum determinationem reliqui Status seu Ordines maxime respiciunt.

Præ-

In Principatu Sonderburgensi, &c.

In Slesvicensi & Lubecensi Episcopatibus.

Ius Nationale, Landrecht.

Iudicium Provinciale, Landgericht.

Præfidentem autem in iudicio provinciali Princeps, etiam in politicis rebus illo anno Regimen administrat, & Ordines Provinciales ad Comitiam evocat, quibus vel ipse in persona, vel per Plenipotentiarium præest, atque Edicta & Statuta sub utriusque Regentis nomine & sigillo promulgat.

Ordines.

Ordines, qui in Comitibus se sistunt, & potestatem dicendæ sententiæ habent, sunt 1. ex Prælatibus Slesvicensibus, Cœnobium S. Ioannis, ex Holsatibus Cœnobium Itzehoa, Pretze & Vtersen. 2. Totus Equestris utriusque Ducatus ordo. 3. Slesvicenses civitates, Slesvicum, Flensburgum, Haderslebia, Tundera, Eckerenfordia, Apenrada & Burgum, quæ in insula Femeren sita; Holsatica, Chilonium, Rendesburgum, Itzehoa, Oldeschloa, Crempa, Wilsfria, Segeberga, Hilligenhafen, Neostadium, Altenburgum & Lurkenburgum. Reliquæ civitates & præfecturæ ad Comitiam non evocantur, eorundem decretis tamen se submittere tenentur.

Rex Daniæ auspicatur Regimen ad festum S. Michaëlis numero impari, quod in sequentis anni idem festum numero pari continuat. Succedit Dux Holsatiæ in Regiminis administratione vice versa.

Conventus Iudiciarius Provincialis annuatim octiduum post festum Paschatis celebratur in aliqua alterutrius Principis civitate, ne peculiaribus aliqua oborta accidentia impedimentum moveant. Ne vero lites diutius hæreant, sed, quantum fieri potest, in isto conventu annuo tanquam statim & ordinariis diebus iudiciariis definitive dirimantur, institutum est annum circa S. Michaëlis festum Iudicium Quartale, quatuor nobilibus, duobus eruditis Senatoribus & Provinciali Cancellario constans, in quo omnia Acta in Holsaticis negotiis revidentur, libellis supplicibus responsa dantur, minores lites quamquam sine vi sententiæ definitivæ dijudicantur, Commissiones aliæque ejus generis decernuntur, testimonia elucidantur, & quæcunque porro ad causarum litiumque exitum facilitandum faciunt, exponuntur.

*Iudicium
Quartale,
Quartal-
gericht.*

*Iudicium
Ord. Eque-
stris, Ruster-
gericht.*

Præter hoc Provinciale, & ejusdem præparatorium Quartale Iudicium, aliud adhuc extraordinarium institutum est ante aliquot annos in homicidas; quod tantum in hujusce generis casibus tragicis exercetur. Cum ergo cædes inter Nobiles perpetrata est, licitum est parentibus interfecti percussorem sive coram Provinciali, seu coram hoc ordinario, è solis Nobilibus


constante iudicio (concessa reo electione) sub exilii seu banni pœna citare, hunc in finem, ut sese à crimine purget, vel justæ defensionis ergo commissum homicidium demonstret. Si reus Provinciali iudicio se sistere velit, nec tamen satis se purgare possit, rejicitur ad extraordinarium Equestre Iudicium, cui cognoscendæ penitus causæ, & imponendæ pœnæ cura imponitur. Et si ex propinquis interfecti nullus foret, qui reum seu homicidam accusaret, tenetur equidem coram iudicio à Principe citatus se sistere sub pœna exilii, in quo si ultra annum diemque perseveret, sive etiam moriatur, de ejusdem hæredibus, hæreditariis & feudalibus bonis juxta Imperialia & Saxonica Statuta feudalialia deceditur.

Religio in hisce Ducatibus nulla nisi Lutherana viget, excepta tantum Fridericopoli, quam Remonstrantes, id est, Arminiani, una cum Lutheranis possident.

Religio.

Paucula adhuc de Re Militari subnectere non inconueniens videtur; sed cum ultra centum annos & amplius, scilicet post internum ab excessu Regis Friderici I, in Dania conflatum bellum, hi Ducatus pacem, & amicam cum Regno Daniæ concordiam coluerint, ita ut in nullum unquam apertum bellum eruperint; præterea cum vicinis nulla bella gesserint, incolæ horum Ducatum, excepto Equestri ordine, qui passim externa bella secutus est, tam longæ pacis commodis emolliti, non adeo prompti in defensionem, nec armorum exercitationi ita apti esse videntur ac superioris Germaniæ incolæ. Sed necessitas, quæ omnium magistra est, avitæ illos credo virtutis admoneret, cujus in historiis complura monumenta exstant. Nuper autem uterque Princeps ex Iuventute aliquot centurias conscribi jussit, eique in armorum exercitatione erudiendæ Magistros præfecit. Vnioni porro cuidam seu fœderi astricti sunt hi duo Ducatus & Dania, quo alterutri periclitanti certo cum equitum peditumque numero subvenire tenentur. Vires harum regionum non exiguæ sunt: possent enim centum millia armatorum militum suppeditare, quibus præter armorum usum nihil deesset. Quod si Hamburgum & Lubecca cum hisce Ducatibus unanimes sint, viresque conferant, non facile aliquis à Meridie veniens exercitus huc penetrabit; & si penetraverit modo, vix aliquid memoratu dignum exsequi poterit, imo potius gravissimis cum cladibus rejicietur.

Res Militaris.



H O L S A T I A

D V C A T V S.

Nominis
origo &
sign.



Rima nominis Holsatiae, quantum liquet, mentio exstat apud Reginsonem Monachum ad annum octingentesimum quartum: Imperator, ait, super Albim sive Albiam Fluvium sedebat in loco, qui dicitur Holdnstein, &c. Sunt, qui ex ver-

bo Holdnstein faciunt Hollingstede, toto errantes caelo, quod dictus Historiographus, seu potius Chronicographus, Carolum Caesarem haud adeo prope Regem juxta Albim castra metatum scribat. Declinant alii hanc vocem in Heilingstede, eodem successu: nomen enim Heilingstede recentius est, ut inferius in Heilingstede deducemus. Locus autem is, in quo Caesar Carolus Magnus castra metatus est, ad Albim, idem cum illo est, in quo nunc Hamburgum situm. Plerique Scriptores, eorumque signifer M. Adamus Bremenensis nomen Holsatorum à voce Germanica *Holz*, Saxonice *Holt*, derivare conantur, primos incolae, inter Eidoram & Storam amnes, sive Wagriam & Dithmarsiam arbusta sylvososque tractus infidentes, nomen hoc habuisse afferentes. Ita namque Adamus: *Transalbianorum Saxonum tres sunt populi, primi ad Oceanum Thiatmarsgoi, secundi Holsati, dicti à sylvis quas accolunt; eos Sturria flumen interfuit, &c.*

Porro hoc Holsatiae nomen diversis saeculis diversimode usurpatum fuit: 1. Adami enim saeculo proprie Holsati fuerunt ii, qui Storam, Swentinam, Eidoramque inter ad usque Dithmarsiam habitarunt, cui & Crantzius adsentitur. 2. Totus Comitatus, quondam solâ Holsatiâ propriè dictâ & Stormariâ constans, nomen Holsatiae participavit. 3. Wagriâ ab Holsatis occupatâ, paulatim nomen Wagriâ obsolevit, totusque tractus à limitibus Dithmarsorum ad Mare Balthicum, Travam, Billam, & Albim, Holsatiae nomine insignitus fuit, quamvis & Comitatus Holsatiae titulo Stormariâ usi sint. 4. Comitatum Holsatiae & Stormariâ, simul ac Dithmarsiam Caesar Fridericus III in Ducatum evehens, Dithmarsiam Holsatiae incorporavit, totamque regionem sub una voce complecti, Ducatumque Holsatiae dici voluit. Ast usus plus valuit, quam Bulla Caesarea, quandoquidem Duces Holsatiae, quod manifestum, titulo Ducum Holsatiae, Stormariâ & Dithmarsiae utuntur; quamquam hodie & exteris & incolis horum Ducatum Regio Holsatiae dicatur illa, quae Eidora, Levensaw, Mari Balthico, Trava, Billa, Albi, & limitibus Dithmarsiae inclusum est; exteri enim de Stormaria & Wagria parum vel nihil norunt: Dithmarsia suo peculiari nomine gaudet, quam-

Germania.

quam & sub Holsatiae generali nomine comprehendatur. Nos nomen, prout à Caesare Friderico III, rogatu Regis Christiani I huic Ducatui impositum est, retinentes, totam Regionem sub uno nomine complectemur, siquidem & apud externos ita audit.

In hac Regione & Ducatu diversae ditiones *Ditiones comprehensa* conspiciuntur: nam praeter duos Regentium Dominorum seu Principum Holsatiae, nominatim Friderici III, Daniae Regis, & Christiani Alberti, Holsatiae Ducis, Episcopatus Lubecensis majori ex parte in districtu Holsatiae situs est, tametsi alias Episcopus Lubecensis immediatum Imperii membrum sit: porro Principatus Plona, qui ex Sonderburgensi Ducatu subortus est: denique Comitatus Holsatiae, seu Pinneberg, de quibus singulis suo loco amplius.

Terminant Holsatiam versus Septentrionem *Termini* Eidora & Levensaw fluvii; estque à lacu *Flembüder*, quem Eidora permeat, vetus fossa diducta ad Levensaw, quae Holsatiae & Ducatui Slesvicensi, & consequenter Romano Imperio Regnoque Daniae, limitanea est. Deinde versus occasum Oceanus Germanicus, & ad ortum Mare Balthicum usque ad sinum Femerensem, *Femerfund*; inde porro usque ad Travam fluvium & juxta Travam circumcirca ad Wesenberg; hincque virgula transvecta ad Trittow prope Billam, tum ulterius à Billa ad Albim per Ochsenwerder & Kirchwerder: tandem ab Albi iterum usque in mare Cimbricum Holsatiae limites extenduntur. Est autem hæc plane pulcher Holsatiae *Sinus* (quemadmodum & Slesvicensis Ducatus) situs, inter duo maria Cimbricum & Balthicum. Ratione caeli sita est Holsatia secundum latitudinem Globi inter 53 gr. 26 min. scil. in fronte juxta Ochsenwerder pone Hamburgum, & 54. gr. 20 min. sub quo Rendesburgum situm est. Hinc longissimus dies Hamburgi 16 horarum 50 min. Rendesburgi vero pene 17 horarum est. Sed secundum longitudinem, seu distantiam ab Insula Tenerifa, una ex Azoribus, jacet hic Ducatus inter 42 grad. 15 min. & 44 gr. 40 min. excepta Insula Femere, quae proprie Holsatiae annumeranda non est. Longitudo ejus ex Dithmarsia à *Extensio* Mari Cimbrico, usque ad Balthicum pone Neostadium in 17 mill. extenditur; ast si quis longitudinem à Büsen Eismariam usque emetiri vellet, eam novendecim milliaria aequare experiretur. Latitudo Rendesburgo Hamburgum usque, duodecim mill. conficit: sed ab ostio Levensaw fluvii in sinu Chilonico, ad Albim in Ochsenwerder, plusquam quatuordecim. Ex hisce & aliis ad hoc inservientibus lineis patebit, Ducatum circa 136 milliaria quadrata excurrere, atque ita orto quadratis milliariis Slesvicensi Ducatu minorem esse, qui, ut supra demonstra-

Y y

vimus,



Fertilitas. vimus, 44 mill. complectitur. Ejusdem quoque cum Slesvicensi Ducatu naturæ est, quoad fertilitatis imparitatem: mediterranea quippe inter Newmunster & Hamburgum vel fabulosa, vel ericetis inculta horrorem quendam incutunt: at ubi versus maritima deflexeris, ridentes agros, virentia pascua, & lætam ubique fecundæ terræ faciem passim invenias. Illud adhuc in Wagria discrimen occurrit, quod ad mare Balthicum pinguem & subnigram glebam, limosam, plurimisque in locis præstantissimi tritici feracem habeat; copiosis piscosisque stagnis, lacubus, piscinis abundet, nec minus egregiis quercuum fa-
Montes. gorumque nemoribus obumbretur. Ad maris Cimbrici littora maritimæ illæ regiones se offerunt, incolis *Marschländer* dictæ, quæ juxta Albim Hamburgum, & ultra excurrentes partim à Lubecen-
Fluvii. sibus & Hamburgensibus, partim ab Holsatiæ Ducibus possidentur. Interjecto dein-
Portus. de pauxillo arenosæ terræ Hamburgo ad vicum Wedel pertingentis, iterum maritimi agri se produnt, qui postea per Comitatum Pinnenberg, Præfecturam Steinburg, omnem Dithmarsiam juxta Albis & Oceani littora, ultra Eidoram continuantur.

Montes insigniores nullos habet, præterquam Segeberg, & Salberg ad Albim prope Blanckene-
Portus. lese, qui tamen collibus magis quam montibus accenferi volunt. Alias terra hæc naturali sua altitudine non caret, quippe prope Bornhövede erumpunt duo præcipui hujus Regionis fluvii, Eidora videlicet & Stora. Aliam altitudinem habet in Wagria; ubi Trava, Schwentina, & Schwartzowa exsurgunt. Sed absque comparatione maximus fluvius, quo cum aliis multis nationibus communi Holsati utuntur, est Albis, qui Hamburgo usque apertum mare, seu ad Schar-
Vires. tonnas in 15 mill. alias usque ad Brunsbutteliam, ubi terra se expandit, in novem milliaria longitudinis excurrit. Sed ne actum agamus, de fluviiis tacebimus, cum infra Albim ample satis, reliquos suo quemque loco, prout commodum videatur, describamus. Stationes navales ad mare Balthicum præter *Lubecam*, & *Travemundam*, quæ & olim sub Holsatia fuerunt, sunt *Neostadiensis*, *Heiligenhafen*, & *Chiloniensis*: Ad mare Germanicum, *Hamburgensis*, *Gluckstadiensis*, *Storana*, eique adjacens *Itzehoensis*, & tandem illa, quam Eidora fluvius præbet.

Civitates in Holsatia sunt plurimæ, inter quas *Hamburgum* maximis privilegiis gaudet, libera & Imperialis est, nec ad comitia evocatur. Tum quatuor Civitates, *Chilonium*, *Rendesburgum*, *Itzehoa* & *Oldefschlo*. Porro *Crempa*, *Wilstera* vel *Wilstria*, *Segeberga*, *Heiligenhafen*, *Neustadt*, *Oldenburgum*, *Lutkenburgum*, ac tandem Regium Munimentum *Gluckstadium*. *Eutina*, in Ducatus hujusce districtu sita, Episcopatus Lubecensi subest: *Plona* sedes est Principum Plonensium; *Travemunda* Lubecensibus paret: *Newmunster* in Holsatia, *Wedelia* in Pinnenbergen Comitatu, *Meldorpium*, *Heida*, & *Londinum* in Dithmarsia vici fere sunt, nec in ordinem civitatum suscepti.

Mores. Cæterum moderni Holsati, ut plerique Orientales Saxones, natura graves, ferii, & modeste severi, & eapropter ad gravia & magna quævis

facinora quasi nati videntur, longe in talibus perpetrandis cæteris Germaniæ nationibus aptiores. Elegantia & nitori maxime student, exterorum amictum affectantes: præsertim fœminæ varia & munda delectantur supellectile, Hollandos æmulatæ, qui in hac parte omnes mundi nationes longo post se spatio relinquunt. Veteres incolæ Chaucei partim, partim vero Vandali fuerunt, quorum nunc ne vestigium quidem apparet. De veterum autem Holsatorum moribus Helmoldus Bosoviensis sacerdos ita scribit: *Tres sunt Nord-albingorum populi, Sturmarii, Holsati, Thetmarzi, nec habitu nec lingua multum discrepantes, tenentes Saxonum jura & Christianum nomen, nisi quod propter Barbarorum viciniam furtis & latrociniiis operam dare consueverint. Hospitalitatis gratiam sectantur. Nam furari & largiri apud Holsatos ostentatio est; qui vero prædari nescit, hebes & inglorius est. Fidem tamen ubi semel dederant, ita arcte servabant, ut in proverbium illa abierit, & Holsen Love, Holsatorum fides, allegari solita fuerit.*

Quod Holsatiæ Regimen attinet; luculenter de eo supra egimus: illud tantum dictum sit, Ordinem Equestrem & Ordines hujus Ducatus huc usque nulli conscripto juri parere, tametsi in Conventus Iudicialis statutis jam diu promissum fuerit: unde eorum lites sive causæ juxta statuta, Saxonicum Speculum & consuetudines decideri solent. Quatuor Civitates Chilonium, Rendesburgum, Itzehoa, & Oldefschlo usurpant jus Lubecense, habentque aliud quoddam Appellationis Iudicium, ad quod Crempa, Wilstria, Segeberga, Heiligenhafen, Neostadium, Oldenburgum & Lutkenburgum in Holsatiâ, & in Slesvicensi Ducatu Tondera & Burgum in Femern insula provocant.

Adjungemus hic aliquos ex veteribus Principibus, qui hisce oris præfederunt. Primas sibi vendicat Abbe, filius Comitis Edelhardi, fratris Wernichindi, qui Witekindi pater fuit, ex Ratbodi Regis Frisiæ filia Eila. Amplexus est fidem Christianam una cum Witekindo, & Baptizatus est sub Carolo Magno tunc temporis adhuc Francorum tantum Rege, necdum Imperatoris Romani dignitate aucto.

Huic è vivis sublato successit Vdo Comes Stormariæ & Holsatiæ, gubernator urbis Hamburgensis: huic iterum

Eridagus; huic filius

Ludolphus, qui anno 876 in celebri illo inter Danos & Saxones prælio apud Nordam in Frisia Orientali victor occubuit. Ludolphum secutus est

Vdo, ejusdem incertum frater, an cognatus, qui non diu post cum Duce Saxonie Brunone, multisque nobilibus anno 879 prope Ebbestorp, in Lunæburgensi Ducatu cæsus est. Quis illi proximè successerit, ignoratur. Fit tamen in Annalibus mentio

Hermani Saxonum Ducis, Comitis Stormariæ & Holsatiæ, cui successit filius

Luderus, qui anno 1010 vel 1011 obiit: hunc secutus est ex fratre nepos

Dithmarus, in duello anno 1050 occisus; nulla relicta prole hæredem habuit fratrem

Bernardum, Ducem Saxonie, mortuum anno 1060: quem secutus est filius

Her-

Hermannus, occisus in prælio, quod inter Rodolphum & Imperatorem Henricum Quartum commissum est, anno 1078.

Gothofredus, dubium an Hermannii filius, vel an ex illa familia fuerit oriundus, Holfatiæ præfuit, usque dum Vandalos populabundos persecutus, ab iisdem ex insidiis interemptus est anno 1106.

Adolphus I, Comes Schawenburgicus à Ludero Saxonie Duce Comitatum Holfatiæ feudi nomine accepit anno 1106, & administravit usque ad annum 1133, quo ex hac vita abiit.

Adolphus II, successit patri; sed cum Regi Erico Emundo Slesvici à Duce Mogens obsesso suppetias ferret, magna cum clade repulsus, nec longe post à Marchione Alberto Brandenburgico è Comitatu suo expulsus est.

Henricus à Badewide, ejecto Adolpho succedens, iterum pellitur ab

Adolpho II; qui etiam devictam ab Henrico Wagriam retinuit, reddito ejus loco Comitatu Ratzeburg. Occisus est ante Demminum Pomeraniæ ab erumpentibus inopinato Vandalis anno 1164, successit patri

Adolphus III, qui ab Henrico Leone è Comitatu suo ejectus per Fridericum Barbarossam Imperatorem eundem recepit, & tandem à Duce Woldemaro Slesvicensi regimen ejurare, & Schauenburgum recedere coactus est.

Canutus Daniæ Rex Comitatum Holfatiæ sui juris fecit, expulso per fratrem Woldemarum Adolpho. Obiit anno 1202.

Canuto successit *Woldemarus* frater, qui Albertum Orlemundanum Comitem Holfatiæ, & Pro Regem Nordalbingiæ fecit.

Hic *Albertus* frater uterinus fuit Adolphi III, ex Henrico Comite Orlemundano & Machtilde Querfurtensi Comitissa, Adolphi II vidua. Aliqui tantum Gubernatorem, non autem Comitem Holfatiæ fuisse volunt. Captus postea in prælio ab Henrico Comite Swerinio, à Rege arce Lauwenburgica contra redemptus est.

Adolphus IV, filius natus minimus Adolphi III, in Comitatu Schauenburgico educatus, detentis in Arce Swerin Rege Woldemaro & Comite Alberto, auxilio Gerhardi Archiepiscopi, Heinrichi Comitis Zwerin, & Heinrichi de Werle, invitatus etiam à potentioribus Holfatiæ, Albi superato totum Comitatum Holfatiæ recuperavit; exinde à dimisso Rege acri bello excitatus, eundem apud Bornhovede prælio fudit. Tandem Cœnobium Hamburgi primum, deinde Chilonii ingressus, 1260 placide finiit. Adolphi autem filii, postquam aliquamdiu sub tutore fuissent, Comitatum denique inter se diviserunt. Postea cum hic Comitatus ad Christianum I, Daniæ Re-

gem devenisset, ab Imperatore Friderico III, in Comitibus Rotenburgenfibus, præsentibus S. R. I. Electoribus, Principibus, & Ordinibus petiit, ut Dithmarsiam suis Ducatibus vicinam & vacuum sibi concederet, & Comitatum Stormariæ & Holfatiæ in Ducatus fastigium eveheret. Fridericus itaque assentientibus omnibus Principibus Christiani Regis precibus acquievit, ut ex bulla Cæsarea patet; in ea namque hæc verba: *Matura deliberatione prævia, accedente ad hoc Electorum, aliorumque Principum, Comitum, Baronum, & procerum nostrorum consilio, motu proprio, ex certa scientia, & de plenitudine Cæsarea potestatis nostræ, titulos Comitatum, videlicet Holfatiæ & Stormariæ, exstinximus, cassavimus, eorumque Comitatum terras & dominia univimus, eisque districtum Dithmarsie incorporavimus, hujusmodique terras, districtus & dominia unita & incorporata in Ducatum ereximus, extulimus & constituimus, conferentes eidem omnia & singula Ducalia ac Principatum jura, honores, prærogationes, eminentias, ac imponentes eidem titulum Ducalem de Holfatia, &c.*

Insignia Holfatiæ urtica folium erectum & tribus ab unoquoque latere clavis transfixum constituit. Spangenbergius scribit Comitem Adolphum I, Schauenburgicum ante cæruleo Leone pro insigni usum fuisse: exstructa vero arce Schauenburgo, in monte urticario, *Nessel-vel Nettel-berg* indigenis dicto, Imper. Conradum II, loco Leonis ei in insignibus urtica folium substituisse. At mirum est, duos hosce Comitatus Holfaticum & Schauenburgicum ultra triginta mill. à se invicem distinctos, aliquot centum annos uno eodemque insigni usos fuisse. Vnde incertum, quis primus idem usurparit. Ducatus Stormariæ aliud & sibi proprium insigne habet, cygnum nempe coronatum: Dithmarsia vero equitem loriatum, vernacule *einen Kurisfrierer*.

Dividitur Holfatia, quemadmodum etiam Slesvicensis Ducatus, in Præfecturas, vernaculo vocabulo *Ampter*, appellatas; hæ vero Præfecturæ non dividuntur in circulos sive *Hardens*, (quod vocabulum cum reliquis *Hardesvoigt*, & *Hardesding* Holfatis ignotum est) sed in Parochias sive *Kirspel*. Altera divisio Holfatiæ consistit in discretis Præfecturis & Cœnobiis inter Regem Daniæ, Ducem Slesvico-Holfatiæ, Principatu Plonenfi, Episcopatu Lubecensi, sive Eutinensi, & Comitibus Pinnenberg & Rantzow. Dividitur tertio propter Prædia Nobilium in quinque circulos, Rendesburgicum, Steinburgicum, Segebergicum, Chilonicum & Oldenburgicum. Tandem in Holfatiam Veterem, sive propriè sic dictam, Wagriam, Stormariam & Dithmarsiam: de quibus singillatim agemus.

H O L S A T I A

PROPRIE SIC DICTA.

Termini.



Extensio.

Eidora flu-
vium.

Holsatia, quemadmodum olim à Wagria, Stormaria & Dithmarsia fuit distincta, limitatur ab Aquilone, Eidorâ, & Levensaw, nec non fossa valloque vetusto, à lacu *Flembuder* ad fontes usque *Levensaw* ducto: ab Oriente *Swentina* ad lacum *Plonensem*, tum à meridie fluvio *Stora*, qui *Holsatiam* à *Stormaria* dividit. Cingitur ab Occidente *Holsatorum* fossa, (*der Holsfengrabe*) quæ *Dithmarsiam* ab *Holsatia* disjungit, tum udis & profundis paludibus, postea lacu *Kudensi*, *Wolborgaw*, usque ad *Spranth* seu *Wilstriam*, tandem *Wilstera* vel *Wistria*, *Schnittelaw* & *Eidora* fluviis. Longitudo regionis *Hohenhorna* ad *Swentinam* usque novem, latitudo autem ab *Eidora* usque ad *Storam* quinque milliaria excurrit. Continentur in ea Præfecturæ *Rendesburgensis*, *Hanroviensis*, & maxima *Chilonicæ* & *Steinburgensis* pars, præsertim totus ager *Wilstriensis*, duo virginum *Cœnobia* *Itzehoa* & *Preza* ex parte, denique Monasterium sive Præfectura *Bordesholm*, cum aliis quibusdam urbibus & nobilium prædiis. Huic quoque provinciæ famosus fluvius *Eidora* fontes suos acceptos refert, Romanum Imperium à Ducatu *Slesvicensi* & consequenter à Regno *Daniæ* distinguens. Oritur prope *Löhndorp* in arbusculo *Isenho*, manatque sensim *Dosenbecum* per parvum quendam lacum, tum in lacum *Warnowensem*, & tertio in magnum *Barhawensem* lacum, ab adjacente pago *Barkaw* ita vocitatum, 900 virgas longum & 400 latum; adjacet autem huic lacui prædium nobile *Bohtkamp*. *Eidora* porro paulo post, absorpto rivo *Huer*, *Bruggam* pagum alluit. E lacu *Bordesholmenfi* 500 virgas longo & circiter 240 lato, amniculus in *Eidoram* fluit; & ex eodem lacu alius rivus *Eimbeck* dictus in *Storam* effunditur. *Eidora* pergit deinde versus pagum, *Flindbecum* majus inter alios excipiens torrentem, qui à *Croneshagen* Ducali villa descendit. Postquam villam *Maurutendorf* prætergressus est, magnum *Westenum* lacum ingreditur, in quem 1240 virgas longum & circiter 500 latum diversi amnes & rivi *Eidoram* augentes labuntur. Eum lacum relinquens decurrit ad prædium *Lutkenordsee*, ubi ponte stratus (per quem via Regia *Chilonio* *Rendesburgum* ducit) non longe inde in lacum *Flembuderensem* decidit, qui in 760 virgas longitudine sua, latitudine vero 340 excurrit. Huic lacui adjacent prædium *Grossen Nordsee*, *Flembuda* pagus, & parum abhinc prædium *Quarnebeck*, & tandem ad Septentrionale latus, quamquam in Ducatus *Slesvicensis* districtu) *Schinckel*, ubi *Eidora* ter-

minum inter Ducatum *Holsatiæ* & *Slesvicensem* constituere incipit.

Eidora prædium *Konigsforde* præterfluens *Lindaw*. *Lindaviam* excipit, *Gottorpio* *Huttenaque* secus prædium *Lindaviam* defluentem. Nec longe post ex magno lacu *Wittensee*, (in circulo *Berghar-Wittensee*. de Ducatus *Slesvicensis* sito, qui longitudine 1870 & latitudine 800 virgas occupat) emanans rivulus *Schierbeck* præter pagum *Bunstorp*, & *Schiernaw* lacui illapsus parvo adjungit se *Eidora* juxta *Borgstede* in lacum *Ouendorpersee*, & paulo post in *Rendesburgensem* lacum superiorem se effundenti, è quo cum caput elevat, duas molas in urbe versat, & inferiori lacui se immiscet. Sub *Rendesburgo* in lacum inferiorem incidit amnis *Wehr*, sive *Wehraw*, exiliens juxta *Schulpe* in parochia *Nordorp*, qui per lacus *Bordorpersee*, 450 virgas longum, & 150 latum, & *Langwedelersee*, 580 virgas longitudine, 210 latitudine æquantem, instituto cursu fluviolum à prædio *Nienhof* dimanantem (ubi & lacus 360 virgas longus) abripit, & prædium *Bokelholm* alluens, tandem sub *Rendesburgo* inferiori lacui conjungitur.

Recipit porro *Eidora* non longe à *Rendesburgensi* Lacu aliquos fluvios, ut *Ieven*, qui in parochia *Nordorpiensi* haud procul à lacu *Bordorp* ortum pagum *Ievenstede*, cui nomen dat, alluit; *Lunow* apud *Lunstede* in arbusctis natus; *Halum*, cujus fons est in *Niendorf* supra *Falckenburgum*, ibidemque *Papenaw*, quique multos colligens alveos pergit ad villas *Tottenbuttel* & *Halum*, unde illi nomen. A *Dithmarsico* fine exonerat se in *Eidoram* fluvius *Gisela* sive *Schnittelaw*, initium suum ad *Australis* & *Septentrionalis* *Dithmarsicæ* confinia referens, unde pagum *Alversdorp* præterlabens, tandem prope *Grönendael*, terminos *Holsatiam* à *Dithmarsia* distinguentes lambit, & pertinaciter usque in *Eidoram* persequitur: interea torrentem quendam à Præfectura *Hanrow* defluentem absorbet, atque ita per *Clusam* *Bockelhoviensem* *Eidora* illabitur. Hic inflectitur valde *Eidora* ab africo versus boream, & præterfluit *Laxfehr*. Non procul hinc miscetur ei *Schieraw*, qui per *Honer* lacum ad *Eidoram* properat, & *Speckfehr* præterlapsus *Sorgam* excipit: qui duos per alveos ex variis rivis concretos tandem *Sorga* dicitur, ad pontem *Sorghbruche* ruens (per quem via Regia *Rendesburgo* *Gottorpium*, *Slesvicum*, *Husumum*, *Flensburgum*, & tandem in ipsam *Daniam* pergit) & aliquamdiu circulos *Cropharde* & *Honerharde* discernens propter *Tetenhusen* & ultra ad *Sorgæ* aggerem, seu *Sorgdam*, ante aliquot annos ab *Hollandis* confectum, tandemque *Eidora* illabitur.

Porro ad *Holsatiæ* latus exsurgit in *Dithmarsia* *Tiela*, circa *Wellingbuttel*, qui exinde ad pagum

gum Tellingstede, cui inde nomen, & Tielbruck, plures recipiens rivos, quorum maximus est Lenderbeck, prope Tieleborg Eidoræ se dedit, olim & aliud ostium, sed nunc obturatum, habens. Huic circumjecta Terra Tielenhemum dicitur, quæ una cum Tieleburgo, tametsi nunc, si Eidora certus tenendus limes, in Dithmarsia sita, olim Comitibus Holsatiæ paruit, quoniam aquis circumdata fuit, cui è regione, in Stapelholmia, oppidulum seu vicus Tiela existit.

Vetus Sor-
ga.

Eidoræ porro contorquenti undas suas ad Australem partem parochiæ Arvede, in Dithmarsia aditus est pagus Delfe, conjungitur in Stapelholmia verò *Vetus Sorga*, seu alter ejus alveus, per lapideam clusam, omnes collectos torrentes & rivulos per lacus Meggensee & Barmersee meantes egerens. Tunc offert se Delverort, ubi Eidora brevem gyrum facit è regione pagi Sunderstapel. Variis dein gyris contorto accedit in Dithmarsia post tot alios dictus vulgariter amnis *Aw*, qui prope Linden se colligit ex aliis torrentibus, quorum unus ex lacu Nexsee à Tiela usque ad Aw amnem prope Redestall in regionis tutamen ductus est. Inde Awa se deflectens procedit non procul ab Hamhaufe usque ad pontem Awbrucken, per quem via Heidâ Fridericopolim ducit. A Rieckelsdorfio prope Heidam delabitur Stellaw versus Stellerburgum, Stelle, & mox in lacum Stellersee, 480 virgas longit. 180 latitudine sua æquantem, in quem tres alii rivi, & inter eos unus ex lacu Molingsee promanans, cadunt. Non longe hinc incidit Stellaw in Awam. Awa vero separat se haud procul Schligtinga, dextroque alveo illabitur per Klevernsiel in Eidoram: sinister vero alveus præterit pagum Annæ, & miscetur Eidoræ per novam clusam, qui paulo ante apud Fridericopolim clusarum auxilio magnum fluvium *Treenam* sibi junxerat. Tandem agit Eidora aquas suas Tonningam, urbem satis munitam, ubi se valde dilatat, tum Catingam & Vollervicum, ubi juxta Hulcke profundior, Eiderstadio vicinus pergit, & ultimo in Oceanum Germanicum irrumpit:

Treena.

*Sic caput Oceano glaucum Pater Eidora condit,
Eidora Teutonici terminus Imperii.*

Celebris hicce fluvius cum omnibus gyris in 24 mill. longit. exporrectus est, derivatis in se undecim aliis notis fluminibus, ut multos alios minores præteream. Circumagit 10 molendina, Treena vero tantum octo, ceterique fluvii seu rivi 22, quorum molendinorum coagmentatus numerus quadraginta efficit.

Præfectura Rendesburgensis.

Magnitudo
& limites.

Præfectura Regia Rendesburgensis 5 miliaria latitudine, totidemque fere longitudine occupat; contermina Præfecturis Gottorpiensi, Chilonicæ, Bordsesholmiensi, Neomonafteriensi, Steinburgensi, & Dithmarsicæ.

Qualitas.

Solum ejus non adeo fertile est, tametsi enim alicubi benignius sit, tamen hinc inde multæ paludes, ericæ, & sabulosum solum occurrit: ast magnis optimisque cædvis sylvis scatet, quarum maxima *Rendesburgerwald*, hoc est, Rendesburgensis sylva dicitur; quæ juxta Adami opinio-

Germania.

nem Holsatis primam nominis originem dedit. In nova Provinciali Matricula æstimata est hæc præfectura quingentis septendecim jugeribus, quantum scilicet præfecturam proprie attinet: alias in ejus districtu non solum civitas Rendesburgensis, sed & diversa Nobilium prædia cum parochiis sita sunt.

Pependit hæc Præfectura, præterquam temporibus Ducis Iohannis Senioris, semper à familia Regia, quippe possederunt eam olim Rex Iohannes & Christianus II. Anno 1544 in divisione obvenit Duci Iohanni Seniori, sed ab ejus obitu obtinuit eam Rex Fridericus II, à quo ad Reges Christianum IV & Fridericum III, jure hæreditario derivata est.

Rendesburgum, modica quidem civitas, ad Slesvicensis Ducatus confinia, in insula situm est, quam ab utroque latere duo lacus cingunt, quorum hic superior *der Bærsee*, ille vero inferior sive *der Neddersee* incolis appellatur. Nomen urbi inde aliqui inditum volunt, quod magno impetu superior lacus in inferiorem se effundat, quod indigenæ *Rennen* vel *Rinnen*, Latini *fluere* vocant. Alii, & maxime veterum temporum Monachi, *Reinoldiburgum* à Reinoldo quodam appellavere, qui qualis fuerit ignoratur. Distat Gottorpio tria, septem Flensburgo, quatuor Chilonio, Lubeca 13, Hamburgo denique duodecim miliaria. Munita olim egregie & quasi Holsatiæ lanua æstimata fuit, qua expugnata tota dein Holsatia hostili incursum pateret: quare Comites Holsati diligentissime eam asservarunt, aliquibus quoque ibidem sedem figentibus. Non tamen eadem Rensburgum muniendi cura nuperos Holsatiæ Duces incessit; quippe anno 1627 à Duce Fridlandiæ Alberto Wallensteinio, dein vero anno 1643 à Torstensonio absque ullo impedimento capta, & eadem facilitate relicta est, usque dum tandem à Regiis militibus occupata, & munimentis quibusdam circumdata, gravem obsidionem pertulit, egregia defensorum fide quindecim septimanas Vrangeli conatus irritos eludente. Præcipuum civibus ex cerevisia lucrum redit, quæ ob eximiam bonitatem in vicinas oras distrahitur: nec minus illis commodum vicinæ sylvæ præstant, è quibus quotidie magna lignorum copia adjacentibus populis suppeditatur. Pisces affatim Eidora fluvius & dicti lacus præbent. Magnopere autem incolas transeuntium in Slesvicensem Ducatum Daniæque mercatorum ingens frequentia beat, quibuscum sæpe commercia exercent.

Rendesburgum.

Præfecturæ Chilonicæ, & Bordsesholmiensis.

Hæ duæ Præfecturæ sibi invicem immixtæ sunt, unde & uno præfecto plerumque gaudent, cum Duci illis præfectum dare placuit: habet tamen quæque proprium Scribam. Præfectura itaque Chilonica cum Bordsesholmia conjuncta expanditur in 5 miliaria ab amne Levensaw usque ad ultimum limitem parochiæ Neomonafteriensi. Parent aliàs quidam quoque pagi hisce Præfecturis, in Slesvicensi Ducatu, item in Wagria & Stormaria siti. Sed

Magnitudo.

A a a a Chi-



Viri Generosi, summi ac splendidi
Dns Henrico Blumhageni, auctori.
Donato in Hagis etc. Regie Majest.
Senatori in ducatu Slesvici et Holsatiae
ac profecto Rensburgensi.

Dns Paulo Rantzow Dn. in Both
kamp Rantzow et Bismarck
Senatori in ducatu Slesvici
et Holsatiae, auctori.
Kiliani, Rantzow, sive Volandi
Tabulam hanc Geometricam
officiis suis interit. Auctor

Johannes Mejer, Hulsim
Reg. Maj. Mathematicus



Christian Lorenz
Rensburger-Platz

Chilonicus districtus patet latius, qui non solum Monasterium Prezam, ejusque ditionem, (quæ plerumque Præpositura appellatur) sed & multorum nobilium prædia complectitur.

Qualitas.

Quod ingenium harum præfecturarum attinet, solum habent satis fertile, præsertim Bordesholmia, cui contermini Chilonio agri optime respondent: sola parochia Neomonafteriensis reliquis dissimilis est, cujus agri sabulosi, aliquando ericetis obfiti, aliquando depressores & humidiores sunt, atque ita non adeo frugiferi. Sunt præterea his in oris eximii lacus, jucundi & amœni saltus, maxime circa Prezam, ubi multa quercuum fagorumque copia invenitur. Fluvii has oras irrigantes sunt *Eidora*, *Swentina*, *Schwala*, & *Bornbeck*.

Fluvii.

Chilonium.

Chilonium Metropolitana earum Holsatiae urbium, quæ ad Comitata convocantur, discreta est Gottorpio & Slesvico 6 mill. quatuor Rendesburgo, octo Lubeca & Flensburg, undecim Hamburgo. Ipsa vetusta satis, sui que conditoris incerta est; quam Comes Adolphus IV multis privilegiis, & imprimis Lubecenium jure donavit, eodem aulam suam Itzehoa transtulit, & cœnobium in urbe fundavit Franciscanis incultum, in quo dein ut monachus inter monachos vixit & mortuus est. Exinde una inter quatuor Holsatiae urbes, & quidem præcipua, remansit, ad quas reliquæ minores in judiciis appellant. Ambitus urbis non adeo amplus, nec munimentis aut propugnaculis spectabilis est, cum ob vicinos colles muniri facile non queat. Mercatura quoque in ea nulla: hoc uno tantum celebris, quod ad festum trium Regum seu Magorum annuus in urbe conventus institutus sit, plurimorum & fere omnium Nobilium, aliorumque præcipuorum virorum confluxu memorabilis. Vocant hunc conventum indigenæ *Vmbschlag*, id est, *Verfuram*, quod in eo debita omnia dissolvantur, & quod quisque pecuniæ reliquum habeat, aliis illam cupientibus in usuram tradat.

Bordesholm.

Bordesholmiensis Præfectura, 180 jugera comprehendens, olim Cœnobium fuit, è villa Wippendorpe, nunc Neumunster, anno 1332 per Henricum Swineborch Lubecensem, Præpositum xv, eo translatus. Cum vero anno 1565 Dux Iohannes Senior, qui Haderslebiae aulam stabiliverat, acceptorum & expensorum rationem à Prælato Marquardo Stammer à Schönenhorst sibi reddi vellet, hic primum ad Cameram Spirensensem appellavit, dein re maturius considerata, noctu cum plurimo auro & pretiosis lapillis & cimeliis aufugit: unde Dux cœnobio occupato monachis quidem vitæ sustentamenta concessit; qui tamen omnibus è cœnobio fur-

tim ablatis, mundo quasi postliminio se reddiderunt, quidam quoque Hymenæo sacrificaverunt. Dux Iohannes insequenti anno ibidem Gymnasium illustre gratuitum pauperibus studiosis fundavit, quorum non exiguo numero victum, amictum, aliaque necessaria liberalitas Principis suppeditat; immo & singulis trienniis quosdam ad Academias per triennium ablegat, omnibus nihilominus necessariis congerendis ipsis providens.

Quia vero superius aliquoties Neomonafterientis parochiæ mentio facta est, & ipsa non ignobilis sit, originem ejus altius repetere, non inconveniens videbitur. Nomen illi apud Veteres Saxones *Wippendorp*, apud Vandalos *Faldera* fuit; nunc *Neumünster*, sive *Niemünster* appellata est. Pagus est agricolis & aurigis inhabitatus ad fluvium Schwalam situs: ubi cum olim S. Vicelinus monasterium fundasset, à re nomen invenit. Prima in ea totius Holsatiae Capella (seu Sacellum) exstructa fuit; de qua ita continuator Helmoldi: S. Vicelinus &c. cum sancto viro Thetmaro, Cantore Bremensis Ecclesie, partes Holsatiae adiit, de jussu & mandato R. V. D. Adeweronis Archiep. Bremensis & Hamb. villam Widdendorp, alias Faldera, in qua Capella lignea constructa fuit, & per longa tempora deserta, in possessionem recepit, ac ibidem monasterium construi fecit, à quo Nigemünster per amplius vocatum fuit. Ista Capella quasi prima fuit in tota Holsatia, &c. Præfuit ipse Vicelinus, ejusque posterii seu successores, huic monasterio cum titulo Præpositi.

Neumünster.

Præfectura Hanroviensis.

Regia Hanroviensis Præfectura perexigua est, quinquaginta tantum jugera comprehens; anno 1482, quo Rex Iohannes & Dux Fridericus Ducatus diviserunt, Holsaticis præfecturis annumerata, Regique adjudicata, & postea Ranzovii divendita; è quibus Cajus Ranzovius, Mareschalli Iohannis Ranzovii frater, ejusque hæredes hanc præfecturam possederunt, quæ tandem postliminio, centum & undecim millibus thalerorum ab illis vendita, ad Regem rediit. Est tantum una in hac præfectura parochia Hademarsch, quæ multos pagos villasque continet.

Hanrow.

Sita est in hac Holsatia urbs Itzehoa cum parte cœnobii Itzehoenfis, & regione Wilstermarsch, quæ quia Steinburgensi sive Glückstadiensi præfecturæ accensetur, ibidem quoque ejus mentionem faciemus. Cœnobii & vici Præzensis in hac Holsatia siti recordabimur, ubi ad Wagriam venerimus, in qua pleraque ejus districtus pars jacet.

W A G R I A.

Extensio.



Termini.

Xtenditur Wagria à Septentrione ad Austrum à mari Balthico ad Travam fluvium inter Lubecam & Oldefchloam ad octo millia longitudinis; lata dispariter, modo quinque, modo sex septemve. Incluitur à Septentrione mari Balthico, & ultra hoc Insula Femera; ab occidente Holfatia proprie sic dicta, consequenter Stormaria, item Stormaria Australi, & porro Saxonia Inferiori & Megapolitano Ducatu. Incluit autem ipsa districtum Oldenburgicum, tum & non exiguum Chiloniensis & Segebergensis districtus partem.

Nominis ratio.

Wandari, Wandali, Wamier, Wayri.

Wagri, Wagri.

Qualitas.

Crantzius, celebris Saxoniarum Rerum scriptor, deducit hujus Wagriæ (inter Swentinam, Travamque fluvios & mare Balthicum, sive, ut aliis arridet, inter Mare jam dictum, Swentinam, Lacum Plonensem & Travam sitam, & ex Annalibus satis cognitam, utut nomen Wagriæ præ fulgore nominis Holfatiæ adumbratum fuerit, atque etiamnum in Principum Holfatiæ titulo non exprimitur) nomen à pago *Wagren*, ut vocat, ad Travam sito, quem tamen absque ulla auctoritate, alteriusve scriptoris testimonio, quondam populosam fuisse civitatem dicit. Verba ejus sunt l. 5 Saxoniarum: *A flumine Eidora, Orientem versus, genus habitat olim Wandalorum qui Wagri dicebantur, unde terra illa olim Wagria dicta est, ab urbe veteri olim populosa, nunc raris habitatoribus vicus est, sine clausura, sine muro & vallis, ædibus palustri juncu rusticis, in ortum porrecta ad Travam fluvium: Ast meo quidem judicio hæc origo illegitima videtur. Potius arbitror, ut alias fere semper, sic & hanc terram geminosque ejus incolas ab aquis suum nomen sortitos esse, aquamque illam illis Wand audivisse, quæ vox Danis etiam hodie passim aquam significat: ab hac voce descendunt Wandari seu Wandari, & mutatis literis affinis, Wandali; ab eodem Danico Wand molliter pronunciatum derivatur Wamieri, eliso N. Wayri, (nam & Way juxta ac Wand, olim aquam denotabat: hinc adhuc Way Frisiis serum lactis, hoc est, aqua lactis, & aquilonaris alveus fluvii Nipsæ alibi Broway, alibi Schleway dicitur:) ex hoc Wayri durius pronunciatum fit Waigri seu Wagri, & ut apud Helmoldum, terra Wagirorum. Ex quibus omnibus liquet hanc Wandalorum sedem capitalem existuisse: Quare autem nomen ab aquis ducat, supervacaneum est quærere: cum ex primo Mappæ intuitu pateat, quam hæc regio fluminibus, rivis & stagnis, lacubusque irrigata sit, adeo ut reliqua Holfatia (præterquam circa Chilonium) tanquam arida reputanda sit. Et hæc non infima est causa fecunditatis Wagriæ, varia genera frugum proferentis. Lacus & amnes piscibus refertissimi sunt: sylvæ incredibilem copiam bestiarum, pecudum, ferarum minorum &*

Germania.

majorum alunt, fertilioribus annis aliquot millia porcorum pascentes. Commode præterea, (an grato magis?) ad littora maris Balthici situ æstimari potest, egregiis portibus & stationibus, quales sunt Lubeca, Travemundæ, Neostadii & Heiligenhafen, spectabilis, & eapropter veteri Holfatia populosior. Præsertim verus Nobilium Vicus dici posset; ita enim frequentia atque quasi continua nobilium prædia occurrunt, ut in tota reliqua Holfatia Stormariæ conjuncta, totidem non inveniantur. Præterea & olim huic Wagriæ, sive novæ Holfatiæ connumerata fuit florentissima urbs Imperialis Lubeca, quemadmodum & usque nunc Episcopatus Lubecensis Holfatiæ accensetur, & Eutina episcopalis sedes in Wagria sita est. Est & adhuc in ea Ducalis sedes Plona, item nobilissima Domus Ranzow, unde Ranzoviorum stemmati nomen. Tandem & modica habet oppida, Plonam, Neostadium, Oldefchloam, Travemundam, Lutkenburgum, Portum Sanctum, seu Heiligenhafen, & quod primas meretur, Oldenburgum, licet multum à pristina gloria defecerit. Cænobia in Wagria sunt illa tria vetustissima Reinfeld, Ahrensbock, & Cismar, quæ jam olim in Ducales Præfecturas permutata sunt. Porro & virginum Cænobium Lubecense hoc in tractu sua habet arva, ut & Cænobium Prezense. Montes hic nulli excepto Segebergico; sparsa tantum hinc inde sibi permixta collium valliumque frugifera multitudo, etiam Wagriæ inter dotes censetur. Præcipuè notandus montosus tractus inter Schwentinam & rivos illos, qui versus Aquilonem in mare se exonerant, quemadmodum & alius tractus inter Schwentinam & fontes Travæ & Schwartzovæ decurrens. Primarii maxime celebres fluvii sunt Trava & Swentina, qui non solum huic terræ ortum debent, sed & eandem maxima ex parte circumdant.

Trava seu Travena ex gemino fonte derivatur, quorum alter Gisftradæ paulo supra parochiam Saraw, alter vero prope Liensfelde conspicitur. Conveniunt hi alvei sub prædio Glasaw. Ex Hornsdorpicolo lacu, 700 virgas longo, & 200 plus minus lato, manat rivus in Travam, qui porro Trevihorstam permeans, excipiensque Schwogelbek amnem, cui Arensbock & Guissaw, olim Nezenma, adjacent, apud Wensinam, prædium nobile in lacum Werder illabatur, qui longitudine 1800, & latitudine plusquam 40 æquat virgas, ad latera habens pagum Werder, unde lacui nomen, tum & Kolesdorf, Pronsdorf & Wensin, nobilium prædia. In hunc lacum, pariterque in Travam, confluunt Lebezaw & Goldebeck amnes. Trava exinde pergens, & Kennaw amnem ex Segebergenfi lacu, 460 virgas longo, 200 lato, recipiens, circumgyrat Niendorp, & alluit fines Stormariæ, à qua deinde continuato cursu Wagriam, & ab hac Saxoniam & Megapolitanum Ducatum distinguit, usque dum patri Oceano vela submittit. Pergens autem Trava ad Monche, Mohl & Högelsdorp (Helmoldo Hogerestorp seu

Bbb b

Hegere.



Hegerestorp, quo quondam Monasterium Segeber-
genſe ad tempus fuit translatum) excipit amnem
Letzerbeck, pone pagum Letzing ebullientem,
(ubi & Beven lacus 980 virgas longus, & 200 la-
tus) & deinde lacum Motzer, qui ejuſdem cum
præcedente longitudinis 300 virgas latus eſt,
permeantem. Descendit inde Trava verſus præ-
dium Frefenburgum, formatque diducto paulo
poſt alveo inſulam, in qua maxima ex parte Ol-
deſchloa ſita eſt. Sub Oldeſchloa jungitur Tra-
væ fluviuſ *Beſta*, qui ex duobus longè diſtanti-
bus, ſed uno *Beſte* notatis nomine alveis confla-
tus eſt. Septentrionalis *Beſta* exſilit in parochia
Koldenkercken prope Hattenbleck & Waken-
dorp, & dirigit curſum verſus prædium Borſtel-
lam, pagum Sulſeldam & villam Grabow, reci-
piens Klinckbeck rivum, cui prædium Holten-
klinck adjacet. Australis ſive Meridionalis *Beſta*
oritur in parochia Syke, fluitque Tremsbutte-
liam, excipiens prope Koleſhagen, Ducalem
villam, amnem, qui in Parochia Ecken cum duo-
bus cornibus ſubnaſcitur; tandem incidit hæc
meridionalis *Beſta* in ſeptentrionalem. Nec diu
poſt recipit *Beſta* Sultam fl. prope Steinhorſt ex-
ſilientem, ac Schulendorp & Kethwiſch præter-
labentem, intratque Travam infra Oldeſchloam,
qui ibidem ſe incurvat, & verſus Eurum curſum
ſuum inſtituit; quem & ad oſtium uſque retinet.
Exinde, ſuſcipit amnem Heiderbecam, cui pa-
gus Zarpen & Reinſelde adjacet, progreditur-
que Weſenbergam; unde juncto ſibi amne
Krambeck ipſe Ambergam pergit. Supra Lube-
cam confluit ei *Stekenitz*, qui quondam, natus in
Saxonia, curſum ſuum in Travam direxit, nunc
autem velut canalis cluſis cohibetur, ut navicu-
læ & rates per hunc Lubeca Lauenburgum ire &
redire poſſint in Albim. Lubecæ immergit ſe
Travæ fluviuſ *Wakenitz*, undâ gravis, conſtituit-
que una cum Trava inſulam, in qua Lubeca ſita
eſt: profluat ex Ratzeburgico lacu, originem
tamen è Megapolitano Ducatu petens.

Schwartovia exſurgit cum duobus cornibus, quo-
rum occidentale, *Madenbeca* dictum, provenit pro-
pe Meinsdorp inter Eutinam, lacumque Plonen-
ſem, & milliari uno à fontibus Travæ permeat la-
cum Barkoviſem, cujuſ longitudo in 869, latitu-
do vero ultra 350 virgas ſe extendit; Orientale Cor-
nu dicitur *Haſelbeck*, exſilit in arbuſtis juxta præ-
dium Sierhagen, pervadit Suſelſem lacum, qua-
drantem milliariſ longum, cui pagus Süſel & præ-
dium Ovelgonne adjacet. Hoc cornu cum oc-
cidentalī conjunctum adipiſcitur primum no-
men Swartoviæ, progrediturque ad pagum Gle-
ſchendorf, alioſque rivos abducens, accurrit
Schwartoviam, Lubecenſium elegantem vicum,
ubi complures molæ inveniuntur; tandemque
propter Coldenhof, ubi priſcus Lubecæ ſitus
fuit, Travæ miſcetur, qui porro in lacum Tra-
vemundanum, ac tandem apud Travemundam
in Oceanum ſe exonerat.

Schwentina vero fluit alveo Travæ contrario.
Quemadmodum enim Trava ſiniſtrorſum ſe in-
ſectit, ſic Schwentina dextrorſum abit, ante-
quam Mare Balthicum contingat. Exoritur au-
tem paulum ſupra prædium Moncheneverſtorp,
ibidemque primo dicitur Nebersbeck, quem à

læva parte aliud impetit cornu, emenſo antea
Ruſſano lacu, 500 virgas longo & 200 lato. Pro-
perat inde in *Eutinenſem lacum*, qui ultra 1000 vir-
gas in longitudinem, & 250 in latitudinem exten-
ditur, cui Episcopalis ſedes adjacet. In hunc
lacum varii labuntur rivi, Schwentinam adau-
gentes, qui mox lacum Eutinenſem relinquens,
juxta Molam Pulverariam in alium lacum prope-
rat, Kellerſee vocatum, & 700 virgas longum,
500 latum, amneque Gronovia auctum, Gron-
huſium & pagum Nuchtel præterlabente. In-
trat deinde Schwentina lacum Dickſee, 600 vir-
gas longum, & 300 latum, cui Hamelau amnis
confluit; inde Ruehelacum; 300 virgas longi-
tudine, 200 latitudine occupantem, in quem
& Saſclaw inſluit, & conſequenter prope Fege-
leſch magnum lacum *Plonenſem* ingreditur. Coin-
cidit huic lacui amnis Telenbeck, olim Crime-
ſaw dictus, qui à Petuſe prope Bluncken (Ada-
mo Builuncken; cujuſ vici in Saxonum & Van-
dalarum terminis meminit) descendens lacum
Stoekſee, olim Agrimes wedel, permeat. Erat
hic rivus olim terminus inter Saxoniam & Van-
daliā, ſive Hoſſatiam & Wagriam. Lacus Plo-
nenſis, Adamo *Collſee*, complectitur longitudi-
ne ſua Plona Bredenbedum uſque 2160, latitu-
dine 1240 virgas, in circuitu vero ultra tria mil-
liaria: adjacent ei Plona Ducaliſ ſedes, Aſche-
berg, Nembter, Peem, Prædia nobilia, & pagus
Boſſavia, &c. Lacus hic tertius Wagriæ maxi-
mus eſt, imo in Ducatu Slesvicenſi & Hoſſatia
quaſi pro unico reputatur lacu; confluit enim per
anguloſos canales. Re vera tamen duplex eſt, in
majorem & minorem diſtinctus. Abundat piſci-
bus variis diverſorum generum, in quibus gran-
diores anguillæ celebres ſunt, quas ibidem co-
pioſe expiſcati, toſtas dein in vicinas oras diſtra-
hunt.

Prope Wittemold, Nobile prædium, Schwen-
tina hoc primum hîc nomen fortitus, caput ex
lacu Plonenſi demum erigens, & continuum in-
ter Hoſſatiam & Wagriam terminum conſtituens,
vadit prope Waſtorp in lacum Prezenſem. Ex-
pandit ſe hic lacus quoad longitudinem uſque ad
Prezenſem pontem in 1300, quo ad latitudinem
in 300 virgas. Secus Prezam inter Monasterium
& vicum inſluit Schwentinæ Bornbeck, erum-
pens ex Bornhovedenſi piſcina, unde in Schma-
len lacum 480 longum, 200 latum virgas pro-
greditur, & Perdoclam Nobiliuſ ſedem, & la-
cum quoque adjacentem præterlapſus, profluat
in lacum Poſtfeldenſem, 400 virgas longum, &
200 latum. Tum exile brachium ex lacu Bock
emanat, qui Hagenenſem lacum tranſit, longum
400, latum 300 virgas, & alioſ minores lacus ef-
ficat, tandemque in Poſtfeldenſem lacum inci-
dit, & Bornbeco confluens prope cœnobium
Prezam Swentina miſcetur. Schwentina uno de-
inde impetu Raſtorf & Obbendorf Nobiliuſ
prædia, & Newmühle, eximia ſalmonuſ cap-
tura famigeratum, præterlabens, mox in ſinum
Chaluſum ſeu Chilonicum, & ſubter Chriſtian-
Pries in ipſum mare Balthicum ſe effundit.

Veteres Wagriæ incolæ Wandali ſeu Slavi fue-
runt, quemadmodum & reliqui vicini, idolola-
triæ valde dediti; gens vaga ſemper & mobilis, pi-
rati-

Eutinenſis
lacus.Plonenſis
lacus.Pterior
Schwentina
emſu.Veteres in-
colæ.

raticas exercens prædas, impatiens otii, vexans regionum adjacentia terrâ marique, crudelis in captivos, infida, ad malum prona, atque adeo à teneris unguiculis latrocinando assueta, ut omnis penitus agriculturæ commodis, ad navales excursus expeditas semper intenderit manus, unicam spem & divitiarum summam in navibus habens sitam, sed nec in construendis ædificiis operosa, quin potius casas de virgultis contexebat, necessitati tantum adversus tempestates & pluvias. Quoties autem bellicus tumultus infunderat, omnem annonam paleis excussam, aurum atque argentum, & pretiosa quæque fossis abdebant, uxores & parvulos munitionibus vel certe sylvis contutantes. Nec quicquam hostili patebat direptioni, nisi tuguria tantum, quorum amissionem facillimam judicabant. Nulla tamen gens honestior illis in colligendis hospitibus, ita ut nemini hospitium postulare necesse esset: quicquid agriculturâ, venatione seu piscationibus conquirebant, totum in hospites conferebant. Si quis vero, quod rarissimum erat, peregrinum hospitio removisse deprehensus fuisset, hujus domum vel facultates incendio consumere licitum erat, inglorium illum, vilem, & ab omnibus exhibendum arbitrabantur, quod hospiti partem negare non timuisset. Inde egenus vel mendicus nullus apud eos repertus est, commendatis hæredi infirmis vel senio vel morbo.

Wagria
Principes.

Primus qui soli Wagriæ præfuisse in Annalibus legitur, fuit *Selibur*, ab Hermanno Saxonum Duce captus. Post hunc mentio fit

Mistewoi sive *Bilungi*, circa annum 984 sub *Othone II*.

Micislai, filii *Mistewoi*;

Mistewoi II, apostata ad annum 1025 mortui;

Anadrugi & *Cnei*, Ethnicorum, atque *Vdonis*, Christiani, filiorum *Mistewoi II*.

Godeschalci, filii *Vdonis*, qui audita patris à transfuga Saxone interfecti morte, è cœnobio S. Michaelis aufugit, & in bello à *Bernhardo* Saxonum Duce captus, & dimissus in Daniam militatum abiit:

Ratibori, ex eadem familia orti, Christiani, & magnæ inter Barbaros potestatis; interfecti tandem à Danis: cujus cum mortem octo filii ulcisci

vellent, totum Slesvicensem Ducatum depopulati, in reditu à Magno Danorum rege una cum quindecim millibus Vandalorum cæsi sunt 1042. Eo tempore post *Canuti* Regis mortem *Godeschalci* ex Anglia rediens, Vandalos expugnavit, & ad Christianam religionem amplectendam adiecit, cum ipse è Latino in vernaculum sermonem transferret, quæ religioni conferebant, & sacra administraret; tandem anno 1066 ab apostatis Vandalis interfectus est. Hunc secutus est affinis

Bluffo, cui post vastatam Holsatiam à Vandalis interfecto successit

Butue, filius *Godeschalci*, qui tandem per stragem interfectus est à

Crutone, seu *Critone*, pagano; qui Saxonum vires adeo attrivit, ut ei tributum dare cogerentur. Interficitur tandem astu conjugis Slavinae ab

Henrico, *Bluffonis* filio; hoc senescente S. *Vigelinus* Lubecam veterem se contulit, & exinde paganos ad Christianam religionem amplectendam permovit. Successit ei

Swentepolcus, filius natu major, tandem institutu *Dasonis* nobilis Holsati interfectus est.

Znineke *Swentepolco* patri successit, sed post parvi temporis regimen *Erteneburgi* cæsus est.

Canutus, Vandalorum Rex ab Imperatore *Lothario* constitutus, *Vicelini* conatus favore suo valde promovit, & A. 1133 à Principe *Mogone* Regis *Daniae* *Nielsi* filio in acie occisus est. Natus ei est posthumus filius *Woldemarus*, qui in Regem *Daniae* evasit.

Pribislaus & *Niclotus* *Bluffonis* nepotes, post *Canuti* mortem, avitum regnum receperunt, & eo diviso *Pribislaus* *Wagriam* & *Polabiam* accepit, *Niclotus* vero *Megapolitanus* Ducatus obvenit. Fuisse ambos Ethnicos seu paganos aliqui affirmant; *Pribislaum* tamen dein conversum & à *Vicelino* baptizatum esse. Expulsus est *Wagria* à Comite *Henrico* à *Badewide*, *Holsatiæ* Administratore, qui *Adolpho II* *Holsatiæ* Comiti suffectus fuerat: ut vero *Adolphus* *Holsatiam* recepit, transegit cum *Henrico*, ut ille Comitatum *Ratzenburgensem* sive *Polabiam* acciperet, ipse vero *Wagriam* retineret, quæ exinde *Holsatiæ* adjuncta cohæsit.

*La
len*

*Pa
see.*

Ku

Kle

Bro

*Wo
Bro*

*Oo
Bro*

Kr

W A G R I Æ

P A R S S E P T E N T R I O N A L I S.



Ividitur hodie Wagria in Australem & Septentrionalem. Septentrionalis egregia certe est, & feracissima regio, quas multi lacus & rivi humectant, maxime hi sequentes:

Lacus Schlenkersee.

Passadersee.

Kussau.

Klehtbek.

Brochaw.

Wester-Brockaw.

Ooster-Brockaw.

Krumbeck.

Schlenkersee lacus, in circuitu tria milliaria, longitudine ultra 400 virgas, & latitudine 1150 capiens, piscosusque valde. Huic adjacent duo pagi, Sehlemdt, unde lacui nomen, & Gykow, ac duo prædia, Salfow & Nienhues. Hic lacus vel decem rivos recipit, è quibus constat: duo habet ora seu ostia in mare exeuntia; primum prope Salfowhoff, alterum in Passadersee lacum, ab adjacente pago Passade sic dictum, exundans. Et hic lacus piscibus dives est, formâ triangulari; alterum latus in longitudine à Passade Doberstorpium versus excurrit 860 virgas; alterum vero 680, extrema latitudo 300. Fluit rivus quidam per lacum Doberstorfsee in lacum Passadensem. Exitus lacus Passadensis est prope Wulfsdorf villam, unde versus Lutterbecam, & mox in mare Balthicum transcurrit. Alter five orientior exitus è lacu Sehlemdt est prope pagum Pullsen. Atque ita constituunt hæc duo brachia seu ostia lacus Sehlemdtensis insulam, seu fluviis circumdatum tractum.

Kussau suboritur haud procul à prædio Rixdorf, præterfluens prædia Schoneweide & Rantzow, intrat lacum Neverstorpense, (cui prædium Neverstorp adsitum, 900 virgas longo & dimidio contra lato) & brevi post in ipsum mare.

Klehtbek supra Klehtkamp, qui inde nomen habet, alluit pagum Blukendorf, prædium Voderkamp, & tandem in mare Balthicum excurrit.

Brochaw, forsan inde dictus quod olim terram ruperit, & pagum Oldenburg insulam fecerit, ex duobus rivis præsertim, *Rehtbeck* & *Iohansbeck* conflatus est. *Rehtbeck* exsilit supra prædium Testorp, atque illud una cum alio Tarbe dicto & pago Hohenstein alluens, in occidentalem *Brochaw* 880 virgas longum, 200 latum se effundit. *Iohansbeck* oritur prope villam Warendorp, means versus communis nominis pagum & prædium Lefanum & prædium Petersdorf, sicque in *Brochaw*, qui ad orientem se flectens Oldenburgum transit, alluens porro *Koselaw*, lacum ingreditur *Oster Brockaw* longum 1760 virgas, dispari latitudine ad summum 480 virgas admittente. Adjacent huic Nobilium prædia *Gartz* & *Rosenhoff*, & Pagus *Grube*. *Brockaw* denuo exiens lacum subducit se in *Coldenbergensem* sinum, seu Mare Balthicum.

Krumbeck seu *Krempe*, nascitur supra pagum *Krumbeck*, abit in sinum maris, ubi *Krempa Germania*.

antiqua sita fuit: in quem quoque rivus *Schierenbeck* se effundit, qui ab *Halendorp* villa descendens, prædia *Mohlenkamp* & *Sierhagen* allabitur, inde in prædictum maris sinum se exonerat, cui *Neostadium* adjacet.

Preza Nobilium virginum Monasterium.

PArthenium nobile *Preza* ab adfluente amne *Bornbeck* denominatum videtur, ut mox patebit. Nihil fere de hoc prædite Monasterio in *Helmoldo*, *Arnoldo Stadenfi* & *Crantzio* annotatum miror. Invenio tamen mentionem virginum *Birsensium* (credo moniales *Prezenses* intelligi) in authore qui vitam *S. Vicelini* carmine complexus est. Antiqui quippe *Holsteni* has aquas *Bor*, *Borren* (unde *Borrenhovet*) five *Borres* appellarunt, unde porro *Burres* five *Birs*, è quo & *Bores*, *Pores*, *Poretze* & *Pretze* dictum; nam & hoc cœnobium à Continuatore Anonymo *Helmoldi Poretze* appellatur. Sed modo dictus Poëta, qui vitam *Vicelini* cecinerat, scribit hisce Monialibus magnam fuisse licentiam: quare *Hartoicus II*, *Hamburgensis* seu *Bremenensis* Episcopus, iis severum Præpositum dedit *Thietmarum* nomine, qui ante *Novi Monasterii* fuerat Prior; hic Monialibus omnem exspaciandi licentiam præclufit. Versus ejus, pro sæculi istius conditione, inculti sic se habent:

Hic (*Hartoicus II*. Archiepiscopus) quoque *Birsenses* dictas dudum moniales,

Ejecit quasdam, maculaverunt quia famam
Vita communis, & celibis atque salubris:

Quasdam collegit & eas sub jura redegit,
Fecit claustrales, veluti decuit, moniales.

Harum cum cura suscepta præpositura
Thietmarus Dominus tulit impositum sibi pondus;

Claustri *Birsensis*, Prior ante Monasteriensis.

Qui disciplinam reputans animæ medicinam,

Portas exstruxit, valvas appendere cepit,

Vetres opposuit & clavibus ostia clausit, &c.

Anno Millesimo Centeno bis quadrageno

Adjectis annis à Christi tempore quinis.

Factum hoc itaque est anno 1185, id est, tempore *Adolphi III*. Comitis *Holsatiæ*, &c. Originem hujus Monasterii pervestigans, inveni tandem *S. Angarium* illud instituisse, quemadmodum *Adamus Bremenensis* de eo commemorat: *Tertiam*, inquit, *Sanctarum virginum congregationem in Briximon adunavit*. Vbi devota Christi matrona *Lutgard* totum suum patrimonium offerens caelesti sponso, magnum chorum castitatis suo nutrit Ducatu.

Hæc *Lutgardis* absque dubio nobili genere orta fuit, cum tantum nobiles in hocce monasterio virgines admittæ fuerint. *Briximon* idem esse autumo, quod *Bers* seu *Bresmunde*, quia hoc Cœnobium in ostio seu ore *Bers*, *Bores* seu *Borrenbekes* situm est, ubi hic amnis in *Schwentinam*

Preza Virginum Monasterium.



nam sese immergit. Quod autem per hoc Briximon Preza intelligatur, innotescit ex veteri scripto de Ecclesia Bremensi, in quo hoc Monasterium, ab Archiepiscopo Ansgario institutum, *Berssen* dicitur, quod est per metathesin *Bressen*, ut Germ. *Bernen, Brennen*. In privilegiis Imperatoris Othonis I audit *Biresinum & Birsina*, post *Birchisnum* seu *Birchusinum*: In privilegiis Henrici II, tanquam *Birckhusen* sive *Bershusen*; & videntur monachi nomen hoc diversimode flexisse; at vulgus pro more *Berse* seu *Bresse*, & duriuscule *Pretze* seu *Poretze* dixisse.

Haecenus est nobilium virginum monasterium, in quod nobiles virgines, religioni Lutheranae addictae, sed absque riguroso voto, asciscuntur: si enim exoptatum matrimonium ipsis offeratur, quod coelibatui quandoque praefertunt, licitum est ipsis, occasionem sese offerentem arripere, & nubere: quamdiu autem in coenobio degunt, sedentariam & solitariam vitam agere tenentur; quemadmodum paucis abhinc annis claustralis ordinatio à supremo Magistratu praescripta est.

Locus ipse valde commodus est, quatenus Monasterii requisita; quippe quævis virgo suâ utitur cella, quæ magis domui quam cellæ similis est: nam hæc habitacula separatim ad formam diversarum mansionum exstructa sunt; unde hoc monasterium non multum à vico quoad formam differt. Vicus Pretze ad fluvium Bornbeck situm est. Hisce virginibus praesunt Praepositus & Priorissa.

Lutken-
burg.

Accensetur etiam Parochia hujus Monasterii oppidum Lutkenburgum, Chilonio & Oldenburgum tribus, Portu Sancto & Neostadio quatuor, & septem mill. Lubeca distans. Pervetustum est, sed exiguum oppidum, in quo Helmoldus Swentepolum Henrici Vandalorum Regis filium à nobili Holsato interfectum fuisse memorat, qui & Wagriam in Plonensem, Lutkenburgicum & Oldenburgicum circulos distinguit: unde conjicere licet, olim Principum sedem fuisse; castellum quoque habuisse fertur, etiam nunc Lubecense jus usurpans.

DISTRICTVS OLDENBURGICVS.

Terra seu Regio illa, quæ cis civitatem Oldenburgum lacubus & fluminibus à reliqua Wagria separata est, hodie proprie Oldenburgica dicitur, estque instar insulae, quemadmodum & olim insula fuit, sed subsequenter ostium occidentale fluvii Brockaw ab ejectitia arena, seu, ut aliis videtur, à Regina Margaretha studio obstruatum fuit. Ostium orientale adhuc patet, sed exiguum est.

Oldenburg.

Oppidum Oldenburgum sive Altenburgum, olim à Vandalis ejusdem significationis vocabulo *Star-gard* insignitum, totius olim Wagriae & Vandaliae caput fuit. Prima ejusdem sub Othone Magno mentio fit in Historiis, quem, cum partim per Legatum Hermannum Billung, postea Saxoniae Ducem, partim suo ductu Vandalos coercuisset, amplissimum hic Episcopatum instituisse ferunt, ordinato in primum Episcopum Marcone suo

Cancellario. Exinde tempore Vandalorum sub Duce Godeschalco Collegium Canonicorum & utriusque sexus coenobium in oppido fundata sunt; & Episcopatus hic in tres alios ab Alberto Magno Archiepiscopo Hamburgensi divisus, quorum unus Altenburgi, alter Ratzeburgi, tertius Megapoli constitutus est. Postea à Suentone Sueciae Rege destructum oppidum, jacuit aliquamdiu desertum; quare Episcopatus rogante Episcopo Geroldo Lubecam translatus est: reaedificatum tamen paulatim ab accurrentibus Saxonibus, & ab Adolpho IV jure Lubecensi donatum est: usque dum obturato ostio, & plurimis hostium incursionibus ad pauperiem redactis civibus adeo defecerit, ut penultimum nunc inter Slesvico-Holsatica oppida locum teneat.

Non praetereundum hic est oppidulum *Heiligenhafen*, sive *Portus Sanctus*, uno & magno miliari Oldenburgum discretum: paret hodie Regi Daniae, quatenus Holsatiae Duci. Vitur Lubecensi jure; & procedit hinc appellatio prima vice ad quatuor Holsatiae civitates.

Neostadium in circulo Oldenburgensi ad maris sinum situm est, in quem duo amnes Krumbeck & Schierenbeck se exonerant; ita ut portum habeat majoribus navigiis habilem, quæ aliquando ibidem struuntur. In haereditaria Principum divisione, quæ anno 1544 facta, eundem cum praefecturis Oldenburgica & Cismariensi Dominum accepit, etiam usque nunc Gottorpicae Familiae parens. Oppidum alias exiguum, & veteri tantum vallo circumdatum sine propugnaculis, trecentos annos stetisse fertur.

PRÆFECTURA CISMARIENSIS.

Præfectura Cismariensis quondam Coenobium, & ad S. Ioannem Lubecae fundatum fuit. Monachis autem licenter viventibus (ut Ioannes Petri commemorat) cum consilio & voluntate Comitis Ioannis I. urbe excedere iussi & Cismariam proscripti sunt, atque in eorum locum Moniales surrogatae. Monachi ex ordine Benedictinorum fuerunt, ut Continuator Helmoldi refert: *Monasterium Cismar prius locatum fuit in Lubecensi civitate, & ab ipso Lubecensi Episcopo (Henrico) fundatum ad S. Ioannem, in quo monasterio monachi nigri ordinis S. Benedicti habitabant; sed postmodum per Consules Lubecenses consilio & voluntate Ioannis (Primi) translatus fuit in locum Cismar, in terra Oldenburg, ubi nunc degunt: & monasterium in Lubbeck, quod demiserunt monachi, virginibus impleverunt.* Factum hoc tempore Comitis Ioannis I, vel Adolphi IV, ut ex Ioanne Petri liquet.

In Principum partitione ad A. 1544, Coenobium hoc Princeps Adolphus sortito accepit, quod statim in praefecturam commutavit, & uni, unâ cum Oldenburgum, Praefecto administrandum commisit, qui simulac est insulae Femerae inspector. Magnitudo ejus per se 69 cum dimidio iugera exaequat. Tempore Adolphi administravit praefecturam Dethlevus Ranzovius in Kletkamp; & nostris temporibus Georgius à Buchwald, Dethlevus Ranzovius in Helmstorf, & Nicolaus à Qualen, &c.

W A.

W A G R I Æ

P A R S M E R I D I O N A L I S .

Lubeca.



LN Meridionali Wagriæ parte sunt Episcopatus Lubecensis, Ducatus Plonensis, & Segebergensis Præfectura. *Lubeca*, urbs Imperialis libera, ardua & exigua initia habuit, quibus tamen eluctata, ad tantum magnitudinis culmen pervenit, ut reliquarum mari adsiturum urbium directrix & ductrix facta sit, adeo terra marique fortibus factis se erigens, ut non Noribergæ, Coloniae, Antverpiæ, sed veteribus Athenis & hodiernæ Genuæ comparari mereatur; multis potentissimorum Regum exercitibus & classibus concussis, & ut plurimum triumphatis; quamquam non à nobilibus, sed à civibus & mercatoribus Respublica administratur. Anno 1040 vetus Lubeca sub Principe Godeschalco Collegio Canonorum, & utriusque sexus cœnobio aucta, aliquot annos post à Rugianis ferro flammisque deleta, instar Phœnicis, novæ Lubecæ ortum è suis cineribus dedit; quippe Adolphus II, Holsatiæ, Stormariæ & Schaumburgi Comes, huc iter faciens, cognito loci ingenio, in insula pulcherrima inter Travam & Wakenicium fluvios urbem condere cœpit, quam confluentibus ad illam veteris Lubecæ incolis novæ Lubecæ nomine insignivit. Ita autem urbs statim crevit ob portus commoditatem, ut hinc inde Mercatores ex vicinis urbibus cum mercibus se huc conferrent, magno cum reliquarum urbium detrimento. Non tamen adeo favens illi fortuna fuit, quin & aliquando suæ inconstantiae specimina ediderit. A Nicoloto enim Principe capta est, trecentis civibus trucidatis, & navibus mercatura onustis incensis: & postea anno 1158 penitus incendio deleta est, ita ut & de alia urbe alio in loco exstruenda actum sit: attamen ab Henrico Leone Duce Lunæb. pristino nitori reddita, & Episcopatu Altenburgensi aucta est, quo ab Imp. Friderico I. excommunicato, urbs in Cæsaris, qui eam obsidione premebat, potestatem venit. Postea ab Henrico recepta & amissa, post multas bellorum vices ad Imperium rediit, & Hanseatico fœderi initium dedit, Hamburgo primum, dein reliquis urbibus paulatim huic Fœderi annexis. Primus, ut in Oldenburgo diximus, Episcopus Lubecensis Geroldus fuit, qui consentiente Duce Henrico Leone, relicto Altenburgo Lubecam concessit, quo tutius res sacras administrare liceret. Vocatur quoque hic Episcopatus Vtinenfis, ab Vtina vel Eutina civitate, in qua sedem suam exinde Episcopi constituerunt.

Germania.

S E R I E S E P I S C O P O R V M L V B E C E N S I V M .

Geroldus, obiit anno 1162.
Conradus, Geroldi frater, antea Abbas in Riddageshusen, obiit Tyri in expeditione quam cum Henrico Leone in Palæstinam susceperat.

Henricus, antea ad S. Ægidium Brunsvici Abbas, vir eruditus, pius & eloquens: sub hoc Lubeca inter liberas Imperii civitates ab Imp. Friderico Barbarossa ascita est.

Conradus II, Comes Querfurtensis, Imp. Friderici Concionator Aulicus, qui non diu post Episcopatu renuntiavit, cum Imperatore in Palæstinam abiit, & post reditum in Hildeshemiensem, & dein Herbipolitanum Episcopum electus est. Interfectus est perfidè à suis Herbipoli, quibuscum bellum gerebat.

Theodoricus, Præpositus antea Lubecensis, sub quo Livonia Christiana religione imbuta est.

Bertholdus successit defuncto Theodorico anno 1211.

Iohannes I, Lubecensis, antea Capituli Cathedralis Decanus, sedit annos duodecim.

Albertus, Episcopus Rigenfis, & Pontificis ad omnes Hyperboreas nationes Legatus, tandem Livoniæ & Prussiæ Archiepiscopus multa cum laude præfuit.

Iohannes II, de Deest, ordinis S. Francisci, Alberto successit, intercedente Romanorum Rege Guilielmo, nato Comite Hollandiæ, cujus in aula concionator fuerat. Concessit hic Eutinae jus Lubecense. Sedit annos sex.

Iohannes III, Tralow, ædificavit palatium Eutinenfe; unde multis debitis Ecclesiam oneravit.

Burchardus à Sarcken, Cantor Lubecensis Ecclesiæ, jam octogesimum annum agens ad Episcopatum pervenit, quod ei non diu præfutura ob senilem ætatem videbatur. Sedit tamen integros annos quadraginta & unum: vir otio vel somno minimè deditus, sed occupatissimus.

Henricus II, Bochoh, antea Decanus, dein Præpositus Lubecensis, excellens Medicus, obiit anno 1340.




Iohannes IV, Muel; cinxit hic Eutinam vallo & fossis consentiente Comite Holsatiæ.

Bernhardus, vir præstans, præfuit annos 27.

Iohannes V, Nicolaus & Conradus, uno fere tempore episcopatu se ingerere nitebantur: Iohannem Canonici Lubecenses elegerant; Pontifex contra Romanus Avignone Nicolaum ex Misnia oriundum submiserat, qui ut non adeo amplum hunc Episcopatum, ac opinatus fuerat, præfensit, continuo eundem resignavit, & postea Misnensem mitram adeptus est. Vnde Lubecenses

D d d d

iterata



W A G R I A

iterata vice Ioannem elegerunt, verum Nicolaus apud Pontificem ita rem direxerat, ut Conradum à Griesenheim Caroli IV Imp. Secretarium ordinaret in Lubecensem Episcopum, qui octo annos sedit. Hoc mortuo jam tertio electus Ioannes non diu dignitati suæ supervixit, sed eodem anno obiit.

Everardus Attendorn, Licentiatuſ Iuris, & antea Decanus Lubecensis.

Ioannes VI, *Dulmen*, Doctor Decretorum & Auditor Rotæ Romanæ, à Pontifice Romano in Everardi locum & dignitatem successus est: sedit annos 21.

Ioannes VII, *Scheel*, Hannovera oriundus, Licentiatuſ Decretorum, unanimiter à Canonicis electus & à Papa confirmatus est. Adfuit Concilio Basileensi sex annos, titulo & munere Secretarii apud Imperatorem defungens. Præfuit annos 19.

Nicolaus, Episcopatum optime administravit, & oblatum Archiepiscopatum Rigensem non admisit, sed Lubecæ manere constituit. Non diu tamen supervixit, sed postquam 10 annos sedit, fato functus est.

Arnoldus, Westphalus, vir doctus, & non tantum juris Canonici Doctor fuit, sed & multis in Academiis publice docuit. Sedit annos 12.

Albertus Krummendick, Nobilis Holfatus, multis obitis pro Rege Daniæ legationibus, Ecclesiæ redditus valde affixit: Præfuit annos tres & viginti.

Thomas Grote, à suis *Hinderwinckel* cognomen accepit, quod adeo solitarius esset, ut vix cum suis Capitularibus conversaretur; unde se iis non adeo acceptum videns, fecit ut

Theodoricus Arends à Pontifice sibi substitueretur.

Wilhelmus, dicti Arnoldi Westphali ex fratre nepos, sedit annos duos; obiit anno 1509.

Ioannes Grimholt, sive VIII ejus nominis, obiit anno 1523.

Henricus Bocho, sive III; Hamburgensis, obiit anno 1535. Sub hoc mutatio in Ecclesia Lubecensi incidit.

Dethlerus Reventlow, Holfatus Nobilis, Doctor Iuris, Regis Daniæ Cancellarius, manum gnæviter illi mutationi admovit.

Balthasar Rantzow, Holfati Nobilis Ioannis Rantzovii à Neuenhausen filius, præterea Regis Daniæ Confiliarius, à Martino à Waldenfeld Regis Daniæ Christiani III hostis, ideo abductus est in Marchiam, ubi, cum in se redimendo non adeo promptus esset, in carcere anno 1547 obiit.

Iodocus Hutfilter.

Theodoricus Res.

Andreas Barbui, Regis Christiani Tertii antea Cancellarius.

Ioannes Tideman, sive IX. Hi quatuor non diu rebus præfuerunt.

Eberhardus von Holl, anno 1561 id dignitatis adeptus est, unà Verdensis Episcopatus administrator, & cœnobii S. Michaelis in Ducatu Lunæburgensi Abbas.

Ioannes Adolphus, Hæres Norvegiæ, Dux Slesvici, Holfatiæ &c. anno 1586 Episcopatu præfectus est; cum vero fratres ejus natu majores, Duces Philippus & Fridericus, immatura morte

absque hærede mascula prole decederent, resignato Episcopatu, regimen horum Ducatum adeptus est, ducta in uxorem Augusta, Friderici II, Regis Daniæ filia.

Ioannes Fridericus, Adolphi filius natu minimus, à Bremensi & Lubecensi Collegio patri successus est. Obiit anno 1634. Cui eodem anno successit

Ioannes, Hæres Norvegiæ, Dux Slesvici, Holfatiæ, &c.

Eutina urbs, sedes Episcoporum Lubecensium, antiqua & celebris est, quam Nicolotus Obotritorum Princeps irritò eventu oppugnavit. Concessit illam Comes Adolphus Episcopo Geroldo, qui ibidem palatium Episcopale exstruxit, antequam Altenburgo Lubecam Episcopatus transferretur. Collegialis templi fundamenta jecit Episcopus Burchardus à Sarke, quod ejus dein successores perfecērunt. Anno 1534, cum Lubecenses Duci Christiano arma inferrent, Eutinam quoque ceperunt, quam tamen paulo post Ioannes Ranzovius recepit.

PRINCIPATUS

PLONENSIS.

Pincipatus Plonensis complectitur præfecturam Plonensem & ecclesiastica prædia cœnobiorum Reinfeld & Arensbocke, quas præfecturas Rex Fridericus II, fratri suo Duci Ioanni Iuniori in feudum dedit una cum Sonderburgensi Ducatu. Præfectura ipsa Plonensis haud ampla, vix quatuor & viginti jugeribus constat.

Plona vetusta satis Wagriæ urbs, tempore Wandalorum Wagriam adhuc incolentium modo clara fuit: Distat Preza & Eutina duobus, Chilonio, Neostadio, Segeberga, Oldenburgo & Novo-monasterio quatuor, Lubeca sex & totidem Oldeſchloa miliaribus. Situs ejus valde commodus est, cum circumcirca fere lacu septa sit, & continenti per longum pontem ab Occidente adhæreat. Parochialem Ecclesiam fundavit S. Vicelinus ad annum 1151. Ita autem urbs hæc munita fuit, ut inter firmissima hujus oræ munimenta numeraretur & fuerit. Ius Lubecense contulit ei Comes Adolphus IV. Sedes est Ducis Ioachimi Ernesti, qui ibidem eximiam arcem in editiori colle ad Italicam formam exstrui curavit.

PRÆFECTURA

AHRENSBOCK.

Ahrensbock olim Cœnobium fuit, cujus originem ita Helmoldi Continuator describit: Nicolaus Comes Holfatiæ in Fionia à Danis inopinato impetu impugnatus (in quo prælio altero oculo orbatus fuit) & magno in discrimine versans, votum fecit, se in honorem Matris Christi Mariæ virginum Cœnobium fundaturum, si præſenti periculo salvus defungeretur. Prælio confecto victoriam adeptus, præterlapsis aliquot annis, cum Ducis Adolphi, ultimi ex Chiloniensi seu Wagriensi linea anno 1390 hæres factus esset, tandem anno 1398 in Wagria

Wagria hocce Cœnobium Ahrensbock fundavit, quod Monialibus Preza, Itzehoa & ex aliis Monialium claustris accitis concessum est. Cum vero reditus ejus exigui essent, adauxit illos ope civium aliquot Lubecensium Albertus Rodenborg Canonicus Lubecensis. Brevi inde tempore intercedente Cœnobium hoc Monachis ordinis Carthusiani traditum, consentiente & ita dirigente Gerardo Duce Slesvicensi. Hic quoque Dux Ioachim Palatium exstrui fecit.

Reinfeldt.

Est & in hac præfectura pagus Reinfeldt, in quo olim cœnobium fuit Ord. Cisterciensis, de quo Anonymus Continuator Helmoldi: *Ab eodem, ait, Comite Adolpho fundatum etiam fuit monasterium Reinefeldense. Nam ipse Comes fuerat de Domo Schouwenburgensi, & in finibus terræ illius est monasterium Locken Cisterciensis ordinis, de quo monasterio monachos recepit & in Reinefelde statuit permanendos. Quare adhuc hodie illi monachi in Locken habent potestatem visitandi in Reinefelde, illisque sunt superiores. In hoc monasterio primus Ioannes Comes est sepultus, & alii etiam de illa progenie Ioannis Comitis. Est & hic Ducale Palatium.*

P R Æ F E C T V R A S E G E B E R G E N S I S.

Regia Præfectura Segebergensis partim in Wagria, partim in Stormaria sita, nunc late patens Præfectura est, quoniam non solum quod præfecturæ adhæret, sed & jurisdictionem Cœnobii Segebergensis simul includit. Expanditur, excepto eo quod in parochiis Ratkow & Gleschendorp situm est, à Ducatu Plo-nensi usque ad præfecturas Rendesburgensem & Steinburgensem in sex milliaria. Latitudo à li-

mitibus Ducalis præfecturæ Chiloniensis ad limites præfecturæ Tremsbittel & Comitatus Pinnenberg diversa est, modo trium, quatuor, modo quinque milliaria; in quo districtu 492 jugera continentur.

Diversa, quoad fertilitatem, huic præfecturæ *Qualitas.* facies: illa enim pars, quæ in Wagria jacet, læta, florens & reliquæ Wagriæ conveniens est; altera vero quæ in Stormaria sita, extensa quidem, sed vepretis seu ericetis obsita, non adeo amplam messoribus segetem præbet.

Arx Segeberge diu admodum per aliquot centos annos Montana arx, quandoque & Comitum sedes fuit; cui adfita erat urbs cum cœnobio. Arx impendebat summitati rupis calcariæ, parem sibi in toto Ducatu nullam habentis, in cuius summitate puteus est profundissimus. Vigente adhuc inter Suecos & Danos bello, diruta est à Suecis, quod à latrocinantibus præfidiariis insideretur. Occupaverat hunc montem, tunc temporis Ail sive Alberg nominatum, Canutus Vandalorum Rex, Dux Slesvicensis, cui Cæsar has Vandalicas oras in feudum tradiderat, & exstruxerat initio in eo quasdam ædes, firmo cum proposito arcem ibidem ædificandi, quamprimum aliis negotiis se expedivisset, quo commodius Vandalos coercere posset. Sed Adolphus I, Holsatiæ Comes, adeo vicinam sibi in finibus destinari arcem ægre ferens, audaces quosdam & intrepidos homines subornavit, qui noctu milites montis custodiæ impositos trucidarent, domosque eorum diruerent. Interfecto autem Canuto rege, S. Vicelinus ab Imperatore Lothario impetravit, ut ibidem arcem exstrueret, quæ Vandalorum contumaciæ quasi frænum esset. Destructa dein à Comite Henrico à Badewin, sed ab Adolpho reædificata est.

Arx Segeberg.

STORMARIA

DVCATVS.

Nominis
origo.



Omen Ducatus Stormariae, Albi, Stora, Trava, Billa & Schonbeck, & linea usque ad Travam cis Wesenbergam limitati, à palude ad Storam, quæ adhuc ex parte Stormarsch dicitur, quidam deducunt.

Continuator Anonymus has paludes ad australem Storæ partem vocat *partem paludis*, ab una parte fluminis Storæ à Brendenberg usque ad Albeam & Hamborg. In privilegio Henrici Leonis pariter paludes juxta Wilsteram & Sturiam appellantur. Hodie vero pars paludosa terræ, quæ juxta Storam, ab australi latere fluminis jacet, tantum dicitur Stormarsch: Quippe suis propriis insigniuntur nominibus paludes Crempensis, Bilenbergensis, Haseldorpiensis. Sicque hæc regio Stormaria & Stormarschia dicta foret. Origo melior à Marck mihi videtur, quoniam Stormaria ea regio fuit & est appellata, quæ à Septentrione Stora circumdata (Vimbmarcket) nam loco C seu K in liquidum facile abit Ch, seu H, quod & plane post disparuit, & eliminatum est, ut patet in Marcomanni & Marca, (Moraviæ fluvio) unde Mähren, Moravia, & Mahr exortum est. Ea Holfatiæ portio, quæ à Bilenam ad Albim tenditur, in Storam fluvium, Stormaria olim dicta ab eo nomine, parum loci relinquit veteri Holfatiæ à Stora in Eidoram. Crantz. lib. v. Saxon. cap. 27. Harum altera ad minimum vera est; nam quod Adamus Bremensis, nomen Stormarorum inde deducit, quod sint tumultuosi & turbulenti, non quadrat. Verba ejus sunt: *Transalbianorum Saxonum tres sunt populi, primi ad Oceanum Thiatmarsgoi, & eorum Ecclesia Mildintorp; secundi Holzati, dicti à sylvis, quas accolunt, eos Sturia flumen interfuit, quorum Ecclesia Schonensfeld; tertii, qui & nobiliores Sturmarii dicuntur, eo quod seditionibus illa gens frequenter agitur.*

Limites.

Vetus accuratus limes Ducatus Stormariæ, secundum Crantzium & communem rationem, à Septentrione est Sturia seu Stora, & super hanc Holfatia proprie sic dicta: à Zephyro Albi: à Subsolano idem terminus cum Ducatu Holfatiæ, scilicet secus Albim Præfectura Bergerdorf, quatuor pagi Lubecensium & Hamburgensium, tum Ducatus Saxonie Inferioris, Billena, Schonbeck, Sulta ex parte, & Barnicbeck usque ad Travam, tandem ab illa paulum pone Segebergam, linea transducta ad fontes Storæ.

Quondam
Comitatus.

Habuit olim hæc regio titulum Comitatus, quanquam priscis ævis una cum Holfatia tantum unum constituerit Comitatum. Hinc Helmoldus has duas Marcas unico nomine Comitiam vocat. Comitiam, inquit, vacantem dedit Luderus Dux, Nobili Viro Adolpho de Schouwenbourg: Ast duo fuere

populi, duæ quoque marcae, & tot quoque pagi; ut in Autoribus legitur: *Populus Holfatorum, populus Stormariorum, pagus Holzatorum, marca Holzatorum*: hinc & Stormaria pagum sive marcam peculiarem constituit.

Sed postquam hæc regiones in Ducatum elevatæ fuerunt, seseque Principes & Domini harum Provinciarum Duces Holfatiæ & Stormariæ scribant, Stormaria Ducatus titulo insignita fuit. Hic Ducatus exspatiatur in longitudine Gluckstadio Trittoviam ultra decem milliaria: in latitudine Hamburgo ad Storam circiter septem milliaria: ubi ora latissima, à fronte prope Albim in Ochsenwerder usque ad Storam, octo milliaria.

Tractus inæqualis plane est, supra enim ubi fontes amnium sunt, nudus fere est, magna quippe ibi ericeta præminent, præsertim ericetum Linsfeldensium, *Linsfelder-Heide / Harkes-Heide und die Segeberger-Heide*. Cum econtra tractus ad Albim densus & frugifer sit, ut supra Hamburgum præstantes paludosas terras *Billsverder, Ochsenwerder*, &c. ut & consequenter paulum sub *Wedel*, alias ad Sturiam usque excurrentes, ut infra dicitur.

Montes utut depressiores, reperiuntur hic 1. prope Nordoe haud procul Itzehoa, ubi Henricus Ranzovius quondam Regius Vicarius Pyramidem erigendam curavit. 2. Sulberg ad Albim inter Niensted & Blanckenese, in quo quondam Adelbertus Magnus Archiepiscopus arcem exstruxit; sed quæ mox ab Holfatis, permissu Ducis Saxonie Bernhadi, Comititis Holfatiæ, destructa fuit, cum præsidium inibi agens, latrocinii vias & agricolas infestaret: referentibus Adamo & Crantzio. Nunc totus hic montosus tractus ad Albim dicitur *Wittenbergen*. Occurrunt præterea multa passim montosa nemora in Præfecturis Trithow, Reinbeck, Tremsbittel & Steinhorst.

Fluvii hic enarrandi sunt 1. Billena, amnis limitaris, qui per longum tractum, duobus cornibus exsilit æqualibus. Orientale nomen Billenæ ducens, oritur in *Billenbroeck*, inter *Wendtorp* & *Sirichsdorf*, novumque limitem constituit Præfecturæ *Steinhorst* cum Holfatia conjunctæ. Alterum cornu seu brachium subsilit prope *Schiphorst*, haut procul *Steinhorsthoff*, diciturque *Schonbeck*, forsitan ut *Scheenbeck*, hoc est, *Scheidenbeck*, veterem enim tenet terminum inter Holfatiam & Ducatum Saxonie Inferioris, Trittovia priori coadunatur alveo, rivum excipiens ex magno lacu, ex quo etiam amniculus in Billam manat, ut ibidem quasi Insula appareat, in qua præter cetera Præfecturæ Trittovienensis domus & Parochia sitæ sunt. Billa progreditur Reinbeck, præfecturæ sedem, tum Bergerdorf Lubecensium & Hamburgensium oppidum. Paulum inferius ante ali-

Nunc Ducatus.

Magnitudo ejus.

Qualitas regionis.

Montes.

Fluvii.
1. Billena.

te aliquot annos Billa se divisit, & sinistro brachio inter Billwerder & Koslack pertransiit infundum Albim, & consequenter in ipsum Confluentem; quo tempore Billwerder aquis circumdata Insula seu *Werder* fuit, quod brachium fluvio abscissum, & in paludem mutatum est. Dextro brachio pergit Hamburgum versus, ante confociatus Stellovia, cui Steinbeck adjacet, tum Schipbeck præterfluens, & secus Hamburgum sub ponte intrat Albim; cursus ejus septem explet millaria.

II.
Alstera.

Alstera minor est propter Hamburgum, ejus ostio in Albim adjacens, famosus amnis; duobus exoritur brachiis, altero prope Giesbeck supra Stegen prædium, quod brachium nomen Alstera ducit.

Alterum brachium Aw dictum, pene supra Arensfelde & Mejelsdorp diversis fontibus surgit, videturque mihi genuinus fons Alstera; pergit Oldenhorn, prædium ad pagum quem alii Woldenhorn appellant, & Arensborg prædium; porro versus prædium Hengstbittel, ubi rivus à prædio Girisbeck Nobilium ei occurrit. Paulum sub pago Oldstede brachia se amplectuntur, fluviusque inde Berostede pagum, ubi aliquas agitat molas, tandem Fuelsbitteliam & Eppendorp pagos præterlabitur. Ibi expandit se Alstera in lacum, qui & alium amnem recipit, Meien-dorpium (à quo forte nomen Nobilium Meien-dorpiensium) pagum & prædium Raleffted & Wandesbeck prætereuntem, ut & in Alsteram se exonerantem, qui mediocrem certe in latitudinem extensus, Hamburgum adit, in qua urbe per aliquot diverticula in Albim intrat.

III.
Pinna.

Pinna amnis genuinus fons est supra pagum Wakendorp, haud procul ab origine Septentrionalis Bestæ, ibi & diu post dicitur Wakenbeck, antiquis Wickfleet, cursum suum invertit circa ericetum Hartzheide, Olseburgum versus, in regia via inter Hamburgum & Rendesburgum situm, tum prædium Raden & pagum Quickborn, & Pinnenbergam quondam Comitum Schauwenburgensium sedem, ibidemque primum dicitur Pinnow: subter Pinnenberg incidit in eum Rellinbeck. Et hujus Arcis situs est ad confluentes inter utrumque amnem, propriè tamen Rellingsbeck, qui diversis fontibus ex ericeto Hartzheide descendit, & ad pagum Relling, & arcem Pinnenberg pergens, tandem in Pinnow incidit. Pinnowia præ ceteris Bilsbecam recipit, qui ductu aliquo limes inter Pinnenbergensem & Barnstedicam ditionem est, pergit versus Vterfen, cœnobium Virginum, tandemque per paludes prope Bisthorst & Hohenhorst in Albim.

IV.
Lengelbeck.

Lengelbeck suboritur supra pagum Lengel, & Barmsted pagum & villam alluens, recipit Offenbeck, qui supra Offenseit ab aquilone scandens dicitur Krockaw, pergit ad vicum Elmes-horn & pagum Krock, unde nomen ejus Krockaw, circumiens Cester pagum & villam, & Cestermich, quæ olim dicta fuit Iester seu Gies-ter, ut in Privilegio Ecclesiæ, Hamburgi intrat Albim.

V.
Rhin.

Rhin quidem minor, ast suas, & quidem tres ob causas silentio non prætereundus. 1. nomi-
Germania.

nis ergo, quod cum magno fluvio Rheno à *peuv*, hoc est fluere, commune habet. 2. quod aluat Regium Præsidium Gluckstadium. 3. Quod per aliquot meatus terminum constituit inter Præfecturam Steinburg Ducatus Holsatiæ, & Comitatum Holsatò-Pinnenbergensem. Exoritur prope Huwenhorn inter pagos Horst & Hале uno, & prope Schnobelsjok altero cornu, Suderbeck dicto, quæ dein confluenti Insulam constituunt, & circumdant Gronlandiam & Kummerlandiam. Illabitur porro Rhinus per Wildnus, terram palustrem, rivo adauctus, in Albim secus Præsidium Regium Gluckstadium.

Offert se tandem magnus amnis Stora, antiquis Sturia, inde suspicor, nomen suum ab antiquo Germanico verbo *Stuer*, id est magno, habere, quod ceteros amnes in Stormaria longe antecæat. Stora exoritur ex palude in finibus Wagriæ, si Parochia Bornhovede adhuc Wagriæ annumeretur. Perpetuus est limes Holsatiæ & Stormariæ à fontibus ad ostia in Albim: fons ejus supra magnum & minorem Kummerfelde, vix quadrantem milliaris à Parochia Bornhovede distat. Ad quadrantem milliaris à fontibus Storæ exoritur Schwala ex Schwalenbroeck prato, in se recipiens Halenbeck, olim quoque Schwalam appellatum, & Holsatiam à Wagria, ut Helmoldus scribit, dividens: postquam autem Schwala Defenbeck recepit, ad vicum Novum Monasterium divertit, ubi via regia super eum ducit Rendesburgo Hamburgum, & consequenter super Storam. Subter prædium Wittorp Schwala & Stora confluunt, ubi Schwala pene ejusdem magnitudinis est cum Stora, unde pro altero ejus cornu reputari meretur. Post ab Holsatica parte in eam venit Embeck, ex Bordesholmensium lacu dimanans (ex quo & fluvius Septentrionem versus in Eidoram fluit) permeat lacum Einfeldensium, & porro accurrit Storæ, qui in se quoque recipit Sarlaw, qui lata unda vehitur.

VI.
Stora.

Primus ejus fons est prope Holtdorp ex Parochia Nordorp, ibidemque dicitur Holtbek, parvo spatio dirimens Parochias Nordorp & Hohenwestede, abducens secum Tapaw, qui à Boternhofen villa decurrit. 2. Aw, & 3. Aspaw. Vbi hic Aspaw cæteris se apud Busingensem molam junxit, dicitur primum Sarlow, qui denique desuper Sarlussen villam, tandemque in Storam defluit. A Stormarico latere porro venit Wimerbeck, cujus fons est prope *Grossen Aspe*. Storæ Restorp prædium præterlabenti, conjungitur amnis Bramaw, qui primum oritur in Richel-mohr palude, ibidemque Boternbeck dicitur, pergit Heidmühl, Demöhl & Brahmstede vicum & Nobilium sedem. Subter Brahmstede in eam influit Schmalbeck, Hartenholmiæ exurgens, & profluens versus Schmalefeld rivo Kohlenbeck augetur, Brahmaw pergit ultra pagum & prædium Stellaw & Nobilium sedem, ubi quondam Dux Slesvicensis Woldemarus anno 1201, Adolphum III, Comitem Holsatiæ, fugavit, & supra Vorbruck in Storam.

Schwala.

Sarlaw.

Bramaw.

Stora Bramaviam ut recepit, insigniter accrescit, atque ita Kellinghusen præterit, excipitque Barbeck ab aquilone, cui prædium Barbeck adjacet, à meridie vero Lutzbeck, qui haud
E e e e procul

Barbeck.



STORMARIA
DVCATVS
Auctore Iob: Meyer Husumensi.

*Illustri Generosissimo Comiti
ac Domino Christiano Sacri
Romani Imperij Comiti in Rantzow, Dno. in
Breitenburg, Lundenwiche, et Giesingholm, Equiti
aurato, Sereniss. Regi. Majest. Dan. ac Norweg.
Consiliario intimo, ejusdemq. in ducalibz. Service
& Sofficia Senatori ac Vicario honoratissimo
Praefecto Langelandiae, Dithmarsiae Australis
& Praefecturae Steinburgensis, Dn. meo Clement.
Tabulam hanc Stormariae Submissa Offert
author Iohannes Meyer, Husum.
Reg. Maj. Mathematicus.*

Notarum Explicatio.

Oppida majora	☞
Oppida minora	☞
Templa	☞
Nobilium aedes	☞
Pagi	☞
Mola aquaria	☞
Acies	☞
Milliare Germanicum	☞

1700 1720

S T O R M A R I A D U C A T V S.

procul Barmstedio ex palude effluit : pergit inde
versus pagum Breitenbergam & Arcem Breiten-
burgum , Viceregis primum praesidium , pa-
gum Munsterdorp , & urbem Itzehoam , eamque
circumdat. Abit porro ad pagum & praedium
Beckaw. Heiligenstede : paulo post in eam venit Beckaw ,
enascitur ex arbusculo Bochhorstholtz prope *Keer* ,
& qui in se recipit rivum , à Schenefeld pago di-
manantem ; porro progrediens Meelbecum , ri-
vum alium à praedio Drage descendente exci-
pit , pergit ad praedium Crummendick , Beckehof ,
& prope Bekemunde in Storam. In quam & mox
Wilster. Wilsteram seu Welsteram prope Kasenort illabatur ,
cujus principium est prope Beltorp , haud pro-
cul ab Hademarsch & Hanrow , paulo post lam-
bit limites Holsatiae & Ditmarsiae , alios tres col-
ligens rivos , tumque Makenbeck , post autem
Spranth vocatur , donec Wolburgaw prope Bo-
kelenborg ei associetur , qui ex Ditmarsia à Don-
Capel per Lacum Kudenlee currit , longitudine
840 virgas , & latitudine 500 capientem , & pis-
Wolbur-
gow. cibus abundantem. Wolburgaw porro proma-
nat Bokelenburgum , quondam Comitum Dit-
marsiae sedem. Quibusdam Autoribus videtur
hic Wolburgaw inde nomen adscivisse , quod
Ditmarsi quondam sui Comitis Rudolphi II , Con-
jugi , Wolburg seu Walpurgi dictae , aures & na-
res praesciderint , sicque mutilatam in amnem in-
jecerint ; unde flumen nomen id sortitum fuit.
His undis undique conglomeratis nomen Wil-
sterae primum inditur , qui paludem Wilsteren-
sem & civitatem Wilsteram permanens , unde
eis nomen , tandem prope Kasenort in Storam

incidit : hic autem pergit Beienfleth. Vltimum
quem Stora excipit fluvium dicunt Krempe , for-
te sicut Krummaw , à regyrante cursu sic dictus , *Krempe.*
oritur prope Bokelesse in Parochia Barmstede ,
alios consciscens rivos , vetustam Praefecturae do-
mum Steinburgum allambit , inde Regium Muni-
mentum Crempam , usque dum pagum Bosfleht
praetereat , & in Storam illabatur ; cui ex adver-
so ad Storam jacet Wevelsfleht pagus , propter
quem Stora continuo navicularum apparatu *Ostium*
transfretatur : qui paulo post tandem Albim in- *Storae in*
trat. Ostium ejus haud patulum , at profundum *Albim.*
valde est , & magnarum navium patiens : cursus
fluvii 12 miliaria efficit.

Iacent in hoc Ducatu post famigeratissimum
Hamburgum Praefecturae Trittow & Reinbeck ,
maxima pars Regiae Praefecturae Segebergensis ;
integer Comitatus Holsatiae , alias Comitatus
Pinnebergensis dicta , quae noviter decessu vete-
ris Schauwenburgicae stirpis Principibus Regen-
tibus accessit , tandemque bona pars Praefectu-
rae Regiae Steinburgensis , cum praefidiis Gluck-
stadio & Krempe , ut & Nobili Parthenio Vter-
sen , & quibusdam nobilium praediis. Quae om-
nia post ordine nobis commemoranda. Sunt &
aliae duae in finibus sitae praefecturae Duci Slesvi-
co-Holsatiae subditae , quondam ad Ducem Saxo-
niae seu Sassen-Lauwenburg spectantes , scilicet
Tremmesbittel & Steinhorst , quae & hodie te-
nus in matriculam Nationalem Holsatiae non-
dum insertae sunt , licet Tremmesbittel revera
in Stormaria , & sic in Holsatia sita sit.



P R Æ F E C T V R Æ
S T E I N H O R S T.
T R E M S B V T T E L,
T R I T T O W, & R E I N B E C K.

P R Æ F E C T V R A P R Æ F E C T V R A
S T E I N H O R S T. T R E M S B V T T E L.



*P*raefectura Steinhorst ci-
tra antiquos limites
Holsatiae, & in Saxonia
Inferioris fundo sita,
nunc Principi Holsatiae
tanquam peculium sub-
jecta, hac ratione ad
Domum Holsaticam
pervenit: avorum &
atavorum memoria

Duci Magno, Francisci Ducis Saxoniae Inferioris fratri paruit, qui per vadimonium quorundam Saxoniorum Nobilium 16000 Imperiales Thaleros à Detlevo ab Buchwalde in Neverstorff, fœnori accepit, eidemque hanc praefecturam Steinhorst in ejus locum pignori dedit. Duce Magno in (*Vmbfchlag*) Conventu Chiloniensi (de quo apud Chilonium superius egimus) anno 1574, solutionem non praestante, praedicti Saxonic Nobiles Duci Adolpho Slesvici Holsatiae, qui Dethlevo ab Buchwald satisfaciebat, suum jus in Steinhorst tradiderunt. Eodem anno equites & milites, in Belgio exautoratos, conducebat Dux Magnus, & conabatur cum iisdem in imperium Ducatus Saxoniae Inferioris penetrare, vivo adhuc patre suo, qui filio alteri Duci Francisco juniori regimen concesserat. Cum vero Adolphus Dux Holsatiae & Slesvici, tunc temporis Circuli Inferioris Saxoniae Ductor, interim quam celerime Duci Francisco suppetias ferret, ita ut Dux Magnus, frustra arcem Ratzeburgensem obsidens, (urbe interim exspoliata) cogeretur fugam arripere & in Stueciam sese abdere, Dux Franciscus Junior Duci Adolpho hanc praefecturam Steinhorst pro dictis 16000 Imperialibus, annumeratis 1000 Imperialibus pro fœnore, & decies mille adjectis, summatim 27000 Imperialibus hæreditariam & in proprietariam vendidit anno 1575; è contra vero Dux Adolphus repetitione impensarum belli, & munitionum contra Ducem Magnum usurpatarum, renunciare, suafque, quoad praedicta, prætensiones Duci Francisco cedere debuit, cui quocunque modo illis in Ducem Magnum uti exinde licebat.

Germania.

*T*remsbüttel tametsi à Ducibus Saxoniae Inferioris ad Ducem Adolphum pervenerit, nec novae Regionis Matriculae Ducatus Holsatiae inserta sit, attamen proprie intra veterem Holsatiae limitem, atque ita in Holsatico fundo sita est, quod & Anonymus Autor Chronici Slavoniae hisce verbis testatur: anno 1482 concordati sunt Dux Iohannes de Lowenburg & Vicarii Lubecenses, quem jamdiu excommunicatum denunciarunt, propter non solutionem certorum reddituum de fortalio Tremelsbüttel in Holsatia.

Pronuper relatum fuit, Tremesbüttel praedium Nobile fuisse in Ducatu Holsatiae, seu specialius in Stormaria, in districtu praefecturae Trittoviensis situm, quod Nobilis Holsatius, Luderus Hoiste, non tamen sine expresso consensu Christiani I, Regis Daniae, &c. ut Duci Holsatiae, ast lege redemptionis, Regiae Majestati, ejusdemque Hæredibus & successoribus praexcepta, vendidit Joanni Inferioris Saxoniae Duci anno 1474, quam in rem Dux Ioannes suae Regiae Majestati specialem reversum, ut vocant, dedit.

Anno 1571, cum praefectura hæc fere per centenarium à Ducibus Saxo-Lawenburgicis possessa esset, Dux Adolphus, binis vicibus Duci Francisco aliquot mille Imperiales, partim in solius Tremsbüttel redemptionem, tum & Tremsbüttel & vectigalium Lawenburgensium simul, mutuo dedit, & ita hujus praefecturae in certos aliquot annos plenariam possessionem sibi vindicavit. Paulò post, Dux Magnus, Ducis Francisci major natu filius, ex Suecia redux, prætendens Tremmesbüttel suae coniugi in corporale praesidium concessum fuisse, promittebat quoque aliquam partem expensarum pecuniarum solvere, scilicet quæ solummodo Tremmesbütteliae cessissent; quare à Duce Adolpho modo dictum fortalium repetiit, acquisito interim & Cæsareo mandato in hanc contra Ducem Adolphum. Sed quoniam totum æs non solvebatur, nec anni concessi præterlapsi essent, Duci Magno noluit locum dare, responso satisfactorio ad Cæsarem misso, quo factum ut apud ipsum usque ad ejus obitum quoque permanferit. Postmodum Adolphi filii, Fridericus, Philippus &

E e e e 2

Ioan-

Tremsbüttel.

Tremsbüttel olim Nobile praedium.

Joanni Duci Saxoniae Inferioris venditum.

Domus Holsatiae ceditur.



P R Æ F E C T V R Æ T R I T T O W ,

Ioannes Adolphus , quanquam non sine aliorum exhibita præensione : & consequenter Princeps Fridericus tanquam pignus , possedit , donec nuper anno 1649 , prædicto Principi omnimodo pro summa quadam plane hæc præfectura tradita , concessaque sit , unâ cum omnibus in eam præensionibus , qualescunque essent.

P R Æ F E C T V R Æ
T R I T T O W ,
& R E I N B E C K .

*Præfectura
Tritton.*

HÆc aula Tritton anno 1342 , à Comite Ioanne III , seu Benefico , Chilonii residente , condita fertur , quemadmodum Ioan. Petersen scribit : *Hoc tempore Comes Ioannes in Wagria , Trittoviam haud procul à Billena exstruere cepit , hac de caussa , ut latrones & prædones , Linovia in Saffonia iter infestantes , plecteret.* Tota constat 172 iugeribus.

*Reinbeck
olim Mo-
nasterium.*

Reinbecka quondam Discalceatorum Monasterium fuit , à Comite Adolpho , Monacho Discalceato sancitum , autore Spangenbergio , post in Cœnobium Virginalia permutatum duravit ad annum 1530 : Quo , ut Helvaderus inquit , Moniales lascivia incessebat , ut absente Præposito , Dethlevo Reventlew , Regis Friderici Cancellario , Cœnobium cum ejus ditione traderent. Ante discessum vero valedictorias & luxuriosas epulas appararunt , ætis choreis , concussisque fenestris , mensis & scamnis laceratis , atque ita cum gaudio abierunt. Præpositus reversus , & vacuum cœnobium inveniens , contra protestatus est , nec munus resignare voluit , dicens ; tametsi Moniales Cœnobio valedixerint , se tamen suæ Præposituræ non valedixisse : unde annuos redditus , quousque vixit , retinuit ; factus tandem Episcopus Lubecensis , mortuus est anno 1535.

Ante centum plus minusve annos , administrator præfecturæ Trittovienfis & Reinbecensis fuit Paulus Ranzovius in Bohtkamp. Nostro seculo Iasper Penze , qui anno 1619 obiit. Cui successerunt , Ioannes Philippus de Hertingshausen , Augustæ viduæ Ducis Slesvico-Holsatiæ , cujus corporalia præsidia hæc erant præfecturæ , Aulæ Magister : Nicolaus à Qualen in Siggen , nunc Ducis Consiliarius & præfectus Cismariæ & Oldenburgi , &c. Fridericus ab Ahlefeld in Sestermuth & Schinckel hæreditarius , Ducalis Holsatiæ Regionis Consiliarius , & Præpositus Cœnobii Vterfen.

Hamburgum.

Illustrat Stormariam , imo potius totam Holsatiam civitas *Hamburgum* , Stormariæ metropolis , mercaturâ Germanorum , Belgarum , Hispanorum celeberrimum , miliaribus Germanicis 18 à mari distans , cujus cum ad Albim situm una cum vicinis insulis provinciisque Tabula hæc depingat , non abs re fuerit fusius paulo de ea sermonem institui. Nominis rationem alii aliam dant. Verior autem ratio nominis hæc erit : Inter amnes *Alster* & *Billam* , sylva olim extitit , cui nomen *Ham* , ad quam veteres Saxones ante Caroli Magni tempora arcem ædificantes , à vicina sylva eam Hammeburgam nuncuparunt. Vn-

de non Hammeburgum , sed Hammeburgum , prima & vera urbis appellatio. Quod etiamnum majus urbis sigillum , antiqua instrumenta , literæ & privilegia aperte confirmant. Ita siquidem habent literæ Ludovici Primi Aquisgrani datæ : Statuimus unanimi consensu Ecclesiastico , ultima in regione Saxonica trans Albiam , in loco nuncupato Hammaburg , cum universa Nordalbingorum Ecclesia , proprii vigoris constituere sedem. Bulla etiam Nicolai Pontificis , tempore Ludovici Secundi , meminit castelli Hammeburgi , & Nordalbingorum sedem nuncupat. Postquam fidem primum hæc urbs Christo vovisset , Carolus Magnus , exstructa in ea arce , præfectum cum præsidio constituit Vthonem. Est tamen inter Sigardi , Angariæ , & Westphaliæ Ducis successores , & præsertim Albion Sigardi abnepos , & Widikindi successor , qui cum Carolo Magno Saxonica bella gessit , Holsatiam , & vicina Hamburgo loca tenuit , donec Caroli Magni successores mutuis contentionibus & diffidiis separarentur , tunc rursus Ducum prosapia ad urbis possessionem rediit , tum & Episcopus & Duces separatas in ea domos habuerunt. Donec Otto Cæsar , cujus conjux fuit Magni ultimi Saxoniarum Ducis filia ex Bilingorum familia , Adolpho Schauwenburgico Comiti , Holsatiæ Comitatum permisit. Et ab eo tempore Holsatiæ Comites Hamburgum tenuerunt , novis ædificiis mirifice exornarunt , & in Cathedrali urbis suæ Ecclesia sepulturas sibi delegerunt. Quomodo autem in libertatem se vindicaverit , historiarum monumenta passim declarant. Ex quo enim Slesvicensis Dux Woldemarus fratris Regis Daniæ ope adjutus , Hamburgum in suam potestatem redegit , pulso Adolpho , cœpere Hamburgenses de libertate sua cogitare. Centum ergo & 50 marcis argenti numeratis Orlamundenfi Comiti , gradum sibi ad eam fecerunt. Postea Adolphus IV libertatem illam & alia privilegia confirmavit. Crevit autem præcipue circa annum Christi 1510 , quo tempore Lubecenses cum Danis bellum gessere , tunc enim ad eam imprimis confluerent exteri mercatores. Sub Ottone Imperatore ductus est Hamburgum ex Italia Benedictus Papa ; cujus defuncti talis legitur inscriptio : *Benedictus Papa , qui de Sede Apostolica per violentiam remotus , postea cum revocaretur , obiit Hamburgi quinto Nonas Iulii , sepultus hic est.* Accidit etiam temporum successu , ut Archiepiscopus honor , qui Hamburgi sedem habebat ex prima fundatione , Bremam transferretur , unde nata est crebra inter Ecclesias Hamburgensem & Bremensem concertatio , de dignitatis primatu , de mittendis ad alias provincias suffraganeis , & comprovincialibus Episcopis. Ultima Archiepiscopi Hamburgensis legatio ad remotas Aquilonares provincias , ad universum Daniæ , Suediæ , & Norwegiæ regnum , ad Orcades , Islandiam & Groenlandiam , 20 fuit Episcoporum. Et hinc tam frequenter à populis istis impetiti fuere. Quoties enim furor impius Christianæ religionis ingenti odio sæviebat in Christianos , primi erant Hamburgenses , quos jam Dani , jam Vandali poenarum reos poscebant , cum scirent illinc primos ad se Verbi divini mystas mitti. In Han-

Hanseatico foedere primo ordine post Lubecam Societatis capite continetur, infra se relictis Rostochio, Wilmaria, Stralsunda, Luneburga; ex quarum sex urbium arbitrato, conventus vel totius Hanse, vel aliquarum, prout res exigit, civitatum præcipuarum indicuntur. Vixit in ea urbe Albertus Crantzius, cui à posteritate, quod Vandaliæ, Norwegiæ, Sueviæ origines & res gestas antiquitatis tenebris omnino obrutas, una

cum metropoli Ecclesiastica luci & posteris restituit, merito nominis immortalitas debetur. E regione urbis, in ipso Albi, insulæ jacent plurimæ, suis distinctæ nominibus, quas dum circumluit Albi, divaricatur, & factò versus Meridiem & Septentrionem divergio, in Meridionalem de Zuyd-Elbe, & Septentrionalem de Noort-Elbe, dividitur. Regiones in Albi. Eius brachia.

P R Æ F E C T V R A S T E I N B V R G E N S I S.



Præfectura Steinburg ab obsoleta domo Steinburg sic dicta, terra paludosa est, complectens Crempensem & Wiltrensem paludem, qualibet à sua urbe nomen ferente. Præterea in districtu hujus præfecturæ sita sunt

quædam cœnobialia prædia prædivitis Monasterii Itzehoenfis, nec non Nobilium quædam prædia & Arx Bredenburgum, tandemque Regiæ urbes, Itzehoa, Crempa, Wiltsera & Gluckstadium. Limites hujus præfecturæ sunt ab Occidente, Albi, à Borea, Ditmarsia & præfectura Rensburgensis, & ex parte præfectura Segebergensis, & ab Euro, Comitatus Pinnebergensis.

Complectitur hæc præfectura 480 jugera: administratur plerumque una cum Australi Dithmarsia parte à Gubernatore Gluckstadii: quo munere nunc Christianus Ranzovius, Regius in Slesvicensi Ducatu & Holsatiæ Legatus, defungitur.

Regiones hæ paludosæ, olim tam pulchræ atque hodie, S. Vicelino, id temporis Priori & Præposito Neo-Monasteriensi, ab Adolpho II, Holsatiæ Comite donatæ sunt; quam donationem Dux Henricus Leo, anno 1149 confirmavit, sequentibus verbis: *Quapropter paludem, quæ est juxta Wiltseram, inter Sladem & Waleburgow, & alteram, quæ est juxta Sturiam, inter Lutesaw & Aldenow à Comite Adolpho & omnibus Holsatis, eidem Ecclesiæ collatas, approbamus, & in usus fratrum ejusdem prædicti Novi Monasterii cedendas, in perpetuum auctoritate nostra decernimus, &c.*

Qua ratione autem hæ paludes Cœnobiis Novo Monasterio & Bordesholmio post subtractæ sint, non legitur; forsan cambio seu permutatione evenit. Cæterum in Anonymo Continuatore Helmoldi legitur, jam tempore Comitis Ioannis & Comitis Gerhardi I, fratrum Germanorum, has paludes in hæredum Comitum partitione connumeratas esse: Comitemque Ioannem paludem Crempensem, Gerhardum vero Wiltrensem pro sua parte sortitum. Et eadem

Crempensis palus continuè lineæ Wagriæ adhæsit usque ad annum 1340, quo Comes Adolphus ultimus hujus lineæ, diem suum obiit, ut prædictus auctor denuò commonefacit.

Gluckstadium à Rege Christiano IV, circa annum 1620, exstructum est. Totus circumcirca tractus deserti plane faciem referebat, imo & nomen habebat, quem aggere quodam prædictus Rex circumduxit; ibidemque urbem condidit, quod optima hoc in loco navibus statio esset, urbemque boni ominis ergo *Gluckstadium*, hoc est, fortunæ fanum, Græcè *Tycho-polim* appellavit. Sita est aliàs in solo uliginoso & palustri, ad quem accessus patet per lapidibus constratum aggerem, qui Crempa Gluckstadium pertingens, non multo minus quam milliæ longitudine exæquat. Crempa distat brevi milliari uno; Itzehoa & Wiltsera duobus, Hamburgo septem, Rensburgo octo, Gottorpio undecim, Chilonio decem, Lubeca 12 milliariis. Gluckstad.

Anno 1628 à Cæsarianis obsessa est, sed irritò conatu; quippe ejus Regens seu Gubernator Marquardus Ranzovius improvisè & forti excursionem facta, castra Cæsarea flammis concremavit, plurimos concidit, & captivos non paucos in urbem duxit, inter quos Hannibal, Liber Baro de Schauwenburg, Generalis Major, & Cæsariani exercitus Dux erat. Quamdiu autem à navigantibus Albim mercatoribus telonium urbs recepit, magnopere floruit, virisque & commerciis potens, & pulchris exornata ædificiis fuit. Nunc tantum Regii Regiminis sedes est, quod Flensburgi primum adimpletum, inde huc translatum est.

Urbs & Munimentum *Crempa* ab amne *Crempa*, hoc est, Krumbaw five Krumbbeck sic dicta, Gluckstadio uno distat milliari, Itzehoa duobus, Wiltsera totidem, Rensburgo septem, ut & Hamburgo pariter, Lubeca 11 milliariis. Crempa.

Urbs Itzehoa, Wiltsera distat milliari uno, Crempa itidem, Gluckstadio duobus, Rensburgo sex, Gottorpio, Slesvico & Hufumo novem, Chilonio octo, Hamburgo septem, Lubeca undecim milliariis.

Pay

Exter

COMITATVS PINNENBERG.



Partitio.

Comitatus hic Holsatiæ (antiquitus à veteribus scriptoribus Comitatus Stormariensis appellatione insignitus, quod in Stormaria situs esset) urbem olim Hamburgensem & præfecturas Pinnenbergensem, Hatzburgensem &

Barmstediensem complectebatur, salvis tamen Hamburgensium privilegiis. Possedit per multa sæcula has partes Linea Schauenburgica, præcipue post primam repartitionem, quæ inter Comitem Gerardum alterum à Schauenburg, & Henricum Comitem Holsatiæ Rendesburgensis facta est. Regio autem hæc non adeo longe lateve extensa est, sed commodo tamen proxime Albim situ ab Alstera ad minorem usque Rhenum expanditur. Aliquando propriis, è domo tamen Holsatica oriundis, Dominis paruit; aliquando Comites Schauenburgicos, qui ad Visurgim residebant, Dominos agnovit, qui Comitatum hunc circa annum 1369, vel 1370 ab illis hæreditaverunt. Alias nullibi legitur Comites Schauenburgicos regimen totius Holsatiæ Comitatus sibi vendicasse, sed suum tantum Comitatum Pinnenbergensem quasi divisos & separatos Dominos rexisse, quemadmodum pactum, quod inter Nicolaum Comitem, Gerhardum Ducem Slesvicensem, Albertum & Henricum Comites Holsatiæ ab una, & Comitem Othonem Schauenburgicum ejusque filios ab altera parte intercessit post mortem Adolphi Wagriæ Comitis, ad annum 1390, ut & contractus inter Regem Christianum Primum & Othonem Comitem Schauenburgicum anno 1460 Olde-schloæ factus, clare demonstrant, licet & in sequenti usque comprobatum sit. Vnde & Rex Daniæ ante aliquot & triginta annos ægerrime tulit, quod Ernestus Comes Holsatiæ Schauenburgicus Regentis Principis titulum usurpare ausus fuisset.

Nostri temporibus Comitatus hic plurimam dissidiorum disputationumque materiem præbuit, ultimo Schauenburgicæ Domus Comite Othone subita fatorum vi in ipso juventutis flore vivis erepto. Fiscalis quippe Cæsareus actionem contra Domum Holsatiæ instituit, quam Cæsar Regi Daniæ & Duci Holsatiæ donavit. Iniquum enim ipsi videbatur, Comitatum hunc illis eripere, qui magni auri summa creditoribus defuncti Comitis Othonis satisfecissent.

Extensio.

Pater Pinnenbergenfis Comitatus ab Alstera usque ad Rhenum in sex milliaria longitudinis, exæquante latitudine circiter tria milliaria. Includitur meridiem & occidentem versus fluvio Albi, ad septentrionem præfectura Steinburgen-Germania.



si interlabente Rheno, & ad orientem præfecturis Segebergenfi, Trittovienfi & Reinebensenfi, nec non dominio urbis Hamburgensis.

Quamdiu Comites Schauenburgici hunc Comitatum possederunt, Prætori, vulgo *einem Drosten*, administrationis curam commiserunt; qui sub se tres *Amptmänner*, totidemque Scribas habebat, Pinnebergæ nempe, Hatzburgi & Barmstediæ. Postquam autem ad Domum Holsatiæ Comitatus possessio devoluta est, Rex Daniæ & Dux Holsatiæ ita illum diviserunt, ut duæ partes Pinneberg & Hatzburg Regi, tertia Barmstede Duci cederent.

Nulla majori fluvio irrigatur Pinnebergenfis *Fluvii*. Comitatus præter Albim: maximus ex minoribus est Pinnebergenfis fluvijs, cui succedit Crocavus vel *Länglebeck*, Rheno tantum fines aluente; sed de his supra in descriptione Stormariæ latius.

Pertinent autem ad Regem in Comitatum *Loca & Parochiæ*. Pinnebergenfi sequentes Parochiæ cum sibi annexis pagis: 1. Rellingensis, cum pago Relling & arce Pinneberg. Fuit hæc arx olim Comitum, nunc vero secretioris Regii Consilii & Præfecti sedes; priori bello Dano-Suecico à Suecis occupata, & depulsis ab obsidione Danis retenta est, usque dum pax inter illos populos coalesceret. 2. Quichbornensis. 3. Ottenfensis. 4. Altenana. 5. Niestedenfis. 6. Wedelensis: in qua pagus Wedel, annuis boariis nundinis celebris, & commodissimo ad trajectum ex Holsatia in occidentales regiones loco situs, ita ut æstivo pariter & hyberno tempore iter facile præbeat. In insignibus habet Rolandum, seu ingentis staturæ virum armatum, & dextra nudum gladium tenentem; qualem in foro quoque pagi conspici licet, ita ut suspicari libeat, an non hic pagus unum ex illis duobus munimentis fuerit, quæ Carolus Magnus in finibus Saxoniarum ad Albim per Legatos suos extrui jussit, ad Slavorum incursiones impediendas. Ita enim de iis Regino scribit: Anno 808 Imperator, *adificatis per Legatos suos super Albim duobus Castellis, præsidioque in iis contra Slavorum incursiones disposito, Aquis Natalem Domini celebravit.* 7. Hertzhornensis. 8. Vtersensis; in qua Vtersense nobilium virginum Cœnobium jacet, cujus quis fundator fuerit, nondum satis liquet: Spangenbergius tantum scribit, Adolphum Comitem, qui Franciscanorum Ordinem assumpsit, templum Vtersenæ ædificasse, ut & aliud Hervestehudæ prope Hamburgum ad Alsteram, quo in loco etiam virginum cœnobium erat. Hoc cœnobium possidet 29 & medium agri jugera, atque à Præposito & Priore administratur. 9. Horstensis.

In ea parte, quæ juxta memoratam divisionem Holsatiæ Duci assignata est, recensentur Parochiæ, Barmstede, prædium nobile dominorum à



Viro Generoso Suerio ac Splendido.
Dno. Ruperto von Orthen. Reg.
Maj. Consilio Intimo ac priv.
fidei Pinnenbergensi.
Nobili amantissimo Doctissimo ac prudenti.
Consilio Regio et privati Pinnenbergensi.
Favore, suis honorandis, libidinis
hanc Geographiam per officio
inseribit, auctor
Johannes Mejer. Hildum.
Reg. Maj. Mathematicus

Milliare Germanicum. Min.
17 1/2 Mejer

COMITATUS PINNENBERG.

à Barmstede, qui valde divites & potentes fuere, ita ut aliquoties Comitibus Holsatiæ se opposuerint, adjuvante maxime Archiepiscopo Bremensi; & Elmeshorn cum diversis pagis utrique parochiæ annexis.

Postquam Holsatiæ Dux hanc Comitatus Pinnenbergensis partem acquisivisset, per Prætores suos sive *Landdröste* illam rexit, usque dum eam anno 1649 cum Comite Ranzovio permutavit, recepto dominio nobili Rantzow in Wagria, &

prædio nobili Kucksbull in præfectura Tonderensi sito, ut & certo pecuniæ additamento; reservatis autem sibi telonio Schauenburgico, quod Hamburgi colligitur, & suo in Cœnobium Vterfense jure. Comes vero Ranzovius à Cæsare impetravit, ut in ordinem immediatorum S. R. I. Comitum ascisceretur, & regio domusque Barmstediensis in Comitatum Imperii Rantzoviensem erigeretur extollereturque.



ALBIS FLUVIUS.

Albis de-
scriptio.



Inter Germaniæ flumi-
na non infimo loco
censendus est Albis,
Veterum quoque rebus
gestis scriptisque nobi-
lis. Ejus hic tractum
aliquem, qua parte in
mare Germanicum ex-
currit, exhibet Geogra-
phus. Dividit Albis Sue-
vos à Cheruscis. Tacitus in Hermunduris Albim
flumen inclytum oriri scribit. Hic est, cujus in
crepidine mulieris species humanâ amplior,
Drusum compellans, pergere ulterius vetuit,
Dione & Tranquillo referentibus. Barbari secu-
li scriptores *Albiam* vocant. Germanis *Elbe* dicitur.
Bohemis vero, apud quos originem sumit,
Labe. Nomen habere à numero indicat Fabritius
in suis rerum Misnicarum libris, fontium
nempe xi, ut Bohæmi, sive ut Saxones dicunt,
à numero annuum xi influentium. Oritur enim,
ut idem tradit, in tractu Hercyniæ sylvæ, qui à
Gigantibus nomen habet, *Risenberg*, ex fontibus
xi, quorum nomina ibidem recitat, qui
tandem coeuntes Albim efficiunt. Prope hos
minor angustiorque quo longius abit, alveo cre-
scit, ac primum sinuosis flexibus progressus pro-
pe urbem *Melnick* excipit *Multaviam*, Germanis
Moldam, Bohemis *Vltavam* nuncupatam, qui
Pragam Bohemiæ metropolim intersecat. Ab
urbe *Melnick* exspatiatus longius recipit *Egram*,
hinc inflexo alveo per Misniam vagatus Saxo-
niam adit, & *Wittenbergam* prætervectus, ulte-
riusque *Salam* excipiens *Magdeburgum* adit, à
quo per terras varias abit, usque dum *Hamburgum*
alluat, hinc *Stadam*, inde *Geluckstadium*,
& tandem vasto se ostio in mare Germanicum
exonerat. De hoc *Lucanus* lib. 2 :

*Fundat ab extremo flavos Aquilone Sævos
Albis, & indomitum Rheni caput.*

Albis pars
solum hac
Tabula ex-
hibetur.

Totus itaque Albis tractus, qui hic exhibetur
vigintiduorum est milliarius Germanic. com-
munium, incipitque à pago *Marsenach*. Ab utra-
que ripæ parte pagi quamplurimi spectantur,
cum cœnobiiis, prædiis, agrisque & pascuis amœ-
nissimis. Hinc pars *Luneburgensis* & *Bremen-
sis Ducatus*, inde *Holsatiæ* fines apparent, inter-
fluente gyris suis flexibusque *Albi*.

Cursus
supra
Hamburgum.

Operæ precium putavi hoc loco breviter de-
cursum *Albis* fluvii supra *Hamburgum*, quem
fluvius in illa vicinitate tenet, & quondam te-
nuit, describere. *Trittoviæ* & *Reinbecæ* præfe-
cturis contermina est, quondam *Saxoniam Infer-*
nunc urbibus *Hamburgo* & *Lubecæ* subdita
præfectura *Bergendorf*, & olim *Ripenborg*, quo
& 4 pagi, (4 *Landen*) ut vocant, pertinent, nomi-
natim, *Verus Gamm*, *nova Gam*, *Kirckwerder*
& *Koslack*. Qua ratione autem urbes *Lubeca*
& *Hamburgum* præfecturam *Bergersdorf* &
quatuor paludes seu terras palustres à Duce *Eri-*
co IV circa annum 1428 hæreditario acquisive-
Germania.

4 Pagi.

rint, in urbibus *Lubeca* & *Hamburgo* dictum
est. Hi quatuor pagi per *Albim* fluvium à Du-
catu *Luneburgensi* determinantur.

Sed & multis ab annis, & præteritis tempori-
bus, inter Ducem *Luneburgensem*, civitatesque
Luneburgum, *Stadam*, & *Buxtehudam* ab una,
& urbe *Hamburgo* ab altera parte, multum
disceptatum est, quod etiam in publicum in-
cursum hostilem erupit. Et quoniam hæ lites
ex opinato deflexu fluminis suborta, non solum
Hamburgum, sed & domum *Holsatiæ*, propter
adjacentes *Albi* palustres terras, concernant,
brevi hæc subinducemus.

Lites de
Albi flum-
ine.

Albis indiviso flumine *Lawenburgo* defluit
usque ad *Schwanebusch*, seu ad fluviolum *Lind-*
horstow ex Ducatu *Luneburgensi* in *Albim* in-
cidentem, quod è regione veteris sinistri ostii
Billenæ in *Albim*, *Dove Elbe* dictum, contingit,
terramque *Saxoniam* ab *Holsatia* determinabat.
Septentrionale brachium germanum & pro-
fundum flumen ducit, quod *Hamburgum* de-
currit, ibique valde dilatatur, ut absque dubio
hoc brachium genuinus *Albis* sit nominandus.
Brachium Australe, brevius & minus profun-
dum, Ducatum *Luneburgensem* & *Fortalitium*
Harburgum alluens, & *Fusfande*, arenæ con-
globatæ, se commiscens fere ad ingressum *Estæ*,
cui *Buxtehuda* adjacet, magnum *Albim* influit,
sicque *Albis* in Mare Occidentale anhelat, ple-
raque amplo, latiori & profundo flumine, nunc
per *Insulam* parvam *Krutfand*, ex adverso
Gluckstadii aut *Bilenberg* potius, non diu ta-
men, dispescitur. 2. In ejus ostio dividit se in
Australem & Septentrionalem *Albim*, interea
autem nulla ferax tellus, sed tantum steriles are-
næ occurrunt.

Cursus Al-
bis.

Sed præter dicta duo brachia, *Terra Lune-*
burgensis, uti & ex parte *Holsatiæ*, in diversas
parvas *Insulas*, quæ paludosæ terræ, ab *Albi* di-
viditur, & existimant *Duces Luneburgenses* &
confortes, hujusmodi terras paludosas olim plu-
res sui juris fuisse. Quippe contenderunt, ge-
nuinum flumen *Albis* quondam inter terram,
Veterem Gamm & *Coslack* & *Billwarder* ab
una, & inter *Novam Gam*, &c. ab altera parte
ubi nunc *Dove Elbe*, *Albis* sardus, fluxisse, &
quoniam hic *Albis* terminus inter Ducatum *Lune-*
burgensem & Ducatum *Saxoniam Inferioris*,
ut & inter *Luneburgum* & *Holsatiam*: hincque
Nova Gamma, *Kirckwerder* & *Ochsenwerder*
ad Ducatum *Luneburgensem* pertinisset.

Præterito
Ducum
Lunebur-
gensium.

Cumque conversione hujus tractus sic conti-
gisse, quod *Hamburgenses* primum *Gammen-*
sem alveum posuerint, quo factum, ut *Albis* in
terram *Luneburgensem* irruperit, & non so-
lum terras, *Novam Gam*, *Kirch-* & *Ochsenwer-*
der tanquam ad latus *Saxoniam* & *Holsatiæ* con-
jecerit, sed & denuo prope *Schwanebusch* se
separarit, & australi brachio profunde in terram
Luneburgicam secando, continentem terram
palustrem in plures *insulas* minores diviserit,

Gggg quare

CELEBERRIMI FLUVII
ALBIS
 nova delineatio
 Auctore Christiano Mollero.



BREMENSIS.

KEYDINGERLANDT.

De Bilkow.

DAS ERTZ STIFT
 BREMEN.

Viris Magnificis Amplissimis et Consul-
 tissimis Domini Consulis et Senatoribus,
 florentissime Reipublice Hamburgensis
 tabulam, hanc Provinciarum et Insularum
 Hamburgum Circumiacentium officiose
 dedit Guiljelm. Blaeuw.
 Anno 1628.

MARIS

GERMANICI

PARS.



quare & olim priscis seculis ab Hamburgensibus exegerunt, ut sepem illam seu murum terrenum abolerent, Albique suum, ut existimabant, continuum & solitum cursum permitterent, quo ipso (Duces Luneburgenses) Terras, Novam Gamm, Kirch- & Ochsenwerder, recuperaturi essent, siquidem quod ab australi parte Albis situm, semper Ducatui Luneburgensi annumeratum fuit. Hamburgenses vero huic sese opponentes cum hac relatione, hic olim circiter Hamburgum unicum tantum Albis alveum manasse, & ante 230 annos Albim propter Schwanebusch terram Luneburgensem irruptione facta incurrisse, quod vel de structura valli seu muniminis Gammenis ex parte causatum, quamvis non ipsi id temporis, cum ipsi & Lubecenses quatuor pagos à Duce Saxoniae indepti fuerint, jam positum vallum reperissent. Nunquam quoque principalem alveum Albis inter utramque Gammam perfluxisse, sed brevius fors brachium, quod vel à Ducibus Saxoniae ejus subditis, sive ab ipsa civitate Luneburgo tum temporis, cum pro pignore Praefecturam Wynsen à suo Duce possedere, suum obstipatum seu oblutum Elmenaw profundandi gratia, eo derivatum esse.

Hamburgensium oppositorum relatio.

Hamburgensium Ius Stapulae.

Irruptione autem facta Albis prope Schwanebusch in terram Luneburgensem, idque brachium sensim profundum petiit, ausi sunt Luneburgenses, Stadenenses & Buxtehudenenses, naviculis & lincibus istud brachium frequentare & navigabile reddere, sicque Hamburgum transeundi, quo Hamburgenses existimarunt, in sua possessione Vestigalium & Iuris Conventus vulgo stapel, turbatos se esse: quandoquidem ea propter anno 1554, Duces Luneburgenses, Linneae Cellensis & Harburgensis, tum & Vrbes, Luneburgum, Stadum & Buxtehudam de ejusce modi turbatione coram Caesarea Camera Iustitiali rogarunt sententiam, cui Duces Luneburgenses & Consortes suas querelas de Praemunitione seu praefectorio Albis & exstruktionem Valli Gammenis, reinsinuantes: sicque Sententia anno 1619 Hamburgensibus sinistre lata: Vt adeo non tantum liberum navigium Luneburgensibus & Consortibus in Australi Albi adjudicatum, sed & Hamburgenses condemnati, positum Vallum Gammense demoliendi, omniaque in pristinum statum reducendi, & praeterea Luneburgensibus illatum damnum universum refarciendi, super quam sententiam Hamburgenses mox restitutionem in integrum orantes, & mandatum sine clausula adversus Duces Brunsvici & Luneburgi & consortes expedientes, nihilominus à Ducis Georgii exercitu obruti sunt, qui in pagos incidentes vallum seu aggerem exaggerarunt & perfoderunt. Lubecenses autem & Hamburgenses è vestigio milites conscripserunt, aliquot mille, & eos educentes quo ipso Luneburgenses Albim vicissim transeuntes, hi locum disputatorium occupantes, praedictum

aggerem refarciverunt, & in pristinum statum instaurarunt.

De Iure Conventus seu Stapel vulgo Hamburgensium, ut spinosam disputationem sicco pede transeo, quod & usque eo extenderunt, ut infra civitatem Hamburgum habitantes incolas cogere haud veriti, suum far seu frumentum non super mare pro eorum libitu transnavigare, sed illud foro Hamburgensi adducere: & hic de hisce paludosis terris & decursu Albis absque cujusvis praedicio aperiā. Autumo ergo, verum & genuinum Albis flumen capitale nunquam inter duas Gammās, Novam & Veterem, secundum flexum furdi Albis, *Dove Elbe*, neque inter Novam Gammam & Kirchwerder, &c. secundum fluxum Gose (Elbe Albis) cursum suum direxisse. 1. vix possibile fuit, integrum & plenum flumen profundumque aggerem diducere. 2. Duces Luneburgenses hoc silentio non praeterivissent, si ipsis tanta terrae paludosa portio averteretur, Saxonibus & Holsatis autem accederet. Idcirco reor, ab initio duos rivos Albis hosce humiles & planos palustres campos inter permeasse, ut instar insulae fuerint, qui tamen quamdiu aggere nudi, surgente & tumente Albi, ut flumen clarum, steterē.

Post autem, uti passim in Germania, quae olim fuit paludibus foeda, teste Tacito, paludibus seu udis (terris) exsiccatis & in frugiferas terras mutatis, ut multoties in Hollandia & Gedani in Gedanensium Insulis seu *Werder*, vulgo dictis, & in Holsatia ipsa ad desertum seu Marcham circa Glucksstadium, & in Ducatu Slesvicensi in terra Eiderstede videre est. Sic quoque Incolae hisce terris paludosis, Insulis scilicet Nova Gamma, Kirchwerder, &c. primo instar, ut vulgo dicunt Halligen, hoc est, inaggeratae & incircum vallatae insulae, tandem de aestate fructi sunt, prout potuerunt, post vero & aestivales aggeres construxere, aliqualem influxum remorantes. Tandem, ut constanti terra hac & ad frumenti proventum proficua uterentur, hunc toties repetitum firmum & altum praestruere aggerem, quod ibi primum impetum & fortem insinuationem Albis sustinere habet, ut Albis flumen id loci repetere non potuerit. Quisquis nunc huic operi manum primam & secundam imposuerit, facile apparet, siquidem vicini colles inhabitantes, in terris istis paludosis, redditus suos inde educentes, Gammenenses Rustici, sive has insulas incolentes agricolae terram eandem coluerunt. Num vero exstruktionem aggeris Gammenis, Albis rapidiorem fluxum in terram Luneburgensem fecerit, hincque prope Schwanebusch irruptionem fecerit: sive, quod hac irruptio prius facta sit: & quia Dovi & Gose Albi (vulgo sic dicto) multum discisserit aquae, occasio captata, dicta duo parva brachia Albis oppilare & obstruere, hoc, silente historia, & nos silentes in medio relinquemus.

D I T H M A R S I A.

Nominis
origo.



Dithmarsia vel nomen inde adepta est, quod olim Theutones Marfi eam incoluere, quemadmodum & hodie ii, qui trans Eidoram ab Aquilone siti, Marfi, Frisones, & quoad feudum Dani sunt, Ducatui Slesvicensi & consequenter Regno Daniæ subditi; atque ita Dithmarsii barbari sunt: vel ab Eidora, quasi Eidermarsia, cingitur enim Eidora tota regio. Olim hic fluvius *Eidt* sive *Eudt* audiit, absque terminatione, & cum articulo *T'Eudt* sive *Teidt*, exinde *Teut* sive *Tietmarsia* orta est, post ut plurimum *Tetmarsia*, tandemque *Dithmarsia*. Aliis derivatur non à palude sive *Marfch*, sed à *Marca*, quod Eidora magna ex parte marcata (barbare ut loquar) & limitata sit, ut sint Dithmarsii quasi *Theidmarckii*; quandoquidem hac in regione duplo frequentiores arenosi, quam paludosi tractus inveniuntur.

Naturæ
munio
regionis.

Natura munita est regio ex triplici latere, ab occidente enim mare habet, ab austro Albim, & qua Holfatiæ seu paludi Wiltrensi adhæret, pleraque palustribus & uliginosis locis obsita est, ita ut perangusta tantum ad eam pateat via; ab Aquilone tota Eidorâ clausa est; ab Oriente vero cum Holfatia contigua confluens & patula est. Vnde & hæc pars ab hostibus quondam, cum adhuc gens libera esset, facile semper occupata est, confugientibus ingruente belli tempestate incolis, abductis unâ facultatibus, in paludes. Tum temporis vicus Meldorpium probe munitum, & firmum paludis Australis propugnaculum erat; quo belli tempore Dithmarsii conveniebant: in Septentrionalis paludis autem defensionem duas Hammæ seu Terræ propugnacula sive aggeres olim exstruxerunt, australem & Septentrionalem Hammam. Hæ ipsæ Hammæ præbebant solæ iter ad Septentrionalem paludem, ab utroque labro latas profundasque fossas habentes; ejecta terra erat ipsis instar castris seu propugnaculi, quemadmodum & illæ duæ vel tres fossæ prædictæ erant, à lateribus denso nemore clausæ; ut vel integrum exercitum præsertim equitum depellere & arcere pauci possent incolæ. Hamma Septentrionalis erat Heidæ, Australis Hemmingstadii. Tempore ultimi belli Dithmarsici, scil. anno 1559, tria Præsidia in Dithmarsia fuerunt: Tilenbrugum, non usque adeo firmatum: Meldorpium, & Hamma, scil. Septentrionalis seu domus Hammæ, valido vallo fossaque præmunita, & tormentis gravibus præcinctæ; nec aliud commodius & tutius iter quam per hos tres locos in paludes patet, referente auctore belli Dithmarsici.

Veteres
Hammæ
seu Præsidia
Dithmarsiorum.

Hammæ nomen vel ab voce Germ. *Hemmen*, id est morari, retardare; sive à voce *Hamme*, quod antiquis Saxonibus sylvam seu saltum Germaniæ.

sonat, oritur: hisce enim Hammis adlita fuerunt densa sylvarum arbuta, ut Historici memorent.

Limes hujus regionis ab oriente est amnis *Termin* exiguus Gisefaw; (recedente Eidora) ab eo ducitur linea ad Fl. Wiltteram, qui ibi Wakenbeck & Sprant dicitur, post super vagum & desertum ericetum, ad finem fossæ Holfaticæ; à Septentrione ipsis vicini trans Eidoram Frisones Eiderstadienses, ut & Stapelholmia; ab oriente Præfectura Rensburgensis & Hanrow; versus Austrum palus Wilttriæ; trans Albim versus Africum terra Redingen & Hadelen, &c.

Solum felix situ & aëre; cujus longitudo, ab Eidora usque ad Brunsbutteliam septem milliaria *Magnitudo* excurrit. Latitudo dispariter se habet, à tribus ad quatuor milliaria extensa. Regionis duæ partes tertiæ arenosæ sunt: ultima vero tertia pars paludosa, quæ tamen multo plura incolis confert, quam illæ duæ tertiæ arenosæ. Tota Dithmarsia complectitur 1425 jugera, prout in Matricula habetur, cujus dimidia & australis pars Regi Daniæ, altera borealis Duci Holfatiæ comperit.

Incolæ ut nunc, sic & olim genuini sunt Saxones, & ad Caucos Taciti referri debent, quod partem littoris occupent, ut Tacitus scribit, & Saxonibus Ptolomæi, non autem Frisonibus, ut Vbbo Emmius vult. Quod & ex sæpe allegatis M. Adami verbis patet: *Transalbianorum Saxonum tres sunt populi, primi ad Oceanum Thiatmarsgoi, & eorum Ecclesia Mildintorp.* Et hodie à Frisonibus & Iutis seu Danis planè distincti sunt, quod & lingua eorundem innuit, quæ æque clarè & articulatim ac Hamburgi, Luneburgi aut Brunsvici pronuntiatur: cujus contrarium trans Eidoram apud Frisones percipitur.

Origines
Dithmarsiorum.

Plerique Dithmarsiorum proceri & robusti corpore & artubus, & partim fastuosi & honoris ac gloriæ avidi sunt: mulieres pariter longioris staturæ; & quoniam in hisce terris communio bonorum inter conjuges non consuevit, ut Eiderstadii & in vicinis Paræciis solitum; sed foeminis sua bona manent, ut & aliorum in Romano Imperio; hinc pleræque, quibus paulo plus pecuniarum, elatiores animo sunt ceteris vicinis. Olim gens armigera & bellicosa fuit, & mulieres æque ac viri arma sumpsere, & pro aris & focus ad pugnas egressæ sunt. Ibidem nullæ Nobilium familiæ, & quod sciam, nulla sedes Nobilis seu prædium, utut olim ibidem confederint nonnulli Nobiles, & adhuc una atque altera Holfatica familia ex Dithmarsia oriunda, ut de Reventlow scribitur; attamen Dithmarsii diu valde suos Nobiles terra sua exesse, suosque agros sibi solis incolæ voluerunt. Et olim strenui suas Saxonicas oras adversus externos hostes, ut Normannos propugnarunt, quo adeo tumidi facti sunt, ut nulli fere jugo subditi esse voluerint, & aliquos suorum Comitum jugularint, & grandes quidem copias quandoque fuderint, donec tandem

Natura & conditiones, moresque.

H h h h



dem Fridericus II, Rex Daniæ & Norwegiæ, &c. ut & Duces Ioannes & Adolphus, anno 1559 uno eos mense compescuerint, & sibi subjecerint. Ex eo tempore belli tumultibus non usque adeo operam dederunt, pariter ut ceteri paludum horum Ducatum incolæ degentes, tantum quod in vestium splendore & externo apparatu, ut & movendis litibus, & agendis causis forensibus, sibi plus quam ceteri indulgeant.

Nulla in Dithmarfia urbs exstat; agrestes enim potius ruri in conspectu pecudum, arborum & fructuum habitant. Principalis vicus est Meldorpium, post Heida, ubi communiter singulis hebdomadibus rusticolæ forum celebrant, & quo ingens multitudo confluit omnium agriculturalium: tandem & Londinum, nomen suum cum aliis Regiis urbibus, in Anglia & Scania commune habens.

*Priscum
regionis
regimen.*

De prisco hujus regionis regimine scribit Albertus Crantzius lib. 6 Saxon. cap. 4. Cæsarem Carolum donasse Comitatum Stade, cui & Dithmarfia annumerabatur, Archiepiscopatu Bremensi, sive quod hic Comitatus (Stade) una in districtu hujus regionis fuerit comprehensus, quem Cæsar Carolus S. Willebado & successoribus concesserit. Sed ita quidem non se res habet: quippe constat, Episcopos id temporis civitates & regiones non ut sua propria possedisse, sed tantum cum sibi concessis exiguis fundis certas dioceses, in quibus suum Ecclesiasticum imperium exercebant, ad summum tantum decimas inde tollentes. Qua ratione etiam S. Willebado à Cæsare Carolo Episcopatus Bremensis traditus est, ut ex Privilegio, quod & hodie servatur, videre est, una cum ipsis secularibus regimen terrarum hominumque tenentibus. Et hæc donatio planè Dithmarfiam non attinet, limites enim fixus Episcopatus Bremensis Albis expresse determinatus est. Et quanquam Willericus, secundus Bremensis Episcopus, & in Dithmarfia populo verbum Domini annunciavit, tamen credibile, zelo cælesti instinctum extra suam Diocesin hoc fecisse. Aliquot enim demum annis post, Nordalbingi proprium nacti sunt Episcopum.

Crantzius pergit: arbitrari sese cum Episcopi Bremenses has oras adversus Normannos non valuerint defendere, dedisse eas Cæsares Romanos ex stirpe Francorum, Ducibus Saxoniarum & vicinis Ducibus in feudum. Quod & Ioan. Peterfen & alii tanquam veritati consentaneum exscripsere, cum tamen ex nullo veteri scriptore probari possit, Duces Saxoniarum hæc terras immediate possedisse, aut gubernasse.

Tutior quidem sententia est, Comitatum Stadensem (seu potius Hersefeld, id temporis Rosenfeld dictus) & terram Dithmarfiam, ut cis & trans-Albianas regiones, à Cæsaribus Romanis sive Ducibus Saxoniarum eam ob causam conjunctos fuisse, uniusque Comiti concessos & in feudum datos; ut si violentia Normannorum seu Danorum unà ejiceretur, in alteram profugeret & receptum haberet. Quod & sequentibus seculis ab Imperatore Othone Magno cum Duce Hermannio Billing factitatum est, cum ei in feudum traderet Ducatum Luneburgensem & Co-

mitatum Holfatiæ & Stormariæ. Primus Comes Rosenfeldensis, ut in annalibus veterum Chronicographorum invenitur, fuit Luderus, forte & Dithmarfia, siquidem ejus successor uterque Comitatus paruit, quæ & Crantzii est existimatio.

1. *Luderus I.*
2. *Henricus I*, Calvus dictus, Comes Rosenfeldiæ & Dithmarfiæ.
3. *Henricus II*, Comes Rosenfeldiæ & Dithmarfiæ.
4. *Henricus III*, Comes Hersefeldæ sive Rosenfeldæ & Dithmarfiæ.
5. *Sigfridus I*, Comes Stadenfis & Dithmarfiæ.
6. *Sigfridus II*, Marchio Brandenburgicus & Comes Stadenfis.
7. *Luderus II*, Marggravius in Soltwedel & Comes Dithmarfiæ.
8. *Dedo*, Comes Dithmarfiæ.
9. *Etteler Sapiens*, Comes Dithmarfiæ.
10. *Vdo*, Marggravius Brandenburgensis, Comes in Stade & Dithmarfiæ.
11. *Rudolphus I.*
12. *Rudolphus II.*
13. *Hartwicus*, Marggravius in Soltwedel, Comes Dithmarfiæ, magnus Præpositus Bremensis, & post Archiepiscopus Hamburgensis.
14. *Reinbold*, Comes Dithmarfiæ.
15. *Henricus Leo*, Dux Bavarie & Saxonie, &c. Comes Stadæ & Dithmarfiæ.
16. *Rudolphus III*, Comes Holfatiæ, Stormariæ & Stadæ.
17. *Hartwicus II*, Archiepiscopus Bremensis, Dominus Dithmarfiæ.
18. *Woldemarus* Episcopus Slesvici, Dominus Dithmarfiæ.
19. *Hartwicus III*, Archiepiscopus Bremensis, denuo Dominus Dithmarfiæ.
20. *Canutus* Rex Daniæ, Dominus Dithmarfiæ.
21. *Schacko* à Westensee, Comes Dithmarfiæ.
22. *Woldemar* Rex Daniæ, Dominus Dithmarfiæ.

Post Woldemari obitum omni quasi jugo Dithmarfi se liberavere: quamvis enim Archiepiscopum Bremensem aliquatenus agnoscerent, non tamen ad veram obedientiam compelli unquam potuerunt. Anno 1289 libido inceserat Comites Holfatiæ Dithmarfos bello aggredi, quos nunc liberos olim prædecessoribus suis (Rudolpho III) paruisse sciebant. Dithmarfi implorato Archiepiscopi Giselberti auxilio Comites expectant, qui dum ex arenoso tractu in paludes irruere conantur, leporem cubili suo excutiant, unde ab antesignanis ingens rumor clamorque ortus ita alios commilitones hujus ignaros & hostium metuentes perculit, ut incompofitis ordinibus in fugam se conjicerent. Quod conspicati Dithmarfi irruptione facta resistentes antesignanos partim obtruncantes, partim pelentes omnes de vita salvanda circumspicere cogerunt. Anno 1305 Archiepiscopo Giselberto jam senescenti Kedingii atque Dithmarfi parere detrectarunt, quos cum per mediatores Archiepiscopus ad officium revocare non posset, adunatis viribus ingentem exercitum conflavit, ad-

scito

D I T H M A R S I Æ

P A R S M E R I D I O N A L I S.

Pertinet hæc Meridionalis Dithmarsicæ pars ad Regem Daniæ quasi Regentem Ducem Holsatiæ. Dividitur hæc regio in paludosam & arenosam; (hoc est, *Marsch & Geest*) Arenosa olim appellata est *Harstedegeest*, forte à pagis Norder & Suder-Harstede; paludosa vero dicta est *Suderstrand*.

Præfeti hujus partis fuerunt, qui sequuntur: Iacobus Harder, mortuus anno 1567; Michael Boye, 1572; Iohannes Held, 1584; Nicolaus Bruker, Nicolai filius, anno 1629; Henricus Waffmer, 1643; Nicolaus Bruhn Iohannis filius, & Iacobus Bruhn. Præcipuus in hac regione vi-

cus est *Meldorpium*, qui inter duo Milæ fluvii brachia situs est. Distat milliari uno ab Heida vico, Londino tribus, & Brunsbuttelia, sex Itzehoa, ut & Rendesburgo. Locus hic pervetustus est, ubi olim Willericus antequam Hamburgi Archiepiscopus esset constitutus, infidelibus Dithmarsis Euangelium prædicavit ad annum 804; hoc est, tempore Caroli Magni. Post aliquot centenos dein annos, cum agrestes libertate gauderent, Meldorpium hoc munitum est, ita ut sæpissime obsidio debuerit expugnari; sicut supra aliquoties dictum est.

D I T H M A R S I Æ

P A R S S E P T E N T R I O N A L I S.

Hæc pars in partitione Duci Slesvici & Holsatiæ attributa commodo ad Eidoram tractu sita est, à quo ut & parte maris Cimbrici ab occidente, septentrione & oriente circumdata est. Regitur à Præfeto Ducali, cui duo Scribæ Provinciales adjuncti sunt. Præfeti hujus partis fuere: Marcus Schwein Londini, & Wold Reimers Heidæ habitans: D. Christianus Boye Heidæ; D. Henningius Boy Londini; Iohannes Reimers Heidæ, Boy Nanne Denker

Londini: Iohannes Rode Londini: Ioannes Vieht, & D. Iohannes Boye.

Est in hac parte vicus *Heida*, in quo singulis Sabbathis in magnæ capacitatis area rustici Dithmarsi forum suum celebrant. Hoc in loco ultimas retinendæ libertati vires impendere Dithmarsi, sed ter repulsi tandem Principibus Holsatiæ parère didicerunt, sicut supra latius explicavimus.



Incole ve-
teres.

Termini.

Qualitas.

Brema Ci-
vitas.

BREMENSIS

ARCHIEPISCOPATUS.



Incole ve-
teres.

Bremensis Archiepiscopus terras olim *Chauci* tenere, *Majores* *Minorum* *Chaucorum* respectu dicti, qui *Emb-dano* & *Oldenburgensi* agro infederant. Taciti hæc sunt verba: *Chaucorum gens, quamquam incipiat à Frisus & partem*

*litoris occupet, omnium quas exposui gentium lateribus obtenditur, donec in Catto usque finietur. Tam immensum terrarum spatium non tenent tantum Chauci, sed & implent: populus inter Germanos nobilissimus, quique magnitudinem suam malit justitia tueri, sine cupiditate, sine impotentia. Quietis secretique nulla provocant bella, nullis raptibus aut latrociniis populantur. Idque præcipuum virtutis ac virium augmentum, quod ut Superiores agant, non per injurias assequuntur. Prompta tamen omnibus arma, ac si res poscat, exercitus plurimorum virorum equorumque, & quiescentibus eadem fama. Cæterum Chaucorum paulatim nomen exolevit, inclaruitque novum & priscis ignotum Saxonum. Hi in *Ostvalos*, seu Orientales (qui hodie soli Saxonum nomen obtinent) & *Westvalos* seu Occidentales divisi fuere. Bremenenses inter Orientales regionis situs collocat, quamquam haud longe Westphalis diffitos.*

Termini.

Includitur omnis regio *Visurgi* & *Albi* fluvii, ad Orientem *Luneburgensem* Ducatum ac *Episcopatum Verdensen*, ab occidente *Oldenburgensem* Comitatum, à Septentrione *Oceanum* & *Holfatiæ* partem, ac ad meridiem *Hoyensem* Comitatum respiciens. Comprenderit autem *Stadam* urbem cum adjuncto territorio, *Hadeliam*, *Wurfatiam*, *Wurdiam*, *Kedingiam*, *Otlandiam*: & de quo statim, territorium *Bremenense*. Regio quoad soli fertilitatem pallio assimilatur, cujus duæ anteriores partes velluto plerumque ornatae sunt, posterior vero non adeo pretiosa est: ita ad utrumque latus nempe ad *Albim* & *Visurgim* regio hæc omnis frugum generis feracissima; medio vero tractu inter *Bremam* & *Stadam*, quem mercatores plerumque transeunt, sterilis, inculta, paludosa, & ericæ ac arbuscularum plurium plena est.

Qualitas.

Brema Ci-
vitas.

Caput hujus Archiepiscopatus *Brema* est, urbs Imperii libera & *Hanseatica*, & mercaturâ celebris. *Ptolemæi Phabiranum* multi hanc esse *Bremam* volunt, hoc novum nomen à ruborum ibidem nascentium olim magna copia postea accepisse asserentes. Vt ut sit, *Phabirani* situs uni *Bremæ* respondet. Sita est urbs percommodo & amœno ad *Visurgim* fluvium loco, paululum oblonga, nitidis latisque plateis distincta, & egregiis plurimis tam sacris quam profanis ædificiis & structuris ornatissima; nec non operibus militaribus munitissima. Forum

Germania.

habet valde spaciosum, in cujus medio statua *Rulandi* se visendam offert, ad latus vero *Curia*, & infra eam *Cella* vinaria publica, spectantium oculos magnifica sua structura pascunt. Ad alterum vero latus est *Ecclesia Cathedralis D. Petri* fundata à *Willehado* *Ecclesiæ Bremensis* primo Episcopo ad annum 788; quam post 254 annos incendio deletam *Adalbertus* & illius successor *Liemarus* restaurarunt. Opus est eximium, duabus ornatum turribus, quarum altera reliquas urbis altitudine exsuperat. Non longe ab hac basilica, occidentem versus est templum *Beatæ Virginis*, sub *Alberone* Archiepiscopo à tribus fratribus viris religiosus anno 1060 erectum, & duabus item turribus auctum. In media urbe prominet Templum *S. Ansgarii*, cujus turris cupro contexta reliquis omnibus robore superior est. Sunt præterea & alia templa minora, ut & *Xenodochia* complura, item *Gymnasium* ex cœnobio constructum, ac *orphanotrophium*, in quo 80 pueri puellæque parentibus orbi, honeste & liberaliter educantur, & literis ac bonis moribus initiantur. Extra urbis meridiem portam *Castellum* est, ponte sublicio urbi annexum, quod antiquitus sola & nuda turris erat, nunc vero campos versus vallo fossisque cincta, firmum ab hac parte urbi propugnaculum merito æstimatur. Pons iste autem ita artificiose constructus est, ut multæ sub eo molæ sint, farinæ & pulveri pyrio conficiendis destinatae; nec non & una rota eximie magnitudinis, quæ artificioso ductu aquas *Visurgis* in urbem agat, diversis canalibus civium ædes emundantes. In-

Mores.

SSS

numque



DUCATUS
BREMÆ & FERDÆ
a Ioanne Gorries Capiteano Sueco Jussu Com.
Ioan Christoph. a Coningsmarck accuratissime
Dimensi & in tabulam redacti.

Milliaria Germanica quorum unum 2000 virgas Rhyndandicas complectitur.

- Notularum Explicatio.
- Klöster.
 - Kirchspiele.
 - Adeliche Häuser.
 - Dörffer.
 - Ambthäuser.
 - Capellen.
 - Entzels höfe.
 - Winde.
 - Wasser.
 - Mühle.

numque injuria defenderent. Anno 788 Carolus Magnus primum Bremæ Episcopum dedit Wilhadum Anglum, qui singulari præditus pietatis studio eos à potestate tenebrarum liberaret. Episcopatus hic duravit ad annum 1101, quo in Archiepiscopatum mutatus est, designato primo Archiepiscopo Humberto, incertæ originis viro. Vtrum tunc temporis Brema pagus, an oppidum fuerit, non difficulter conjectari potest. Privilegia enim eximia, quæ à Carolo Magno impetravit, jus civitatis non dedisse, sed ornasse, ex privilegiorum verbis apparet; quamquam muros non habuerit: anno 1000 contra Danorum incursiones muro cingi cœpta est, cum anno 923 ab Hunnis bino incendio esset deleta. Exinde urbs in immensum crevit, quamquam diversis temporibus plurimas clades passa. Anno 1624 cælitus immissus ignis turri Orientalis portæ 40 vasa pulvere pyrio repleta incendit; quod incendium horribilis tectorum strages, & undecim personarum mors consecuta est. Anno 1648 minor cathedralis Ecclesiæ turris improvisa ruina hora secunda pomeridiana cum plurimis campanis decidens quinque homines attrivit, subtractis adhuc quibusdam semivivis. Anno 1647 horrendum tonitru turrim, in qua pyrius pulvis asservabatur, incendit; unde plusquam 600 domus corruerunt, & 30 aut 40 homines perierunt. Religio quoque hic ut alibi mutata: prima certe urbs Brema fuit, quæ Lutheri opiniones approbavit, & prima, quæ illis Calvini scita superinduxit. Exinde Reformatorum semper doctrinæ adhæsit, quæ adhuc ibidem viget, quamquam Lutherani etiamnum tolerentur.

*Prefectura
Bremenfes.*

Continet autem Brema in se multas Præfecturas, quarum prima *Vichlandica*, in circuitu quinque milliaria continet: trans Visurgim hæc sita, pinguis glæbæ & fertilissimis agris atque lætissimis pascuis abundans, habet parochias tres, pagos tredecim. Cæteræ cis Visurgim sitæ sunt, *Hollerlandica*, priori amplior, continens parochias tres, pagos tantum quinque, sed amplios. *Borchvaldica* autem, quæ continet Parochiam unam, dimidia pars est familiæ Brandorum. *Blocklandica* ad Wummam una itidem constat Parochia, at satis ampla, ex fœno & piscatione victum quæritans. *Werlandica* arenosa est in meditullio, qua Visurgim & Wummam attingit, præsertim qua Wummani Visurgim se exonerat, optima habet pascua; constat Parochiis tribus, pagis novem. *Blumenthalia* unam Parochiam, & pagos sex continet. *Nyenkirchen* unam itidem Parochiam, at pagos amplissimos habet. Ultra Gestam Fl. ad Visurgim situm est forum *Leeb*, & universa præfectura *Bederkesa* cum arce ejusdem nominis: Hujus præfecturæ circuitus est novem milliarium, habetque sub se Parochias septem, at pagos circiter novem.

Stada.

Sequitur proxima Bremæ urbs Hanseatica *Stada*, ad Suingam fluvium non longe ab Albi infra Hamburgum sita: Bertius, alique hanc Saxoniam omnium antiquissimam asserunt, quæ 323, vel, ut alii, 633 annos ante C. N. jam modo nomen habuerit, & Ptolemæo *Siatutanda* dicta fuerit. Vallo, fossis, muris, munimentisque & ar-

mamentario urbs in vim hostilem propulsandam armata est: habet 4 Ecclesias Parochiales & aliqua templa minora. Est & Cœnobium S. Georgii cum templo, ut & Gymnasium, in quo Latina, Græca & Hebraica linguæ, & artes Liberales docentur. Forum mercatorium, cum iisdem destinata domo & curia peregrinantium, curiosos oculos grata sui facie alliciunt. Privatorum ædes nitidæ & pulchræ; ingenia incolarum humana, & peregrinis excipiendis prompta. Aëris & caliditas clemens & salubris; soli circa urbem fertilitas mira; urbisque situs percommodus est, non tantum ad pascendos oculos, sed ad mercaturam exercendam, qua hæc urbs plurimum invaluit: Multis fruitur privilegiis, inter cætera monetam cudendi, & venationis potestatem habet. Omnes quoque naves, quæ ex Oceano Albim subeunt Hamburgum tendentes, ad confluentem Suingæ & Albi anchoram figere, & tributum solvere coguntur, exstructo in hoc propugnaculo, quod pertinaces in officio contineat. Si vina quoque Hamburgum devehantur, coguntur nautæ ex unoquoque vase vel vasculo, præposito telonii aliquid gustandi causa promerere; & si unum ex iis præposito placeat, æquo illud pretio divendere. Ob quæ privilegia multæ inter Hamburgum & Stadam similitudines exortæ sunt. Habet Stada plenum jus in suos incolas; ut & judicia in piratas & alios nefarios exercere potest. Fuit olim Comitatus, cujus incolæ *Stidingii*, *Stadingi*, & *Stadenfes* nuncupati sunt: anno 1234 & 94 graviter afflicti, cum à Papa & Imperatore Friderico II excommunicati & omnium bellis expositi essent. Nocuit iis plurimum objecta hæreseos infamia, ad quam delendam multæ undique gentes accurrerunt, qui eorum vires misere attrivere. Anno 1619 à Danorum rege occupata, gravem postea obsidionem diu tulit, donec tandem anno 1628 Comiti Tilly dederetur: anno 1645 à Suecis capta, adhuc ab iis possidetur.

Boxtehuda, olim Virginum Cœnobium eodem loco à Nobilibus quibusdam Familiæ Boxtehudæ fundatum, ita sensim creverat, ut tempore Rudolphi I, à Giselberto Archiepiscopo Bremensi urbis privilegia & jura acquireret, & tandem in fœdus Hanseaticum adisceretur. Sita est ad fluvium Estam, qui Albi infra urbem sociatur, cujus aquis ita augetur, ut satis magnis navigiis ad urbem aditum concedat. Ager circumjectus valde felix, præcipue Stadam versus, quæ hinc 3 mill. distat. anno 1424 Boxtehuda vano impetu à Luneburgenfi Duce, ut & anno 1551 à Comite Mansfeldio oppugnata est. Anno autem 1632 Achatio Suecorum Duci sese dedit, qui eam postea Archiepiscopatui restituit; donec anno 1645 à Suecis iterum occuparetur, qui urbem adhuc possident.

Vorda, Arx totius Archiepiscopatus munitissima, nuperis bellis Dano-Polono-Suecicis valde innovata: Adjunctum est illi oppidulum, antea pagus, ad Gestam fluvium non longe Episcopali urbe Verda situm. Luderus Saxoniam Dux hanc arcem primus condidisse fertur, quam deinde Bremenfes & Stadenfes Episcopatui adjecere; Bremenfes vero longe post tempore Archiepiscopo

scopo eripuerunt, in qua recuperanda multum temporis insumpsit. Anno 1632 Archiepiscopus Ioannes Fridericus adjuvantibus Suecis sedem hanc suam Archiepiscopalem Cæsarianis extorsit. Exinde controversia orta inter Archiepiscopi successorem Fridericum & Suecos, hi arcem vi ceperunt, quam tamen insequenti anno Archiepiscopus stratagemate recuperavit, & tertio anno iterum amisit. Pace demum Monasteriensis Suecis cum toto Archiepiscopatu concessa est. Insequentibus tamen bellis cum Dano, ab hoc occupata, & paulo post amissa, adhuc Suecorum sub potestate est.

Arces.

Sunt præterea & aliæ arces, inter quas hæ præcipuæ; *Bederkesa*, in Bederkesana Præfectura ditionis Bremensis sita, quod egregiis munitis & armamentario provisum est, annexum habens pagum, egregia, quæ ibi coquitur, cerevisia clarum; & *Ottersberga* non longe Bremâ sita. Anno 1627 à Cæsarianis primum vano conatu oppugnata, & dein tandem expugnata est. Receperunt eam Sueci anno 1645, & adhuc retinent.

*Episcopi
Bremenses.*

1 Primus Bremæ Episcopus fuit constitutus *Willehadus* à Carolo Magno anno 788, cui successit discipulus

2 *Willericus*, anno 790: illi

3 *Leudericus Superbus* anno 840. Porro

4 *Ansgarius* Archiepiscopus Hamburgensis, anno 850.

5 *Rembertus* Ansgarii adoptivus filius, miraculis clarus, anno 885.

6 *Adalgarius*, primum Coadjutor, dein anno 888 successor.

7 *Hojerus*, anno 909.

8 *Reginwardus*, anno 919.

9 *Vnni*, qui ad prædicandum Verbum in Sueciam abiit, anno 919.

10 *Adaldagus*, trium Imperatorum Othonum Cancellarius, obiit anno 988.

11 *Libentius* I Italus, obiit anno 1013.

12 *Vrsuannus*, mortuus anno 1029.

13 *Libentius* II, vita functus est anno 1033.

14 *Hermannus*.

15 *Bezclinus*, qui & *Alebrandus*, decessit an. 1043.

16 *Albertus*, è Bojoriæ Principibus ortus, denatus est anno 1072.

17 *Liemarus*, nobilis Bavarus, sub quo intermortuus est titulus Archiepiscopatus Hamburgensis.

*Archiepi-
scopi.*

18 *Humbertus*, vir incertæ originis, primus Archiepiscopus factus est, anno 1101.

19 *Fridericus*, anno 1114.

20 *Adalbero*, mortuus anno 1124.

21 *Hartwicus*, Comes Stadenfis, anno 1149.
22 *Baldwinus*, constitutus anno 1168.
23 *Siffrius*, Marchio Brandenburgensis, anno 1178.

24 *Hemicus* II, anno 1184.

25 *Waldemarus*, anno 1207.

26 *Gerardus* I, anno 1211.

27 *Gerardus* II, anno 1221.

28 *Hildeboldus* sive *Hildebrandus*, anno 1259.

29 *Giselbertus*, anno 1275, obiit anno 1306.

30 *Hemicus* I, cognomento *Golthorn*, quatuor tantum mensibus præfuit.

31 *Florentius de Brunckhorst*, obiit anno 1307; huic successit

32 *Ioannes Lundenfis*.

33 *Burckhardus de Grelle* Bremensis, anno 1327, decessit anno 1344.

34 *Otho* I, Comes in Oldenburg, anno 1345.

35 *Gotfredus*, Comes Arnsbergi, anno 1349, obiit anno 1359.

36 *Albertus*, Dux Brunsvicensis, anno 1359.

37 *Otho* II, Episcopus Verdenfis, anno 1395.

38 *Ioannes* II, anno 1406, mortuus anno 1420.

39 *Nicolaus*, Comes in Delmenhorst, an. 1421, obiit anno 1437.

40 *Baldwinus* II, decretalium Doctor & Abbas S. Michaelis Lunæburgi, obiit anno 1442.

41 *Gerardus* III, Comes Hoyensis, decessit anno 1463.

42 *Henricus* II, Comes in Schwartzburg, vir bellicosus, fato functus est anno 1497.

43 *Ioannes Rhode*, ex Patricia Bremensium familia, obiit Vordæ, anno 1511.

44 *Christophorus* Dux Lunæburgicus, antea Coadjutor, & Episcopus Verdenfis, obiit anno 1558.

45 *Georgius* Episcopus Mindenensis fratri successit, anno 1558, Georgio autem

46 *Henricus* III, anno 1567, anno 1585 vivis exemptus.

47 *Ioannes Adolphus* Dux Holfatiæ, resignavit Archiepiscopatum in fratrem

48 *Ioannem Fridericum*, anno 1596, qui anno 1634 decessit, successit

49 *Fridericus* Dux Holfatiæ, Christiani IV, Regis Daniæ filius; hic orto, anno 1644, inter Danos & Suecos bello, Archiepiscopatum amisit, & deinde Patri in regno Daniæ successit, cuius adhuc moderatur habenas.

Exinde Archiepiscopatus à Suecis occupatus, anno 1648 pace Osnabrugensi, ab Imperatore cum Episcopatu Verdenfi, immutato nomine, Ducatus factus est sub iisdem insignibus, ut Imperii feudum, adhuc Sueci possident.

L V N Æ B V R G V M

D V C A T V S.

Limes.

Silvarum
nomina.Metropolis
Lunaburga.

Vcatus Lunaburgicus affines habet Meklenburgensem Ducatum, Marchiam Brandenburgensem, Archiepiscopatum Magdeburgensem, Comitatum Schauwenburgensem, Episcopatum Bremensem, & Comitatum Oldenburgensem, quibus undique, uti & Albi & Visurgi, cingitur. Nomen habet à metropoli Lunaburgo, uti Brunswicensis à Brunswico, Bremenensis à Brema. Ad Saxoniam Inferiorem pertinet. Regio est numerosa, silvisque plurimis insignis, quarum nomina in tabula notata sunt, Raarbroeck, de Rooffkamer, de Grode, Bergerswald, Kralingerbroeck, Im Ringlow, Im Leven, Im Dromelinge, &c. Magna valtaque patet planities versus latus urbis metropolitanae, eaque deserta & inculta, quam *Lumenborger heide* vocant. Metropolis ejus est, uti jam dixi, *Lunaburgum*. Hamburgo abest milliaribus sex; Brema duodecim, Lubeca decem, Brunswico quindecim, Vlcena quinque, Winsēma duobus cum dimidio, Bardowico uno, Harborga sex. Nomen habet vel ab idolo Lunæ, quod monti, qui calcis nomine insignitur, quondam impositum fuit; vel à fluviolo præterlabente civitatem, qui nunc Elmena, olim Luno vel Lumenou vocatus fuit ab Ifide, uti fabulantur, iter faciente ad Gambrivium agnatum, loca tenentem, ubi nunc Hamburgum & Gramma sita sunt, quæ multis fluminibus rivulisque in Ducatu Lunaburgico & Marchia Brandenburgensi nomina vel à proprio nomine, vel forma Lunæ corniculatæ, qua culta fuit, imposuit. Estque verosimilius, ejus statuam monti impositam & cultam fuisse ab inquilinis, quam quod Iulio Cæsari id attribuunt Chronica Saxonum. Legere est in annalibus Verdensium Episcoporum, idolum hoc ablatum fuisse ab Egisto ex septuaginta discipulis uno, qui in hisce terris Evangelicam doctrinam professus fuit; & mox iterum ab incolis ad idololatriam prolapsis erectum, à Wiperto Abbate Anglico, Benedictinæ professionis, Episcopo Verdensi primo, destructum, & ab eodem ibidem loci cœnobium in honorem B. Mariæ Virginis gloriose ædificatum esse anno Christi 780. Vetus est civitas, ejus meminit historia Caroli Magni Imperatoris, quæ refert eam fuisse, antequam Bardewicum ab Henrico Leone Duce Baviaræ & Saxoniarum destructum esset. Destructo vero Bardewico, cum intra mœnia civitatis clauderetur vicus vel pagus *Medesforp*, ad orientalem veteris civitatis plagam situs, ad justam magnitudinem urbis excrevit anno 1190. Longobar-

dos Saxones hæc loca inhabitasse docent hæc vocabula, *Bardewick*, & *Bardengea*, Cathedralis Ecclesiæ Ramesloensis pagus. Est in hac urbe salis fons uberrimus, maximo Dei beneficio incolis concessus, cujus origo, quando nimirum incœperit scaturire, ignoratur. Ejus tamen mentio fit in historia Ottonis I. Et Helmoldus, qui historiam Slavorum scripsit, defensum ait fontem ab Henrico Leone Duce Baviaræ, & Saxoniarum Electore, Palatinoque ac Principe Lunaburgico contra scaturigines falsas in Oldeslo repertas, quas obstrui jussit, ne quid Respublica Lunaburgensis detrimenti caperet. Sub pronepote vero ejus Ioanne Duce Lunaburgensi longe uberiores aquæ falsæ eruperunt. Gaudet privilegiis insignibus civitas, & ludis ornata est equestribus, qui solito more celebrantur feria quinta ante Bacchanalia à patriciis, qui bonis salinariis frui cupiunt. Instituti sunt anno 1269. Muria hujus uberrimi fontis olim urna ingenti pendula ad trabem mobilem antiquissimæ columnæ impositam per proceræ staturæ viros extracta fuit, usque ad annum 1569, quo salinæ mutatio facta est, Præfecto tunc temporis prudentissimo viro Georgio Tœbingio, & per siphonem magnum in profundo putei positum exhauriri cœpit, inque quinquaginta quatuor casas distribui: quarum quælibet continet sartagine quatuor; in quibus, quod mirum, ex plumbo factis, muria infusa dies noctesque coquitur, & binis horis maturatum sal in domos ad hoc fabrefactas vehitur, vel venditur. Sartagine etiam deficientes ex ignis ardore, intra dies quatuordecim fere liquescentæ rursus reficiuntur. Omnibus civibus & inquilinis muriam ad condiendas carnes petentibus sine precio hinc petere licet. Proventus vero hujus salinæ Ecclesiasticis cedunt; ut de bonis salinariis victitent non tantum patritii, sed & religionis literarumque publicæ professioni consecrati: ut quæ alibi honoraria sunt, merito illic salaria ex re vocari possint. Salinæ duplices sunt, veteres & novæ. Illæ contiguæ urbis muro: hæ in ipso urbis meditullio. Adeo nunc crevit, ut cum præcipuis Germaniæ civitatibus certare possit, tum benigna rerum copia, tum ædificiorum magnificentia, situs opportunitate, civium frequentia, humanitate, & fortitudine, tum denique nominis celebritate. Cælum habet tersum & salubre, agrum fertilem. Vix ulli Anzeaticarum cedit. Monasteria quondam habuit quatuor. Primum ad D. Michaëlem, ordinis D. Benedicti, quod in monte prius situm fuit, cujus fundamenta jecit Otto Magnus, Dux Saxoniarum, pater Henrici Aucupis Imperatoris. Secundum D. Virgini Mariæ consecratum, ordinis S. Francisci. Tertium Vallis sacræ, sive Præmonstratensium. Quartum Paulinorum, nunc gymnasio litera-

Fons Salis.

Cella.

terario inferviens. Quibus & addi potest Præpositura ad S. Ioannem, ex Archidiaconatu in Medestorp nata, & Collegium Conventualium fratrum, vulgo *der Salandes Herin*. Hodie templa Augustanæ Confessioni addicta sex habet, primum ad D. Ioannem. Secundum D. Michaëli sacrum. Tertium ad D. Lambertum. Quartum D. Nicolao nuncupatum. Quintum D. Virgini. Sextum S. Sancto. Otto I ditionem istam erexit in Comitatum, adjunctis ei prædiis ex agro Megapolensi. Fredericus II ex Comitatu Ducatum fecit. Henricus Leo exutus Bavaria, Saxoniaque proscriptus ab Imperatore, hanc urbem cum Brunsvicensi adhuc retinuit.

Cella.

Sed antequam ulterius progrediamur, silentio prætereunda non videtur urbs *Cella*; quippe quæ pulcherrimam & splendidissimam omnium urbium Lunæburgensis Ducatus arcem habeat, sedem ordinariam Illustrissimæ huiusce familiæ Ducalis, ut & Ducis illius, qui nunc rebus præest. Fuit antea *Vetus*, jam dicta *Cella*, quæ quarta miliaris parte nostra *Cella* distat. Quo tempore hæc nova seu recens *Cella* condita sit, ignoratur; anno saltem 1292 Othonem Ducem Brunsvicensis & Lunæburgicum jus civitatis illi dedisse, & alia iura ac privilegia, annales testantur, non inferiora Lunæburgensibus. Situs urbis peramœnus est inter Brunsvicum & Lunæburgum, duobus fluviis *Fusa* & *Allera* humectatæ, qui piscibus abundant. Receptaculum est mercibus mercatorum, qui *Bremam* & ad alia *Visurgi* adfita loca tendunt; unde non modicum urbi incrementum accedit, maxime tamen ob dictam hic constitutam aulam Ducalem, quæ plurimos mercatores allicit, ita ut omnium ad vitam delitiose sustentandam copia huc advehatur maxima. Muris, vallo, fossis valde latis, & ad hodiernam normam confectis propugnaculis satis tuta est; ædium splendore, civium multitudine, platearumque nitore considerabilis. Inter ædes tamen eminet Domus Publica seu Curia, quo Senatus cum Syndico convenit, maiorem & minorem jurisdictionem exercens; habet hæc atria amplissima, in quibus Nobiles & ditissimi ex civibus nuptias celebrant: ante curiam nocturnas civis vigilias agunt; infra quam *Cella* vinaria publica est, ubi omnis generis vina & optimæ notæ cerevisiæ venduntur. Prope arcem eximium ædificium conspicitur, quod Cancellariæ Principis inservit. Urbs unam tantum Ecclesiam Parochialem habet, sed quæ ingenti multitudini sufficit: est præterea etiam in arce templum, quod aulici maxime frequentant; in parochiali tamen Duces plerumque sepeliuntur, quorum monumenta superba curiosos spectatores diu detinent. Est & in ea Bibliotheca in usum Concionatorum, & eorum, qui juventutem humanioribus artibus imbuunt. Ex quatuor, qui sacris præsunt, Pastoribus, quartus totius Ducatus Superintendens Generalis est: Conspiciuntur etiam extra urbem egregia suburbia, in quibusdam Xenodochia & gerontotrophia complura. Temporibus Suecici belli urbs hæc certissimum circumjectis populis refugium fuit, hostibus intacta, quod ipsi urbi Lunæburgo non obtigit, quæ semel à Suecis capta,

Germania.

sed iterum à Duce Georgio, auxilium ferente Cæsare, recuperata fuit.

Urbes etiam alias habet Ducatus Lunæburgensis, licet minus celebres, quales sunt *Harburga* è regione Hamburgi posita in Albis ripa; *Winsena* ad fluvium *Lubr* jacens; *Witzena* in ipso fere regionis meditullio; *Bardwicum* vicinum maxime Lunæburgo, & *Danneberga*, Comitatus titulo decorata.

Ex castellis hæc præcipua sunt: *Harbourg*, *Gifhorn*, *Winsen* & *Fallerchleben*. Sunt præterea præsidum & gubernatorum multæ ædes optimè constructæ, & egregia cœnobîa, è quibus sex adhuc restant, quæ virginibus Augustanæ Religionis inhabitantur; quibus tamen, si optata conjugia contingant, nubere licet. Nobilitas quoque eximia possidet prædia, & non minus uberes quam amœnos pagos sibi subjectos habet.

Quod soli fertilitatem attinet, ea quidem in illis oris modica, quæ fluviis vicina sunt: alia vero loca, imprimis quæ intermedia, sterilia & sylvis horrida sunt; quare incolæ plurimos ovium greges pascunt, & apum curam habent. Vinum hic nascitur nullum, quia aer nimis frigidus, & cœli inclementia id non permittunt. Coquitur vero ex hordeo cerevisia satis grata & valetudini conducens. Salinæ quoque inter terræ munera recensentur, quarum hic magna copia.

Inter fluvios, qui Ducatum Lunæburgensem irrigant, hi maxime numerantur; *Albis*, cui tria imposita à Duce telonia, *Snakenburgi* nempe, *Hitzackeræ* & *Blekedæ*; *Ietza*, *Elmenau*, *Lubna*, *Seva*, *Spinga*, *Allera*, *Ocher*, *Leina*, *Isa*, *Lacha*, *Ortza*, *Böma*, &c. quorum magna pars *Albi*, reliqua se *Visurgi* conjungit. Sylvæ, quarum magna copia, porcis aliisque animalibus faturandis aptæ, non minorem tamen voluptatem præbent in venationibus, quippe quæ cervis, damis, apris, leporibus, lupis, vulpibus, aliisque, & omnis generis avibus abundant.

Bernardus Magni Torquati filius, in divisione cum fratre Henrico facta, Lunæburgensem Ducatum accepit, cui emptione adjunxit Comitatum *Homburgensem* cum urbibus, oppidis & pagis annexis; obiit hic *Bernardus* anno 1434; filios habuit *Othonem* *Claudum*, maritum *Elizabethæ* filiæ unicæ Comitissæ ab *Eberstein* & *Domini de Lippe* (quæ hoc Comitatu illius familiam adauxit) mortuum absque prole, &

Fridericum Religiosum, mortuum *Cellæ* an. 1478. Filii ejus fuerunt *Bernardus* & *Otho*, qui ambo vivente patre successive Ducatum administraverunt; mortui ambo ante patrem.

Henricus *Othonis* filius successit avo, & decessit an. 1532. Filios sustulit è conjugē *Margaretæ Ernesti* *Saxonie* Ducis filiæ, *Othonem*, è quo Duces Lunæburgici de *Harburg* orti sunt, *Franciscum* Dominum in *Gifhorn*, mortuum an. 1549 sine mascula prole, & *Ernestum* Ducem Lunæburgensem in *Cella*.

Ernestus, ducta in uxorem *Sophia* *Henrici* Ducis *Megapolitani* filiæ, obiit *Cellæ* an. 1546, è quo nati sunt *Franciscus* *Otho* natus an. 1530, maritus *Elizabethæ* filiæ *Ioachimi* II, Electoris *Brandenburgici*, & denatus tertio post nuptias mense,

V u u u

anno



anno 1559; Fridericus, mortuus anno 1553; Henricus, è quo Duces Lunæburgici de Danneberg, &

Guilielmus Dux Lunæburgicus, Cellæ natus an. 1535, qui uxorem duxit Dorotheam filiam Christiani III, Regis Daniæ, & obiit an. 1592; relictis septem filiis & octo filiabus, quorum natu major

Ernestus an. 1564 natus, patri successit, concessio fratribus annuo aliquot millium thalerorum redditu, qui mire concordēs fuere, ita ut novum concordie fraternæ exemplum essent. Inter hos fortitudine eminuit Princeps Georgius, qui ultimis Germaniæ bellis Achillis Christiani cognomen apud Scriptores meruit. Ernesto mortuo an. 1611, successit frater

Christianus, sub quo Principatus Grubenhagen Ducatui Lunæburgensi annexus fuit: decessit an. 1633. Hunc secutus est alius frater,

Augustus, Episcopus Ratzeburgensis, qui anno 1636 obiit. Regimen suscepit frater

Fridericus, Coadjutor Episcopatus Ratzeburgensis, & Prior præcipuus Bremensis, obiit anno 1648.

Christianus Ludovicus, Georgii, ex Anna Eleonora Landgravii Hassiæ filia, filius, successit patruo, concessio fratri Georgio Gulielmo Principatu Kalenbergensi cum urbe Hanover.

Sed quanquam Lunæburgicus Ducatus quasi ^{*Iuris forma.*} cor & intimum sit Veteris Saxoniæ, neque incolæ minus generosi, affabiles, casti & fortes veteribus Saxonibus, alio tamen iure utuntur, & ad statuta Imperialia & Pontificalia se plurimum dirigunt: sunt tamen urbes, quæ sua jura, & statuta habeant. Principes quoque egregia decreta constituerunt, quæ causas Ecclesiasticas & civiles spectant: Ecclesiasticæ in Theologorum & Iuriconsultorum Consistorio deciduntur; civiles vero & criminales in Cancellaria determinantur, cujus caput Ducis substitutus; Cancellarius, Consilarii, alique, populi lites cognoscunt, & summa æquitate dijudicant. Præterea conventus certo tempore indicuntur in aulam, ad quos unusquisque appellare potest, si non ante ad Cancellum appellaverit. Potest equidem hinc appellari ad Cameram Spirensensem, ubi lis duo florenorum millia excedit.



BRUNSVICENSIS

DUCATUS.



Origo.

Runsvicensis ditio est amplissima, à Magdeburgensis & Halberstadiensis Diœcesis finibus, & ab Hercynia silva ad Albim usque excurrrens. Crevit suis successibus, uti solent rerum magnarum parva esse principia. Ex vico facta est urbs, inde abiit in Comitatum, ac tandem sub annum Christi 1230 factus est Ducatus à Frederico II Imperatore, divisa tunc ea ratione Saxonia, ut Ducibus Brunsvicensibus ex domo Saxonica ortis magna admodum Saxonix pars cederet, Saxonix vero Ducibus cum magno titulo exigua ditio superesset.

Qualitas.

Regio adeo fertilis est, ut plurimis in locis aristæ longitudine sua hominem equo insidentem superent; vinum autem hic nullum provenit, & valde carum est; qua de causa pauci illud bibunt, cerevisia quæ ibidem coquitur, contenti: hæc autem adeo bonæ notæ, ut plurimas Europæ regiones nominis sui fama impleat, *Die Brunsweiger Wommi* dicta. Incolæ quoque ultra hanc adeo lardo, carni falsæ, aliisque similibus duræ digestionis cibis indulgent, ut non nisi summo cum dolore iis carere possint. Affabiles aliàs, humani & hospitales: religio illis Lutherana. Nobilium hic tanta copia, ut nullus in Germania Princeps parvo spatio temporis majorem equitatum colligere possit: quippe Dux Brunsvicensis ex Ducatu & Episcopatibus suis ad undecim millia equitum armis equisque optime instructorum intra paucos dies ostentare potest.

Mores.

Metropolis
Brunsvigia.

Metropolis ejus est *Brunsviga*, condita à Brunone Saxonix Duce, à quo etiam nomen habet. Frater ejus Danewertus vel Tanquardus arcem condidit, quam de suo nomine Danckwerderodam appellavit. Hæc nunc pene collapsa est. Templum B. Iacobi iidem fratres extruxisse perhibentur. Nova urbs Brunsviga autorem habet Henr. Aucupem. Templum vero quod in ea est cathedrale, fundavit Henricus Leo, qui idem S. Catharinæ ædem struxisse dicitur. Tanta nunc ejus est præstantia, ut neque magnitudine, neque pulchritudine, neque victus commoditate ulli civitati in Germania cedat. Duo millia passuum complectitur suo ambitu, tantumque fere patet latitudine, quantum longitudine. Ad Orientem habet Diœcesin Magdeburgensem, ad Meridiem nemus Hattonicum, quod pars est sylvæ Hercyniæ. Occasum versus est Episcopatus Hildeshemius. Ad Arctum Ducatus Luneburgensis. Urbem perlabitur fluvius Onacra, ortus ex silva Hattonica. Mœnia habet duplicia, fossas duplices, fora quinque, totidem prætoria & Magistratus. Cives libertatis amantes

Germania.

sunt, opifices industrii: Magistratus gravis & prudens. Anno Christi 1229 mortuus est Dux Henricus Elector Palatinus, Dominus Brunsvicensis, relictis post se duabus filiabus, quæ urbem Henrico Cæsari Friderici filio vendiderunt. Permolesse id tulit Otto Luneburgi Dux, ad quem hæreditatis jure urbs pertinebat. Itaque manu duorum millium equitum contracta, adjuvantibus civibus clam urbem invasit, & cum præfidiario milite conflixit, eumque expulit. Inde habita ad cives oratione promisit ampla ipsis privilegia, si se reciperent, quæ etiam admittus dedit. Hinc tanta urbi libertas. Reconciliatus Frederico Imperatori Otto Ducis titulum obtinuit, & eorum, quæ fecerat, confirmationem. Anno Christi 1292, defuncto Guilielmo, distracta est civitas in factiones duas. Populus enim Tribunos plebis constituerat, qui se Senatui opponerent, quoties aliquid statueretur, quod ipsis displiceret. Forte autem decretum fuit aliquid, in quo civium maxima pars Senatus partes sequebatur, Tribus vero sententiam Tribunorum suorum duodecim, quos ipsi elegerant; quumque eo tempore in urbe esset Henricus Dux, cognomento Mirabilis, qui Tribunos istos plebis cum suis tuebatur, tribunitii sigillum literasque ei tradiderunt, rogaruntque ipsum, ut quum senior esset, præ minore fratre civitatem obtineret. Ægre id tulit Senatus cum meliore civium parte, quocirca fœdus ipsi cum Alberto fratre minore fecerunt clanculum, eumque noctu in urbem admiserunt. Is occupata Curia novæ urbis Præfectos tribuum capit & urbe pellit. Capit & duodecim viros, atque ex his decem suspendit, uni caput detruncat, duodecimus fuga sibi consulit. Etsi vero noctu urbem invasisset, militesque duxisset prædæ avidos, ita tamen eos cohibuit, ut nemini civium injuriam fecerint, aut cujusquam bona rapuerint. Urbe potitus, præsidia disposuit necessaria, & evocatos ad se rerum novarum studiosos ita oratione delinivit, ut eum fratri majori prætulerint, Dominumque agnoverint, pulso Henrico Mirabili. Anno Christi 1492 ingens dissidium extitit inter Henricum Seniore & civitatem, ob bona, quæ in agris possidebat respublica Brunsvicensis. Cum enim ab ea postularet, ut communia onera cum reliquis sibi subditis ferret respublica, utque solveret vectigal mercium, quæ vel importarentur, vel exportarentur, neutrum obtinuit. Otto itaque bello & obsessa irrita conatu urbe, cum eadem certis legibus in gratiam rediit. Anno 1542 ab Henrico Iuniore Duce Brunsvicensi oppugnata iterum & divexata urbs fuit: cum nullum sanis pacis consiliis locum relictum videret, imploravit opem Ioannis Frederici Electoris Saxonix, & Philippi Lantgravii Hassiæ, quorum fœderata erat. At hi iusto exercitu arcem *Wolfsbittel* invaserunt,

X x x x

eam-



Hoye Comitatus pars.

DUCATVS BRUNSVICENSIS forisq; LUNENBURGENSIS

MARCHIA BRANDENBURGENSIS PARS.

DUCATVS BRUNSVICENSIS
forisq;
LUNENBURGENSIS.
Cum adjacentibus Episcopatibus, Comit.
Domin. etc.
DESCRPTIO GEOGRAPHICA
per annos aliquot concinnata, et
Rev^{mo} Ill^{mo} ac Cels^{mo} Principi ac Ducib.
Brunsvic. et Lunenburg. dicata ab observato-
re et Elaboratore Caspare Dautheidey
Architecto et Mathematico Guelphico.

Speculator, Extrema cuiusq; territorij ac
diocesis, litoris, portus determinata, ac pro-
inde minus certa, indicanda, et officiosa, per
tactum autem, et innotum, 6. pedes longi, in
aula Guelphica Poli elevat, supra 52. gradus, in
ter. 9. et 10. minuta, exactissime, et observata, et
super hanc basim totius Tabulae, structuram
verissimam scribit auctor.

Milliaria Germanica communia

HAS SIÆ PA RS.

THU RINGJÆ PARS.

eamque in fidem suam redegerunt pulso Duce. Religionem quoque mutarunt, civibus ad eam rem operam suam accommodantibus. Anno Christi 1550 obsedit eam iterum Dux, quumque in alterum usque mensem durasset obsidio, jamque annona ingravesceret, edicto Cæsaris ab armis discedere utraque pars iussa est, & controversias suas jure disceptandas committere. Tandem anno 1615 obsidione urbem cinxit Henricus Iulius, evocatis etiam in auxilium copiis Regis Daniæ Christiæni, affinis sui. Sed quum Anseatici fœderis civitates suppetias ferrent, Ordinesque Fœderati Belgii misso Henrico Frederico Nassovio, Principe Auriaco, & Hollandiæ tum, Zelandiæ, &c. Gubernatore, à partibus civitatis starent, exercitumque finibus Brunsvicensis territorii admovissent, soluta est obsidio, & concepta quædam perpetuæ ac duraturæ concordiæ capita.

Helmst. Brunsvico nulla urbs dignius succedere potest ac *Helmstadium*, quæ originem suam Carolo Magno acceptam refert, à quo precibus S. Ludgeri sui Concionatoris inducto, anno Christi 782 condita est, ita ut excepto Bardevico antiquissima Saxoniarum urbs sit. Sita est ad amœnum saltum *Elmum* dictum, unde aliqui urbi nomen inditum existimant, 4 mill. Wolferbuta distans. Anno 1489 comparavit eam magna argenti summa Wilhelmus Dux Brunsvicensis & Lunæburgensis, ab Antonio Abbate Wehrdeni & Helmstadiensi, cui insequenti anno cives Helmstadienses sacramentum dixerunt. Urbs, quatenus magnitudinem suam, adjunctis suburbiiis modica est, & muris, vallo fossisque cincta, ita ut olim satis munita fuisse videatur. Templum in ea inveniuntur tria, Cathedrale S. Stephani, S. Augustini, ac S. Walburgis: prius illud S. Stephani ex quadrato lapide structum firmi operis est, & grandibus campanis ornatum. In foro quoque Curia est, itidem ex quadrato lapide erecta. Extra urbem in fine suburbiorum duo eximia Cœnobium sunt, quorum alterum Orientem versus à S. Ludgero fundatum, & ejus nomine insignitum est, in quo adhuc primum Oratorium, quod ipse extrui curaverat, conspicitur, jam modo per 870 annorum spatium consistens. Alterum vero virginum Cœnobium Occidentem versus in amœno monte situm, originem Wolfgango Abbati Wehrdeni & Helmst. debet; quæ duo Cœnobium urbi non parvum ornamentum adferunt. Plurimum tamen decoris & famæ Academia Iulia adfert, quæ à Iulio Brunsvicensium Duce anno 1576 fundata est; multisque privilegiis ab Imperatore Maximiliano II dotata, ita ut præter concessa Academiis Bononiensi, Patavinæ, Parisiensi aliisque privilegia, illud peculiare habuerit, quod Rectores titulum & dignitatem Comitis Palatini haberent, quo potestatem creandi Notarios publicos acceperunt. Filius Iulii Henricus Iulius, primus Academiae Rector post Patris mortem, novum Collegium ex quadratis lapidibus erexit, & Iulii novi titulo consecravit: Hujus vero filius Fridericus Vlricus eximia & multis Hebraicis, Græcis, Latinis, &c. manuscriptis referta Bibliotheca Academiam ditavit & ornavit. Inter cla-

ros in hac Academia Professores Georgius Calixtus enituit

Hannover. Hannovera præcipua Ducatus Calenbergici urbs ad Leinam fluvium in grata planicie, virentibus circumcirca pratis uberibusque campis, & amœno saltu cincta, sita est. Multis ab Henrico Leone Saxoniarum Duce privilegiis aucta, quatuor annuas nundinas habet, quæ à Germanis non solum, sed & ab exteris frequentantur. Celebre quoque hic est Gymnasium, in quo ingenia Græca, Hebraica, Latina & aliis linguis ac artibus liberalibus imbuuntur. Spectantur præterea in urbe tres Ecclesiæ parochiales, tres turres, diversa orphan- & ptochotrophia, & fons artificiosus, qui rotis quibusdam aquam in altum agentibus per areos canales eandem in urbem immittit, ubi dein iterum in altum aqua erigitur, & per 16 canales per totam urbem circumducitur. Maximum civibus ex cerevisia lucrum, quam in exteris regiones devehunt. Regimen urbis 30 personis constat, inter quas duo Consules alternis annis & vicibus rempublicam administrant, quibus unus Syndicus, undecim Senatores & duo Secretarii adjunguntur, ut & septendecim viri qui jurati appellantur, & proprium caput habent, cujus officium novum Consulem, novum Senatum, &c. eligere, & providere, ne quid respublica detrimenti accipiat. Nuperis bellis à Duce Georgio fortissimis propugnaculis undique munita, hostium vires tuto eludere poterit.

Wolferbuta. Wolferbuta Arx celebratissima, cum adjunctis duabus urbibus Henricopoli & Augustopoli, inter paludosa loca sita, hostibus à duobus lateribus accedendi copiam denegat; continua nunc Ducum sedes. Primus hujus conditor Dux Eckbertus fuit ad annum Christi 1046, qui ad Ockeram fluvium pervetustam illam & rotundam turrin condidit, quæ etiam nunc ibidem conspicitur. Exinde à diversis Principibus aucta & munita, tandem ab Augusto anno 1642 tantopere munimentis, structuris & eximiis ædificiis in id fastigium erecta est, ut præcipuis urbibus annumerari mereatur.

Anno 1568 Iulius, conditor Academiae Iuliae, Erico Iuniori succedens, ditionem Brunsvicensem, Calenbergensi domui adjunctam occupat: quam in duas regiones usitate distinguunt. Superior, Transylvana, Gottingam metropolim, & Mundam ad Visurgis & Fuldae confluentem, Senatus aulici sedem, Ericoburgum & alias arces ac præfecturas circiter viginti continet. Inferior, Deistro, & Leinæ fluvii interjecta, civitates Hannoveram, Neapolim, Hamel, Munder, Bodenwerder, Pattenfen, Wunstorff, Grunam, Lawenstein, arcem Calenberg, &c. complectitur. *Leina* vero fluvius in ditione Hennebergensi, ad pagum *ἐπαύριον*, uno milliari ab oppido Meiningen versus ortum scaturiens, longis ambagibus tandem in Ducatu Brunsvicensi urbem *Gottingen*, Alfeld, Grunaw, Calenberg, *Hannover*, Neapolim, alluit. infra quam, prope pagos Ducatus Luneburg, Bothmar & Alden, nobilium sedes, uno supra Retham milliari, in Alleram illabitur, atque inde Verda, Episcopi sede prætervecta, Visurgi tandem miscetur. *Deister*, non

non fluvius sed sylva est, & mons ingens, in Comitatu Schaumburgensi exurgens, & Calenbergam arcem versus aliquot milliaria porrectus. Alius vero est Vnster fluvius, supra Goslarum ex Hercynia promanans, qui Hildesiam & Sarstedt oppidulum; sesquimilliarum Hildesiam distans, allabatur, nec procul inde à Leina fluvio absorbetur. *Allera* vero, in Diocesi Magdeburgensi, prope arcem Egenstedt, sedem Aschenburgiorum oritur, & Wolffsburgum seu Welforum, clarissimæ familiæ Bartelsbiorum arcem, & Cellam aulæ Ducum Luneburgensium, & Verdam Episcopi sedem, præterlapsus; quatuor supra Bremam milliariis se in Visurgin exonerat, & nomen magno perdit in amne minor.

Duces
Brunsvi-
censes.

I. Otto Primus dictus Puer titulum Ducis à Friderico II Imperatore consequutus, ad Brunsvicensem Ducatum augendum ornandumque animum applicuit, emptis partim, partim ab Imperatore dono acceptis agris permultis. Luneburgensibus leges & jura dedit. Obiit anno 1252. Vxorem habuit Mechtildem filiam Alberti Marchionis Brandenburgici: filias quatuor, Helenam, Alberti I Saxonie Ducis uxorem: Elisabetham nuptam primum Henrico Lantgravio Hassiæ, postea Guilielmo Hollandiæ Comiti, electo Romanorum Regi: Agnem Wenceslai conjugem Rugiorum Principis; & Mechtildem Henrici Senioris Ducis Anhaltini.

II. *Albertus Magnus* divisa post obitum patris ditione factus est Brunsvicensis Dux; vir fuit belli amans. Condidit Hartburgam & Otterspergam. Obiit anno 1279, sepultus est Brunsvigæ. Vxores ei fuere, prior quidem Elisabetha, filia Henrici II, Ducis Brabantie: posterior vero, Alexia filia Aldobrandi II, Marchionis Estensis ex Anna Scaligera. Frater Alberti Ioannes, Dux fuit Luneburgensis. Is urbi jura, leges, immunitates dedit.

III. *Albertus Pinguis* Gottingam initio habuit: post obitum vero fratris Guilielmi etiam Brunsvigam, diu admodum prudenterque rexit, charus suis, obiitque anno 1319. Vxor ei Rexa Vandalorum Ducis filia. Ab Henrico porro profecti sunt Duces Brunovicensis Grubenhagii. Ab Alberto vero Pingui usque adhuc sequitur perpetua series Ducum.

IV. *Magnus* Alberti filius uxorem duxit Agnem filiam Henrici, Marchionis Brandenburgici, qui *sine terra* dictus est, auctusque per uxorem oppidis Sangershausen, Potersberg, Lechstaet, & Lansperg, aliisque aliquot.

V. *Magnus Torquatus*, Brunsvicensis & Luneburgensis Dux, nomen ex eo habuit, quod argentea catena insignis semper incederet. uxor ei fuit Catharina filia Waldemari, Marchionis Brandenburgici.

VI. *Henricus* Dux Brunsvicensis, ac sequentium Ducum caput, Princeps fuit singulari virtute. Obiit anno 1416; uxor ejus prior fuit Sophia, filia Vratislai Ducis Pomeraniæ; posterior Margareta, filia Hermannii Lantgravii Hassiæ. A fratre Henrici Berkhardo profecti sunt Duces Luneburgenses, quorum illustre nomen etiam nunc viget floretque.

VII. *Guilielmus Victoriosus*, à septem præliis, quibus victor evasit, ita dictus fuit. Hic patruo suo Bernhardo Torquati filio ex pacto concessit Ducatum Luneburgensem, servato sibi Brunsvicensi; vixit annos nonaginta: uxor ei Catharina, filia Friderici primi, Electoris Brandenburgici.

VIII. *Guilielmus Junior*, uxorem habuit Elisabetham filiam Botonis, Comitis Stolbergici. Obiit ipse anno 1495.

IX. *Henricus Senior*, Henrici Senioris frater, Guilielmi filius, Princeps bellicosus. Obiit autem in Frisia in obsidione arcis Otthæ, ictus globo tormentario anno 1514. Situs est Brunsvigæ ad S. Blasium. Vxor ei fuit Catharina filia Erii II, Ducis Pomeraniæ. Ericus vero Junior uxores habuit Sidoniam filiam Henrici, Ducis Saxonie; & Dorotheam filiam Francisci, Ducis Lotharingiæ.

X. *Henricus Junior*, Senioris filius, natus est anno 1484. Adultus maximam occupavit Episcopatus Hildeshemiensis partem. Suppetias tulit Georgio Saxoni, & Philippo, Lantgravio Hassiæ, in tumultu Rustico. Obiit anno 1568. Vxor ei prior filia Henrici, Comitis Wittenbergici; posterior Sophia, filia Sigismundi, Regis Poloniæ. Fratres ejus functi sunt Ecclesiasticis dignitatibus. Christophorus & Georgius, fuerunt Archiepiscopi Bremenses; ille ab anno 1551 ad annum usque 1558. Hic ab anno 1566 deinceps. Fridericus fuit Episcopus Mindensis. Ericus Commendator Teutonicæ Domus. Guilielmus Commendator Miroviensis.

XI. *Iulius* natus anno 1528, & à patre infans destinatus, post obitum fratrum majorum Ducatum suscepit. Academiam Helmstedtii erexit, anno 1576, quæ ab ipso felici augurio *Iulia* dicta, æternam servat virtutis ejus laudem. Ad hunc etiam devoluta sunt bona Erii Junioris, qui sine prole extinctus est anno 1584. Porro Iulius post vitam laudabiliter actam, obiit tandem anno 1590. Vxor ei fuit Hedwigis, filia Ioachimi II, Electoris Brandenburgici.

XII. *Henricus Iulius*, postulatus vivente patre Episcopus Halberstadenensis, & ejusdem post mortem successor, è posteriore conjugio Elisabetha, Friderici, Regis Daniæ filia, filios sustulit Fridericum Vricum anno 1591, Christianum anno 1599, Bello Palatino-Bohemico Ducem clarissimum, & Rudolphum, anno 1602.

XIII. *Fridericus Vricus*, Patri succedens, obsedit Brunsvicum, irrito conatu. Obiit hic Princeps sine prole, 11 Augusti anno 1634: & in ipso linea Brunsvicensis, scilicet à Wilhelmo Victorioso descendens, finita est: succedentibus agnatis Luneburgensibus: quorum Seniori Augusto, qui antea Dannebergæ resederat, pars Ducatus Brunsvicensis, illa quæ Guelferbytana dicitur, cessit; pars altera, cui Calebergensis appellatum nomen, filiis Georgii, Saxonie Inferioris generalis, obtinetque illam hodie.

XIV. *Georgius Wilhelmus*, Hannoveræ residens, redditam scilicet ipsi à fratre majori Christiano Ludovico, cum huic Luneburgensis, parte Cellensi, Ducatus obvenisset.

ARCHIEPISCOPATUS MAGDEBURGENSIS.

Termini.



Archiepiscopus Magdeburgensis circa Albim fluvium maxime situs, & inter decem Episcopatus, quos in Saxonia Carolus Magnus instituit, celeberrimus, ab Oriente Saxoniam & novam Marchiam Brandenburgensem, à Septentrione veterem Marchiam, ab Occidente Brunsvicensem Ducatum, à Meridie vero, Halberstadiensem Episcopatum & Anhaltinum Principatum respicit.

Archiepiscopus.

Primum Stydæ sedem habuit, in Comitatu Dominorum de Schwaleworth, qui nunc de Lippia appellantur, ac postea translatus est ad Watersleve, ac tandem per Ottonem I Imperatorem, anno 930 *Magdeburgum* ad Albim, flagitante id uxore Editha. Hæc enim locum istum, quod esset dotalitius, quodque ipsa amoenitate & commoditate ejus delectaretur, dilexit. Precibus ergo contendit ab Imperatore marito, ut sibi urbem illic condere liceret: neque id difficulter impetravit. Mulier ergo in agro dotali urbem conditura, unde potuit commodius nomen petere quam à sexus sui flore? Vocavit igitur *Magdeburgum* à virgine, plane ac si dicas *μαρθευμένη*, & signum urbi dedit, virginem in arce stantem cum ferto virginali. Urbem quoque ipsam impetratis ab Ottone privilegiis ornavit, effecitque ut negotiatores in Albi flumine prærogativas multas haberent. Instituit quoque nundinas, & Episcopalem sedem transtulit de *Watersleve*, uti supra dictum, ubi eam pater ante collocarat, in novam hanc urbem, impetravitque ei à Pontifice jus Archiepiscopatus, ut esset omnium Vandalicarum urbium Metropolitana, haberetque sibi subjectas Ecclesias Mersburgensem, Misnensem, Citzensem, Havelbergensem, & Brandenburgensem. Ipsa vero Imperatrix Editha post obitum (sic enim jusserat) sepulta est Magdeburgi, in cœnobio Benedictinorum, anno 948. Cœperat quidem Carolus Magnus locum illum, quod commodus esset mansioni suæ, & figendæ sedi belli, ornare, itaque & B. Stephani templum illic condidit, quod postea una cum oppido ab Hunnis vastatum est, & arcem fecit, quam Witekindo donavit: & Burggraviatum illic constituit, & Rulandi statum ingentem erexit, quæ etiamnum in foro conspicitur. Cathedrale templum Mauritio dicatum votivum est. Episcopatus in Archiepiscopatum ab Ottone mutatus est. Anno 1566, cum supremum Collegium Magdeburgense, penes quod eligendi potestas est, abolita Catholica, Augustanam amplecteretur religionem; nec

jam Archiepiscopum Pontifici Maximo additum, sed suæ religionis Principes expeteret; Administratorem Primatus & Archiepiscopatus designarunt Ioachim Fridericum, Ioannis Georgii Electoris Brandenburgici filium, eo tempore, unicum, præscriptis à Collegio supremo Ecclesiæ cathedralis Magdeburgensis conditionibus & articulis certis, ab ipso & patre Ioanne Georgio Electore Brandenburgensi approbatis, & jurejurando electi Episcopi confirmatis. Quibus, se collegii supremi, & reliqui cleri, ac Provincialium, Regalia, privilegia, statuta, consuetudines, bona, possessiones, jura & libertates clementer ac fideliter tueri ac defendere, nec quidquam inde decerpere, alienare, vendere, permutare velle, sine peculiari supremi collegii consensu promittit. Inprimis vero, salinarum bona ad mensam Archiepiscopi destinata, nulli conferet, donabit, vendet, aliave ratione alienabit. Arces Archidiœcesis & prædiorum ædificia facta tecta servabit. Nihil sibi in Prælatos, Canonicos, & alios ecclesiasticos eorumque ministros juris sumet, nisi quantum antiquitus receptum est, ac si quid adversus illos actionis habebit, coram collegio supremo proponet & transiget. Canonicorum hæreditates ab intestato vel ex testamento relictas, nulla ratione vindicabit, sed collegio, veteri more disponendas relinquet. Nulli civitati vel privatis, nova privilegia in scio vel non assentiente collegio dabit. Beneficia ecclesiastica cum vacabunt, mense ordinario, Collegia, sicut antiquitus receptum est, suis electis conferent, & possessionem, Archiepiscopo non impediante, tradent. Qui omni diligentia curabit, ne beneficia extinguantur, profanentur, vel in alios usus insolentes convertantur. Prælaturas & dignitates vacantes ab Archiepiscopo conferri solitas, intra mensem, Canonico habili, & in legitima possessione majoris præbendæ existenti & capitulari deferet. Nullas exactiones novas, non præsciente & assentiente supremo templi collegio & archidiœcesis ordinibus, instituet, ac imponet. Cum comitia ordinum Provinciæ indicenda erunt, supremum collegium, de capitibus proponendis & tempore indictionis, ante deliberabit. Pecuniam ad dissolvenda Archidiœcesis debita, in proximo conventu Calbenfi, ab ordinibus promissam, in nullos alios usus quam in conventu decretum est, converti mandabit. De cujus pecuniæ administratione, electi ex ordinibus, in supremo collegio, adhibitis Archiepiscopi consiliariis, rationes reddent. Omnia vasa argentea, literas originales, & alia ad Archiepiscopi mensam pertinentia, juxta tenorem Inventarii fideliter servabit. Collegii supremi, sede vacante, acta, & collationes, ratas habebit. Nullam munitionem

novam

novam ædificabit, nec bellum ullum movebit, nec fœderi ulli se, absque collegii & provincialium consensu implicabit. Refragante actionibus Archiepiscopi collegio, nulla à Cæsare vel Pontifice decreta aut confirmationes obtinebit, quæ etiam impetratæ nullius momenti erunt. Gubernationem & Cancellariam, de consilio Collegii, ita instituet, ut iustitia omnibus æqualiter, nulla intercessionum à cognatis vel peregrinis Principibus ratione habita, administretur. Omnes transactiones, decreta comitiorum provincialium, & alios contractus, consensu Collegii antea initos, principali fide servabit & exequetur. De oppido & præfectura Eglen, quod à Cardinali & Archiepiscopo Alberto supremum Collegium emit, evictione præstabit Collegio vel aliis, & Camera Archiepiscopi literis promissos redditus tempestive solvi curabit. Collegii legatis, hospitium & victus in Archiepiscopi arcibus non negabitur. Si Collegium à Senatu & communitate Magdeburgensi, ut antea accidit, ex urbe pelletur, unam ex Archiepiscopi arcibus cum redditibus, excepta Giebichstein, ipsis inhabitandam & fruendam tradet, donec controversiæ componantur. Arces Archiepiscopi aliis oppignoratas redimet, vel à collegio redimi permittet. Servitia nova, intra decennium, monasteriis & aliis subditis imposita, abrogabit, nec collegii subditos servitiis premet. Ministros etiam Collegii, non requisiti antea capitulo, captivos duci non permittet. Reditus cœnobii S. Georgii in Salinis ad pios usus convertet. Reliqua monasteria omnia, in præsentis statu conservabit, & rationes annuas de illorum administratione, adhibitis aliquot Collegii personis, summet. De cœnobiis, quæ ad mensam Archiepiscopi translata sunt, quantum antiquitus singula ad Imperii & Provinciæ onera sublevanda contulerunt, Archiepiscopus delectis ex ordinibus solvet. Præfectis & Iudicibus mandabit, ut redditus annuos, à subditis Archiepiscopi ecclesiasticis & politicis debitos, maturius quam hactenus pendi curent. Sylvas Archidiœcesis non claudet, nec lignationibus immoderatis vastari sinet. In comitiis imperii sessionem suam tuebitur, & in præstatione contributionum imperii, Archidiœcesin gravius quam antiquitus receptum est, onerari non sinet. Capitanei arcibus Giebichstein & Mauriti nulli nisi indigenæ, & de consensu supremi collegii præficiantur: cui collegio etiam jurare juxta antiquam formam, eamque scriptam sigillo confirmatam tradere teneantur. Similiter cæterarum arcium præfecti, intra octiduum juramento se collegio obligabunt. Quo tantisper tenebuntur, donec successor juramentum renovabit. Ad omnes præfecturarum rationes audiendas, Archiepiscopus ex supremo collegio aliquos adhibebit. Ministros collegio pertinaciter adversantes, & domino suo & Archidiœcesi infideles, ex aula & præfecturis removebit: nec sede vacante à Collegio remotos, unquam recipiet. Nullis oppignorationibus feudorum archidiœcesis, consensum, ultra triennium, sine expresso collegii consensu, dabit. Coadjutorem eligere, cum necessitas flagitabit, collegium supremi templi, cum Archie-

Germania.

piscopo poterit. De successione, cum nemine mortalium, collegio non assentiente, tractabit. Facta resignatione ad manus capituli, præfecturas non spoliabit. Negotia gubernationis, debitorum, & alia hæreditariarum ditionum, cum Archidiœcesis debitis & negotiis non miscebit. nec aliter Archidiœcesin possidebit quam antiquitus usitatum est, & beneficiorum, taliumque bonorum ecclesiasticorum natura requirit. Ad quam conditionem forma juramenti subditorum, prioribus Archiepiscopis & Collegio supremi templi, tanquam veris & hæreditariis dominis, sede vacante, præstiti, deinceps etiam dirigetur. Summam pecuniæ à Senatu & communitate Magdeburgensi, Cæsareæ Majestati & Imperio, ratione reconciliationis debitæ Collegio à Cæsare destinatam, sine ullo Archiepiscopi impedimento, Collegium accipiet. Quod si de superioribus articulis disputationes cum Collegio incident: duo ex Consiliariis & duo ex Collegio, cum plena potestate rei componendæ arbitri erunt. Inter quos si non conveniet, Collegio alicui Iureconsultorum acta decidenda mittent, & in judicio acquiescent. Quod si Collegium & reliqui Clerici, antiqua consuetudine & ordinatione Episcoporum, plus juris quam in his articulis expressum est, habebunt, id quoque firmiter & inviolate eis servabit. Cumque diœcesis Halberstadiensis, à Magdeburgensi sejuncta sit, de consilio Collegii aulam contrahet, ne nimia frequentia novis debitis contrahendis occasionem præbeat.

Postremo, cum futuris temporibus Electoris Brandenburgensis dignitas, & ditionum Brandenburgicarum administratio, ad Ioachimum Fridericum, velut legitimum successorem perveniet: omni Archidiœcesis Magdeburgensis administratione abstinebit: omniaque jura, quæ in ea habuit, omnino extincta & abolita erunt. & sine ulla recusatione vel mora, in Collegii supremi, sicut sede vacante fieri solet, potestate erunt: quod alium Archiepiscopum vel Administratorem, sine ullius impedimento, eliget. Nec juramentum, ab ordinibus, officiariis, & subditis Archidiœcesis sumptum, ulterius quinquam obligabit, sed vigore hujus transactionis ipso facto cassum & irritum erit.

Et sic quidem cum Archiepiscopis transactionem: anno autem 1631, ex Cæsarea voluntate à Generali Comite à Tilly obsessa urbs, post fortissimam aliquot mensium defensionem tandem vi capta, & proh dolor! pulcherrima hæc urbs, totius Germaniæ ornamentum, tota incensa, exusta, deleta est, cum horribili templorum, domuum, hominumque strage; superfuisset certe ex tanta multitudine civium soli quadringenti feruntur, quibus deinde reædificanda relicta est.

Reliqua Magdeburgensis Archiepiscopatus Oppida. oppida sunt: *Stasfurt* ad Budam fluvium situm, unde illi proprium antea nomen *Statio Portus ad Budam*, quod mutatione temporum & populo- rum in *Stasfurt* mutatum fuit. *Salza*, inter Magdeburgum & Barby situm oppidum, à salinis nomen accepit, quæ ibi frequentes; ultimis bellis aliquoties direptum est: *Offensleben*; *Lebus*, *Hundesburg*,

Z z z z



desburg, Drielebb, Crofig, Calbe, ad Salam fluvium prope Barby, fertili in solo situm, cui arcem addidit Archiepiscopus Theodoricus ad annum 1367. Anno 1382 Archiepiscopus Ludovicus Marchio Misniae hic aulam habuit; qui cum tempore Bacchanalium in curia saltationi nocturnae adesset, ex incuria stramen aliquod ignis arripuit; sed nullius momenti hæc res erat, nisi præ trepidatione omnibus ad scalas accurrentibus, illæ multitudini non pares corruissent: quo casu Archiepiscopus cum duobus aliis oppressus est: *Biliz; Wolmerstett*, ad Albim situm cum arce oppidum, ubi Ora eidem confluit. Anno 1642 incendio deletum est; *Wansleben*, cum arce, quæ sæpius oppidum discrimini exemit, hostium viribus acerrime resistens.

Vires.

Ex redivitis fertur Archiepiscopus ad minimum 50 millia thalerorum annua accipere. Nec ignoravit hoc Ioannes Georgius Elector Saxoniae, qui secundo sibi natum filium Augustum anno 1626 Coadjutorem Archiepiscopi constituit, qui deinde anno 1638, decedenti Archiepiscopo successit. Titulus quoque Primatis Germaniae Archiepiscopo Nortberto ab Imperatore Lothario concessus, etiam nunc usurpatur. Ante quidem, ut reliqui omnes Episcopatus, Romanæ Religionis hic Archiepiscopatus addictus; anno demum 1553 sub Archiepiscopo Sigismundo Brandenburgico Lutheri dogmata assumpsit, quod successor ejusdem Ioannes Fridericus Brandenburgicus ibidem confirmavit; exinde alii aliqui fuerunt, qui Calvinii opinionem amplexi sunt.

Comitatus
Barby.

Complectitur præterea hic Archiepiscopatus Comitatum *Barby*, cujus caput urbs *Barby*, ad Albim fluvium, non longe à Sala confluyente, sita est, cum adjuncta arce, quæ Comitum semper sedes fuit; anno 1636 à Bannerio Suecorum Generali vi occupata & direpta est.

ARCHIEPISCOPORVM MAGDEBURGENSIVM SERIES.

- 1 **A** Delbertus Treviris evocatus factus est primus Archiepiscopus Magdeburgensis anno 968, unctus à Præfule Moguntino.
- 2 Giselaus electus anno 981 sub Ottone II. Vir bellicosus 30754 Slavos Diocesis Havelbergensem, Brandenburgensem, & Gizensem diripientes, fudit, adjutus à Principibus Saxonis. Eum Otto III Simoniam accusavit, quod præter Magdeburgensem Archiepiscopatum in se quoque transtulisset Episcopatum Merseburgensem.
- 3 Dago anno 1004 magna accessione auxit Episcopatum. Templum Cathedrale absolvit. Cæsar Otto III summo frigore & nive alta solenni processione nudis pedibus reliquias Mauriti ex cœnobio Bergensi intulit in Ecclesiam, & in altari deposuit, simulque provinciam Gebichensteyn, quæ ad Halam est, Archiepiscopo dedit.
- 4 Gualterus electus an. 1014, sedit hebdom. octo.

- 5 Gero constitutus ab Ottone III, anno 1016. Hic Marchionem Brandenburgicum excommunicavit, mœniaque ab Ottone I cœpta perfecit: mortuus est anno 1024.
- 6 Hunfridus Henrici Imp. Diaconus. Hic templum B. Petri, Pauli & Nicolai è fundo exstruit.
- 7 Engelhardus Henrici III Imp. Diaconus, electus anno 1052, obiit anno 1063.
- 8 Wernerus à Cæsare constitutus, periit ad flumen Vnstrutum, quum fugeret ex prælio Henrici IV cum Rudolpho Suevo, an. 1080.
- 9 Hardevicus Francus.
- 10 Henricus, anno Christi 1102.
- 11 Adelgotus Comes à Loë.
- 12 Rutgerus, electus à Capitulo anno 1119.
- 13 Nortbertus. Hic Lotharium Imp. in Italiam sequutus, facundia sua admirabili & prudentia dissidentes inter se Pontifices Innocentium II & Anacletum composuit. Ex quo titulum Primatis Germaniae adeptus, eundem ad sequentes Archiepiscopos Magdeburgenses transmisit.
- 14 Conradus Comes Quernfurtenfis.
- 15 Fridericus frater Timonis Comitis Wetini, anno 1143.
- 16 Wichmannus Comes à Seburg in Bavaria. Hic primus monetam majorem cudisse fertur.
- 17 Ludolphus electus anno 1194, Philippum Imperatorem jovit adversus Ottonem Brunsvicensem, quem Pontifex Cæsarem salutavit.
- 18 Albertus Comes Kirbergenfis. Hic Pontificis Romani jussu excommunicavit Ottonem Cæsarem, cum eo signa contulit, prælioque inferior vix fuga elapsus est. Paulo post captus, & Gronbergam abductus, liberatus est à civibus Magdeburgensibus & Burg-gravio Burckardo, nobili domino in Quernfurt.
- 19 Burckardus, defunctus anno 1237.
- 20 Hildebrandus, qui oppida Crofig, Lebus & Biliz Capitulo adjunxit. Bellum gessit adversus Ottonem Marchionem Brandenburgicum, quem captum multavit 1600 argenti marci.
- 21 Rudolphus à Dingelstet, Comitatum Alvensleben Diocesi adjecit.
- 22 Rupertus, Comes Mansfeldensis à Pontifice inauguratus Iudæos festo Tabernaculorum oppressit, & 60 millia marcarum argenti ipsis extorsit. Zorbecum Capitulo subjecit.
- 23 Conradus Baro à Sternberg in Bohemia, anno 1268.
- 24 Guntherus, Comes Sualenberg, sedit an. 1.
- 25 Bernardus, Comes à Welp.
- 26 Ericus Marchio Brandenburgicus anno 1283, oppugnavit Harlingpurgum, sed captus, vix tandem à Senatu ipso redemptus est 500 argenti marci. Idem Lusatiam Marchiam fratri suo vendidit. Sub hoc quoque tradidit Albertus III, Elector Saxonie & Burg-gravius Magdeburgensis, Burggraviatum civibus, marci argenti 3000. Factum id anno 1294.
- 27 Burcardus à Blanckenburg, electus anno 1295.
- 28 Henricus Princeps Anhaltinus, electus anno 1304.

- 29 Burcardus à Schrapelau, homo vanus, contentiosus, & iniquus, Magdeburgum obsedit: postea relicta obsidione fœdifragus damna urbi intulit: captus, dimissusque violata sacramenti religione civitatem excommunicavit. Tandem iterum captus dum conatur evadere, in fuga occisus est, anno 1326.
- 30 Heideccus ab Erpe anno 1327, dum Romam abit pallium petiturus, in itinere mortuus est.
- 31 Otto Hassia Lantgravius Episcopatum egregie auxit.
- 32 Theodoricus, qui bellum gessit adversus Gerardum Episcopum Hildesheimensem, quo, quamvis vexillum S. Mauritii intulisset in prælium, succubuit.
- 33 Albertus, Comes à Sternberg, anno 1368. Hic vendidit Lusatiam Cæsari sex millibus marcarum.
- 34 Petrus de Bruma.
- 35 Ludovicus Marchio Misnia, anno 1381. Hic ut Archiepiscopatum Moguntinensem obtineret, voluit administrator Magdeburgensis vocari. Idem anno 1382, dum choreas agitat, in curia orto subito incendio periit.
- 36 Fridericus ab Hoim, paucos menses præfuit.
- 37 Albertus, Comes à Quernfurt; qui anno 1383 civium ope expugnavit Bircavium; quod quia multum nocebat Reipublicæ, destructum penitusque exustum est. Sed absente Præsule invasit Diœcesin hostiliter Rudolphus Saxoniæ Dux: quocirca conjunctis viribus Ecclesiastici & Politici ditionem Saxoniæ Ducis depopulati sunt. Post pugnam desiderati sunt multi. Archiepiscopus domum reversus suos redemit, nulla habita civium ratione. Male id habuit Senatum; qui persoluto pro suis lytro significavit Capitulo, se tueri ipsum, si quid periculi nasceretur, non posse. Orta est postea contentio de pascuis; & decimis. Excitata quoque seditio; sed interventu Guntheri Comititis Swartzenburgici, & Ioannis Comititis Quernfurtensis, omnia tandem composita sunt.
- 38 Guntherus Swartzenburgicus anno 1403, bellum gessit adversus Principes Anhaltinos, ad quod bellum civitas 100 armatos equites expedit. Circumsedit quoque Kotten, oppidum Anhaltinæ ditionis, sed destitit, interponente auctoritatem suam Saxoniæ Duce. Expugnavit & solo æquavit Harburgum; cepit arcem Plavensem & Hundelufftum. Anno 1431 civitas à Sigismundo Imperatore jus illud consecuta est, ut nemo civis cujuscunque conditionis, separatim vel conjunctim ad tribunal Cæsareum, vel ad iudicium Cameræ citetur; neque ad aliud quam ad Episcopi iudicium civile, hoc est, ad Quæstorem & Scabinos veteris urbis Magdeburgensis vocetur, nisi forte denegata cuiquam sit iustitia; quo solo casu ad Cæsarem provocare licet. Per idem tempus grassantibus Hussitis cepere Senatores consilium muniendæ urbis, significata primum re Archiepiscopo, rogantes, ut quum unis ipsi quoque mœnibus habitarent, suo sumptu partem illam quam tenebant, munirent. Displicuit ea res Præsuli, qui in-

Germania.

- diis suis apertam atque expositam urbem malebat. Cives nihilominus quod cœperant, gnæviter urgebant. Archiepiscopus ubi se nihil profecisse videt, serio mandat, ut munitionem eo præsertim loco factam, quæ ipsorum juris non erat, demoliantur. Cives id recusant, parati aliàs in rebus honestis & æquis morem Capitulo gerere. Exasperati Capitulares collectis thesauris suis urbem deserunt, & Capitulum vacuum relinquunt. Republica eos in jus vocat, causamque totam Concilio Basileensi, quod tunc habebatur, dijudicandam relinquit. Interea Magdeburgenses contra adversariorum injurias quibus expositi erant, evocant Ioannem Marchionem Brandenburgicum, Henricum Brunsvigæ Ducem, & vicinas civitates, Halam, Brunsvigam, Quedliburgum, Ascheslebiam, Zerveltam, auctique viribus capiunt arcem Tucham, tum Calbam, Statfurtum, Saltzam, Otterlebiam. Præsul contra in Concilio Basileensi, anno 1434 obtinet edictum à Pontifice & Cæsare, quo jubebantur Magdeburgenses omnia quæ Capitulo ademissent, restituere, munitionem protinus demoliri, & Archiepiscopo obedientiam ac reverentiam præstare. At illi partis divites, haud multum morabantur proscriptionis fulmen. Tandem tamen interponentibus auctoritatem suam Principibus, compositum est certamen, solutumque vinculum excommunicationis.
- 39 Fridericus, Comes Bichlingensis. Hic anno 1445 suscepit reformationem monachorum in cœnobio B. Pauli.
- 40 Ioannes Dux Baviaræ. Hic civitati locum illum dedit, in quo sunt fossæ, inter veterem & novam urbem, versus Albim, usque ad portam quæ *Krockenthor* appellatur.
- 41 Ernestus Saxoniæ Dux anno 1476 electus, cum quatuor 1000 equitum urbem ingressus est. Postea etiam anno Christi 1479 administrator Halberstadenfis factus est.
- 42 Albertus Marchio Brandenburgicus, qui urbem deducantibus bis mille equitibus ingressus, anno 1513, à suffraganeis suis Merseburgensi, Brandenburgensi & Lebusiensi solemniter inauguratus est. Lutheri dogmata hic doceri cœperunt anno 1524. Anno vero 1539, Archiepiscopus ipse Albertus subditis civitatibus & Nobilitati in Diœcesi Magdeburgensi & Halberstadiensi liberam professionem religionis permisit.
- 43 Ioannes Albertus Marchio Brandenburgicus adiit dignitatem anno 1545, quo tantum diffidium inter Capitulum & civitatem ortum est, ut Canonici trepidi cum thesauris & mundo omni apparatuque Ecclesiastico aufugerint, & annos tres cum dimidio extra urbem emanerint, sollicitantes interea Cæsarem ut civitatem proscriberet; Principes vero, ut junctis viribus eam oppugnant. Proscripta ergo est civitas anno 1547 Augustæ in Comitibus, iterumque biennio post, additis ad priorem causis aliis, una quod se Ioanni Friderico Electori junxissent contra Cæsarem: altera, quod repudiassent formulam *Interimisticam*.

A a a a

cam.

cam. Mauritius Saxo cui mandata fuit executio decreti Imperialis, annum totum & sex hebdomadas urbem obsedit, à 4 die Octobris anni 1550, ad tertium usque Novembris anni 1551.

44 Fridericus Marchio Brandenburgicus electus anno 1552, eo ipse mortuus est.

45 Sigismundus Marchio Brandenburgicus electus anno 1553. Hic Augustanam Confessionem primus in templum Cathedrale invexit. Obiit anno 1566, Halæ.

46 Ioachimus Fridericus, Marchio Brandenburgicus, postulatus administrator successit 1566, templum Cathedrale quod jam annis pene 20 clausum fuerat, aperuit. Anno 1577 cessit Augustus Dux Saxoniae & Elector omni jure, quod in Dioecesi & urbem Magdeburgensem eousque prætendebat. Exceptus est tantum titulus Burg-gravii Magdeburgensis, cum possessionibus quibusdam eo pertinentibus: quæ sibi & hæredibus suis reservavit. Sed Ioachimus Fridericus Archiepiscopus, præter morem, Cognata sua, Domina Catharina

Brandenburgica, Ioannis Marggravii filia, in uxorem Custrini ducta, anno 1570, Archiepiscopatus administrationem nihilominus sibi reservavit. teste Historico Iacobo Augusto Thuano, lib. 45. Histor. Successit tandem Parenti suo Iohanni Georgio in Electoratu Brandenburgico; at ipsi, filius

47 Christianus Guilielmus, in Archiepiscopatu Magdeburgensi, Postulatus Archiepiscopus susceptus est: qui, conjugali toro itidem inito, Archiepiscopatu præfuit ad annum usque 1631; quo currente, & quidem Magdeburgo à Cæsarianis occupato, ipse captus, Neapolim Austriae deductus est: ubi tandem religionem mutavit. In ejus locum

48 Augustus, filius Iohannis Georgii, Saxoniae Electoris, natus anno 1614, die 13 Augusti, jam pridem, ineunte anno 1628, à Collegio Capitulari in Archiepiscopum electus fuit: Coadjutor jam anno 1625 factus: cui etiam Archiepiscopatus administratio à Cæsare Ferdinando II fuit confirmata, ex conventionem Pacis Pragensi.



HALBERSTADIENSIS

E P I S C O P A T V S.



ALBERSTADIVM putat Irenicus esse Ptolemaei *Φεβροπον*, sed opinionis suae causam nullam adfert: & tamen sequitur ipsum Appianum vir doctissimus. Illud constat, Carolum Magnum, qui ad debellandos domandosque

Saxones vim simul externam, & pietatis studia conjunxit, ut non tam sibi populos, quam Christo Ecclesiam inter Paganos colligere crederetur, anno 780 Osterwici magnificum templum B. Stephano sacrum condidisse, & loco nomen boni ominis dedisse *Selingenstadii*, praefecto etiam Episcopo Hildegino Catalonensi Gallo. Sed quum locus ille minus placeret, transtulisse inde sedem Episcopalem ad confluentes amnium Albis & Oræ, atque ex eo nomen urbi inditum initio Alborestadium, quod postea transit in Halberstadtium: est autem situ admodum oportuno; nam, praeter aquarum commoditates, tanta est agrorum ubertas, ut fetum culmi equitem superent altitudine. Accedit ad hæc nitor & elegantia platearum, ædificiorum splendor, amplitudo fori, & collegiarum Canonicorum fodalitium. Fuit autem in hac Ecclesia diu admodum observatus ritus quidam singularis peccatorem ab Ecclesia excludendi sub Quadragesimam, & resipiscentem admittendi circa festum Paschatis. Eum verbis Raphaëlis Volaterrani describere operæ pretium fuerit. Singulis annis, inquit, eligitur e plebe quidam, qui personam poenitentis & confitentis agat. Is in capite jejunii Quadragesimalis ad templum adducitur, cultu lugubri, quique poenitentem deceat, capite obvoluto. Idem post sacrum deinde ejicitur, perque totos dies 40 nudis pedibus vias urbis terit, templorum moles circumit, nec cum quoquam sermones miscet. Canonici cibum illi praebent. Non indulget sermoni nisi post mediam noctem, idque in plateis. At in die qui Dominicæ cœnæ dicatus est, reducit ad templum, & à Sacerdote non absque longis ceremoniis absolutus, stipem à reliqua plebe accipit. Hunc, inquit, Adamum vocare solent. Hæc ille. Porro ritus iste ex decreto quodam Concilii Agathensis profectus est, planeque cum eo capite consentit: Citatur autem is à Gratiano Distinctione 50. Sic autem sonat: In capite Quadragesimæ omnes publice confitentes ante fores Ecclesiæ se representent Episcopo civitatis, sacco induti, nudis pedibus, vultu in terram prostrato, reos se esse ipso habitu & vultu proclamantes. Ibi adesse debent Decani, id est Archipresbyteri, Presbyteri parœciarum, Presbyter poenitentium, qui eorum conversationem diligenter inspicere debent, ut secundum modum

culpæ poenitentiam per praefixos gradus injungant. Post hæc Episcopus in Ecclesiam eos introducat, & cum omni clero septem Psalmos Poenitentiales in terram prostratus cum lachrymis pro eorum absolutione decanter. Tunc resurgens ab oratione, juxta quod canones jubent, manus eis imponat, aquam super eos benedictam spargat, cinerem prius mittat, deinde cilicio capita eorum cooperiat, & cum gemitu & crebris suspiriis eis denunciet, quod sicut Adam projectus est de Paradiso, ita & ipsi de Ecclesia pro peccatis suis abjiciantur. Post hæc jubeat ministris, ut eos extra januas Ecclesiæ expellant: Clerus vero prosequatur eos cum responsorio, *In sudore vultus tui* &c. Vt videntes sanctam Ecclesiam pro facinoribus suis tremefactam atque commotam, non parvi pendant poenitentiam. In sacra autem Domini cœna rursus ab eorum Decanis & Presbyteris Ecclesiæ liminibus represententur. Ex hoc igitur decreto Agathensis Concilii fluxit mos ille qui in Ecclesia Halberstadeni diu admodum obtinuit. Adservantur autem Halberstadii diplomata Caroli Magni, data anno 804, quibus ejus Episcopatus termini circumscribuntur.

S E R I E S E P I S C O P O R V M.

1 **H**ildeginus Catalonensis patre Dietgrino, matre Lieburga editus, ex Episcopo Catalonensi factus primum Episcopus Salingenstadianus, postea Halberstadeni anno 780, praefuit Ecclesiæ annos 47, obiit anno 827, sepultus in monasterio Werdeni ad Ruram fluvium, quod ipse fundavit. Ejus frater Luderus fuit primus Episcopus Mimigardevordensis: sic vocabantur qui nunc Monasterienses dicuntur.

2 **Thiagrinus** vel **Dietgrinus**, Hildegini ex fratre nepos, constituitur ex Corbieni Abbate Episcopus Halberstadeni ab Ludovico Pio anno 827. Obiit anno 841. Situs est in Werdeni cœnobio.

3 **Haymo**, cujus extant Commentarii in scripta Prophetica & Apostolica. Obiit anno 853. Situs est in summo templo ejus urbis. Fuerat monachus Fuldenfis.

4 **Hildeginus II** prioris ex sorore nepos: electus anno 853, ob. an. 887. Sepultus est in cœnobio Werdeni apud suos consanguineos.

5 **Evelpus** praefuit annos 9, obiit anno 896. Ejus monumentum est in Ecclesia cathedrali.

6 **Sigismundus** ex Hirsaugienfi monacho factus Episcopus ab Arnulpho Imp. anno 896, praefuit annos 30, obiit anno 926.

7 **Bernhardus** Burg-gravius Magdeburgensis electus in Episcopum anno 926, excessit anno 974. Hic in gratiam suæ sororis condidit cœnobium

A a a a z

bium

Germania.



LVNEBVRGENSIS DVCATVS

MAR CHIONATVS

BRANDEBVRGI

BRVNSVI

ARCHIE

PARS

PISCOPATVS

CEN

MAGDE

EPISCOPATVS HALBERSTAT

PA

BU

EN

HAL

PR

BARBI

CO

BER

MITATVS

KALBA

AVF

PRINCI

ANHALTIN

MAN

FELD

HALLE

THUR

PARS

JSCOPATVS

COMITATVS

Amstredami apud Joannem Blaeu

Meridies

HALBERSTADIENSIS EPISCOP.

bium Hadmersheymense, cui Abbatissam præfecit sororem suam.

8 *Hildevardus*, Comes Warlovianus, factus Episcopus anno 974, præfuit annos 22.

9 *Arnoldus* præfuit annos 27, obiit anno 1023.

10 *Brantho* ex Abbate Fuldensi factus Bambergæ ab Henrico Imp. Episcopus Halberstaden-
sis, præfuit an. 13, defunctus est an. 1036.

11 *Burcardus* Comes à Voburg electus anno 1036, præfuit annos 23: excessit anno 1059.

12 *Bernardus* Bucho ex Goslariensi Præposito, electus in Episcopum anno 1059. Periiit in seditione civili sagittæ jactu, anno 1088. Sepultus est Ilfenburgi.

13 *Dietmarus*, electus anno 1088, præfuit tantum dies 16.

14 *Harrandus*, quem alii Stephanum vocant, præfuit annos 13, obiit anno 1101.

15 *Reinhardus*, postquam vacasset sedes annis sex, electus est anno 1107, præfuit annos 15; pugnavit contra Henricum V Imperatorem ad silvam Welphonis, ubi exercitum Cæsaris fudit & profligavit. Obit anno 1122. Sepultus est Halberstadii.

16 *Otto*, electus anno 1123, sed ob Simoniam ab Honorio depositus. Iterum ab Innocentio II restitutus, & ab eodem iterum exauكتورatus anno 1133.

17 *Rodolphus*. Hic condidit templum B. Virginis ex adverso templi B. Stephani: ob. an. 1149.

18 *Vdalricus*, electus anno 1149. Hic gessit bellum cum Henrico Leone Duce Brunsvicensi infelicitè: urbs enim capta atque incensa est: cives cum clero quum se in templum Cathedrale recepissent, ut se illic ab hoste & igne tutos præstarent, omnes in favillam redacti sunt, quum templum ipsum igni correptum fuisset.

19 *Theodoricus* præfuit annos 13, ac templum è cineribus excitavit.

20 *Bartholdus* electus an. 1195, præfuit an. 7. Obit anno 1209.

21 *Conradus*, electus anno 1202, resignavit anno 1209.

22 *Fridericus* Burg-gravius Kirchbergenfis, electus anno 1209, præfuit annos 21. Extinctus est anno 1231.

23 *Ludolphus* Comes à Schladem, electus anno 1232, præfuit annos 13, obiit anno 1245.

24 *Meinhardus*, electus anno 1245.

25 *Ludolphus* Comes à Schladem præfuit an. 2.

26 *Wolradus* Kransfelderus, electus anno 1261, præfuit annos 9.

27 *Hermannus* Comes à Blankenberg, obiit anno 1281.

28 *Albertus* Comes Anhaltinus, electus anno 1281, præfuit annos 44.

29 *Albertus* Dux Brunsvicensis, electus anno 1327, obiit anno 1358.

30 *Ludovicus* Lantgravius Thuringiæ & Mar-

chio Misniæ, electus anno 1358, translatus ad Archiepiscop. Bambergensem, anno 1366.

31 *Albertus*, egregius Philosophus, sed infelix miles, victus à Gebhardo Episcopo Hildesheim. obiit anno 1390. De hoc usurpatum Proverbium, *Victa est Logica à Rhetorica*. Erat enim Gebhardus facundus Ecclesiastes.

32 *Ernestus* Comes ab Honsteyn, electus anno 1390, abdicatus anno 1399.

33 *Rudolphus* Comes Anhaltinus, præfuit an. 7, obiit anno 1406.

34 *Henricus* Baro de Werberge, præfuit an. 4, adiit Episc. an. 1409, obiit an. 1411.

35 *Albertus* Comes de Werningenrode, præfuit annos 7, defunctus anno 1418.

36 *Ioannes* ab Hoym, electus anno 1418, obiit anno 1435.

37 *Burcardus* Baro de Werberge, præfuit annos 23, defunctus anno 1458.

38 *Gebhardus* de Hoym, electus anno 1458, præfuit annos 21, resignavit sponte anno 1472.

39 *Ernestus* Saxonix Dux, Archiepiscopus Magdeburgensis, factus Administrator Halberstaden-
sis: sedit annos 34, desit vivere anno 1513.

40 *Albertus* Marchio Brandeburgicus, Archiepiscopus Magdeburgensis, Germaniæ Primas, antea Ernesti adjutor; post ejus excessum Episcopus Halberstadenfis electus anno 1541.

41 *Ioannes Albertus* Marchio Brand. Friderici Anspacensis filius.

42 *Fridericus* Marchio Brand. Ioachimi II Electoris filius, electus anno 1552. Extinctus eopse anno.

43 *Sigismundus* Friderici frater natus annos 14, extinctus anno 1566.

44 *Henricus Iulius* infans Bimulus, Iulii Brunsvicensis Ducis filius, ea conditione lectus, ut gubernatio 12 annos perpetuos esset penes Capitulum, & designato Præsuli quotannis certa pecuniæ summa persolveretur, reliquum ad usus necessarios collegii reponeretur. Anno 1591 cum Capitulo egit, ut Lutherana religio in Cathedrali ecclesia doceretur.

45 Successit Patri minimus natu filius *Henricus Carolus* anno 1613, qui sexto ætatis suæ anno moriens, locum dedit fratri

46 *Rudolpho*, qui insequenti anno 1616 decessit. Hunc secutus est frater

47 *Christianus*, bellis Germanicis satis notus, non tamen felix. Obit anno 1626. Surrogatus est illi

48 *Leopoldus Guilielmus*, Archidux Austriæ, sub quo Cœnobia & Ecclesiæ Catholicis redditæ sunt, donec insequenti tempore belli Suecici Episcopatus à Suecis occupatus, Lutherana religioni restitutus est: qui tandem pace Osnabrugensi in Ducatum commutatus, & Electori Brandenburgico concessus, remanentibus in statu integro Capitulo & Canonicatibus.

Vires.

Res gestæ
memorant
digne.

E P I S C O P A T V S H I L D E S H E I M E N S I S .

Vrbes.



Inter Germaniæ Episcopatus Hildesheimensis est, ad Ducatum Brunswicensem pertinens, in quo urbes hæ eminent, Brunswicum, Halberstadium, & Hildesheim. Etenim Carolus Magnus, qui Imperium in Germaniam, & cum Imperio religionem Christianam intulit, diversis locis fundavit Ecclesias & Episcopatus, ut ex iis coloniæ postea aliò pietatis ducerentur. Fecit id quoque, ad convertendos Saxones inferiores, Elzii pago amœnissimo, ad confluentes Sabæ & Lyxii pisculentorum amnium,

qui locus, à mansionem Caroli, Aula regia dictus est, ubi etiam Ecclesiam B. Petro consecravat. Translatus est autem ab Imperatore Ludovico Pio Caroli filio Aulicensis Episcopatus trans flumen Lynium, in locum, qui à cœlitus demissa nive Hilgenschne, vel Hildeschne olim vocatus fuit. Nunc vero mutata paulum terminatione Hildesheim appellatur. Hic conditum est ab Imperatore templum B. Virgini sacrum. Civitas initio duplex fuit, postea junctis partibus facta est una. Turris templi aureo tecto superbit. Patria est Ludolphi Colonienfis Mathematici peritissimi, qui Lugduni in Batavis obiit. Sedes est Episcopalis, Episcoporum plurimorum serie & dignitate clara. Ea autem hæc est :

Origo nominis Hildesheim. Civitas prima Hildesheim.

Series Episcoporum Hildesheimensium.

- 1 Guntharus primus Episcopus, à Ludovico Pio constitutus est anno Domini 814, quo obiit Carolus Magnus. Huius opus est templum illud Cæcilie duabus turribus conspicuum, proximum templo Cathedrali. Obiit Guntharus anno Domini 835, situs in sacello arcis à se constructæ.
- 2 Remibertus paucis mensibus præfuit.
- 3 Ebo Gallus, dejectus Archiepiscopatu Rhemenfi, quum confugisset ad Ansgarium Archiepiscopum Hamburgensem, ab eo promotus est ad Episcopatum Hildesheimensem, anno 835 : præfuit annos 12.
- 4 Adelfridus Monachus Corbejenfis sedit annos 18.
- 5 Marquardus præfuit annos 3, trucidatus à Normanis, qui Saxoniam, Westphaliam, Belgicam vexarunt.
- 6 Wigbertus electus anno 880, obiit anno 884.
- 7 Waldoberthus obiit anno 903.
- 8 Gebhardus electus anno 903, præfuit annis 25, obiit anno 928.
- 9 Diedhardus electus anno 928, obiit anno 936.
- 10 Othwinus Abbas Pergenfi, sedit annos 28.
- 11 Osdachus divitis Augiæ Monachus sedit annos 40.
- 12 Gerardus sedit annos 3, obiit anno 1007.
- 13 Bernhardus Comes de Sommerburch sedit an. 31.
- 14 Dithmarus Comrad Salici Imp. Sacellanus.
- 15 Anselmus sub Henrico III Imp. ob. anno 1054.
- 16 Echilo Præpositus Goslariensis, obiit anno 1079.
- 17 Vdo sedit annos 35.
- 18 Bertholdus sedit annos 15, obiit anno 1129.
- 19 Bernardus Comes Rottenburgius, sedit annos 23.
- 20 Bruno sedit annos 7.
- 21 Hermannus sedit annos 16, obiit anno 1175.
- 22 Adelgatus Goslariensis sedit annos 15.
- 23 Berno annos 8, defunctus anno 1198.
- 24 Conradus anno primo resignavit.
- 25 Habordus annos 9, obiit anno 1208.
- 26 Sifridus ex Monacho Fuldenfi, sedit annos 11.
- 27 Conradus II sedit annos 24, obiit anno 1243.
- 28 Henricus sedit annos 20, defunctus anno 1263.
- 29 Ioannes annos 4.
- 30 Otto Dux Brunswicensis, sedit an. 19, obiit an. 1286.
- 31 Sifridus sedit annos 30.
- 32 Henricus præfuit annos 8, obiit an. 1324.
- 33 Otto Comes de Woldenberge, obiit an. 1334.
- 34 Ericus Schoursvenb. & Henricus Brunsw. in schismate positi.
- 35 Ioannes sedit annos 3, & resignavit an. 1363.
- 36 Gerardus de Monte sedit annos 33.
- 37 Ioannes Comes de Hoya sedit annos 26, obiit 1424.
- 38 Magnus Dux Saxonie inferioris annos 28.
- 39 Bernardus Dux Brunsw. sedit annos 7, obiit 1459.
- 40 Ernestus Schoursvenb. sedit an. 11, obiit an. 1470.
- 41 Hermannus & Henningus in schismate.
- 42 Bertholdus sedit annos 12, obiit an. 1503.
- 43 Ericus Dux Inferioris Saxonie, sedit annum 1, & resignavit.
- 44 Ioannes Erici frater.
- 45 Valentinus à Tottleben.
- 46 Balthasar Merckel, Orator Caroli V Cæsaris.
- 47 Otto.
- 48 Valentinus à Tottleben.
- 49 Nicolaus ab Obergem.
- 50 Ernestus Dux Bavarie.
- 51 Ferdinandus, Dux Bavarie, Archiep. Colon. obiit 1649.
- 52 Maximilianus Henricus, Archiep. Colon. nunc, anno 1661, præst.

Res gestæ memoratæ dignæ.

Vdo Episcopus XVII supradictus, Comes fuit Alvenslebius, estque constitutus ab Henrico IV Imp. Ejus magna fertur in Cæsarem Germaniam.

des. Nam quum Cæsarem oppugnaret Ecbertus Marchio Misniæ, intulit quoque Vdoni bellum; captumque per tormenta eo adexit, ut traditurum

B b b b b

rum



rum se Hildesheimium promitteret. Quum vero id postea præstare Episcopus neque posset, neque vellet; cingit Marchio urbem obsidione, & ut ad ditionem cives adigat, obsidem unum palam obtruncat. Vbi nec hoc modo urbe potiri posset, majores copias comparat, certus extrema quæque tentare. Forte dum rerum ita satagit, defessus ad molam suam Isenbutelum, non procul Brunswiga cum paucis divertit, & molitorem ad petendum ex vicino oppido potum emittit. Sed molitori in via occurrunt equites Cæsariani, qui re cognita, protinus se ad pugnam accingunt. Concurritur. Finis certaminis is fuit, ut confoderetur à Cæsarianis Ecbertus. Ita Hildesheimium obsidione, Episcopus è carcere liberatus est.

Anno 1364 Episcopus fuit Gerardus Baro à Berg, qui cum Magno Brunswicensium Duce graves inimicitias gessit. Ac juvabant Magnum focii potentes, Dietricus Archiepiscopus Magdeburgensis, Albertus Halberstadiensis, tum Principes Anhaltini, Gebhardus Comes Mansveldicus, alique. Hi pro se quisque invadunt Diocesis, diripiunt omnia, longe lateque incendunt, vastant. Gerardus vero Episcopus magno animo suos in aciem producit: pugnatum est acerrime. Gerardus non solum Brunswicensem Ducem, sed etiam Episcopum Halberstadiensem aliosque supra centum viros primarios cepit, mille quingentos cecidit. Unus Dietricus Magdeburgicus sexies mille marci suos redimere coactus est. Hoc illud est prælium, ex quo natum fuit proverbium: *Logica victa est à Rhetorica*, quo significabatur, Albertum Halberstadiensem Episcopum à Gerardo Hildesheimio superatum esse: ille enim disputator erat sublimis, iste orator vehemens.

Anno 1519 Ioannes Saxonie Dux ex familia Lawenpurgensi, 44 Episcopus Hildesheimius, bellum intulit Henrico Duci Brunswici. Stetere ab Episcopo contra Brunswicensem Henricus Dux Luneburgensis, Comes Schonburgensis, & alii. Ab Henrico Brunswicensi Franciscus Episcopus Mindensis. Erat autem tunc multo quam nunc est potentior Hildesheimius, ut qui septem sub se Comitatus haberet, Wiezenbergam, Sladem, Poppenburgum, Peynam, Oldenburgum, Lewensteinum, & Hunsruncum. Episcopus collectis copiis suis invadit diocesim Mindensem, eamque incendiis & rapinis vastat. Obierat autem tunc Cæsar Maximilianus. Ericus cum videret se Episcopi impetum sustinere solum non posse, auxilia à vicinis Principibus Georgio Duce Saxonie, & Gulielmo Lantgravio Hassie petiit & accepit. Sed orta inter Saxones & Hessos dissensio res conturbavit. Saxones enim Leonem, quem in signis & scutis militaribus gestabant Hessi, per convitium dicebant esse canem. Nec tulit convitium animosa gens; quumque videret, fieri minimo negotio posse, ut ipsi etiam in castris committerentur inter se, maluit redire domum, quam sociorum sanguine fœdare militares manus. Mox prælio commisso Episcopus Brunswicensem vincit, cæsis ter mille & ultra ex parte Brunswicensium. Postquam vero ad fastigium supremi in Germania honoris pervenisset Caro-

lus V, protinus imperiali edicto mandatum est utrisque, ut positis armis jure agerent, & controversiam Cæsari dirimendam darent. Et quia constabat Episcopum Hildesheimium violasse publicam pacem, proscriptus est cum omnibus sibi subditis; estque ea proscriptio paulo post iterata. Hildesheimenses proscriptionem illam eludebant sarcasmis, parum liberalibus convitiis ipsum quoque Imperatorem petentes. Brunswicensis autem auctoritate nixus Cæsarea, pedestribus & equestribus copiis diocesim Episcopi invasit, arcesque sex protinus expugnavit. Nobiles vero, qui in aliis arcibus erant, territi cum Principibus transigunt, & tredecim arces sibi oppignoratatas tradunt, ea lege, ut ipsi quidem in arcibus manerent, sed ut sese in fidem & clientelam dent Brunswicensem, & præterea appendant 28 milia florenorum. Postea electus est in Episcopum à Canonicis Balthasar Merkelius, Caroli V Orator.

Anno 1542 Senatus ab Episcopo & Canonicis dissidens, religionis mutationem instituit, ad formulam Augustanam.

Irrigant Hildesheimensem diocesim fluvii, ^{Fluvii.} Inderest, Netta, Brocgrave, Lamura, quos omnes Leina absorbet, aut Emmeram Visurgis, qui omnes originem primam debent Visurgi.

Districus sunt, Artzen, Gronde, Erichsburg, ^{Districus.} Westerhoven, Levenborg, Widela, Woldenberg, Lutter, Wintzenborg, Marienburg, Steurwaldt, Peina, Steinbrugge, Coldingen, Halterborg, Poppenborg, Lowenstein & Waldenstein.

In districtu Artzen est urbecula Hamelen, de qua historiam miram & memorabilem adscribam ex literis Arnoldi Freitagii Medici ad Ortelium. Ejus verba hæc sunt: *Incidit nuper in Saxonem & Saxonie Historicum. Is narrabat, ante annos trecentos triginta Hamelii in Ducis Erici ditione accidisse, ut cum fors murium lues in ea urbe vehementer grassaretur, circulator quidam eo veniens, suam civibus operam in abigendis muribus offerret; erat hoc iis, utpote quibus tutum nihil ab hoc animantium genere erat, gratissimum. Ille pactus cum civibus, pulsu tympani omnes ex urbe educit. Petit promissum salarium. negatur. egreditur urbem minitabundus, atque post anni decursum revertitur, suoque per urbem pulsat tympano, eadem, qua antea mures, civium liberos satis magno numero educit ad vicinum quendam collem, ibique statim, cum omnibus quos eduxerat, dispareret. Puella quaedam è puerorum numero à longe, seu ex itinere defessa substitit, domumque reversa narrat sciscitantibus quid vidisset, quod cum ludione pueri collem subiissent. Quisque igitur suos repetitum pueros eo se, sed frustra, confert. Neque ab eo tempore sciri potuit, quid de pueris factum esset. Hæc cum legissem, rem judicavi aut fabulam, aut, uti vere est, obstupescendam. Inter confabulandum feci hujus apud alios mentionem, affirmant omnes. ajuntque annum, diemque & numerum exeuntium consignatum esse Senatus Hamelensis annalibus: hodieque adhuc apud eos in more positum esse, ut in contractibus pactisque, que scripto consignantur; & antiquioribus literis scribuntur, scriptum inveniat hac verborum formula, *Von unser Kinder aufgang* / id est, "ab egressu liberorum nostrorum. Ajuntque, plateam seu vicum, per quem ducti sunt pueri, in hujus rei memoriam die Bungloese Straß nuncupatum, ac ibidem nefas esse pulsare tympanum, &c.*

C I R C V L V S W E S T P H A L I Æ.

Vnde dicta.



Nde nomen Westphalia acceperit, non una est omnium sententia. Sunt qui à Vesta dea *Vestaliā* dictam arbitrantur, quod ea hic olim culta fuerit; unde & Westphalos quasi Vestalios dictos esse volunt. Aliis tamen placet ab Occidentali plaga sic dictos. Qui enim, inquiunt, ultra Visurgim fluvium Orientalem plagam occupant, *Oostvali* Saxones nominantur, ab *Oost*, Oriente, & *Valen*, quod lingua Saxonica pullum equinum significat, quem in militaribus signis habuerunt. At abolito isto nomine mansit Saxonum appellatio. Sic Westphali, qui cis Visurgim versus Occasum habitant, à *West*, Occidua plaga, ita dicti. Alii denique à campo *Velt* potius, quam à *Valen*, Westphalos dictos arbitrantur. Vt ut sit, certum est, illos jam annis amplius nongentis sic nominari.

Prima
Westphaliæ
acceptio.

Circulus
Imperii.

Porro illud notandum, Westphaliæ nomen tripliciter sumi. Primo pro universa regione, quæ ab Ortu habet Visurgim, ad Meridiem Hassiæ montes, ad Occidentem Rhenum, ad Septentrionem Frisiæ paludes. Atque hoc sensu Septimus Imperii Circulus *Westphalicus* vocatur, qui tribus ordinibus constat: I, Ecclesiastico; II, Principum, III, Civitatum liberarum. In primo sunt Episcopi Paderbornensis, Leodiensis, Ultrajectinus, Monasteriensis, Cameracensis, Osnabrugensis, Verdenensis, Mindenensis. Abbates, Werdenensis, Stablonensis, S. Cornelis-Munster, Echternacensis, Corbejenensis, Herfordensis. Abbatissa una, Essenensis. In ordine Principum secularium sunt, Dux Cliviæ, & Comes Marchiæ, Dux Iuliacensis & Montensis, Marchio Badensis, Comes Embdanus sive Frisiæ Orientalis, Comes Sein, Dillenburg, Comes Vernenberg, Comes Manderscheid, Comes Weida & Ringelberg, Comes Meursensis, Dominus Bronckhorst, Comites Steinfurt, Bentheim, Dortmund, Oldenburg, Dominus Bidburg, Comites Hoya, Diepholt, Scaumburg, Domini Spiegelberg, & Varenberg, Comites Arenberg, Dierenberg, Lippenensis, & Dominus in Somer-aufs. Civitates liberæ sunt Colonia, Aquisgranum, Vefalia, Marcodurum, Cameracum, Tremonia, Sufatum, Duysburgum, Hervordia, Brakel, Wartburg, Lemgovia & Werden. Ac hujus quoque Westphaliæ populi veteres dicuntur fuisse Teutoni, Busacteri, Chamavi, Angrivarii, Longobardi, Dulgumnii, Angili, Chauci & Cherusci.

Secunda
acceptio;

Secundò sumitur Westphalia, pro intima prioris parte, quales sunt Monasteriensis Episcopatus, similiter Paderbornensis, & Osnabrugensis, cum locis vicinis, quorum incolæ hodie communiter *Germania*.

Westphali audiunt, (quod nomen Montenses & Clivii Cis-Rhenani averfantur,) habent hi suas tabulas peculiares.

Tertio sumitur pro speciali Ducatu, de quo videnda propria.

Habitarunt hic olim (ut de Teutonibus, qui ab hoc littore Balthico, ubi sedes eorum antiquissimas Ptolemæus collocat, cum Cimbris in Galliam profecti, Teutoburgo, quod Tacitus in Westphalia potuit, nomen dedisse existimantur, non dicam) Busactori, seu, ut Tacitus, Bructeri, Chamavi, Angarii, Dulgumnii, Angili, Chauci, Cherusci, & Cayci.

Cum Imperator Barbarossa proscripsisset Henricum Leonem Ducem Saxonie, & Bavariæ, qui postremus universam Saxoniam & Westphaliā, ab Albi usque ad Rhenum tenuit, Philippus Colonienfis Archiepiscopus magnam Westphaliæ partem Leoni adeptam occupavit, & titulum Ducis Angariæ & Westphaliæ, Imperatoris auctoritate assumpsit. Bernhardus Anhaltinus, Alberti Vrſi filius, superiorem Saxoniam ad Witebergam, cui Electorum dignitas adjuncta est, possedit. Cujus (Bernardi) nepos Albertus, post annum 45, Ducis etiam Saxonie titulum, Ottoni puero, nepoti Leonis, in bello adversus Danos, à Lubecensibus, eorumque sociis capto, extorsit. Cujus Alberti agnati, Duces Saxonie Lauenburgenses, hodierna die titulum veterem Ducum Saxonie, Angariæ & Westphaliæ servant. Quam occidentem versus, Lippiæ & Rheno interjectam, amplissimum videlicet Comitatum Marchiæ, cui Tremoniensis etiam civitas & ditio inclusa est; & Ducatum Bergensem; & citra Lippiæ & Amasis fontes Comitatum Revensburg, Limburg, & Vlote, Dux *Iuliacensis*: multa sparsim Archiepiscopus Colonienfis; quædam Paderbornensis; & Comites Waldecenses, possident. Reliquæ, orientem versus, à ripa Lippiæ ferè ad Visurgim (Bremam alluentem) Westphaliæ maximam partem, Monasteriensis Episcopus; aliquam Osnabrugensis & Mindenensis, tenent. Cætera Comites de Lippia, Bentheim, Teclenburg, Ridberg, Pirmundt, Diephold, Hoya, Oldenborch, Delmenhorst, in ditioe & potestate habent. Qui Comites plerique, à Carolo Magno Episcopis initio adjuncti, judicum vires, quod & nomen *Greven* Germanicum denotat, gerebant.

Soli etiam Westphalici ubertas & bonitas multis in locis eximia est. Etsi enim in eo tractu, quem mercatores sæpissime transeunt, regio vastior & incultior est: tamen ad Visurgim, & circa Sufatum, Hervordiam, Paderbornam, Wartburgum, Hoxariam & passim alibi, fertilibus agris, ac ubique ferè latissimis pascuis, glandiferis sylvis, iisque non incultis abundat. Versus Rhenum & montes Hassiæ, etiam ferri, cupri, plumbi

C c c c c



plumbi & aliorum metallorum, ad Corbachium etiam auri venas non incelebres habuit. Et terræ bonitatem omniumque rerum ad victum pertinentium copiam, frequentia hominum eam incolentium, & oppida plurima, ac urbes amplæ & populosæ, Monasterium, Osnabruga, Sufatum, Minda, Tremonia, Hervordia, Paderborna, Lippia, Lemgovia, Wefalia, & cætera, recta descriptione & splendore ædificiorum, & civium multitudine ac humanitate, paucis in Germania cedentes, ostendunt. Ne Palæstina quidem, quam Deus terram melle & lacte fluentem nominat, omnibus in locis pari fertilitate fuit. Multò feracior vini, olei, balsami, frugum, & aliorum terra nascentium fuit Galilæa & Peroa, quam Iudæa: præsertim ea parte, qua montes Arabicos spectat, in qua panibus hordaceis vesci vulgus & aquam bibere solebat. Quare nec Westphalia vitio verti potest, quod, cum regio amplissima sit, & latissime pateat, alicubi amœnior ac fecundior, alicubi incultior & horridior sit.

*Gentis elo-
gium, indo-
les.*

Gens Westphalica, constantiæ & gravitatis amans, ut difficulter initio ab avita religione abduci, & ad Christi agnitionem converti potuit; ita deinceps semel datam Christo fidem, non solum constantissime servavit, verum etiam latè in reliquam Saxoniam, Daniam, Sueciam, Vandaliam & alias regiones propagavit. Præcipuam Nobilitatis Westphalicæ fuisse virtutem in ea militia, qua Ioannes Megapolitanus, ob pietatem & sacrarum literarum scientiam Theologus dictus, amplissimam gentem Livonicam Christo adjunxit, inde perspicuum est, quod ante annos

paucos adhuc, amplissima Livoniæ pars, Westphalorum nobilium imperio parebat.

Ingenia Westphalorum ad litteras, disciplinam, virtutem, doctrinas & alias honestas artes idonea esse, demonstrant tot tantique viri virtute & doctrina excellentes, ecclesiæ & rerum publicarum gubernatores, quos innumerabiles natio Westphalica orbi dedit.

Carolus Magnus, cum Westphalos videret libertatis amantes, jugum Imperii ægre ferentes, & nihil non molientes, ut, excussa Episcoporum & Regum Romanorum dominatione, pristinum libertatis decus reciperent, viros aliquot honestos, sapientes, & industrios secreto delegit, eosque hac potentia armavit, ut quoscunque certo cognoscerent seditionis cupidos & authores esse, sine longiore disputatione statim multarent. Quæ judicia, etsi, ad reprimendos turbulentorum hominum seditiosos conatus, sapienti deliberatione instituta fuerant, cum multa tamen injusta per eadem fierent, per totam Westphalam jampridem obsoleverunt; & quamvis Scabini illi etiamnum in nonnullis perpaucis tamen oppidis supersint, judicia tamen nulla clam, sed omnia palam citatis & auditis denunciatis, peragi solent. Et magistratus oppidorum ubique judicia tam civilia quam criminalia exercet, nec Scabinis de cujusquam sanguine, nisi ordine judiciali, cognoscere licet. Ita ut forma gubernationis politicæ honesta, & in civitatibus, judicia, legibus & jure, non minus quam in reliqua Germania, æquissima constituta sint.

*Judicia &
leges.*

Termini.

Domini.

*Arnsberg
Comitatus.*

WESTPHALIA

DUCATUS.



Termini.

Domini.

Arnsberg
Comitatus.

Tertio, uti dictum in generalis Westphaliæ descriptione, sumitur Westphalia pro speciali Ducatu, de quo hic agitur, & cujus topographiam in Tabula videre est. Ab Oriente habet Comitatum Waldecensem, à Meridie juga Hassiæ, ab Occidente *Merckischland*, à Septentrione Episcopatum Monasteriensem & Paderbornensem. Olim diu Wedekindus Saxoniarum Regi, ipsiusque posteris paruit. Quis vero post Carolum Magnum rerum status per Westphaliæ, quis rerum summæ hac quoque parte præfuerit, an tota Pontificibus paruerit, non reperitur in Annalibus. Equidem in Orientali Saxonia erant seculares Domini, qui rerum tenebant gubernacula: primo quidem Reges de stirpe Caroli Magni, sub quibus tamen Duces Saxoniarum de genere Witikindi paulatim magis magisque increvere; usque ad Henricum Primum Regem Romanorum, à quo tres ordine Othones, deinde etiam Marchiones Saxoniarum, nati ex Henrico Duce Bavariæ, fratre primi Ottonis. Westphalia vero, quæ est Occidua Saxonia, quos habuerit Principes seculares illa tempestate rem cum Episcopis administrantes, omnino non legimus. Sequenti tamen ætate Henricus Dux Leo, & ante eum avus illius Luderus Dux Saxoniarum, inde Imperator, Westphaliæ tenuisse leguntur. Nam cum ab eodem Henrico per sententiam Frederici I Imperatoris destitueretur, Ducatus hic Westphaliæ Archiepiscopo Coloniensi cessit, servante eundem titulum Duces Saxoniarum Inferioris de genere Comitum de Anholt.

Includit hic Ducatus hoc tempore Comitatum *Arnsberg*, & Angariæ Ducatus reliquias, cujus limites difficulter explicari possunt, cum de Angariæ nomine nihil reliquum sit, nisi pagus *Engern* in Comitatu Ravenspergenfi, ubi sepulchrum Widikindi adhuc in choro conspicitur, quamvis ossa cum ornamentis quibusdam jamdudum dicantur Hervordiam translata. Sepulchro hi inscripti sunt versus:

*Ossa viri fortis, cujus fors nescia mortis,
Iste locus claudit: euge bone spiritus, audit.
Omnes mundantur, hunc Regem qui venerantur,
Ægros hic morbis Cæli Rex sanat & Orbis.*

Arnspergicus autem Comitatus, quando ad Episcopatum Coloniensem devenerit, non una est Historicorum sententia. Crantzius in Metropoli scribit lib. 6. Quod cum multis de causis anno 1164, Henricum Comitem ibidem obsedissent Episcopi Coloniensis, Paderbornensis, &

Monasteriensis, atque idem Henricus Saxoniarum Dux, Leo dictus, eiectionis esset castro, ita receptus fuerit in gratiam, ut post obitum suum consignaret Ecclesiæ Coloniensi Comitatum. Atque ab eo tempore putat Crantzius Colonienses Archiepiscopus totam illam ditionem antiquissimæ istius nobilitatis tenuisse. Coloniense vero Chronicum perhibet, Godefredum ultimum Comitem de *Arnsperge* contulisse donatione inter vivos eundem Comitatum Ecclesiæ Coloniensi, cum castris, fortalitiis, terris & dominiis, hominibus ministerialibus & vasallis, & cum omni patrimonio & attinentiis (verba sunt istius sæculi) dicti Comitatus. *Arnsbergum* situm ad Ruram, arcem editiore monte adjunctam habet, gratum, commodumque Episcoporum Coloniensium domicilium, ut quod jucunda simul utiliaque venationis exercitia, piscium item copiam ex præterlabente Rura præbeat. Sunt & alia oppidula, *Hovestadt* ad Lupiam, *Geseke*, *Erve*, *Aenruchte*, *Molheim* ad Monam, *Nieubuyssum* ad eundem, & *Neim*: *Hullinckhoven*, *Olinckhusen*, *Herstberg*, *Brilon*, *Meschede* ad Ruram: *Sunderen*, *Oldendorp*, *Fredeborg*, *Medebach*, &c. Notata quoque loca reperiuntur *Wedinckhusen*, quasi Wedekindi arces, ac domus, vestigia prisca ævi. Non longe à *Brilon*, prope *Broeckhusen*, in petra summitate, fons scaturit limpidissimus. Ad Occidentem, prope urbem *Balve*, antrum est vastissimum, incogniti recessus.

Tota regio fere est montosa, nisi ubi Lupiam respicit, quo loci in amœnissimam & fertilissimam planiciem definit. Omnia vitæ necessaria, licet non in omnibus locis, copiose habet. Frumentum in planitie, pascua & prata in convallibus, ligna & feras in montibus altis, copia incredibili.

Fluvii hujus regionis & fontes, vix numerabiles, magno murmure strepituque prætereuntes reficiunt, quorum fluminum princeps Rura, qui omnes reliquos propemodum absorbet, & Rheno, non procul Duysburgio infert. Reliqui sunt *Lena*, *Mona*, *Rora*, *Alma*, qui Lupiæ, & *Dymela*, qui Visurgi miscuntur, alique anonymi. Omnes optimis delicatissimisque piscibus abundant.

Insuper metalla habet omnis generis, aurum, argentum, (licet ob aquarum copiam fodinæ non lucrosa, ideoque neglecta) cuprum, ferrum, plumbum, vitriolum, alumen & sulphur. quibus addo marmor, & lapides omnis generis, imprimis quibus tecta constant, vulgo *Schifferstein*.

Metropolis *Werla*, pingui solo & felici sita, salinis celebris, curiâ insignis. Nobilitas antiqua & copiosa, gens robusta, ingeniosa, cuiusvis cœlo assueta, selectos præbet milites. Vicinos habet *Marck*, *Munster*, *Lippe*, *Paderborn*, *Waldeck*, *Hessen*, & Comites *Westerwaldiæ*.

Arnsbergum.

Oppidula
minora.Regionis in-
doles.

Flumina.

Fodinae.

Metropolis.



Ep
Ta

Q

Fl

D

P.
fb

M
m
t.

MONASTERIENSIS

EPISCOPATUS.



Regio Westphaliæ satis ampla, gregibus, quam hominibus alendis benignior est; sylvis horrida, ac paludibus crebris fœda, veterem illam Germaniam referre videtur. Episcopatibus & Comitatibus frequentibus distinguitur.

Episcopatus. Episcopatus sunt Monasteriensis, Paderbornensis, Mindensis, Osnabrugensis, Verdenensis. Monasteriensis ab oriente Osnabrugensem spectat Episcopatum, à Septentrione Comitatum Steinfurtem & Benthemiensem: ab occidente Cliviam, Zutfaniam, & Twentanos: à meridie Marchiæ Comitatum.

Qualitas. Tota regio amnem Lippiam & Frisios interjacet; insigni planicie, paucis in locis exceptis, ubi in colles veriùs quam montes assurgit, ut circa Baamberg, qui lapides cum marmore certantes abundè suppeditat. Omnia vitæ necessaria habet, exceptis metallis. Imprimis excellit pascuis, unde tantum bouum pinguium numerum quotannis exteris suppeditat, uti & porcorum, qui glandium ibidem ubertate felici proventu, magis quam ullo alio vicino loco, saginantur.

Fluvii. Fluvios habet, *Amasyn*, qui totam ditionem pertransit, & non procul Monasterio fit navigabilis, *Lippiam*, aliosque minores, ut *Steyer*, *Berckel*, *Vechte*, *Aa* (cujus nominis sunt quinque vel sex diversi) *Weerse*, *Bever*, *Hessel*, *Lutter*, *Dinckel*, &c.

Divisio. Dividitur in Australem & Septentrionalem; *Australis* à Lippia incipit usque ad angustias illas circa *Buren*, ubi inter Comitatum Benthemensem, & Baronatum Lingensem ultra iter duarum horarum, vel circiter, latitudo sese vix extendit. Carolus Magnus domitor Saxonum, & Romanorum Imperator, in his partibus, instituit Episcopatum, quem vocavit Mimingerodensem, vel, ut alii interdum vocant, Mimingardefurdensem. Is vero à Monasterio illic exstructo appellationem mutuavit, & abolito vetere nomine dictus est Monasteriensis. Monasterium illud condidit in honorem B. Mariæ Virginis Hermannus Episcopus, fueruntque ejus tanta protinus incrementa, ut in eximiam urbem & totius Episcopatus metropolin evaserit. Sita est illa loco amœnissimo, plano, ad utramque Alphæ ripam situm, ædificiis tam sacris quam profanis splendidum. Parochias præter summum templum habet septem; portas octo, quinque Collegia amplissima, Scholam quoque litterarum & artium, satis celebrem, ut & Cœnobita item multa tam virorum quam Virginum, è quibus Abbatia emicat, Mariæ vallis dicta, ab Hermanno I. an. 1041 fundata, spectantur quoque quatuor ampla fora,

Germania.

in quorum uno curia est rotundis subnixa columnis, multisque exornata sculpturis: infra hanc cella vinaria publica omnibus largiter modico pretio vina & cereviasia diversi generis subministrat. In foro piscatorio visitur Domus Collegialis, *das Gildenhaus*, quæ spatiosa ut & perpulchra est. Civium ædes & domicilia nitida & ex Bambergensi lapide (ita locus appellatur, ubi effodiuntur, uno mill. Monasterio distans) constructa in anteriori parte plerumque columnis imposita sunt, ita ut subtus deambulare liceat. Nundinis præterea sex urbs satis clara, quarum tres extra, tres vero intra urbem celebrantur: in iis aliquem lædere ad sanguinis missionem capitale est. In Iudiciis vero ratio duplex: Iurisdictio Ecclesiastica tota penes Episcopum est, & eatenus quoque civilis, quatenus altera pars sub Episcopi jure est. Cives vero cum civibus si quid litigent, ad Magistratum urbis causa cognoscenda deferuntur; cui judex nomine Episcopi adjungitur: si vero pars litigans appellet, causam ad Cameram Spirensensem referunt, à qua deceditur.

Qua natura, qua arte est munitissima, præsertim post furores Anabaptistarum, qui sub Episcopo Francisco, Comite de Waldeck, anno 1533 ingentes ob religionem tumultus excitarunt. Primus eorum author fuit Bernardus Rotmannus, qui extra urbem ad S. Mauritium quum doceret, doctrinam Ecclesiæ Romanæ probatam, applaudente plebe, refutabat. Eum populus rerum novarum avidus in urbem recepit. Nec privata ejus institutione contentus, petiit à Senatu templum. Interea loci venit in urbem ex Hollandia farnicator quidam Leidenensis, Iohannes, homo vanus, ambitiosus, audax, quique in patria Anabaptistarum doctrinam sequutus, Doctoris animum ac confidentiam sumpserat. Venit quoque eodem Hermannus Stapreda, qui Rotmanni collega factus, cœpit ab ipso dissentire, & in parvulorum baptismum invehiri. Hoc interdiu & publice, Ioanne privatim & nocte, plebis animos impellentibus, magna ad sectam facta est accessio: Senatus jam tunc imminentem nubem prævidens, quum crederet capitibus semotis cætera facilius componi posse, jubet authores ab urbe proficisci. At illi porta una egressi, alia regressi sunt, magno animo adferentes, sibi à Deo mandatum, ut causam veritatis serio agerent. Vbi hoc non successit, alia via Senatus rem tentat. Evocat in Curiam Doctores Evangelicos & Anabaptisticos, ratus, penes illos, si committerentur, fore victoriam. Quum convenissent, Rotmannus desertis partibus, aperte Anabaptistis se jungit, & infantum lavacrum exsecratur, frustra eum increpante collegâ Buschio. Præter opinionem accidit hoc Senatui; rebus tamen pacandis fit Senatusconsultum, quo jubentur Anabaptistarum doctores urbe quamprimum excedere,

Dissensiones circa religionem.

E e e e

dato



dato illis commeatu, quo tuto possent per Episcopi fines proficisci. At illi abdidere se apud suæ doctrinæ sectatores, professi, Deo potius parendum quam hominibus. Crescebat interea numerus Anabaptistarum, & bacchantium more alii alios ad eandem sententiam protrahebant, nullo facto disputandi modo. Quod ut vidit Senatus, jubet omnia templa, uno excepto, claudi: erat enim periculum, ne pars altera, quæ tunc minor esse coeperat, ab Anabaptistis pelleretur. Horum ergo doctrinæ elidendæ, Senatus etiam ab Hassiæ Lantgravio petiit, ut eruditi aliquot viri mitterentur. Missi sunt Theod. Fabritius, & Ioannes Melfingerus: quorum hic statim, sive quod desperatas jam res videret, sive quod sibi diffideret, sponte rediit: alter non ante cessit, quam ab adversariis suis urbe eiectus est. Subornatus interea est ab Anabaptistis quidam, qui, quasi numine adflatus, per compita & vicos discurrit, exclamans, poenitentiam agite & rebaptizamini: sin minus, jam ira Dei vos obruet. Multi ergo, vel quod iram Dei metuerent, vel quod sibi bonifque suis, crescente furentium turba, consulerent, morem iis gerebant. Sub exitum Decembris, quum jam prodissent è latibulis suis occulti doctores, facto agmine Anabaptistæ forum occupant, machinas bellicas educunt, Curiam quoque invadunt, magno clamore vociferantes, ut qui rebaptizatus non esset, interficeretur. Alii contra, in locum quendam urbis natura munitum sese conferunt, atque ex eo in Anabaptistas forum tenentes armis rem agunt. Tandem conventum est, cautumque ut quisque suam religionem sequeretur. Sed Anabaptistæ, ut in futurum suis rebus consulerent, atque in posterum non pares, sed superiores essent, per Rotmannum & Bernardum Knipperdolingum in vicina oppida mittunt litteras, quibus omnes ejus sententiæ consortes monent, ut relictis fortunis suis, statim ad ipsos properent: ita oppleta urbe peregrinis Anabaptistis, oppidani, quippe in re lauta erant, subduxerunt sese ei, quam prævidebant, tempestati. Hæc facta sub initium anni 1534. Debilitatis autem alterius partis viribus, deligunt Anabaptistæ Senatum suæ factionis: creant Consules, & in his Knipperdolingum: templum suburbanum Mauritiî incendunt: urbem spoliant: eos, qui suæ sectæ non erant, expellunt, bonaque ipsorum occupant. Quum autem Episcopus jam urbem cœpisset obsidione cingere, evenit multis qui urbem deserebant, ut ab Episcopi copiis caderentur. Ita coacti etiam sunt in urbe quidam furoribus Anabaptisticis applaudere. Quæ in urbe à fanaticis tempore obsidionis gesta sunt, longum esset narrare, estque res in omnium ore atque oculis. Nihil fuit indignius, quam quod sceleribus flagitiisque suis profani homines divinum quoque nomen & religionem obtenderent. Semel meliorem partem cœpit impetus vindicandi sui, & furiosum bacchantium gregem opprimendi, sed captis quinquaginta, & post multa tormenta occisis, desperatum est postea. Hoc tempore adsumpsit sibi Ioannes Leidenensis titulum Regis, & se pro Rege, ut potuit, gessit, uxore etiam primaria (nam plures habebat) Regina nomine habituque ornata, quam tamen postea,

quod minus probasse ipsius actiones visa esset, ipse obtruncavit. Tandem post multas calamitates atque insanias anno 1535, die 27 Iunii, noctu sub horam undecimam copiæ Episcopi, cui se junxerant Colonienfis Præsul Hermannus, & Dux Clivenfis, cum Lantgravio Hassiæ, silentio ad urbem accedunt; & ducente quodam perfuga per fossam ad vallum enituntur. Inde patefactis portis admissoque exercitu capiunt urbem. Rex vincus cum sociis ad vicinos Principes circumducitur, ac tandem anno 1536 candentibus forcipibus discerpitur. Hic exitus fuit factionis Monasteriensis.

Anno 1648 desideratissima illa Pax inter Hispaniæ Regem & Ordines Fœderati Belgii percussa, ut & inter Imperatorem Romanum, Regnum Sueciæ & Regem Galliæ, inchoata, & Osnabrugæ conclusa, maximo cum omnium Christianorum gaudio. Anno 1659 ab Episcopo obfessa, succurrentibus Belgii Fœderati Ordinibus liberata est, usque dum anno 1660 iterum diuturna & molestissima obsidione cincta, intercedente Cæsaris auctoritate an. 1661 cum Episcopo transigere coacta fuerit, qui duo urbi castella imponere studet, quo melius eam posthac in officio continere queat.

Civitates reliquæ sunt versus Orientem, *Warendorpium*, à Varo ita nominatum, populosum, ad Amalis ripam, lætis pascuis abundans, lini & lanæ textura; *Alen & Beckem* agri bonitate; *Telligt* loci amœnitate laudabiles. Versus meridiem sunt *Weerne & Dulmari*, quarum utraque pascuis, uti & *Halterm* agri bonitate, & nautarum statione nota. Versus Occasum Coesfeldia est fontibus & rivulis speciosa, agro & pratis optima: Hanc sequitur *Borken* Alphæ fluvio imposita: quam excipit *Bucholtzium* loco postrema, ordine prima, fertilitate, pulchritudine, multitudine incolarum, eorumque industria, & opificiis nulli cedens. Ab altera parte *Vreedem* antiquissimo Nobilium Virginum collegio, & pannorum lineorum textura famosum. Versus Septentrionem superest *Rhena*, mercatura, navigiis, salinis, fluvii amœnitate & agri bonitate insignis. Gens regionis candida, industria, sincera, mercaturæ dedita, opificiis insignis, perantiquam habens Nobilitatem, robusta, civilis, audax, & ad omnia apta. Vicini sunt *Osenbrugge, Ravensberg, Rhede, Lippe, Westphalen, Marck, Cellen, Cleve, Zutphen, Twent, Bentheim, Linge & Tecklenborg*.

Septentrionalis pars, ab angustiis intra *Bentheim & Lingen* incipit, & secunda Amasi descendens ad Frisios, Oldenborgenses & Diepholtianos sese extendit. Regio tota plana, arenosa, sabulosa & paludosa. Melior pars in Vechtenfi districtu & ad ripas fluviorum. Fluvii præter Amasin, *Hasa* ex Osnabrugensi territorio proveniens, uti & *Honta*, quæ lacum *Dummer* transiens, tandem in Oldenborgensem Comitatum descendit, ubi navigabilis facta Visurgim ingreditur infra Bremam aliquot leucis; cæteri ignobiliores.

Civitates habet *Meppenam* cum arce, ad confluentiam Amasis & Hasæ, loco peropportuno sitam, cum duos habeat fluvios navigabiles. Proxima est *Haselunna*, bonis piscibus & optima cerevisia, quæ longe lateque effertur, celebris.

Hinc

Quali-

Oppida.

Mores.

Pars Septentrionalis.

Fluvii.

Civitates.

Hinc *Vechta* & *Cloppenburgum* riguis pratis & antiquis castris, notabiles. Tandem *Wilshufum* superest, Hontæ ripis imminens, antiquissimo Canonorum Collegio famosum, loco fertili & amœno. In hac regione notabiles sunt antiquitates, ex congestis lapidibus portentosæ & inusitata magnitudinis. Extant circa *Buren*, *Lorype*, *Cloppenburg*, *Steenveelt* & alibi. Videntur gentiliū Heroum quorundam fuisse sepulchra. Nuper scrutati sunt aliqui effossa arena, & præter ossa terream supellectilem, ut cochlearia, pocula, patinas, nummulos, similesque quisquilias invenerunt. Nobilitas antiqua & multa in primis in *Vechten* districtu; incolæ vulgares robusti, laboriosi, agro colendo & effodiendis glebis (vulgò *Torff*) tota æstate occupantur, in primis in *Saderlandia*, quas in *Frisiam*, pro foco instruendo, navibus important, & aliis mercibus permutant.

Qualitas.

Mirum est, in æternis quasi istis paludibus, tam promptum igni pabulum inveniri; accenditur enim, postquam solaribus radiis inaruit instar sulphuris, cujus odorem refert, unde verisimile bituminosum aliquid glebis istis contineri. Imo adhuc magis mirum integras arbores, imprimis piceas, & tædas aliquando ex iisdem paludibus erui, quas diluvii tempore incolæ obrutas fuisse sibi persuadent, cum alias in tota regione nusquam ulla hominum memoria similes extiterint. Pascuis abundat, frumentique ad necessitatem imprimis secalis, phagopyrii & avenæ, lætioribus locis etiam hordei & tritici boni ferax.

Abundat regio feris omnis generis, piscibus & avibus, imprimis ardeis, quarum incredibilis numerus circa *Osterech* & reliquis locis usque *Hummelinge*.

Oves etiam habet, parvulas quidem, uti & cætera animalia, sed delicatarum & sapidarum carniū. Iurisdictionem spiritualem Ecclesia *Osnabrugensis* sibi vendicat, quæ etiam quibusdam locis concurrat in temporalibus, ut in *Damme* & *Niekerken*. Vicini sunt *Bentheim*, *Drente*, *Westerwalde*, *Oostfriesland*, *Oldenburgh*, *Delmenhorst*, *Hoya*, *Diepholt*, *Minden*, *Osenbruck* & *Linge*.

E P I S C O P O R V M M O N A S T E R I E N S I V M S E R I E S.

1. **S**anctus *Ludgerus* nobilis *Frisius*, discipulus *S. Gregorii*, Canonicus *Osnabrugensis*, præfuit annis 24. Obiit *Billerbecæ* 26 Aprilis, sepultus in Monasterio *Werden* si a se fundato, anno Christi 809.

2 *Gerfridus* *S. Ludgeri* agnatus, 30 annis præfuit, sepultus ibidem anno 839.

3 *Altfredus* ejusdem familiæ, 10 annis præfuit, obiit 22 Aprilis, sepultus ibidem anno 849.

4 *Lubertus*, vel ut alii, *Hubertus* triennio tantum præfuit, obiit anno 852.

5 *Bertoldus* triennium attigit, mortuus an. 855.

6 *Wilhelmus* I, Pastor in *Catzenhusen* invitatus ad Episcopatum trahitur à *Ludovico* Imperatore. Sacellum *S. Clementis* ædificavit, quamdiu vixerit, ignoratur.

Germania.

7 *Richardus* è familia Regum Angliæ & *Hybernæ*, procul à patria, & mundi illecebris Deo servire volens, invitatus Episcopatum accipit, cui ad mortem usque laudabiliter præfuit.

8 *Rumoldus* pauperum patronus, interfuit Concilio *Triburiensi* tempore *Arnolphi* Imperatoris, anno 897.

9 *Hilleboldus* Ecclesiam valde exornavit, peste mortuus.

10 *Dodo* exemplaris fuit vitæ, de cujus obitu nihil certi traditur.

11 *Suederus* Canonicus veteris Ecclesiæ fuit, ubi etiam sepultus.

12 *Theodorus* è monacho *Leisbornensi* dicitur Episcopus factus, sepultus ad *S. Clementem*.

13 *Sigfridus* è *Corbejensi* Monasterio, optime præfuit, multa ornamenta contulit, quæ *Anabaptistarum* furore perierunt.

14 *Hermannus* I Ecclesiam *B. Virginis* trans aquas ædificavit, & in præsentia *Henrici Tertii* Imperatoris consecravit, ubi etiam sepultus. Hoc tempore antiquum nomen *Milingard* paulatim exolevit, & utraque civitas *Monasterium* dici cœpit, jubente & volente Imperatore.

15 *Robertus* æternis & temporalibus bonis Ecclesiam ditavit.

16 *Fridericus* I Marchio *Misniæ* è suo patrimonio fundavit insigne collegium *S. Mauriti* extra muros, in quo sepultus anno 1088.

17 *Erpo* è familia *Friderici Antecessoris*, cum Duce *Bullionæ* miles interfuit gloriosæ expeditioni in terram sanctam, sepultus in templo *S. Mauriti*.

18 *Theodoricus* à *Winzenburg* præesse cœpit circa annum 1097. Hoc tempore *Godefridus* & *Orho* fratres Germani, Comites *Cappenbergen* ses, ordinem *Præmonstratensium* amplexi, arcem suam in Monasterium converterunt; & præterea sex collegia è bonis suis, tria virorum, & totidem virginum fundarunt, & sufficienter dotarunt.

19 *Burchardus* ab *Holthe* Ecclesiam altis mœnibus cinxit, *S. Michaëlis* & *S. Gregorii* sacellum extruxit, *Dulmaniensis* civitatem ædificavit & munivit.

20 *Egbertus* multa reparavit incendiis superioribus deperdita, Ecclesiam *Nottelensem* consecravit, anno 1130.

21 *Wernerus* amore vitæ solitariæ in collegio *Cappenbergen* si ætatem transegit, ubi in choro sepultus.

22 *Fridericus* II, pro ædificando summo templo multa collegit, sed morte præventus in *Sacello S. Clementis* sepelitur.

23 *Ludovicus* I, Comes in *Tecklenburg*, multas immunitates & bona *S. Paulo* dedit, præfuit diu & bene.

24 *Godschalcus* Saxo non tam familia, quam multis virtutibus clarus.

25 *Hermannus* II, Comes in *Catzen-Ellenbogen*, *Friderico* Imperatori militavit contra *Mediolanenses*, anno 1162. Vnde titulum Principis Imperii primus reportavit. Fundavit collegia *S. Ludgeri* & *S. Martini*, dotavit insigne illud collegium in *Marienselt* / ubi in choro quiescit. Præfuit annis triginta circiter.

26 *Orho* I, Comes in *Bentheim*, contra infideles pugnavit feliciter in terra sancta.

F f f f

27 Theo-

- 27 *Theodoricus* II, Comes de Isenburg, primum lapidem posuit summi templi, die B. Mariæ Magdalenæ, anno Christi 1225.
- 28 *Ludolphus* ab Holte feliciter bella gessit, castrum Wolbekam sibi & suis exstruxit.
- 29 *Otho* II, Lippiæ Comes multa bona Ecclesiæ adjecit, obiit 1256.
- 30 *Wilhelmus* II, ab Holte, septennio præfuit.
- 31 *Gerhardus* Collegii Beckemensis fundator, civitates *Alen* & *Beckem* mœnibus cinxit, summum templum absolvit & consecravit, fundamenta Collegii fratrum minorum jecit, sepultus in choro majoris Ecclesiæ.
- 32 *Eberhardus* à Dieft, pacifice gubernavit, mortuus anno Christi 1301.
- 33 *Otho* III, Comes in Rietperg, Præpositus Paderbornensis, de inimicis suis triumphavit, mortuus anno 1308 die S. Galli.
- 34 *Conradus* Comes de Monte, à Clemente V depositus.
- 35 *Ludovicus* II, Hassiæ Landgravius, deposito Conrado successit, bello & pace clarus, diutissime, ad annos propemodum 50, & laudabiliter regnavit. Hoc tempore collegium S. Ioannis Hierosolymitani cœpit, anno 1311. Obiit 1357.
- 36 *Adolphus* Marchiæ Comes, Episcopus Monasteriensis primum, post Colonienfis Antistes, septennio præfuit.
- 37 *Ioannes* I, à Virnenborg, uno anno præfuit, Trajectum translatus postea & tandem depositus.
- 38 *Florentius* à *Bevelickhoven* / quindecim annis laudabiliter gubernavit, postea Trajectensis Episcopus factus, obiit ibidem anno 1379.
- 39 *Potho* à *Pothstein* Boëmus, ad Caroli Quarti instantiam electus, qui cum linguæ & morum ignarus esset, mature Episcopatum, magno tamen ære gravatum, reliquit, & ad suos rediit.
- 40 *Henricus* I, dictus *Wulff*, anno Christi 1381, Episcopatum adeptus, undecim præfuit annis. Hoc tempore, videlicet anno 1383, ingenti & miserabili incendio tota pene civitas, à S. Servatio ad S. Georgium usque in cineres redacta, subsequente statim maxima peste, quæ ultra 4000 brevissimo tempore sustulit è medio. In hujus rei memoriam sollemnis illa processio, quæ feria secunda ante festum S. Margarethæ celebratur, instituta. Obiit anno 1392.
- 41 *Otho* IV, Comes ab Hoja, periculosa, sed felicia bella gessit pro Ecclesia, cui annis triginta duobus præfuit. Mortuus in castro Bevergern anno Christi 1424. Hisce temporibus collegium *Fontis Salientis* cœpit, confirmatum postea à Martino V, & Eugenio IV, Pontificibus.
- 42 *Henricus* II, Comes à Mörfa, frater Archiepiscopi Colonienfis, castrum Stromberg ædificavit, equo lapsus misere obiit, anno Christi 1450. Strombergæ sepultus.
- 43 *Walramus* Comes à Mörfa, Henrici frater, nunquam quiete Episcopatum possedit, propter Ericum ab Hoja competitorem. Hinc celebris illa pugna circa Monasterium *Vaarle*, ubi multi succubuerunt, Fridericus Dux Luneburgensis, & quidam Comes Schaumburgensis cum multis aliis capti. Dissidium hoc duravit usque ad mortem Walrami, 1457.
- 44 *Ioannes* II, Dux utriusque Baviaræ, Princeps pacificus, prudenter sublato dissidio, alta tranquillitate & pace novennium præfuit. Postea Archiepiscopus Magdeburgensis factus, ibidem moritur, anno Christi 1475.
- 45 *Henricus* III, Comes de *Schwarzenburg* / 30 annis & bene præfuit, Clerum reformavit. Hoc tempore cœpit pulcherrima illa Carthusia in *Wedderen*, à quodam ditissimo nobili dicto *Keppel*, cujus unicus filius à parte Caroli Burgundi in obsidione Novefiana perierat. Mortuus anno Christi 1496.
- 46 *Conradus* II, Comes in Rietperg, Episcopus Osnabrugensis ædificavit castrum Iburg, reformavit *Rulle* & *Quernheim*, mortuus anno 1508.
- 47 *Ericus* I, Dux Saxoniarum, quatuordecim annis quiete gubernavit. Obiit anno Christi 1522.
- 48 *Fridericus* III, Comes in Wiedah, reservata annua pensione, resignavit.
- 49 *Ericus* II, Dux Brunsvicensis in Grubenhagen, Episcopus Osnabrugensis, nihil memorabile gessit, altero post electionem mense vita functus.
- 50 *Franciscus* Comes à Waldeck, difficillimis temporibus feliciter gubernavit. Hoc tempore *Ioannes Leydenfis* sartor, Anabaptistarum furore in Regem electus, ingentes turbas concitavit, quas anno Christi 1535, die S. Ioannis Baptistæ urbe capta, & punitis reis, prudenter sustulit. Obiit Wobecæ, sepultus in summo templo, anno 1553.
- 51 *Wilhelmus* III, dictus *Kettler*, quinquennium attigit, postmodum ultro resignavit, anno 1557. Supervixit usque ad an. 1582. Sepultus Cosfeldiæ.
- 52 *Bernhardus* à Rasfelt, è Cellario summi templi Episcopus factus, multa instauravit, & postquam novennio præfuisset, ultro cessit anno 1566. Sepultus in summo templo anno 1574.
- 53 *Ioannes* III, Comes ab Hoja, Princeps doctissimus & multarum linguarum peritus. Primò fuit Præses Camerae Imperialis, postmodum Osnabrugensis Monasteriensis Antistes, tandem etiam Paderbornensis Administrator. Statuta reformavit, Ahusiæ mortuus, & in summo templo sepultus anno 1574.
- 54 *Ioannes Wilhelmus* Dux Iuliæ, Cliviæ & Montium administravit Episcopatum annis undecim. Postmodum resignavit, & uxorem duxit. Mortuus sine prole anno 1609.
- 55 *Ernestus* Dux utriusque Baviaræ, Archiepiscopus Colonienfis, Episcopus & Administrator Monasteriensis, Leodiensis, Frisingensis, Hildesienfis &c. electus anno 1585, viginti septem annis, difficillimis temporibus præfuit, Princeps doctus & multarum linguarum peritus. Primum lapidem posuit collegii Petri Societatis Iesu. Obiit anno 1612, Arensbergæ, sepultus Colonia in summo templo.
- 56 *Ferdinandus* Dux utriusque Baviaræ, Archiepiscopus & Elector Colonienfis, Episcopus Leodiensis, Coadjutor Paderbornensis, Administrator Hildesienfis &c. Anno 1612, Monasteriensis fit Antistes, & 11 Aprilis publico omnium bonorum gaudio, solennibus & consuetis ceremoniis introducit. Decedit anno 1650, 13 Septembris.
- 57 *Christophorus Bernardus* è *Baronibus de Gablen*, Suffr. Capit. & omnium nobilium Statuum applausu in Success. Ferd. eligitur an. 1650. 26. Oct. Qui Princeps post varias cum urbe Monasterio dissensiones, tandem ei reconciliatus est anno hoc currente 1661, & res tota feliciter composita, ut superius jam diximus.

PADERBORNENSIS

EPISCOPATUS.

Populi an-
tiqui.



Devictis Westphalis, Carolus Magnus quatuor Episcopatus instituit, Monasteriensem, Osnabrugensem, Mindensem, & Paderbornensem. Hunc olim inhabitasse Busactores majores, Chemas, Angrivarios, perhibet Bilibaldus Pircheimerus patritius Norimbergensis, & Consiliarius Caroli V Imperat. Adscribam verba: *Ceterum inter Chaucos parvos atque Suevos incolabant Busactores majores, & sub his Chema, & deinde Angrivarii, quorum reliquia hodie quoque supersunt. Episcopus Colonienfis se Ducem Angrivariorum appellat. Nunc autem Oostphali & Westphali ibi degunt, & Monasterienses. Est & Paderbornensis & Bremensis ibi Episcopatus. Civitates idem Busactorum esse ait: Mediolanum, Munster, Teuderium, Paderborn, Siatuanda, Osenbruck, Tulisurgium, Brunswick.*

Termini.

Nomen
ande.

Origo.

Terminatur autem ad Ortum Ducatu Brunswicensi, Hassiæque confiniis, à Meridie Comitatu Waldecensi, ab Occidente Ducatu Westphaliæ particularis, & Reckenbergeni territorio: ad Septentrionem Lippiæ Comitatu. Nomen habet à celeberrimis Padi Westphalici fontibus, (Born fontem significat & scaturiginem) qui in media civitate Paderbornensi copiosissima scaturigine diversis locis, ad pedes Ecclesiæ Cathedralis erumpunt, & gratissimo murmure labentes, diversas insulas constituunt. Originem habet à Carolo Magno, qui, post devictum Wedekindum, pro majori incremento religionis Christianæ, Ecclesiam hanc fundavit, & data, pro insigni, rubra cruce, præfectura Dringenbergeni dotavit, anno Christi 780, Burckhardo Episcopo Herbipolensi administratione usque ad Hatumarum primum antistitem quindecim annis relicta. Eandem Diœcesin, Erico Duce Brunswicensi extincto, Hermannus Comes à Weda Archiepiscopus Colonienfis administrare cœpit: idque hac factum occasione. Anno 1527 cum in urbe Paderborna, vernali convivio, quod more ibi usitato celebrari solet, ministri Canonorum choreas cum civium uxoribus & filiabus ducere liberius & inverecundius viderentur, juvenes civium offensi eos objurgant, & mox in templum digressi, occupato petulantius choro, per ludibrium cantiones sacrificulorum imitantur, mox libros lacerant, & sacris impropierant. Cui petulantia ut occurreret Episcopus, urbem bis mille aureis mulctat, & immunitatibus quibusdam privat, Senatūque & cives adigit, ut nunquam se Lutheranam religionem admissuros in urbem promitterent. At mortuo Erico cives duobus templis Ministros

Germania.

præficiunt. Quo suo malo permoti Canonici, ne longius hæc res serperet, potente sibi Episcopo opus esse judicabant. Itaque Hermannum Coloniensem Archiepiscopum hac conditione eligunt, ut Lutheranismum jam in urbe publice invalescentem exigeret, ac aboleret. Hic mille equitum manu, Georgio Duce Brunswicensi, Adolpho Schauburgeni Coadjutore suo, Simone Lippiensi, & Ottone Ritbergeni, aliorumque Comitum, nobiliumque manu stipatus, Paderbornam die Dionysii ingreditur, & ubi fidelitatis juramento cives adstrinxisset, tres concionatores novos comprehendi, & addito præsidio, Ansbergam avehi jubet. Aberrante vero ob pluviam auriga, in pagum urbi Susato parentem perducti sunt, ubi à civibus Susatensibus agniti Susatum deducti sunt, & præsentis periculo exempti. E civibus vero cum sedecim mortis reos pronunciasset novus Episcopus, jamque ii in forum essent producti, ut supplicio afficerentur, carnifex rei indignitate permotus, capitalem sententiam adversus innocentes (ex more ejus loci carnifices mortis libellum pronunciant) recitare noluit, gladiumque Magistratui reddidit. Interea matronæ virginesque in foro compitisque ejulantes, panis palmis coram Episcopo, è curia cum suis prospectante, procidentes veniam damnatis deprecantur. Intercedunt mox Consilarii. Tandem Episcopus misericordia motus eos in carcerem reduci jubet, & postea vitæ iis securitate donata, pecunia multatos, integrum annum captivos in suis quemque ædibus manere, Catholicam Romanam vero religionem in omnibus templis restitutam, unicam & solam deinceps servari mandat.

Regio non ampla, sed fertilissima. Imprimis frumenti nullius non generis feracissima est, ovium quoque & vervecum (quod Galli & Brabantini norunt mercatores, quotannis istuc & ad vicina loca confluentes) porcorum, aliorumque animalium tam sylvestrium, quam domesticorum incredibili multitudine luxurians. Fontes & rivuli plures quam trecenti, qui omnes delicatissimi saporis piscibus abundant. Excipiuntur pauci aliqui, medicatum & acidulum saporem habentes, ut circa Driburgum & Brakel. Sunt quoque fontes hic indolis stupendæ, ut qui vulgo dicitur Bulderborn, fluxum & refluxum habens instar Oceani, non procul à pago Alden Bekem. Item fluvii diversi, ut circa Lechtenouwe, qui terra absorpti, post aliquot milliaria iterum erumpere creduntur Paderbornæ & alibi. Fodinas habet ferri laudati, plumbi, lapidum, & salinas diversis locis: quin etiam nuper marmor ostentare cœpit, & alicubi arenulas auri.

Mediam regionem interfecat dorsum montium

G g g g

Soli fertili-
tas.

Fontes.

Fodinae.

Regionis
paries.



tium à *Stad-Berg*, ad oppidum *Horn* usque, quod in duas illam partes æquales dividit, *Cismontanam* & *Tramontanam*. Cismontana plana fere est tota, fertilisque, nisi ubi tandem in ericeta definit, in territorio Delburgensi. Tramontana inæqualis & prærupta, fecunda tamen agris & pascuis. Fluvii Cismontani sunt, *Amasis*, *Padus*, & *Alma*. *Amasis* in profunda hic valle, lenta, sed copiosa scaturigine, solo arenoso caput attollit, pererratisque omnibus Monasteriensium finibus, ubi Orientalem Frisiam permeavit, *Dullarto* se miscet, ac Embdam alluens spaciofo ostio mare ingreditur. *Padus* & *Alma* à *Lupia* recipiuntur. *Lupia* hic quoque copioso fonte oritur prope urbem *Lippsprinck*, qui *Nienhuysium* adiens, & porro Episcopatum Monasteriensem pervagatus, prope *Vesaliam* Rheno miscetur. Tramontani sunt *Emmera*, *Neeta*, & *Dymela*, Visurgi se ingerentes, cum multis aliis minoris famæ. Metropolis regionis est *Paderborna*, agri fecunditate, loci amœnitate, cerevisiæ bonitate, & Academia nulli cedens. Præter hanc civitates plures viginti, è quibus potiores cis montes *Soltkotten* salinis optimis, *Lippsprinck* fontibus *Lippiæ*, *Buren* sede antiquissimæ familiæ nobiles. Trans montes præcipua est *Warburgum*, olim Comitatus, ubi fumen totius regionis ad ripam *Dymelæ*. Sequuntur *Borrentryck*, *Peckelsbeym*, *Borcholte*, *Beverunge*, *Brakel* & *Steinheim*, omnes fertilissimi agri. Postrema loco, non ordine, *Lugda*, amœnissima valle inter pascua & prata, ad *Emmeræ* ripam collocata, unde non procul acidulæ *Pymontanæ*, longa experientia ad multos morbos commendatæ. *Sualenborg* & *Oldenborg* olim peculiare fuerunt Comitatus, qui nunc certis conditionibus, diversis tamen, Episcopo Paderbornensi, & Comiti *Lippiensi* conjunctim subjiuntur. Vicini Paderbornensium sunt, *Dux Brunswicensis*, *Abbas Corbejensis*, *Hassus*, *Waldeck*, *Dux Westfaliæ*, *Lippiæ* Comes, *Rietperg*, *Ravensberg* & *Pymont*. In hoc tractu creduntur cæfæ legiones Romanorum Duce *Quintilio Varo*, ab *Arminio Cheruscorum* Duce.

EPISCOPORVM
PADERBORNENSIVM
SERIES.

1 **S** Anctus *Hatumarus* Saxo, à *Carolo Magno* Francorum Rege Episcopus nominatus, anno Christi 795. Summum templum incendio vastatum instauravit, quod *Leo Tertius* Pontifex consecrav. præfuit annis novem, mortuus anno 804.

2 *Baduradus* Saxo Canonicus *Herbipolensis*, structuram summi templi perfecit, reliquias S. *Liborii* per *Menolphum* Archidiaconum obtinuit, qui postea monasterium in *Bödeke* fundavit. Præfuit annis 48, obiit 852.

3 *Luthardus* à *Vandalis* fidei causa martyrio affectus anno 877. Soror ipsius fuit S. *Walpurgis*, nobilis Collegii in *Heerse* fundatrix.

4 *Biso* *Hervordien*se Collegium exstruxit, quod paulo post *Vngari* devastarunt, obiit 902.

5 *Theodoricus* novem annis præfuit, obiit 911.

6 *Vimannus* novemdecim attigit, mortuus anno 930.

7 *Dudo* pace & bello vigintiquinque annis clarus, obiit anno 955.

8 *Volmarus* auream crucem ab *Othone II*, Imperatore, accepit, mortuus anno 981.

9 *Rotbarius* multa privilegia à *Sylvestro* Papa & *Othone III*, Imperatore, obtinuit, mortuus anno 1009.

10 S. *Meinwercus* *Geldriæ* Comes, summum templum, quod adhuc superest, construxit, Collegium in *Bustorp*, Monasterium *Abbinckhoff*; Collegium virginum ad S. *Crucem Hervordiæ* fundavit & liberaliter dotavit. Paderbornam mœnibus cinxit, *Hervordien*se Collegium ab *Hungaris* vastatum instauravit, Comitatum *Warburgensem* aliaque temporalia ab Imperatore obtinuit. Obit anno 1036, sepultus in *Abbinckhoff*.

11 *Rotho* Baro in *Büren*, *Abbas Hirsfeldensis*, præfuit sedecim annis, mortuus 1052.

12 *Imadus* *Plessiæ* Comes viginti septem annis præfuit. Hoc tempore incendio magna civitatis pars periit. Obit 1077.

13 *Poppo* ab *Holthe* Præpositus *Bambergensis*, multa instauravit, septennio elapso vita functus anno 1084.

14 *Henricus I*, Comes in *Waldeck*, coelectus *Henrico* ab *Affeloh*, qui *Archiepiscopus Magdeburgensis* factus tandem acquievit, obiit anno 1126.

15 *Bernhardus I*, à *Dieseden*, monasterium *Hardehusen* & *Gerden* fundavit, *Conradum* Comitem *Arnspurgensem* prælio vicit, summum templum jam quarto igne vastatum instauravit. Mortuus anno 1159.

16 *Evergisus* Canonicus *Paderbornensis* septendecim annis præfuit, obiit 1176.

17 *Sifridus* præpositus *Paderbornensis* decennium attigit, mortuus 1186.

18 *Bernhardus II*, à *Dieseden*, multa à *Wedekindo* *Sualenbergensi* Comite redemit, obiit 1202.

19 *Bernhardus III*, multa privilegia ab *Honorio* Papa obtinuit, mortuus anno 1221.

20 *Olivarius* doctus & disertus Princeps, biennio præfuit, *Cardinalis* titulo S. *Sabinæ* factus, resignavit anno 1223.

21 *Wilibrandus*, Comes ab *Oldenborg*, visitavit terram sanctam, Episcopus *Trajectensis* factus, resignavit anno 1225.

22 *Bernhardus IV*, viginti novem annis gubernavit, mortuus anno 1254.

23 *Simon I*, à *Scartenberg*, præfuit annis viginti, obiit 1274.

24 *Otho*, Comes in *Rietperg*, rebelles domuit, & bene triginta annis gubernavit, mortuus anno 1304.

25 *Guntherus* Comes in *Sualenberg*, coelectus *Theodorico* de *Itteren*, cui reservata annua pensione volens resignavit anno 1308.

26 *Theodoricus I* ab *Itteren*, duodecim annos regiminis explevit, obiit anno 1320.

27 *Bernhardus V*, *Lippiæ* Comes, motus *Paderbornenses* prudenter compescuit, arcem *Dringenbergen*sem & *Beverungen*sem exstruxit, lites

lites cum vicinis pacifice sustulit. Præfuit annis viginti, mortuus anno 1340.

28 *Baldewinus* Comes in Stenvorde, Episcopatum valde ampliavit & auxit. Senio confectus Abbatem Corbejensem Henricum in Coadjutorem adsumpsit. Præfuit annis viginti, obiit anno 1360.

29 *Henricus* II, dictus Spegel, primus Suffraganeo usus, obiit 1378.

30 *Simon* II, Comes in Sternberg, Decanus summi templi, mortuus anno Christi 1389.

31 *Robertus* Dux Montium è Passaviensi Paderbornensis fit Episcopus; ubi sexennium attigit, obiit 1394.

32. *Ioannes* I, Comes ab Hoja, Comitatus Ebersteinensis partem Episcopatu adjecit, postea Episcopus Hildesienfis electus anno 1399.

33 *Bertrandus* Ferrariensis Italus, elapso biennio ad suos rediit, anno 1401.

34 *Wilhelmus* Dux Montium quatuordecim annis præfuit, post uxore ductâ resignavit anno Christi 1415.

35 *Theodoricus* II, Comes de Morfa, Archiepiscopus Colonienfis, Episcopus Halberstadenfis & Paderbornensis, quadraginta octo annis gubernavit, mortuus anno 1461.

36 *Simon* III, Lippia Comes, triginta quinque annis præfuit, & propter morbum successori resignavit anno 1498.

37 *Hermannus* I, Hassia Landgravius, Archiepiscopus Colonienfis decennium magna laude explevit, vita functus anno 1508.

38 *Ericus* Dux Brunsvicensis, Episcopus Monasterienfis viginti quatuor annis præfuit, mortuus anno 1532.

39 *Hermannus* II, Comes de Wiedah, Archiepiscopus Colonienfis, resignavit anno 1547.

40 *Rembertus* à Kerfenbrock, viginti annis & uno laudabiliter gubernavit, mortuus anno 1568.

41 *Ioannes* II, ab Hoja, doctus Princeps, Episcopus Monasterienfis & Osnabrugensis, præfuit annis sex, obiit anno 1574.

42 *Salentinus* Comes ab Isenburg, Archiepiscopus Colonienfis, magna laude triennium implevit, postea familia causa uxorem ducens sponte resignavit anno Christi 1577.

43 *Henricus* II, Dux Saxonie, Archiepiscopus Bremensis, equi lapsu læsus moritur anno 1586.

44 *Theodorus* à Furstenberg triginta duobus annis præfuit magna laude. Dotavit Ecclesiam, fundavit Collegium Societatis Iesu, aperuit Academiam anno 1616, instauravit & de novo extruxit *Nienhuß* & *Wevelsburg*. Obiit plenus dierum an. 1618, 4 Decembris.

45 *Ferdinandus* Elector Colonienfis, natus anno 1577 ex Wilhelmo Duce Bavaria & Renata Francisci I, Ducis Lotharingie filia, ad Electoratam dein & Ecclesiam Coloniensem an. 1612 admotus, quatuor Episcopatus Leodiensem, Monasteriensem, Hildeshemiensem & Paderbornensem per annos fere octo & triginta, in gravissimo illo Germanico bello constantissime gubernavit. Obiit anno 1650 Arnsbergæ, quo se paulo ante recreationis causa contulerat.

Germania.

46 *Theodorus Adolphus à Reck*, suffragiis Capitularium eodem anno solennibus ceremoniis in Episcopum Paderbornensem inauguratus est, obiit anno 1661.

DIOECESIS CORBEIENSIS.

Corbejenfe Collegium fundavit Ludovicus *Emendatus* Imperator, dictus Pius, anno Christi 817.

Etli vero post expugnationem castri *Brunsborg* Carolus, Imperator, jamdudum locum destinaverat, Saxonum tamen rebellione factum, & bellorum varietate, quo minus intentionem hanc piam optimus Princeps assequi potuerit. Post mortem igitur filii successoris autoritate, monachi ex *aurea Corbeja* (quod monasterium est, ordinis S. Benedicti, in Galliis à Clodoveo Rege anno 663 constructum) in antiquam Saxoniam missi, trans *Visurgim*, in amplissima illa sylva, quæ hodierno *die Solling* nuncupatur, fundamenta posuerunt novi Collegii, quorum adhuc rudimenta supersunt, sed loci incommoditate, certisque calamitatibus moti, mature sententiam mutarunt, & ad Occidentalem *Visurgis* ripam, ubi nunc extat, transtulerunt, anno Christi 822. In amœnissima igitur planicie locum idoneum nacti ædificarunt, & nomen monasterii, unde recesserant, novello huic Collegio imposuerunt. Primus loci Abbas fuit S. *Adelhardus*, qui tamen ante operis perfectionem vita functus, cui Ludovici Imperatoris frater *Warinus* successit, & præclare cœpta ex animi sententia perfecit. In tantum autem crevit loci devotio, ut paucis annis in amplissimum evaserit seminarium Christianæ fidei, & toti Saxonie Apostolos & Episcopos dederit complures. Immo mare quoque transiit ad insulas Septentrionis, quarum plures, ut *Rugiensem*, ad suave Evangelii jugum perduxit, & multis annis possedit. Evolvantur catalogi Episcoporum utriusque Saxonie, & semper intererunt monachi Corbejenfes. Regio etli non ampla, fertilis tamen & bona, imprimis ubi *Visurgim* attingit, omnibusque vitæ necessariis instructissima. Montes glandiferis arboribus, valles pascuis, plana frumentis optimis abundant; quibus navigabilis fluvius, quod superest devehens, quod deest advehens, merito annumeratur. Fluvii, præter *Visurgim* *Westphaliae* *Fluvii* *limitem*, sunt *Neeta*, ex Paderbornensi territorio defluens, *Grove*, *Schelte*, & *Saamer*, qui omnes pisces optimos præbent, & *Visurgi* miscentur. Principalis totius Diœcesis locus est *Hoxariensis*, *Metropolis*. quatuor habens parochias, mercatura, incolarum numero, navigio, piscatione, ponte, limpidissimis rivulis, agro fertilissimo, multis præferenda. Nobilitas antiqua hic & multa: Parochia extra civitatem duodecim circiter, inter quas insigne virginum Collegium in *Valle Dei*, vulgo *Brenckhusen*. Habet & extra Diœcesim Præposituras, ut in *Monte Martis* & *Kemnaden*. Abbas est Princeps Imperii, Vasallos habens Principes, Comites, & nobiles quamplurimos. Patroni & Advocati sunt duo *Brunswick* & *Hessen*; vicini tres, *Brunswick*, *Paderborn* & *Lippe*.

H h h h h

A B B A-

A B B A T V M
CORBEIENSIVM
S E R I E S.

- 1 **S** Anctus *Adelbardus* ex aurea Corbeja in Saxoniam ablegatus quinquennio præfuit, mortuus anno 822.
- 2 *Warinus* Gallia Regis frater, mortuus anno 856.
- 3 *Adelgarius* coadjutor Bremensis Ecclesiæ factus ibidem obiit 909.
- 4 *Danckmarus* vix annum præfuit, obiit 890.
- 5 *Aro* quadriennio Abbas fuit, mortuus anno 893.
- 6 *Baro* I, Historicus fœlix suorum temporum, moritur 904.
- 7 *Godschalcus* vita functus anno 913.
- 8 *Baro* II, decennium præfuit, mortuus anno 923.
- 9 *Volcmarus* I, Otthoni Imperatori familiaris, moritur anno 958.
- 10 *Baro* III, Præposituram Groningensem acquisivit, mortuus anno 964.
- 11 *Gerbernus* post quatuordecim annos regiminis moritur 978.
- 12 *Ludolphus* viginti annos præfuit, obiit anno 998.
- 13 *Deuthmarus* S. Henrici Imperatoris familiaris, obiit anno 1003.
- 14 *Hofed* novennium præfuit, quo tempore civitas Corbejenfis, quæ postea Hoxariam translata, incendio periit, obiit 1022.
- 15 *Walo* post duodecim annos deponitur, 1034.
- 16 *Diethmarus* secundum vidit incendium, mortuus 1046.
- 17 *Rutbardus* post quadriennium depositus fit Abbas Hirsfeldensis, ubi moritur anno 1046.
- 18 *Arnolphus* à Falckenberg post quinque annos fit Episcopus Spirensis.
- 19 *Saracha* electus anno 1055, hoc tempore Hoxariensis civitas ædificari cœpta. Obit anno 1071.
- 20 *Wernerus* cum Osnabrugensi lites habuit, moritur 1082.
- 21 *Fridericus* depositus post biennium, anno 1085.
- 22 *Marquardus* anno 1088 Osnabrugensis fit Antistes.
- 23 *Erkenbertus* viginti octo annis præfuit, mortuus 1116.
- 24 *Volckmarus* II, moritur anno 1122.
- 25 *Adelbertus* moritur anno 1127.
- 26 *Henricus* I, uno tantum anno præest, moritur 1128.
- 27 *Henricus* II, triennium implet, obiit anno 1131.
- 28 *Wichboldus* à Conrado III, & Friderico I. Impp. multa privilegia Ecclesiæ suæ impetravit, & Comiti Ebersteinensi castrum Forstenberg primo in feudum dedit, 1174.
- 29 *Conradus* post triennium moritur, anno salutis 1177.
- 30 *Wedekindus* Spiegel ædificavit castrum Kogelberg, obiit 1196.
- 31 *Diethmarus* II, à Stockhusen, historias suorum temporum scripsit. Obit 1200.
- 32 *Hugoldus* fuit in Comitibus Herbipolensibus, mortuus 1229.
- 33 *Hermannus* I Rugravius in Dassel, obiit 1259.
- 34 *Thimo* duodecim annis gubernavit, quo tempore Hoxaria à Paderbornensi Episcopo capta & desolata. Obit anno 1271.
- 35 *Henricus* III, nobilis dominus in Homburg, moritur anno 1299.
- 36 *Rupertus* ædificavit arcem Tonenburg, mortuus anno 1305.
- 37 *Theodoricus* à Dalwig, castrum Forstenow exstruxit, mortuus 1321.
- 38 *Henricus* IV, dictus Spiegel, fit Episcopus Paderbornensis 1360.
- 39 *Reinerus* à Dalwig pugnavit contra Brakeleses, moritur 1365.
- 40 *Ernestus* Dux de Sale deponitur. Occubuit anno 1367.
- 41 *Bodo* Comes in Pymont moritur anno Christi 1372.
- 42 *Theodoricus* II, post biennium depositus.
- 43 *Arnoldus* Wülff viginti sex annis præest, moritur 1400.
- 44 *Wilbrandus* ab Hallermont fit Episcopus Mindenensis.
- 45 *Theodoricus* à Runst septendecim annis præfuit.
- 46 *Mauritius* Comes in Spiegelberg, Hassiæ Landgravium in protectorem eligit anno 1434, moritur 1446.
- 47 *Arnoldus* à Malsburg moritur 1472.
- 48 *Hermannus* II, à Stockhusen, moritur anno 1479.
- 49 *Hermannus* III, à Bemelborg, moritur anno 1504.
- 50 *Franciscus* Ketler moritur anno 1547.
- 51 *Casparus* ab Hörfel moritur anno 1555.
- 52 *Reinhardus* à Bockholtz multa instauravit. Obit 1585.
- 53 *Theodoricus* IV, à Berninckhusen Calendarium reformavit, mortuus 1616.
- 54 *Henricus* V, ab Aschebroeck, electus statim post obitum Theodorici die S. Bartholomei Apostoli.

D E S C R I P T I O

O S N A B R V G E N S I S

E P I S C O P A T V S.

Termini.



Metropolis.

Episcopatus
instituitur.Diploma
Caroli Ma-
gno.

Monasterienſi Diœceſi Occidentem & Orientem verſus adjacet Episcopatus Oſnabrugeniſis, Mindenſi vero ad Ortum, in veteri Bruſtorum regione, quæ nunc ad Weſtphaliæ pertinet. Et habet Bruſtorum nominis ter-

minationem urbs, ut & aliæ in eo tractu complures. Civitas inſignis eſt, à Comitibus de Engern exſtructa, auctore Hermanno. Alii à Julio Cæſare hanc urbem inceptam eſſe perhibent, ut Annales Saxonum. Ferunt hanc à pellibus bovinis dictam, quibus urbs hæc fuerat circumdata, quaſi dicas *Oſſenburgum*. Sita eſt in valle amœniſſima, irrigaturque Haſa flumine. Tempore Caroli Magni inſedit loca iſta Widekindus Saxonum regulus, quo devicto Eccleſiam illic in honorem B. Petri, & ſanctorum Criſpini & Criſpiniani excitavit Carolus: deditque ei Episcopum Wiſonem cum ingentibus latifundiis, & Schola Græca ac Latina: ſicut ex instrumento donationis liquet, quod nos ad verbum deſcripſimus:

In nomine ſanctæ & individuae Trinitatis. Carolus Imperator Auguſtus Romanum gubernans Imperium, Dominus & Rex Francorum & Longobardorum, necnon Dominator Saxonum. Notum ſit omnibus ſanctæ Eccleſiæ fidelibus, noſtrisque præſentibus & futuris, quod nos ob noſtræ mercedis augmentum, Wiſoni Episcopopo Oſnabrugeniſi, ſuæ Eccleſiæ, quam nos primam in omni Saxonia in honorem S. Petri principis Apoſtolorum & ſanctorum Martyrum Criſpini & Criſpiniani conſtruximus, quoddam nemus vel foreſtum intra hæc loca, *Farnewenckel, Ruſtenheym, Angaria, Oſningsnethe, Derſchoſſet, Egeſterfelſe*, innumera collaudatione illius regionis potentum, cum omni integritate in porcis ſylveſtribus, cervis, avibus & piſcibus, omnique venatione, quæ ſub banno uſuali ad foreſtum deputatur, ad ſimilitudinem foreſti noſtri Aquisgrani in ſilveta Oſningi, in perpetuum pietatis uſum donavimus, ea videlicet ratione, quod ſi quiſpiam hoc idem nemus noſtro banno mutatum ſine prædictæ ſedis Episcopopi licentia, ſtudio venandi, vel aliud agendi unquam introierit, ſciat, ſe tam divinæ quam regiæ ultionis vindictam incurſurum, necnon pro delicto ſexaginta ſolidos noſtri ponderis, quos nobis pro banno violato ſtatuiſſimus debere, redditurum. Inſuper vero eidem Episcopopo ejuſque ſucceſſoribus perpetuam concedimus licentiam, libertatem, & ab omni

Germania.

regali imperio abſolutionem; niſi forte contingat, ut Imperator Romanorum & Rex Græcorum, conjugalia ſœdera inter filios eorum contrahi diſponant. Tunc Eccleſiæ illius Episcopopus cum ſumptu à Rege vel Imperatore adhibito, laborem ſimul & honorem illius Legationis adſumet. Et ea de cauſa ſtatuiſſimus, quod in eodem loco Græcas & Latinas Scholas in perpetuum manere ordinaviſſimus: nec unquam clericos utriuſque linguæ gnaros deeſſe confiſimus, &c. Aquisgrani in Palatio.

Diœceſis Oſnabrugeniſis Decanatus ſunt ſedecim, nimirum ipſius Civitatis Oſnabrugeniſis, in quo Parochiæ 13, quarum duæ nunc Commendatæ. Iburgeniſis Decanatus habet Parochias 10; Widenburgeniſis 8; Furſtenaviſis 16; Vordenſis 13; Gronebergeniſis 10; Emslandiæ primarius 10; Secundarius itidem 10; Cloppenburgeniſis 13; Vechtenſis 14; Wildeshuſanus 8; cum aliis ex Comitatibus Oldenburgeniſi & Diepholtano, in Principatu Friſiæ Orientalis Decanatus 11, & aliæ omnes nunc Commendatæ. Decanatus Ritbergeniſis 4 habens Parochias; Decanatus Lingeniſis 14, ad tempus ab hac Diœceſi authoritate Apoſtolica ſeparatæ. Decanatus Tecklenburgeniſis 7, & unam in oppido Tecklenburg, omnesque alias nunc Commendatas. Decanatus Ravensburgeniſis 16, ſimiliter omnes nunc ad tempus Commendatas; & Decanatus Limburgeniſis 5, omnes ſimiliter Commendatas.

Sunt & hic oppidula minora: *Forſtenowe, Vordede, Witlage, Melle, Iburg*, & ad lacum Dummerium *Hundeborgh*. Mediam regionem, uti & metropolim, interſecat Haſa fluvius, cujus fons ad meridiem non longe à Brinck pago oritur. Montibus, & vallibus, amœniſſima ſunt loca, paſcuis & ericetis ampliffima, falconum prope lacum jam dictum aucupio jucundiſſima. Paludes quoque & ſtagna habet. In confinibus vides ad Occidentem Comitatum *Tecklenborg*, ad meridiem Comitatum *Ravensberg*.

Decanatus.

Oppid.
nora.Fluvius
Lacus.

E P I S C O P O R V M

O S N A B R V G E N S I V M

S E R I E S.

1 **S**anctus *Wibo*, ex Friſia à Carolo Magno evocatus, vir genere, doctrina, ſanctitate vitæ, zeloque animarum illuſtris, ſedit annos 32, obiit anno 804.

2 *Meingardus*. De hoc niſi nomen poſteritati relictum, annos explevit regiminis 29, vitam cum morte commutavit 833.

Iiiii

3 *Gofwi-*



Meppen M. Cerenborg. Haselunne. Androp. N. Hestelick. Quakenbrugg. S. Diepholt. Dummer Com. Lacus. T. V. S. M. N. D. E. N. Hic pascua & ericeta. amplissima. Venne. Horickhusen. J. V. S. R. A. V. E. N. S. B. E. R. G. S. G. I. S. C. O. J. A. T. E. C. K. L. E. N. B. O. R. G. Osnabrugensis Episcopatus. Auctore Ioanne Gigante. Amstelodami. Guis. Blaeuw. Excudit. Diepholt. Dummer Com. Lacus. T. V. S. M. N. D. E. N. Hic pascua & ericeta. amplissima. Venne. Horickhusen. J. V. S. R. A. V. E. N. S. B. E. R. G. S. G. I. S. C. O. J. A. T. E. C. K. L. E. N. B. O. R. G. Osnabrugensis Episcopatus. Auctore Ioanne Gigante. Amstelodami. Guis. Blaeuw. Excudit.



- 3 *Goswinus*, Monachus S. Benedicti Fuldae, praefuit 32, mortuus 866.
- 4 Sanctus *Gosbertus* Martyr, Suecus, discipulus S. Ansgarii, Apostoli Sueciae, occisus pro religione Catholica à Barbaris, rexit 8, excessit 874.
- 5 *Egbertus*, sive *Eginhardus*, recuperandis decimis, Episcopatu ablatis, solícite intentus, gubernavit 10, vita functus 884.
- 6 *Egilmarus*. Ei redduntur alienatae decimae; & quinque aliae Ecclesiae ab Arnulpho Imperatore adiunguntur: gubernavit 33, mundo emigravit 918.
- 7 *Dodo* I. Is obtinuit confirmationem privilegiorum, Ecclesiae Osnabrugensi datorum, sedit 16, mortuus 934.
- 8 *Drogo*. Illustria impetrat ab Othone I, Imperatore, circa cudendam monetam, instituentis mercatus & nundinas, privilegia, praefuit 35, obiit anno 969.
- 9 *Ludolphus*, Othonis I, Imperatoris, consanguineus, rexit 26, vita functus 983.
- 10 *Dodo* II, Othoni II & III, Imperatoribus valde gratus, administravit 13, excessit 996.
- 11 *Gunthardus*, sive *Guntradus*, aliis *Guntherus*; quem noctu sancti Martyres *Crispinus* & *Crispianus* ad acceptandum Episcopatum animant, gubernavit 4, fato cessit 1000.
- 12 *Wacholphus*, Polyonymus Historicis, qui etiam ipsum *Warnandum*, *Wedilolphum*, *Wannonum* dicunt, sedit 2, obiit 1002.
- 13 *Diethmarus*, ex Canonico S. Mauritii extra muros Monasterienses, factus Decanus Aquilgranensis, tandem Episcopus Osnabrugensis, fundavit Ecclesiam S. Ioannis Baptistae, librifque suis Bibliothecam donat; & oculis tandem capitur, praefuit 21, mortuus 1023.
- 14 *Meinerus*, sive *Mencherus*, sive *Menincherus*, gubernavit 5, vita functus 1028.
- 15 *Gosmarus*, rexit 9, excessit 1038.
- 16 *Elvericus*, vel *Elevericus*, vel *Alverus*, gubernavit 15, vita functus 1052.
- 17 *Benno* I, vel *Brenno*, aliis etiam *Bernardus*, rexit 16, excessit 1068.
- 18 Beatus *Benno* II, miraculo natus sterilibus parentibus, ex Praeposito Hildesimensi Episcopus Osnabrugensis, à S. Annone consecratus; Fundator Cœnobii Iburgensis, & Montis sanctae Gertrudis; privilegiorum egregius vindex, glirres sacris obnuntiationibus devovit, qui intra 280 annos, tota Diœcesi conspecti non sunt, rexit 20, vitam cum mortē commutavit 1088.
- 19 *Marquardus*, Monachus & Abbas Corbeiensis, fit Episcopus; sed loco & honore motus, annos explevit regiminis 5, vitam cum morte commutavit 1093.
- 20 *Wido* seu *Wibo* II. Sub quo Civitas Osnabrugensis conflagravit, praefuit 8, mundo emigravit 1101.
- 21 *Ioannes* I. De hoc nil nisi nomen, sedit 9, obiit 1111.
- 22 *Godschalkus*, Nobilis Dominus de Dipholte, praefuit 8, mortuus 1119.
- 23 *Diethardus*, ab Imperatore & suo Capitulo strenue defensus contra competitorem, gubernavit 18, vita functus 1137.
- 24 *Vdo*, turres Aedis Cathedralis aedificavit, & Cœnobium S. Gertrudis absolvit, rexit 4, excessit 1141.
- 25 *Philippus*, Comes Cattimelibocus, praeter alia praeclara facinora, instituit duo virginum Monasteria, Ofede & Quernheim, rexit 32, vita functus 1173.
- 26 *Arnoldus*, annos administrationis explevit 2, vitam cum morte commutavit 1175.
- 27 *Gerhardus* de Lippia; qui, quod, reformato Cœnobio Herflebrock, gestis contra vicinos Principes bellis, motisque litibus gravibus, relicta Sede Osnabrugensi, factus sit Archiepiscopus Bremensis, incerto habet calculo annos supputatos. Sub illo vixit Osnaburgi vir sanctus, *Reinerus* nomine.
- 28 Sanctus *Adolphus*, illustris genere, ex Canonico Colonienfi Monachus Cisterciensis in Vetere campo; inde vocatus Episcopus, Cantoriam instituit, Thesaurariam auxit; liberalis in Capitulum, Ecclesiae ministros ac leprosos; clarus miraculis, praefuit 24, fato cessit 1224.
- 29 *Engelbertus* I, Comes de Isenburg, postulatus, sed à Papa, ob eandem S. Engelberti, reiectus, & in Synodo Leodiensi damnatus.
- 30 *Conradus* I, confirmat fundationes ac privilegia Monasteriorum Iburg, Bressenbrock, Rulle, & Ofede, sedit 9, obiit 1233.
- 31 *Engelbertus* II, Comes de Teckleburg, Ecclesiam contra fratris sui violentiam gloriose defendit, praefuit 11, mortuus 1244.
- 32 *Bruno*, Comes de Teckleburg, pacificus, multas composuit controversias, gubernavit 8, vita functus 1252.
- 33 *Wedekindus*, Comes de Waldeck, cum laude praefuit, rexit 7, excessit 1260.
- 34 *Boiswinus*, seu *Boldowinus* de Rusle, fundavit & ampliavit Ecclesiam Widenbrugensem, annos praefuit 10, vitam cum morte commutavit 1270.
- 35 *Conradus* II, Comes de Ritberg, rexit 28, fato cessit 1298.
- 36 *Ludovicus*, Comes de Ravensberg, praelia contra hostes Ecclesiae suae feliciter gessit; pietate & religione insignis, gubernavit 14, mundo emigravit 1312.
- 37 *Engelbertus* III, de Wenge, construxit Castrum Witlage, praefuit 11, mortuus 1324.
- 38 *Godefridus*, Comes de Arensperg, Capellae Episcopalis sancti Martini in nova Civitate fundator. Sub hoc Iudaei infecerunt puteos, sedit 26, obiit 1350.
- 39 *Ioannes* II, dictus Hoedt, Doctor SS. Canonum, à Papa Clemente V confirmatus, Regalibus à Carolo IV donatus, maximas inter turbas praefuit, rexit 16, excessit 1366.
- 40 *Melchior*, Dux Brunswicensis, excluso Theodorico à Marca, ad Episcopatum Osnabrugensem provectus, ab eodem ad Suerinensem transfertur, rexit 10, fato cessit 1376.
- 41 *Theodoricus* sive *Diethericus* de Horn, subactis tandem Diœcesis hostibus, expugnatoque Cloppenburg, Curiam in urbe sua Episcopali fundat; in Ecclesiis beneficis, sedit 28, obiit 1402.
- 42 *Henricus* I, Comes de Holsatia, resignat, praefuit 2, mortuus 1404.

43 *Otho*, Comes de Hoya, gubernavit 20, vita functus 1424.

44 *Ioannes III*, Comes de Diepholte, pugnat variis pugnis pro decimarum & limitum suorum defensione, accepto in urbe telonio, propinato sibi veneno moritur, rexit 13, excessit 1437.

45 *Ericus I*, Comes de Hoya, resignat, prae fuit 3, fato cessit 1440.

46 *Henricus II*, Comes de Moerse; fuit etiam Administrator Monasteriensis, sedit 10, obiit 1450.

47 *Albertus*, Comes de Hoya, postulatus, sed non confirmatus à Papa, nec à Cæsare, cessit triennio post.

48 *Rudolphus*, Comes de Diepholte, administravit 1, excessit 1454.

49 *Conradus III*, Comes de Diepholte, reformavit Monasteria S. Benedicti, & laudabiliter praefuit, annos 28, excessit 1482.

50 *Conradus IV*, Comes de Ritberg; qui reformat Monasteria Quernheim & Rulle. Sub illo cives, duce Lententuen, tumultuantur adversus Clerum; sed graviter luunt injuriam, sedit 26, obiit 1508.

51 *Ericus II*, Dux Brunswicensis ex Grubenhagen, Princeps apprime Catholicus; qui commotos ad seditionem, ac Lutheranismi libertatem postulantem cives, animose compescuit, & rebelles florenorum sexies mille aureorum poena mulcavit, praefuit 24, mortuus 1532.

52 *Franciscus I*, Comes de Waldeck, sacris Ordinibus initiatus, consecratur Episcopus in Marienfeld. Fuit etiam Episcopus Monasteriensis; ubi Anabaptistas rebelles domat; nec non Episcopus Mindensis. Inductus postea in Lutheranismum, à summo Pontifice & Imperatore monitus resipiscit, & Catholicus moritur. Sub hoc praecones novi, Osnabrugum aliunde accersiti, scholas, Ecclesias, concordiam Statuum perturbant. Faceffere tandem iussis eis, restituta in integrum religione Catholica & Ecclesiis, puniuntur ab Imperatore, ob violatam religionem & jurisdictionem Ecclesiasticam, cives Osnabrugenses, gubernavit 21, vita functus 1553.

53 *Ioannes IV*, Comes de Hoya; qui etiam fuit Episcopus Monasteriensis & Paderbornensis, Iudex quoque Camerae Spirensis; Princeps religiosissimus, prudentiae laude clarissimus, doctrina magnus, linguarum variarum expertissimus; in promovendo sacrosancto Concilio Tridentino (quod etiam primus in sua Diocesi promulgavit) studiosissimus; pacis amantissimus; in tractatu illo Passavico, in Germania cum heterodoxis inito, laboravit plurimum, & Ecclesiae Catholicae ac religioni profuit maxime, rexit 21, excessit 1574.

54 *Henricus*, Dux Saxoniae, Administrator, fit etiam Episcopus Paderbornensis, & Archiepiscopus Bremensis; ubi, lapsus cum equo, obiit annos explevit regiminis 11, vitam cum morte commutavit 1585.

55 *Wilhelmus*, Nobilis de Schenckinck, ex Beveren, quinta post electionem die, non confirmatus, obiit 1585.

56 *Bernardus*, Comes de Waldeck, praefuit 5, mortuus 1590.

57 *Philippus Sigismundus*, Dux Brunswicensis, Administrator; nec à Papa, nec à Cæsare confirmatus; cæterum bonus Princeps. administravit etiam Verdensem Episcopatum, & Praeposituram Halberstadiensem. Sub hoc, anno 1613, Civitas Osnabrugensis media conflavit, rexit 33, excessit 1623.

58 *Itelius Fridericus*, Comes de Hohenzollern, S. R. E. Cardinalis, titulo sancti Laurentii in panis perna; pietate ac prudentia praestans; qui religioni avitae, paci inter Principes Germaniae reducendae, & publicis Imperii negotiis studuit plurimum, gubernavit 2, vita functus 1625.

59 *Franciscus Guilielmus*, Comes de Wartenberg, postulatur Episcopus, 26 Octobris 1625; inter motus bellicos Imperii, variam expertus fortunam. Praeficitur etiam Ecclesiis Mindensi & Verdensi. Anno 1629, fit Coadjutor Episcopi Alberti Ratisbonensis; cui succedit 13 Aprilis 1649. Etiamque hodie, cum laude & zelo praestit; non ita pridem ad S. R. E. Cardinalitiam evectus dignitatem.



C O M I T A T V S
B E N T H E M E N S I S,
E T
S T E I N F V R T E N S I S.



BENTHEMENSIS Comitatus Westphaliae conterminus est. Qua septentrio & oriens est, Episcopatum respicit Monasteriensem; ab occidente Lingensi Co-

mitatu & Drentia terminatur; in occidente regionem Transfulanam & Twentiam habet. In decem milliarius longitudinem, & trium latitudinem extenditur.

Oppida ejus sunt Neuhausia, Northornia, Benthemia, & Schuttorfia. Multa complectitur castella, pagos & vicos.

Amnes praecipui sunt Aa & Dinckela.

Regio plana est, excepto agro oppidi Benthemensis & Neuhausensis.



Comitatus STEINFURTENSIS admodum exiguus est, longitudinis nimirum quatuor milliarius, & latitudinis sexquimilliaris. Ab oriente est Comitatus Benthemensis. Pars quaedam Monasteriensis Episcopatus inter hunc & Benthemensem Comitatum jacens, eos separatur.

Vnicum hic est oppidum, Burchsteinfortium; pagi tres, Lara, Holtzhausia, Burchorfia, & aliquot vici.

Aa fluvius fontem suum huic Comitatu debet, eumque medium intersecat.

Parebat nuper Dominis Arnoldo Iusto & Wilhelmo Henrico, qui etiam Comites audiunt Teklenburgici & Limburgici.



Q
ol
de
m

Sol
ms

OLDENBURGVN

COMITATUS.

Qui populi
olim hic se-
des habue-
runt.



Soli fertili-
tati.

Regionem hanc olim Chauci tenere, quos duplices commemorat Plinius, & Ptolemæus, Majores & Minores. Majores sunt, qui Bre-mensem Episcopatum incolunt, Visurgim & Albim interjecti. Minores Embdani & Oldenburgenfes. Siquidem inter Amasim & Visurgim etiam Ptolemæus illis sedes constituit, cujus hæc verba: *Chauci minores ad Visurgim amnem extenduntur, at majores Chauci ad Albim usque.* Plin lib. xvi, cap. i, ita eos describit: *Sunt vero in Septentrione visa nobis gentes Chaucorum, qui Majores Minoresque appellantur. Vasto ibi meatu, bis dierum noctiumque singularum intervallis effusus immensum agitur Oceanus, æternam operiens rerum naturæ controversiam, dubiumque, terra sit, an in parte maris. Illic misera gens tumulos obtinet altos, aut tribunalia structa manibus, ad experimenta altissimi æstus casis ita impositis, navigantibus similes, quum integant aquæ circumdata, naufragis vero, cum recesserint, fugientesque cum mari pisces circa tuguria venantur. Non pecudem his habere, non lacte ali, ut finitimis, ne cum feris quidem dimicare contingit: omni procul abacto frutice. Vtva & palustris junco funes neclunt, ad prætexenda piscibus retia, captumque manibus lutum ventis magis, quam sole siccantes, terra cibos & rigentia Septentrione viscera sua urunt. Porus iis non nisi ex imbre servato scrobibus in vestibulo domus.* Hæc olim Chaucorum facies. Ea quantum nunc ab illa mutata est? Non frumenti, non aliarum frugum mentionem facit Plinius; jam ubi major ubertas? Frugiferarum arborum olim impatiens: nunc omne fere genus arborum producit. Non pecudem habebant, non lacte alebantur: ubi jam major copia, & quis potior cibus? agrum siquidem planum & pascuis fœcundum naturæ beneficio obtinent, cujus quidem quam glutinosæ & pingues sint glebæ, quam læta pascua, quam numerosi armentorum & pecudum greges, vix verbis explicari potest. Docet id exquisiti delicatque saporis, butyri & casei copia, quæ uberrimo incolarum quæstu & emolumento maximo ad varias regiones & per universam Germaniam defertur. Quin etiam boum aliquot myriades in pascuis oberrare videntur, qui soli graminumque beneficio adeo impinguescunt, ut exteræ etiam nationes iis potissimum delectentur. Postremo si cum feris non dimicarent, hodie certe aliter docet nobilium frequens venatio. Est ergo solum hujus tractus adeo dives, ut sibi sufficere, nec aliarum regionum ope egere videatur.

Horum Chaucorum non ignobilis pars sunt Oldenburgenfes, quem Comitatum ab ortu ter-Germania.

minat Archiepiscopatus Bremensis & Visurgis: *Limites.* ab meridie Episcopatus Monasteriensis, ab Occidente Comitatus Emdanus, ab septentrione Iadæ æstuarium, ostiumque Visurgis. Continet vero ditio ipsa provincias Stedingiam, è regione Bremæ, Delmenhorstæ arci subiectam, Stadlandiam in v, Butiadiam in vii parochias distributam, & huic subiectam Ieveriam, Frisiæ partem cum xiiii parochiis. In medio Morimios habet. Nominis originem deducunt aliqui ab eo, *Nominis origo.* quod Dux Waldebertus, Witekindi, Saxoniar regis, nepos, qui circa annum Christi 850 vixisse fertur, *Altebergim*, sive *Olteburgim*, Comitis Lesmonæ, (hodie Leshemæ) unicam filiam, uxorem habuerit; cujus honori & amori arcem *Altenburgum*, sive *Oldenburgum*, proximè civitatem *Wildeshausen*, in Ammerlandia extruxerit; qua & Vrbs, & Comitatus ipse hanc nominis appellationem fortiantur. Vnde Albertus Crantzius in sua metropoli, l. iiii, c. xv, scribit hunc Comitatum esse ex omnium vetustissimis. Qui vel ipsum Witekindum, tum Saxoniar Ducem (Caroli Magni tempore viventem) inter hujus Comites nominat, lib. ii, cap. xxx. Irenicus tradit urbem *Oldenburgum* à Carolo instauratam, Ecclesiamque illic in honorem S. Ioannis Baptistæ dedicatam consecratamque ab Adalgargo Episcopo. In eo autem eum errare puto, quod hanc civitatem inter Vandalicas numeret, juxtaque mare eam describat. Hæc namque alia est ab illa in Wagria, Holsatiæ regione. Laurentius Michaëlis putat Ambrones (quos quondam cum Cimbris in Italiam profectos, & à C. Mario cæsos tradit Plutarchus) hinc originem habuisse, eorumque nomen adhuc exstare apud gentem, quam *Amerlander* appellant. Idem de Alanis Saxonibus sentit, quos ad stagnum Alanum in hoc tractu, & ab utraque parte fluminis Alanæ usque ad arcem Oriam habitasse credit, hodieque *Lengener*, id est, *Alani*, & *Averlenger*, quasi *Ultralanos* vocari.

Vrbs vero ipsa vallo fossisque & egregiis propugnaculis non perfunctorie munita, Hunta fluvio dividitur. Spectanda præbet templa sancto Lamberto, Spiritui S. & S. Nicolao sacra; & arcem magnificam, quæ Comitum sedes: curiam porro, Domum novam, Cancellariam, Armamentarium, Domum Capitularem, & in ea non spernendam Bibliothecam. Pons quoque Huntæ injectus est, ad cujus extremitatem domus satis pulchra, relaxandi animi ergo, exstructa est.

Sunt & alia hujus Comitatus oppidula *Oppidula.* minora, *Westerspede*, *Nieuborgh*, *Bockeren*, *Wivelftede*, *Wardenborgh*, *Delmenhorst* Comitatus, *Ovelgunna*, &c. & ultra Visurgim *Deesdorp*. Ieveriam quoque Frisiæ partem huic Comitatu adjudicat Tabula.

Irrigat regionem quam maxime Visurgis, qui *Fluvius.* M m m m m
latus



latus ejus orientale præterlapsus, ubi *Elsflet* pervenit, versus interiora Comitatus fluviolum *Hontam* excipit, qui *Morimios* *Stedingiosque* separans recta Oldenburgum adit, ac inde versus septentrionem reflexus *Wildeshufsum* petit, & Episcopatum *Monasteriensem*. Excipit *Hontam* fluvium, qui prope vicum *Mansholt* ortus urbem proxime præterlabitur. Præter hos *Iadam* vide. Hic fluviolus quondam minutus, ac vix nomine hoc dignus, primum palustribus ortus locis, magnoque è lacu (*Groote meer* in Tabula) cum modico spatio agros secuisset, pluresque in se ex corrivatione recepisset aquas, in æstuarium vicina vastissimæ magnitudinis effluxit: deinde sævitia maris iis locis crescente, recurrentibusque sæpe tempestatibus, publicique cura per discordiam neglecta, ruptis ac disiectis aggeribus, aquæ in terras humiles demissæ, hæ aliæ post alias absorptæ, sinus locus primum non magnus factus, postremo fluctuum vi, industriam humanam superante, spacium hoc ingens apertum. Reliquias avulsarum parochiarum vide circa littora *Ellens*, *Amo*, *Oldenbrugge*, *Bant*, *Dangast*, *Arnegast*, *Iadelet*, *Wurdelet*.

Ab hoc fluvio populi in *Cis-Iadanos*, & *Trans-Iadanos* distinguuntur. *Cis-Iadani*, post *Madam* rivum, ex compluribus, quibus olim res eorum floruit, injuria fluctuum ad tres tantum parochias rediere. *Trans-Iadani* in Boream primum se efferentes juxta *Iadæ* æstuarium, deinde molli flexu littoris in ortum curvati, rursusque in meridiem flexi, mox recta secundum *Visurgis* ostium

revertentes ad milliaria *iv* Germanica magna in *Morimios* usque in Comitatu Oldenburgico descendunt. Hi in *Buriadas* & *Stadlandos* hodie discernuntur. *Buriade* tribus milliariibus Germanicis à Borea in Austrum pagos *xi* comprehendunt, summa ubique ubertate soli: isti reliquum tribus vicis obtinent, cum arce *Ovelgunna*, ab Oldenburgensibus bello Saxonico regioni imposita. *Morimii* *Visurgis* accolæ *Stadlandos* continuo sequuntur usque ad *Hontam* fluvium in *Visurgim* exeuntem, non toto supra *Ovelgunnam* milliari. *Morimios* *Stedingii* excipiunt, quorum caput est *Elsfleta*, non procul *Hontæ* ostio dissita. Trans *Hontam* *Berna*, altissima iis in locis turri ac fano famosa.

Præter *Visurgim* & *Iadam* excipit alios minoris famæ fluvios regio hæc, nempe, *Delmam*, qui *Delmenhorstam* alluit, *Lætam*, qui in *Hontam* prope metropolim exit: *Owan*, ad pagum *Tuschenaim* palude absorptum, & *Madan*, qui terminus hujus Comitatus ad septentrionem in mare se exonerat.

Tandem Domum hanc Oldenburgicam ad summum Honoris culmen evectam esse, fatendum est; ut quæ modernos *Daniæ* Reges Serenissimos mundo & regno dederit: hodieque actu regens Oldenburgi, *Delmenhorst*, &c. Comes Generosissimus & per-Illustris est *Anthoni* *Gunterus*, natus anno 1585, Kalendis Novembribus, horâ nonâ vespertinâ; anno currente 1661 Comitatum suum prudentissimè adhuc & felicissimè administrans.



F R I S I A

O R I E N T A L I S.

Termini.



Roxima; quæ à Sinu Dullarto, Amasique exitu versus Visurgim secundum littus se porrigit, regio, Monasteriensium & Oldenburgensium agro à meridie clausa, Orientalis Frisia hodie dicitur, addito Comitatus titulo.

Populi.

Reiderii.

Translædan.

Mormerii.

Lengani.

Amasani.

Broecmerii.

Auricani.

Ea populi continentur **x**; Reiderius, Translædanus, Mormerus, Longanus, Amasanus, Broecmerius, Auricanus, Nordanus, Harlingius, Wangrus, Ostringius, Rustrus. Primi Reiderii inter Dullartum & Amasim incolunt, quorum vici cum fanis, si fora annumeres, sunt **xx**, ceteri ferè totidem: omnes, **vii** aut **viii** demtis, Amasi assidentes in pingui gleba. His trans Amasim adversa in fluminis ripa respondent *Translædani*, nunc *Averdelingerland*, & Mormerii in Ortum, nunc *Moermerland*, Amasanorum pars in Arctum versi. Translædanos maxime ad meridiem sitos Læda amnis à Mormeriis separat, unde nomen, quod trans Lædam agant. Ager eorum paludibus fere horrens, & frugibus æque ac pabulo malignus vicis habitatur **xvii**, in quibus fana sunt. *Mormerii* non minus **viii** passuum millibus ab Amaso in ortum extensi, donec Oldenburgenses attingant, Lædam in meridie, Auricanos ad Boream habent, vocabulum his à soli palustris natura, quo prope tota squallet regio, pauculis modo arenosis campis, quos ad frugem exercent, & magno labore colunt incolæ, intercurrentibus. *Lengani*, vulgo *Lengen*, Mormerie annexi, difficilem admodum omni à latere aditum habent per paludes, quibus, in ambitu tanquam mœnibus circumfidentur. Ager nec latus, nec pecori pascendo idoneus. Viculi **x**, fanum in meditullio unum, plebs ferox & indomita. Vbi desinunt Mormerii, illic Ager incipit *Amasanus*, vulgo *Eemsland*, omnium, qui in Orientali Frisia sunt, pulcherri-
mus haud dubie, & felicissimus, sive soli ubertatem respicias, quæ summa est, sive pagorum multitudinem & speciem, sive hominum mores. Pagi numero paulum infra **L**; & eorum complures multarum regionum oppidis haud impares: fana illustria, arces virorum nobilium nec paucæ, nec despicabiles. Portus habet plurimos, Oldershemium, Emdanum, Cnoocanum, Grethanum, & Eidelshemium. Origo nominis ab Amasi est, cujus alveo nativo ad Austrum, æstuariis ab occasu & Borea clauditur. Sequuntur *Broecmerii*, & quondam pars horum *Auricani*, quorum ager ubi Amasani cohæret, & proprie nunc Broecmerius est, mediocris ad cultum, nec infrequens vicis, nec opum expers, inprimis vero fanorum magnifica specie supra ruris modum il-

Germania.

lustris ac memorabilis. Vici omnes plus minus viginti, quibus fana sunt addita: reliquorum etiam modicus numerus. Ad Boream deinceps *Nordani* succedunt, ipso in littore, agro gauden-
tes optimo, pabuli segetisque æque feraci. His peculiare est, sparsim potius per villas, quam vicatim habitare, quippe qui præter *Nordam*, regionis caput, quinque solum vicos circum fana collectos tanto spatio complectantur. *Nordanos* *Harlingii* excipiunt, per dena passuum millia longius in ortum tendentes, in quibus vici **xvi** cum sacris ædibus, oppida duo. Ager quo littori propinquior, eo melior, versus mediterranea sterilefcit. Littus fere importuosum, præterquam ad Funixanum emissarium, non procul ab Harlingiorum fine. *Wangri* ad Iadæ latissimâ æstuarium à Septentrionibus in meridiem intra terras influentia jacent, planis ubique & uberibus campis. In eo tractu fana sunt cum parochiis **xvi**, quorum tria ad Cnipenses, reliqua ad Ieveranos pertinent. His meridiem versus Ostringii succedunt, vulgo *Oostringen*, haudquaquam pari terræ felicitate, si eam dempseris particulam, quæ sub Codensium nobilium imperio in sinum Iadanum procurrit. Postremi in ortum sunt *Rustri* in Visurgim usque à Wangris & Ostringiis pertingentes, sed nunc medio Iadæ sinu in partes scissi-
duas. Patet omnis hæc regio in ora ab Amasis ostio ad Visurgim non minus passuum millibus **50**, latitudine introrsum vergente plus quam dimidio minore. In ejus fronte Occidentali *Emda* est, ad Amasim flumen, totius littoris Frisici, à Batavis in Danos porrecti oculus, sive opes ejus spectes, sive ædificiorum pulchritudinem, sive situs commoditatem, sive negotiationum varietatem ac magnitudinem, sive frequentiam ac cultum populi. Amasis, cui adjacet, mercator omnium rerum avidissimus, in Paderbornensi agro caput attollens, pererratis omnibus Monasteriensium finibus, Frisiam tandem permeat, variisque sinuosus flexibus, ubi Dullarto se miscuit, spaciosus exit inter Groninganos & Amasanos, moxque littoribus omnibus liber, per vastum istud æstuarium, quod inter insulas & continentium trium ingentium milliarium spatio se fundit, in Oceanum evolvitur. Ipsum oppidum non adeo vetustum est, quum in antiquioribus monumentis nulla ejus exister memoria, & ipse ejus dominus non ante annum **1465** titulum Comitatus adeptus. Eum quippe Fredericus III contulit in Vdalricum: nam antea regio ista in plures partes tributa, diversis Dominis parebat. Situs urbis ad mercaturam ita est commodus, ut nullus in toto littore Saxonico sit commodior, cum in portum, imo ad ipsam urbem ingentes corbitæ onustæ mercibus possint commode appellere, mercesque suas deponere, sine minutarum navicula-

N n n n n

cula-



cularum opera. Sed fuit ea nostra memoria multo quam nunc est opulentior. Nam cum Belgæ sub Albani imperio ex Brabantia, Flandria, Hollandia, Zelandia, & vicina etiam Frisia fugientes comiter illuc reciperentur, benedixit Principis humanitati Deus, & peregrinorum opera ex lateritia pene auream fecit Emdam, vix ut ulla in tota Belgica tunc esset respublica opulentior. Vidisses illuc quotidie ingentem navium numerum appellentem ex Gallia, Anglia, Dania, Suecia, Norwegia, & confini Belgica. Struebantur ædes, effodiebantur Euripi, portus, navalia, recipiendis condendisque navibus. Sternebantur plateæ novæ, ipsa urbs ampliabatur, ut sufficere posset adventanti quotidie multitudini. Sed ex quo divina benignitas Belgas respexit, & ad suos penates concesserunt, qui ante patriam deseruerant; facta est illa aliquando desertior; sed tamen servat adhuc reliquias augmentæ illius dignitatis. Arcem habet in ipso portus aditu amplam, propugnaculis firmam, undique aquis marinis cinctam, ad tutelam urbis & navium. Ager vicinus planus est & compascuus, prata ampla, & pascendis armentis apta, quorum illic tam est fecundum seminium, ut non ei tantum ditioni, sed vicinis etiam gentibus sufficiat. Fuit parentum memoria hæc urbs Anglorum mercatorum sedes, in quam unam pannos suos, quos antea Antwerpiam deportare consueverant, conferebant, ut inde Belgæ, Germanique eos peterent: sed offensi Angli minutis quibusdam, protinus Emda Hamburgum, hinc Stadam, inde alio commigrarunt. Aliæ præterea sunt civitates hujus regionis: Norda inprimis, in agro cognomine, Emdæ ambitu par aut major, pulchritudine, opibus, cultu haud dubie proxima, quanquam mœnium expers, ipsa etiam maritimis dedita rebus, populo frequens, omnium rerum copia ad vitam tuendam per se affluens, fanis quondam conspicua quatuor, mole & forma præstantibus, imperio consulari à multis retro seculis administrata, etiam ante Comitum initia. Deinde Aurica haud felici posita loco, inter ericeta & saltus, solis prope nundinationibus ac mercatu pecudum fortunam sustentans suam. Aurica. Comitum jam sedes est & domicilium. Tum Ievera in Ostringiis eidem dedita studio, sine quo nec ipsa fortunam tueri posset. Efenæ porro in Harlingiis: in iisdem Witmunda medio propè inter illas itinere, oppidanis munitionibus carens. Et oppida hæc omnia post Nordam arcibus ferè suis, quas in lateribus habent, quam per se sunt illustriora. Fora adhæc egregia, & mercatu celebria quinque. Wenera, Iemgumum, Lera, Oldershemum, Marielohra. Arces quoque in agro hoc conspiciuntur plurimæ: quarum clarissima Auricana, oppido suo cohærens, item Efenensis, Witmundana, Ieverana, munitissima autem Orthana in confluenta Lædæ & Amasis atque in conspectu Lera, situ admirabili. Stichusa insuper, Friburgum, Ostringicum, Berumana in Nordanis, Grethana in Amasana ora, Pensumana ejusdem in agri medio, ambæ sine vallo terreo, & Ovelgunda in Translædanis.

Præfectura. Atque hæc capita Præfecturarum sunt, in quas novo instituto regionem partiri placuit, quibus

præfecti præfident, à Comite, aut Dominis aliis impositi. Præfecturarum ratio ac nomina ita se habent: Emdana duplex in Reideriæ ac Amasana partibus. Grethana tota in Amasana parte Boreali. Orthana in Mormeria partim, partim in Reideria, partim etiam in Translædanis. Stichusana in Mormeria, Translædana superiore & Lenganis. Nordana in agri sui parte proxima, arce carens. Verumana in eodem agro. Auricana in Broecmeria, & pagis circumjectis: Friburgica in parte Ostringiæ ad intimum lada sinum. Pensumana inter Emdanam & Grethanam media, quatuor solum vicos complexa. Hactenus Comitum omnes. Cæteræ quo jure, quave injuria, à Comitatu, cui adscriptæ ab Imperatore erant, dudum recessere: Elenfis, Witmundana, Ieverana, Ovelgumma. His porro interjectæ sunt nobilium ditionum complures, è quarum numero præcipuæ, Oldershemia ad Amasim, præter ipsum Oldeshemum, parochias habens sex: Cnipensis in Wangria, pulcherrima, cum arce, sede Baronis Cniphusii, parochiis comprehensa tribus. Dornumana in extremo agri Nordani angulo, Harlingiæ confini juxta oram: Godensis inter Ostringios: Lutesburgica in Nordanis. Reliquas mitto. Cœnobio ad hæc plus minus xxx. Sed memoratu præ cæteris digna, Silomonachum in Amasana medio, Alandia, Appinga, Dichusa, Blauhufsa, Vallis Mariæ, quod & vetus cœnobium vocant, ac Dominicanum apud Nordanos, Thedinga in Mormeriis ad paludum uligines, situ humili. Ita inter Auricensium nemora, Mariæ Campus in Harlingiis Efenæ proximum, Veldenfe, non procul Ievera distans.

Populus universus Principis sui amantissimus, atque hoc adeo insitum habens, ut illius honori & voluntati, si æqui leges non excedat, omnia ferè sua posthabeat, ejusdemque fortuna fortunam suam metiri soleat.

Illustrium hujus Principatus Comitum seriem Genealogicam paucis subnectere visum fuit.

Enno, Capitaneus Gretsilanus, Libertatis Frisiorum defensor.

Etzardus, Rector & Perpetuus Iudex à Frisiis electus, obiit 1441.

Vhricus, successit fratri 1454. Emdam sibi subjecit, Frisiæ Comes creatus à Friderico III, 1453. obiit 1464, 27 Sept.

Etzardus I, Comes Frisiæ Orientalis, defunct. 1528, 15 Febr.

Enno II, ob. 1540, 24 Sept.

Etzardus II, natus 1532, 24 Jun. def. 1599, 1 Mart.

Enno III, obiit 1625, 19 Aug.

Rudolphus Christianus, occisus 17 April. 1628, sponsus Annæ Augustæ Brunsvigiæ.

Vhricus, ejus frater successit, obiit 1641, 1 Nov. qui duxerat Julianam Ludovici Landgravii Hassiæ filiam.

Enno Ludovicus, Princeps Frisiæ Orientalis factus est ab Imper. Ferdinando III, cujus uxor fuit Iustina Sophia, Alberti Friderici Com. de Barby filia: ipse mortuus 14 April. 1660. Cui Frater

Georgius Christianus, in Principatu successit.

C L I V I A

D V C A T V S,

E T

D O M I N I V M

R A V E N S T E Y N.

Nomen.

Fines.



Livia ad utramque Rheni ripam porrecta, à *Clivis* capite totius Ducatus cognominatur. Ab ortu habet Ducatum Bergensem, Comitatum Marchiæ, ac Westfaliam Ducatum: à septentrionibus Zutphaniam Comitatum, Transsalianam, ac Bataviam: ab occidente Gelriam & Leodicensem tractum: à meridie Coloniense territorium & Ducatum Iuliacensem. Ælium Gracilem ferunt, cum opibus & potentia floreret in Gallia Belgica, donatum à Pipino & Carolo Martello ea parte Bataviæ, quæ tunc temporis Teisterbandiæ Comitatus appellabatur, postea vero Clivia dicta est, antiqua Menapiorum sedes. Succedere illi ordine Theodorico, Rheinaldus, Rudolphus, Ioannes, Robertus, Balduinus, alique, usque ad Ioannem, qui ab Ælio fuit vicesimus septimus. In hoc desit familia. Cooptatus tamen ab Imperatore, & provincialibus in jus familiæ Adolphus, qui in Constantiensi consilio à Sigismundo Imperatore Dux Cliviæ dictus est. Etsi vero nos eam Belgicæ tribuamus, & quidem Germaniæ Inferiori, ac proinde etiam Galliæ, habet tamen magnam quoque sui partem ultra Rhenum, in Germania magna. In ora Gallica oppida sunt *Burich*, *Santen*, olim *Vetera*, in cuius agro tophus ex antiquis ruinis colligitur; *Cleve*, *Calcar*, *Griet*, *Griethuyzen*. In ripa Germanica sunt *Vesalia*, *Duisburgum*, *Embrica*, *Reza*.

Oppida.

Vesalia.

Inter omnes magnitudine excellit *Vesalia*, sita in ripa Rheni Germanica, ad ostium Lupiæ, opportuno admodum mercaturæ loco, ingenti ex vicinis agris rerum incremento potens & dives facta. Eberhardus Comes Cliviæ & Teisterbandiæ nonus (fuit autem Teisterbandia ditio illa omnis, quæ Mosa, Vahali & Rheno circumscribitur, in qua etiam hodie insignia sunt dominia) largus fuit in personas Ecclesiasticas religioni consecratas, multaque iis donavit. Theodorico VIII dedit Rudolphus Habsburgensis *Vesalia*, cum castro *Rhenobergensis*. Theodoricus IX, qui filiam Alberti Austriaci Imperatoris uxorem duxit, jus habuit in *Vesalia* & *Rhenobergam*, idemque conventum Prædicatorum *Vesaliæ* extruxit. Edidit & viros eruditos *Vesalia*, atque

Germania.

inter eos eximium, Arnoldum, cui à patria cognomen *Vesaliensis*. Hic commentarium scripsit in Decalogum, editum Colonia, anno 1542. Insigne hic etiam est monumentum pietatis, fundatum & consecratum à parentibus Henrici Oliverii Baers, Cliviæ Cancellarii, domicilium scilicet, in quo senes & decrepiti large sustentantur, quorum reditus huius filius postea auxit. Initio Belgicorum motuum hospitium hic fuit profugis Hollandis, Zelandis, Artesis, Flandris, Brabantis: atque ex peregrinorum solertia crevit opibus, mercatura, potentia. Sed postquam Hispanus nullam sibi invadendi Batavos viam reliquam patere intellexit, quam per Cliviam & Gelriam, exposita semper fuit excursionibus & invasionibus potentiorum, exercitus suos per hæc loca ducentium. Franciscus Mendoza Archithalassus Arragoniæ, & Hispanici exercitus Præfectus, anno 1598, extorta à Magistratu ingenti pecuniæ vi, eò adegit Senatum, ut coactus fuerit anno sequenti etiam religionem mutare, admissis in templa omnia Pontificiis. Post obitum vero Ducis Cliviæ, occupavit urbem Ambrosius Spinola, quo tempore & Ordines Fœderati Embricam, & *Resam* pari jure sibi vendicarunt, multisque annis ingenti præsidio Hispanorum militum obsessam in sua potestate habuit, intentus in omnes occasiones, quibus progredi ulterius, & Gelriam, Transsalianam, cum diœcesi Trajectensi posset Hispanorum imperio adungere. Anno 1629, mense Augusto, cum, obsessa ab Auriaco Principe Frederico-Henrico Sylva Ducis, Comes Herenbergensis cum Hispanorum ac Cæsareanorum exercitu *Isalam* trajecisset, *Velaviam* occupasset, *Amersfortiam* deditione accepisset, insigni stratagemate sub ductu ac moderamine *Ottonis de Gent* capta, sub Fœderatorum Ordinum potestatem venit, hostique necessitatem imposuit, ob interclusum comitatum, *Amersfortiam* & *Velaviam*, tandemque *Isalæ* ripam ac castella ibidem exstructa deserendi.

Clivia primum Ducatus oppidum, arce jam *Clivia* diruta, olim celebre fuit & amplum, sicut ex ruderibus in vicino agro apparentibus colligere est. A clivosis collibus, in quibus situm est, nomen sibi & regioni vindicavit. Est non procul à ripa Rheni, ubi is in duos alveos divisus insulam Bataviæ, vulgo *de Betuwe* efficit. In altissimo prope Rhenum colle, ubi oppidum constructum, turris quadrangularis, crassa & edita est cum ar-

O o o o

ce



ce insigni, cuius aspectus longe adventantibus patet : quam à Iulio Cæsare ædificatam ferunt, tempore belli Gallici, contra Germanos Rheni adcolas. Quod inscriptio majoris atrii in hoc palatio indicat his verbis :

ANNO AB VRBE. DCXCIIC. C. IULIVS
DICTATOR HIS PARTIBVS SVBACTIS
ARCEM CLIVENSEM FVNDavit.

Hæc Arx sedes est Ducum Cliviæ & Canonico-
rum collegii, jacetque loco percommodo, nam
undique prospectum habet. amœnissimum in
agrum adjacentem, præsertim ex præalta turre,
cui à cygnis nomen est.

Calcaria.

Calcaria inter Mosam & Rhenum est, à Comi-
tibus Clivensibus ædificata, ut esset refugium
contra irruptionem Colonienfium & Geldren-
fium, cum quibus perpetuum iis erat bellum; no-
men habet ab antiquissima arce *Calcar*, ex qua
ultra insulam in adversam Rheni partem trans-
mittebant. Oppidum hoc paullatim dives eva-
sit ob lini textorum & cerevisiariorum frequen-
tiam, quorum merces in vicinas regiones vehe-
bantur. Supra *Calcariam*, loco quem hodie vo-
cant *auff den Baern* / creditur Cæsar Germani-
cus Rhenum ponte stravisse, cum à Veteribus
castris, hoc est, Santis, in Marfos tenderet, quos
nunc vocamus Twentanos, mutato nomine,
tamen oppidum Otmarfen veteris appellationis
servet vestigia. *Griet* sinistram Rheni ripam tue-
tur, quam ab eadem parte sequitur Griethu-
sium, in ipso principio agri Batavorum, juxta
Lobecum vetustam arcem. *Burichium* trans Rhe-
num est è regione Vesaliæ, jam partium Batavi-
carum, novisque munimentis adversus hostium
insultus probe munitum. *Embricam* quidam pu-
tant esse Taciti Asciburgum. Atqui constabit
veterum scripta attente legentibus, priscosque si-
tus cum locis hodiernis conferentibus, Ascibur-

Tetera.

Griet.

Griethu-
sium.

Burichium.

Embrica.

gum, quod veteres fabulatores ad Vlyxem con-
ditorem referunt, ut narrat Tacitus libro de mo-
ribus Germanorum, inter Novesium & Vetera
situm fuisse in ripa Gallica. *Ædibus* & incolis
frequens est, & ab Ordinibus Belgicæ Fœdera-
tæ validè munita. Patres Societatis Iesu præcla-
ras ibi aperiunt scholas. Duysburgum sive *Teuto-
burgum*, civitas Germaniæ veteris, olim erat in
littore Rheni, nunc paullo abiacet, intra fluvios
Roram & Angram. Sumptuosæ ædificiorum mo-
les, & gesta majorum, celeberrimam fuisse testan-
tur. Multiplex hic quondam mercimonium ob
natas nundinas, ut videre licet in Flandriæ An-
nalibus. Duysburgo Academia concessa fuit jam
pridem ab Augusto Imp. Maximiliano II; sed
anno demum 1655 plenè instituta, confirmata-
que, admissis tum in omni facultatum genere pu-
blicis Professoribus. *Reza* parvulum est oppidum,
mœnibus, vallis, propugnaculis, à paucis annis
bene munitum. Flumina, quæ præcipue Duca-
tum hunc irrigant, sunt Rhenus, Niersa, Rora
& Lupia. Rhenus eum medium interfuit. Rora
labitur ex Comitatu Marchiæ, & in hoc Du-
catu inter Duysburgum & Roeroort in Rhe-
num evolvitur: Lupia oritur in Westfalia, & cir-
ca Vesaliam Rheno commiscetur: Niersa nasci-
tur in Ducatu Iuliacensi, præterfluentque oppi-
dum Geldram prope castellum Genepum Mosæ
sociatur.

Duysbur-
gum.

Reza.

Flumina.

Inter hujus regionis nemora excellit Duysbur-
gense, quod Tacitus *Saltum Teutoburgensem* appel-
lat. Cingit majorem partem oppidi Duysbur-
genfis, à quo aliquot locis solummodo quatuor
aut quinque sagittæ jactibus abest. In eo ma-
gnus est ferarum numerus, multique amnes lim-
pidi & rivuli. Montes hic sunt arboribus altis
pleni.

Nemora.

R A V E S T E Y N.

Ravensteyn insigne est Dominium ad Mo-
sam, inter Brabantiam & Geldriam. A
septentrione terminatur regno Novio-
magenfi, ab oriente habet regionem Cuyc-
kiam, in parte australi & occasu est territo-
rium Sylvæducense, vulgo *de Majerye van 's Har-
togenbosch*.

A morte Ducis Ioannis Wilhelmi, qui anno
1609, die 25 Martii improles obiit, bellum ortum
est inter Imperatorem Rudolphum II (qui Du-
catum Cliviæ ad Imperium devolutum affirma-
bat, quod esset feudum masculinum) Marchio-
nem Brandeburgensem & Ducem Neoburgi-
cum. Brandeburgensis natus erat ex Leonora,
quæ erat soror major natu Ducis Wilhelmi, sed
defuncta. Neoburgicus filius erat Annæ sororis
junioris, verum superstitis. Dux Saxonæ sibi
Cliviæ Ducatum deberi contendebat, utpote à
diversis Imperatoribus majoribus suis sibi-
que datum, si quando Duces sine prole mascula mo-
rerentur, adferebatque hujus donationis diplo-
mata. Cum post varias altercationes & certami-
na, civitas Iuliacensis auxilio Henrici IV, Gal-

lorum Regis, Ordinumque Fœderatorum esset
obsessa, & certis pactionibus in potestatem eo-
rundem venisset, jamque Archidux Leopoldus,
huc ab Imperatore missus, domum rediisset:
omnes regiones morte Ducis Wilhelmi vacantes
rexerunt aliquamdiu pariter Brandeburgensis &
Neoburgicus: postea facti discordes invicem op-
pugnarunt. Neoburgico suppetias tulit Rex Hi-
spaniarum, Brandeburgensi Ordines Fœderati.
Tandem consensu Imperatoris Ferdinandi II,
Ducatum Clivensem, Iuliacensem, Montensem
aliasque regiones diviserunt. Manebat tamen
præsidium militare Ordinum Belgicæ Fœderato-
rum Vesaliæ, Reza & Embricæ.

Comitum ab Altena, qui postea etiam Co-
mites facti sunt Marca, primus fuisse perhibetur
Theodoricus, à quo ortum duxit Eberhardus,
qui vixit circa annum Christi 1180. Hujus filii
fuere Bruno, Adolphus & Fridericus. Bruno ex
Archiepiscopo Colonienfi factus est monachus
Cisterciensis. Adolphus post Brunonem ejus-
dem cathedræ Præful, Philippum Romanorum
Regem Ducem Sueviæ adversus Ottonem IV
se-
secu-

Comites.

secutus, ab Innocentio III Papa proscriptus est, anno Christi 1205. Fridericus vero Comes fuit ab Altena.

2 *Adolphus* V Comes ab Altena, primus Comes Marcæ, Hammam & Blankensteinium condidit, anno 1226, obiit anno 1249. Vxor ei fuit Elisabetha, filia Domini de Fauckenberg. Filii duo Adolphus VI, & Engelbertus Comites ab Altena.

3 *Engelbertus* Comes ab Altena & Marcæ, filiam habuit Adelheidem nuptam Domino Mechliniæ Ioanni Bertotio.

4 *Adolphus* VII Engelberti filius, Comes ab Altena & Marcæ, uxorem habuit filiam Comitis Loffensis. Ex qua suscepit Ioannem Canonicum Leodiensem, Adolphum VIII Episcopum Coloniensem, & Engelbertum qui patri successit. Frater Adolphi Conradus fuit Canonicus Leodiensis.

5 *Engelberti* uxor prior fuit Domina de Westmale; posterior filia & hæres Domini de Arenberg. Adelheidis filia Engelberti nata ex priore uxore, nupta est Ioanni ultimo Comiti Cliviæ. Eberhardus Engelberti filius originem dedit Comitibus Arenbergicis. Engelbertus fuit Episcopus Leodiensis, & Archiepiscopus Colonienfis, cedente ipsi patruo Adolpho VIII.

6 *Adolphus* IX, Engelberti filius Comes in Altena & Marca, uxorem habuit Mariam filiam Theodoricæ X, Comitis Clivenfis, eaque accessione ditiones suas auxit. Ejus filius Theodoricus fuit Canonicus Colonienfis. Ioannes Dominus in Dinflaken, Engelbertus Comes Marcæ, qui filiam habuit Elisabetham nuptam Ioanni Comiti Nassovio.

7 *Adolphus* X qui & Senior, Comes Cliviæ, Princeps Imperii factus est à Carolo IV Imperatore: obiitque anno 1389. Vxorem duxit Margaretam filiam Gerardi IV Comitis Iuliacenfis & Bergensis. Ex qua habuit filias Margaretam nuptam Alberto Bavaro Comiti Hollandiæ, Beatricem nuptam Comiti à Meurs, & Catharinam nuptam Domino de Moreberg. Filios, Adolphum XI, Gerardum Comitem Marcæ, & Theodoricum Dominum in Dinflaken.

8 *Adolphus* XI, Adolphi filius, Adolphi nepos, in Concilio Constantienfi primus à Sigismundo Imperatore Ducis Cliviæ titulum adeptus est, anno Christi 1417. Habuit uxorem Margaritam Gerardi IV Comitis Iuliacenfis & Bergensis filiam. Hic Gulielmum Ducem Bergensem avunculum suum prælio victum cepit, anno 1397, acceptisque ab eo oppidis aliquot, Ravensteno, Lewenburgo, aliisque, liberum dimisit. Vxorem habuit Agnetam filiam Ruperti Imperatoris, & Mariam natam Ioanne Duce Burgundiæ. Filia fuere, Margareta nupta Ulrico Comiti Wirtenburgico, Elisabetha Henrico Comiti Schwartzenburgico, Helena Henrico Pacifico Duci Brunsvicensi, Catharina Arnaldo Egmondano Duci Gelriæ, Maria Carolo Valesio Duci Aurelianensi. Filii, Ioannes I & Adolphus Comes Marcæ, Dominus Ravenstenni, cui uxor fuit Anna notha Philippi Burgundi cognomento Boni; filius, Philippus Comes Marcæ & Ravenstenni, qui ex uxore

Germania.

re Francisca filia Petri Lucelburgici Comitis S. Pauli liberos non suscepit.

9 *Ioannes* I Adolphi XI filius, Dux Cliviæ, Comes Marcæ, Dominus Ravenstenni, apud Philippum Bonum avunculum suum est educatus. Vxorem habuit Elisabetham filiam Ioannis Comitis Niversii; Filios, Adolphum Canonicum Leodiensem, Theodoricum Archiepiscopum Rhemensem, Ioannem II Ducem Cliviæ, & Engelbertum qui à Ludovico XII Dux Niversii factus est, à quo Niversii Duces proficiscuntur.

10 *Ioannes* II Dux Cliviæ, Davidem Præsullem Trajectensem expulit, & Maximiliano Imperatori contra Carolum Geldriæ Ducem militavit. Obiit autem anno Christi 1521. Vxor ei Mechtildis filia Henrici Lantgravii Hassiæ.

11 *Ioannes* III, Ioannis III filius unicus, à patre Dux Clivenfis, à focero Iuliacenfis & Bergensis, cum Carolo Duce Gelriæ fœdus iniit de ditionum successionem. Militavit adversus Turcas sub Carolo V, & cum aliis Principibus Imperii Monasterium expugnavit. Vxorem habuit Mariam filiam & hæredem Guilielmi Ducis Iuliacenfis & Bergensis. Obiit ipse anno 1539. Filium habuit unicum Guilielmum; Filias, Sibyllam nuptam Ioanni Friderico Electori Saxonie, Annam Henrico VIII regi Angliæ, & Magdalenam, quæ cœlibem vitam duxit.

12 *Gulielmus* Ioannis III filius, natus anno 1516, defuncto Carolo Geldriæ Duce, ditiones ejus tanquam proximus hæres occupavit: quas Carolus V, qui ex hæreditate Caroli Burgundieas ad se pertinere adfirmabat, invasit, & Guilielmum eo adegit, ut supplex Cæsari factus veniam delicti peteret. Duxit autem Guilielmus Mariam Ferdinandi Imperatoris filiam, obiitque anno 1592. Ex ea nati, Ioannes Guilielmus, & Carolus qui Romæ extremum diem clausit. Nata Leonora, uxor Alberti Friderici Ducis Borussiae, Anna nupta Philippo Ludovico Comiti Palatino Neoburgico, Magdalena Ioanni Comiti Palatino Bipontino, Sibylla Carolo Austriaco Marchioni Burgoviæ.

13 *Ioannes Guilielmus* natus anno 1562, patri defuncto successit in Ducatu Iuliacenfi, Clivenfi, Bergensi; Duxit uxorem Iacobam Philiberti Marchionis Badensis filiam, & Antoniam filiam Caroli Ducis Lotharingiæ: obiit anno 1609, die 25 Maij, an. ætat. 47. Post ejus obitum, de ejus hæreditate diu disputatum est, asserente illud sibi Saxone, impetrata pro se à Rudolpho Imp. investitura, quatenus feudum imperii: Brandenburgico verò asserente, filias Patris in eo Ducatu semper hæredes fuisse, se itaque ut maximæ natum filium jure in avitas ditiones succedere: Nieuburgico contra, sibi jus succedendi competere, quod mater sua adhuc in vivis esset, adstruente. Tandem post multa bella conventum ut Clivia Brandeburgico cum annexis regionibus cederet, reliquas ditiones ut Iuliacum Nieuburgicus teneret. Itaque *Ioannes Sigismundus* Elector Brandenburgicus Dux Cliviæ agnitus fuit, decedens an. 1609, cui successit *Georgius Guilielmus*, Elector Brandeb. huic autem filius *Fridericus Guilielmus* Elector, cui Deus omnia fausta & salutaria largiatur.

P P P P P

C O-

[Faint, illegible handwriting in the top left corner]

Comitat
om.

March
natus.
Ducatu

Ducatu

Julia

Lima

M
v

D V C A T V S I V L I A C E N S I S.



ROVINCIAE Imperii Germanici citra Rhenum in Gallico solo sita, sunt, Provincia Leodiensis, Ducatus Iuliacensis, Colonienfis Archiepiscopus, Lotharingia, Austrasia, Alsatia & Comitatus Montbeliard. Ducatus Iuliacensis Co-

Comitatus olim.

Marchionatus. Ducatus.

Duces.

Iuliacum.

Lunet.

Marcodurum.

mitatus olim fuit, & anno 1329 à Ludovico Imperatore Marchionatus dignitatem titulumque adeptus est. Et mox, triginta scilicet post annis, à Carolo IV in Comitibus Metensibus ad Ducatus fastigium ascendit. Primus Marchionatu functus fuit Guilielmus IV, qui & postea Dux factus. Filius huic fuit Guilielmus, qui patri successit in Ducatibus Iuliacensi, & Gelrensi. Qui cum sine prole decessisset, successorem habuit Raynoldum fratrem. Eoque mortuo sine hærede, uxor affini suo Adolpho Bergenfi nupsit, qui Ducatum Iuliacensem & Bergenensem accepit. Atque his itidem sine liberis extinctis, factus est Guilielmus Dux Iuliacensis & Bergenfis, cui natus filius, nomine Gerardus, in paternatione successor. Gerardo natus filius Guilielmus, qui quam unicam habuit filiam nuptum dedit Ducis Clivenfis filio unigenito Iohanni. Et hac ratione tres Ducatus Iuliacensis, Bergenfis, & Clivenfis uni Domino paruerunt. Ex Ioanne natus filius Guilielmus quartum Ducatum Gelrensem junxit tribus istis Ducatibus. Sed cum Carolo V bello implicitus, & ab eodem victus Gelriæ Ducatu cedere coactus fuit, ducta uxore filia Ferdinandi Romanorum Regis.

Primaria urbs, quæ Ducatui nomen dedit, est *Iuliacum*, vulgo *Gulich*, Gallis *Iuliers*, cujus etiam in Itinerario meminit Antoninus.

A Septentrione habet Gelriam, ab Occidente Leodiensem Episcopatum & Ducatum Lunenburgensem, à Meridie & ab Oriente Archiepiscopatum Coloniensem, qui medius inter hunc & Ducatum Bergenensem jacet.

Situm est ad ripam Ruræ fluvii, arce validum. Paucis retro annis à Mauritio Nassovio victa arx in Fœderatorum venit potestatem. Nec longo post intervallo ab Hispanis, Duce Spinola victa, Hispaniarum regi anno 1622 cessit, contendentibus inter se Ducibus Brandenburgico, & Neoburgico de Ducatus hujus & Cliviæ dominio. Extra urbem cœnobium Carthusianorum extruxere Principes Iuliacenses, redivisusque opimis ditantur. Est in eodem Ducatu *Marcodurum*, vulgo *Duren*, obsidione Caroli V celeberrimum. Etiam *monasterium Eyphalea*, *Munster-Eyffel*, in vallibus positum non longe à fontibus *Ervatis* flu-

vii. Sunt præterea hic oppidula *Euskirchia*, *Berchemum*, *Castrum*, vulgo *Caster*, à castro, quo munitur. *Grevenbroeck*, *Slabach*, *Dalen*, *Wassenberg*. Arces plurimas habet, quæ Nobilibus & Equestribus familiis nomen dederunt, *Palant*, *Meroden*, *Reusschenberg*, *Nesselroden*, *Wachtendonck*, modo à Fœderatis, modo ab Hispanis occupatas. Est etiam Baronatus *Wickradiensis*, arcem habens fortissimam, *Quadorum* sedem. In hoc ipso tractu sita est urbs *Aquensis*, sive *Aquisgranum*, Gallis *Aix*, Germanis *Aich*, Flandris *Aken*. Grani adjectio unde sit, dubium, quum alii *Aquasgrani*, alii *Thermas-grani*, alii *Grani palatium*, alii *Aquis-granum* vocent. Qui *Granum* quendam *Neronis* fratrem commentum sunt, prodiderunt suam audaciam: finxerunt enim ipsi, quod à nullo scriptore traditum est. *Sylburgus* putavit *Aquas Gratianas* vero nomine appellatas fuisse. Sed unde hoc ipse habuerit, nescio. Nec desunt, qui existiment, nomen derivatum ab *Apolline* *Granno*, quem in *Rhætia* cultum constat. Sed ut in *Rhætia* istud sit, unde liquebit *Grannum* in *Gallia Belgica* cultum fuisse, aut appellationem urbi dedisse? Ego, quum videam hoc nomen etiam ante *Caroli Magni* ævum fuisse usurpatum, iis adsentior, qui putant à *Serenio* *Grano* Præsidente Romano urbem conditam, sub *Hadriano* Imperatore. Sita est autem à *Trajecto* superiore quarto milliari, tertio à *Limburgo*, sexto à *Leodio*. Opportunitas loci & fecunditas allexit vicinos ad sedes istas incolendas. Sed surgentem adflixit *Attila Hunnus*, neque hanc tantum, sed vicinas omnes, quacunque incedebat, cum numerofo quingentorum millium exercitu. Restituit vero eam *Carolus Magnus*, qui etiam ob *Francici* regni viciniam, voluit ut ibi Imperatores coronam Imperii acciperent: quæ res etiam postea distractis ab Imperio Gallis, tamen in usu usque ad *Carolum V* mansit. *Aula* & tumulto *Caroli Magni* superbit. Fontes *Aquenses*, in solo plano, præter aliorum naturam, prope civitatem Imperialem scaturiunt, sale, sulfure, & alumine imbutæ, Emfensium more propemodum ferventes. Tum potæ, tum in balneis illæ salutare sunt, nervosis, contusis, vulsis, ruptis, distortisque membris. Torpida resolutaque instaurant. Vteros mulierum egregie calefaciunt, ut facilius concipiant, externa corporis vitia mirifice abstergunt.

Fluvii Ducatus hujus sunt, *Rura*, qui in duas regionem omnem partes dispescens, prope *Ruremundam* in *Mosam* se exonerat: & *Erpa*, non longe à *monasterio Eyphalea* originem ducens, & prope *Novesium* in *Rhenum* excurrans. *Niersa* in his terris fontes habet.

Rrrrr

D V.

Germania.



D V C A T V S B E R G E N S I S.



Principes.

Ducatus Montensis sive Bergensis nominis appellationem habet à Bergo oppido. Ab Inferiore Velalia principium capit, & juxta Rheni adscendentis ripam satis longo latoque spatio extenditur. Origo Principum accessi solet à duobus fratribus, qui ab Henrico Aucupe Romanorum rege, ob præstita illi officia, hac regione donati sunt. In qua, fratrum natu maximus, Adolphus castellum construxit prope Comitatum Arnsperg; nominavitque illud Volveshegh: & temporum successu non parum cultiorem reddidit terram illam per circuitum, oppidis vicisque eam exornans. Alter frater Eberhardus nomine construxit & ipse castellum, appellavitque illud Aldenburg. Invallescentibus indies fratrum opibus potentiaque Adolphum Comitem creavit Rex, ditionemque Comitatum fecit, qui dictus fuit Comitatus de Altena. Etiam Eberhardi ditio Comitatus Bergensis titulo insignita ab eodem fuit. Paulo post, cum monasticam vitam amplexus esset frater Eberhardus, fratri ditionem suam tradidit, & constructo ad fluvium Dune Monasterio, Abbas in eo factus est. Ab Adolpho & posteris ejus descenderunt Comites isti: Engelbertus, Adolphus, Engelbrechtus, Adolphus. Hic vero cum improlis decessisset; cessit Comitatus Bergensis filio sororis suæ, nempe Gerardo Comiti Iuliacensi. Post eum utrique ditioni præfuit filius Guilielmus, & post hunc Gerardus, inde Gerardo natus Guilielmus. Huic successit filius Guilielmus Dux primus Iuliacensis, Bergensis, & Dux Gelriæ. Quem excepit successor Rainoldus, mortuus anno 1423. Mansitque post hæc tempora ditio Montensis apud Duces Iuliacenses. Quorum seriem vide in descriptione Ducatus Clivenfis.

Limites.

Ab occasu Rheno & Archiepiscopatu Colonienfi clauditur, à Septentrione Cliviæ Ducatu, & Marchiæ Comitatu, cujus pars etiam

Oriente hujus Ducatus latus attingit.

Sunt, qui volunt Comitatum Montensem erectum eo tempore, quando Henricus Superbus exautoratus fuit à Frederico I. Anno vero 1363 fecit Carolus IV ex Comitatu Marchionatum; Wenceslaus filius in Ducatum erexit.

Oppidulum hic videas *Essendiam*, dictum *Essen*, *Oppida.* in quo Alfridus IV, Hildesheimensium Præsul, cœnobium monialium virginum exstruxit, in quo sub unius Abbatissæ moderamine 52 virgines alerentur, & 20 insuper Canonici sub ejus loci Decano Canonicam vitam agerent. Gaudet Abbatia hæc asyli privilegio. Ager frumenti & tritici præstantissimi ferax. Nec alium facile reperias locum, in quo plura conficiuntur sclopeta. Fontibus abundat, & atro carbonario lapide, quem territorium vicinum suppeditat, potissimum vero, qua Steltium est, ad Ruram amnem oppidum. Præfecturas habet plurimas, *Blanckenborch, Leewenberg, Huickeswagen, Bornfeld, Saligen, Lantzberg, Dusseldorp, Steinbach, Byenbach, Meylenlo, Medman, Windeck, Syberg, Nuwenborg, Portz, Lulstorff, Monbeym, Angermunde, Elverfeldt, Borck.*

Dusseldorpium Metropolis est Ducatus Montensis, ab amne Dusselo nomen habens. Ad Rheni ripam jacet. Sedes est aulæ, & telonium mercium prætervectarum. Aulæ domus, qua parte civitatem adspicit, fossa alta lataque munita est, reliquam partem Rhenus alluit, cujus in flumen hoc celeberrimum & patentes ulterius terras prospectus est amœnissimus. Conserveri hîc solent archiva Ducatus & Cancellariæ. Basilica tumulos habet Ducum ea templi parte, quam Chorum vocant. Cœnobium insuper hic videas Crucigerorum. Claruit quoque superioribus annis illustri Gymnasio, vel Schola, quam Patres Iesuitæ exstructo istic collegio restaurarunt. Est & hic Capucinatorum collegium. Regio omnis Colonienfium est horreum, ad quos ter singulis septimanis agricolæ mercatum veniunt, vendentes ementesque. Solinga fabros *Solinga.* habet plurimos & laudatissimos gladiatorum ac cultrorum. *Elverfeldia* fila telasque conficit *Elverfeldia.* ficiendis tapetibus, quæ Antwerpiam transvehi solent.

LEODIENSIS

EPISCOPATUS.



Leodicum, five Leodium, quæ & Legia dicitur, eo loco posita est, quem in Commentariis narrat Cæsar habitatum fuisse ab Eburonibus: qui Duce atque autore Ambiorige, ex insidiis ceciderunt Cottam, Sabinum-

que, Cæsar's legatos, una cum legione & cohortibus quinque Romanorum. Hubertus Thomas, hujus terræ historiographus, Legiæ quidem nomen derivat ab occisa illa Romanorum militum legione: sed conditorem ei assignat Ambiorigem illum supradictum, quem ob ingratam suam perfidiam ad necem usque persecutus est Cæsar. Alii nomen volunt sumxisse ab amne Legia, qui ad Ansum pagum natus tertio inde milliari urbem illabitur, ac Mosæ inibi se commiscet. Richardus Vassenburgius, ac Ioannes Placentinus in historiis suis narrant, Divum Hubertum Aquitanum, primum oppidi Præfulem, primum etiam ejus conditorem revera fuisse, cum antea non nisi pagus esset, conditoque imposuisse nomen Legiæ. Alii rursus non conditorem eum, sed instauratorem fuisse contendunt, urbi autem antiquam & inde à Græcis originem tribuunt. Quicquid sit, & ex posito ejus admodum oportuno, & murorum quorundam semirutorum parietinis, aliisque id genus venerabilibus monumentis, vetustissimam urbem esse colligitur. Vtitur ea in gravioribus ac majoris momenti rebus perverusto sigillo, cum tali elogio: *Legia Romane Ecclesie unica filia*, unde varia porro deducunt argumenta ad dignitatem simul & antiquitatem urbis demonstrandam. Sita est inter colles & montes in amoenissima valle ad Mosam flumen, quod duplici eam cornu interfecat, plusculas creans insulas, easque habitatas. Præter Mosam & Legiam jam dictos, etiam aliis rivulis tribus interluitur, Vta, Vesa, & Ambluaria: qui orti in Arduenna sylva in Mosam hic se exonerant, & laudabiles incolis sufficiunt pisces: præcipue vero *Vta*, qui inter alia piscium genera, illud maxime suave ac delicatum præbet, quod *Vtinense* à flumine vocatur. Manant insuper tota urbe & aliæ quædam non limpidæ minus, quam juges aquæ: unde pulchri porro & frigidi passim fontes, tanta copia, ut ne privatorum quidem ædibus desint, quæ binos eos, ternosque nonnullæ numerant. Oppidum magnæ capacitatis est & amplitudinis diffusæ, sic ut arduos quosdam montes, complures valles, varios aquæ perennis rivos, & pulcherrimas aliquot vineas complectatur. Vnde Philippus Comminæus amplitudine urbem Rothomago parem facit, etsi multo major sit. Ambitus enim ejus est quatuor

Germania.

Italicorum milliarium. Edificia ampla, ac præ ceteris superbum est & magnificum Palatium Episcopi, extructum à Cardinali Erardo Episcopo Leodiensi. Publicis vero templorum structuris, five numerum Ecclesiarum spectes, five elegantiam, splendorem, divitias, omnes superat non modo Gallia, sed etiam Germania utriusque civitates. Octo in ea sunt templa collegiata, in quibus divites admodum Canonici vivunt. Splendidissimum vero est templum S. Lamberti, qui tutelæ præest civitatis. Templum hoc cathedrale est, cujus Episcopus totius ditionis & dioceseos princeps, Canonici consilarii; sed ad Canonicatum nemo admittitur, qui non aut nobili sit prognatus stemmate, aut alioqui Doctor vel Licentiatus: licetque Canonico (nisi in sacerdotum numerum fuerit cooptatus,) resignare beneficium, uxorem ducere, & aliud quodvis vitæ genus suscipere. In hoc templo multa admodum sunt vasa magni pretii, multa ornamenta aurea argenteaque. Inter alia statua est S. Georgii ex puro auro, quam Carolus Burgundia Dux consecravat. Sunt & quatuor Abbatia perquam opulentæ, & Bibliothecis instructissimis exornatæ. Paræcia intra urbem sunt 32 cum Ecclesiis totidem. Atque ex his apparet, non immerito à Petrarcha olim scriptum, *Vidi Leodium, insignem clero locum*. Sermo civibus Gallicus, sed qui ob vicinitatem & commercia Germanorum & Belgarum est depravatissimus. Vrbs ipsa est Imperialis, non alio tamen vinculo, quam quod Imperatori, arma in Turcam moventi, teneatur milites aliquot suppeditare, vel pro illis annuere stipendium, quo alii adscribi possent. Episcopus jus habet titulumque Principis, tanta tamen libertate & privilegiis concessis civitati, ut pene libera videri possit. Habet enim suos Consules, Scabinos, Magistratum. Studia hic olim magno in honore fuere, adeo ut observatum sit, uno eodemque tempore Leodii novem Regum filios, viginti quatuor Ducum, 29 Comitum, literis artibusque humanioribus operam navasse, præter Baronum, & aliorum illustrium virorum liberos, qui plerique omnes Canonici erant templi S. Lamberti.

Hanc urbem Carolus Dux Burgundia Episcopo affini suo opem ferens adversus cives obsidione cinxit, cœpit, & totam vastavit. quam historiam prolixè describit Philippus Comminæus lib. 2. c. 13 & 14 suæ historiæ. Habet item Leodicum triginta & duo artificum collegia, quorum ingens in universa republica est autoritas, ita ut nullum promulgari possit edictum, nullum publice capi consilium, nisi accedat eorum consensus; ac præcipuum est illud vasculariorum: uti antiquissimum ferrariorum. Vrbs civibus frequens est; qui ingenio & sagacitate valent, adhuc prompti ad quidvis audendum: verum pessima & inveterata quadam consuetudine ad ignaviam,

R r r r 2

& mu-

Origo nominis.

Vrbs Leodici descriptio.

Sum.

Flumina.

Templa.

Politia.



L E O D I E N S I S

& mutua inter se dissidia, quam laborem concordiamque, proniores, audaces tamen, robusti, ac ad militiam aptissimi.

Buillonum. Buillonum castellum est quarto ab Ivoy milliari, decimosexto à Leodio, in montis vertice, mirabili artificio exstructum. Sedes est Ducum Buillonensium. Ab hac nomen habuit Godefredus Buillonius Dux Lotharingæ, qui anno 1096 in Concilio generali celebrato Claremontii in Arvernia, una cum fratribus Eustatio & Balduino sacram militiam suscepit adversus infideles, pro recuperanda Terra sancta. Quo tempore illustris & vere generosus Heros, ut esset ad militiam illam expeditior, Sperto Episcopo Leodiensi Ducatum illum vendidit, majore gloria vendentis quam ementis. Atque hujus virtute anno 1099 capta fuit à Christianis Hierosolyma. Quumque ab exercitu ob præclara merita regnum Hierosolymitanum cum corona ei offerretur, negavit (en Principis Christiani pectus) se auream coronam aut regium titulum eo loco suscepturum, in quo Servator humani generis spineam coronam tulisset. Et quanquam Ducatus hic ditionis sit Leodicensis, tamen jus suum in eum obtendit Dominus Sedanensis, quamobrem & se Ducem Bullonii inscribit, & ipsa ditio, vi pacis ann. 1559 inter Christianissimum & Catholicum reges initæ, restituta est Leodicensium Præsuli: verum id citra juris, quod Sedanensis Dominus sibi vendicat, præjudicium.

Francimontium. Francimontium, alias muris clausum, nec incelebre fuit oppidum, hodie vero murorum expers, pagi duntaxat, etsi ampli satis ac vasti, vocabulum sustinet. Arcem tamen sic satis munitam habet, & ab Erardo Cardinale instauratam. Dissidet à metropoli sua quatuor leucis, & Marchionatus sibi titulum vendicat, jurisdictionem in pagos aliquot suburbanos obtinens.

Tuini. Tuini (pagus hic est Francimontio proximus) metalla sunt plumbi optima, & in montibus vicinis lapicidinæ marmoreæ.

Tungri. Tungri tribus milliariibus absunt à Trajecto Mosæ, totidem à Leodio. Civitas eorum *Tongren* hodieque appellatur, sita ad fluvium *Iecher*. Nomen habet à Tungris Germaniæ populis, qui relicta patria primi Rhenum trajecerunt, & has sibi delegerunt sedes. Vrbs est omnium Brabantiae civitatum antiquissima. Ejus incolæ à S. Martino Patavino primum semina Christianæ fidei acceperunt: fuitque is primus ejus loci Episcopus anno 138, teste Iohanne Placentino. Sed quum Hunni Duce Attila in Germaniam irrupissent, & civitatem istam una cum aliis oppidis vastassent, translatus est Episcopatus iste Trajectum ad Mosam à S. Servatio. Deinde anno 713 idem Episcopatus Trajecto translatus est Leodium à S. Huberto. Ab hac urbe Tungrorum Lutetiam Parisiorum usque iter est miliarium Italicorum ducentorum: quod totum iter lapide constratum fuit, exstantibus etiam nunc ejus viæ reliquiis manifestissimis. Argumentum antiquitatis summæ est templum Herculis intra urbem, cujus statua ante portam etiam hodie conspici potest. Hoc loco fons fertur fuisse, de quo C. Plinius lib. 31, cap. 11, *Tungri, civitas Gallie, fontem habet insignem, plurimis bullis stillantem, ferruginei sa-*

poris, quod ipsum non nisi in fine potus intelligitur. Purgat hic corpora, tertianas febres discutit, calculorumque vitia. Eadem aqua igne admoto turbida fit, ac postremum rubescit. Ac de hoc fonte litigant inter se viri docti. Alii contendunt esse adhuc intra urbem: alii (quibus adsentitur accuratissimus scriptor, & qui hujus rei fidem singulari cura experiri voluit, Ludovicus Guicciardinus) extra eam, sesquimiliari à Limburgo, quinque milliariibus à Leodio, octo à Tungris, juxta *Spa* vicum, in nemore quodam amœno & jucundo, parte sylvæ Arduennæ. Hujus fontis mirabilis est efficacia in morbis desperatissimis, phthisi, hydrope, febribus, atque aliis. Porro Tungrorum etiam meminit Plinius lib. 11, & præter eum Strabo, Tacitus, Iulius Capitolinus. Eorundem quoque memoria exstat in locis quibusdam Germaniæ, Brabantiae, Namurci. Nam *Tongrenbeim* juxta Coloniam est, *Tongerloo* in Brabantia, *Tongria* in tractu Namurcensi. Celebratur in Tungrorum urbe jam ab annis aliquot retro singulis septimanis perinsignis quidam equorum mercatus, quod jumentum genus è Germania, Belgicaque abunde huc solent transferre. Hubertus Thomas, scriptor eruditus, Tungrorum muros vetustissimis illis temporibus Oceani fluctibus verberatos fuisse contendit, idque conjecturis quibusdam & argumentis, ne ad speciem quidem veris. Parum sane attendisse videtur ad oppidi ipsius situm, quam illud à mari abjunctum, imo quam non potuerit istud citra aliarum regionum inundationem perniciemque eo pertingere.

Huyum. *Huyum*, *Hoey* vulgo, antiquis temporibus oppidum erat famosum, amplum & potens, dicebaturque ex quorundam sententia *Benefactum*; sed crebro deinde à barbaris dirutum, & dignitatem simul & nomen amisit. Hodie Huyum dicitur, à cognomine rivulo, qui natus ad Have-langam pagum, magno & turbido impetu, maxime vero cum imbribus adaugetur, ad Caurum properat, ac Mosæ hoc ipso loco commiscetur. qui Mosæ Huyum interluit, ac in duas fere æquales partes scindit, sed pulcherrimo & mirandi operis ponte junctas. Arx urbi imminet, quam ex edito monte despicit. Ager vicinus dives est venarum ferri: ideoque complures hic officinæ ferrariæ: pecoris item sat magna vis.

Hasseletum. *Hasseletum* flumini Demeræ adjacet, oppidum minime contemnendum, ædificiis simul & civibus frequens. Civem dedit Fr. Tilemannum, ordinis D. Francisci, virum longe doctissimum, & complurium operum scriptorem. In finibus Hasseleti & ad Demeram flumen, *Curinga* est, amœnissimus pagus, spectabilis luculento palatio.

Dinantum. *Dinantum*, uti volunt, dictum est, leviter immutata voce, à Diana, quæ & templum hic habuit, & sacerdotes, qui ad aram ejus, haud secus, quam in celeberrima illa apud Ephesum æde, sacrificaverint. Adjacet dextræ Mosæ fluminis ripæ, & Boviniaco, quod ad alteram ripam est, leucæ tantum quadrante, Leodico plus duodecim leucis abjungitur. Fuit vero & istud oppidum magni nominis, ac mercimoniis olim floruit, sed bellis, aliisque rerum humanarum casibus accisum attritumque. Dirui ac solo æquari aliquando jussit Carolus Dux

Dux Burgundiæ, cumque iterum resurgeret, cinxit magno exercitu Galliæ Rex Henricus II, qui Mariaburgo victor rediens, mox in dedicationem accepit. sed Germani militis insolentia factum, ut injustissime diriperetur. Arx, utcumque machinis concussa, primos tamen incurfus animose sustinuit: sed cum iterum, iterumque horribili tormentorum strepitu tunderetur, obfessi, auctoribus Germanis, dederunt se Gallo, qui & arcem mox demolitus est alto monti impositam. Sed utraque oppidum & arx jam denuo restituta.

Masacum.

Masacum, Maseyck, oppidulum non incelebre, ad lavam Mosæ ripam. Primo hinc milliari *Thora* est, amœnissimus locus & Abbatia insigni, quam Thorensem vocant, superbiens; eam condidit Comes Hugienfis, anno 1472. *Stochemium & Billa* exigua oppidula, quorum illud ad Mosæ ripam est, hoc altero à Trajecto milliari remotum.

Designatus ac delineatus hic fuit aliquando novus quidam aquæ ductus, per quem Demera fluvius duorum vel circiter milliarium spacio, prope urbem Trajectum, ubi solum depressus, duceretur in Mosam; quo opere perfecto naves mercesque à Mosâ in Demeram, atque hinc porro in Diliam, Rupelam, Scaldim, ipsumque mare transmitti potuissent, nec necesse fuisset merces è Gallia ac Leodicensi Provincia, tam longo itinere, tamque immenso sumptu, temporisque impendio per Gelriam, Hollandiamque in Brabantiam circumducere. Atque hoc quidem consilium jam nuper denuo agitari cœptum, cum Fossam Eugénianam ducere aggressa fuit Archidux Isabella.

S. Truyen.

Trudonopolis, vulgo *S. Truyen*, sedes olim, ut volunt, Centronum, populorum veteris Galliæ, quorum prolixè meminit Cæsar. Incolæ lingua utuntur Brabantica: quæ & quatuor ultra versus Leodicum leucis in frequenti est usu. quare, licet sedi Leodicensi pareant, Brabantiam tamen haberi atque agnosci volunt. Est hic nobile illud cœnobium D. Trudonis, oppido à se nomen faciens, adeo potens & locuples, ut ipsum oppidum Abbas è semisse possideat, cumque legendi sunt Magistratus, parem cum ipso Episcopo numerum eligat. *Lootzia* Trudonopoli sesquileuca abest. *Borckmormia* adjacet rivo leckeræ. *Visetum, Varemium, Beringa*, loca satis celebria sunt & peropportune sita. *Herca, Brea, Pera, Hamontum*, Leodico pari septem leucarum intervallo abjunguntur, loca haud magni nominis. Nec absimilia multum *Sineia, Fosseia, Covinum, Florenna, Cereia* pulcherrimum propugnaculum, ubi habitasse volunt Cæsares, populos Cæsari celebratos.

Ebura.

Est etiam uno à Leodio milliari pagus *Ebura*, qui Eburonum metropolis fuisse creditur. Hunc juxta complures inveniuntur venæ præstantissimi sulphuris. Pari fere intercapedine distat ab urbe *Herstalla*, locus, unde inditum nomen Pipino II. Item *Iupilia*, locus itidem memorabilis. quare utriusque haud raro meminerunt scriptores. Ad utramque Mosæ ripam, compluria olim extabant palatia, & amplissima splendidissimaque prætoria Principum Pipinorum, ipsis fere suburbis paria, quo sæpius ipsi animi causa secedebant. Nam, si quod verum dicendum est, nullus tractus hoc

Germania.

amœnior, sive aëris cœlique temperiem spectes, sive flumina, fontes, sylvas, montes, valles, vineæta, fruticeta, adeoque venationis ac piscationis opportunitatem summam. Quare & Carolum Magnum plurimum eum frequentasse, & Paschalia festa crebro inibi transgisse, memoriæ proditur. Est præterea primo ab urbe lapide pulcherrimus mons, sed abruptus idem, & promodum inaccessus, ut qui unicum tantum habeat ab Ortu adscensum, ideoque vulgariter audiat *Chevreumont*, quasi dixeris, *Mons caprarum*. Is finitima quæque longè lateque spectanti aperit, & flumen in Arduennam natum ac radices ejus alluens, despicit. In vertice priscis temporibus arx fuit, cujus adhuc hodie memorabiles ostenduntur reliquæ. Eam arcem occupasse tandem legitur crudelis quidam efferusque tyrannus, qui fretus asperitate loci, finitimum omnem tractum miserrime vastabat. sed eum hunc modo ultii sunt Leodieneses: Invitaverat forte barbarus iste grassator Leodicensium præfulem, qui Monulphus tunc, ordine duodecimus, testem eum adhibiturus infantis sui baptismo. Episcopus oblatam occasionem se civesque suos à tyrannide liberandi lubens arripuit, & selecta militum manu, sed quos habitus sacerdotes argueret, comitatus, arcem & Dominum ejus adiit, subsequen- tibus porro & aliis viris militaribus. Moxque admissi in prædones irruunt, eosque ad unum omnes cædunt, ita ut ne nuncius quidem cladis superesset. arcem ipsam funditus demoliti sunt, quam restaurari non patiuntur. Quin ex eo tempore cives Leodieneses Episcopos suos jurare cœgerunt, nunquam se permissuros, uti rupes illa restauraretur.

Instituit olim amplissimum istum Leodicensem Episcopatum Hubertus Aquitanus, Bertrandi, terræ illius Dynastæ, filius. etsi alii faciant multo antiquiorem. Is Hubertus, religione impulsus, Aquitaniam suam deseruit, & Brabantiam adiit, ubi arctissimam amicitiam coluit cum Lamberto Episcopo Trajectensi ad Mosam. Cumque postea desiderium subiisset videndi summum Pontificem, & sacra illa loca perlustrandi, homo Romam profectus est. quo cum nuntius adferretur, crudeliter interfectum esse à Trajectensibus Divum Lambertum, Sergius Pontifex Hubertum creavit Episcopum Trajectensem. Hubertus, Trajectum redux, benigne à civibus illis susceptus est. sed cum abhorreret eos atque detestaretur ob nefariam Divi Lamberti cædem, cogitare mox cœpit de transferendo alioversum Episcopatu, ac Leodicum abiens, urbem illam vel condidit primus, vel instauravit, Legiamque (ut diximus) nuncupari voluit. exornavit deinde pulcherrimis ædificiis ad Divinum pariter & humanum cultum. Moxque legibus prius latis, & approbante Summo Pontifice, Episcopalem cathedram Trajecto Leodicum transtulit, anno Christi 713, transportato eodem & corpore Divi Lamberti, cujus nomini ac honori dedicavit postea peregre regium illud cœnobium, cum augusto illo Canonicorum Collegio paulo ante commemorato. ubi mortuus tandem post sanctissime actam vitam, adscribi meruit etiam ipse Divorum consortio. A clarissimo autem illo Divo usque ad

*Institutio
Leodienfis
Episcopatus.*

R r r r 3

hunc

LEODIENSIS EPISCOP.

hunc Maximilianum Henricum numerantur in ea sede Episcopi sexaginta. in quibus non pauci inveniuntur viri pii & sancti. sed nec hodie bonitas gravitasque Episcopalis defecit. Nam & inter recentiores mirifice nuper claruit Erardus à Marca, sanctæ Romanæ Ecclesiæ Cardinalis, Roberti fortissimi viri frater. qui in eo fuit apud Principes Christianos pretio, atque auctoritate & gratia polluit, ut pacatam habuerit regionem per triginta ipsos annos, & quietem ita fundarit, ut & hæcenus ea perseveret. Idem non urbem modo, sed & totam quam late patet ditionem varie passim reparavit, oppidis aliquot arcibusque à fundamento instauratis. atque ut dicam paucis, ita liberaliter & profuse reipublicæ se impendit, ut merito omnes eum suspexerint, gloriosoque Patris patriæ nomine decoraverint. Obiit magnus ille Antistes, ut constat è regio ejus tumulo in choro (ut vocant) ædis Divi Lamberti visendo, anno à Christo nato 1538. Visitur inibi statua ejus ænea, ad vivum (ut volunt) efformata & genibus nixa, cui adstat imago mortis, sic, ut fieri solet, expressa, cum brevissimo isto, sed scito admodum epitaphio, *Erardus à Marca mortem habens præ oculis, vivus posuit.* Cardinali successit Cornelius de Berges, Dominus Sevenbergæ. qui quod animo esset professione Ecclesiasticæ parum addicto, dignitatem Episcopalem celsit Georgio Austrio, filio naturali Imperatoris Maximiliani, Archiepiscopo Valentino, digno sane ac reverendo Antistiti. cui mortuo surrogarunt coadjutorem ejus Robertum, fratrem Illustrissimi Marchionis Bergezomii, juvenem doctum pariter & religiosum. Is, quod valetudine esset parum firma, & atra bile infestaretur, abdicavit se mox hac dignitate. quare ob raras suas virtutes, & flagrantissimam populi simul & augusti Collegii gratiam, suffectus ei Gerardus Grosbequius, Collegii Divi Lamberti Decanus, nobilissimus certe ac venerandus Præsul, & in tanta existimatione & fama, ut allectus postea fuerit in Collegium Sanctæ Romanæ Ecclesiæ Cardinalium. Huic denique viam universæ carnis ingresso surrogatus est liberis omnium votis, & solennibus ceremoniis, utriusque Bavariæ Ducis frater, Ernestus Ecclesiæ Colonæ Archiepiscopus, quo

anno 1612 defuncto, unanimi omnium consensu electus est Ferdinandus ejusdem Nepos, itidem Archiepiscopus Colonienfis, frater Maximiliani, qui primus Electoratum & superiorem Palatinatum Domui Bavariæ attexuit. Huic anno 1650 è vivis sublato suffectus est Maximilianus Henricus Bavariæ Dux, Archiepiscopus Colonienfis, S.R.I. Princeps Elector, qui nunc temporis multa cum laude Ecclesiæ præest. Eligitur porro Episcopus Leodicenfis à Collegio Divi Lamberti, approbatur ab universo populo, tandem vero, ut ceteri omnes Catholici Præsules, à Romano Pontifice confirmatur. nec Episcopus tantum est, sed & Sacri Imperii Princeps, Dux Bullonii, Marchio Francimontanus, Comes Loortsenfis & Hasbaniensis. quæ loca subsunt, ut diximus, huic Episcopatu, & ab eo dependent. Annui ejus redditus sane quam luculentissimi, ut qui tricena fere millia ducatorum excedant: imo si populis suis Episcopus recte utatur, & captare norit eorum benevolentiam, nunquam deerunt extraordinaria quædam subsidia, ne quid dicam de sacerdotiis, vel ut vulgo appellant, præbendis ac beneficiis, dispositioni atque arbitrio ejus reservatis.

Fines Episcopatus Leodicenfis sunt, à Septentrione & Occasu Brabantia: Ab Ortu pars Mosæ; cum Ducatu Limburgensi: ad Austrum Ducatus Lutzenburgensis. Vulgo vocatur *l'Evesché de Liege.*

Celebris imprimis est hic Episcopatus ingenti ferri fodinarum numero; quæ acri studio à gnaris & laboriosis incolis excultæ immensam vim ferri longinquas pariter & vicinas in regiones exportandam præbent. Nec minus quoque lucrum ac ornamentum carbones fossiles incolis afferunt, qui è montibus effossi & in Hollandiam maxime deferuntur, ubi Leodienfes carbones optimæ notæ esse æstimantur. Magna præterea cum Hollandis Leodienfes commercia exercent, sua vitrea & fictilia vasa, aliaque quæ vel manu formant, vel à natura loci commodant, aliis exoticis mercibus permutantes. Non exiguam in eo operam iis exhibet fluvius Mosæ, qui hunc Episcopatum percurrens, tandem per Hollandiam in Oceanum se effundit.

Termini.

Ferri fodina.

ARCHIEPISCOPATUS COLONIENSIS.

Archiepi-
scopatus Co-
loniensis.
Limes.



Oloniensis diœcesis ab urbe primaria nomen habet. A Septentrionibus partem habet Ducatus Cliviæ, & Comitatus Marckæ, ab Oriente Montensem Ducatum, à Meridie Trevirensis Episcopatum, ab Occidente Iuliacen-

sem Ducatum & Gelriæ partem.

Divisio.

In duas partes dividitur, superiorem scilicet & inferiorem. In superiori est ipsa Colonia Agrippina, de qua & territorio ei subdito plura in particulari quæ sequitur tabula: reliqua hujus partis oppida sunt Bonna, Andernacum, Lintrium, Broela, Lechnichum, Meckenhemium, Reinbachium, Cochenhemum, Nurkburgum, Aldenaria, Arwiter, Hulchenraedt, Zons, &c. In inferiori sunt, à parte Rheni occidua, Lynum, Oerdinga, Oedt, Kenpe, Odenkirchen, Liedberga, Novesium, Alpæ & Rhenoberca; ab altera parte Dorsten, Recklinckhusen & Hornburgum.

Præfectura.

Habet Episcopatus Colonienfis Præfecturas plurimas, Arnsberg, Fredeborg, Bilsteyn, Fredehardeskirchen, Hovestatt, Werle, Nebem, Balve. Dominia, Wildenborch, Homberchen, Hachenberg, Hardenberg. In Vbiorum finibus fuit Tolliacum, ut refert Tacitus lib. 4. historiarum. Videntur autem veteres Vbii etiam ea loca infedisse, quæ nunc Marckæ Comitatus, & Ducatus Montensi adscribuntur. Hodie Episcopalis ditio ampla est.

Bonna.

Bonnæ in historia Romana crebra fit mentio: Tacitus castra Bonnenfia nominat. Condita est sub Augusto à Druso, qui etiam ad tuendam Rheni ripam quinquaginta amplius castella extruxit, & Bonnam Genosia, ponte Rheni imposito, junxit. Testatur id aperte Florus lib. 4. *Per Rheni ripam quinquaginta & amplius castella direxit, Bonnam & Genosiam pontibus junxit, clasibusque firmavit.* Oppidum amœnum est, muro & fossis cinctum, ædificiisque commodis ornatum, situ plano, qua montes, qui à Bingio inde profecti Rhenum quasi constringunt, in planitiem apertam diffunduntur. Lati hic agri ubertas, non tantum frumenti omne genus, sed & vina optima insigni ubertate fundentis. Vicini sunt colles, qui præstantissimos fructus æstate proferunt, non tantum ad necessitatem, sed etiam ad delicias. In his feræ venatoribus jucundam & utilem relaxationem præbent. Sunt & cultissimi passim horti, & pomaria amplissima, quæ dulci rivulorum ac fontium aqua, non sine grato murmure, irrigantur. Iucundus hic nobilitati secessus. Sedes est ordinaria Episcopi Colonienfis. Eam patrum memoria à Carolo Truchefio, Gebhardi

Germania.

Præfulis fratre, occupatam, defensamque præfidiarii vendiderunt quatuor millibus dalerorum Ernesto Bavaro, qui pulso victoque Gebhardo in locum ipsius successit.

Sexto infra Coloniam milliari, in ripa Gallica, ad flumen Erpian, ad quem ex Rheni justo intervallo, disitum commoda est per euripum navigatio, situm est Novesium, *Neus*. A Septentrionali plaga in latum, & pro media parte Occidentalis plagæ in longum, duplici muro cingitur civitas, & in utroque complures turres habet firmas. Templum habet collegiatorum Canonico- rum B. Quirini, opus Everhardi Comititis. An. 881 exustum est Novesium à Normannis, uti & Bonna, Colonia, Tolbiacum. A Frederico Imperatore cives ob virtutem variis prærogativis donati sunt. Immunitatem habent telonii in Rheni amne, jus cudendæ monetæ, aquilæ aureæ insigne in clypeo nigro: facultatem obfignandi literas publicas cera rubra. In ea uxorem duxit Maximilianus Imperator Mariam Caroli Burgundi filiam. Anno 1585 occupavit eam Comes Newenarius noctu 10 Maji. Anno 1586 post paucorum dierum obsidium capta est à Parmensi Principe Alexandro Farnesio, paucisque post horis tota fere miserabili incendio consumpta est.

Est & in diœcesi hac Andernacum, cujus meminit Ammianus, qui sub Iuliano Cæsare militavit, vocatque Anternacum. Situs ejus amœnissimus est ad Rhenum inter montes, duobus à Confluentibus milliariis, in ripa Gallica.

Andernacum.

S E R I E S

Episcoporum & Archiepiscoporum Colonienfium.


Sanctus Maternus B. Petri Apostoli discipulus, una cum Eucharior & Valerio, ad Treviros, Vbios & Tungros missus, Euangelium ibi prædicavit annis 40, obiit anno Christi 134. Post hunc sedes vacavit annis 244 ob gentilium potentiam, usque ad Euphratem Arrianum, qui cum annis 20 præfuisset, in Concilio Colonienfi depositus anno Christi 398. Circa hæc tempora pulcherrima Collegia fundata Colonia S. Gereonis, Bonnæ SS. Cassii & Florentii, & Xantis per S. Helenam Imperatricem.

2 S. Severinus Gallus, tempore Damasi Papæ & Theodosii II, Imp. electus in Concilio Colonienfi, Ecclesias SS. Cornelii, Cypriani, & S. Columbæ consecrav. præfuit annis 40.

3 S. Evergistus Tungrensis, S. Severini Diaconus, noctu à sicariis, dum orandi causa ad Basilicam pergit, occisus.

S f f f f

4 S. Aquil-



4 *S. Aquilinus* vixit temporibus *S. Vrsulæ*, cujus reliquias curiosè collegit & condidit.

5 *Simoneus* præfuit circa annum Christi 511.

6 *Carentinus* vixit temporibus Iustini Imperatoris.

7 *Remidius* vixit circa annum Christi 614. Hoc tempore Gallia ad fidem conversa, postquam Clodoveus non procul Tulpeto à Germanis victus.

8 *S. Cunibertus* Mosellanus è familia Regum Austrasiæ in aula Gallica educatus, ad instantiam Dagoberti Regis Episcopus factus an. Christi 622. Diu & bene præfuit; ædificavit templum *S. Clementis*; Susatum Episcopatu adjecit. Sepultus in Ecclesia, quæ nunc *S. Cuniberti* dicitur, & catalogo Sanctorum ascriptus anno Christi 803.

9 *Bocaldus* quinque annis præfuit. Obiit anno Christi 660.

10 *Stephanus* Theodorici Regis temporibus vixit. Obiit anno Christi 690.

11 *Abelwinus* Clodovei tertii temporibus præfuit. Bacchi templum circa Novesium, sublato idolo, Christo dedicavit. præfuit annis 4.

12 *Giso* defuncto Abelwino successit, anno Christi 694. Sepultus ad *S. Cunibertum*.

13 *Anno* I, bene præfuit, sepultus ad *S. Cunibertum*.

14 *Pharamundus* vixit circa annum Christi 728.

15 *S. Agilolphus* è familia *S. Bonifacii*, Abbas fuit in Galliis, post primus Archiepiscopus Coloniensis, occisus à suis anno 747.

16 *Rangrefridus*, qui alias Albericus, præfuit annis viginti.

17 *S. Hildibertus* Cancellarius Regis Franciæ, in bello Saxonico Pipini ab infidelibus ad Visurgin martyrio affectus, postquam præfuisset annis viginti sex.

18 *Bartholinus* Pipini Regis seculo vixit.

19 *Ricolphus* Caroli Magni tempore præfuit circa annum Christi 800.

20 *Hildegardus* Aquisgrani Ludovicum Pium coronavit; Basilicam *S. Petri*, ubi nunc summum templum, extruxit; *S. Ludgerum* primum Episcopum Monasteriensem consecravat. sepultus ad *S. Gereonem* anno Christi 819.

21 *Hadebaldus* interfuit Concilio Aquisgranensi, obiit anno Christi 852.

22 *Guntherus* nobilis Francus, depositus anno Christi 864.

23 *S. Wilibertus* Synodum Coloniae celebravit, sepultus ad *S. Andream*, anno 890. Hoc tempore Alfridus Episcopus Hildesiensis fundavit Collegium Effendense, anno 877.

24 *Hermannus* I, Pius dictus, præfuit annis 35, obiit 925.

25 *Wigfridus* præfuit annis 29, mortuus anno Christi 954.

26 *S. Bruno* Saxo, Henrici I, Imp. filius, Othonis frater, Tuitiense castrum, & pontem Rheni destruxit. Fundavit Collegium *S. Panthaleonis* & Cathedrale templum Susati. præfuit annis 12, sepultus ad *S. Panthaleonem*, anno Christi 965.

27 *Volmarus* Brunonis Archidiaconus, annis quatuor præfuit, mortuus 969.

28 *Gero* filius Marchionis Lusatiae, præfuit annis septem, sepultus ad *S. Petrum* an. Christi 976.

29 *Warinus* collegium *S. Martini* instauravit, obiit anno 985.

30 *Evergerus* præfuit annis tredecim, sepultus anno 998.

31 *S. Heribertus*, primus Princeps Elector, Comes in Rotenburg, Tuitiensem Abbatiam fundavit, & liberaliter dotavit, ubi sepultus an. 1021.

32 *Pellegrinus* Collegium ad Apostolos dictum fundavit; Conradum Cæsarem Aquisgrani coronavit, sepultus in suo templo anno 1036. Hoc tempore Evenfredus Comes Palatinus cum uxore Mathilde extruxit celebre collegium in Browyler, ubi communi sepulchro in choro adhuc quiescunt.

33 *Hermannus* II, Palatinus Rheni, dictus Nobilis, præfuit annis 19, sepultus anno 1055 ad *S. Petrum*.

34 *S. Anno* II, Comes in Sonnenberg, Henricum IV, Imp. unxit, fundavit quinque Collegia, 1 Colonia ad gradus Mariæ, 2 *S. Georgii* ibidem. 3 Sigebergense in arduo colle, ad Sigæ ripam. 4 Graveschop in Westphalia. 5 Salvett in Thuringia, sepultus Sigebergæ 1075.

35 *Hildolphus* Canonicus Gosariensis, Henrici IV, Imp. sacellanus, obiit 1079.

36 *Sigewinus* Decanus Coloniensis, sepultus ad *S. Petrum* anno 1089.

37 *Hermannus* III, Dives dictus, Comes de Northeim, Sigebergæ in domo Capitulari sepultus, anno 1099.

38 *Fridericus* I, Marchio Italiae, Andernacum munivit, Nonnenwert fundavit, uti & Collegium Campi veteris, anno 1122; Arcem Rolantseck extruxit, & templum *S. Apollinaris* prope Rynmagen. Hoc tempore Hugo Comes in Spanheim fundavit insigne Collegium in Knechtsteden, anno 1130. Obiit vero Fridericus, & sepultus Sigebergæ in domo Capitulari, 1131.

39 *Bruno* II, Comes de Altena, Præpositus *S. Gereonis*, obiit in Apulia, in castris Cæsariensis, postquam regnasset annis sex.

40 *Hugo* Comes in Spanheim brevi post electionem mortuus.

41 *Arnoldus* I, Comes Geldriæ, depositus in Concilio Rhemensi, præfuit annis novem.

42 *Arnoldus* II, Comes de Altena, Præpositus majoris Ecclesiæ, & Cancellarius Imp. Conradi, fundavit Collegium in Rhindorp, ubi sepultus, præfuit sex annis.

43 *Fridericus* II, Rugravius in Dassel, an. 1159. Ticini obiit, Coloniae sepultus.

44 *Reinholdus* Rugravius in Dassel, Præpositus Hildesiensis, & Cancellarius Friderici Imp. reliquias trium Regum Coloniæ Mediolano transtulit, anno 1164, sepultus Coloniae.

45 *Philippus* Præpositus, primus Dux Westphaliæ & Angariæ, Collegia multa extra urbem mœnibus inclusit. Abbatiam Heisterbach fundavit. Præfuit annis triginta, obiit in Italia, translatus Coloniæ, & sepultus ad *S. Petrum*.

46 *Bruno* III, Comes de Altena, Præpositus, biennio præfuit, sepultus in Oldenberg.

47 *Adolphus* Præpositus, frater Brunonis, depositus anno 1205.

48 *Bruno* IV, Comes in Sein, Præpositus Bonensis, sepultus ad *S. Petrum*, 1209.

49 *Theo-*

49 *Theodoricus* Comes de Monte, anno 1214 depositus; & sepultus in Oldenberg.

50 *S. Engelbertus* Comes de Monte Præpositus, præfuit annis decem; trucidatus ab adversariis, & sepultus in Sacello S. Catharinæ, anno 1225.

51 *Henricus* à Mollenarck Præpositus Bonnenfis obiit anno 1237. Hoc tempore vixit *S. Reinoldus* ad S. Panthaleonem, qui martyrio affectus anno 1239.

52 *Conradus* Comes in Honstein Bonnam munivit, Aldenar & Nurburgum Ecclesiæ restituit, primus author magnificentissimæ & portentosæ fabricæ ædis majoris, quæ nunc extat. Obiit anno 1261, sepultus ad S. Petrum.

53 *Engelbertus* II, à Falckenburg Præpositus S. Gereonis, Bonnæ sepultus anno 1272.

54 *Siefridus* à Westerburch, Adolphum Imp. coronavit, castrum Bruel extruxit, Rhinberck & Zons munivit, præfuit annis 24 temporibus difficillimis, sepultus Bonnæ anno 1298.

55 *Wicholdus* ab Holte, unxit Albertum Imp. sepultus Sufati, anno 1305.

56 *Henricus* II, Comes in Virnenburg Præpositus, unxit Fridericum Imp. castrum Hulchraed Ecclesiæ restituit, Oerdingen & Lintz munivit, Lechenich extruere cœpit. præfuit annis 26.

57 *Walramus* Comes Iulix, castrum, Lechenich perfecit, Carthusiam Colonia fundavit an. 1331. Carolum IV, Imp. coronavit magno suo malo. Obiit Parisiis 1349, sepultus Colonia.

58 *Wilhelmus* à Gennep, optime præfuit, multa redemit, obiit anno 1362.

59 *Ioannes* à Virnenburg Decanus, non diu præfuit, rejectus ab Urbano V.

60 *Adolphus* II, Comes Marchiæ, vix anno præfuit, uxore ducta factus Cliviæ Comes, anno 1364.

61 *Engelbertus* III, Comes Marchiæ, Episcopus Leodiensis obiit Brülis anno 1368.

62 *Cono* à Falckenstein Elector Trevirensis utrumque Archiepiscopatum optime triennio gubernavit, sepultus Confluentiæ.

63 *Fridericus* III, Comes in Sarwerden coronavit Wenceslaum, Rupertum & Sigismundum Imp. Hoc tempore, scilicet anno 1388, cœpit Academia Colonienfis, cujus fundamenta antea jacta per Albertum Magnum, Thomam de A-

quino, & Ioannem Scotum. Sepultus ad S. Petrum, 1414.

64 *Theodoricus* à Mörfa, Episcopus Paderbornensis extruxit Marienvorft Collegium Ordinis S. Brigidæ. Præfuit annis 48. Sepultus ad S. Petrum

65 *Rupertus* Baviaræ Dux, duris temporibus præfuit annis plurimis. Bonnæ sepultus ad S. Casium anno 1480.

66 *Hermannus* IV, Landgravius Hassiæ, Episcopus Paderbornensis, Monasterium S. Francisci Bruelis extruxit, Maximilianum I Imp. coronavit, obiit 1508. Sepultus ad S. Petrum.

67 *Philippus* Comes in Eberstein, septennio præfuit, sepultus ad S. Petrum 1515.

68 *Hermannus* V, Comes in Wiedah, Episcopus Paderbornensis, elegit cum cæteris Electoribus Carolum V, & Ferdinandum I, Imp. resignavit anno 1547.

69 *Adolphus* III, Comes in Schaumburg, interfuit Concilio Tridentino, sepultus ad S. Petrum 1556.

70 *Antonius* Adolphi frater biennio præfuit. sepultus juxta fratrem 1558.

71 *Ioannes Gebhardus* Comes in Mansvelt, obiit 1562, sepultus juxta majores.

72 *Fridericus* IV, Comes in Wieda, coronavit Maximilianum II, Imp. resignavit 1568.

73 *Salentinus* Comes in Ilfenburg, Administrator Paderbornensis, multa redemit & instauravit. Resignavit familiæ causa uxore ducta anno 1577.

74 *Gebhardus* Baro in Walburg, Princeps primo magnæ spæi, post mutata religione depositus non sine bello anno 1583.

75 *Ernestus* Dux utriusque Baviaræ, Antistes Leodiensis, Monasteriensis, Frisingensis & Hildesienfis, religionem & pacem restituit; temporum suorum felicitas. Sepultus ad S. Petrum an 1612.

76 *Ferdinandus* Dux utriusque Baviaræ, Episcopus Paderbornensis, Leodiensis, & Monasteriensis, Administrator Hildesienfis, inauguratus statim post obitum patris: Obiit anno 1650.

77 *Maximilianus Henricus* Ferdinandi ex fratre nepos, ei primum adjutor datus est, dein quoque in Electoratu & Archiepiscopatu successit, quos adhuc summa cum vigilantia & animi integritate administrat.

T E R R I T O R I U M C O L O N I E N S E.

Qui hic
clam populi.





Bii Cæsaris ævo trans Rhenum siti in ripa Germanica, civitatem habuere amplam & florentem, ut tunc erat captus Romanorum. Eos cum Suevi (Cattos fuisse opinor) multis sæpe bellis experti, finibus expellere non possent, tamen vectigales sibi fecerunt. Quod cum invitis ipsis fieret, miserunt ad Cæsarem Legatos, & cum eo amicitiam fecerunt, obsidesque dederunt, auxilia

Germania.

adversus potentiores hostem postulantes. Ac tunc quidem repressi sunt à Cæsare. Postea tamen videntur iterum petiti à Suevis. Vt ergo tutius viverent in posterum, traduxit eos Agrippa gener Augusti, haud invitos, ut ait Strabo, deditque locum, ubi nunc *Vpen* vel *Vben* spectatur. Eodem quoque Agrippina Germanici filia, Agrippæ neptis, Claudii uxor, quod ibi genita esset, Coloniam deduxit sub Tiberio. Tradidit hæc Tacitus: *Agrippina*, inquit, quo vim suam sociis quoque nationibus ostentaret, in oppidum *Vbiorum*, in quo genita

Quis autor
Colonie.

T t t t



DESCRPTIO AGRI
CIVITATIS COLONIENSIS.

Cum suis limitibus, terminis, viis, confiniis, interjacens
tibus et adjacentibus Pagis, Villis, Castris, et.



P A R S

D U C A T U S

Iter unius horae.

B E R G E N S I S.

*Urbis de-
scriptio.*

genita erat, veteranos Coloniamque deduci imperat, cui nomen inditum ex vocabulo ipsius. Ac forte acciderat, ut eam gentem Rheno transgressam avus Agrippa in fidem reciperet. Ex eo igitur Vbii, quasi pudori ipsis esset Germanos vocari, non se Vbios, sed Agrippinenses dici voluerunt. Tacitus iterum: *Vbii quidem, quanquam Romana Colonia dici meruerint, ac libentius Agrippinenses conditoris sui nomine vocentur, origine erubescunt, transgressi olim, & experimento fidei super ipsam Rheni ripam collocati, ut arcerent, non arcerentur.* Hinc nomina Coloniae Agrippinensis, Coloniae Vbiorum, Coloniae Agrippinensium, & Coloniae Agrippinae Vbiorum, ac simpliciter Coloniae, orta sunt. Crevit urbs felici condita auspicio, usque adeo, ut eam Zozimus maximam, Marcellinus urbem magni nominis, urbemque munitissimam vocaverint: constetque eam caput fuisse & metropolim Germaniae secundae, sedemque Ducis, adeo ut pugionem, quo se Otto occiderat, Vitellius non aliò, quam huc miserit, teste Suetonio: & in eadem urbe Trajanus imperii insignia accepit, ad se missa à Nerva. Invisa fuit Transrhenanis, defectione, atque opulentia, & auctu rerum, usque adeo, ut sub Civili Tenetari postularent, ut muros suos, munimenta, ut dicebant, servitii, detraherent, Romanos omnes in suis finibus trucidarent, bonaque interfectorum in medium proferrent. Sed declinavit callide tempestatem illam constans in fide Romanorum Colonia. Donec anno 462 attritis ipsorum viribus ac debilitatis, Franci eam Childerico ductore vi occuparunt, & ad Ottonis usque tempora moderati sunt. Hic enim eam Francis ereptam Romano imperio reddidit anno 949, fecitque liberam. Initio quadrata fuit, exstantque adhuc murorum, turrium, & fossarum priorum reliquiae. Anno 1180 à Philippo Praefule amplificata est, redactaque in areuatam formam, multis aedificiis suburbanis sacris pariter ac profanis intra pomeria inclusis. Paulo ante tempora Fredericii II, sub annum 1201, socia facta est Hansae Teutonicae. Nunc 83 turribus munitur, duplicique fossa & muro, quem intus forisque arbores vestiunt, jucundo ob virorem, proceritatem, umbramque spectaculo. Multa habet cum Roma communia. In Magistratibus Consules, Proconsoles, Praetores, Censores, Tribunos vigilum, Quaestores, Aediles, Praefectos annonae, aliosque. In structuris sacris templa permulta. In civilibus, curiam, forum, porticus. Creditur omnino & loci amoenitate, & populi frequentia, & dignitate

Magistratus, & amplitudine opum, & magnificentia aedium sacrarum, & privatorum, publicorumque operum splendore atque elegantia, denique sapientiae ac virtutis, bonarumque literarum gloria, vera Germaniae Roma vocari posse. Iam olim juris fuisse Italici apparet ex Vlpiano D. de Censibus. Ambitus est stadiorum 48: Portae numerantur 34: Basilicae multae: Templa plebanica 9: Collegiata 10: Coenobia virorum 15: Virginum 22: Monialium & Vetularum 59: Sacella 30: Xenodochia 11: Nosocomia totidem, Gerontotrophia 8: Eminent praeter omnibus Templum B. Petri Cathedrale, vastum & immane, cui si artificum opera extremam manum adhibuisset, nullum ei par esset in tota Germania, possetque merito stupendis Europae miraculis accenseri. Nunc pendente opera venerationem loco addunt, structurae famam minuunt. In eo multa conspiciuntur Principum, Episcoporum, Ducum, ex cupro & lapide alabastritide, monumenta. Memorandum quoque est templum Machabaeorum, & aliud undecim millium Virginum. Curia cellam habet & rari operis turrim, ex quadrato saxo, quae artificiosis statuarum signis undique exornatur. Ex adverso sacellum est, ubi olim Iudaeorum synagoga fuit, nunc vocant Ierosolymam. Estque in eo tabula eximii ac plane Apellei operis. Forum vicinum ternis per septimanam nundinis frequentatur. Illud undique cingunt superba civium aedificia. Rhenus amnis civitatem praeterlabens non ad mercaturam tantum fructuosum, ad spectaculum jucundum, sed etiam ad vitam & valetudinem salutarem usum praestat. Ex adverso in ripa Germaniae fuit olim Divitense munimentum, *Duits*, vocant, & *Teutsch*, exstructum cum ponte à Constantino Maximo, Constantii filio, pro militibus illic ad tutelam Galliarum collocandis, à quo milites Divitenses in Notitia Imperii, juncti Tungrianis. Id cum ponte destructum est à Brunone Episcopo, lapidibus in Abbatiam insumptis, cui anno 1124 praefuit Robertus Abbas, vir scriptis notus.

Coloniensis Schola inter antiquissimas Germaniae fuit; nec enim carere potuit literarum cultura, locus primum castris Romanorum, postea Ecclesiae Christianorum primariae dicatus. Post Caroli Magni tempora magis etiam Episcoporum opera enituit Schola. Donec tandem anno 1388 publice inaugurata est, ornataque privilegiis Lutetianae similibus ab Urbano VI.

Duits.

Academia.

*Civitas
Trevore
elogia.*

ARCHIEPISCOPATUS TREVIRENSIS.

Civitatis
Trevirensis
elogia.



TREVIS metropolis Galliae Belgicae, ipsa antiquitate veneranda, olim Trevirorum sedes, hodie Archiepiscopatum nomine suo decorat. Hanc urbem dignitate & eminentia ceteras jam olim supergressam fuisse testantur eximia nomina, quibus ab antiquissimis Scriptoribus insignitur. Primum enim Augusta appellata fuit: Mela lib. 3, cap. 2, *Belgarum*, inquit, *clarissimi sunt Treviri, urbesque opulentissima in Treviris, Augusta; in Heduis Augustodunum.* & Ptolemaeus, cum Rhemis Treviros subjecisset, urbem quoque illorum Augustam Trevirorum, *ἀυγύστην τρεβιρῶν*, dictam fuisse asserit. Ipsi quoque Vespasiani nummus hac inscriptione coruscat, COL. AVG. TREVIR. Plinius eam liberam cognominatam dicit, Tacitus lib. 4 Histor. Coloniam, Salvianus excellentissimam vocat, Zosimus vero Transalpinarum urbium maximam, & Marcellinus, clarum domicilium Principum. Vocavit hanc vulgus, tempore Constantii, ut perhibet Berengolius, Romam secundam, vel alteram Romam, Salvianus opulentissimam, dum inquit, *Expugnata est quater urbs Gallorum Treviris opulentissima.* Sed horum omnium appellationes confirmat elegantissimis versibus Ausonius, primo in celebratione Mosellae, quae urbem hanc præterlabitur, his verbis:

Salve amnis laudate agris, laudate colonis,
Dignata Imperio debent cui mœnia Belgæ:
Amnis odorifero juga vitea consite Baccho,
Consite gramineas amnis viridissime ripas.
Naviger, ut pelagus, devexas pronus in undas,
Ut fluvius, vitreoque lacus imitate profundo
Et rivus trepido potis æquiparare meatu,
Et liquido gelidos fontes præcedere potu.
Omnia solus habes, quæ fons, quæ rivus & amnis,
Et lacus, & bivio refluus munimine pontus.

Deinde urbem ipsam alloquendo hoc modo:

Armipotens dudum celebrari Gallia gestit,
Treviricaque urbis solium, quæ proxima Rheno
Pacis ut in medio gremio secunda quiescit,
Imperii vires quod alit, quod vestit, & armat.
Lata per extensum procurrunt mœnia collem,
Largus tranquillo prælabitur amne Mosella,
Longinqua omnigena vectans commercia lingua.

Omnino vero fabulam olent, quæ de Trebeta Semiramidis privigno referunt, his versibus:

Nini Semiramis, quæ tanto conjuge felix
Plurima possedit, sed plura prioribus addit
Non contenta suis, nec totis finibus orbis,
Expulit à patrio privignum Trebeta regno,
Insignem profugus nostram qui condidit urbem.
Germania.

Vrbs Trevis, Roma antiquior est mille trecentis annis, & nativitate Christi bis mille, ut refert Aeneas Sylvius. Frequens apud Tacitum hujus urbis mentio; præsertim in Historiarum libris posterioribus. Subsequente ævo sedes fuit Imperatorum, tanquam specula in propinquos Germanos; degebatque ibi præpositus thesaurorum, cum procuratore Cynegii, & præposito Branbariciorum. Erant & ibi officinae scutis, balistis, aliisque armis fabricandis præstantes. Spectantur hic etiamnum ruinae Palatii à Constantino Imperatore exstructi, multaque antiquorum monumentorum fragmenta & reliquiae terra effossæ, aut locis abditis depromptæ, clara antiquitatis loci argumenta. Vixit in hac urbe Athanasius exul. Hieronymus se hic Hilarii commentarios descripsisse testatur. Priscillus hæresiarcha jussu Maximi Imperatoris hic interfectus est. Valentinianus itidem à fratre Gratiano dictus fuit Augustus, & hibernavit. Quicquid fere præstans Romæ, etiam in hac urbe cernebatur, palatium, arces, theatra, campus Martius, Capitolium, Circus. Tandem à Gothis fuit destructa & everfa, quod Salvianus impietati civium adscribit.

Confluentes, vulgo *Coblents*, est civitas diocesis Trevirensis qua se Mosella Rheno miscet, quæ ob frequentiam civium, ædificiorum pulchritudinem, amœnissimum prospectum, agrorum & vinetorum fertilitatem, non inter postremas Germaniæ civitates est numeranda: ædes civium venustissimo ordine, usque ad pontem lapideum super Mosellam stratum, positæ sunt. E regione aspicit arcem Erenbretsteiniam Archiepiscopi Trevirensis, in altissimo monte sitam, non solum civitatis, sed totius pene regionis propugnaculum. Cæterum hic locus videtur à Natura ad voluptatem electus, ad quam montes & valles, & ex illis profilientes amœnissimi fursur rivuli, & amnes, non parum conferunt; prata gramine, colles vite, agri varii generis virent semine: pisces, feras, aliasque res ad usum hominum non solummodo alit, verum etiam ad delicias propemodum conservat.

Trevirorum fines olim longe lateque se extendisse, & præter hunc ambitum, quem hodie nus hinc descriptus Archiepiscopatus complectitur, plures civitates & regiones continuasse, & præter alia, magnam etiam Moguntini Archiepiscopatus partem, vel ex eo liquido apparet, quod vicinos sibi habuisse dicuntur Vbios, Mediomatrices, & Nemetos. Hodie Archiepiscopatus hujus termini sunt, à Septentrione Comitatus Nassoviæ, Montensis Ducatus, & Episcopatus Colonienfis: ad Orientem habet Rhingoviam & Hassiæ Landgraviatum: Meridiem versus respicit Austrasiam & Ducatum Bipontensem: ad Occidentem terminatur Ducatu Lutembur-

V u u u



*Celi rem-
peries.*

burgensi. Aër regionis est turbidus ob continuas quibus infestatur tempestates, adeo, ut vulgo cloaca Planetarum vocetur: harum causas putamus esse præaltos montes & valles, quibus nubes remorantur: hinc regio hæc tota scabra, inculta, silvis plurimis obsita, & aliquibus in locis nil nisi avenam producit. qua vero parte Mosella & Rheno alluitur, frugibus fœcunda, & ubere solo est. Producent vero & nutriunt illi ipsi crebri montes & silvæ multa ferarum genera, unde magna voluptas & utilitas venantibus: datur etiam hic magna volatilium, in vallibus victus gratia confidentium, copia. Metalla varii generis ex prædictis montibus effodiuntur, ut merito communis metallorum officina vocari possit, præsertim argenti, cupri, ferri, & plumbi. Ostenditur etiam prope urbem Majensem massa argenti puri solo eruta, quod satis arguit, terras circumjacentes venas argentíferas occultare; nulla tamen rusticis illas scrutandi cura. Trevirenses quondam sic armis valuerunt, ut sub duce Ambiorige, post totum exercitum internecione deletum, Cottam & Sabinum Cæsaris legatos Leodii strangularint: sed Labienus illos postea iterum repressit. Cæsar testatur, hos propter Germaniæ viciniam quotidianis exercitatos bellis, cultu & feritate non multum à Germanis absimiles fuisse, neque unquam imperata nisi exercitu coactos fecisse, tanta cupidine libertatis arserunt. Incolæ valde laboriosi sunt & industrii, siquidem tales regio exigit. est illis ingenium come, hilarum, serenum, quod attestatur Aufonius hoc elogio:

*Quin etiam mores, & latum fronte serena
Ingenium Natura suis concessit alumni.*

Silva.

Lacus.

*Fluvii.
Mosella.*

Omnigenas, ut supra diximus, habet silvas, Arduennæ portiones, variis nominibus distinctas, *Westerwald, Eiderwald, Eberswald*, &c. omnes feris repletas. Lacus non nisi duos habet, immensæ profunditatis, *Vlmensem & Laichersensem*, in quo virides & crocei coloris lapides inveniuntur, *Smaragdis & Hyacinthis* non absimiles. Multis fluviis irrigatur, qui omnes Mosella mixti in Rhenum influunt, unde incolis piscium abundantia. Mosella ex monte Vogeso scaturit, non procul à fontibus Sonæ, juxta pagum *Buffan*, cursum auspicatur ad Ortum æstivum, civitateque *Lestrate, Bemiremont, Espinal, Charmes & Baton* permeat, rectoque meatu episcopalem urbem *Thul* petit, hinc *Metensem & Trevirensensem* civitatem præteriens prope Confluentem in Rhenum se præcipitat. An hic *Obrincus* veterum sit, varie à variis disputatur, siquidem *Ptolemæus* eum supra *Moguntiam* ponit. Aliqui opinantur hanc esse *Navam*, quæ juxta *Bingium* Rheno miscetur: alii Rheno præterito dicunt *Mœnum* esse Veterum *Obrincum*. Attamen omni dubio remoto, hic fluvijs est incolarum Mosella, non obstante *Ptolemæi* opinione, qui aliorum secutus relationem facile errare potuit: Nava si esset; sequeretur, *Ptolemæum* Mosellæ omnino oblitum esse, & omisso magno parvum fluvium descripsisse, quod absurdum. Adferuntur & aliæ rationes, quas hic præterimus.

Abbatia hujus Provinciæ sunt 4, Comitatus 5, Dominia 10, & præfecturas habet quamplurimas.

Eifelensis regiuncula partim jurisdictionis est *Eifelensis* *Trevirensis*, partim vero *Lutzelburgensis*. *Ribwinus* regio. de hoc tractu sic ad Munsterum scribit: Hic tractus sui natura degener, montibus vallibusque horridus, frigidus & tempestatibus oppletus, fontibus & rivulis amœnus est. incolæ laboriosi sunt, bonoque ingenio præditi, si exerceantur, verum aratri & gregibus obnoxii. Hæc regiuncula multas albi coloris pecudes lacte abundantes producit; ditior quoque piscium est quam ferarum. Pro se satis frugum fert, nisi quod ubi nimium silvis inhorrescit, avenæ solum ferax est. In *Bortrick*, loco sesquimillari à Mosella distante salubre & calidum balneum invenitur. Extant in *Dominiis Reila, Cronenberg, & Sleyda*, prope *Hellenthal*, officinæ optimi ferri. quin & hic fornaces conflantur, quæ magno numero in superiorem Germaniam exportantur. In finibus *Manderscheid & Gerarstein*, lactucæ, melones, & cucumeres autumnis colliguntur, quæ copia & bonitate multis Italicis non cedunt.

Præter Trevirim, *Vesalia & Bodobriga* fuere imperiales civitates, & ab Imperatore *Henrico Septimo*, pro certa pecuniæ summa Archiepiscopo Trevirensi oppignorata. Fertur primus Episcopus Trevirensis fuisse *Eucharis*, patria Græcus, & unus ex 72 Christi discipulis. Ab hoc usque ad *Ludolphum Saxonem* numerantur Episcopi 73, qui *Ludolphus Saxo* primus fuit Elector Imperii; à quo usque ad *Carolus Casparum* inclusive 68 Electores, & 111 Episcopatu præfuisse dicuntur.

S E R I E S

E P I S C O P O R V M
T R E V I R E N S I V M.

1 *Eucharis* patria Græcus, creditur fuisse ex 72 Christi discipulis unus: At ego illum non offendo in Synopsi *Dorothei*: neque arbitror discipulos Christi alios quam Iudæos habuisse. Dicitur rexisse Ecclesiam annos 25. Conversa est hujus opera Albana, cujus domus abiit in Ecclesiam. In hujus domus crypta sepultus est *Eucharis*, & qui illum sequuti sunt usque ad *Valentinum*, dictaque est ex eo cella *Eucharis*: Post illatum vero illuc corpus *Matthiæ Apostoli*, cœpit vocari monasterium *S. Matthiæ*. Obiit *Eucharis* anno Christi 66: ejus natalis refertur in diem 8 Decembris.

2 *Valerius*, sedit annos 15, obiit an. Christi 93.

3 *Maternus*, qui *Agrippinensem* quoque & *Tungrensensem* Ecclesias instituit; rexitque totos annos 40, defunctus est anno 133, *Agrippinæ*.

4 *Auspicius*.

5 *Celsus*.

6 *Felix I*, vixit circa annum 142.

7 *Mansuetus*, circa annum 160.

8 *Clemens*, anno 175.

9 *Moses*, sub *Eleutherio Papa*, anno 189.

10 *Martinus I*, martyr.

11 *Anastasius*, anno 226.

12 *Andreas*.

13 *Rusticus I*.

14 *Auctor*.

- 15 *Fabritius*.
 - 16 *Cassianus*.
 - 17 *Marcus*.
 - 18 *Mauritius*.
 - 19 *Avitus* anno 265, sub Sixto I. Dicitur fuisse ultimi Tungrorum regis filius & Episcopus secundus Tungrorum.
 - 20 *Marcellinus*, idem quoque Tungrorum Episcopus, sub Antonino Vero occisus 4 Septemb.
 - 21 *Metropolis* sub M. Aurelio Antonino, sedit annos 19.
 - 22 *Severinus*, idem quoque Episcopus Tungrensis sub Gordiano, sedit annos 14.
 - 23 *Florentius* sub Gallo & Volusiano, idem quoque Tungrensis Episcopus.
 - 24 *Mauritius* II, sedit annos 14. Hic Hasbanos convertisse dicitur, & Tungrorum quoque fuisse Episcopus.
 - 25 *Maximinus* I, sub Probo Imper. sedit annos 12, fuitque idem quoque Episcopus Tungrorum octavus.
 - 26 *Valentinus* sub Diocletiano, sedit annos 28. Hujus tempore ingens fuit persecutio. Post ejus vero obitum separata est Tungrensis Ecclesia à Trevirensi, obiit anno 316, sub Constantino Magno Imp. & Papa Sylvestro.
- ARCHIEPISCOPI.
- 27 *Agritius Antiochenus* anno 330, missus à Sylvestro, primus dicitur fuisse Archiepiscopus Trevirensis, Ecclesias multas instituisse, Palatium Helenæ convertisse in templum B. Petri, Athanasium exsulem recepisse, Maximini cœnobium fundasse, quo nullum est in universa Germania celebrius, defunctus est anno Christi 345.
 - 28 *Maximinus* II, Aquitanus. Hic sub Iulio I, Papa Romano Coloniam evocavit Synodum contra Euphratem Episcop. Coloniensem Ariannum, qui etiam damnatus est. Profectus est Romam cum S. Martino. Præfuit annos 15.
 - 29 *Paulinus* à S. Martino consecratus, acerrimus fuit orthodoxæ veritatis adversus Arianos propugnator, cujus etiam causa à Constantio Imperatore in exilium missus est in Phrygiam, atque ibidem passus, anno 363.
 - 30 *Bonifacius*, præfuit Ecclesiæ suæ ab anno 363, defunctus anno 368.
 - 31 *Brieto*, charus Damaso Papæ. Sub hoc condemnatus est Treviris Priscillianus, hæreticus: interfuere actioni S. Martinus & S. Ambrosius: Maximus Imp. qui Gratiano successit, eum interfici jussit. Obit Brieto anno 380.
 - 32 *Felix* II. Hic Collegium B. Virginis condidit ad martyres, ubi olim Capitolium fuerat. Edificavit quoque Basilicam Paulini, obiit 392.
 - 33 *Mauritius* II, cœvus Hieronymi & Augustini.
 - 34 *Leguntius*, obiit an. 404, sepultus ad Martyres.
 - 35 *Auctor* II, ex Episcopo Metensi factus Archiepiscopus Trevirensis. Hujus memoria est apud Brunsvicenses, ex quo Gertrudis focus Luderici Ducis Saxonie reliquias ejus intulit cœnobio S. Egidii.
 - 36 *Severus* discipulus Lupi Episcopus Treverensis, defunctus anno 420, fuit in Britannia Germania.

cum S. Germano Antifiodorensi Episc. & S. Lupo Trecafino. In hujus tempus incidit Hunnorum in Germaniam Galliamque irruptio.

37 *Cyrillus* electus anno 430, Cellam Eucharistie, hoc est Basilicam S. Matthie everfam restauravit.

38 *Iammerus*.

39 *Emerus*.

40 *Marcus* II, Collegium S. Paulini vastatum restituit. Circa hæc tempora Lucius Senator Trevirensis Francorum Regem Hildericum invitavit, ut trajecto Rheno Romanos invaderet. Et successit utrique consilium feliciter. Concepit autem Lucius odium in Romanos ob vitiatam uxorem suam ab Avito Præfide.

41 *Volusianus*, obiit anno 468.

42 *Miletus*, obiit anno 472.

43 *Modestus*, defunctus anno 486.

44 *Maximianus*, excessit anno 496, sedit an. 10.

45 *Fibicius* ex Abbate S. Maximini Archiepiscopus, obiit anno Christi 500.

46 *Aprunculus*, obiit an. 515. sepult. ad S. Paulinum.

47 *Rusticus* II, qui ob leviter actam in Episcopatu vitam, pœnitentiam egit in Cœnobio B. Virginis ad martyres, ac post 7 pœnitentiæ annos sub Clotario obiit.

48 *Aponoculus*.

49 *Nicetius* sub Theodorico, ejusque filiis, Theodorico & Clotario Francorum regibus: præfuit annos 17, mortuus est anno 551, valde laudatus à Gregorio Turonense.

50 *Maguericus*. Hic ex sacello sanctæ Crucis, quod Martinus opibus Gerontii Consulis instituerat, fecit cœnobium S. Martini.

51 *Gangericus* Lutzenburgicus Episcopus etiam Cameracensis fuit, sedit Treviri annos 33, obiit anno 594.

52 *Subandus*.

53 *Severinus*, defunctus Burdegala.

54 *Modoaldus Aquitanicus*, cujus soror Itta nupsit Pipino, fuitque mater S. Gertrudis, & Grimoldi. Habuit & alteram sororem Severam, quam ad S. Symphorianum præfecit sacris Virginibus. Sub hoc quoque mutatum est horreum Dagoberti regis in Cœnobium Virginum, anno 645, cui prima præfuit Irmina Dagoberti filia, secunda Modesta Willebrordi soror: Willebrordus ipse Cœnobium Epternacense condidit.

55 *Numerianus*, obiit anno 715.

56 *Bassinus* frater Ducis Lotharingici sub Gregorio II Papa.

57 *Luitwinus*, Bassini ex sorore nepos, monasterium Mediolacense ad Sarram fluvium instituit ordinis Benedictini, obiit Rhemis in Concilio anno 721.

58 *Clodolphus*, Arnulpho Episcopo Metensi natus, contra Milonem Luitwini filium, qui sedem invasit sub Carolo Martello. Hic Rhemensem quoque Ecclesiam rexit.

59 *Hilulphus* ex Monacho factus Vicarius Milonis, post illius excessum Episcopus fuit; sed pertæsus molestiarum rediit ad Cœnobium, atque illic obiit anno 754.

60 *Eberhardus*, Episcopus Ratisbonensis.

61 *Wcomadus* Abbas S. Maximini, electus anno 703, sedit annos 23, defunctus anno 805.

X x x x

62 *Reich-*

62 *Reichboldus*, electus anno 776, obiit anno 782.

63 *Wazo*, defunctus anno 805.

64 *Amalarius Fortunatus*, monachus Lexovienfis, vir Græce & Latine doctus, à Carolo Magno missus est Constantinopolim ad Imperatorem Græcorum Michaellem. Postea missus quoque est à Ludovico Imperatore ad Gregorium IV Pontificem: scripsit lib. 4. de Ecclesiast. officiis, sedit annos 16, mortuus est anno Gratiae 822, sepultus ad S. Paulinum.

65 *Hetto*, Abbas Cœnobii Epternacensis à Willebrordo fundati, electus anno 822, sedit annos 31, obiit anno 838, situs est in æde Matthiae.

66 *Thietgardus* monasterii Epternacensis Abbas sedit annos 38.

67 *Bartoldus* Abbas Mediolacensis, electus anno 867. In hujus tempora incidit Nortmannorum incurfus in Galliam Belgicam. Sedit annos 17, mortuus est anno 884.

68 *Ralbodus*, ex Abbate Epternacensi factus Archiepiscopus, familiaris fuit Formoso Papæ, sedit annos 21.

69 *Rutgerus*, Henrico Imperatori adversus Nortmannos pugnanti adfuit anno 934, sedit annos 12, obiit anno 934.

70 *Rupertus Saxo*, Ecclesiam Maximini vastatam restauravit, sedit annos 28, obiit peste anno 955.

71 *Henricus*. Hic Ottonem I in Italiam duxit, interfuitque Synodo contra Ioannem XIII Papam celebratæ.

72 *Theodorus*, ex Præpos. Moguntino factus Archiepiscopus, obiit 970.

73 *Eckbertus*, frater Arnulphi Comitis Hollandiæ, & virginis Herlindæ, obiit anno 989.

ELECTORES.

74 *Ludolphus Saxo*, præfuit annis 10, primusque fuit Elector Imperii.

75 *Adelbero* anno 1003, invasit dignitatem, quum ab Imperatore Henrico IV esset designatus Meginandus Præpositus Moguntinus, qui obiit Confluentibus anno 12 sui muneris.

76 *Poppo*, electus anno 1025, filius fuit Ludolphi Austriaci, profectus est in Palæstinam: templum Simeoni extruxit, sedit annos 41, menses 5, defunctus anno 1037.

77 *Eberhardus*, filius Comitum Palatini. Hujus rogatu venit ex Italia Treviros Leo IX. Sedit annos 20, defunctus est anno 1067, pridie Paschatis.

78 *Cono* vel *Comradus* an. 1066, interemptus est.

79 *Vdo Suevus*, defunctus anno 1077. Huic à quibusdam subjungitur Ado, qui controversiam inter Henricum IV, Imperatorem & Rudolphum studuit componere autoritate Gregorii Papæ.

80 *Egilbertus Bavarus*, electus anno 1079, sedit annos 22, obiit anno 1101.

81 *Bruno Francus*, sub Paschali II, defunctus est anno 1123.

82 *Godefridus*, causatus Clericorum dissolutam vitam, resignavit.

83 *Meginberus*, misere & indigne confossus 1130

84 *Adelbertus*, electus anno 1132, familiaris fuit S. Bernhardo: Eugenium Pont. Max. ex Italia cum 18 Cardinalibus secum Treviros eduxit, obiit anno Christi 1152, Præsulatus sui 19.

85 *Hellinus Trevir*, electus anno 1152, arcem Erenbretsteyn extruxit, sedit annos 18, obiit anno Christi 1170.

86 *Arnoldus*, electus promotusque à Friderico I, sedit annos 18, mortuus est anno 1188.

87 *Ioannes*, Imperatoris Henrici IV Cancellarius, competitoribus suis à Pontifice Ioanne prælatus, gubernavit Ecclesiam annis 23, obiit anno 1213.

88 *Theodoricus* IV, Comes de Weda, sedit annos 30, defunctus anno 1242. Hic ædificavit & munivit Kellenbergium, & Castellum in monte Thabor extruxit.

89 *Arnoldus* II, Comes Isenburgus contra Rudolphum electus anno 1243, Pallium obtinuit ab Innocentio Papa. Hic Trevirensis urbem munivit: Muros patenti oppido Confluentiarum circumduxit. Basilicam Maximini reparavit. Palatiolum castrum firmavit: obiit anno Christi 1219, regiminis sui 21.

90 *Henricus* II, ab Urbano IV factus Archiepiscopus, ornavit ditionem structuris, defunctus est Bonnæ anno 1286, quum præfuisset annos 26.

91 *Boëmundus de Wansberch* anno 1288, à Nicolao VI consecratus est. Noviomagum extruxit, illatus est monasterio Heymerlort, anno 1299.

92 *Dietherus* Adolphi Nassovii, Romanorum regis, frater, obiit 1306.

93 *Baldwinus*, Comes Lutzenburgus, Henrici VII, Imperatoris frater, magni animi & iudicii vir, Diœcesin multis modis ornavit, Pontem Confluentium extruxit. Sedit annos 46, vixit 68, defunctus est anno 1354.

94 *Boëmundus* II, Sarapontanus: hic quum esset debilior, substituit sibi vivo Cononem, obiit anno 1362.

95 *Cono* de Falckenstein. Hic Bopardiam & Vesaliam superiorem Trevirensi ditioni acquisivit, obiit anno 1381, Confluentibus.

96 *Wernerus* à Koningstein Cononis nepos, sedit annos 30, sepultus est apud avunculum, anno 1418.

97 *Otto*, Comes à Zegenheym, sedit annos 2.

98 *Rabanus* ab Helmstadt Episcopus Spirensis, obiit anno 1432.

99 *Iacobus*, Baro à Sirck, obiit anno 1436.

100 *Ioannes*, Marchio Badensis, electus anno 1449, vixit usque ad annum Christi 1505, sedit annos 53, mortuus est in castro Erenbretsteyn.

101 *Iacobus* II, Marchio Badensis discipulus Philippi Beroaldi, sedit annos 8, defunctus est Colonia anno 1511.

102 *Richardus* Gryfenclaw, sub quo Maximilianus Imperator Treviri Comitum imperii celebravit anno 1512: Interfuit coronationi Ferdinandi anno 1531, sedit annos 20.

103 *Ioannes* à Metzenhausen, præfuit Ecclesiæ annos 9. In Conventu Imperii Haganoæ, cui præfuit Ferdinandus Rex, ex immani æstu in morbum incidit, delatusque in arcem Dachsteyn,

steyn
sua 4
10
vixit
1
1547
unde
tractu
bat, i
tinctu
inaug
10
in An
studia
milia
10
1567

steyn, extinctus est 22 Iulii anno 1540, ætatis suæ 48.

104 *Ioannes Ludovicus* ab Hagen sedit annos 7, vixit annos 53, obiit anno Christi 1547.

105 *Ioannes IV* Isenburgicus, electus anno 1547, interfuit Concilio Trident. anno 1552: unde Alberti Marchion. Brandenburgensis qui in tractu Rhenano ditiones Episcoporum infestabat, injuriis revocatus, haud diu superfuit: extinctus est in castro Montaburensi, quarto ab inauguratione anno: Situs est Confluentibus.

106 *Ioannes V*, anno 1556, ex Archidiacono in Archiepiscopum electus, pacis & literarum studia impense coluit. Interfuit electioni Maximiliani II, Scholam Treviris aperuit.

107 *Iacobus III*, ab Els Trevir, electus anno 1567. Hic à civitate quum dissentiret, anno

1568 eam obsedit, sed procerum vicinorum & Camerae Imperialis intercessionis effectum est, ut positis armis pacis studia sectati sint.

108 *Ioannes Schouwbergius*, electus anno 1581.

109 *Lotharius*, ex Illustri Meternichiorum familia oriundus, anno 1599 electus, sedit annos 24 & 3 menses, fato functus anno 1623, 7 Septembris. Huic successit

110 *Philippus Christophorus*, à Sötern, Episcopus & Camerarius Spirensis, bello Germanico Galliae Regis partes fovens, captus & Romano Imperatori deditus fuit, qui eum retinuit, usque dum in pristinam dignitatem anno 1645 restituere-
tur. Obiit anno 1652.

111 *Carolus Casparus*, ex familia Leiana, prædecessoris antea Coadjutor, qui adhuc in vivis est.



MOGUNTINVS

ARCHIEPISCOPATVS.



Origo.

Mnem hanc regionem olim à Drufo occupatam, castellisque innumeris ad Germanorum incursiones arcendas munitam fuisse, passim authores Latini Græci-que indicant; quæ dein intercedente aliquo temporis intervallo in oppida urbesque mutata sunt. Inter hæc non minimum olim *Moguntiacum*, vel ut Tacitus & Ammianus scribunt, *Maguntiacum*, vel, ut Eutropio & aliis placet, *Maguntia*, Gallis *Mayence*, incolis *Mems*, in ripa Rheni conditum est; non tamen adeo propinquum flumini, ac hodie videtur, sed remotius, quo nunc loco leproforum est nosodochium, sicut ipsæ ruinæ attestantur. Memoria facti conservari creditur in mole quæ extra urbem instar glandis spectatur in colle, quem à forma vocant *Aichelstein*. Authorem hujus rei habemus Frisingensem l. 3. c. 4. *Hic Dru- sus*, inquit, *Moguntiam in Gallia, & Augustam in Rhætia fundasse vel instaurasse dicitur. Monstratur adhuc monumentum ejus Moguntia in modum pyrae.* Sub Valentiniano, Gratiano & Valente cepit spoliavitque Moguntiacum Rando Alemannus ipso Christianorum die festo. Marcellinus eam rem sic prodidit: *Sub idem fere tempus Valentiniano ad expeditionem caute ut rebatur profecto, Alemannus Regulus, Rando nomine, diu præstruens quod cogitabat, Maguntiacum præfidiis vacuum cum expeditis ad latrocinandum latenter irrepit. Et quoniam casu Christiani ritus invenit celebrari solennitatem, non impedit hujuscemodi fortunâ & virilem & muliebrem sexum cum suppellectile non parva indefensum abduxit.* Hæc Ammianus. Post Hunnorum cladem, à Francis, imprimis autem à Dagoberto I, urbs restaurata & propius Rhenum translata est, ubi etiamnum conspicitur, in longum porrecta, latitudinem negante hinc Rheno, inde montibus vitiferis. Templis decorata est quamplurimis, inter quæ templum Archiepiscopale S. Martini eminet. In hoc multæ Archiepiscoporum & Canonicorum sepulturæ, multæ SS. reliquæ, eximius ornatus, & quæ alia ad templorum decus spectant, inveniuntur. Numerantur præterea decem virorum & octo virginum Cœnobîa, quorum quatuor diruta suos tamen reditus subministrant: sexdecim sacella, quinque Ptochotrophia, ut & eximium Iesuitarum collegium. Inter Ædificia profana arx conspicitur optime munita S. Martini burgum dicta, Cancellaria, & Curia: privatorum ædes amplæ quidem, sed veteri Francorum modo exstructæ, urbem potius obumbrare quam illustrare videntur; accedit quoque angustia platearum; ita ut interne non adeo speciosa sit. Nulla tamen in Germa-

Situs.

nia est, quæ plura & certiora suæ vetustatis monumenta habeat. Inter prima urbis decora refertur à multis inventum Artis Typographicæ, quam laudem tamen Harlemonsibus plenissime Petrus Scriverius asseruit. Multis nobilitata claudibus, & frequentibus olim excidiis vastata major semper resurrexit. Nunc iterum aspirante benignæ pacis aura Germaniam ita se erigit, *Quantum vere novo viridis se subjicit alnus.* Præcipue vero anno 872 terræ motu collapsa, inde anno 893 ab Imperatore Arnulpho obsessa & expugnata est. Anno 1081 & 1137 incendio fere totam exhaustam, anno 1163 ab Imperatore Fridrico Barbarossa dirutam legimus. Anno 1462 ab Adolpho II, Comite Nassavio noctu capta, ex Imperiali, qualis ante semper fuerat, in Ducatum urbem commutata, & quingentis civibus orbata est. Anno 1631 Gustavus Adolphus deditione illam in suam potestatem redegit, erecto ad confluentem Rheni & Mœni castello *Gustaviburgo*, quod tandem cum urbe Electori à Cæsarianis restitutum est.

Reliqua hujus Episcopatus oppida sunt: *Bin-* Oppida.
gum, Tacito, Ammiano & Aufonio modò cognitum, ad Confluentem Nahæ & Rheni amœnissimo loco situm, vinetis undique cinctum. E regione jacet famosa illa murium turris *der Sclaussturn* / medio in Rheno petra superædificata. *Duderstadium*, olim Hanseatico fœderi annexum ad Wippram fluvium jacet: *Elfeld* in Ringovia ad Rhenum modicum oppidum egregio templo decorum, cui eximie altitudinis turris imminet; non longe jacent Cœnobîa *Erbach* & *Schwabenheim*, ab Adalberto I, Episcopo Moguntino fundata, in quibus multorum Comitum & Principum monumenta visuntur, ut & Cœnobium *Lorich*, quod Ruthardus Episcopus Moguntinus in honorem S. Iohannis exstruxit. *Fritzlar* in Hassia situm oppidum multis belli malis nobilitatum: *Hagiopolis*, *Heyligenstatt* prope Duderstadium. Dagoberto Francorum Regi originem suam acceptam refert, qui hic, miraculo à lepra curatus, oppidum condidit, effosis duobus martyrum corporibus illæsis adhuc & quasi recentibus. *Höchst* prope Francofurtum ad Mœnum situm, egregium castellum habuit, quod ultimis hisce bellis incendio deletum rudera tantum ostentat. *Königstein*, *Lohnstein*, *Salgenstatt* & *Oberursel*, modica oppida huic quoque Episcopatu adhærent.

Ære fruitur tota regio clementissimo, unde Qualitas.
vini præstantissimi copia; agrorum fertilitas eximia; omnia quoque, quæ vel ad necessarium hominis sustentamentum, vel adeorundem delicias requiruntur, abundantissime regio suppeditat. Montium sylvarumque frequentia ferarum aviumque capturæ accommoda est. Fluviorum varietas

Fluvii.

varietas piscium innumeram multitudinem por-
rigit; inter illos præcipui *Rhenus, Mænus, Naba,*
Nida, & Wippra.

S E R I E S

Episcoporum Moguntinorum.

Primus Christianam Religionem Mogun-
tia intulisse creditur *Crescens* B. Pauli disci-
pulus, à quo Episcopi deinceps numerantur.

2 *Bodardus* five *Budibardus.*

3 *Sophronius.*

4 *S. Maximus*, scripsit adversus Arianos anno
Christi 345.

5 *Sidonius.*

6 *Marinus* interfuit Synodo Colonienfi, in
qua Euphrates Episcopus Photinianus, quem
Gothi victores evexerant, dejicitur, anno 396;
obiit anno 403.

7 *Sigismundus.*

8 *Lindegastus.*

9 *Aureus* ab Hunnis trucidatus, anno Christi
454, quo Moguntia ab Attila funditus eversa &
solo æquata est. Eo tempore Ariani & Photi-
niani Germaniam Inferiorem sua opinione in-
fecerant.

10 *Rudelinus.*

11 *Landovaldus.*

12 *Haboaldus.*

13 *Sigebertus* vixit anno 498, sub Rege Clo-
doveo. Hoc tempore cœpit exstrui vetus mo-
nasterium Virginum, liberalitate Wilvildis Fran-
corum Ducissæ, quæ neptis erat Sigeberti ex so-
rore Mechtilde, Gubernatrice provinciarum
Rhenensium.

14 *Ruthardus*, sub Iustiniano Imperatore an-
no Christi 525. Circa hoc tempus cœpit Dago-
bertus Galliarum Rex, Moguntiacum restaura-
re, sedibus ad 200 passus Rheno propius ad-
motis.

15 *Geroldus*, sub Pipino & Carolomanno
Galliæ regibus, à quibus etiam factus est Ar-
chiepiscopus Wormatiensis. Hic pro Pipino
bella gessit contra Saxones Thuringiam vastan-
tes, sed infelicitè; cæsus est enim à Rege Saxo-
niæ.

16 *Gervilio* Geroldi filius, successit patri in
utroque Episcopatu. Hic regem Saxonum, à quo
pater cæsus fuerat, sua manu interemit. Ea de
caussa ipse utroque Episcopatu ejectus, in mo-
nasterium detrusus est.

ARCHIEPISCOPI.

17 *S. Bonifacius* Anglus, primus Archiepisco-
pus, dictus antea Vunefridus, tres Episcopatus
in Germania instituit, Herbipolensem, Ayste-
tensem & Frisingensem: Abbatiam quoque
Fuldensem: sedit annos 35, occisus est in Frisia à
paganis anno 755, situs est Fuldæ.

18 *Lullus* sub Pipino sedit annos 31, inter-
fuitque bellis à Carolo Magno in Saxonia ge-
stis: obiit anno 787.

19 *Richolphus* Caroli Magni Confiliarius, ele-
ctus anno 787, sub hoc deflagavit pons Mo-
guntinus anno 812. Ipse etiam Cœnobium
Germania.

S. Albani fundavit. Sedit annos 26, defunctus
anno 813.

20 *Haistulphus* electus à Carolo Magno præ-
fuit annos 12, obiit anno 825. Situs ad *S. Alba-*
num.

21 *Odogarius* electus à Ludovico Pio: Hic Da-
norum Regem Harioldum baptizavit cum con-
juge anno Christi 826, obiit anno 847.

22 *Rhabanus Maurus*, Bedæ Angli discipulus,
vir eruditus, cujus multa exstant scripta: ex
Professore Parisienfi factus est Abbas Fuldensis,
ex Abbate Archiepiscopus, anno 847: sub hoc
in Synodo Moguntiæi condemnatus est Gode-
schalcus hæreticus.

23 *Carolus* Dux Aquitaniæ, filius Regis Fran-
corum Pipini, sedit annos 7, obiit anno 863.

24 *Ludibertus*, hic exstruxit Ecclesiam Colle-
giatam *S. Mauriti*; obiit anno 889, sepultus est
ad *S. Albanum.*

25 *Suntheroldus* promotus ab Arnulpho Impe-
ratore, sedit annum unum, occubuit in expedi-
tione contra Nortmannos ad Rhenum anno
891.

26 *Hatto* Francorum Dux, constitutus Ar-
chiepiscopus ab Arnulpho anno 891, cujus fi-
lium Ludovicum in Baptismo susceperat: sedit
annos 21, obiit anno 913.

27 *Herigerus* præfuit annos 12, resignavit se-
dem in Rupertum anno 924.

28 *Rupertus* sedit annos 4, menses 6.

29 *Hildebertus*, Franciæ Orientalis Dux, Abbas
Fuldensis, electus anno 928, præfuit annos 9.
Coronavit Aquisgrani Ottonem I Henrici Au-
cupis Imp. filium; obiit anno 938.

30 *Fridericus* Dux Lotharingiæ, sedit annos
16. Fundavit Præposituram *S. Petri*: obiit an-
no 954.

31 *Guilielmus* Dux Saxonæ, Ottonis Imperat.
ex Editha Angliæ regina filius, electus anno
954, præfuit annos 14. Deduxit Ottonem II,
fratrem suum Romam: defunctus est anno 968.

32 *Hatto* Abbas Fuldensis, constitutus Archie-
piscopus ab Ottone Imperatore. Fertur à muri-
bus devoratus in Rheno anno Christi 969.

33 *Rupertus* præfuit annos 6.

34 *Willigisus*, Ottonis II confiliarius & sacel-
lanus: hic in conclavi habuit semper ante ocu-
los depictam rotam cum inscriptione, *Willi-*
gise, memento quid fueris, quid sis, quid futurus sis.
Natus est enim patre fabro rotario. Hoc infi-
gne postea cessit Archiepiscopis omnibus Mo-
guntinis, datum ipsis ab Henrico II Claudio, Im-
peratore. Idem Willigisus primus fuit è Mo-
guntinis Imperii Elector. Post obitum Otto-
nis II, docuit & educavit Ottonem III, eum-
que elegit: quo defuncto elegit quoque Henri-
cum Claudum: præfuit annos 36. Exstruxit
Basilicam *S. Stephani*; mortuus est anno 1011.

35 *Erbo* Bavarus, Comes ab Hohenwart.

36 *Heriboldus* ex Abbate Fuldenfi, Fundator
Ecclesiæ *S. Crucis*: obiit anno 1020, sepultus
ad *S. Ioannem.*

37 *Aribo* Palatinus Rheni, præfuit annos 11.
Elegit Conradum Salicum; excessit ex hac vita
anno 1031.

38 *Bardo* Abbas Fuldensis & Hirschfeldensis,
sedet

Y y y y

fedit annos 20. Elegit Henricum III, ejusque uxorem Agnetem Comitissam Picaviensem unxit. Sub hoc celebrata est Moguntia Synodus ob pacandam Galliam, cui interfuit Leo IX Papa, cum 42 Episcopis Germaniæ; obiit anno 1051. Situs est in Cathedrali Ecclesia S. Martini.

39 *Luitboldus* fedit annos 9, defunctus est anno 1060.

40 *Sigifridus* Baro ab Eppensteyn, Abbas Fuldenfis, electus anno 1061. Profectus est in Palestinam anno 1063. Vixit quem elegerat Rudolphum Sueviæ Ducem, contra Henricum IV ab aliis electum. Obit exsul in Hassia anno 1084, quum præfuisset annos 24.

41 *Wesilo* præfuit annos 4, obiit anno 1089.

42 *Ruthardus* sub Henrico IV, & Henrico V.

43 *Adelbertus* Lotharingiæ Dux, Henrici V Cancellarius, ab Imperatore promotus ad Archiepiscopatum, præfuit ei annos 28. Elegit Lotharium Saxonem. Sub hoc arsit Ecclesia Cathedralis cum magna urbis parte; obiit anno 1134.

44 *Adelbertus* II, Comes Sarræpontanus, promotus à Conrado III, Imp. præfuit annos 4.

45 *Marcolfus* præfuit annos 2; obiit anno 1142.

46 *Henricus Felix*, electus anno 1142, fedit annos 10.

47 *Arnoldus* Friderici Barbarossæ Cancellarius, promotus ab Imperatore anno 1153. Hunc cives anno 1168 trucidarunt in Cœnobio S. Iacobi, & vestibus exutum in sterquilinum abjecerunt. Fridericus, ejus facti indignitate motus, muros urbis evêrit, Cœnobium S. Iacobi diruit, cives omnibus privilegiis spoliavit, sumpto supplicio de facinorosis. Sic mansit Moguntia totos annos 36.

48 *Conradus*, Comes de Wittelsbach, frater Ottonis Palatini, qui Philippum Imperatorem Bambergæ interfecit, promotus à Friderico Barbarossa; quum nollet Octavianum Cardinalem agnoscere pro summo Pontifice, ab Imperatore iterum deturbatus est, suffecto in ejus locum Christiano Comite à Buche; quo defuncto, Conradus ex Italia reversus est, feditque adhuc annos 17.

49 *Christianus*, Comes à Buche, fedit annos 13, obiit anno 1183.

50 *Sigefridus* II, Baro ab Eppensteyn, varia forte vixit, obiit Erfurdia anno 1230.

51 *Sigefridus* III, electus anno 1230: obiit Bingæ anno 1248.

52 *Christianus* II, præfuit annos 2, resignavit anno 1251.

53 *Gerardus*, Comes à Falkenstein, præfuit annos 9.

54 *Wernerus*, Comes à Falkensteyn, præfuit annos 24, obiit anno 1284. Sub hoc pulsi Moguntiaci Iudæi.

55 *Henricus* Gurtelknoff Franciscanus, Con-

fessor Rudolphi Habsburgensis; promotus ab Honorio IV Papa, anno 1286.

56 *Gerhardus* II, Baro ab Eppensteyn, electus anno 1288, præfuit annos 16. Hic elegit Albertum Austriacum contra Adolphum.

57 *Petrus* Aichspaldius Medicus, quod Clementem V Papam ægrotum sanasset, promotus ad cathedram; obiit anno 1320.

58 *Matthias*, Comes à Bucheck, præfuit annos 8.

59 *Balduinus*, Comes Lucelburgicus, frater Henrici VII, Imperatoris, simul quoque Archiepiscopus Trevirensis.

60 *Henricus*, Comes à Firnenburg, adiit Episcopatum anno 1331.

61 *Gerlacus*, Comes Nassovius, Adolphi Imp. nepos, obiit anno 1371.

62 *Ioannes*, Dux Lucelburgensis, præfuit annos 2.

63 *Adolphus*, Comes Nassovius, Gerlaci ex fratre nepos.

64 *Conradus* Baro à Weinsperg electus anno 1388, obiit anno 1395. Sub hoc 36 cives Moguntini Bingæ exulsi, quod essent Waldensibus addicti.

65 *Ioannes*, Comes Nassovius, fedit annos 23, elegit Rupertum, ac postea Sigismundum, Imperatores, obiit anno 1419.

66 *Conradus*, Comes Rhenensis, præfuit annos 8.

67 *Theodorus* Dom. in Erbach. fedit annos 24, obiit anno 1459.

68 *Dietherus* Eysemburgicus, defunctus anno 1482.

69 *Adolphus* II, Comes Nassovius, fedit annos 13, contra Dietherum, in schismate, quod confisit 20 centenis mill. aureorum.

70 *Albertus*, Saxonæ Dux, obiit anno 1484.

71 *Bertholdus* Hennebergensis Princeps, fedit annos 21.

72 *Iacobus* à Liebensteyn, fedit annos 4.

73 *Vriel* à Gemingen Suevus, electus anno 1508.

74 *Albertus* II, Marchio Brandenburgicus, electus anno 1513, obiit anno 1545.

75 *Sebastianus* ab Heusensteyn Hefus; obiit anno 1555.

76 *David* Brendel ab Homburg, mortuus anno 1582.

77 *Wolfgangus*, obiit anno 1601.

78 *Ioannes Adam*, ex Bickiorum illustri familia, decessit anno 1604.

79 *Ioannes Swickardus* à Cronenburg, fedit annos 23, obiit anno 1626.

80 *Georgius Fridericus* Greiffenklaw, antea Episcopus Wormatiensis.

81 *Anselmus Casimirus*, cui successit

82 *Ioannes Philippus* à Schönborn, S. R. I. Elector, & per Germaniam Cancellarius anno 1647 electus; qui etiamnum Ecclesiæ Moguntiacæ summa cum pietatis laude præest.

R H E N U S.



Veterum &
recentiorum
loca de Rheni-
no.

Inter Germaniæ flumi-
na nequaquam postre-
mo loco censendus est
Rhenus, five celebra-
tem ejus, five magni-
tudinem, five riparum
hinc inde urbiumque
illis adjacentium excel-
lentiam spectes. Cre-
bra ejus apud veteres
Scriptores mentio fit. Herodianus maximum
hunc fluvium, & Germanos præterfluere dixit,
æstate navigabilem, hyeme concretum. Tan-
tam eidem tribuit profunditatem & latitudinem,
ut irremeabilis videatur. Sæpius ejus meminit
Claudianus de bello Gothico. Cæsar commen-
tariariorum lib. 1 Rhenum altissimum & latissimum
fecit. Plutarchus in vita Cæsaris rapidissimum &
immensæ latitudinis. Pomponius Mela eum sta-
tim à fontibus duos lacus conficere ait lib. 3. In-
de longo spatio per fines Nantuatium, Helvetio-
rum, Sequanorum, Mediomatricum & Tribu-
chum impetu fertur, teste Cæsare lib. 4. de bel-
lo Gallico. Alias tenui flumine ab ortu labitur,
& modo flexus in Occidentem, modo ad Septen-
trionem à Schaffhusen eructat multo strepitu,
perque lacus Nantuatium propriis aquis in unum
collectis effunditur, cujus lacus meminit Strabo
lib. 4. De ejus fluxu sic Picus in Staurosticho:

*Qua Rhenus tenui Rhætis ex Alpibus orsu
Funditur, & major suppositis influit arvis;
Quique lacu immixtus leni submurmurat unda,
Mox alium profertque lacum; quo denique fusus,
Inde humilis timidusque vorax evolvitur; inde
Plenus, & exiguis, rectus, sinuosus in orbem
Labitur, hic sumtis Basileam fontibus urbem
Dividit, & vasto defertur gurgite, & alti
Vorticibus magnis contingit tecta Brisachi.*

Locus Am-
mian.

* lege m-
dam.

Suidas in dictione ῥηνός, ἀμφὶ (inquit) οἱ ῥήνον
ποταμὸν εἶπον. Ammianus Marcellinus lib. 15 inter
celforum Rhætiae montium loca lacum esse scri-
bit Brigantiæ, ubi Rhenus incurrat spumosis vor-
ticibus, quietem undarum permeans, & * pu-
gnam mediam veluti finali interfecet libramen-
to, tanquam elementum perenni discordia se-
paratum, nec aucto nec imminuto agmine, quod
intulerit vocabulo, donec Oceanum gurgitibus
intimat. Multa de Rheno Dracontius, qui hunc
Gangi, Ibero, Tago, & omnibus fluminibus
prætulit, auro, piscium & aliarum rerum multi-
tudine: qui & totum Rhenum descripsit, sicut
& Philesius in Regestis super Ptolemæum. Mul-
ta quoque de Rheno Cætes lib. 3. Odarum, ubi
de ejus fluxu, fluminibus, & tota hujus proprie-
tate loquitur. Cæterum Rhenus multos habet
meatus, & loca consueta relinquens, plurimos
cessus facit, quos Græci ῥαχάνας vocant. Ta-
citus lib. histor. 2, Rhenum ad Galliam latiore
ac placidiorem fluere indicat, & verso cogno-
mine, Vahalem dici, antequam Mosæ milcea-
tur.

Germania.

Maximæ autem plurimæque sunt de Rheni <sup>De Rheni
fontibus.</sup>
origine diffensiones. Cæsar ex Leopontiis Alpi-
bus Rhenum oriri dixit. Marlianus inter fines
Curienfis & Tridentinæ diocesium Rheni fon-
tem posuit. Strabo lib. 4, ex Adualla monte hunc
derivari attulit, qui est adversus Leopontios. Sed
rectius Adulam vocaveris. Alii non procul à Da-
nubii fonte Rheno initium præstant, ut Dra-
contius. Plinius lib. 3, cap. 19, Sauromatas ac-
colas fontis Rheni dicere videtur. Alii ex Alpi-
bus Rhæticiis emergere dixerunt, Tacitus nem-
pe, Sabellicus, & Picus versibus supra citatis. Nec
dissentit Claudianus de laudibus Stiliconis:

Hercyniæ confinis Rhætia sylva,

Quæ se Danubii jactat Rhenique parentem.

Quem sequitur Ottho Frisingensis. At Pompo-
nius Mela ex Alpibus Galliæ eum delabi ait. Dio-
nysius Lubicus simpliciter ex Alpibus deducit,
his versibus:

Incipiunt Alpes, quibus exit gurgite vasto,

Oceani rumpens glacialis littora Rhenus.

Mantuanus ex Alpibus Teutonicis oriri canit:

Alpes

Teutonicas, genus unde trahunt & Rhenus & Ister.

Verum inter tot sententias verissima est Cæsaris,
qui Rhenum ex Leopontiis Alpibus derivat. Af-
firmant hodie idem, qui oculis loca illa propius
Rhenique scaturigines lustrarunt, & etiamnum
lustrant.

Nascitur ex duobus fontibus, unius, ut mini-
mum, diei itinere; propter montium juga, di-
stantibus. Altero magis Occiduo magisque Se-
ptentrionali: altero magis Orientali magisque
Australi. Ille anterior Rhenus, hic Rhenus posterior
accolis dicitur. Hi tandem confluunt & efficitur
ex duobus fontibus, unus Rhenus, qui prope à
capite duos efficit lacus, Acronium sive Constan-
tensem, alterum Venetum, hodie Cellensem, à
Cella oppidulo. Hinc conversus ad Occasum,
oppidum Rhinfelden alluit, eundemque tractum
Basileam usque sequitur, amœnissimam amplissi-
mamque Rauracorum civitatem. Eam medius
secat, ac veluti duas urbes ex una facit, quarum
illa, quæ in ripa est Gallica, major Basilea dici-
tur; hæc vero, quæ in ripa Germanica, minor:
paruitque illa quidem Vesontino Episcopo, hæc
Constantiensi. Partes ponte, ex quo amœnissi-
mus est prospectus, conjunguntur. Flumina
præter Rhenum Byrsa & Wiesel, quorum ille ex
lura monte per valles lapsus Basileam majorem
multa ligna defert. Hic ex adversa parte è Nigra
sylva, quæ Hercynia est, vel Helvetiorum vete-
rum eremus, minorem Basileam ornat, multis
officinis inserviens. Nam & trabibus secandis
conducit, & frumento comminuendo & fabrilibus
instrumentis exacuendis poliendisque, dum
molas versatiles impellit. Est autem Wiesel pisco-
fior Byrsa. Sed hic illo ad molas papyraceas
aptior, quarum ingens numerus ad Byrsæ elicem
conspicitur, haud procul à monasterio S. Alba-
ni. Vterque in Rhenum se exonerat. Alter su-

Tractus
Rheni.

Z z z z z

pra,

Brisacum. pra, alter infra Basileam. Hinc Brisgoiam regionem intersecans, Brisacum ejus metropolim adit, quæ in monte *Brisaco* sita Rhenum hodie ad Occidentem habet. Oppidum est elegans, munitum & frequens, arcem habens vetustam, sed quæ diu in ruinis jacuit, resuscitatis tandem ejus ædificiis. Fontem quoque habet, cui superædificata turris magna & robusta, in qua pedibus agitur rota grandis, quæ aquam ex multa terræ profunditate extrahit, pro qua cives annum censum solvunt. Undique magnus est descensus ad Rhenum & subjectam planitiem, ubi aquæ in superficie terræ facile quidem haberi, sed difficulter in sublimem montem perferri possunt.

Argentoratum. Brisaco recto fere cursu *Argentoratum* versus tendit, turre superbum, cui par nulla vel magnitudine, vel firmitate operis, vel artificio in Europa & Asia invenitur. Sita est urbs ad Rheni ripam Gallicam, modico à flumine intervallo. Eam perfluunt *Ellus* & *Bruscha*, qui postea extra urbem Cincio juncti in Rhenum se exonerant. *Spiram* mox se recipit, Nemetum urbem, cui ingens decus accessit, cum tribunal forense, quod antea Imperatorem sequi consueverat, quodque postea Maximiliani I, instituto *Frankfurti* erectum, atque inde *Wormatiam* translatum fuerat, tandem *Spiræ* figi cœpit anno 1530, ubi adhuc ingenti reip. Germanicæ bono servatur. Inluit hic in Rhenum *Lutarus*, de quo sic David Sigemundus:

*Qua nemetum Rheno miscetur Lutarus urbe,
Imperii surgit nobile Spira forum. &c.*

Manheim. Hinc progressus Neccarum sibi jungit prope castrum *Manheim*, qui postquam Heidelbergam Principis Palatini sedem alluit, Rheno absorbetur. Mox non magnis flexibus *Wormatiam* fecat. Eam sic describit Ligurinus lib. 1, agens de Frederico Barbarossa:

Wormatia. *Wormatiam* petit, medio que gurgite Rheni
Gallica Germanis opponit rura colonis.

Otto Frisingensis tractum sic depingit: Imperator proximum natale Domini *Wormatiæ* celebravit. Ea namque regio, qua Rhenus nobilissimus fluvius ex trium Europæ nobilissimorum fluviorum unus interfecat, ex una ripa Galliæ, ex altera Germaniæ limes, frumento, & vino opima est, venationibus & piscationibus copiosa. *Oppenheimium* præterlapsus, & generosissimarum vitium hinc inde sedes, *Moguntiacum* fertur, Archiepiscopatu & Electoratu celebrem urbem, quam Drusus fundasse in ripa Gallica creditur. Hic cum Rheno confunditur *Mœnus*, quem imperite Ligurinus Mogum vocat lib. 1.

Moguntiacum.

*Hic Mogus tumido miscet sua flumina Rheno,
Qui licet ipse suum perdat cum gurgite nomen,
Dat tamen egregie primordia nominis urbi,
Illaque majori cum sit popularior amni,
Negligit, & fluvio dignatur, ab hospite dici,
Namque premens, Rhenum (si credimus omnia fame)
Nomen ab infuso recipit Moguntia Mogo.
Hæc urbs Francorum mediis in finibus, agris,
Vitibus, arbutis, populo generosa frequenti,
Hinc statione sua Rhenum contingit, at inde
Extendit rapidam fines procul usque Mosellam.*

Hæc de Mogo, posterioris ævi commenta sunt: Nam *Mœnum* Plinius, Mela, Ammianus agno-

scunt. Nemo veterum Mogum. Ipsum quoque *Moguntiacum*, non, uti nunc, ad ripam situm fuit, sed remotius, quo loco nunc est leproforum nosodochium, quod & ruinæ ipsæ indicant. Hinc flexo in Occidentem cursu, moxque iterum in Septentrionem Confluentes salutatur, oppidum Galliæ Belgicæ inter *Moguntiam* & *Colonium*, diæceseos *Trevirensis*, qua se *Mosella* Rheno miscet. Guntherus Ligurinus de *Mosella*:

*Vix Rheno minor hic, placidos dum permeat agros,
Frugibus & pomis, & dulci fertilis uva,
Nomen aquasque suas proprio sub jure retentans,
Fluminis ex gemini confluentis nomen habentem,
Servat adusque locum: victor mox Rhenus utrumque
Eripit & mixtis dominatur fortior undis.*

A Confluentibus *Andernacum*, *Lintzium*, *Bonnæ* nam urbes in ripa habet. Hæc muro & fossis cincta, ædificiisque commodis ornata. Situ plano, qua montes, qui à *Bingio* inde profecti Rhenum quasi constringunt, in planitiem apertam diffunduntur. Condita est sub Augusto à *Druso*, qui etiam ad tuendam Rheni ripam quinquaginta amplius castella extruxit, & *Bonnæ* *Genosiæ*, ponte Rheno imposito, junxit. Testatur id aperte *Florus* lib. 4: Per Rheni ripam quinquaginta amplius castella direxit, *Bonnæ* & *Genosiam* pontibus junxit, classibusque firmavit. Post hanc, *Coloniæ* *Agrippinæ* præterlabens non ad mercaturam tantum fructuosum, ad spectaculum jucundum, sed etiam ad vitam & valetudinem salutarem usum præstat. Ex adverso fuit olim *Divitense* munimentum, hodie *Thentsch* / extructum cum ponte à *Flav. Constantino* *Maximo*, *Constantii* filio, pro militibus illic ad tutelam Galliarum collocandis. Id cum ponte destructum est à *Brunone* *Episcopo*, lapidibus in *Abbatiam* insumptis. De *Colonia* multi multa. *Scaliger* paucis dixit omnia:

*Maxima cognari regina Colonia Rheni,
Hoc te etiam titulo Musa superba canit.
Romani statuunt: habitat Germania: terra est
Belgica. ter felix! nil tibi Diva deest.*

Sexto infra *Coloniæ* milliari in ripa Gallica ad flumen *Erpiam*, est *Novesium*, *Neus* / vel *Nugs*. Ad eam ex Rheno justo intervallo per euripum commoda est navigatio. Distat rivus ille *Erpia* itinere quasi mediæ horæ à Rheno flumine, & per plures gradus ab isto rivo fit adscensus ad civitatem quæ in alto posita est. Sed ex Rheno brachium procedit, in quod intrat *Erpia* juxta civitatem, & istud brachium, pariter cum *Erpia*, constituit fluvium, ita ut majores naves ex Rheno ad civitatem cum mercibus deferat. Vbi ad *Vbiorum* oppidulum *Roeroort* / quod finem *Roræ* sonat, pervenit, illi *Rora* permiscetur. Vbi videre est duorum fluminum concurrentium evidentissimum discrimen, quorum Rhenus virides, *Rora* subalbas aquas ostentat. *Berkam* hinc in Gallica ripa prætervectus, *Vesaliæ* contendit, sitam in ripa Rheni dextra, sive Germanica, ad confluentes *Lupia* & Rheni, qua se minor amnis in majorem exonerat. Demum circa initium agri *Batavorum*, ubi propugnaculum hodie *Schenchianum* est, scindit se bifido cornu, unde *Poëtis* *bicornis* dicitur. Eam divisionem eleganter

Rheni divergum si-
ve druso
circa mi-
tium Insule
Batavorum.

Vabalis.

Flumina in
Rhenum se
exonerantia.

Mœnus.

Mosella.

Mos.

Rheni di-
versum si-
ve divisio
circa ini-
cium Insulae
Batavorum.

ganter Mamertinus *divortium*, Frontinus *diver-
gium* nominat. Ille à divertendo, hic à vergendo
in diversum. Bipartito ergo cursum suum divi-
dit, ita ut una pars Rheni nomine retento *Arena-
cum* recta petat, urbem Geldriae primariam. In-
de non multum sinuosis mæandris flexus ad *Va-
da* properat. Ab eo se flectit Rhenam, *Rinnes*
Tacito nominatam, hinc Batavodurum decur-
rit, ubi obstructo vetere alveo, quo Ultrajectum,
inde Lugdunum vectus in Oceanum exonera-
re se solebat, mutato nomine Lecca dici incipit,
quondam rivulus elicis potius cognomento tunc
dicendus, at nunc revera è rivo flumen factus,
Culenburgum & Vianam præterlapsus, lustrata-
que Schoonhovia, in Merovam amnem, prius-
quam Mosæ nomen induat, se effundit. Pars al-
tera Rheni ad lavam se flectit, & Neomagum
urbem antiquam prætexit, urbisque mœnia
areamque navalem radit, *Vahalis* jam nomine cla-
rus. Longo inde tractu Tielam pergit: isthinc
anfractuoso meatu Bommeliam ad lavam re-
linquit. Deinde non procul Worichomio Mosam
accipit, mox apud Goricomium Lingæ amnis
incremento auctus Merovæ nomen accipit, à
Merovæorum arce: quam ubi præterierit, Dur-
drechtum, nobilissimam urbem, præterlabitur,
receptisque Lecca & Isala Rheni brachiis Isel-
mondam præterfluens prope Rotterdamum Mo-
sa appellari incipit, ubi recedentibus latius terris,
vasto jam ore Schiedamum & Flardingam ad
dextrum latus relinquit, deinde Geervlietum op-
pidum, & Brielam à lava præterlabitur, ibique
mox Oceano miscetur.

Flumina in
Rhenum se
exonerantia.

Mœnus.

Exonerant se in Rhenum flumina celebria,
Mœnus, Mosella, Mosæ, Neccarus, Rora, Lup-
pia, aliaque minorum gentium. Mœnus oritur ex
monte Pinifero Orientalis Franciæ, qui *der Sich-
telbergh* dicitur. Ita Celtes:

Quam mediam Mœnus perlambit vitifer oram,

Cujus quadrifluis nascitur una jugo.

Piniferi cujus de vertice flumina quattuor,

Quattuor ad partes orbis amœna cadunt.

Mœnus ad Occasum Francorum fertur ad oras.

Ex Pinifero lapsus juxta Hercynium, inde am-
bagibus plurimis, omni Germanorum fluvio cur-
vior, usque ad Herbipolim, inde ad Mildenburgum,
Francofurtum, inde juxta Moguntiam in
Rhenum excurrans nomen proprium amittit.
Mosella ex Vogeso monte nascitur, nomen habens
à Mosæ & Sella. Hoc innuit Philesius illo car-
mine:

Et Mosella unum gemino de nomine nomen

Ingreditur Rhenum pluribus auctus aquis.

Hic dividit Germaniam Superiorem ab Inferio-
ri. Marlianus ait hunc in finibus Lingonum ori-
ri, apud Celtas, Metenses, Treveros, usque ad
Confluentiam cursum agere, & ibi Rheno com-
misceri. Mosæ itidem ex monte Vogeso profluit,
in finibus Lingonum, haud longe ab Araris Ma-
tronæque fontibus; & in Septentrionem pro-
currens S. Theobaldi Fanum, (S. *Tibaut*) radit:
ubi navigabilis esse incipit. Inde Verdunum per-
labitur, ab eo in Cæciam vergens Mosonem &
Maferiacum pergit. Inde ad Septentrionem se
convertens Carolomontem, Boviniacum, Di-
nantum, & Namurcum lustrat: ibique Sabi au-

Mosæ.

ctus atque Hoyum contemplatus & Leodium,
Trajectum perlapsus, Ruremundam & Venloam
præterlegit: ubi ad Occidentem conversus Cuic-
kam, Graviam, alluens, apud Herwerdum pa-
gum recepta Rheni traditaque vicissim sui parte
cum Vahali miscetur: & continuo servatis no-
minibus suis iterum disjunguntur, & separatim
Lovestinum labuntur: ubi Insulam Bommelia-
nam includunt, atque rursus confluentes con-
junguntur. Cæterum *Neccarus*, inter maximos
fluvios, qui Rheno approximant, connumeran-
dus est. Hic enim *Taxagetam*, *Rotenburgam*, *Tubin-
gam*, *Efingen*, *Camstadium*, *Marpachium*, *Lauffen*,
Heilbrun, *Winpinam*, *Peilsheimium*, *Heidelbergam*, *Lau-
denburgum* præteriens, juxta Mannheim Rheno im-
mergitur. Rora fluvius est non longe à Dusber-
go, cui nomen Roricus filius Clodovæi Franco-
rum Regis dedit, qui in eo submersus est, ut ex
Huniobaldo Abbas Spanheimius scribit. Excur-
rit insuper in Rhenum *Lupia*, qui ad Vesaliam ei-
dem jungitur. Fluvios aliquot Rhenum ingre-
dientes hoc carmine comprehendit Philesius:

*Et Mosam & Mortam, Mortanam, te quoque Sella,
Immittit Gallis divite fonte plagis.*

Hinc Bruscha, hinc Matra, & decurrit origine Sara.

Alsa hinc cum vico, tu quoque Schara fluas.

Idem Philesius omnia flumina in Rhenum se
exonerantia collegit in Regeſtis super Ptole-
mæum. De fluminibus iisdem ita Panegyricus ad
Constantini filium: *Rhenus*, inquit, *superioribus lo-
cis vadofus, exiguus, juxta fontem, ubi vero totus est,
maxime crescit. Hic amnes plurimos, quos Mœnus &
Nicer, (hic Neccarus est) invexerunt, recipit.*

De Rheni ostiis acriter hodie disputatur, pro-
pter diversa veterum hac de re judicia. Ptole-
mæus enim tria Rheni ponit ostia. Tacitus ta-
men non nisi duorum meminit. Vnum est, ubi
Mosæ commiscetur, & Vahalis vocatur: Alte-
rum vero, quo Germaniam prætervehitur, do-
nec Oceano misceatur. Strabo quoque duo ostia
Rheni ab Asinio tradi refert, eosque accusandos
ait, qui plura dicant, idemque Pomponius Mela
sentire videtur. Nostro autem ævo tria Rheni
ostia esse scimus, quorum tertium Isala vocatur.
Vtrum igitur tertium illud ostium Taciti tempo-
re haud fuerit, sed posteriore eruperit tempore;
indagatione nequaquam indignum videtur. Duæ
namque jam Insulæ inter Rheni sunt ostia, qua-
rum una Batavorum & Caninefatum; altera Ve-
lavia dicta est. Duobus alveis Drusus tertium ad-
didit, perfosso ob suas commoditates spatio,
quod Rhenum inter & Isalam interjectum est, &
flumine majore per alienum alveum in lacus ad-
misso. Hinc ortum est nomen Fossæ Drusianæ.
Habemus ergo tria nunc Rheni cornua, dextror-
sum Flevum, qui Ptolemæo est τὸ ἀναπλεῖν ἑρμα,
lævorsum Vahalim, qui Plinio Helius dicitur,
Græcis τὸ δὺλκον ἑρμα, & medium inter hæc cornua
Rhenum, qui per Lugdunum & castra Roma-
norum leni agmine fluens in Oceanum Germa-
nicum se olim exoneravit, ad vicum Cattorum.
Tria illa ostia designavit Plinius, quum dixit,
Rhenum à Septentrione in lacus, ab Occidente
in amnem Mosam se spargere, ac medio inter
hæc ore modicum nomini suo custodire alveum.
Merito ille modicum dixit, nam, abactis per di-
verglum

Neccarus.

Lupia.

De Rheni
ostiis.

vergium Drusianum aquis, factus est Rhenus multo quam antea angustior & exilior: adeo ut quibus religio fuit plura Rheno cornua, quam duo adscribere, ii præterito medio Flevum tantum & Vahalin commemorarent. Atque hoc etiam mihi videtur fecisse Tacitus Annal. 2. Tandem vero etiam obstructo arenis ore isto, quum non sufficerent hauriendis aquis duo illi alvei, eoque perpetuis inundationibus essent expositi, quotquot Batavorum Insulam & extra eam loca depressiora populi habitabant, visum fuit è re publica Rhenum, effossis novis aliquot alveis, præsertim qua jam ipse se exoneraverat, abducere, & aggeribus admotis intra alveos illos constringere. Sic deducta est Lecca, sic Isala, sic elices illi, qui inter Flevum & medium Rheni ostium fuisse olim perhibentur, Egmondæ, Schoreli, Crabbedami, quorum adhuc spectantur vestigia, nisi quis posteriora ista non nisi naturæ opera fuisse malit. Hollandiam (inquit Petrus Nannius) à Frisia olim dividebant æstuaria Oceani aut Rheni, cujus etiam alveus ficcus videtur non procul à pago Schorel, vetusque suum nomen obtinet. Et rursum: Egmondæ ab angusto Rheni ostio, *Engmont* etiam nunc dicitur. Credo quod stagna Rheni ibi suum emissarium in Oceanum haberent. Certe intra secundum lapidem, ad viculum nomine Crabbendam, visitur alveus Rheni qui nomen suum antiquum retinuit, licet à Rheno destitutus. Quando autem medium istud ostium obstructum, & quando Lecca effusus fuerit, ostendit Cornelius Aurelius: Meatum, inquit, fluminis Rheni, qui ab oppido Grinnes prope Dorestadium à tergo nostram Bataviam usque in Oceanum perpetuo decursu alluebat, hoc modo obstructum esse, haud semel ex vetustissimis Trajectinorum Chronicis legimus. Tempore enim Hungeri (qui undecimus à Willebrordo præsidebat Episcopus) quum Dani juxta san-

cti Frederici prophetiam Trajectum, totamque Hollandiam hostiliter devastassent, visæ sunt in cœlo stellæ inter se concurrere, fulgura, Iovisque tela acrius stridere, flumina supra modum augeri & incrementum, quod utique non tantum ad præsens damna inferre, verum etiam & aliqua significare futura Isidorus testatur. Quid multis? tanta Circio flante facta est ex Carwico versus Leidas maris inundatio, ut ad Trajecti mœnia pisces marini caperentur, omnisque Batavia aquis tegeretur, Rheni aquis retrorsum actis, nec in mare se exonerantibus. Hoc igitur malo afflicti, Hollandi, Trajectini, sibi posterisque suis de majore periculo provisuri, deliberato diu censuere decreto, ut ab urbe Dorestadio, ab utraque ripa modici amnis à Rheno deorsum Viennam versus stillantis, Leccam dicunt, aggeres construerent, & in eos effossis rudibus manufacto meatu Rheni fluentia deflecterent. Referunt hæc plerique in annum Domini 860. Hac ergo occasione factum est, ut Lecca & Isala effoderentur. Habuit tamen ea res illud incommodi, quod qui ad medium Rheni alveum magna jam parte obstructo ostio arefactum siti erant, non haberent viam, qua merces suas in Oceanum possent exportare. Quocirca statuerunt effosso transverso meatu huic incommodo mederi. Placuit ei rei Goudam & Woudam exiguos rivos deducere, & cum Isala Rhenoque conjungere, & circa primam Isalæ admissionem ingentibus obicibus repagulis aquas coercere, quibus naves ex Isala in Goudam tuto adveherentur. Cataractis istis ad Isalam additum est telonium & telonio arx à Florentio Comite, Guilielmi Romanorum Regis filio. Illexit autem loci opportunitas multos, ut hic sedem figerent, crevitque paulatim frequentia in justam civitatem, quæ hodie Gouda ab amne isto vel rivo dicitur.

PALATINATUS RHENI.

Origo nomi-
nis.



Palatz Germanis curiam significat, & forum judicarium: Tales autem curiae per universam Germaniam plures olim fuere; qui vero in iis juri dicundo praeerant, dicebantur *Pfaltzgraven*, quasi Praefecti Curiarum, ad quos daba-

Antiquitas.

tur in rebus arduis provocatio. Itaque in speculo Saxonico diserte lego, *Qualibet provincia Teutonice terrae suum habebat Palantzgraviatum, Saxonia, Bavaria, Franconia, Suevia.* Hoc ergo sive à Romanis petiit, qui suos in provinciis Praefides, Duces, Comitesque habuerunt, sive docente necessitate & rerum usu introductum, sequuti sunt etiam in sua Republica veteres Germani. Apud Otfridum quoque praetorium vocatur *Palinzhus*, quasi dicas domum curialem, aut *δικαστήριον*. Tales curiae in Polonia sunt hodie Lublini & Petricoviae, quibus alternis semestribus jus dicitur. In Saxonia vero quinque fuisse istiusmodi curias testatur autor Speculi Saxonici; *Quinque*, inquit, *civitates quae Palantiae dicuntur, in Saxonia inveniuntur, in quibus Rex legitimis debeat curiis praesidere: Prima dicitur Crona, Werliz secunda, quae modo in Goslarum translata est: Walhausen tertia; Aistede quarta; Quinta Merseburg nuncupatur. In ea septem feuda vexillorum sunt definita, Ducatus Saxoniae & Palantiae.* Neque dubium est, quin sub Imperatore Constantio, res adhuc in Germania gerente Iuliano, tales Pfaltzæ fuerint, & earum praefides Pfaltz-gravii dicti sint, plane ut à burgis, hoc est castellis, Burgravii, à provinciis Lant-gravii; à limitibus five marcis Marchgravii. Itaque narrat Ammianus Marcellinus, Romanum militem in prima Germania supra Moguntiacum agentem transmissio ponte Rheno in Allemannos excursionem fecisse, ac Hortarii quidem Regis, qui proximus anni degebat, terris pepercisse, quod is socius haberetur; properantes vero ad interiora, *ubi terras infestorum attingere Regum, usque omnia & rapuisse, perque medium rebellium solum grassatos esse.* Postquam vero ventum est ad regionem cui Capellatii vel Palas nomen est, *ubi terminales lapides Allemannorum & Burgundorum confinia distinguebant, castra illic posuisse, & Maurianum atque Hariobaudum fratres suscepisse.* Hisce inquam verbis non est dubium quin talis curia significetur. Ceterum qui ab Ammiano Heidelbergam designari putant, magnopere falluntur. Palas enim Ammiani fuit in interiore Allemannia, non Rheno vicinus: tria quippe notantur ab ipso locorum discrimina: Primum est regnum Hortarii ad Rhenum, ad quem forte potest referri Heidelbergensis tractus: Tum interiorius adhuc, terrae infestorum Regum, quas Iulia-

Germania.


nus depopulatus est: Denique ulterius, Palas, quod ipsum in collimitio dicitur fuisse Burgundorum & Allemannorum; quod quidem ita capiendum est, ut per Allemannorum regionem diu profectis, occurrerint tandem noti illo tempore limites Burgundionum, ad quos Palas sive curia judicandis decidendisque litibus exstructa fuit. Quae certe Heidelbergæ non conveniunt. Apud Romanos Palatina officia vocantur, quae ad Imperatoris Palatium spectant: adhibitaque est eadem vox postea ad designandum in Germania munus istud judicarium; itaque Palatini in Andechs, Palatini à Schiern, à Wittelsbach, Palatini à Dachau, Palatini à Vallar, & Palatini Thubingenenses leguntur in historia. Est & Palatinatus Saxoniae perantiquus. Et ad hastiludium, quod Tiguri olim institutum fuit, feruntur xxxiv Palatini diversis è locis convenisse. Est etiam ad Rhenum aedificium quod Pfaltz vocant, *bey Caub*, cui Pfaltzgravium aliquem praefuisse opinio est. Progressu tamen temporis eminuit inter omnes Palatinatus Rheni, videturque ejus Comiti id primum arbitrio Imperatorum, postea etiam hereditate concessum esse, ut juri dicundo supra omnes, vice Imperatoris praesset, modo ut inspector Ordinis, modo ut Collegii ad Wormatiam aut Spiram residentis caput; eoque factum est, ut ad ipsum, tanquam ad oraculum totius Germaniae, gravissimae controversiae semper fuerint delatae. Est autem Palatinatus alter superior in Bavaria ad Danubium, alter inferior ad Rhenum. Hic ad Occasum Ducatu Bipontino terminatur; ad Ortum Franconia & Ducatu Wirtembergico; ad Septentrionem est Moenus; ad Meridiem Alsatia. Mediam regionem Rhenus interluit: eoque fit, ut partim sit Cisrhenana, partim Transrhenana. Hanc Nicer seu Neccarus fluvius, rursus secatur.

Palatinatus
duplex.

Fines hujus.

Illud tamen notandum, Veterem Palatinatum, Heidelbergam versus, ne decimam quidem illarum urbium partem continuasse, sed à vicinis sibi Episcopatibus, Ducatibus, Comitatibus & temporum vicissitudinibus, bellorum casibus, matrimoniorumque contractibus maximam sui partem adauctum esse. Porro Electoralis praefectus Palatinatus praefecturas immediatas (sub Electore) quas *Oberampt* vocant, habet has, Heidelberg, Mosbach, Breston, Starckenborg, Oldenbergh & Boxperg cis Rhenum: trans Rhenum quinque sunt, Gernersheim, Neustadt. Simerensis Ducatus, praefecturae quatuor majores: Abiheim, Oppenheim, Bacharach, Simeren, Creucenach, Lautenis, Strombergh, Etmumbres & Pollanden, Bockelheim, Kockenhausen, Wolfsstein. Ducatus & Stirps Bipontina habet (primogenitus scilicet) praefecturas quatuor: Zweybrücken, Bergzabern,

A a a a a



zabern, Meisenheim, Liechtenberg; reliquæ Linæ tenent suas porciones, ut Lautereck, Birkfeld, Luzelstein, &c.

Heidelber-
ga.

Principum Palatinorum sedes est *Heidelberg*, ad Nicrum amnem, qua se montes in planitiem pandunt. Aliquando sub Episcopo Wormaciensi fuit. Sed ex quo eam Palatinus in feudum accepit, sedes Principis facta est, qui acquisitis longe lateque ditionibus, eam metropolim omnium illarum esse voluit. Sunt qui eam Ptolemæi *Budorim* esse existiment. Nomen ipsi vel à Paganis & Gentilibus, qui *Heyden* Germanis dicuntur, ut sit quasi Paganorum mons, *Heydenberg*: vel à nobilitate, quasi *Edelberg*; vel à vacciniis, quasi *Heidel-beer*. Paulus Melissus Francus, Poëta egregius, à myrtis eam dictam existimavit, quasi myrtorum urbem. Itaque sic eamloquentem fingit:

Heidelberg vocor, myrtilli vescula dona

Monte sub arbofo mi tribuere notam.

Civitas ipsa magnifica est & elegans. Ager vicinus omnium rerum ad vitam necessariorum est ferax: montes quippe vineis & castanetis, ager segetibus, silvæ feris, amnes piscibus, valles fontibus abundant. Commendat ipsam imprimis arx monti imposita, Principum domicilio, struaturæ splendore, situs amenitate, firmitate operis nobilis. Ex ea in urbem subjectam, vicinamque omnem regionem patet prospectus. Fuit quondam & alia arx in vicino montis jugo, cujus ostentantur parietinæ, sed ea fulmine tacta subito dissiliit, quum pulvis bombardicus, qui in ea asservabatur accensus, tecta, muros, trabes disjecit, ingenti cum fragore, nec parvo arcis infra positæ urbisque incommodo. Pons ligneus flumini impositus haud exiguum adfert urbi ornamentum: est enim tam affabre exstructus, ut peritissimorum etiam Architectorum curiositatem exerceat. Armamentarium instructissimum tormenta bellica & omnis generis instrumenta Martia in se habet. Templum quoque sunt illustria. In foro præcipuum sacrum est Spiritui S. habetque tum Principum aliquot sepulturas, tum Bibliothecam omni genere librorum instructam, cui post Melissum præfectus fuit vir literatissimus Ianus Gruterus. Magna ad eam accessio optimorum librorum facta est per Fuggeros. Post captam à Cæsare Heidelbergam, pulsumque sedibus avitis Palatinum Comitem, tota Bibliotheca Romam translata est. Alterum B. Petri templum in suburbio minus quidem est, sed perquam elegans. Anno 1345 condidit Heidelbergæ Rupertus Comes Palatinus Academiam ad exemplum Scholæ Parisiensis. In sacello Franciscanorum situs est Rudolphus Agricola, cujus monumento Viglius Zwichemius Frisius versus insculpi curavit factos ab Hermolao Barbaro:

Invida clausurunt hoc marmore fata Rudolphum

Agricolam, Phrisii spemque decusque soli.

Scilicet hoc viro meruit Germania laudis

Quicquid habet Latium, Græcia quicquid habet.

Creutzen-
bachium.

Creutzenbachium ad Nahum fluv. sita urbs, perverstum castellum adjunctum habet, olim *Staurone-sum* dictum. Olim Comitibus Spanhemiiis paruit, à quibus ad Palatinos ejus possessio derivata est. Duo quoque illic tum temporis erant

Cœnobîa, quorum alterum Carmelitarum, postea in Scholam seu Gymnasium conversum est. Ecclesia Cathedralis in insula sita est, quam Nahus fluv. efficit; unde à Cruce, quæ ante templum, & Naho nomen Crucenachi venisse aliqui autumant. Quicquid de eo sit, res non magni momenti est. Huc anno 1504 Abbas Trithemius, bello inter Palatinos & Bavaros fervente, se cum Cœnobii Sponhemienfis Bibliotheca contulerat, cui parem Germania tunc temporis non habuisse fertur. Spectanda hic sunt Curia seu Domus Publica, Aula Palatina, & Statua, quam Ioannes Comes Spanhemius Ianioni Crucenachienfi Michaëli Mortæ erexit, gratitudinis suæ & virtutis ejusdem pariter monumentum: Hic enim in prælio Dominum suum undique hostilibus armis cinctum videns, confestim illi succurrit, & interfectis plusquam viginti ex hostibus viam patefecit Domino, qua se ad suos reciperet, & oppressus tandem multitudine hostium, & suorum vulnerum in genua lapsus quinque adhuc virorum mortem suis ipse manibus parentavit: factum hoc anno 1279, prope Geutzingam. Anno 1620 urbs à Spinola capta est, & retenta, usque dum Gustavus Adolphus Suecorum Rex eam cum Friderico Electore Palatino oppugnaret, tandem & suæ potestati subjiceret.

Franckenthalia, urbs valde recens duobus mill. *Francken-
thal.* Wormatia distat. Tempore Buggonis Episcopi Wormatiensis, anno 1135, Eckenbertus Camerarius ex divenditis suis bonis duo Cœnobîa hic struxerat, quorum alterum Monachis S. Augustini Regularibus, alterum ejusdem Ordinis Virginibus concessit. Tempore deinde Belli Belgico-Gallici Fridericus III hic urbem condidit accurrentibus plurimis nobilibus & mercatoribus Belgis, qui postmodum serici & pannorum mercatura eam eximiè auxerunt. Nec defuit hisce urbis incrementis gratia Principis: quippe multis eam privilegiis ornavit, & Prætorem, Consulem & Scabinos urbi dedit, & ut regiminis aliquam formam in ea conderent, jussit. Dedit quoque in insignibus Triangulum in campo rubro, quem unicus leo sustinet. Filius quoque Friderici, ut indies urbem augeri vidit, vallo fossisque circumduxit, & pluribus privilegiis dotavit. Ejus successores Fridericus IV & V, adhibitis viris militaris artis peritissimis, eximia munimenta addiderunt. Exinde diu floruit, usque dum bello inter Fridericum & Imperatorem orto in Hispanorum, dein bello Suecico in Suecorum, & tandem iterum in Hispanorum manus venerit; donec anno millesimo sexcentesimo quinquagesimo secundo juxta conventus pacis Monasteriensis Carolo Ludovico Electori Palatino ab iisdem restituta est.

Manhemium ad confluentes Rhenum & Neccarum sita urbs 2 mill. infra Heydelbergam, ad Valentinianum Cæsarem foundationis suæ originem refert. Castellum ibi pervetustum fuit, in quo Elector Ludovicus precibus Imperatoris Sigismundi & Concilii Costancienfis inductus Balthasarem Cossam sive demotum Papam Iohannem XXIV, diu detinuit. Anno 1606 Fridericus IV Elector Palatinus novum ibi suis terris munimentum exstruxit, cujus primum lapidem posuit

Oppenheim

Kayser-
lautern.

Ladenburg

posuit die 17 Martii valde turbulento, ita ut ingenti vento arbores radicitus extirpatæ, & multi currus in terram dejecti sint: quod plurimis felix augurium visum fuit. Imperfectum opus morte Principis successor filius Fridericus V perfecit; ita ut anno 1622 per sex septimanarum spatium sub Duce Horatio Veer Anglo, contra Hispanorum vim defenderit, coacta tandem omni auxilii spe amputata sese dedere. Postea à Wimaricis stratagemate occupata, & à Cæsareo-Bavaricis recuperata est.

Sunt multæ præter jam memoratas aliæ urbes, è quibus præcipuas quasdam carpemus. *Oppenheim*. *Oppenheimium* Rheno adsitum editiori in colle tribus mill. Moguntia distat; multi ex optimi nominis Geographis veterum *Bonconicam* sive *Bauconiam* fuisse volunt: aliqui porro Iulio Cæsari aut Druso, alii Probo, Valentiniano aut Gratiano ejus foundationem attribuunt. Quicquid inde sit, dubium saltem nullum est, quin pervetusta sit. Fuit olim urbs Imperio Romano subdita, sed à Ruperto Imperatore, filio suo Ludovico Comiti Palatino Rheno cum Ingelhemmo & Cæsaris Lutra concessa, expensis prius 100000 florenis. Urbs hæc ameno loco sita, & fertilissimis agris & vinetis circumdata, aëre clementi & salubri fruitur, unde hic multa nobilitas. Templum S. Catharinæ satis magnum, pulchritudine omnia quæ fere ad Rhenum inveniuntur templa excellit, duos Choros, unum ad Orientem, alterum ad Occidentem habens; à Gerardo Archiepiscopo Moguntinensi anno 1258 exstructum. *Kayfers-lautern*. *Cæsaris Lutra* sylvæ nunc *Walgow*, olim *Vofago* dictæ adjacens, olim *Cæsareæ* nomen habuit, ut existimat Freherus, idque ante Friderici Barbarossæ tempora, qui Palatium in ea exstruxit: hoc recens Lutræ nomen Lutra amnis dedit, qui urbem humectans in lacum Cæsareum, *der Keyser weg*, se exonerat, piscium omni genere refertum; & in quo anno 1497 lupus lucius 19 pedes longus captus est, & Philippi Electoris mensæ impositus, annum agens 276, à Friderico II Imperatore huic lacui anno 1230 impositus: Asservatus fuit æneus annulus in rei memoriam Heidelbergæ, cui hæc verba Græcè inscripta erant: ego sum primus piscis, qui lacui huic impositus est manu Fridericii II, 5 die Octobris anno 1230. *Ladenburg*. *Ladenburgum* veterum *Loboduna*, vel *Lupoduna*, Romanorum Castrum, vetustate nulli ex circumjectis urbibus cedit. Multa hoc demonstrant antiqua monumenta, in vinetis effossa, inter quæ & hoc in Episcopali palatio ante aliquot annos cernebatur: *Iunoni Reginae, Minervæ Deæ, pro salute & incolumitate DD nostrorum, Diocletiani, Maximiani feliciff. Augustorum Constantii & Maximini nobb. Cæsar. civitas, &c.* Aufonius quoque ejus hisce versibus meminit:

*Hofibus exactis Nicrum super & Lupodunum
Et fontem Latius ignotum annalibus Istri.*

Regem Dagobertum ferunt urbem hanc Episcopatu Wormatiensi concessisse; in cujus potestate diu fuit, donec tandem Rupertus Senior Comes Palatinus mediam urbem & agri Lobodunensis (in quo tunc temporis septuaginta pagi) partem à Spanhemis Comitibus redemit, quibus illa obærata erat. Ita divisa inter Wormania.

tiensem Episcopatum & Palatinos Comites jurisdictione, qui ibidem post ante Heidelbergam conditam in Palatio judicia aulica exercuerunt. Bello Bohemico & dein Sueco-Germanico urbs hinc & inde sæpius expugnata est. *Germershemium* parva quidem, sed munita urbs, cum medio-^{Germershem.} cri arce, olim *vicus Iulius* dicta fuit, Germerio alicui ex Francorum genere olim parens; cujus adhuc nomen retinet. Aër hic non satis purus, ob vicinam paludem & excrementa Rheno; soli fertilitas autem satis felix est: *Bretta* in districtu ^{Bretta.} Craichovienfi sita, olim Marchionum Badensium fuit, qui eam cum omni sua jurisdictione Palatinis Comitibus vendiderunt; quorum ditioni adhuc annexa est, & quasi clavis Palatinatus habetur. Solum circumcirca frugibus, vino, pratis, aquis sylvisque abundat. Maximæ tamen hæc urbs eo æstimatur, quod per hanc omnes Veretis, Augusta, Vlma iisque vicinis urbibus delatæ merces Francofurtum devehantur, & cursores, quos postas vocant, ex Hispania & Germania in Italiam eant & redeant. *Alceja*, sive *Altzeia*, ^{Alzei.} non incelebris in Palatinatu urbs, arcem habet in planicie sitam, Ecclesiam Cathedralem, & cœnobium ordinis S. Augustini: sedes est Burggraviorum; in qua jam 50 annos Barones à Winneberg Burggravi fuerunt. Ager vicinus ab hac urbe nomen mutuatus, adeo excellit frugum & vinorum proventu, ut post Alsatiæ Germaniæ optimus censeatur. *Philippiburgum* sive *Vden-* ^{Philippiburg.} *hemium*, cum adjuncto castello, ad Rhenum situm est, non longe Heidelbergæ distans, propius tamen Germershemio; à Gerardo Episcopo Spirensi cum consensu Imp. Ludovici Quarti è vico in urbem mutatum, & vallo fossisque cinctum est; donec illud Episcopus Spirensis Philippus Christophorus à Söthern, postea Elector Trevirensis, ad normam hodiernæ fortificationis fortissimè munivit, & ex suo nomine, in honorem S. Philippi Apostoli, Philippiburgum appellavit.

Accensentur etiam Palatinatu, quamvis sui <sup>SIMMER-
REN DV-
CATVS.</sup> juris Ducatus Simmern, Bipontinus, Comitatus Sarbruchen, & urbes Imperiales Wormatia & Spira. Ducatus *Simmeren*, à capitali urbe Simmeren nomen mutuatus, in Hunnicis jugis situs est. Pignoris olim loco Imperator Rupertus illum acquisiverat à quodam Comite illis in jugis comorante, quem deinde emptione Palatinatu in perpetuum adjunxit. Mortuo Ruperto filio ejus Stephano hic Ducatus obvenit, è quo Simmerica Electoralis linea ortum ducit: & in eo Fridericus III, qui post Senioris decessum è Ludovico Barbato progeniti, anno 1559 ad Electorum pervenit. Urbs ipsa *Simmeren* à *Simera* fluvio nomen habet, qui nunc, quod auri ramenta arenæ immixta secum trahat, Aureus Amnis, *Guldenbach*, vocatur. Anno 1631 à Suecis mensè Decembri occupata est. Est & in hoc Ducatu urbs *Bacharachia*, seu potius *Bacchi Ara*, ut veteribus dicta fuit, in Rheno ripa excellis montibus adita, & vinorum delicatissimorum proventu celeberrima. Hinc est, quod Romani sub Druso vel Germanico huc pervenientes, percepta vini præstantia, Aram Baccho posuere in medio Rheno fluente, quæ ex quadrato lapide præ-^{Bacharach.} grandis,

B b b b b

Kirchberg.

grandis, nunquam tamen nisi sicciore paululum Rheni alveo conspici potest, quod incolis fecundum insequentis anni proventum certissime significat. Conspicienda hic se offerunt castellum in monte positum; fons aquæ acidus in proxima valle, & turris Palatina in medio Rheno exstructa. *Kirchberga* vero, quamvis proprium Comitatum constituat, huic Ducatui nihilominus adscribitur. Defecit Comitum Stirps in Gerardo anno 1408; quia vero feudatarii erant Palatinatus, recidit Comitatus ad Dominum feudi Imp. Rupertum. Oppidum hoc modicum est, & mediocribus structuris ædibusque spectabile. Expugnatum anno 1632 à Suecorum Generali seu Duce, Ringravio Othone Ludovico, trucidatis centum quadraginta Italis & Burgundionibus. Eiusdem autem anni insequente æstate Sueci muris valloque oppidum nudavere, nimis alias frequentibus partium mutationibus ex imbecillitate obnoxium.

ZWEY-
BRUCKEN
DVCATVS.

Iacet *Bipontinus Ducatus* in regione Vosagica, quam Germani olim *Wasgow* & *Westerreich* appellarunt. Divenditus est hic Ducatus, (antea vero tantum Comitatus) Imp. Ruperto Comiti Palatino pro 25000 florenis ab Eberhardo quodam Bipontino Comite. Accepit Ducatum Stephanus filius Ruperti, ibidemque circa annum 1411 sedem suam constituit, cum conjuge Anna, Frederici Comitis à Veldentz unica filia & hærede. Adnumerantur huic Ducatui Comitatus Veldents, Dominium Kirckel, Arx Wegelburg, Newcastle, & quædam minora oppida: unde vero urbs *Zweybrucken* nomen habeat, facile conjicere licet; sita enim ad duorum fluviorum confluentem, ex instratis olim utriusque pontibus appellationem traxit. Arbitrantur aliqui Drusum Imp. Augusti privignum hoc in loco arcem seu castrum aliquod condidisse, è quo deinde hæc urbs enata foret. De hoc tamen nihil certi constat.

SARBRUC-
KEN.

Sarbrücken in Westrasia urbs cum arce Comitum Nassoviorum à Sarbrucken sedes est. Arx elegantissima est, multis atriis, cænaculis, aliisque eximiis structuris magnoperè adornata. Sita est urbs in medio flumine Saravo seu Sarro, unde illi nomen; Sarbrücken enim Latine Saravi seu Sarrae pontem sonat. Accessit hic Comitatus Nassoviis per conjugii hæreditatem. Exinde Comes Iohannes Nassavius Sarrapontinus cognatos suos Albertum & Philippum hæredes testamento instituit: cujus deinde filii Comitatum possederunt.

Spira.

Habuisse hoc loco Nemetes olim oppidum constat, sed de nomine ejus nihil certi est: nisi hoc unum, Spiram illud vocatum non fuisse. Nemetum enim civitas regionem totam significavit. Et testantur fana Mercurii, Veneris, Dianæ, aliorumque Gentilium deorum antiquam ejus originem. Qui putant esse Ammiani *Ad Pyrum*, quos inter Heroldus, non observant, *Ad Pyrum* in Germania Transrhenana fuisse, solo Barbarico: quum Spira sit in Gallia Belgica. Vidit id Irenicus, qui propterea statuit *Ad Pyrum* esse Heidelbergam. Ego crediderim dictam fuisse *Augustam Nemetum*. Et occurrit apud Æthicum talis appellatio. Fuisse autem hic veterem Episcopatum,

apparet ex Actis Synodi Colonienfis, quibus anno 348 interfuisse legitur adversus Euphratem Arianum Iessius Nemetum Episcopus. Sed tunc quidem sæculo aureo Christianitatis præter pietatem & curam gregis nihil supererat pastoribus. Pipinus Rex primus dicitur Episcopatum latifundiis & proventibus auxisse, ac post eum Conradus Secundus Saliquus, qui etiam oppidum Bruchselam cum tota regione Brureinensi Episcopatui donavit. Cœpit quoque idem templum illud augustum exstruere, quod filius ejus Henricus Tertius ad finem opere consummato perduxit. Eopse vero quo Spirensis templi fundamentum jecit die, suis quoque manibus Cunradus primum lapidem posuit Monasterii Benedictini, secundo extra urbem milliari, ubi antea fuerat arx Limpurg: sub hæc tempora ferunt Rutgerum Episcopum ex vetere familia Hutzmannorum urbem ampliasse, pagumque Spirensis extra muros ad amnem ejusdem nominis mœnibus inclusisse, atque ex eo novæ urbi novum quoque nomen indidisse. Ita abolita veteri appellatione Spira dicta est. Anno 1333 celebravit hic Comitatus Imperii Ludovicus Bavarus. Anno 1526 convenere eodem Imperii Proceres, & renovaverunt Wormatiensē edictum; sed intercedentibus Saxoniarum Duce & Lantgravio Hassiæ cum aliquot Germaniarum civitatibus, dilata est executio in publicum nationale vel Oecumenicum Concilium. Anno 1529 rursus fuit, in hac urbe conventus Imperii, quo cum abrogato priore edicto Spirensi Wormatiensē illud esset repetitum, protestati sunt contra Proceres Luthero addicti, & ob factum illud vocati sunt *Protestantes*. Sed imprimis ingens urbi decus accessit, quum Tribunal Forensē, quod antea Imperatorem sequi consueverat, quodque postea Maximilianus I instituto Francofurti erectum, atque inde Wormatiam translatum fuerat, tandem Spiræ figi cœpit, anno 1530, ubi adhuc ingenti Reipub. Germanicæ bono servatur. Præsidet in eo semper vel Comes, vel Episcopus: Iudicant Generosi duo cum delegatis à Moguntino, Trevirensi, Colonienfi, Palatino, Saxone, Brandenburgico singulis, Cæsareis duobus, Austriaco uno, Burgundico uno, Francicis duobus, Bavaris duobus, Suevicis duobus, Rhætiæ superioris duobus, inferioris totidem, Saxonice duobus. Ordinarii adjecti sunt ab Electoribus Ecclesiasticis unus, à Sæcularibus unus, à Francico, Bavaro, Suevico, Rhætiæ Superioris, Rhætiæ inferioris, & Saxonicis, singuli. Post hos sunt Advocati, Procuratores, Protonotarius, Notarii, Ingrossistæ, Magister nunciorum, Lectores, Nuntii, Famuli Cancellariæ, aliique. Imprimis visendus est Spiræ mons Oliveti adfabre factus. Cæterum de urbe sic David Sigemundus:

*Qua Nemetum Rheno miscetur Lutarus urbe,
Imperii surgit nobile Spira forum.
Quæ sex Cæsaribus tribuit commune sepulchrum,
Francorum summi quos genuere Duces.
Totius hæc regni communia jura tuetur.
Hic sua Romanus fœdera Cæsar habet.
Gnosius hic Minos leges, hic Æacus urnam,
Quas solvat lites hic Rhadamantus habet.
Huc veniat prisco Gracchus revocatus ab ævo,*

Aut

Wormatia.

Soli fertili-
tas.

*Aut legum fulmen Scævola, mutus erit.
Tanta ibi dicendi gravitas, & copia legum,
Tanta viget rerum gloria, tantus honos.*

Wormatia. Wormatiam sic describit Ligurinus libro I, agens de Friderico Barbarossa,

*Wormatiam petiit, medio quæ gurgite Rheni
Gallica Germanis opponit rura colonis,
Vtraque vinetis exuberat, utraque pomis,
Piscibus, atque feris, & cunctis rebus edendis.*

Otto Frisingensis eum tractum sic depingit, Imperator proximum natale Domini Wormacie celebravit. Ea namque regio, qua Rhenus nobilissimus fluvius, ex trium Europæ nobilissimorum fluviorum unus interfecat, ex una ripa Gallia, ex altera Germania limes, frumento & vino opima est, venationibus & piscationibus copiosa. Habet enim ex parte Gallia vicinum Vosagum & Ardennam, ex parte Germania silvas non mediocres barbara adhuc nomina retinentes. Nomen Wormatiæ videtur per contractionem formatum ex vetere Bortetomagi, quod Ptolemæo est Βορτετμαγῶν, Antonino Bormitomagus: fuit autem Vangionum quondam civitas, dictaque est ipsorum specula: sed everfa primum à Vandalis, Duce Godegesilo, post ab Atila, non ante Clodovei Francorum regis tempora restaurata est. Everfionis illius à Vandalis factæ meminit quoque Hieronymus epistola undecima: Moguntiacum capta atque subversa est, & in Ecclesia multa hominum millia trucidata. Vangiones longa obsidione deleti. Dagobertus etiam Palatium hic habuisse dicitur, quod postea Ducum Vangionum Prætorium fuit. Sed quum lapsu temporum abiisset in receptaculum latronum, præsertim sub Ottone Duce, visum fuit Henrico II è republica, suadente Burchardo, Episcopo, civitatem illam transferre Bruxellam, eoque oppido jus suum quod in urbe habebat, permutare. Tunc ergo mutatum est Palatium Ducis in monasterium, ex quo postea facta est Ecclesia Collegiata, quæ dicitur S. Pauli. Exstat privilegium Imperatoris Friderici Barbarossæ, quod anno Christi 1180 Wormatiensibus civibus dedit honorificum & amplum. Fuit autem hic initio sedes Archiepiscopalis, quæ postea translata est Moguntiacum. Anno 348 legitur hic fuisse Episcopus Victor, qui Coloniam profectus, etiam interfuit Synodo illi quæ habita est movendi Episcopatu Euphrathis Ariani causa. Nulla vero est Germaniæ civitas in qua frequentius de Republica & rebus Ecclesiasticis conventus acti sunt. Antiquissima non commemorabo. Anno 1521 Carolus V Comitiam habuit Wormatiæ, ad quæ evocatus est Lutherus rationem fidei suæ redditurus, & librorum à se editorum. Anno 1560 Colloquium Wormatiæ institutum est inter Theologos utriusque partis ad dirimendas controversias in religione obortas.

*Soli fertili-
tas.*

Inter Wormatiam, Heidelbergam, Neostadium, Crucenacum, Oppenheimium generosissimæ sunt vites. Nec totus hic tractus ulli Germaniæ territorio soli ubertate & amœnitate cedit. Flumina maxime celebrata sunt Rhenus & Necarus. Hic prope Ladeburgum Rhenus immergitur, piscium, & imprimis mullorum fœcundus. Inter silvas habet Ottonicam, partem Hercynii saltus.

Latitudine sua excurrit à Neccaro usque ad

Mœnum, longitudine à montana via, quam vulgo Bergstraet vocant, usque ad fluviolum ignobiliorem Tuberum. Pertinet ad sextum circulum Imperii, qui est quatuor Electorum, Palatini scilicet Rheni, & trium Archiepiscoporum, Moguntini, Trevirensis, & Colonienfis; tum civitatum liberarum, ut sunt Moguntia, Colonia, Treviri, Gelenhaufe. Principum & Dominorum Palatini cum suo territorio, Comitum Nassaw & Beilstein, Domini in Reifferscheidt & Rheineck: Præfecti Ordinis Teutonici Confluentiæ: Abbatibus S. Maximini, juxta Treviros: Præpositi Seltzensis, Domini in Nider Eisenburg.

S E R I E S

COMITVM PALATINORVM.

I Rupertus, Ruperti fil. Adolphi N. magni & exaggerati animi vir fuit. Eo juvene adhuc factus est imperator Wenceslaus, totumque imperium bellis civilibus conturbatum, Helvetico inprimis & Suevico. Cæso autem ab Helvetiis Leopoldo, convenere tres Ruperti Ambergæ, & fœdus inter se sanciverunt, quo comprehensi sunt etiam Albertus Ludovici Imperator. filius, Comes Hollandiæ, nepotes Imperatoris, Stephanus, Ioannes & Fridericus. In hoc bello maximè emnuit virtus Ruperti istius adversus Wenceslaum; quæ etiam non infima causa fuit cur in Romanorum Imperatorem eligeretur. Habuit quidem ille multos liberos, eoque factum est, ut ditio ejus in minutas portiones distributa sit, sed aliorum excessu omnia ad Stephanum & Ludovicum tandem devoluta sunt. Ejus filia Margareta nupta est Carolo Lotharingiæ Duci: Elisabetha Friderico Austriaco, Agnes Adolpho I Cliviorum Duci. Filius Pipan Imperatori Sigismundo adfuit in Hungaria, quum adversus Turcam pugnaret.

2 Ottoni obvenit Mospachium ad Nicrum flumen, cum Neumarkia in Bavaria. Successit ei filius Otto: quo sine liberis extincto, rediit omnis ea ditio ad Principem Electorem. Friderico cessit Ambergæ; qui quum & ipse prole legitima careret, revoluta est quoque ejus portio ad Electorem Palatinum. Ioannes possedit Neoburgum, non Danubianum, sed illud quod in limine est silvæ Bohemicæ: Extruxit cœnobium Gnadebergam; Filium habuit Christophorum Daniæ regem, ex filia Ducis Pomeraniæ, quam ipse uxorem duxerat. Post hujus obitum pars quoque illa Bavariæ delapsa est ad Palatinum.

3 Stephanus Ruperti filius fuit, à quo post quartam progeniem Electoratus Palatini dignitas devoluta est ad Fridericum III, qui Dux fuit Bipontinus, Siburgensis, & Zimmerensis: uxor ipsi Anna, filia unica Friderici Comitum Veldentzensis & Spanheimensis; ex qua liberos quidem plures habuit, sed non omnes paternæ ditionis hæredes, quibusdam vel extinctis præmaturè, vel ad Ecclesiasticos honores promotis: Ruperti quoque Pipan Ottonis filii uxor, post mariti obitum, ducta studio augendi Palatinatum, quintam

quintam partem ditionis suæ legavit Ludovico Barbato.

4 *Ludovicus* Barbatus Ruperti filius, Elector Palatinus in Consilio Constantiensi exequutor fuit decretorum Imperialium. Hic tandem profectus Ierofolymam luminibus orbatus est ante obitum. Vxorem habuit reginam Cypri, ex qua tres liberos genuit, Ludovicum Manfuetum, Fridericum, & avo cognominem Rupertum.

5 *Ludovicus* Manfuetus uxorem duxit Margaretam, filiam Amedei Ducis Sabaudia, (qui quum seculo renuntiasset, in Concilio Basileensi electus est in Papam:) defunctus est juvenis admodum, an. 1449, relicta conjuge gravida, quæ postumum enixa est Philippum. Margarita illa quum duceretur Ludovico, vidua fuerat regis Siciliae Ludovici, & post Palatini obitum tertium maritum habuit Vdalricum Comitem Wirtenbergicum, quicum postea Fridericus bellum gessit. Anno 1460.

6 *Fridericus* Victoriosus defuncto fratre Ludovico, filii ipsius Philippi tutor fuit. Ejus monumento inscriptum est hoc elogium Heidelbergæ, *Fridericus Bavarie Dux, Comes Palatinus, Elector, salus Patria, prædonum fulmen, tres illustres hostes vicit, Episcopum Metensem, Carolum Marchionem Badensem, & Vlrucum Wirtenbergicum, Principatum auxit, & pie vivis excessit. Fuit ejus vita sociæ virtus, gloria mortis comes.* Filius ipsi fuit Ludovicus Comes in Lowensteyn nothus, cujus tamen matrem in ipso mortis articulo uxorem duxit.

7 *Philippus* Ingenuus Elector Palatinus uxorem habuit Margaretam filiam Ludovici, vel, ut alii volunt, Georgii Divitis. Instituerat autem Georgius ille Philippi filium Rupertum hæredem, data ipsi insuper filia sua, cum Bavarie parte dotali. Displicuit hoc factum Maximiliano Imperatori, qui Alberto II Bavarie Duci genero suo favebat impensius. Proscripsit ergo Philippum. At is adjutus Bohemorum auxiliis jura sua gnaviter defendit. Victus tandem intercessionem Friderici Ducis Saxonie, hoc obtinuit, ut Ruperti filiis (nam pater interea obierat) Neuburgensis tractus omnis inter Danubium & Nabum concederetur. Acta hæc Coloniae, anno 1505, nec multo post excessit è vivis Philippus.

8 & 9 *Ludovicus* Pacificus & *Fridericus* Pius Palatini fratres, Philippi filii, placide composuerunt dissidium quod inter ipsos & Wirtenbergensem Ducem diu intercesserat. Magna autem Friderici & excellens virtutis ac prudentiæ fama fuit. Anno Christi 1519 missus est in Hispaniam ad Carolum V, ut decretum Septemvirale de ipsius electione ei significaret. Idem quoque à Carolo præfectus est Iudicio Camerae Imperialis, & in conventu Spirensi Legatum Cæsaris egit. Anno 1529 in Comitibus Spiræ celebratis dux belli adversus Turcas electus est. Ac triennio post auspicii Ferdinandi res gerens, 15 Turcarum millia fudit prostravitque, Duce etiam ipsorum Cosono interempto. Anno 1541 præses & moderator fuit colloquii inter Theologos habiti Ratisponæ. Ac biennio post extincto Ludovico fratre Electorali quoque dignitate auctus est. Religionem in suis ditionibus mutavit. Obiit Hei-

delbergæ an. 1556. Vxorem habuit unicam Dorotheam Christiani Secundi Regis Daniae filiam.

10 *Friderico* Pio successit *Otto Henricus* Ruperti Virtuosi filius, natus anno 1502. Vxor ipsi fuit Susanna filia Alberti Ducis Bavarie: obiit anno 1559, nec reliquit post se prolem. Ejus frater Philippus Bellicosus sub Carolo V militavit in Italia contra Gallos. Deinde in obsidione Viennensi anno 1539 fortiter Turcam repulit: obiit anno Christi 1548.

11 Extincta Ludovici Barbatii sobole, devolutum est Electoralis Palatinatus jus ad Stephani Bipontini, qui Ludovici frater fuit, posteros: in his proximus fuit *Fridericus* Ioannis fil. Ioannis N. Friderici abnepos, *Dux Zimeria*, qui ejus nominis Tertius Elector & Archidapifer factus est, anno Christi 1559. Vir citra controversiam magnus; sed qui prudentiam ad pacis artes & pietatem potius quam ad bellicas actiones retulit. Vxores habuit, priorem, Mariam filiam Casimiri Marchionis Brandenburgici; secundam Ameliam Comitissam Meursensem. Militem in Galliam misit, ductu agnati sui Wolfgangi Comitum Palatini Biponti, anno 1571, qui in ea expeditione obiit, octava die Junii: quem Fridericus quinquennio post secutus est; extinctus quippe anno Christi 1576, relictis liberis, Ludovico & Ioanne Casimiro; nam Christophorus jam obierat, anno Christi 1574. Porro Zimbrenses Comites originem habent à Cimbris, quorum pars in Nigra silva atque alibi consedit. Itaque in illa sunt Herrenzimbern, Waldzimbern, Marschalczimbern, Heiligenzimbern, Rotenzimbern. Et constat, in antiquis monumentis Barones istos scribi cum c littera, Cimbern. Ipsa quoque insignia idem arguunt. Barones quippe Cimbrenses pro signo militari habent Leonem gestantem pedibus suis bipennem; quod quidem etiam Norwegiae regum insigne est.

12 *Ludovicus* IV Palatinus Rheni Dux Bavarie, Comes Zimerensis & Spanheimensis, patri Friderico in Electoratu successit: nec diu ea dignitate functus est, obiit enim anno 1583, relicto filio impubere Friderico Quarto, quem ex Elisabetha filia Lantgravii Hassiae susceperat, & Anna Maria, quam habuit ex Anna Erhardi Comitissæ Embdani filia.

13 *Friderici* impuberis tutelam gessit *Ioannes Casimirus*, vir gloria militari celeberrimus: nam anno Christi 1567 copias in Galliam duxit ad juvandum Condæum, & in Belgicam adversus Ioannem Austriacum profectus est anno 1578, & suppetias Gebhardo Truchsesio Archiepiscopo Coloniensi tulit adversus Bavarie Ducem Ernestum, quem Truchsesio Pontifex substituerat. Sed & togatas virtutes habuit, prudentiam, gravitatem, sobrietatem, constantiam; quibus ille pupilli sui bona mirum auxit: mortuus est Heidelbergæ, anno Christi 1592 quum jam *Fridericus* annos natus 18 capax Electoralis dignitatis factus esset. Natus quippe fuit an. Christo 1574. Is postea uxorem duxit Ludovicam Iulianam, filiam Guilielmi Principis Auriaci, ex eaque liberos suscepit, Fridericum, natum an. Christi 1596. Ludovicum Guilielmum, natum an. 1600 Mauritium

ritium Christianum, natum anno 1601. Ludovicum Philippum 1602. Loifam Iulianam, natam anno 1594, nuptam Ioanni Duci Bipontino. Catharinam Sophiam, natam anno 1595. Elisabetham Carolam, natam anno 1597. Annam Leonoram, natam an. 1596.

14 *Fridericus V* Friderici Magni, anno 1611 extincti filius, extrema patris sui voluntate commissus est tutelæ Ioannis Ducis Bipontini, præterito agnato proximo Philippo Palatino Neoburgico, quod is morienti nollet promittere, se nihil in religione publica innovaturum. Ita ergo posthabita bullæ aureæ sanctione, Bipontinus simul & administrator Electoratus, & Vicarius Imperii factus est. Sed postquam pupillus adultior uxorem duxit Elisabetham Iacobi, Magni Britanniae regis filiam, coepit ipse Reip. & Electoratus curam gerere. Nec multo post in Bohemiae Regem electus, & Pragæ coronatus est, anno 1619.

Non licuit tamen diu frui hac fortuna. Quippe à Cæsare Ferdinando II in auxilium ascito Bavariae Duce, in monte Albo ad Pragam prælio victus & regno exutus est; nec tantum regno, sed & toto Palatinatu superiore & inferiore, ut & Electoratu privatus est; donec tandem major filius,

Carolus Ludovicus, anno 1617 natus, Pace Monasterii conclusa, & Electoratum & Inferiorem Palatinatum recuperaret, remanente octavo & novo Electoratu cum superiore Palatinatu apud Domum Bavaricam, cuius ope Cæsar usus fuerat. Superstites adhuc sunt alii ex Friderico V liberi, Elizabetha nimirum, Robertus, Louisa Hollandina, Eduardus, & Sophia. Carolo Ludovico Charlotta, Guilielmi Landgravii Hassiæ filia, Carolum peperit anno 1651, & Elisabetham Charlottam anno 1652.



H A S S I A

S V P E R I O R.

Conten.



Omprehendit Superior Hassia, quoad situm Cartamen singulorum Dominiorum præminentiis & prærogativis illæsis) Superiorem & Inferiorem Cattimeliboci Comitatum, Comitatum Dietzensem, Ringaviam, Wetteraviam, Comitatus Nassow, Solms, Königstein, Wittgenstein & Nidda; Dominium Epsteinense, & Principatum ad Lanum, qui propriè Hassiæ superior Principatus vocatur.

Principatus
ad Lanum.

Principatus ad Lanum nomen exinde habet quod ad utramque Lahni ripam se extendat. Respicit orientem versus Abbatiam Fuldensensem, ad meridiem Wetteraviam, occidentem versus Comitatum Nassaviæ, & Hassiam Inferiorem ad Septentrionem.

Marpurg.

Prima inter urbes se offert *Marpurgum*, eadem cum Taciti Mattio & Ptolemæi Mattiaco; vetus sive Cattorum, sive Mattiacorum sedes, ad Lanum amnem, qui haud procul oppido Wittgenstenio ortus in montibus, multis ambagibus sese in occasum sinuans, tandem in Rhenum exonerat ad Lanstenum. Est autem Marpurgum Hassiæ totius Metropolis, multis antiquissimorum ædificiorum structuris veneranda, prudentissimorum Senatorum incorrupto ordine conspicua. In ea forum elegans, & in foro Curia speciosa. Arx eminens in colle, inter quam & flumen interjecta est Ecclesia satis venusta, indicans, ad summi Honoris templum non dari aditum nisi per templum Virtutis. Fluvius ipse non tantum plurima delicatissimorum piscium genera educat, sed etiam occulta quadam vi medica clarus est, ut qui impetiginem sanare credatur. Itaque complures audias, qui quum glabræ cutis nitorem alibi thermis, fontibus, lavacris, potionibus non potuerunt procurare, eum hic dicant adeptos se simulatque aliquoties salubri sese fluvio mersissent. Arcem imprimis commendat structura visendi plane operis; utpote quæ raras sibi similes habeat in eo Germaniæ tractu. Prospectus ex ea patet in urbem, inque vicinos colles, & loca remotiora, jucundo & grato spectaculo. Extruxit eam Ludovicus Episcopus Monasteriensis, Henrici III Lantgravii Thuringiæ filius. Sunt & horti omni herbarum genere confiti, areolis, stirpibus, sepibus, arbutulis ornati. Sed ante omnia commendat arcem Principis sedes. Lano impositus est pons lapideus, ex quo gratus est in omnem partem obtutus. Est etiam in altera urbis parte domus Teutonica Commendatoria, splendidi operis. Colles vicinos vestiunt vites, agros segetes,

montes silvæ, prata oves, boves, capræ. Universtas Marpurgensis, ex quo Lantgraviorum Hassiæ singulari in Remp. munificentia erecta est, ab anno 1525, nunquam non habuit viros in omni doctrinæ genere excellentes; quo factum est, ut ea quoque inter primas semper totius Germaniæ habita sit, ad eamque magnus numerus studiosorum, etiam ex remotioribus locis confluerit. Habuit hæc inter Doctores Gerardum Noviomagum, amicitia Erasmi satis ex scriptis notum: Habuit eadem in Pædagogio quondam Iustum Vultejum. Habet adhuc excellentes in omni scientiæ genere viros, sive linguarum notitiam spectes, sive artium, & sapientiæ, tum divinæ tum humanæ. Collegia sunt Marpurgi satis venusta, in Pomærio, & ad Lanum. Vici nobiliores duo, alterum vocant *den Grien*, alterum *Bylgenssteyn*. Plateæ duæ, unam appellant *Steinweg*, alteram *Weidenhausen*. Cives imprimis commendat frugalitas, cui à teneris adsuecunt; tum laborum patientia, & fides in Principem: videntur corpora regioni respondere. Terra clivosa est, aspera, horrens: corpora vegeta, robusta, procera, facta ad tolerantiam: ut de Cattis recte judicaverit Tacitus, eos Batavis esse similes, nisi quod ipso adhuc terræ solo & Cælo fortius animentur.

Academia.

Viri docti.

Collegia.

Sequitur Marpurgum urbs *Gießa* 6 mill. Francofurto distans, anno primum 1530 vallo fossique à Philippo Hassiæ Landgravio cincta est: cum autem dictus Landgravius à Carolo V captus esset, ejusdem jussu munimenta hujus urbis Reinhardus Solmensis Comes diruit, quæ tamen anno 1560 reædificata, & intra quinquennium absoluta sunt. Exinde additum à Ludovico Seniore armamentarium tormentis bellicis aliisque apparatusibus refertum; & à Georgio hic illic multa propugnacula urbi adjuncta. Anno 1607, Ludovicus Junior eximium Collegium & Academiam hic condens, impetravit ab Imp. Rudolpho privilegia in optima forma, concessis præterea studiosis pluribus immunitatibus. Mirum quantum nova illa Academia brevi temporis spatio invaluit, accurrente undique ex Germania, Suecia, Dania, aliisque regionibus innumera studiosorum caterva. Anno autem 1625 à Ludovico Marpurgum Academia translata est.

Gießa.

Francoberga in confiniis Westphaliæ & Hassiæ sita urbs, 3 mill. Marpurgis discreta est. Primus ejus conditor Theodoricus Francorum Rex fuit ad annum 520. Adhæsit Franciæ ducentos annos; inde Hassiæ adjuncta itidem fere 200 annos fuit: Postea cum omni vicina regione ad Romanum Imperium devenit, tandem post multas devolutiones ad Hassiam rediit, cujus etiamnum est. Tempore Caroli Magni, qui singulari Francobergam affectu profecutus est, Ederam fluv.

Franckenberg.

ver-

versus, ampliata sunt urbis pomœria, & ex 3 portis quinque resurrexerunt: post multa urbi concessa privilegia, vetus templum dirui & novum è fundamentis exstrui in honorem B. Virginis, Imperator jam dictus curavit, eique plurimas à Pontifice indulgentias impetravit. Ius quoque exercendæ capitalis justitiæ & monetæ cudendæ dedit, novisque insignibus ornavit, quæ in cœruleo campo aureum castellum cum porta ostentant. His Conradus I, Imperator, postea & hoc addidit, ut rubræ ceræ sigillum imprimeret. Anno 1286 eximia parochialis Ecclesia hic exstrui cœpta, diruta vetere, quam Carolus M. ædificaverat. Anno 1509 nova curia urbs ornata est, & anno 1590 argenti & cupri fodinis noviter inventis non parum ditata. Non longe hinc ante silvam quandam jacet arx *Wolckersdorf*, quam anno 1310 Eberhardo ab Helsenberg Landgravius Otho, ut feudum, obtulit: item *Sachoberga*, Saxonum olim contra Hassos castellum; & *Hessenstein*, certissimum Hassicæ virtutis monumentum, & antiquissima arx.

Battenberg. Est & prope Francobergam arx & oppidum *Battenberg*, an. 134 ante Christ. n. à Batone Cat-torum Rege condita, quæ deinde suos Comites habuit, & anno 1277 Widekindum natum Comitem Witgensteinensem, à cuius posteris primo ad Episcopatum Moguntinensem, & postea ad Henricum Hassiæ Landgravium anno 1464 pervenit.

Oppida. *Wettera* oppidum inter Francobergam & Mar-purgum situm, haud multis ab hinc annis è pago *Oberwetter* dicto, in oppidi jura & vires transiit, & mœnibus cinctum est. Dedit hoc oppidum orbi multos claros viros, inter quos Sylburgius, Mylius, Crollius, Vultejus, Kircho-vius, Pincierius, Lælius, Breulæus eminent. *Bidenkap* etiam non adeo vetustum oppidum est, sed arcem habet, quam anno 1300 Henricus Landgravius, Henrici Brabantini inobediens filius destruxit, & in frontispicium montis supra pagum transtulit. *Staffenburg* exiguum oppidulum, cum castello in sublimi monte situm, ad Lanum; non procul hinc ingens saltus *Kühemarck* dictus se offert, in quo olim præclarum forum Boarium habebatur, at ob multifarias & perniciosas prædationes abrogatum fuit. *Allendorf* ad Lomam amnem in valle jacens, itidem parvum oppidum, anno 1479 fulgure accensum, & trium horarum spatio funditus conflagratum, iterum anno 1602 ingens ex incendio detrimentum accepit. *Grunberga* oppidum cum arce in rupe situm, amœnissimum & elegantibus suburbiis circumdatum, & vicinum arci Merlæ, in valle à Ludovico Seniore Landgravio elegantissime ædificatæ; in hac plaga multæ silvæ & commodæ venaturæ sunt. *Vrichstein* in arduo monte situm oppidulum, arce gaudens eximia, quam Henricus Landgravius 1293 ob direptiones expugnaverat. Prope jam dictum oppidum aliud in valle est *Schotten*, fecunda circum planitie cincta, suum quoque castellum habens. *Homburgum* ad Ohmam fluv. amœno monti inædificatum, habet arcem, sed quæ non habitatur, & vicinas *Swinesburg*, *Holtzhausen*, *Leobach* & alias complures. Ad Ohmam quoque situm est oppidum *Germania*.

Kirchheim, haud vetustum, sed grato & jucundo situ spectabile. *Swalmæ* porro fluvio adjacet oppidum *Alsfeldt*, affabre exstructum & spaciosis suburbiis circumdatum, quod olim ante Francobergæ initia Hassiæ urbs metropolitana, & vetustissima habitum fuit, & primum Evangelii lucem accepit. Non longe hinc initium suum habet silva *Apswaldt*, & ab introitu ipsius *Swalma* fluvius, qui postmodum *Yffa* & *Berffa* rivis auctus, in *Zigenhainensem* Comitatum se effundit. *Romrod* quoque arx cum pago ad eandem sylvam sita est, à Ludovico Seniore renovata, & multis ædificiis aucta. *Grebenavia* peculiaris est præfectura, ubi antiquitus Equites Iohannitæ habitaverunt, postea Landgravii Domini de Pless illam in feudum virile tradiderunt: proxime oppidum conspicitur arx *Hertzberg*, & domus *Döringenbergensis*.

Regio hæc omnis generis frumentorum & *Qualitas* fructuum fertilissima, egregias sylvas, venationes, vernantia prata, stagnaque, flumina piscosa habet; Aër ubique clemens & saluberrimus est. Præcipui qui hunc irrigant Principatum fluvii sunt, *Lahnus*, *Loma*, *Edera* & *Ohma*.

C A T T I M E L I B O C V M S V P E R I V S.

Cattimelibocum Comitatus suos olim Comites habuit, quorum ultimo Philippo absque prole decedente, Henricus Landgravius Hassiæ, cui Philippi soror nupserat, Comitatum hunc sibi suisque vendicavit. Adhæsit itaque Hassiæ; sed cum Henrici filius Wilhelmus Junior anno 1500 gravi casu mortem sine prole oppeteret, intercesserunt Comites Nassavii, & Comitatum ad se trahere conati sunt: unde ortæ inter Hassiæ Landgravios illosque controversiæ, anno demum 1557 decisæ sunt his conditionibus; ut Philippus Hassiæ Landgravius Comitibus Nassaviis 450 millia florenorum appenderet, partem Comitatus Dietzensis &, titulum Comitum in Dietz & Catzenellenbogen concederet: item, deficiente mascula Hassiæ Landgraviorum stirpe; superior vel inferior Cattimeliboci Comitatus pars ad Nassavios rediret, seu ejus loco, si id mallet, hæredes Hassiæ 300 millia florenorum iis exsolverent.

Dividitur Cattimeliboci Comitatus in Inferio- *Divisio* rem & Superiorem; Superior Comitatus extenditur à confluentibus Rheno & Moeno ad Palatinatus fines & saltum *Odenwaldt* dictum: comprehendit autem urbem *Darmstatt*, ubi Comites *Darmstati* Cattimelibocenses munitam arcem habuerunt. Anno 1546 Comes à Bueren Cæsarianorum Dux bis urbem aggressus, & repulsus est, donec inter transigendum tacite subrepens eam vi capit & diripuit, arcemque funditus incendio delevit: concessio tamen eximiæ virtutis elogio civibus Darmstatenfibus. Cum autem Georgio à Philippo patre Landgravio hic Comitatus testamento legatus esset; idem ille Georgius arcis rudera eruit, novam è fundamentis erexit, & insignibus hortis ornavit, in quibus vini satis magna



copia, fructuum & exoticarum herbarum incredibilis abundantia provenit. Sæpius deinde successor Georgii Landgr. Ludovicus, & ejus filius Georgius sedem hic fixerunt, & regiminis formam constituerunt: unde in templo quoque multa horum & agnatorum Principum monumenta visuntur. Est & in hoc Comitatu urbs *Zwingenberg*, ad montem Melibocum sita, cui nomen à compescendo vel cogendo inditum, quod hæc urbs ita fossis, lacubus, sylvis & montibus circumdata sit, ut totum exercitum detinere, cingere & cogere possit: Templum hujus urbis Comes Eberhardus, qui anno 1403 fato functus, ædificari curavit. Non longe dissita est perpulchra arx *Liechtenberg* ad introitum saltus Ottonis, quæ quadrangulari forma constructa,

undique montibus & silvis circumdata est. Ex pagis hi quidem eminent: *Geran* in fœcundo solo ad Schwartzbach amnem situs; *Trebur*, splendida olim urbs, quæ 2 milliaria in circuitu complectebatur, sicut adhuc rudera & vestigia ruinarum indicant, & in quo Concilium Triburtinum celebratum est. *Russelheim* arx est eximia, munitis & propugnaculis in omnes hostium assultus tuta. Cœnobium quoque *Hofheim* memorandum, quod in Xenodochium conversum inter quatuor magna Hassiæ Xenodochia nomen invenit. Regio ipsa ferax est omnis generis frumenti, vini, amygdalorum, castanearum, aliorumque fructuum, & olerum: arva habet fœcunda, præstantes piscinas, cupri & argenti fodinam: aëre fruitur satis prospero.

Qualitas.



COMITATUS NASSOVIA.



Nomina
ruris.

Limites.

Potestas
summa.

Regionis
facies.

ASSOVIA dicta est, quasi Nassgavia, quæ vox humidam & uliginosam regionem significat. Oppidum enim, quod ditioni nomen dedit, in colle est situm, cincto undique humidis campis Germanis autem Nass humidum, Gav & av ditionem significat. Sic Bat-aw, Batavorum terram notat; Thurgaw, regionem aridam; Rhenanam, Rhyn-gaw; laudatam, Brisgaw; honorandam, Ar-gaw; Orientalem & Occidentalem, Ostergaw, & Westergaw; feno abundantem, Hengaw. Habet autem Comitatus iste plures alios sibi annexos, Weilburgensem, Idesteinensem, Wiesbadensem, Dietzensem, Cattimelibocensem, Beilsteinensem. Comites vero Nassovii Dilleburgenfes terminantur Austrum versus Comitatu Wiesbadenfi & Idesteinio: ad ortum Isenburgico & Solmensi cum Hassia: septentrionem versus Westfalia & Comitatu Wittensteinio: ad occasum Ducatu Bergenfi & Comitatus Widdano & Seynensi. Ambactus sive præfecturas habet multas, Freudenbergensem, Sigenensem, Nephensem, Ferndorfensem, Hilchenbacensem, Hægeranam, Ebersbacensem, Dillenburgensem, Dringenlainersem, Herbornensem, Dridorfensem, Libenschidanam, Beilsteinensem, Longergensem, Eurichenhaynensem, Burbacensem, Marenburgensem, Rotfenhainensem, Rennerodanam, Heenensem, Dernereitanam, Hohnstettensem, Flachtensem, Dietzensem, Frickofianam, Zeutzheimensem, & alias complures. Censentur autem Comitatus isti inter liberrimos Imperii, utpote quorum Domini nulli addicti, nisi soli Imperatori, fruantur regalibus præeminentiis, & prærogativis omnibus, quibus præcipui alii in Imperio frui solent. Ius quoque habent cudendi monetam auream, argenteam, æneam: quod & factum à Iohanne Comite Nassovico, liquet ex nummis aureis, qui adhuc in hominum manibus versantur. In eorum parte una legitur, Moneta Seygen: in altera, Iohannes Comes de Nassau. Cattimelibocensis Comitatus fructum percipit Hassia Lantgravius, titulo etiam ipsi cum Nassoviis communi, ex quo anno 1557, Philippus Hassorum Princeps cum Nassoviarum Comite transegit, adnumeratis ipsis sexcentis aureorum millibus, cedensque Comitatu Dietzenfi: manentibus interea titulis communibus. Regio alibi in planitiem extenditur, alibi in colles adsurgit; alibi silvis horret, alibi vitibus læta, ut in Comitatu Dietzenfi & ad ripam Lani; alibi pratis, pascuisque amœna est, aut fertilis segete,

olere, legumine. Habet vero & fodinas metallorum haud ignobiles. In territorio quippe Sigenensi ex lapide ferrea quædam massa eliquatur, ex qua postea fornaces, ollæ, tubi, incudes, globi conflantur. In oppido vero & circumjacentibus pagis omnis generis instrumenta ferrea cuduntur. Freudenbergæ chalybs præparatur optimæ notæ, qui postea per universam Germaniam distrahitur. Sunt & similes fodinæ officinæque in tractu Dillenburgico, Hægerano, Burbacensi: in quo & plumbum eruitur, & cuprum, sicut etiam in agro Ebersbacensi, qui & vitriariam officinam habet. Silva præcipua est Westerwaldt, Herciniae pars: minores, & veluti prioris illius segmenta, Kalteych, Heygerstruth, Schelderswaldt, die Horre, der Calmberg, in quibus ad venationem ferarum copia est ingens. Amnes præcipui sunt Lanus, Siga, & Dilla, qui singuli oppida alluunt non inamœna. Ad Sigam est Sigena, ad Dillam Heigera, Dillenburgum, Herborna. Ad Lanum Dietza, Nassovium, Lohnsteinium, ubi Lanus Rheno miscetur. Thermæ Emsanæ Comitibus Nassoviis Dillenburgicis communes sunt cum Lantgravio Hassiæ. Eas ob occultam vim aquarum etiam longe diffusi adeunt, & experiuntur ut plurimum salutare. Aciduli fontes sunt Kodingæ & Cambergæ, quorum aquæ hausta calculum pellere creduntur. Herbornæ Schola est illustris, fundata à Iohanne Comite Nassovico, anno 1582, quæ post decennium translata est Sigenam, ad quam tanquam ad virtutis omnisque eruditionis mercatum conflunt ex Germania, Polonia, Livonia, Dania, aliisque locis, permulti studiosi. Non est incelebris neque obscura ejus fama. Imprimis commendat regionem istam genius civium ad virtutem, constantiam, fortitudinem, tolerantiam, parsimoniam, liberalitatem, prudentiam, justitiam factorum. Statim à crepundiis imbuuntur pietatis semine. Exercentur etiam ad labores: mentiri, fidem fallere, pro immani scelere habentur. Hinc illa dictorum factorumque constantia. Nobilitas Nassovica imprimis libertatis amans, ac non suæ tantum, sed alienæ quoque propugnatrix est. Hæc Adolphum Nassovium olim, licet infelici fato, Imperatorem dedit. Hæc Belgis sub Hispanorum Imperio, dedit Gulielmum, postea Auranfiorum Principem: inde Mauritium; Fredericum Henricum, Gulielmum II & III, compluresque alios Comites, qui rem Batavam consilio & armis promovere conati sunt; inter viventes eminent Principes Gulielmus, Frisiæ Gubernator, & Mauritius Vicarius hoc tempore Marchionis Brandenburgici, Principes pietate, prudentia, militari arte clari, omnique prædicatione majores.

Silvæ.

Amnes.

Oppida.

Germania.

E e e e e

C A-



CATTIMELIBOCVM INFERIVS.

Situ.

Non absurdum fore arbitror Nassovio Comitatu Inferius *Cattimelibocum* subungere.

Qualitas.

Iacet hic Comitatus inter fluentia Rheni, Ringaviam, Comitatumque Nassovium, montosus satis, sed quod incommodum natura plurimis donis rependit, quippe qui frumenti copiosum proventum habeat, vinique nobilissimi sit feracissimus, quibus majorem gratiam adhuc addunt acidi hinc inde fontes. Montes, de quibus paulo ante, accolis *Hunnfruck* vocantur, Latinis *Hunnorum juga*, quo sub Attila Rege diversa in hisce locis castella construxisse annales produnt.

Arces & oppida.
S. Goar.

Arces & oppida, ut & vici perampli in hoc Comitatu multi sunt, ut est, S. Goar, oppidum primarium trans Rhenum situm, quod nomen à pio quodam & sancto viro Aquitano, Goar nominato appellationem derivat, qui temporibus Hildeberti & Sigeberti Regum Galliarum, anno 570 templum ibidem extruxit, ac in eo docuit. Hodie certe illo oppido ad Rhenum nullum celebrius hac de causa, quod omnes novitii, qui Rhenum subvecti Francofurtum prima vice tendunt, sacris quibusdam sed ridiculis initientur, & ex Iudæis, ut tunc vocantur, Christiani fiant, ablutuntur ordinarie vino, & torqui aëreo colla indentes Paulo infra oppidum in sublimi montis culmine Arx *Reinfels* jacet, quam Dietericus I Comes Catt. ex Monasterio *Maneburg* dicto in arcem mutavit, anno 1245: at post novem annos vectigal ibidem constituit; unde factum ut irata vicina ad Rhenum urbem numero sexaginta, collatis viribus quasi ad commune restinguendum incendium, accurrerent, quorum impetus per annum & aliquot septimanas arx delulit, ita ut re infecta discedere & Comiti teloniumolvere cogerentur. Cum dein anno 1623 inter Wilhelmum Landgravium Cassello-Hassiarum & Ludovicum Landgr. Darmstadio-Hassiarum controversia de successione inferioris Cattimeliboci ortæ essent, ex sententia Cæsaris, Comitatus cum hac adeo munita arce Ludovici interea mortui filio Georgio adjudicatus est in perpetuum anno 1626. Non longe ab hinc ad citiorem Rheni ripam, oppidulum *Gerwerhusen* situm est, & supra illud in prærupta rupe arx *Novum Cattimelibocum*, ab incolis *Catz* vocata, & anno 1393 ædificata: hic Rhenus admodum angustus & profundus multos gurgites habet, ita ut multam aquam ibi amittere credatur. Paulo quoque ulterius pergenti occurret mons *Lorley*, qui quod multis foraminibus pateat, adeo resonabili Echo voces datas repercutit, ut plurimis explosionibus clamoribusque prætereuntes animum illa suum exhilarent. In extremo Cattimeliboci angulo offert se oppidum *Braubach*, cum adjacente arce *Marcksburg*, abruptæ rupi imposita, quam Landgr. Philippus Georgio Darmst. Landgr. certis pactis tradidit, qui illam renovavit & magna sui parte auxit: infra illam autem ad Rheni ripam Philippus Iunior Landgr. *Philippiburgum*, anno 1568 extruere cepit, quod

anno 1571 absolutum. Diversi hic in vicinia acidi fontes inveniuntur. *Hohenstein* arx excelsæ rupi inædificata, in circuitu suo habet pervetustam arcem *Cattimelibocum* & vicum *Langen Swalbach*, qui propter scaturientes ibidem acidos fontes celebris valde & amœnus, quorum nobilissimus in valle vicina *Muntzebach* ferventi murmure & strepitu, colore claro & pellucido instar chrystalli astate frigidus, hyeme vero tepidus erumpit, gratus gustui & generosiori vino apprime conveniens. *Gruna* olim Cœnobium, nunc in Xenodochium conversum, ex quatuor majoribus unum numeratur. *Reichenberg* arx structuræ admirandæ, anno 1270 à Wilhelmo III, Comite Cattimelibocensi more Asiatico non tecta, sed superne fornicata, duabus turribus condecorata est; imposita est prærupto saxo intus plurimis fornicatis cameris pervio: videtur tamen opus necdum perfectum esse, mortuo interea temporis Comite. Anno 1629 à Gallo-Wimaricis occupata & firmata præsidio, noctu à præfecto arcis *Reinfels* tacite adrepente recuperata est. *Lahenstein* Arx ad confluentem Rheni sita, à fluvio Lano nomen habet; paret cum adjacente oppidulo Electori Moguntino.

COMITATVS DIETZ.

Prisca temporibus Teucteros post Mattiacorum discessum hunc Comitatum cum *Cattimeliboco* & *Ringavia* incoluisse, & dein à Suevis & Cattis expulsos, Annales produnt; totamque hanc regionem à Cattis nomen accepisse, quod postea obsoletum, vel in alia recentiora commutatum est. Paruit hic Comitatus olim suis Comitibus, quorum ultimus *Gerhardus* duas tantum filias reliquit, quarum natu major *Adolpho Nassovio* Comitis *Iohannis* filio nupsit, & Comitatum in Familiam Nassoviorum transtulit: factum id circiter annum 1386: situs est ad utramque Lani ripam, solum habens fertile, multisque naturæ dotibus locupletatum, unde & olim Aureus Comitatus dictus fuit.

Veteres Incolæ.

Nomen Comitatu dat oppidum *Dietz*, duplici arce in singulis faxis exstructa nitens, amœnissimo loco ad Lanum situm, multis undique egregiis cœnobiis cinctum, qualia sunt *Dierstein*, *Gnadenthal* & *Thron*, quæ anno 1628 Elector Treverensis ad se traxit, sed anno 1632 & 36 ea restituere in Scholarum & Ecclesiarum usum coactus fuit. Sunt in hoc etiam Comitatu *Therma Embfana*, quæ Weisbadensibus Thermis longe præferuntur: *Camberga* & *Kirckberga* in modico, in Dietzano Comitatu oppida, à Comite Gerardo anno 1355 & 57 ex vicis, quales ante semper fuerant, commutata, in medio Cœnobium *Gnadenthal* habent, de quo jam diximus.

Dietz.

Eodem ordine Rhenum versus apparent oppida *Idstein*, *Epstein*, & *Wisbaden*. *Idstein* arx & oppidulum eleganter in valle conditum, non vinetis sed fructuum proventu gaudet, Comitis *Iohannis Nassovii* sedes: vicinam habet arcem *Adolphseck*, quam Imperator *Adolphus* rotundæ & præaltæ rupi imposuit, circumcirca piscina cinctam; fossæ arcis ipsis rupibus incisæ sunt.

Idstein.

Epstein

Epstein.

Epstein arx, cum oppido adjacente, proprium & singulare dominium est plurimos pagos completens : quod etsi maximam partem Landgravio Hassiæ subiectum sit, media tamen oppidi & arcis pars Moguntino Electori addicta est. Arx ipsa inter duas admodum altas rupes sita est. Vicina huic est arx *Reiffenberg*, egregium certe munimentum, quod suis Baronibus paret.

Wisbaden.

Wisbaden, Veterum *Mattium*, ut aliqui existimant, ab Adolpho Imper. Comitibus Nassoviis cum adjacente & vini frumentique optimi feracissima regione in feudum sub Comitum titulo concessum fuisse creditur, additis multis privilegiis, & potestate cudendi monetam. Ante aliquot annos autem à Cæsare Electori Moguntino traditum ab eodem adhuc possidetur, relicto incolis libero religionis exercitio. Distat oppidum *Wisbaden* unum circiter milliare Moguntia, & quatuor Francofurto, nulla re magis quam thermis celebre, quæ hic complures & multis morbis sanandis aptæ. Cælum salubre, & soli fertilitas multos huc incolas excivit, ita ut iner victoria oppida multum emineat.

I S E N B U R G
C O M I T A T V S.

Büdingen.

Isenburg non adeo magnus Comitatus Weida & Sema fluvii includitur : Hujus caput est oppidum *Büdingen*, ad Semam Fl. situm, arcem habens conspicuam, in qua Comites ut plurimum habitavere. Aër incolis salubris est, regio fructifera, in collibus vina, & in vallibus fructus, proferens, & pratorum bonitate armenta distendens. Milliare hinc distat arx perpulchra *Bierstein*, quam Conradus Dominus in *Trymberg*, anno 1335 Comitibus Isenburgicis vendidit. *Mariëbron* Cœnobium celebre est, cui anno 1286 Ludovicus Comes multa privilegia concessit, & reditus cœnobii Haugk addidit.

Beilstein.

Nec ampliores sunt Comitatus *Beilstein* & *Weilburg*. *Beilstein* pervetusta arx & sedes Comitum Nassoviorum, in eleganti valle inter amœnos montes sita est. Comes Georgius Senior anno 1617 eam inhabitavit, qui non exiguum illi

decus contulit, è fundamentis novum erigendo templum, & pulchros construendo hortos, aliisque ædificiis locum hunc augendo.

Weilburgum elegans cum oppidulo arx, suo Comitatus nomen communicat : Arcem jam rimas agentem Philippus Comes Nassovius destruxit, & è fundamentis novam erexit, cui ultimam manum addidit filius ejus Albertus; conspicitur in ea alta turris & perpulchrum atrium.


Weilburg.

C O M I T A T V S
S O L M E N S I S.

Solms Comitatus primarius includitur ab Oriente Wetteravia, Comitatus *Dillenburg* à Septentrione, ab Occidente *Wisbaden* & ab Occidente Nassovio. Nomen ab antiquissima Arce *Solms* trahens, quæ ad alterius differentiam *Burgi* agnomen assumens, rudera & vestigia tantum ostentat. Ex oppidis quidem primas meretur *Braunfels*, non adeo amplum aut spatiosum, eximia attamen arce spectabile. Multis illa cladibus affecta ultimis Germaniæ bellis, sed tandem anno 1642 rogatu Comitum Iohannis Alberti Gubernatoris Trajecti ad Mosam & hujus loci Domini, à belligerantium præfectis impetravit, ut neutrarum esset partium, discedentibus Gallis, qui eam occupaverant. *Laubacum* modicum itidem oppidulum, insignem arcem habet in valle situm, & in proximo loco, ubi multa & pretiosa terra sigillata invenitur. Pertinent ad hoc oppidum Castellum seu Domus *Ruddelen*, & quidam alii vici. *Licha* amœnum & elegans Solmensis ditionis in Wetteravia oppidulum, vix trecentos habet annos, ex quo conditum est : gaudet cathedrali Ecclesia & arce, in qua Comites resident. In vicinia sunt, dives illud & pulchrum cœnobium *Arnsburg*, (è quo præteritis bellis organum & Bibliotheca ablata sunt & distracta,) & oppidulum *Hungen* cum annexa arce. *Solms* pervetustum castellum à Rheno-Suevici Fœderis ductoribus dirutum : *Greiffenstein* itidem eximium castellum est, cujus conditor ignoratur : id constat jam ante Solmensis arcis destructionem existisse.


Termini.

Braunfels.



W E T T E R A V I A.

Nomen.



Wetteravia olim singularis Comitatus fuit, nomen mutuata à Wedrevis five Wedreviis veteri populo, qui illam olim habitavit: sic aliqui: alii autem à Wedera Fl. qui prope Laubacum emanans prope

Termini.

Assenhemium Niddæ confluit, nomen ejus derivant. Clauditur autem Franconiâ ad Orientem, Principatu Hassiæ Inferiori ad Septentrionem; à meridie vero Hanoviensi, & ab Occidente Solmensi & Nassoviensi Comitatibus. Complectitur autem Wetteravia etiam urbes aliquas Imperiales, Francofurtum nempe, Fridbergam & Wetflariam, quædam Isenbergensia & Moguntina oppida, Dominium Epsteinense, & Comitatum Königstein, Nassauw, Solms, & Hanauw.

Qualitas.

Totus hic tractus frumenti vinique feracissimus, aëre fruitur clementissimo, unde vina quæ hic proveniunt optimæ notæ sunt: Nec caret acidis fontibus, quorum aquæ ut salutaris, ita & gratæ jucunda mixtione vino confunduntur, cujus vires paululum infringunt, ne bibentibus cerebrum turbet.

Wetflar.

Wetflaria urbs S. R. I. libera; fertili in solo ad confluentes Dillam & Lanum, unum milliare infra Gieslam situm, pervetusta est, multis regalibus, privilegiis & immunitatibus à Cæsaribus dotata. Anno 1643 misero sed fortuito incendio plusquam septuaginta ædes in favillas abiverunt, quarum multæ fructibus aliisque rebus refertæ erant.

Fridburg.

Fridburgum itidem libera Imperii civitas ad montana situm, quæ ab altitudine nomen *Höhe* acceperunt: anno 1211 ab Imp. Friderico II, & insequentibus temporibus à diversis Romanis Imperatoribus & Regibus eximia privilegia acquisivit, quorum adhuc compos est. Sæpissime hic Imperatores aliquos commoratos fuisse historiæ docent, & inter eos Fridericum II, arcem urbi addidisse, ex suo nomine deinceps *Friderici Castrum* appellatam. Certum est longe ante Friderici illius tempora urbem hanc exstructam fuisse, sed quæ gravibus incendiis media sui parte diminuta foret, templo antea media in urbe existente; quod nunc fere medium milliare extra urbem conspicitur: Nundinas enim hic antea celebratas esse constat, locumque amplum ubique deponendis & asservandis mercibus fuisse, donec Ludovicus IV, Imp. anno 1340 Francofurtum illas transferret, ad promovenda mercatorum commoda, quibus incommodum, merces Francofurtum aqua subvectas, dein tria ulterius milliaria curribus transportare. Postea tamen quatuor annuas alias nundinas ab Imp. impetravit, quæ adhuc vigent, & magna frequentia celebrantur. Visitur hic in platea, ubi ludæi habitant, pervetustum monumentum, nempe puteus eximie artis & magnitudinis; rotundus enim arcuali forma per octoginta quatuor lapideos gradus ad aquam descensum præbet, exinde sub

Germania.

aqua adhuc tredecim aut quatuordecim gradus profundus; per hos gradus ascendere & descendere licet: ludæi conduxerunt hunc puteum; ad purificationes suas commodius exercendas. Anno 1631 urbs hæc cum arce, quæ in rupe satis largiter ædificata, in Suecorum; & anno 1640 in Saxonum manus venit, quam eodem anno Cæsarei recuperaverunt.

Oppida.

Fridburgum sequitur oppidum *Stada*, non adeo spaciosum, sed multorum nobilium familiis inhabitatum; aditus ex oppido in arcem Hassiam versus sex pontibus interclusus est: præter utilem sibi fluvium Niddam, qui medium oppidum perlabitur, multos quoque acidos & salutares fontes habet, & circumcirca bonæ notæ vineta. *Ortenburg* cum arce, oppidum prope *Glanberg* situm, in quo monte grandis olim urbs ab accolis diruta, vicum sui nominis ex rudibus reliquit, & cœnobio *Conradsdorf* exstruendo lapides subministravit. *Mintzenberg* ad montem *Höhe* situm, egregiam olim arcem habuit, cujus binæ sed destructæ turres adhuc supersunt. *Butzbach* modicum sane oppidum, eximiam arcem & adjunctos illi ornatissimos hortos ostentat, medio inter Fridbergam & Gieslam situm loco, utraque duobus mill. distans. Anno 1633 die S. Joannis incuriâ alicujus aurigæ plusquam 100 ædificia conflagraverunt, cum maxima arcis parte, quam deinceps Ludovicus Senior Landgravius restaurari curavit.

COMITATUS HANAW.

Nomen *Hanovia* ab Hunis accepisse fertur, populo olim cis Rhenum celebri & bellicoso: pars est Wetteraviæ, vino, frumento ferarumque multitudine abundans.

Nomen.

Caput autem totius Comitatus *Hanovia* urbs sita est ad fluvium Kintz, qui paulo infra hanc Mæno confluit, loco commodissimo, 2 milliari. Francofurto, 6 vero mill. fluvio Rheno distans. Dividitur illa in urbem veterem & novam, quarum illa sordidior, arce tantum & firmis propugnaculis gloriatur: hæc autem ante paucos annos ab Hollandicis mercatoribus auspiciis Comitatus Hanoviensis condita, vere nitorem Hollandorum refert, adeo expolita & quadratis platearum discriminibus distincta, ut nihil supra: nec munimenta quoque defunt, imo veteri urbi, quod hæc attinet, non multum cedit; major tamen est, & ecclesiam, in qua Gallice & Belgice verbum Divinum docetur, cum nova & sibi propria Curia habet. Anno 1631 Hubaldus Suecorum Dux stratagemate urbem ceperat, & veterem à nova urbe diviserat, donec anno 1638 iterum stratagemate occupata Domino suo Comiti Philippo Mauritio restitueretur. Hoc Comite fatis functo, vidua, ex Anhaltinorum Principum familia oriunda, nomine minorennis filii urbem suo præsidio tenuit, usque dum hoc mortuo patruus Comes Ioannes Ernestus regimen adipisceretur: hoc quoque

Hanovia.

G g g g g



quoque septimo post mense decedente in alteram ejusdem tribus familiam Comitatus recidit, nempe ad Fridericum Casimirum Comitem Hanoviae Lichtenbergensem, qui tum temporis vix decimum nonum annum ætatis egressus erat.

Oppida.

Bobenhauſen porro modicum hujus Comitatus oppidum, Aschaffenburgum versus situm est, eleganti arce superbiens; anno 1631 à Tillicis militibus astu captum, sed à Suecis deinde recuperatum est; *Steinheim* prope Salmunster huic Comitatus accensetur, Ducatus alias Herbipolitani feudum. Cognomentum *Ad viam, In der Straß* accepit, quod omnes, qui Francofurto Lipsiam tendunt, per hoc oppidum transire cogantur, ad differentiam alterius Moguntini oppidi, trans Moenum siti, quartam milliaria partem Hanovia distantis. *Schlüchter*, Cœnobium *Solitariense* dictum, in confiniis Fuldenſis Abbatiae, cum oppidulo adjuncto, Comitibus Hanovienſibus paret; qui idem Cœnobium in Gymnasium converterunt. *Hirtzenhain* & *Conradsdorp* duo cœnobio, tribus Dominis diversis subdita sunt, quorum unus Comes Hanovienſis.

Gelnhauſen.

Paulo supra Hanoviam ad flumen Kintz urbs Imperii libera *Gelnhuſa* sita est, proxime saltum *Speſſartum*, qui viginti milliaria in longum exspectus, quatuor vel quinque in latitudinem extenditur. De hac urbe ita Reuſnerus:

*Vitiferos colles Gelnhuſa ostentat, & adem
Inſignem cultu divitiisque ſacram.
Caſaris hinc arcem Friderici nomine Primi,
Quæ magnum decus eſt urbis & alter honos.*

Diviſa eſt tamen urbs ab hac arce, & Imperio tantum subdita, proprium habens dicasterium, Burggravio nullum niſi in ipſa arce jus exercente.

K Ö N I G S T E I N C O M I T A T V S.

Comitatus hic continet urbem *Vrſel*, cum arce & oppidulo Königſtein, amœnisque aliquot pagis, proſert autem vina & frumenti copiam grandem, quibus ardua nemora & venationes addere lubet.

Königſtein.

Arx ipſa Königſtein excelſo & ſpatioſo monti impoſita, oppidulo quaſi imminet, in qua Carolus M. olim frequentem conventum inſtituit. Adjacet prope arx *Kronenburg*, in qua multa veterum monumenta conſpiciuntur, olim *Traiani Caſtrum* dicta, qui eam ad Cattorum excuſiones arcendas & retundendas exſtruxit. Ab altera Königſteinii parte offert ſe arx *Falckenſtein*. Non longe poſt decimum quintum à nativitate D. no-

ſtri Ieſu Chriſti ſæculum, ad Archiepiſcopos Moguntinenſes hujus Comitatus poſſeſſio delapſa eſt, qui eum adhuc in ſua poſteſtate retinent.

W I T T G E N S T E I N C O M I T A T V S.

Situs eſt *Wittgenſtein* Comitatus inter montana, quorum pars *das Rothhaar* appellatur: ex hoc monte quatuor primaria flumina ortum ducunt, Lanus Orientem verſus curſum dirigens, & exinde incurvans ſe Marpurgum aluens; Dilla meridiem & Dillenburgerum verſus; Sega ad Occidentem Sigam & Coloniam reſpiciens, Edera autem Septentrionem verſus Francobergam & Caſſellam præterfluens.

Sims.

Arx ipſa ad Lahnum excelſa inædificata rupi, jam anno 800 in Annalibus memoratur, cujus Comes ultimus anno 1360 fato functus, unicam filiam reliquit, quæ poſtea Comiti à Sayn nupſit. Oppida tantum duo hic Comitatus continet, *Laſphe*, & *Berleburg*, quod à præterlabente amne nomen mutuatur, conditum demum anno 1258; vicinum habet denſum ſaltum, olim urſis plurimis quaſi reſertum, unde oppido antea *Berenbach* nomen inditum. *Laſphe* vero antiquiſſimum hujus ditionis oppidum, ad Lahnum infra arcem Wittgenſtein ſitum eſt. Adeo autem copioſus Comitibus proventus ferarum, piſcium, avium, frumenti & armentorum redit, ut nulla re niſi aſello, halece & aromatibus ad culinæ ſuæ ſuſtentamentum indigeant.

Arx.

C O M I T A T V S N I D D A N V S.

Comitatus Niddanus vicinos habet Comitatum Iſenburg, Wetteraviam, Vogelſberg & Principatum ad Lahnum: regio pingua & fertilia arva habet, & egregium ſalis fontem; quibus circumjacentes ditiones ſuperat, in reliquis naturæ donis ne unguem quidem illis concedens. Caput hujus eſt oppidum & Arx *Nidda*, cui olim proprii Comites præſeure; nunc autem Haſſiæ Princeps Dominus eſt. Hoſpitali ſeu Xenodochio Niddano Comes Ludovicus, anno 1268 prædium *Brungesrode* cum omnibus ſuis appendicibus 40 marcis argenti vendidit. *Ringaviam* quidem hic adderem, utpote quæ in Superiori Haſſia ſita ſit; quia vero plurima ejus oppida in Moguntini Archiepiſcopatus deſcriptione enumeravimus, repetere eadem ſuper- vacuum videtur.

Nidda.

T E R R I T O R I V M
FRANCOFVRTENSE
A D M O E N V M.



Fertur Carolus Magnus Francorum Rex, quum Saxonas bello urgeret, sæpius rebelles, & Mœni fluminis alveo præfidentes, quod nullus adhuc pons ripas jungeret, subito occultis vadis Francos traduxisse, & Saxonas in adversa ripa nec opinanter devicisse, inque ejus rei memoriam loco nomen, & prærogativas quasdam dedisse. Atque hoc voluit Ligurinus, quum de electione Friderici I Barbarossæ Francofurti facta sic scribit :

Elogium.

*Conveniunt Proceres, totius viscera regni,
Sede satis notâ, rapido quæ proxima Mœno
Clara situ, populoque frequens, murisque decora est:
Sed rude nomen habet, nam Teutonus incola dixit
Francofurt, nobis liceat sermone Latino
Francorum dixisse vadum, quia Carolus illic
Saxonas indomitâ nimium feritate rebelles
Oppugnans, rapidi latissima flumina Mœni
Ignoto fregisse vado, mediumque per amnem
Transmisisse suas neglecto ponte cohortes
Creditur: inde locis mansurum nomen inhaesit.*

Urbis divisio.

Dividitur urbs in duas partes, ultra & cis Mœnum: major Francofurtum, minor Saxenhusium vocatur, quasi dicas Saxonum domum. Vtraque vero uno eodemque jure & Magistratu regitur. Insignis autem est hæc urbs jure Cæsarum Romanorum ibi deligendorum, quod inde usque ab Arnulpho I usurpatum, ac lege tandem Imp. à Carolo I V lata (quam auream Bullam vocant) confirmatum est. Adeo ut si forte in electione duo Cæsares nominentur, alter alterum cum exercitu in agro suburbano expectare teneatur, & vel prælio decernere, vel sponte cedere. Ac tunc quidem victor in urbem recipitur, & Rex Romanorum salutatur. Tale certamen fuit inter Henricum Lantgravium Thuringiæ, & Conradum, Friderici II filium. Item inter Ludovicum Bavarum, & Fredericum Austriacum: & inter Guntherum Swartzenburgicum Comitem, & Carolum I V. Habet præterea hæc urbs ædificia sacra & profana, augusta. Templum S. Bartholomæi, opus Pipini Francorum Regis: Domum Teutonicam in sinistra ripa; pontem ex saxo adfabre factum, curiam, forum, Carmelitarum ædem, in qua Apellæa tabula Dureri. Habet & nundinas quotannis binas, frequenti non Germanicæ tantum nationis, sed Gallorum quoque, Belgarum, Anglo-

Germania.

rum, Italorum, Sarmatarum panegyri celebratas, quarum alteræ vernæ sunt, alteræ autumnales; quibus emporium istud toto orbe famosissimum inclaruit. Obsedere eam anno 1552 Albertus Marchio Brandenburgicus, & Mauritius Saxonix Dux. De hac sic olim Iulius Scaliger:

*Multa laboratis debet Francfordiæ sulcis,
Multa racemiferis vinea culta jugis.
Quid referam quanta & quæ convexere metalla?
Quæ Mars bellipotens, quæ petit alma Ceres?
Huc Italus patriis miratur partibus Orbem
Advectum, stupet huc Gallia magna suum.
Hic Oriens, hic terra novis comperta sub astris
Agnoscat genii semina plena sui.
Nec tamen in brutis sola hæc commercia rebus,
Hic animi æternæ sed cumulantur opes.
Quod si res paucas operosa est dicere merces,
Num magis est cunctas res operosa dare?*

Nescio quid viris bonis in mentem venerit, quod putarint eam unquam vocatam Helenepolim; & tamen in hac credulitate video etiam fuisse Henricum Stephanum, cui suffragatur quoque Munsterus; à quo & quando sic vocari cœptum, non addit. Tali autem informamur documento historiarum, ejus famam ante Caroli Magni tempora celebratam fuisse; siquidem Pipinus Francorum Rex, Caroli Magni Pater, hic templum in honorem Salvatoris instituit, quod Carolus Magnus anno 794 ingentibus donis & beneficiis ditavit, & post annum in Cathedralem Ecclesiam evexit, cujus Diœcesis S. Bartholomæi dicta fuit. Petrus Gregorius Tholosanus in suo Iuris syntagmate refert, Concilium hic fuisse celebratum sub Zacharia Papa anno 742, in quo Magia & huic arti addicti damnati fuere. Cæterum ex aliis Latinis Historicis constat, non solum Carolum Magnum, verum etiam reliquos post illum Romanorum Imperatores & Reges domicilium hic fixisse, multosque Imperii conventus celebrasse, qua de causa *Villa Regia* nominari meruit; siquidem semper ab iis amatus hic locus, ideoque eum multis privilegiis & immunitatibus ornarunt præ cæteris urbibus. Franciscus Irenicus in Exegesi sua Germaniæ testatur, à se visos in cœnobio quodam hujus urbis septem libros, quos Diaconus aliquis, nomine Entrandus, de hac urbe conscripsit. Vbi autem locorum, & an adhuc existant, sciri non potuit. Optandum quidem esset, ut non solum hujus urbis libros, sed & aliarum rerum antiquarum elogia haberemus. Quod ejus nomen concernit, Francofurtum tantum significat, quasi diceret, Francorum tra-

H h h h h

jectus,



jectus, cujus frequentissimus fuit usus, Carolo Magno adversus Saxones bella gerente. Secundum Trithemii opinionem, quam Munsterus in sua Cosmographia adducit, nomen accepit à Franco Marcomiri filio, urbis hujus autore. Altera pars hujus civitatis, quæ ad sinistram Moeni ripam posita cernitur multo minor, annectitur majori, ponte quodam insigni lapideo. Caroli Magni tempore non tanta in ambitum patuit, quanta nunc temporis, siquidem paulatim rerum fortuna crescente, magis magisque adaucta, ejusque pomœria hinc & inde extensa fuere, præsertim sexaginta annorum intervallo præclaris ædificiis & palatiis nitere cœpit. Territorium Francofurtense terminatur ad orientem Comitatu Hanovia; ad meridiem districtu Darmstadenensi, qui Lantgravii Darmstadenensis est; ad occasum Moguntinum intuetur Archiepiscopatum, & septentrionem versus habet Wetteraviam.

Limite.

Anno 974 Carolus Magnus, Pipini filius, qui plerumque hic suum domicilium fixit, Synodum Episcoporum instituit contra Felicis hæresim, qua damnata, etiam de imaginum usu tractatum est. Eo ipso anno Fastarda Imperatoris conjux obiit, sepulta ad S. *Alben* prope Moguntiam.

Anno 1240 cum fidem Christianam filius cu- *Diffidit.* jusdam Iudæi professus baptismo initiari vellet, parentibus vero & amicis plane renitentibus, magnus tumultus inter Christianos & Iudæos ortus est, quo non solum Christianorum quidam, sed & Iudæorum centum & octoginta interierunt, partim ensibus confossi, partim flamma absumpti, quam ipsi Iudæi passim per civitatem habitantes excitarunt: quo tempore media civitatis pars pene incendio conflagravit. Videntes Iudæi fore ut in vitæ & necis periculum incurrerent, viginti quatuor una cum Rabbino ad Baptismum confugerunt.

Bibl. J. 38.



H A S S I A

L A N T G R A V I A T V S.

Veteres populi.



Assi sunt Catti, mansitque nominis vestigium in Cattis Melibocis, quorum sedes nunc vocant *Catzen-Elbogen*. A populis postea transit appellatio ad regionem. Nam veteres nullam Cattiam vel Hassiam nominant. Habet autem

Termini.

regio ista ad Ortum Thuringiam; ad Austrum Franconiam, cum Hennebergensi Comitatu; ad Occasum Westphaliam; ad Septentriones Ducatum Brunswicensem, cum Episcopatu Mindenensi & Paderbornensi. Ac initio fuit Comitatus.

Olim Comitatus.

an. vero Christi 1042 erecta est in Lantgravium. Diserte enim sic legitur in libro Torneamentorum: *An. Christi 1042, Ludovicus Comes Hassie fuit Hallis in ludo militari ibi celebrato: sed factus deinde Lantgravius ascendit filia supra matrem.* Sunt autem Lantgravi Comites majore quam ceteri Comites dignatione. Tales vero Provinciarum Praefecti & Comites in Romana republica fuerunt, quemadmodum ex Notitia Imperii liquere potest. In Germania ad imitationem Romanorum variis locis constituti sunt, titulo ipsis dato vernaculo, Germanicae originis. In Hassia & Thuringia praecipui fuere.

Regionis nomen.

Pleraque Hassia montosa est, ferax frumenti, lini, & leguminum. Mineralia, metallorum venas, lapicidas, carbonem fossiles, fontes acidos, Thermas, salinas, & quaecunque porro terrae munera regio desiderare potest, assatim subministrat. Ferarum aviumque & piscium ubique copia ingens, nec non jumentorum passim errantium innumeri greges ubique omnium oculis se ingerunt.

Flumina.

Flumina habet Visurgim, Lupiam & Adram, amnes Tacito celebratos, ac praeterea Lanum, Fuldam, aliosque. Montes, Melibocum, Taunum, Abnubios. Gens omnis gravis, animosa, sobria, laboris patiens, ingeniosa, fidei amans, libertatis suae & publicae conservatrix.

Montes.

Incolae.

Divisio.

Dividitur omnis Hassia in Superiorem & Inferiorem, quarum haec Inferiorem Hassiae Principatum, Comitatus Ziegenhaim & Waldeck, & Abbatiam Hirschfeldensem complectitur. Caput Inferioris Principatus est *Castellum Cattorum*, sive, ut vulgo nunc usurpatur, *Castella, Cassel*. A Druso conditum est. L. Florus res gestas Drusi describens extremo suo opere, Praeterea, inquit, in tutelam provinciarum praesidia atque custodias ubique disposuit, per Mosam flumen, per Albim, per Visurgim. Nam per Rheni quidem ripam, quinquaginta amplius castella direxit. Itinera vero & profectiones Germanici in Catos descripsit prolixo Tacitus primo Annalium.

Cassel.

Germania.

Ac posuit castellum illud consulto Drusus in ripa amnis lava, quod haec Rheno esset & Mattiacis propinquior. Mattiaci enim inter Catos & Rhenum siti, minus erant alieni a Romanis. Certe Taciti aeo ita ipsis addicti, ut in eodem eos dixerit fuisse obsequio cum Batavis, sede quidem finibusque in sua ripa, Germanica scilicet, sed mente animoque cum Romanis agentes. Ad amnem ergo Fuldam, lava ejus ripa, novem milibus passuum a confluentibus Visurgis castellum struxit Drusus Germanicus adversus Catos, gentem Germanorum fortissimam; cujus virtutes moresque prolixo ipse libello singulari exequitur. Habemus igitur Castellum Cattorum in Germania, sicut alibi, Castellum Menapiorum, Castellum Morinorum, quae eadem flexione vocis, *Cassel* vel *Kessel* vernaculo sermone appellantur. Quae quum ita sint, nescio cur Fr. Irenico placuerit dicere, hanc esse Ptolemæi Stereontium. Urbem praeterlabitur Fulda, uti diximus, irrigant Ana & Trusula. Sedes hic est Lantgravi.

Fertilitas.

Mercatus.

Ager suburbanus fecundus; prata ovibus imprimis pascendis apta, quarum insignis copia non tantum carnes suppeditat ad cibum, sed etiam vellera ad vestem, lanam ad textrinas. Est ergo in hac urbe lanae lucrosa negotiatio, quam etiam ex Buchonia omnique reliqua Thuringia cives sollerti cura coemunt, & ingentibus fassis stipatam ad exteras regiones deferunt. Ipsi etiam Angli, quorum lanificia imprimis haecenus laudata sunt, magnam lanae vim quotannis hinc ad se asportatam caro emere consueverunt, pannosque suos Hamburgi, Stadæ, & Francofurti ad Moenum divendere. Solebatque Antverpiæ ejus negotiationis sedes esse, atque inde lana Londinum transmittebatur.

Secunda hujus Principatus urbs est *Eschwege*, *Eschwegem*. grato in colle ad fluvium Werram sita, originem suam Carolo Magno, vel ad minimum moenia sua accepta refert, qui itidem in S. Cyriaci monte coenobium virginum fundavit, nunc in Scholam commutatum. Cum deinde bello Hungarico destructa esset, Henricus II cognomento Sanctus, urbem reaedificasse & multis novis ædificiis exornasse legitur. Anno 1581, Landgravius Wilhelmus arcem magnificis & splendidis structuris renovavit; Mauritius autem an. 1595 artificiosis picturis & amoenissimis hortis auxit; tria praeterea templa in hac urbe spectantur, parochialis Ecclesia in urbe veteri, S. Spiritus autem & sanctæ Catharinæ templa in nova urbe, non minimum urbi ornamentum adferunt: huc accedunt Xenodochium in Augustinorum coenobio, Curia item, Cella vinaria publica & Domus Mercatorum, ut & multa alia minora ædificia publica, nec non privata, quorum nitor urbem hanc longe super alias vicinas elevat.

IIIIII

Hom-



Homburgum Hassiæ. *Homburgum* nomen suum cum duobus aliis op-
pidis commune habet, quorum ad discrimen hoc
Homburgum Hassiæ vocatur; in loco eminentiore
situm, gratum in adjacentes campos prospectum
habet. Templum eleganti turri conspicuum an-
no 1374 fundatum est: anno 1512 nova & ve-
tus urbs, quarum illa Xenodochium quoque &
templum habuit, cujus turris cupro contecta
erat, in unam Communitatem & Senatum red-
acta est. Anno 1636 Cæsarianorum Dux Got-
tardus urbem brevi temporis spatio occupavit; ar-
cem tamen, nonnisi cum multa suorum cæde &
magno temporis detrimento, deditione in pote-
statem redegit.

Milfungen. *Milfungen* amœna, quamvis non adeo grandis,
• urbs Fuldæ fluvio adjacet. Adjecit illam suis di-
tationibus, ut annales memorant, Hermannus
Thuringiæ Landgravius tempore Imper. Henri-
ci VI, cum antea Episcoporum esset Mogunti-
nensium. Arx, seu palatium, Landgraviorum an.
1550 de novo erecta & multis structuris aucta
est à Landgravio Guilielmo Seniore, qui dein
novam in urbe curiam ædificari fecit, sicut &
ejus successor Mauritius Fuldam lapideo ponte
stravit.

Rotenburg. *Rotenburg* præcipua quoque hujus Principatus
urbs, prope Hirschveldiam ad Fuldam fluv. sita
est, altissimis undique montibus circumdata; ar-
cem habet multis egregiis cameris, atriis aliisque
structuris decoram; in qua præterea templum to-
tum ex marmore, & splendidissimi horti conspi-
ciuntur: nec non in magnifico quodam atrio
totius Hassiæ nobilitatis insignia, quæ dein li-
gneis typis incisa & divulgata sunt.

Spangenberg. *Spangenberg*, inter Homburgum & Eschwegam
sitæ initia quæ fuerint, non constat: Arx rotun-
do & excelso monti inædificata est, propugnacu-
lis, muris, fossisque mediocriter munita.

Triefurt. *Dreifurtum*, olim *Drivordia*, Werræ fluvio adja-
cet, suis antea Dominis subdita, qui cum ad an.
1329 multa mala in Hassia & Thuringia commi-
terent, tandem ab Hassis, Thuringis & Mogun-
tiacis obsidione pressis, arcem dedere coacti sunt;
hinc adhuc in tres partes hoc Dominium divi-
sum est. Plura præterea oppida numerantur in
Principatu Inferiore: *Cappel*, *Grendelborg*, *Geismar*,
Guderberg, *Lichrenau*, *Wanfried*, *Witzenhausen*, *Zieren-
berg*, & multa alia; item arces *Boineburg*, *Sensenstein*,
& *Plessen*, quod sui juris pervetustum Dominium
est.

Genealogia. Qui hodie rerum in Hassia potiuntur, origi-
nem ducunt ex duabus Illustribus familiis, una
Brabantina, altera Thuringica. Ac fuit Lant-
graviatus iste Thuringico nexus, usque ad Hen-
ricum Magnanimum Brabantiæ Ducem, qui du-
cta uxore Sophia Ludovici Lantgravii & S. Eli-
sabethæ filia unica, ditiones istas conjunxit. Nec
manserunt diu junctæ; Henricus quippe Puer &
Henricus Mansuetus fratres, de paterna hæredi-
tate disceptantes, ita inter se transegerunt, ut
Mansueto quidem Brabantia cederet, Puero ve-
ro Misnia, Thuringia, Hassia. Itaque ab illo de-
inceps Genealogia ducitur Ducum Brabantiæ, ab
hoc Lantgraviorum Hassiæ. Brabantinorum ve-
ro Procerum series usque ad Henricum Magnani-
mum sic se habet:

Lambertus Longicollus Dominus Lovanii, in-
teremptus à Gothofredo Duce Lotharingæ, an.
Christi 1015.

Henricus I, Lamberti filius Comes Lovanien-
sis, periit an. 1038.

Ex hoc natus *Lambertus II*, Comes Lovanii,
Marchio Rhia, interemptus an. 1054.

Huic successit *Henricus II* Lamberti filius, oc-
ciscus in lecto, an. 1068.

Hujus filius fuit *Henricus III* Comes Lovanien-
sis, qui obiit an. 1095.

Henrico successit filius ejus, *Gothofredus I*
Barbatus, qui obiit anno Christi 1120. Vxor
ejus prior fuit Sophia filia Henrici IV Impera-
toris; & Clementia, filia Guilielmi Comitis Bur-
gundia.

Gothofredum patrem excepit *Gothofredus II*
filius, primus Brabantiæ Dux factus à Conrado
Tertio Imperatore. Excessit è vita anno 1143.
Vxor ei Lutgardis filia Gebhardi Comitis à Sulz-
bach, soror Gertrudis Imperatricis.

Hunc secutus est *Gothofredus III*, qui ex uxore
Margareta filia Henrici Comitis Limburgen-
sis, suscepit Henricum Probum, Albertum Episco-
pum Leodiensem, Henricum Cuchii Dominum,
& Guilielmum Dominum Parnesii: obiit anno
1183.

Henricus Probus ex Mechtilde filia Matthei Al-
fatici filium habuit unicum, Henricum Magnani-
mum: obiit an. 1230 Colonia.

Henricus Magnanimus uxorem habuit, priorem
quidem Mariam filiam Philippi Imperatoris: po-
steriorem vero Sophiam, filiam & hæredem Lu-
dovici Lantgravii. Liberi fuere ex altera Henri-
cus Mansuetus, ex quo profecti sunt Duces Bra-
bantiæ & Comites Hornæ; ex altera Henricus
Puer Lantgravius Thuringiæ & Hassiæ, per quem
series postea Lantgraviorum decurrit. Porro
Magnanimo filia fuere Mechtildis, Ruperti Arte-
sii uxor, & Maria, nupta Ludovico II Palatino,
de qua suo loco diximus.

1 *Henricus* Infans ex eo dictus fuit, quod eum
pater moriens vix bimulum reliquit, natus est
enim an. 1245, pater è vivis excessit anno 1247.
Ab hoc exstructum est templum Francoburgen-
se: obiit anno 1308. Vxores habuit Adelhei-
dam, filiam Alberti Ducis Brunsvicensis, Mechtil-
dem filiam Theodorici VI Comitis Cliviæ; &
Annam filiam Ludovici Severi Comitis Palatini:
liberos permultos: Filia fuere Elisabeth, primum
nupta Joanni Comiti in Sain, postea Gebhardo
Comiti in Epstein: Mechtildis, uxor Gothofredi
Comitis in Zigenheim: Adelheidis, elocata Bern-
hardo Comiti Hennebergico: Sophia, Ottoni
Comiti in Waldeck, nec non alia quædam nupta
Alberto Comiti Gortzio.

2 *Otto* Henrici filius, Hassiæ Lantgravius, uxore
rem habuit Adelheidem Comitissam Ravensbur-
gicam; obiit anno Christi 1329. Ejus frater
Ioannes Lantgravius extinctus est anno Christi
1311, habuitque uxorem Adelheidem filiam
Henrici Mirabilis Ducis Brunsvicensis. Ludovi-
cus Episcopus Monasteriensis desit vivere anno
1320.

3 *Henricus* dictus Ferreus, Ottoni successit, qui
cum fratre suo Ludovico ditionem partitus est, ea
lege,

lege, ut quum uterque eandem virginem ambiret, Elisabetam, Friderici Admorsii filiam, is qui repulsam ferret, caelebs permaneret. Nupsit autem Henrico, à quo tamen postea repudiata est, anno 1340, ducta altera conjuge Mechtilde filia Theodori IX Comitis Cliviæ. Ioannes frater promissi immemor, uxorem duxit Margaretam filiam Comitis in Spanheim.

4 *Otto Sagittarius* Lantgravius Hassiæ, mortuus est anno 1354, improlis. Ejus soror Elisabeth filia Henrici Ferrei, nupsit Ottoni Duci Saxonie Inferioris. Adelheidis vero Casimiro regi Poloniae, à quo domum remissa est, anno 1356. Ita deficiente hinc linea, cessit Lantgraviatus posteris Ludovici.

5 *Hermannus*, Ludovici filius, Lantgravius Thuringiæ Balthasari adversus Ottonem Brunsvicensem suppetias tulit anno Christi 1327. Senex admodum vita functus est, anno Christi 1414. Ejus uxor prior fuit Ioanna filia Ioannis Comitis Nassovii: posterior Margareta, filia Friderici III Burggravii Norinbergensis. Filia ejus Margarita nupsit Henrico Duci Brunsvicensi: Agnes vero Ottoni Duci, Domino in Gottingen.

6 *Ludovicus* cognomento *Miris*, natus an. Christi 1402, primus fuit Comes Ziegenheimii & Niddæ. Hic ille est, qui Imperii summum honorem ad se delatum in alium rejecit: mortuus est anno Christi 1458. Vxorem habuit Annam filiam Electoris Saxonie. Liberi ex ea fuere, Hermannus Archiepiscopus Colonienfis, qui obiit anno 1508. Henricus & Ludovicus ambo Lantgravii; Fridericus, qui puer vitam finivit; Elisabetha, uxor Ioannis Comitis Nassovii in Weitburg.

7 *Henricus III* major natu filius, natus anno Christi 1440, Marburgi aulam habuit, auctus Comitatu Cattimelibocensi ab uxore Anna, ultimi Comitis Philippi filia, mortuus est anno 1483. Filium habuit Guilielmum dictum Iuniorem, ut à duobus aliis Guilelmi Ludovici III filiis distingueretur: hic in venatione ex equo lapsus interiit, anno Christi 1500 sine liberis, relicta vidua Elisabetha, filia Philippi Palatini Electoris. Filia Henrici fuere, Mechtildis, nupta Ioanni II Duci Cliviæ; & Elisabeth, uxor Ioannis Nassovii Comitis in Dillenbourg.

8 *Ludovicus III*, Comes Ziegenheimii & Niddæ, aulæ sedem habuit Cassellis: duos sustulit filios ex uxore Guilielmos, alterum dictum Seniore, alterum Iuniorem; obiit anno 1471. Vxor ei fuit Mechtildis, filia Ludovici Comitis Wirtenbergici. Hermannus ejus frater Archiepiscopus Colonienfis, & Præpositus Paderbornensis, vir fuit excelsi animi: Novesium à Carolo Burgundo obsessum strenue defendit, oppositusque est Ruperto Palatino Archiepiscopatus competitori, anno 1475.

9 & 10 *Guilielmus* Senior hæreditatem paternam cum fratre post excessum Ludovici divisit, sed ob leves causas, cum ingenio esset querulo, resiliit. Captus, ditionibus suis exutus est. Obiit anno Christi 1515. Vxorem habuit Annam, filiam Guilelmi Ducis Brunsvicensis, ex qua non nisi filias suscepit, Mechtildem nuptam Cononi Comiti Tecklenburgico; Catharinam uxorem postea Adami Comitis à Beichlingen; Elisabetham.

Germania.

tham nuptam primum Ludovico Palatino Bipontino; postea Georgio Palatino Simmerensi. *Guilielmus* ergo *medius* auctus tot ditionibus potens fuit. Ab hoc profecti sunt quotquot nunc Hassiæ Lantgravii dicuntur. Vxores habuit duas, priorem Iolantem, filiam Friderici Comitis Vademontii; alteram Annam, filiam Magni, Ducis Mechlenburgici; filium Philippum: filiam Elisabetham, uxorem Ioannis Ducis Saxonie.

11 *Philippus* totius Hassiæ Lantgravius, Comes Cattimelibocensis, Ziegenhemius & Niddensis, tumultus rusticorum adversus Præsules Moguntinum & Herbipolensem repressit. Anno Christi 1527 Academiam fundavit Marburgi. Sequenti, copias ingentes armavit adversus eos qui ipsum & Electorem Saxonicum dicebantur oppressuri. Ad compescendos etiam Anabaptistas, Duce Ioanne Leidenfi tumultuantes Monasterii Westphaliæ oppido, militem suum misit. Anno 1546 cum Fridericus Saxonie Elector captus esset, persuasus ab Electore Brandenburgico & Mauritio Saxone, ultro se fidei Imperatoris commisit deditque, à quo in carcere habitus est totum quinquennium, frustra intercedentibus pro ipso Germaniæ Principibus. Tandem tamen quum vis ostentaretur, dimissus est. Anno 1557 composita est controversia inter ipsum & Comitem Nassovicum de Comitatu Cattimelibocensi, quæ jam annos pene quinquaginta duraverat. Conventum, ut abrogata Cæsaris sententia, qui Nassovius eum adjudicarat, Comitatus ille in potestate maneret Lantgraviorum Hassiæ, ea lege, ut is Comiti Nassovio sexies centena millia aureorum exsolveret, & Comitatu insuper Dietzenfi cederet, utque Lantgravii nihilominus titulum haberent Dietzensium Comitum, & arma gentilitia: Comites vero Nassovii etiam vocarentur Cattimelibocenses, & arma illa in suis insignibus gererent. Ita plenus ævi obiit Philippus an. 1567. Vxor ei fuit Christina filia Georgii Ducis Saxonie. Filii, Guilielmus, natus anno 1532; Philippus, natus anno 1534, qui infans obiit. Philippus alter, natus anno 1541, & Georgius natus anno 1547. Filia, Agnes nupta Mauritio Electori Saxonie, ac post illum Ioanni Friderico Duci Wirtemburgensi; Anna nupta Wolfgango Bipontino Comiti Palatino; Barbara, quæ primis nuptiis habuit maritum Georgium Comitem Monpelgardensem; secundis, Danielem Comitem in Waldeck; Elisabetham, uxorem Ludovici Comitis Palatini; & Christinam, nuptam Adolpho Duci Holstatiæ.

12, 13, 14, 15, *Guilielmus* fratrum natu maximus, testamento patris (quod filii omnes ratum habuerunt) semissem bonorum paternorum obtinuit. Sed ita, ut cum Ludovico Academiam Marpurgensem, forum vero juri dicundo fratres omnes commune haberent. *Ludovicus* ergo Lantgravius Comitatum natus Cattimelibocensem, Ziegenhaim, & Nidda, Marburgi sedem fixit aulæ suæ. Vxores habuit Heduigem filiam Christophori Ducis Wirtenbergensis, ac post eam Mariam, filiam Ioannis Comitis Mansfeldensis. *Philippus* tertius frater, Reinfelsii aulam habuit. Vxor ei Anna Elisabetha, filia Friderici Palatini. *Georgius* quartus frater, Darmstadii in superiore

K k k k k

Comi-

Comitatu Cattimelibocensi vixit : habuitque uxores duas, priorem Magdalenam, filiam Bernhardi Comitis Lippenfis : posteriorem Leonoram, filiam Christophori Ducis Wirtebergici, viduam Ioachimi Ernesti Anhaltini : obiit anno 1596, relictis multis liberis : Henrico, nato anno 1590, qui diem extremum clausit octavo Ianuarii anno 1601. Ludovico, nato 24 Sept. anno 1577 (cui ex uxore Magdalena Marchionis Brandenburgici filia nati sunt, Elisabeth Magdalena anno 1600 die 6 Aprilis. Anna Eleonora, anno 1601, 30 Iulii. Maria, anno 1602, die 11 Decemb. Sophia Agnes anno 1604, 12 Ianuarii. Georgius, natus 17 Martii, anno 1605. Iuliana, anno 1606, die 14 April. Amelia, anno 1607, die 20 Iunii, & Ioannes 17 Iunii, anni 1609. Elisabetha nata 26 Novemb. anno 1579. Philippo nato 26 Decemb. anno 1581, qui duxit uxorem filiam Comitis Diepholdensis ; Anna nata 3 Martii, anno 1583, quæ post obitum patris nupsit Alberto Comiti Solmensi, anno 1560 ; ac denique Friderico nato 5 Martii, anno 1585. Sed fuit præ cæteris Philippi Magnanimi filius *Guilielmus* non à natura tantum, sed etiam à studio, cura, & exercitatione artibus Principalibus ornatus, ad quas etiam litterarum & historiæ imprimis cognitionem adunxit. Obiit anno 1567, relictæ ex Sabina, filia Christophori Ducis Wirtebergensis, unico hærede filio Mauritio ; nam Christianus jam anno 1578 extinctus fuerat.

16 *Mauritius* Lantgravius Hassiæ, natus anno 1573, virtutum paternarum hæres pariter & æmulator, ea modestiæ, prudentiæ, eruditionis, ac pietatis fama viguit, qua vix alius ex omnibus Germaniæ Principibus, beatam constituens ex sententia Platonis Rempublicam. Ejus uxor prior fuit Agnes, filia Georgii Comitis Solmensis ; posterior autem Iuliana, filia Ioannis Comitis Nassovii. Soboles numerosa. Otto natus anno 1594. Mauritius 1600. Elisabetha an. 1596. *Guilielma* anno 1602. Philippina an. 1605. Agnes 1606.

17 *Wilhelmus* in Cassel, natus. 14 Febr. 1602, in matrimonium sibi junxit Amaliam Elisabetham, Philippi Ludovici, Comitis in Hanaw, filiam, anno 1619 ; obiit 21 Sept. 1637.

18 *Wilhelmus* natus 23 Maji, 1629. Vxorem duxit Hedwigen Sophiam filiam Georgii Wilhelmi Electoris Brandenburgici, quæ peperit ei Charlottam, natam 27 April. 1650 ; *Wilhelmum*, 21 Iunii, 1651 ; Louysam 11 Sept. 1652 ; Carolum 3 Aug. 1654 ; Philippum 14 Dec. 1655.

COMITATVS

ZIEGENHAIN.

Orige.

Comitatus *Ziegenhain* inter præcipuos quidem annuerandus, initium habet à Friderico Ludovici Ferrei Thuringiæ &

Hassiæ Landgravii filio ; qui primus *Ziegenhain* & *Treissam* ædificavit, & anno 1173 in bonorum inter hæredes divisione Comes ipsorum locorum denunciatus ac declaratus est. Circa annum Christi 1277 *Gothofredus* Comes regionem hanc gubernavit, qui deinceps cum Elisabetha Henrici Primi Landgravii filia matrimonium contraxit ; anno 1358 *Iohannes* Comes fato functus est. Vltimus Comes fuit *Ioannes Magnus*, vir eximii roboris, quem loco suo plaustrum vini demovisse, historici testantur. Exinde ad Landgravius Hassiæ hic Comitatus venit.

Ziegenhain munimentum ad *Swalmam* fluv. situm, longè celeberrimum est : solum circum circa uliginosum & palustre est. *Philippus Senior* Landgravius illud prævalido vallo, propugnaculis & duabus fossis cinxerat, quod deinde *Wilhelmus VI* splendidis ædificiis, frumentariis & armamentariis, ut & novo castello auxit. Cum an. 1547, munimenta Cassellis, Gießæ & *Russelsheimii* diruerentur jussu Caroli V, qui *Philippum* Landgravium captivum detinebat, hujus præfectus *Heintz* à *Ludder* advenienti cum eodem proposito Comiti Solmensi portas clausit, & se captivo & ad subscribendum coacto Domino parere non velle, respondit ; sed ubi eum Cæsar dimisisset, se imperata facturum : quare Comes Solmensis irritò conatu discedere coactus est.

Treissam maxima est & præcipua hujus Comitatus urbs, sita ad dictum amnem *Swalmam* penes collem, patria clarissimi I. C. Nicolai Vigeli. In hoc tractu Domus *Löwenstein* cum adjuncto territorio sita est, unde antiquæ & nobili Familiæ de *Löwenstein* nomen.

Schwartzzenborn una ex vetustioribus hujus Comitatus urbibus est, antiquior *Ziegenhain* & *Treissam*, in qua *Iohannes* Comes ad tempus habitavit ; ab utroque urbis latere duo altissimi montes siti sunt, in quibus multæ ferri fodinæ exercentur ; & ante annos circiter quadraginta duos aluminis fodina reperta fuit.

Sunt præterea alia oppida, ut *Nepokirch* ad amnem *Grenf*, quod olim arcem habuit, nunc dirutam & funditus deletam : *Rauschenberg* ante exiguum silvam & montem situm, in quo perpulchra arx conspicitur : *Gemunda*, in valle ad amnem *Wohram* jacens, cui propinquum præstantissimum coenobium *Heina*, anno 1221 à monachis *Altenheimensibus* ordinis Cisterciensis exstrui cœptum ; est autem hoc coenobium locupletissimum, amplum & spaciosum, in quo templum, cui vix Hassia par habet : quod deinde *Philippus* Hassiæ Landgravius anno 1530 in Xenodochium convertit, in quo quotidie circiter quingenti pauperes pascuntur.

A B B A T I A HIRSCHFELDENSIS.

Nomen.



Hirschfeldensis Abbatia ab Hirschfeldia oppido appellationem trahit : Hoc aliqui antea Herolsfeld dictum arbitrantur, & nomen à primo conditore Hierolfo sortitum existimant. Vt ut sit, conjectura tantum est, cum

nihil certi de eo constet : Nec ipsa res tanti momenti, ut latius deducatur.

Termini.

Terminatur ad Meridiem Buchonia, seu Abbatia Fuldenfi ; ad Occasum, Septentrionem & Orientem Landgraviatu Hassiæ. Territorium non adeo spatiosum hæc Abbatia habet, sed tria solummodo milliaria in longitudinem, totidemque in latitudinem extensum. Solum habet satis fertile, frumenti, leguminum aliarumque rerum satis ferax, nisi ubi in montes ac sylvas assurgit, quæ nec ipsa infructifera, sed avium ferarumque magnam copiam suppeditant. Non desunt quoque pisces, quibus Fulda aliique amnes referti sunt.

Qualitas.

Hirschfeld.

Oppidum ipsum, valde antiquum, situm est ad fluvium Fuldam ; ubi Lullius Episcopus Moguntinus Ecclesiam collegiatam & Abbatiam construxit, quæ postea à Pipino Francorum Rege & filio ejus Carolo Magno, Imperatore præclaris privilegiis est dotata. Adjacentem districtum partim à Bonifacio emptum, maximam vero partem à Thuringia & Hassia illi attributum fuisse volunt. Ecclesia ipsa, anno 1037 plane combusta, deinde ab Abbatibus Maginhero & Ruthardo reedificata, artificiosæ & elegantissimæ structuræ est, & dignæ quæ adspiciatur & perspiciatur : ejus enim dimidia pars sedecim columnis ex integris lapidibus cæsis superimposita est. In hac sepultus est Alcuinus Caroli Magni Præceptor, & eximius Philosophus, Reisnerus Hirschfeldensis, Petri Rami coadjutor, & quondam Parisiis Mathematicum Professor. Anno 1569, Michaël Abbas Gymnasium hic fundavit, quod dein Ludovicus Abbas multis redditibus liberaliter auxit. Olim oppidum modica suburbia habuit, sed quæ intestinis Hassiæ dissensionibus, & externis bellis vastata & deleta sunt.

Pagi & Castell.

In territorio hujus Abbatiae plures sunt pagi, nobilium ædes, & castella, ut *Friling*, *Geisa* superior & inferior, *Viersdorf*, *Kerpshaus*, *Mengshaus*, *Nedersula*, *Hattenbach*, *Wegfurt*, *Nider-Iosse*, & arx *Zum eichen*, quæ à Ludovico Abbate renovata, postquam jam rimas ageret, pulchra quidem, & amœno loco sita est. Proxime autem hanc Dioccesin ad fluvium Haun, qui in Diocesi Fuldenfi scaturit, & tandem versus Hirschfeldt Fuldæ se insinuat, in præcelso monte Arx *Hauneck*, ad Princesiam.

cipes Hassiæ pertinens, conspicitur. Multæ ubique molæ ab annibus circumaguntur cudendo ferro, æri & similibus, quæ ex hujusce territorii fodinis eruuntur.

Ex montium jugis plurimi decurrunt fluvii & torrentes, præter quos tria præcipua sunt flumina, *Fulda*, *Weista* & *Wala*.

A B B A T E S HIRSCHFELDENSES.

Non multum temporis post Hassos ad Christianismum conversos, anno nimirum 736, Abbatia & Diocesis Hirschfeldensis suum coepit initium, & *Lullus* Abbas primus Hirschfeldensis ordinatus fuit ; successit

2 *Balhardus*, qui Lullum in officio concionatorio quam fidelissime juverat ; naturæ satisfecit anno 798.

3 *Buno*, tertius Abbas Hirschfeldensis, Diocesi multa privilegia à Ludovico Imperatore comparavit.

4 *Brunwart*, anno 846.

5 *Drugo*, anno 865.

6 *Haderade*, admodum eloquens & literatissimus vir, anno 892.

7 *Dithard*, anno 901, cujus temporibus anno 918, Conradus Imperator in Hirschfeld erat.

8 *Dithardus junior*, Dithardo Abbate adhuc vivente, octavus Abbas Hirschfeldensis denunciatus, postmodum vero Hildesheimensis Episcopus electus fuit.

9 *Burchard*, dein Episcopus Halberstadenfis.

10 *Maygingus*, anno 932.

11 *Hagano*, anno 936, qui, quia valetudinarius erat, Abbatiam tradidit Gunthero anno 959.

12 *Guntherus*, hic anno 961 obiit.

13 *Egilolphus*. Huic successit anno 97

14 *Gosbertus*, qui Abbatiam post quindecim annos resignavit.

15 *Bernbarius*, qui Petersberg fundavit.

16 *Gothardus*, anno 1005, cum vero ab Imperatore anno 1013, in Episcopum Hildesheimensem vocatus esset, in ipsius locum venit

17 *Arnoldus*, qui Iohannesberg extruxit, postquam vero Abbatia destitutus esset, in Gellingen anno 1032 obiit.

18 *Bardo*, Abbas declaratus, altero anno autem Archiepiscopus Moguntinus electus : successit


19 *Rudolphus* natione Italus, postmodum Episcopus Paderbornensis anno 1035.

20 *Meginherus*.

21 *Ruthardus*, an. 1059 Abbas electus in morbum diuturnum incidit, & Abbatiam tradidit

L 11111

22 *Hart-*



Occidens. 50
55
Oriens. 50
45

Dimidium miliaris Italic.
Dimidium miliaris Germanici.

TERRITORIUM
ABBATIE
HERESFELDENSIS.
Stift
Hirsfeldt.
Apud Guiljelmum Blacu.

22 *Hartwico*, qui multas diffensiones cum Archiepiscopo Moguntinensi, qui ipsi decimas detrahere conabatur, habuit: is quoque in diuturnum morbum incidit anno 1014, quare Abbatiam resignavit.

23 *Fridericus*, qui deinceps quietam vitam egit.

24 *Guntherus*, nomine undecimus, non diu officio Abbatis functus.

25 *Reginbardus*.

26 *Adelmannus*.

27 *Henricus de Bingarten*.

28 *Willeboldus*, pius & devotus vir.

29 *Hermannus Primus*.

30 *Burchardus*.

31 *Willeboldus Secundus*.

32 *Adolphus*.

33 *Iohannes*.

34 *Henricus Secundus*.

35 *Ludovicus Primus*.

36 *Wernberus*, prudens & pius vir.

37 *Henricus Tertius*, de Böneburg.

38 *Henricus de Swinrot*.

39 *Bertholdus de Elben*.

40 *Simon de Hutten*.

41 *Henricus de Mollleben*.

42 *Andreas de Heiningen*.

43 *Henricus Sextus*, de Romrodt.

44 *Ludovicus Secundus*, de Mansbach.

45 *Ioannes de Elten*.

46 *Bertoldus de Volckershausen*, obiit anno 1380.

47 *Reinhardus de Bönenburgk*, qui Dioccesin multis beneficiis locupletavit, ob singularem probitatem laudatissimus.

48 *Hermannus Secundus*, de Aldenburgk.

49 *Albertus de Buchenaw*, qui anno 1418 electus, cum antea Abbatiam resignasset, anno 1438, debitum naturæ solvit.

50 *Conradus de Harzenrod*.

51 *Ludovicus de Eckstedt*, anno 1461 obiit.

52 *Damianus Knoblauch*, anno 1483 mortuus.

53 *Wilhelmus de Volckershausen*.

54 *Volpertus Reidesell*.

55 *Ludovicus de Hanstein*, obiit anno 1516.

56 *Crato Meles de Hungen*, anno 1556.

57 *Michaël Landgravius de Rastorff*, fundator Scholæ Hirschfeldensis, & beneficus Dominus, è vita migravit anno 1571.

58 *Ludovicus Landaw de Heunfeldt*, è vita discessit anno 1615, ideo *Crato Weiffenbach* Abbas electus, at nunquam confirmatus fuit.

59 Et quia jam dictus *Crato* paucis abhinc annis plane resignavit, Illustrissimus Princeps ac Dominus, &c. *Joachimus Abbas Hirschfeldensis* electus & confirmatus fuit.



W A L D E C K I A

C O M I T A T V S.



Vintus circulus Imperii, qui Rheni est, tribus ordinibus constat, Ecclesiasticorum, Principum, & Civitatum liberarum. In Principum ordine Principes sunt, Duces & Comites seculares. Inter

Comitatus sunt *Waldeck*, *Westenburg*, *Witgenstein*, & *Plesse*. Inter quinque servos seu milites Imperii Comitatus hic primus numeratur. Sunt enim illi *Waldeck*, *Hirten*, *Fulben*, *Arnsperg*, *Rabnaw*. *Waldeck* vulgo *die Grafschaft* vocatur. Regio à fertilitate, collium amœnitate, anniumque commodis laudatissima. Magnitudo ejus minime invidenda, ut quæ longitudine ac latitudine sex milliaria non excedit. Vina sua habet & frumenta copiosa satis. Metalla omnis fere generis. Claudit eam ab Oriente *Hassia*, cujus non minima creditur pars: à Septentrionibus *Paderbornensem* Episcopatum, ab Occidente *Diœcesin* habet *Coloniensem*, à Meridie *Hassia* quoque confinia. Eruuntur quoque hic saxa & fossilia extruendis ignibus apta, qualia etiam sufficit ager *Leodienfis*. Animalibus quoque omnis generis abundat, ut venationibus prædam luculentam præbeat, & incolas ad venandi studia exciter.

Solis indoles.

Termini.

Urbes.

Waldeck.

Corbach.

Metropolis regionis est *Waldeckia*, quæ nomen tractui dedit. Arcem habet egregiam, quam *Edera* fluvius irrigat.

Corbachium urbs mœnibus probe munita, & perantiqua, olimque libera, suisque regalibus donata, quæ tamen ab Henrico Ferreo Comite à *Waldeck* dissentiens, ab eodem capta & subjugata est anno 1366. Distinguitur nunc in novam & veterem urbem: in nova urbe templum *S. Nicolai* conspicitur, in veteri *S. Kiliani*, quem urbs in insignibus habet. Præcipuum civibus è cocta cerevisia lucrum, quæ illinc in vicinas regiones exportatur. *Iosias* & *Wolfradus* Comites Cœnobium *Franciscanorum* in *Gymnasium* commutarunt, multisque reditibus locupletarunt: Præfuere illi, diverso tamen tempore *Rudolphus Goclenius*, *Lazarus Schœnerus*, *Guilielmus Scribonius*, *Guilielmus Vrsinus*, aliique præclari viri. Prope *Corbachium* in excelso monte *Arx Eisenberg* sita est, quam *Iosias* Comes in *Waldeck* multis novis structuris auxit & quasi reædificavit. Plurimæ in hoc monte olim aurifodinæ fuerunt, quemadmodum & nunc auri glareæ ibidem inveniuntur, quod ignem melius ferat ac *Bohemicum* aurum, & bonitate *Vngarico* vix cedat.

Oppida.
Castella.

Oppida porro alia hujus Comitatus sunt, *Germania*.

Mengershausen cum modico castello, amœnissimo loco situm, ubi & cuprifodinæ inveniuntur: vicina huic oppido sunt castella *Arolsen* & *Wetterburg*. *Landaw* oppidum cum castello, viduæ Christiani Comitis à *Waldeck*, *Iulianæ*, è *Familia Nassavio-Dillenburgica* sedes; *Roda*, cui adjunctum castellum, optima venatione clarum oppidum. *Wildungen* egregium oppidum in duas dissectum partes, quarum una rupi satis altæ superædificata, vetus *Wildungen* appellatur, (in qua & arx perpulchra cum duobus amœnissimis hortis sita est,) altera & major pars opposito, nec adeo excelso monti imposita est; in media valle eximius hortus conspicitur, & in ea fons artificialis, cujus aquæ in rupis summitatem ducuntur. Territorium vicinum plurimis naturæ donis beatum est, ferri, cupri & plumbi fodinis, multis acidis fontibus, &c. Cerevisia hic quoque coquitur optimæ notæ, quam incolæ lucri ergo vicinis regionibus communicant. *Wetterburgum* grato inter *Twistam* & *Aram* fluvios situm loco; *Eisenberg* vicinis ferrifodinis & carbonibus fossilibus celebre; & *Eilhausen* ad *Urbam* fluvium non minimi nominis castella sunt. *Friembagen* Carolini Iudicii sedes: Insuper *Saxenhusen*, *Saxenberg*, & *Furstenberg* oppida. Visitur hic quoque *Neuburga* oppidum cum arce. *Ithera*, idem arx, & *Welba* monasterium. Flumina habet varia, inter quæ *Edera* aureas arenas vectare dicitur, ut non soli *Tago* aut *Pactolo* super hoc gloriari liceat. Regionem ipsam interfecat piscosissimus ipse. Originem trahit è *Nassovia* montibus, & per Comitatum *Witgenstein* ad *Francobergam* labens, & arcem *Waldecensem* in sublimi rupe conspicuam alluens, hinc *Frissariam* *Hassia* oppidum prætervectus, recepto *Sualma* in *Fuldâ* supra *Cassellam*, atque inde in *Visurgim* se exonerat. Reliqua flumina minora sunt, *Dimela*, *Twista*, *Urba*, *Ahra*, & *Ither*. Silvæ hic conspiciuntur variis nominibus, *Aldewalt*, *Weterholt*, *Geppenhage*, *Plat*, aliæque. Montes quoque hic natura posuit, vernacule dictos, *Grunebeckerberg*, *Winterberg*, *der Astenberg*, aliosque. Comitum *Waldecensium* origo à *Widchindo* Comite in *Snaelnberg* arcessitur. Illum *Carolus Magnus* Ecclesiæ *Paderbornensis* à se tum fundatæ, Principem (tunc Advocatum dicebant) constituit. Certior tamen & magis continua series Comitum ab Henrico Ferreo, qui *Corbachiam*, antea liberam, Comitum imperio subjecit, deducitur. *Henricus* ille arcem *Laudojam* extruxit, *Corbachiam* anno 1366 sibi parere coëgit; *Henricus Fredericus* Ducem *Brunswicensem* electum Imperatorem ad *Frissariam* occidit, anno 1400. *Henricus* bellum suscepit contra *Paltibergios*, quod

Flumina.

Silvæ.

Montes.

Comites.

M m m m m



quod finitum anno 1418. Primus se in clientelam dedit Ludovici Hassiæ Principis, anno 1428. Wolradus Comes à Waldeck ab Episcopo Moguntino, Frislaræ & aliis in Hassia oppidis præfectus, anno 1434. Hunc sequutus Philippus Secundus, Philippi I. filius. Wolradus II, pietate, doctrina ac humanitate conspicuus, Præses Colloquii Ratisbonensis anno 1556. Iosias natus anno 1588. Christianus & Wolradus Comitibus Iosias filii.

Nobiles.

Duo Nobilium ordines Comiti Waldeccio

parent, unus liber intra Comitatum commorans, alter tam extra, quam intra Comitatum feudo Comiti adstrictum. Stemmata Nobilium liberorum intra Comitatum sunt *Virmunt, Meusenbourg, Gogreven, Zertzen, Volmerichausen, Dabwig, &c.* Stemmata Feudatariorum tam extra quam intra Comitatum sunt: *Witstein, Reitel, Spiegel, Calenberg, Westfal, Canstein, Malspurg, Lebenstein, Mengerson, Meschede, Beinenburg, Papenheim, Wulff, Volckenberg, Vrf, Iuden.*



FRANCONIA.



Rimus circulus Imperii Germanici est Franco-
nia. In quo ad consi-
lium evocantur Eccle-
siastici isti, Bamber-
gensis Episcopus, Her-
bipolensis Episcopus,
Eichstettensis Episco-
pus: Tum Magister
Ordinis Teutonici,

Præpositus Cambergensis, Abbas S. Gilgens.
in oppido Noribergensi. Seculares nobiles isti,
Marchio Brandenburgensis, Comites Hennen-
bergensis, Castellensis, Wertheim, Rheineck,
Hohenloe: DD. Reichelsperg, Limpurg. Co-
mites Horpach & Swartzenburg. Denique etiam
civitates liberæ, Noriberga, Rottenburgum,
Winshemium, & Schwinfurtum.

Termini.

Est autem Franconia Sueviæ ac Baviaræ à meri-
die vicina: ab occasu Rheno contigua: ab ortu
Bohæmia illi adjacet: ad septentrionem Hassia
& Thuringia. Ad differentiam Franciæ Gallo-
rum, Francia Orientalis vocatur. De ejus etymo
varii varia fabulantur. Illud vero maxime affine,
Francos, postquam opes viresque eorum crevis-
sent, jamque jugi Romani rædium ipsos cepisset,
nomen sibi à libertate vendicasse, contempta
veteri ac tralatitia Germanorum appellatione.
Aëre fruitur puro & saluberrimo. Hordeum,
triticum & omne frumenti genus, etiam legu-
mina copiose fert. Passim colles vitibus confitos
habet, unde vinum laudatissimum ad externos
transportatur. Glycyrrhizæ radicis ager Bamber-
gensis tantam vim sufficit, ut plaustra ea oneren-
tur & currus. Regio ipsa partim montosa, par-
tim plana est; montes adscensu non difficiles.
Multæ silvæ, & multa venatio est. Terra in mul-
tos distincta est Dominos, quamvis Episcopum
Herbipolensem Ducem Franconiæ dicant. Mo-
guntina Ecclesia & Bambergensis plurima obti-
nent loca; Palatinus quoque Comes haud par-
vam occupat partem. Multæ civitates Imperiales
apud Francones florent. De Norimberga du-
bium est, Franconiæ an Bojariæ cedat. Ipsum
nomen indicat, ad Bojarias urbes pertinere.
Norimberga enim Noricum montem significat,
ob quam rem liquet Noricorum civitatem esse.
Noricis autem Bojarii succedere, & nunc ea
portio terræ Bojariæ, quæ inter Danubium &
Norimbergam jacet, Noricum appellata. Ipsi
Norimbergenses, nec Bojarios, nec Francones
videri se volunt, sed tertium quoddam populi
genus.

Populi ve-
ntes.

Habitavere hic *Ansuarii* & *Salii*. Marcellinus
lib. 20 scribit *Ansuarios*, sive (quæ apud Tacitum
lectio est) *Ansbarios*, (vel denique *Attuarios*, pro
quo vulgata exemplaria vitiose *Actuarios*) trans-
misso Rheno extimam Galliarum oram inque-
tasse. *Salii* vero, non à Salis rivo Sala, qui Thu-
Germania.

ringos à Sorabis dirimit, in Albim se effundens,
quod quidam existimant; sed vel à Sala, altero
Rheni brachio, qui Hala nominatur, cujus ac-
colæ fuere; vel à saltu & agilitate pedum nomen
fortiti sunt; unde Sidonius:

*Cursu Herulus, jaculis Humius, Francusque natatu,
Sauromates clypeo, Salius pede, falce Gelonus.*

atque alio loco, etymon gentis simul aperiens,
eam illis velocitatem tribuit, qua vel hastas emif-
sas præterverterent:

Clypeosque rotare

*Ludus, & intortas præcedere saltibus hastas,
Inque hostem venisse prius.*

Franconum victricibus armis & præstanti virtute
perdomitæ fuerunt Galliæ, & à Gothis assertæ,
quæ toties Germanorum sanguine fuerant incal-
sum appetitæ, & quarum pars in hunc usque
diem, ad immortalitatem memoriæ, glorioso
Franciæ nomine superbit. *Franci* Hispaniam, ab
Arabum Scenitarum (qui Sarachi dicuntur) im-
pura gente infestam, subegere. *Franci* insuperabi-
lem Saxonum gentem, & Romano nomini for-
midabilem, fregerunt, ac Dei cultum, puram-
que religionem, abolitis simulacris, suscipere
coëgerunt. *Franconum* indomitæ virtuti cessit Ita-
lia rerum domina, & gentium omnium victrix,
quam non Hannibal totius Africæ opibus fultus;
non Antiochus, Asiæ terror; non Pyrrhus, Ale-
xandri Magni æmulus; non Persarum fastus, de-
bellare, aut de gradu dejicere potuerant.

Eorum vir-
tutes.

Metropolis Franconiæ est Herbipolis, vulgo
Wurtzburg, ab herba ita dicta, & ad Mœnum
sitâ, agro plano, collibus undique leniter adsur-
gentibus, qui vini & quidem suavis feraces sunt.
Ad occasum est pons firmi operis, quo itur in
arcem monti impositam, in qua Gosbertus
Franconum Dux, nomine Theodorici Regis,
vixit circa annum Christi 680, quo tempore illic
venere Cilianus, Colonatus, Teudomannus,
Scoti, & Gosbertum ad religionem fidemque
Christi pertraxere; sed Gailana Ducis conjux
eos cum Gosberto marito interfici jussit. Hera-
mus filius, qui in religione patris pietatem secta-
batur, exstruxit in arce templum B. Virgini sa-
crum. Nec multo post instituit illic Episcopatum
Bonifacius, Archiepiscopus Moguntiacensis, ope
Pipini & Caroli Magni, qui Ecclesiæ junxerunt
Ducatum Franconiæ. Eo fit, ut utrumque sit
Præsul Herbipolensis, Episcopus, inquam, &
Dux civilis. Itaque & in sigillo suo habet: *Herbi-
polensis stola ense judicat sola*. Cæterum non fuerit
ab instituto præsentis alienum, cognoscere for-
mulam exequiarum & inaugurationis Episcopo-
rum ac Ducum Wurtzburgensium: Post exces-
sum prioris, designatus Episcopus civitatem cum
ingenti & exquisito equitatu ingreditur. Admis-
sus descendit de equo, & deposito ornatu augu-
stiore, per 4 Comites officiales in domum Sal-
vatoris deducitur, capite nudato, nudis pedi-
bus,

Vires.
Herbipolis

N n n n n




49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

FRANCONIA
Vulgo
Frankenlandt.

Excudit
Guiljelmus Blaeu.



Bohemia
pars.

Palatina

tus supe
rior.

Palatinatus
Rheni
pars.

Hanau Co-
tatus.

Isenburck Comit.

Henneberg Com.

Spehart

Wert
Comit.

Hohenloe Comit.

Thuringer
Waldt

Villaria Germanica

bus, vili veste tectus, & solo funiculo cinctus. Officiales sunt, Domini ab Henneberg, Castel, Wertheim, & Rheineck. Decanus ei obviam cum Clero procedens, rogat, Quid petat? Ille demisse respondet, Se indignum præsto esse; munia, ad quæ electus sit, subire, & suo officio ex fide fungi. Tum Decanus, Ego vero, inquit, nomine totius Capituli, Domum Salvatoris mundi, eique annexum Ducatum, tuæ fidei committo, in nomine Patris, & Filii, & Spiritus Sancti. Mox Clerum in ædem Salvatoris digressum ipse sequitur, indutusque ex more Pontificalem trabeam, sacris primum, postea convivio in arce interest. Defuncti vero Episcopi cadaver exenteratum in sacello arcis primum deponitur, corde interea exempto, inque vas vitreum incluso. Postridie ex arce in monasterium S. Iacobi defertur, dextera pedum, læva gladium tenens, tertio die inde in ædem Salvatoris itur: hic cantus, preces, vota: postea cum pedo & gladio sepelitur. Xenodochium alendis pauperibus tam amplum in hac urbe est, tamque splendidum, ut oppida quædam æquare credatur. Urbs ipsa amœna est, populosa, pluribus templis ac monasteriis ornata, Academia quoque nomine celebris. Tenuit eam armis Suecorum Rex 1633.

S E R I E S E P I S C O P O R V M H E R B I P O L E N S I V M.

Burcardus, natione Britannus, à Bonifacio populari suo Episcopo Moguntino constituitur Episcopus: Præfuit Ecclesiæ annos 40. Hic Cilianum cum sociis suis martyres inter sanctos retulit, templumque iis extruxit, quod novum monasterium sive novam Basilicam hodieque vocant ipso eo loco quo interfecti sunt. In ejus templi crypta posuit ipse hos versus,

Hi sunt, Herbipolis, qui te docuere magistri,

Quia verum coleres religione Deum.

Impia quos tandem iussit Gailana necari:

Calavitque sub hunc corpora casa locum.

Ne turpi sine laude situ defossa jacerent

Corpora, Burcardus sub monumenta locat.

Huic Episcopo dedit Carolus Magnus docendos duodecim obfides à devictis Saxonibus missos. Obiit anno 791.

2 Maingudus Comes Rotenburgicus ad Tubarum, monachus ordinis S. Benedicti in coenobio Fridislariensi Hassiæ, electus anno 791, præfuit annos 3, resignavit Episcopatum.

3 Bernwolphus, electus anno 794, præfuit annos 6, obiit anno 800.

4 Ludericus, præfuit annos 3, obiit anno 804, sub Carolo Magno.

5 Aigelwardus, præfuit annos 3, extinctus an. 810.

6 Wolfgerus, electus anno 810, rexit annos 21. Hic interfuit Synodo Aquisgranensi, celebrata sub Ludovico Pio: obiit anno 831.

7 Hunibertus, electus an. 832, obiit an. 841.

8 Godeboldus, electus anno 841, præest an. 11. Sub hoc deflagavit templum Cathedrale.

9 Arno, præfuit annos 36, sub Carolo Calvo, Carolo Crasso, & Arnulpho, interfectus an. 891 à Normannis.

10 Radulphus Thuringiæ Lantgravius constitutus ab Arnulpho anno 892. Homo stolidus, obiit anno 908.

11 Dietho, electus anno 908, præfuit annos 24.

12 Burcardus ex Abbate Hirsfeldensi factus Episcopus ab Henrico Aucupe, præfuit annos 9, extinctus anno 941.

13 Poppo I Burggravius Herbipolensis filius, Ottonis Magni cognatus, præfuit annos 19, decessit anno 961 Ratilponæ.

14 Poppo II patruus Popponis I, electus an. 961. sedit annos 23, interfuit Synodo Romæ coactæ ab Ottone Imp.

15 Hugo Otthonis II Imperatoris Cancellarius, electus anno 984, præfuit annos 5, obiit anno 989.

16 Bernwardus Comes à Rotenburg ad Tubarum, defunctus anno 995.

17 Henricus Comes à Rotenburg, à brevi corpore dictus Hetzelinus, cognato suffectus est: fuit frater Heriberti Archiepiscopi Colonienfis. Instituit Episcopatum Bambergensem, obiit anno 1018.

18 Meginardus, præfuit annos 15, sub Henrico II, à quo jus impetravit cudendæ monetæ: extinctus est anno 1033.

19 Bruno Conradi II Imp. patruelis, filius Conradi Ducis Carinthiæ, præfuit annos 11, obiit in Pannonia, anno 1045, ex lapsu cœnaculi, sepultus Herbipoli.

20 Adelbero, electus anno 1045, ejectus ab Henrico IV Imperatore, postea restitutus, iterum ejicitur.

21 Menigardus II constitutus Episcopus ab Henrico IV anno 1084, ejectus, restituitur: obiit anno 1088.

22 Ainhardus ab Henrico V Imp. factus Episc. præfuit annos 15: sub hoc instituta est expeditio in Palæstinam à Godefredo Bullioneo, captaque Ierosolyma.

23 Rupertus, obiit anno 1106.

24 Ebrlongus sub Henrico IV & V Imperatoribus variam sortem expertus est, bis à patre ejectus, bis restitutus à filio, sedit annos 16: excommunicatus à Pontifice, ob. anno 1122. Hic primus ensẽ sibi præferri iussit.

25 Rugerus, obiit anno 1130, contra quem datus est ab Henrico V Imperatore Gebhardus.

26 Hetzelinus, defunctus anno 1131.

27 Embricho, electus anno 1131, fuit apud Imperatores Lotharium Saxonem & Conradum Suevum in flagranti gratia: ab hoc etiam missus Constantinopolim. Otto Frisingensis autor est, Conradum in litteris ad Emanuelelem datis vocavisse ipsum cor suum & animam suam. Obiit anno 1147.

28 Sigefridus, obiit anno 1147.

29 Gebhardus Comes ab Hennenberg, obiit anno 1161.

30 Henricus II defunctus anno 1165, quum Fridericus Barbarossa Comitibus agitaret Herbipoli.

31 Heroldus, præfuit an. 8 defunctus est an. 1172.

32 Rein-

32 *Reinhardus*, defunctus anno 1182.
 33 *Godefridus* Friderici Barbarossæ Cancellarius, electus anno 1182, suscepta in Asiam expeditione, obiit Antiochiæ anno 1186.
 34 *Henricus* III profectus cum Friderico I in Asiam, statim à reditu extinctus est Herbipoli anno 1193.
 35 *Godefridus* II Comes ab Hohenlohe, præfuit annos 5.
 36 *Conradus* ex Episcopo Hildeshemenfi factus Episcopus Herbipolensis anno 1198, cum Henrico VI Imperatore profectus est in Asiam: postea reversus à duobus nobilibus nefarie occisus est anno 1203. Situs est Herbipoli in summa Basilica.
 37 *Henricus* IV commendatus à rege Philippo, eligitur anno 1203, obiit anno 1206.
 38 *Otto*, præfuit annos 16, obiit anno 1223.
 39 *Theodoricus*, præfuit annos 15, defunctus anno 1224.
 40 *Hermannus* Baro à Ledenburg, obiit anno 1250.
 41 *Hirungus* sub Rudolpho Habsburgio, sedit annos 16. Vir immaniter crudelis.
 42 *Conradus* Comes à Trymberg, electus anno 1267.
 43 *Bertboldus* Dominus in Sternberg, electus anno 1268, defunctus anno 1287. Hic cives Herbipolenses factiosos prælio vicit.
 44 *Mangoldus*, obiit anno 1302. Huic cum Herbipolensibus perpetua fuit contentio, quæ ægre sopita est à Rudolpho Habsburgensi.
 45 *Andreas* Baro à Gundelfingen defunctus anno 1315. Herbipolenses domuit, abrogatis ipsorum tribubus & sodalitatibus.
 46 *Godefridus* III, præfuit annos 7, obiit anno 1322.
 47 *Wolframus* nobilis à Grunbach, obiit anno 1333.
 48 *Hermannus* Baro à Lichtenberg sub Ludovico Bavaro à Canonicis Cæsareis lectus contra Ottonem Wolffskelium Pontificium, sedit an. 2, & resignavit.
 49 *Otto Wolffskelius* electus in schismate, confirmatur à Ioanne XXII Papa, & Benedicto XI, sedit annos 10, defunctus est anno 1345.
 50 *Albertus* Comes ab Hohenberg à Clem. IV designatus, renunciavit.
 51 *Albertus* Comes ab Hohenlohe, electus à Capitulo anno 1345, defunctus anno 1372.
 52 *Gerhardus* Comes à Schwartzenburg, præfuit annos 28. Herbipolenses rebelles domuit: obiit anno 1403.
 53 *Ioannes* ab Egleffstein ex coadjutore Episcopus, sedit annos 9, extinctus anno 1412.
 54 *Ioannes* à Brun, præfuit annos 29, Herbipolenses tumultuantes fregit: interfuit Concilio Basileensi: resignavit Episcopatum anno 1435.
 55 *Sigismundus* Saxonie Dux, præfuit annos 3.
 56 *Godefridus* Baro à Lymburg, sedit annos 12. Hic primus se Franconie Ducem scripsit, eo quod Albertus Brandeburgicus hunc titulum usurpasset: defunctus est anno 1455.
 57 *Ioannes* à Grumbach, præfuit annos 11, obiit anno 1466.
 Germania.

58 *Rudolphus* à Scherenberg, sedit annos 29. Hujus magnæ virtutes prædicantur.
 59 *Laurentius* à Bibra, sedit annos 24, obiit anno 1519.
 60 *Conradus* à Thungen Ostrofrancus, rexit annos 21, obiit anno Christi 1540.
 61 *Conradus* à Bibra, defunctus anno 1544.
 62 *Melchior* Zobelius Ostrofrancus, vir gravis & prudens, nefarie interfectus jussu Grunbachii à Zobicio sicario, anno 1559.
 63 *Fridericus* à Wirsberg mortuus anno 1573.
 64 *Iulius Echter* à Mespelbrum, qui eximium Xenodochium anno 1580 extruxit; sedit an. 44. ex hac vita abiens anno 1617.
 65 *Ioannes Gothofredus* ab Aschhausen, qui & Episcopus Bambergensis fuit, decessit Ratisbonæ anno 1622.
 66 *Philippus Adolphus* ab Ehrenberg.
 67 *Franciscus* ab Hatzveldt, anno 1631 electus, postea Bambergensem Episc. adeptus, moritur Herbipoli anno 1642.
 68 *Ioannes Philippus* à Schönborn, qui anno 1647 in Archiepiscopi Moguntini, Archi-Cancellarii S. R. I. per Germaniam, & Electoris dignitatem evectus est.
 Atque hi quidem fuerunt usque in hunc diem Ecclesiæ Herbipolitane Præsules. Inter ceteras vero Civitates in Franconia sitas non parum eam illustrat *Francofurtum* ad Mœnum, de quo vide tabulam territorii Francofurtensis.
Wertheim.
Wertheimum, ad Columbium seu Tauber fluvium & Mœnum confluentes situm, Comites præcedenti sæculo proprios habuit: quorum ultimo absque prole mortuo, per Stolbergici Comitis unicum filiam ad Lewensteiniorum Comitum familiam devenit, qui hunc Comitatum sub Domini titulo adhuc possident. Vrbs hæc satis commoda est; cives, qui ante servi erant, anno 1632 in totum liberi facti sunt, & Lutherana hodie dogmata amplectuntur, quamvis Comites Catholicæ addicti sint.
Bamberg.
Bamberg sic vocata fuit, quasi *Babenberg*, hoc est, mons Babæ, à Baba Ottonis Ducis Saxonie filia, atque uxore Alberti Comitis Bambergensis. Vrbs est Episcopalis, in centro & meditullio quasi Germaniæ posita, ad fluvium Regnitz. Sunt præterea hic mons Regius, *Königsberg*, patria Ioannis de Monte Regio, summi Mathematici, cujus exstant doctissima Commentaria in *Almagestum* Ptolemæi. *Sveinfordia*, *Kitzinga*, *Fridberga*, aliæque. Est & in Franconienfi agro arx *Ansbach*, Marchionatus titulo gaudens.
Flumina.
 Fluminibus fruitur piscosissimis, quorum præcipua, Mœnus, Sala, octo ignobilioribus comitata, *Sinna*, *Radiantia*, *Asto*, *Tubera*, aliisque. Silvas habet *Speshart*, Ottonis silvam, aliasque à nemore Hercynio natas diffusasque.
Principes.
 Francorum primus Princeps fuit Genebaldus, qui 30 annos eis præfuit. Hunc secuti Marcomirus, Dagobertus, Ludovicus Primus, Marcomirus Secundus, Waramundus, aliis Pharamundus, qui vocatus ad regnum Franciæ, fratri Marcomiro reliquit Ducatum, Prunmester, Genebaldus Secundus, Suno Luitemarum, Hugbaldus, Helmericus, Godefridus, Genebaldus

Tertius, Ludovicus Tertius, cui succedere E-
rebertus, Ludovicus Quartus, Gozpertus Se-
cundus, Hetavus Dux ultimus: hic sine liberis
mortuus, Francorum Regi Pepino Ducatum ex
commisso reliquit, quem deinceps filius ejus
Carolus Magnus Beatus Burchardo Primo in-
fulato Episcopo Wurtzburgensi ejusque succes-
soribus & Ecclesiæ proprium donavit, an. 752.
Neque tamen Episcopo omnis Franconia paret:

Marchioni enim Brandenburgico parent Kit-
zinga, & Bristadium: Episcopo Bambergensi
Graglingiacum: Herbipolitano Chronacum,
Forcheimium, Staphelsteinium, Hochstadium:
Moguntino Moguntia, Koningsteinium, Oxen-
fordia, Carolostadium, Hasfordia, aliaque. Mo-
guntinus vero, ut supra memoravimus, Ducis
Franconiæ titulo insignitur.



HENNEBERGENSIS

COMITATUS.

Termini.



Ennebergensium Comitum territorium, pars Franciæ Orientalis est. Habet ad Orientem & Septentrionem Thuringiam, & Sallum ab ea provincia nomen sortitum, cuius cacumina Thuringiam & Franconiam

in hac ditioe determinant. A Meridie fluvium Mœnum & Episcopatus Bambergensem & Herbipolitanum. Porro Occidentalem partem cingit mons, qui ab incolis vocatur *die Rhan*, à qua parte respicit etiam diœcesin Fuldensem & Hassiæ provinciam.

Qualitas.

Ditio hæc abundat feris, piscibus, alitibus & ceteris rebus ad vitam degendam necessariis: est quoque metallifera, præsertim ferri, quod magna copia maximo indigenarum emolumento hinc ad alios exportatur. Irrigatur per fontes Visurgis fluvii, qui in eo tractu vocatur *die Berren* / sed rectius *die Besser* / cui adstipulatur nomen Cœnobii *Besser* / quod etiam Francisco Irenico & Wolfgango Lazio testibus, ab aquis derivatum esse creditur.

Oppida.

Præcipua hujus Comitatus oppida sunt *Mainingen*, cui Castellum adjunctum, ad Werram fluvium; *Schleusingen* cum arce oppidum ad Schleusam fluvium situm; *Masvelder* cum annexa arce; & *Saul* oppidum ad Thuringicum saltum. Est præterea arx *Kundorf* & Abbatia *Fesser* in eodem Comitatu. Oppidum *Smalcalda* in hoc quidem Comitatu situm est, sed mortuo ultimo Comite Georgio Ernesto ad Landgraviatum Hassiæ rediit, cuius feudum erat masculinum.

Genealogia Comitum.

De initio autem vel origine familiæ Hennebergicæ, incuria tunc temporis scriptorum, nihil certi constat, nisi quod tempore Attilæ & Caroli Magni, nomen Hennebergensium, qui & Comites Franciæ & Burggravius Wurtzeburgenses, claruisse apud Authores invenitur; sic etiam Henrico Primo imperante Gottwaldus, & Otto Hennebergici, contra Vggorum impressiones, eidem strenuam navarunt operam. Duæ quoque hujus familiæ Boppones, anno Christi 941 & 961, Pontificatui Wurtzeburgensi non sine magna laude præfuere.

Deducitur autem vera Genealogia à Boppone, qui anno 1078 Henrici Quarti Imperatoris partes secutus, in prælio proxime Melrichstadium adversus Rudolphum Suevum commisso, fortiter pugnans occubuit. Huic successit filius Gottebaldus, fundator Cœnobii *Vesseræ*, Ordinis Præmonstratensium: illum excepit filius

Germania.

Bertholdus: hunc Boppo: eundem alius Boppo, qui in recta linea sibi invicem succedere. Hic Boppo suscepit ex secunda conjugē Iutta Thuringica, Hermannum, cuius filius Boppo absque prole defecit. Ex prima vero conjugē Elisabetha Saxonica, procreavit Henricum, qui reliquit tres filios, nempe Henricum, Hermannum & Bertholdum: Henricus genuit Boppo-nem, & hic Bertholdum qui absque liberis decessit.

Hermannus vero in recta linea successerunt, Henricus filius, Hermannus nepos, Fridericus Pronepos, Georgius abnepos, Fridericus atnepos: hic Fridericus habuit filium Hermannum, qui suscepit ex Margareta Brandenburgica Bertholdum & Albertum, fratres, qui ambo absque prole decesserunt anno 1549. Tertium ex fratribus Bertholdum autem excepit filius Bertholdus, qui ob ingenii animique excellentiam dona & virtutes, ab Henrico Lutzelburgensi, consentiente Electorum collegio, in Senatum Principum Imperii allectus est, anno 1310. Ob eademque, & quod esset tractandis negotiis prudentissimus & fidelissimus, simulque felicissimus, Ludovico Quarto, successor in imperio extitit longe gratissimus: cuius tempore integra ditio, ejuldem & reliquorum tunc superstitum Principum & Comitum Hennebergensium paruit imperio.

Henrico vero filio sine prole mascula extincto, magna pars territorii, per conjugium trium filiarum Catharinæ, Sophiæ & Elisabethæ, ad Comites Provinciales Thuringiæ & Misniæ Marchiones, Burggravius item Noribergenses & Comites Wurtenbergenses devenit, quibus duobus posterioribus alienantibus, Episcopus Herbipolitanus suam Diœcesin non parum adauxit. Alter vero Bertholdi primi Principis, ex Adelheida Hassiaca, filius Ioannes genuit ex Elisabetha Leuchtenbergica filium Henricum, qui ex Mechtilda Badense Wilhelmum Primum, hic ex Anna Brunsvicensē Wilhelmum Secundum procreavit, quem ex Catharina, Comitissa ab Hanau, sequitur filius Wilhelmus Tertius, & hunc è matre Margareta Brunsvicensē Wilhelmus Quartus.

Hic Wilhelmus sustulit ex Anastasia, Electoris Brandenburgensis Alberti filia, septem filios, & sex filias, Wilhelmum & Casparum, qui infantes obierunt: Ioannem præfulem Fuldensem: Wolfgangum & Christophorum, qui cœlibem vitam transegerunt, Georgium Ernestum & Bopponem: huic post obitum primæ conjugis Brandenburgicæ, adjungitur thoro Sophia Lucenburgica, decessit absque liberis anno 1574,

P P P P P

4 Mar-



4 Martii; Princeps pius, prudens, magnanimus & humanus: ille Georgius Ernestus, mortua conjugē Elisabetha Brunsvigiaca, duxit Elisabetham Wurtembergicam, & tandem finiente anno 1583 Decemb. die 27 nulla relicta prole pie obdormivit, ætatis anno 73, ultimus hujus familiæ Princeps. Hennebergica hic descripta ditio, hoc tempore diversis Principibus,

videlicet Domui Saxonica majori ex parte, reliquæ autem Episcopatui Herbipolensi, & Landtgraviis Hassiæ parent. Vltiorem & exactiorem hujus Familiæ descriptionem qui volet, ex Genealogia Sebastiani Glaseri, quondam Cancellarii Hennenbergiaci, cognoscere poterit.



E R P A C H

C O M I T A T V S.

Ad pri-
mum Impe-
rii circulum
pertinet.



Ertinet Comitatus *Erpach* ad primum Circulum Imperii, qui *Franconia* dicitur. In hoc siquidem ad Concilium evocantur *Ecclesiastici* isti, *Bambergensis* Episcopus, *Herbipolensis*

Episcopus, *Eickstettensis* Episcopus, tum Magister Ordinis Teutonici, Præpositus *Cambergensis*, Abbas S. *Gilgenf.* in oppido *Noribergensi*. *Seculares* nobiles isti, Marchio *Brandenburgensis*, Comites *Hennenbergensis*, *Castellensis*, *Wertheim*, *Rheineck*, *Hohenloë*: DD. *Reichelsperg*, *Limpurg*, Comites *Erpach*, & *Swartzenburg*. Denique etiam civitates liberæ, *Noriberga*, *Rottenburgum*, *Weinshemium*, & *Schwinfurtum*. *Franconia* ergo pars est non ignobilis, nomen sortita ab urbe primaria *Erpach*. Vicinos habet Palatinatum *Rheni*, Comitatum *Hohenloë*, Comitatum *Werthaim*, & ultra *Mœnum* Comitatum *Hanau*. Terminationem habet, qualem *Germania* loca plurima in *Ach*, quæ uti *AA*, *EE*, aquam significat, ut *Breed-AA*, *Wyd-AA*, *Bry-sach*, *Eberbach*, *Murpach*, *Lan-bach*, *Auspach*, *Aberspach*, &c. Præstantissimis fluminibus irrigatur, & hinc inde clauditur *Mœno* & *Neccare*. *Mœnum* à Septentrione habet, *Neccarem* à Meridie. Vicinas quoque urbes habet *Francofurtum* ad *Mœnum*, *Heidelbergam* ad *Neccarem*, & *Wormatiam* ad *Rhenum*.

Franconia
pars.

Termini.

Fluvii.

Aër.

Solum.

Urbes.

Aër regionis purus est, saluberrimusque; omnis generis frumenti feracissimus, ac multis in locis colles vitibus confiti vinum gignunt. Est etiam undecunque terra cultissimis pomariis & pratis amœna, animalium domesticorum, ferarumque dives. Gens ipsa viribus armisque potens, nobilitate pollens, ingeniosa, laborum patiens. Præter *Erpach* metropolim urbeculas plures habet, *Hirschhorn* & *Eberbach*, in ripa *Neccaris*, *Beurfelden*, *Michelbach*, nec longe ab *Erpach* *Michelstatt*, item *Furstenau*, *Miltenberg* ad *Mœnum*, aliasque. Amœnissimus eam ad *Rheni* latus claudit Viæ *Bergensis* (*Bergstraß* vocant) tractus, arboribus hinc inde, velut de industria, confitus. Excurrit ea à *Darmstadio*, recto fere itinere *Heydelbergam* usque,

plurimaque loca in *heim* (Germanis ædificium significat) desinentia pertransit.

C O M I T E S

A B E R P A C H.

1 *Cunradus Senior*, *Pincerna Erpacensis*, 1332.

2 *Iohannes*, 1346.

3 *Eberhardus*, 1367.

4 *Cunradus*.

5 *Eberhardus*, 1413, duxit *Elisabetham*, *Iohannis Com. Cattimeliboci* filiam.

6 *Cunradus*, *Margaretham Bar. de Bickenbach* uxorem duxit.

7 *Otto*, *Amaliæ, Michaëlis C. à Wertheim* filia, matrimonio junctus.

8 *Philippus*, 1471, uxorem habuit *Margaretham, Alberti Comitis de Hohenlohe*, filiam.

9 *Erasmus*, 1496. *Elisabetham Georgii Comitis à Werdenberg*, filiam domum duxit.

10 *Georgius*, uxor ei fuit *Cordula, Iohannis de Frauenberg, Comitis de Hagen*, filia.

11 *Eberhardus*, Comes *Erpacensis*, Dominus à *Bickenbach*, 1510.

12 *Eberhardus*, natus 1511, obiit 1564. Dominus in *Breuberg* 1558. nupsit ei *Margaretha, Philippi Rheingravii*, filia.

13 *Georgius*, natus 1548, obiit 1605, 16 Febr. uxorem duxit 1, *Annam Amaliæ C. à Sayn*, fil. 1567, 27 Iul. quæ obiit 1571, 27 Iul.

2. *Annam*, *Friderici Magni C. de Solms Laubach*, filiam, 1572, 15 Iul. obiit 1586,

8 Dec. 3. *Dorotheam Ruthenam* 1587, 11 Nov. obiit 1591. 4. *Mariam, Alberti, Com. de Barby*, filiam, *Iosæ Com. de Waldeck*

viduam.

14 *Fridericus Magnus*, natus 1575, 18 April. obiit 1618, 26 Aug. uxores ei fuerunt

1, *Christina Georgii Landgr. Hassiæ* filia, 1595. obiit 1596. 2. *Iohanna, Gottfridi Com. in Ottingen* filia, 1597, 18 Sept.


15 *Georgius Albertus*, cui uxor fuit, 1, *Anna Dorothea, Alberti L. B. de Limburg*, filia; quæ obiit 1634. 2, *Elisabetha Dorothea, Georgii Friderici Com. ab Hohenloh* filia:

nati ei sunt,

16 *Georgius Ernestus*, hodie regens, natus 1632, cui frater etiamnum restat *Georgius*

Fridericus.





C O M I T A T V S W E R T H E I M.

Fines.



Primus hic totius Franconiae Comitatus in ejus pene extremo Wetteraviam versus angulo situs est. Respicit, Orientem versus, Episcopatum Herbipolitanum; à Meridie Comitatum

Hohenloe & Palatinatum Inferiorem; ab Occidente Sylvam Ottonicam, & versus Septentrionem, sylvosum Speffartum montem.

Qualitas.

Aër his in oris saluberrimus, regio ipsa frumenti, vini, & omnium, quæ natura homini conferre potest ad victum necessaria, feracissima est; & Mœno, Taubero aliisque amnibus irrigata: sylvæ quoque hinc inde non exiguæ in hoc Comitatu conspiciuntur.

Wertheim.

Caput hujus Comitatus est urbs *Wertheim*, ad Mœni & Tauberi confluentes sita, ac eximia arce conspicua. Paret nunc Comiti à Lōwenstein, olim subdita fuit Comitibus à Stolbergh: Comes enim Ludovicus à Lōwenstein suæ hunc Comitatum ditioni adjecit, in uxorem ducta Comitissa aliqua Stolbergica, hujus Comitatus hærede. Veterum Comitum Werthemensium successio in Co-


mite Michaële ultimo intercidit, præcedenti sæculo fatis functo. Urbs ipsa commodo sita loco ad confluentem, ut diximus, Mœni & Tauberi, commerciorum frequentia satis floret, maximè cum incolæ hujus urbis nunc liberi, & beneficio Comitum anno 1632 omni servitutis genere exempti sint. Dedita est urbs Religioni Lutheranae, quamvis Comes Iohannes Dietericus Senior ad Catholicos deflexerit, anno 1644 mortuus, relictis filiis Ferdinando Carolo & Iohanne Dieterico Iuniore, Comitibus in Lōwenstein, Wertheim, Rochefort, Montagu, Baronibus in Chassépierre, Dominis in Scharpfeneck, Breuberg, Herbemont & Neuf-Chasteau.

Præcipua præterea, quæ huic Comitatu ^{Cœnobis & pagi.} accensentur loca sunt, Cœnobis *Triefenstein*, *Holtzkirchen*, & *Brumbach*; cujus Abbati si aliquid humanitus acciderit, Comitibus clavis & omnia quæ Abbatis fuerunt, servanda tradi debent, usque dum novus defuncto Abbas suffectus sit. Pagi præcipui sunt *Buchenbach*, *Walthershausen*, *Michelriedt*, *Lengfeld*, *Meidenhofen*, &c. Detinet autem Episcopatus Herbipolitanus ex bonis Werthemicis Præfecturas *Schwanberg*, *Freudenberg*, *Remling* & *Lautenbach*.



COMITATVS
WERTHEIM
cum adjacentibus.

Miliaria Germanica communia.



NORIMBERGENSE TERRITORIUM.

309

*De Noricis
populis.*



Noricis olim dexteram labentis Danubii ripam coluere, Lyco amne à Vindelicis discreti. Hi quando transmissio Danubio interiora Germaniæ petiverint, Noricumque Trans-Danubianum fecerint, amisso Vetere, incertum est. Hoc certum, Noribergam & omnem agrum vicinum non à Nerone, sed ab illis nomen traxisse. Nam qui in hæc usque loca penetrasse Drusum aut Tiberium, & in his locis Noricos devicisse, arcemque condidisse putant, non sunt veteris Geographiæ, aut historiarum satis gnari. Norici ergo advenæ lecta hic in saltu Hercynio mansionis sede, quod ea esset ab Hunnorum incursionibus tutissima, & propter amnium Pegnesi & Regnesi viciniam ad inhabitandum comoda, castellum primum in colle, rudis opere condidere, ad amnisque ripas liquatorias & ferrarias elaborandi molliendique ferri officinas, (hac enim arte præ cæteris nationibus excellebant) exstruxerunt, rotasque posuerunt, impetu & rapiditate amnis circumagendas, ad varios artium suarum usus. Aucta dein sobole, & in eandem societatem se jungentibus Hercyniæ silvæ pastoribus, aliisque, qui vel hostium Germaniam reliquam vastantium immanitatem fugiebant, vel novitate rei ducti ex ea hominum colluvie lucrum sibi & vitæ compendia quærebant, congestis saxi & roboribus, fossaque educta oppidum cinctum est. Non defuere, qui ex hoc loco profecti, itinera Hercyniæ insiderent, & Germaniam prædis actis infestarent. Atque hæc causa est, cur ab Imperatoribus Conradis & Henricis castellum cum arce sua direptum aliquoties & expugnatum sit. Neque vero à latrocinii ante temperatum est, quam Imperator exercitum colli admovit, arceque potius Coloniam ipse illuc deduxit veteranorum, qui communita arce surgenti urbi præsiderent, & circumjectum nemus à latrocinii purgarent, studiose id per Burg-gravium curans, ut neque Noricis vis inferretur, neque ipsi aliis vim inferrent. Durat hodieque consuetudo; & habet Respublica in eam rem equites suos & pedites, qui publicis alti stipendiis omnia silvæ latibula, omnesque recessus diligenti indagine perquirunt, tutamque & securam negotiatoribus viam faciunt. Arcem Caroli Magni ævo hoc loco fuisse constat. Testantur enim historiæ, Carolum, quum Tassilonem Bavariæ Ducem esset oppugnaturus, tripartito divisisse exercitum, unum agmen sedes fixisse juxta Nurnbergam, alterum ad Danubium consedis, tertium ad Alpes Tridentinas. Popularis ab initio reipublicæ gubernatio fuit. Vna tantum civili discordia atque

Germania.

seditione, Caroli IV Imperatoris tempore, in Aristocraticam est mutata, ejusque tunc auspiciis rerum gubernacula in Patritiorum potestatem pervenere, qui tam æquo jure hætenus temperarunt rempublicam, ut vix ulla memorabilis secessio, aut perniciofa discordia in tanta hominum plebejorum multitudine ac gentium diversitate suborta fuerit. In urbe tres sunt ordines, Patrum videlicet, Mercatorum, & Operariorum sive plebis. Familiæ veteres & honoratiores sunt 28, ex quibus Senatus, sive Patrum collegium suppletur. Constat autem hoc viginti sex viris. Ex his tredecim Magistri civium appellantur, qui de republica simul consultant; alii tredecim populari lingua Scabini dicti, fastis fere diebus jurisdictionem inter cives exercentes, assidentibus tribus Iurisconsultis stipendiariis. Legibus avitis cautum, ne quis professione Iurisperitus aut titulo Doctor ad Senatum aut reipublicæ gubernacula admittatur. Ex bifariam sic diviso collegio Consules utrimque singulis mensibus renovantur, ut unus semper ex unaquaque parte semel in anno per mensem integrum lunarem cum insignibus summi Magistratus prodeat. Quinque ex eodem ordine viri crimina inquirunt, dijudicant, & noxios puniunt. Prætozem habet suburbanum, qui rusticis & paganis reipublicæ subjectis jus dicit. Quæstores inde ærarii duo annuatim creantur, senio, fide ac probitate conspicui, qui vectigalium ac reddituum totius civitatis curam gerunt, pecunias publicas recipiunt, ac dispensant. Dicti omnes Magistratus, ceterique alicujus potestatis ex Senatu & solo Patritiorum ordine constituuntur. Ducenti duntaxat ex tribus ordinibus, ac tota civitate quotannis nominantur, qui semel quotannis, ubi res arduæ postulant, à Magistratibus convocati coeunt, & in commune consultant.

Mercatorum ordo, licet amplissimus, à publicis oneribus liber est, atque immunitatibus multis & grandibus gaudet, ideoque privatas opes negotiationibus variis ex Europa non solum, sed etiam extremis orbis terrarum regionibus ac insulis eo, velut in dives horreum, congerit. Operariorum atque artificum, qui plebejus est, ordo, nulla in urbe conventicula admittuntur, nec publica, nec privata, uti nec epulæ solennes aut festiva convivia multorum, nisi religionis aut exequiarum causa. Paci siquidem publicæ id perniciosum arbitrantur, eo quod sæpius compertum est, factiones seditionesque periculosas pullulare ex similibus plebejorum congressibus. Quod si quæ inter plebejos simulas, aut dissensio fuerit orta, non ad artium decanos, aut operariorum præfectos ea deferitur, sed ad ipsum Senatum, qui confestim duos arbitros legit, qui rem omnem cognoscant, & privato colloquio pacem & concordiam tentent. Quæ si conciliari nequit, controversia ad Senatum evocatur, partibusque, causa dijudicata,

S s s s s

non

Aristocraticum regimen.

Tres ordines in Repub. Norimb.

Iurisconsulti legibus à Republ. semoti.

Consul mensis.

Commune trium Ordinum concilium ducentorum.

Mercatorum ordo.

Operariorum ordo.

Modus componendi simulas inter eos.



Nobilissimis Amplissimis Consul-
tissimisque Viris Dominis D. Con-
sulibus totique Senatui inclytæ
reipublicæ Norimbergensis de-
dicabat *Guilielmus Blacur.*

MARKGRAVIA
BRANDENBURGICA

NOBILIS
REIPUBLICA
NORIMBERGENSIS

BRANDENBURGICA

TERRITORIUM
NORIMBER-
GENSE.

Menfura unius Milliarj
Milliaria Gallica communia

- LITTERARVM ET
NUMERORVM
EXPLICATIO.
- 1. Neue Bau
 - 2. Augustiner Kloster
 - 3. Vener. Kirch
 - 4. S. Sebaste. Kirch
 - 5. Prediger Kloster
 - 6. S. Elisabeth
 - 7. De. Marien
 - 8. Vener. Kirch
 - 9. Klost. Marien
 - 10. S. Marien
 - 11. S. Marien
 - 12. S. Marien
 - 13. S. Marien
 - 14. S. Marien
 - 15. S. Marien
 - 16. S. Marien
 - 17. S. Marien
 - 18. S. Marien
 - 19. S. Marien
 - 20. S. Marien
 - 21. S. Marien
 - 22. S. Marien
 - 23. S. Marien
 - 24. S. Marien
 - 25. S. Marien
 - 26. S. Marien
 - 27. S. Marien
 - 28. S. Marien
 - 29. S. Marien
 - 30. S. Marien
 - 31. S. Marien
 - 32. S. Marien
 - 33. S. Marien
 - 34. S. Marien
 - 35. S. Marien
 - 36. S. Marien
 - 37. S. Marien
 - 38. S. Marien
 - 39. S. Marien
 - 40. S. Marien
 - 41. S. Marien
 - 42. S. Marien
 - 43. S. Marien
 - 44. S. Marien
 - 45. S. Marien
 - 46. S. Marien
 - 47. S. Marien
 - 48. S. Marien
 - 49. S. Marien
 - 50. S. Marien
 - 51. S. Marien
 - 52. S. Marien
 - 53. S. Marien
 - 54. S. Marien
 - 55. S. Marien
 - 56. S. Marien
 - 57. S. Marien
 - 58. S. Marien
 - 59. S. Marien
 - 60. S. Marien
 - 61. S. Marien
 - 62. S. Marien
 - 63. S. Marien
 - 64. S. Marien
 - 65. S. Marien
 - 66. S. Marien
 - 67. S. Marien
 - 68. S. Marien
 - 69. S. Marien
 - 70. S. Marien
 - 71. S. Marien
 - 72. S. Marien
 - 73. S. Marien
 - 74. S. Marien
 - 75. S. Marien
 - 76. S. Marien
 - 77. S. Marien
 - 78. S. Marien
 - 79. S. Marien
 - 80. S. Marien
 - 81. S. Marien
 - 82. S. Marien
 - 83. S. Marien
 - 84. S. Marien
 - 85. S. Marien
 - 86. S. Marien
 - 87. S. Marien
 - 88. S. Marien
 - 89. S. Marien
 - 90. S. Marien
 - 91. S. Marien
 - 92. S. Marien
 - 93. S. Marien
 - 94. S. Marien
 - 95. S. Marien
 - 96. S. Marien
 - 97. S. Marien
 - 98. S. Marien
 - 99. S. Marien
 - 100. S. Marien



non sine gravi multa silentium imponitur. Magna severitate pugnas, rixas, injurias & vim privatis illatam, quietis publicæ conservandæ causa, compescunt, ita ut in Quinque-virali illo judicio, Minoa & Radamanthum suas urnas assidue movere dicas. Et hoc ipso rigore in officio plebs continetur. A Majoribus traditum, Fredericum III, Imperatorem, ex Italia Noribergam redeuntem, ingentis obviam ubique effusæ plebis admiratione motum, interrogasse quendam è Senatu sibi proxime adequantem, quam arte, vel industria tantam multitudinem à seditionibus aut tumultu cohibere possent? & respondisse facete Senatorem, *verbis & verberibus*; innuens, bonos cives facile verbis ac rationibus duci posse; pravos & serviles pœnis compescendos.

Vrbs magnitudo & forma.

Vrbs ipsa temporum successu in tantum crevit, ut nunc spatium octo millium passuum implere credatur, triplici muro & fossa una accurate cincta. Cernuntur intra eam veteris oppidi muri fossæque minore ambitu, cum vestigiis priscarum structurarum. Versus meridiem, ubi ab amne recedit, latior est urbs, ad Septentrionem adductior, neque omnino rotunda, sed de industria angulosa, ut oppugnatu esset difficilior. Lapidem ad muros, templa, & ædificia publica, privataque sufficiunt vicini colles, & loca campestria. Ei nondum effosso singularis adest molities, quæque facile ferro cedat: expositus idem vento & Soli, ita paulatim excoquitur, ut duritie marmor æquet. Fossa urbis lata est cubitos xx, alta fere totidem, inter duos muros ad perpendicularum erectos, interlabente rivulo, cujus cespitem viridem cervi hinnulique depascunt. Turres in interioris muri, qui editior est, ambitu, quadrangulares, paribus intervallis dispositæ, sunt ducentæ, quibus vigiles ad excubias urbis impositi discrimina dierum noctiumque horis distributa denuntiant. In exteriori muro turres fere sunt totidem, sed minores, & ubi muri flexus id exigit, teretes ac rotundæ, singulæ machinis ac tormentis bellicis instructæ. Mœnia pinnata coctili latere tecta sunt. Portæ, quæ diversos Germaniæ tractus spectant, sunt sex majores, singulæ arduis turribus & propugnaculis munitæ. Amnis autem ubi ab ortu per patentes fornicato opere pontes, vallis utrimque bene munitos, in urbem infunditur, duas protinus insulas efficit: quarum una angustior, altera à congesta terra nomen habens, linteis ad Solem exponendis, ac præterlabentis amnis aspergine mundandis, egregium civitati usum præstat. Adjacent thermæ medendis corporibus salubres. Postquam vero amnis per xii pontes sese extra urbis muros evolvit, alluit locum publicum, quo, ut Spartani ad Eurotam, ita juvenus Norica festis diebus sese exercet, palæstra, lucta, saltu, disco, hastarum jaculatione, aliisque honestis recreationibus. Propter flumen infinitæ sunt officinæ, cum molis machinisque frumentariis, papyraceis, ferrariis, ærariis, quibus enses, lorice, galeæ, tela, cultri, novacula, forcipes, caldaria, pelves, sartagines cuduntur: fila quoque ferrea in ingentem longitudinem ænea rotarum ope protrahuntur. Plateæ urbis amplæ sunt, munda, ad Solem apertæ, saxo durissimo strata. Puteos

videas publicos cxx, canales & tubos aquarum xx, fontes duos elegantissimo opere exornatos. Fora multa, boarium, olitorium, piscarium, cupedinarium, suarium, vinarium, frumentarium. Maximum vero & spatiosissimum est illud negotiatorum ad lanum medium, habens fontem secto lapide, multoque auro, ac vario genere sculpturæ ornatum, virorum fortium statuis ingentibus circumpositis. Adjacet foro templum B. Virginis, exstructum à Carolo IV. Ædificia civium spatiosa atque ampla sunt. Collem seorsim adfurgentem, lateribusque suis ab Ortu in Occasum circumductum, ornant infra domus splendida Patritiorum, mercatorum, & potentiorum civium, intermixtis diverforiis, quibus vel Cæsaris familia excipi posset. In collis vertice

Fora.

Arces.

duæ sunt arces: major, in quam ex urbe per excisam petram itur, regias aulas & cœnationes laqueatas late patentes habet. Hæc Romanorum Regum, si quando illic morari velint, domicilium est. In ea Fridericus Imperator, Semiramidem imitatus, hortos pensiles fecit. Altera arx sedes fuit Burg-gravii: nunc horreum est publicum. In colle templa sunt tria, quorum unum in arce Imperiali est, in quo Cæsares illic degentes rebus sacris operari solent: duo publica sunt, sacra B. Margareta & B. Walpurgi. Arcis istius muros refecit Senatus anno 1531, additis fortissimis propugnaculis. Vrbs non in Germaniæ tantum, sed totius etiam Europæ meditullio sita est, quippe quæ à Codano & Hadriatico sinu paribus intervallis distet, similiterque ab Oceano Atlantico & Tanais ripis. Cives ob vicinorum consuetudinem pro quatuor regionibus, quatuor quoque diversis linguis utuntur, Suevica, Francica, Bavarica, Montana. Templa in urbe augustiora sunt duo, unum beato Petro sacrum, alterum beato Laurentio. Xenodochia & Nosodochia quatuor sunt. Est & armamentarium instructissimum. De hac Iulius Scaliger ita canit:

Situs urbis.

Templa in urbe.


*Hanc sibi corruptas terras Astræa relinquens,
Fatali statuit sede tenere locum.
Quis putet horridico sociatas Marte Camænas?
Sacra tamen duplex tempora laurus obit.
Martis habet, & Phœbi felicia tempora, laure,
Sanctæque sit valido federe juncta fides.*

Territorium Noribergense, qua Septentrionem, Orientem & Meridiem spectat, silvam esse dixeris, quam irrigant è fluvio Rednits excurrentes hic illic aquæ & fluvii, Swartzbach, Pegnitz, Grindlach, Swabach. Illorum secundus urbem interfecat. Paret Noribergæ Altorfium, in qua Academia à Senatu Norico aperta est an. 1579, die 29 Junii. Primus in ea Rector fuit Valentinus Erythræus. Translatum igitur est eò quicquid erat Noribergæ juventutis eruditioris, ut illic plenius poliretur. Fuerat enim jam ante Noribergæ Schola satis celebris, ad cuius constitutionem multum contulerat Melanchthon, Bilibaldus Pirchaimerus, Vitus Theodorus, Eobanus Hessus. sub annum 1588 evocatus est Altorfium à Senatu Noribergensi Hugo Donellus Iurisconsultus, & post eum Obertus Giphanius, Scipio Gentilis, Conradus Rittershusius, viri toto orbe celeberrimi.

Territorium.

Altorfium.

D A N U B I U S.



Um ex Philosophorum præscripto quæstio nominis præcedat quæstionem rei, primo de Danubii nominibus pauca præmittam. Ejus tam frequens est apud Scriptores veteres mentio, ut vix ullus reperitur qualiscunque anti-

quiritatis, qui non ejus meminerit. Hanc ob causam Eratosthenes ac Apollodorus in 2 de navibus, Homerum sagittarum, quod multos fluvios Oceano scripserit immergi, & de Danubio conticuerit. Est enim inter Europæos omnium maximus. Multos Scythiæ populos irrigat, per Germaniam, Austriam, Vngariam, & Peucen usque in Græciam labitur, & ad Propontidem usque excurrit. Ab Occidente itidem in Austrum vergit. Primo molli fluxu clementer fluit. Iornandes ducentorum pedum altitudinem & profunditatem ejus esse scribit in pluribus locis. Quidam Danubium Teutonice *Donne* & *Donaw* dictum volunt à sono undarum; secundum cæteros à *Dunis* gentibus, ejus accolis. Nuncupatur alio nomine *Ister*, ab Istro Rege, ut placet Beroso. Pomponius Mela lib. 2, Danubium dici vult circa fontes & principia, & inde post longas ejus dilatationes ab accolis Istrum vocari. Iornandes Bessorum lingua hunc Istri nomen ferre asserit. Quidam, sed perperam, putant, Danubium Istri nomen accepisse tempore Augusti, cum Argonautarum ævo Ister nominatus sit, unde Iustinus & Trogus lib. 32, Istriam ab ipso dixerunt, & Portius Cato, qui ante Augustum vixit, hujus meminit. Annianus Viterbiensis vult à Mose vocari *Istim*. Stephanus Byzantius *Matoan* Istrum appellat. Ab Istri & Danubii appellationibus binominis vocatur. Ovid.

Stat vetus urbs, ripæ vicina binominis Istri.

Latissimum fluminum Danubium Polybius scribit, & Herodianus hunc latissimum altissimumque prodidit. Nullus autem ita Istrum expressit, sicut Dion Græcus in Trajano. Refert Danubium aquarum multitudine nulli fluviorum cedere, semper copiosissimum, nullo inferiore, nullum etiam altitudinem & latitudinem ejus enarrare posse.

De origine ejus non levis est apud scriptores dissensio. Tacitus in monte Arnoba eum oriri perhibet. Alii ex montibus Suevicis, alii ex Germanicis oris arcessunt. Solinus è monte, qui in Scauros Galliæ aspectat. Marlianus ex monte non longe à Rhætiis Alpibus inter Tridentinam & Noricensem dioceses: Eratosthenes Græcus fallitur, qui scaturire ejus fontes vult non longe à montibus Ponti; & Strabo, qui supra Adriaticum fontem ponit, qui idem fontes Rhæni & Istri non multum differre asseruit. Claudianus pro Stilicone ex Rhætiis montibus deducit:

Germania.

*Prominet Hercynia confinis Rætia sylva,
Quæ se Danubii jactat Rhenique parentem.*

Hoc verissimum, ex Arnoba monte, qui in Ducatu est Wirtembergico, defluere, non longe à Rheno, quatuor puta miliaribus. Picus:

*Hic & Danubius non magnis devehit undis,
Montibus Arnoba vix fusus, plurima nondum
Flumina surripuit, nondumque binominis ingens
Alluit Elysios, Ariosque & Pæonis oram,
Et Ligys.*

Munsterus scribit, nullum montem scaturiginem ejus attingere, sed effundi copioso aquarum meatu ex colliculo quodam, cujus eminentia vix habet 15 aut 16 cubitos; quod se diligenter lustrasse ait, in silva Hercynia in pago den Eschingen.

Controvertitur inter scriptores, an Danubius Nilo præstet, an Nilus Danubio? Illud tamen certum, Danubium à Nilo secundum esse, uti probat Aul. Gellius noct. Attic. lib. 10, cap. 7. adstipulante Ausonio:

*Illyricis regnator aquis tibi Nile secundus
Danubius letum profero fonte caput.*

Herodotus lib. 2. *Νῆλός τε ἰστροῦ ἐκ τῶν ἰσων ἐκβάται.* Nilus pari tractu atque Ister meat. Arrianus Græcus lib. 8. Danubium è fonte parvum exire ait, ac multa flumina sibi admittere, tamen nec numero, nec magnitudine Indicis amnibus æqualia flumina fuscipere. Horum maxima esse Ænum & Sabum, qui è Noricorum ac Rhætorum finibus se Danubio adjungunt. Cætera vero flumina nondum navigabilia sunt. Quæ ejus verba longe & à veterum sententia, & à vero absunt. Ovidius vult Nilo non esse minorem in lib. de Tristibus:

*Ipse papyrifero qui non angustior amne
Miscetur vasto multa per ora fiato.*

Et in libro de Ponto:

*Innumerique alii, quos inter maximus amnes
Cedere Danubius se tibi Nile negat.
Copia tot laticum, quas auget, adulterat undas,
Nec patitur vires aquor habere suas.*

In hoc flumine terminus fuit Romani Imperii, auctoribus Appiano Alexandrino, Dione Græco, Ambrosio in Hexaemeris, Varrone in super, Lælio, Salustio, & Ovidio in Tristibus:

*Hactenus Euxini pars est Romana sinistri,
Proxima Basterne Sauromatæque tenent.
Hæc est Ausonio sub jure novissima, vixque
Hæsit in imperii margine terra tui.*

Et paulo post Getas ultra Danubium Romanorum terras invadere dixit. Ausonius tamen & totum Danubium Romanis adscribere nititur, adulatione abreptus:

*Qua gelidum fontem mediis effundo Süervus,
Imperio gravidas qua seco Pannonias.
Augusto dabitur sed proxima palma Valenti,
Invenies fontes hic quoque Nile meos.*

Supra hunc fluvium Trajanus Nerva pontem miri operis in Mœsia construxit, quem denuo Adrianus demolitus est.

T t t t t

Ejus

De nominibus Danubii.

De ortu Danubii.

Danubius terminus Romani Imperii.

Strigonia
Dacia
Acachia

De Danu-
bii natura
& incre-
mento.

Ejus naturam variam faciunt scriptores. Herodotus his verbis lib. 4. eum describit: Quod autem semper sibi similis fuit Ister, tam in ætate quam in hyeme, ob id fit, ut mihi videtur; in hyeme enim ningit ac pluit ubique; in æstate vero nix in hyeme delata, tunc liquefit ubique. Nives igitur in Istrum venientes ipsum implent. Et addit: Imbres quoque multi ac vehementes cum nive ipsum augent. Quanto autem plus per æstatem pluit, & quanto plus aquæ Sol trahit, tam in ætate quam in hyeme, tantum etiam Istro miscetur. Itaque cum semper paria faciat Ister, tam ætate quam hyeme, datis aquis ac acceptis, semper sibi similis apparet.

De flumi-
nibus in
Danubium
se exone-
rantibus.

In Danubium se exonerant flumina plurima, numero sexaginta, ut asserunt pene omnes probatæ fidei scriptores. Albertus Magnus, Martinus, & Iornandes, per mille ducentorum passuum millia à fonte Istrum usque ad Pontum defluere collegit. Nec mirum, cum per tot loca labatur barbara. Valerius Flaccus libro 8:

*Torvus ubi & ripa semper metuendus utraque,
In freta per sævos Ister descendit alumnos.*

Corteras fluvius, ut Strabo ait, apud Lugeum & Tergestum, Sabum intrat, Sabus Draboram, Drabora Noaram, Noara apud Scorbiscas Danubium. Regus fluvius apud Noricos, apud Ratisbonam transmittitur, Teutonice *der Regen*. Vnde ait Celtes lib. 2 Odar.

*Sed nunc in oris Vrsula Noricis,
Quæ Regus Istro se sociat vago.*

Almonus.

Insuper Almonus fluvius Aureatenfis, cujus meminit Celtes in Odis: Baccuntius fluvius, cujus Bocatius & Plinius lib. 3, cap. 22. recordantur, juxta Sirmium in Savum influit. His adde Iglam, qui caput non procul à Marscheck loco producens, in Danubium se inter Trebetzich ac Petronel abscondit. Cursus ejus ab Oriente in Meridiem est. Iglam intrat Mura, prope Trensitz. Almonus fluvius sapore piscium præstantissimus juxta Kelheim se in Istrum commutat. Bernicus non procul à Werd Danubio sociatur. Isarus etiam haud procul à Pletlingio se Istro associat, oppida transiens Landen, Lantzhutta, Sindelfingium, Monacum, Mosburgum, Mittenwaldium. Multa præterea flumina sunt, quorum Herodotus meminit, quæ per Scythiæ partes olim ita vocatas ad Danubium decurrunt. Primum Poratam vocant Scythæ, Græci vero Pyretum; secundus Tiarantus est; tertius Ararus; quartus Naparis; quintus Ordesius dictus est. Primus illorum ingens fit, & ad Auroram fluens cum Istro communicat. Secundus Tiarantus dictus, ad Occidentem magis vergit. Cæteri tres, per medium illorum fluentes, Istro se immergunt. Idem Herodotus. Inde, inquit, ex Agathyrhis *μάρης* fluvius, inde *αυγης & τυβης*, Auras & Tybesis: per Thraciam vero *αθρης & νοης*, Athres & Noës, *& ατarnης*, Atarnes. Ex Pæonia vero ac monte Rhodope *κιου*, Cius, medium eum interfecindens. Ab Illyriis autem ad Aquilonem *αγγρος*, Angrus, qui planitiem Triballo- rum percurrens in *βρόγγον*, Brongum incidit. Brongus vero in Istrum. Inde ex regione Ombricorum *καρπης*, Carpis fluvius, & alius *αλπις*, Alp- is dictus, versus Boream tendunt & Istro mi-

Noara.
Regus.

Igla.

Bernicus.
Isarus.

Flumina è
Scythia in
Istrum la-
bentia se-
cundum
Herodotum.

scuntur. Sunt & alii, quorum Huttenus meminit in suo Panegyrico: *Parvus Iser, curvusque Lycus, Inus, Eser, Bemus, Nabus, Ænus, Igla, Tbesia, &c.* Item Parthiscus fluvius Sarmatiæ Istro miscetur, *Parthiscus*. ut ait Ammianus Marcellinus lib. 7, qui dum solus licentius fluit, spatia longa & lata sensim præterlabens, prope exitum in angustias accolarum ab impetu Romanorum alveo Danubii defenditur. Arabon fluvius inferioris Pannoniæ *Arabon*. in Danubium defertur versus montem Cecium, juxta Corroduum & Curtam, ut Ptolemæus ait. Est & Tibisus fluvius, qui è Carpatho oritur, & *Tibisus*. in Danubium defertur.

At his nobilior luculentiorque est Ænus, qui *Ænus*. secundum Picum in Alpibus oritur:

*Atque sub æriis perlabitur Alpibus Ænus,
Ænus Casareis ardentia tecta caminis
Ducturus, &c.*

Revera autem ex Adula monte erumpit, ut Celtes ait:

Qui Rheni Rhodanique parens, Ænique sonantis.

Descendit autem inde usque ad Anipontem, cui urbi nomen dedit, *Inspruck*. Noricos inde à Vindelicis separans Bavariam petit, usque ad Patavium urbem Episcopalem, Teutonice *Passau*. Confluum Illsum à Septentrione recipiens in Danubium exit. Civitates, quæ non procul ab Æno conspiciuntur, sunt Scherdingen, Osenburgum, Otingum, Muldorffium, Hennaugia, Rosenheimium, Kopffensteinium, Wasserburgium. Idem Ænus Iuvavum recipit, quem Saltzam vocant, qui supra Iuvaviam oriens in loco *Zum-hellen* dicto per eandem Iuvaviam, Lauffen, Titmaningum, ac Burckhusen præterfluens Æno miscetur, non procul ab Otingen & Pranau. Illsus autem fluvius è Bohæmia descendit, ac ad Patavium Danubio miscetur. Celtes:

*Illsus & à Borea niger exit,
Danubii medios quos accipit alveus amnes,
Crescit, & impetuosior undis.*

Nabus in Pinifero oritur, & mox ad Orientem se convertit. Ptolemæus Nabi, postquam de Vindelicis locutus est, non meminit, sed Æni, lib. 2: *Secundum scissionem fluvii ad meridiem vergentis, fluvius est, qui vocatur αβος*. Nabus autem per Neustadium ad meridiem se flectit, & juxta Ratisponam Danubio absorbetur. Vilsum Celtes ex Hercynia & Pinifero deducit:

*Qui Nabum vitreis fontibus egerit,
Et Vilsum socio flumine concipit,
Qui magnum sociati patrem Danubium petunt.*

Lycus Vindelicorum Fluvius, *der Lech* / apud *Lycus*. Valkyrum ortus, aut, ut aliis placet, in Alpibus, postquam Reynum, Augustam Vindelicorum, Lantzpergum præterfluxit, inter Nuenburgum atque Werd in Danubium exit. Savus & Dravus Flumina Pannoniam complectuntur. Ille recipit Fluvium Ogdolapem & inde Danubium petit, Teutonice *die Sav*. Distat à Dravo 11600 passus, per Lapiones & Breucos labitur. In Savum Baccuntius labitur juxta Syrinthium. Dravus autem è Noricis transit violenter per *Dravus*. Serapilos, Iafos, Scandezetes, Dalmatiarum populos.

Fonte suo prolapsus divagatur in palustria, *Traitus totius Danubii.* mox

mox in alveum receptus, & subinde allabentibus rivis auctior, multas gentes adit, & primo Suevos permeat, multis anfractibus flexibusque, donec Ulmam imperialem civitatem alluat, à qua dimissus Ingolstadium Bavariae urbem adspicit, inde Ratisbonam, de qua Otto Frisingensis: *Hæc civitas super Danubium sita est, qui unus trium famosissimorum fluminum in Europa à Topographis dicitur, ex ea parte, qua predicto anni duo navigabilia Regnus & Naba illabuntur flumina, posita, eò quod ratibus opportuna bonaque sit, Ratisbona dicitur.* Hinc Patavium adit, Passaw, ubi tres amnes concurrunt, Danubius, Ænus, Ilfa. Danubius medius est, cui pons injectus urbem ipsam cum ripa adversa necit, ædificiis turribusque egregie ornata. Recipit hic dextera è Vindelicis Ænum, Iuvavo auctum, læva Ilfam sive Ilissum ex Germania adversa se in Danubium præcipitantem, ad pedem arcis Episcopalis. Tandem in Austriam deductus Viennam salutatur, imperialem urbem, mox decimo à Vienna milliari Poßonium, hodie Presburgh præterlabitur, exinde Komaram, ubi Insulam, quam hodie Schuß vocant, ambit, post hanc Strigonium radit & Budam in Hungaria citeriore, quam nunc Turca tenet, ereptam Christianis, anno Domini 1519, ab imperatore Solymanno, die 19 Augusti, postquam undecies illam oppugnasset, facta ad muros usque oppressione. Pestham ubi emensus est, Tibiscum fluvium recipit, & è Servia Savum. Hinc Bulgariam adit sive Mœsiam inferiorem, ubi vestigia pontis Trajani visuntur, prope Severinum. Inde vario flexu & meatu per Valachiam raptus in Pontum Euxinum labitur.

De exitu vero Danubii inter autores controversia surgit. Eratosthenes & Ephorus in utrumque mare se exonerare Danubium scripsere. Alii in Pontum Euxinum, ut Strabo, Tacitus, Lucanus, cujus hæc sunt libro secundo Pharsal.

*Nec minor hic Istro, nisi quod dum permeat orbem,
Ister casuros in qualibet aquora fontes
Accipit, & Scythicas exit non solus in undas.*

Valerius Flaccus lib. 8:

Haud procul hic ingens Scythici ruit exitus Istri.

Theopompus & Eratosthenes etiam in Adriaticum mergi Danubium scripserunt. Nec de ostiis convenit. Arrianus lib. 1 de gestis Alexandri, quinque Danubii ostia ponit, & Claudianus de laudibus Stiliconis, *Thracia quinque vadis Istrum vocat.* Et Dionysius Græcus quinque ostiis tantum Istrum investivit, interprete Prisciano:

*Qui poscens ortus Euxini per venit undas,
Irriguum Peucen complectens gurgite quinto.*

Vbi Eustathius ejus enarrator *ὅτι αὐτὸς πενταπύον ἔισται.* Quorum verò opinio est probabilior, septem ostiis Danubium Ponto immisceri scribunt, sex navigabilibus, septimo paludibus consepito. In hac sententia sunt Mela, Solinus cap. 22, Strabo lib. 7, Picus:

*— tandem raptò tumefactus aquarum
Euxinum ingreditur bis terno gurgite pontum,
Extremumque caput limosa perdit in ulva.*

Mela tot ostia ipsum habere ait, quot Nilus habet. Eorum quæ ad ortum vergunt sub ostio Peuces Trogloditæ sunt. Ostia vero Peucini habitant. Ovidium audiamus:

*Solus ad ingressum missus septemplex Istri,
Parrhasiæ gelido virginis axe premor.*

Haud secus Valerius Flaccus septem ostiis hunc ditavit:

*Fundere non uno tantum quæ flumina cornu
Accipimus, septem exit aquis, septem ostia pandit.*

Nomina ostiorum, ut placet Ammiano Marcellino lib. 22, sunt illa: Primum Peuce, secundum Nauzocufoma, tertium Calostoma, quartum Pseudostoma, Ammianus Pseudostomum dixit, quintum Baryostoma, sextum Spireostoma, quod dicitur ab Ammiano Stenostoma. Tria posteriora minora sunt, ut & septimum, priora vero eo majora, quod illapsa in Pontum per quadraginta millia passuum non misceantur æquori, dulcemque aquarum saporem servant. Septimus autem meatus sine nomine in paludibus delitescit. Strabo lib. 7 dissentit ab illis. Inter maxima enim Istri ostia Hierostoma dixit, id est, sacrum ostium. Ab illo usque ad Peucen stadia 120 enumerat, ubi Darius pontem struxit. ab eo septimum ostium distat 300 stadiis. Hæc Strabo. Mirum autem, quam apud scriptores varient vocabula & appellationes ostiorum. Georgius Fabritius sex ostia recenset in quodam Itinerario:

*Qui centum populos & magnas alluit urbes,
Euxinum irrumpit bis terno flumine pontum.*

De eo sic Ammianus: Et constat ab ultimis finibus nostri maris agminatim pariendi gratia petere pisces, ut aquarum suavitate salubrius fœtum educent, nec intercipientur. Hæc de quibusdam ostiis vera sunt, quæ tanto impetu undarum in mare excurrunt, ut ad longissimam ab ostiis distantiam dulces aquas devolvant.

S V E V I A.

Suevia olim
regnum.

Suevia olim regnum fuisse, ex historiarum monumentis constat; deinde in Ducatum redactum. Hodie vero nemo Germaniæ Principum Ducis Sueviæ titulo ornatur. Sub multis siquidem Principibus divisa est. Pars

Domui Austriacæ jure hæreditario accessit. Dux Wirtembergensis plurimam partem occupavit. Multæ in ea sunt civitates liberæ & Imperiales, multæ quæ Ducibus Baviaræ subjiuntur. Hujus vero gentis tanquam nobilissimæ & antiquissimæ in Italia, nemo veterum scriptorum non meminit. Ad Albim & Suevum fluvium eam olim habitasse, ex Ptolemæo, Strabone, aliisque auctoribus liquet. Hodie autem arctioribus contenta terminis, Germaniæ suprema portio est. A Septentrione illi adjacet Baviaræ Palatinatus, ab Oriente Ducatus Baviaræ, à Meridie Helvetiæ pars, ab Occidente Alsatia. Quondam hæc regio Alemania à lacu Lemano (ut quidam existimant) dicta fuit.

Fines.

Regionis in-
dotes.

Regio est (ut eam pulchre describit Ioannes Aubanus, in suo de moribus gentium pulcherri-
mo libello) partim plana, partim montosa. Ager fertilis, cujus nulla pars inculta jacet, præter quam aut lacus, aut montes, vel sylvæ occupant. Nemora in ea multa, & ob id genti venatio frequens, aucupium peculiare, frumentorum abundantia, pecorum magna vis. Tota provincia salubritate gaudens, celebratissimis urbibus, vicis & castellis referta. Arces excelsæ, natura & arte munitæ. Circa montes ferrum, argentum & metalla procreat. Gens populosa, fortis, audax & bellicosa, præstantissima Germanorum à Plutarcho dicta. Cujus gloria eo usque crevisse memoratur, ut virtute & armis imperium orbis meruerit, illudque ultra unius seculi spacium magnificentissime tenuerit. Pertinet ad circulum Imperii quartum. Cujus circuli dum mentionem facio, quid hæc res sibi velit, aperiā.

Ad quar-
tum Circu-
lum Impe-
rii pertinet.

Divisum est Imperium Germanicum in Circulos. Circulum vocant Provinciam vel ditio-
nem Imperii singularem, certo jure ac societate junctam, ad mutuam adversus hostiles incursum defensionem. Vastum enim illud Germanici Imperii corpus quum viderent Proceres non posse simul facile moveri, placuit distinguere in certos tractus, quibus singulis præessent consilii capiendi præfecti quidam seculares, ut postea in Comitibus Imperii tanto expeditius per ipsos ea peragerentur, quæ ad communem sui tractus salutem pertinerent. Ac primum quidem sex tantum circuli fuere constituti Augustæ, anno 1500. Postea facti sunt decem, anno 1522 Noribergæ, quod tamen alii Treveris factum adserunt anno 1511. Primus Circulus est *Franconia*, Secundus *Bavaria*, Tertius *Austria*, Quartus

Suevia, Quintus est *Rheni*, Sextus *Quatuor Electorum*, Septimus *Westphalicus*, Octavus *Saxonia Superioris*, Nonus *Saxonia Inferioris*, Decimus *Burgundicus*.

Dividitur autem Suevia in plurimas partes, *Divisio.* quales sunt, *Algovia*, *Hegovia*, *Kleckgovia*, *Schwartzwald*, *Mortnavia*, *Kreichovia*, *Marchionatus Badensis*, *Ducatus Wirtembergensis*, ambæ lacus *Constantia* ripæ, *Ergovia*, *Turgovia*, quæ maximam partem Helvetiis infestæ, *Marchionatus Burgavia*, prope Augustam, ad Archiduces Austriæ pertinens; præterea parva territoria *Alb*, *Albuch*, *Scher*, *Hannenkam*, *Hertsfeld*, *Wernitz*, *Riez*, *Reichnavia* & *Viragrund*, *Valles Danubii*, *Robertball*, *Remstball*, *Premstball*, *Episcopatus Argentoratensem* & *Constantiensem*, *Comitatus Hohenzollern*, *Herffenstein*, *Hohenlohe*, *Montfort*, *Furstenberg*, *Sultz*, *Luffen*, *Zimbern*, *Hohenberg*, *Ottingen* & *Fuggerorum*; *Baronatum Waldburg*, *Abbatias Kempten*, *Lindau* & *Buchow*, *Eilbrangen*; urbes item Imperiales, quæ totidem quasi respublicæ sunt.

Fluvii Sueviam humectantes sunt, *Danubius*, *Fluvii.* *Rhenus*, cæterique, qui in eum se exonerant, *Neccarus* seu *Nicer*, *Lycus*, *Wertavus*, *Isara*, *Mindela*, *Brentz*, *Rems*, *Entz*, *Iaxt*, *Nagolt*, *Wernitz*, *Wiltz* & *Kocher*.

Incolæ ut plurimum pulchri, proceri, audaces, *Mores.* bellicosi sunt; simplicitas quoque eorum adeo grandis, ut in proverbium abierit. Ditissimi quoque inter illos mercaturam exercent, non quidem ipsi in propria persona, sed per ministros & servos suos; reliqui autem texendis telis adiecti sunt, quarum unum genus illis *Barchet*, *Hollandis Bommefyn*, *Gallis Futaine* appellatur; alterum ipsis peculiare *Golsch* dicitur: ita ut Vlmæ singulis annis harum telarum circiter centum millia conficiantur, quæ deinde in vicinas regiones exportatæ, non mediocriter mercatoribus lucrum adferunt.

Constat Sueviæ Circulus tribus Ordinibus, *Status.* Ecclesiastico, Principum & Civitatum Imperii, quæ liberæ respublicæ sunt & solum Cæsarem agnoscunt. Inter civitates Imperii liberas cum longe antecellant Augustæ, Constantia, Halla, Nordlinga, Gemunda, & Rotweila, accuratius illarum urbium memoranda deducuntur.

Augusta interdum Rhætorum, interdum Vindelicorum esse dicitur, quia Rhætia illa communis habet in se Rhætiam singularem, ac præterea etiam Vindeliciam Lyco amne à se invicem discretas. Tacitus eam vocat splendidissimam Rhæticiæ provinciæ coloniam. Quum autem credibile sit, Vindelicos aliquid etiam in adversa ripa terrarum habuisse, non est mirum, si quæ proprie Rhætorum fuit, ob hanc causam etiam dicta sit Vindelicorum, ipsis quoque Vindelicis in altera fluminis ripa ab hac parte nomen trahentibus. Vindus quippe in Lycum se exonerat in Rhætia, & ab hoc confluxu, qui ad Augustam fit, dicta est Augusta Vindelicorum. Est autem vetus admodum & antiqua hæc urbs, imo

Augusta
Vindelico-
rum.

imo & ante Romanorum imperium celebris inter Rhætos & Germanos. Sed in eam postea auspiciis Cæsaris Augusti deducta est colonia, ex eoque illa Augusta dici cœpit; quomodo ad Danubium Augusta Acilia; in Gallia Augusta Ausciorum; in Hispania Augusta Bracarum; in Lusitania Augusta Emerita: in Comagena Augusta Euphratesia: Prætoria in Salassii, Rauracorum ad Rhenum; Veromanduorum, Sueffonum, Taurinorum, Tiberii, Trevirorum alibi. Et verisimile est, coloniam huc ductam, quo tempore Tiberius & Drusus Neronæ, Rhætiam, Vindeliciamque devicerunt subsidio adversus rebelles, & imbuendis sociis ad officia legum, ut ait Tacitus. Ab Augusta addita Germanicæ vocis terminatione dicta est *Augsburgum* quasi dicas *αὐγούρον*, burgum sive oppidum Augusti. Nunc ea Sueviæ accensetur, ex quo fortis Suevorum natio transito Danubio illa etiam loca infedit. Post calamitatem ab Attila illatam cœpit se urbs paulum erigere, sub Ostrogothorum Rege Theodorico. Quum vero exactis Romanis Suevi Danubium Imperii limitem transgressi, Rhætiam omnem invasisent, ac cum Allemannis ipsi quoque de pellendis Francis consilia agitasent, victi ad Tolbiacum cessere potestati victorum, parueruntque Augustani Austrasiorum Regibus, usque ad Carolum Martellum. Anno 1051 Henricus Niger conventum hic habuit Imperialem Calendis Febr. Anno 1077, Rudolphus Sueviæ Dux Hildebrandi Papæ instinctu contra Henricum IV Cæsar electus, comitia hic celebravit, una cum legato Romano. Sub Sigismundo aucta sunt urbi privilegia & immunitates. Anno 1496 celebravit hic festum Maximilianus Austriacus cum Philippo filio suo Archiduce. Sub eodem Maximiliano sæpius hic agitata Comitia. Anno 1518 evocatus Lutherus rationem fidei suæ hic reddidit, & sub Carolo V, in Comitibus oblata est Confessio ab hac urbe post denominata, anno 1530. Decimo octavo post anno cusa est moderatio religionis, quam *Interim* vocant, per Iulium Pflug, Michaëlem Heldum, & Iohannem Illebius. Biennio post habitis ibi Comitibus urfit Carolus V, Concilium Tridentinum. Sub Ferdinando confirmata est pax Augustana. Et ne Ecclesiastica fileam, circa annum Christi 190 fertur Augustæ prædicasse Evangelium Lucius quidam, & Prætorem Campestrium ad religionem Christianam convertisse; quod tamen quia certis historiarum documentis non probatur, in medio relinquimus. Certiora hæc sunt: sub Diocletiano Narcissum Gerundensem docuisse, & primum illic Episcopum constituisse Dionysium Cretensem, qui cum Afra, Digna, Eunomia, Euprepia, multisque aliis sanctis à Cajo Diocletiani Duce interfectus est, quorum martyrum memoria incidit in quintam & duodecimam Augusti. At anno Christi 400 missi sunt ab Ambrosio Mediolanensi Episcopo Augustam Albanus & Theomnestus, ut Ecclesiam ibi Ariana hæresi infectam purgarent. Anno Christi 618 præfectus est Ecclesiæ Sozimus, qui primus Episcoporum Augustanorum censetur.

Templa complura habet pulchritudine & antiquitate spectabilia, quæ inter primaria sunt tria.

Germania.

Templum Societatis Iesu; Templum cathedrale, ubi ex suprema Chori parte suspensum videtur vexillum Caroli V Imperatoris, ejusdemque inibi repositus gladius, sceptrum, & corona aurea, veluti pacis trophæa, constituta eo loco anno 1555. Templum D. Vdalrici, cujus ibi sepulchrum, ex quo eruta terra vim habet, ut ajunt, pellendi glires: ideoque peregre adventantibus portiuncula ejus donari solet. Hæc in æde monumenta sunt Fuggerorum, chorus marmoreus, aliaque. Ornant urbem eorundem Fuggerorum palatia magnifica; aquæ ductus publicus visu dignissimus, quo aqua salubris & limpidissima tanta copia per canales in ipsum castellum sive receptaculum deducitur, ut diversis per ea temporibus aper & dama pusilla delata sit. Memoria ejus rei tabulæ lignæ appensæ ibi monstrantur, indices exculiores magnitudinis & crassitie, & ipsius quoque temporis. Aqua singulari artificio in fastigium altæ turris sursum propellitur, atque inde per minores canales certa mensura in loca publica & privatorum, quæ eam sibi compararunt, ædes dirigitur. Fons longe pulcherrimus ex marmore candidissimo cum statua ænea Augusti Imperatoris egregia & alta conspicitur prope curiam, ad quem vetusta & rudi Minerva depicta est cædes Quinctilii Vari, & legionum eo ipso in loco, quem hodie *Berler* vocant. Ipsa Curia olim Cybeles templum fuisse perhibetur. Iuxta eam est turris Badina, ubi certus est in urbem introitus mira arte & ingenio factus. Constat ex ponte sicilibus strato, pensili fere, nullisque columnis suffulto, fornicis ad instar. Per portas itur quatuor, quarum singulæ certo pondere, artificio & facili ductu (dirigente ea janitore in superiore domus contiguatione) sponte sua ordine aperiuntur, & rursum occluduntur. Ajunt factum esse in commodum Maximiliani I Imperatoris, qui ne portas aperiri sibi necesse esset, iter rectum hac via noctu introivit. Hodie cujusvis commoditati inservit, qui nocturno tempore eques pedesve urbem ingredi cupit, depenso exiguo isagogico. Bibliotheca Senatus in Academia D. Annæ conspicitur, in qua, præter impressos libros optimorum autorum, bona etiam copia asservatur manuscritorum antiquissimorum, & pulcherrimorum utriusque linguæ. Nosocomium quoque insignis & Gerontocomium, in quo valetudinarii & senes utriusque sexus distinctis cubilibus honeste, ære ut plurimum publico, habentur. Est & locus *die Fuggerey* dictus, in media urbe, instar oppiduli alterius minutioris, exstructus à Dominis Fuggeris, qui domunculas ibidem pauperioribus opificibus vili locare precio consueverunt. Horti eorundem Fuggerorum extra urbem fontibus artificiosissimis, item vivariis avium pisciumque & omnis generis herbis exoticis ornatis, cum palatiis superbis, ubi cervorum cornua miræ magnitudinis parietibus passim affixa, ramorum similitudine conspiciuntur. Non absurde itaque aliquis ita de Augusta cecinit:

*Augusta sunt hic omnia & inclita,
Quæcumque cernis; templa, domus, fora,
Turres & horti, porticusque,
Mœnia, & hospitia, & taberna.*

V u u u u

Augu-



Notarum explicatio

- Orbis imperialis.
- Orbis.
- Oppidum.
- Monasterium.
- Pagus.
- Bulwark.

SUEVIAE
NOVA
TABULA.

Millaria Germanica communia.
1 2 3 4 5 6 7 8
1 2 3 4 5 6 7 8 9 10
Millaria Gallica communia.

*Augustior Respublica nobilis
Virtute præstans & sapientia :
Formis puellarum, virumque,
Militibus, genis abundans, &c.*

Constantia.

Constantia sita est ea Sueviæ parte, qua Rhenus ex lacu Acronio sese in Venetum mergit. Vetustatem indicat nomen, cum tamen nulla ejus in antiqua historia exstet mentio. Quæ enim *Castra Constantia* vocantur, in Gallia sunt ad ostium Sequanæ. Sita est inter Acronium lacum (ut dixi) & inter Venetum, quorum ille major & superior, hic minor & inferior. Sed illum hodie à castro de Podmen Podamicum vocant, hunc ab oppido, quod Cella Rudolphi dicitur, Cellacensem. In extrema ergo lacus superioris parte sita est Constantia. Ager ferax est vini, frumenti, pomorum, olerum. Habet pabula optima, neque quicquam ei denegavit natura, cujus ad vitam necessarius sit usus. Templum Cathedralis sacrum est B. Stephano. Primus Episcopus Constantiensis fuit Maximinus, qui ex veteri Vindonissa cum Episcopatu huc translatus est sub Clotario II, & Dagoberto. Celebrata hic est Synodus Constantiensis dicta, imperante Sigismundo, Episcopo urbis Ottone III.

Hala.

Ad Cocherum amnem, qui se in Nicrum ex adverso Wimpfinæ exonerat, est in Suevia civitas Imperialis Hala inter sublimes & præruptos montes sita, natura loci adeo munita, ut nusquam circa ipsam in vicinis castra defigi, nec machinæ ullæ ad quatiendos muros commode admoveri & collocari queant. Ea à salis lacunis initium & nomen adepta est. Heroldus putat hanc esse quæ Ptolemæo *ἁλασι* dicitur, in quo ipsum fugit ratio. Tacitus enim & Vellejus Paternulus Alifonem castellum ad Rhenum locant. Constat autem hoc ipso loco olim terram silvofam fuisse, asperam, incultam, nec satis tutam à latrociniiis. Vbi vero nunc salina est quam *Sulam* vocant, ubi ante sexcentos annos vel haud multo amplius vallem fuisse una cum lacuna aquæ falsæ, ad quam è vicinis silvis feræ currentes saltuginis lingendæ causâ, incolis postea salinas ostenderunt. Nam unus hic fons aquæ falsæ hodie cernitur perpetua scaturigine ebulliens, qui officinas salarias in quibus sal coquitur, centum atque undecim exercet. Ad has ergo lacunas auspiciis Comitum Schongiorum sive Westhemiorum aliquot casæ positæ sunt: quæ postea in vicum, hinc in pagum, ac tandem in oppidum celebre creverunt, sedes suas ibi ponentibus nobilibus vicinis, qui præter domos septem etiam illic castella ædificaverunt, Suevorum adversus Francos propugnacula, ob quæ oppidum *Sieburgum* dixerunt. Sed & Cæsares locum ludis equestribus cohonestarunt, & jure monomachiæ illic exercendæ, siquando nobiles duo de fama & capite inter se vellent cernere. Rupertus quoque Cæsar civitati libertatem dedit vivæ sepis toti territorio circumducendæ, quæ vocatur *die freyheyt uber Heg und Schleg*. Ea cavetur, ne quis sepem dirumpat sub pœna 50 marcarum auri. Vicinum huic urbi est Camburgum nobile quondam Cœnobium. Martinus Crusius de Hala sic scribit: Hala civitas Imperii agrum seu ditionem habet permagni milliarii Germanici quoquo

versus. Ager etsi durior est, tamen exaratur & excolitur. Datque quantum satis est frumenti & vini. Satis etiam aquæ suppeditant pisciculorum. Fossa & viva sepes (*ein Landgrab und Hegzeune*) Halense territorium ambit. Arces olim hoc tractu fuere supra 40: quarum nonnullæ restant: cæteræ aut belli aut dominorum suorum extinctione collapsæ sunt. Fuit autem hæc regio ante civitatem conditam locus silvester, ubi nobilium domicilia erant in arcibus, antequam se Imperio subjecissent. Dividit fluvius Cocherus Halam in duas partes: nimirum in urbem & suburbium: quæ ambæ ponte Carnificis sic dicto conjunguntur. Vbi hoc pons attingit suburbium, ibi ædes est D. Ioannis: ubi urbem, juxta est scaturigo salis utilissima, quæ *Sula* vocatur, & ortum civitati dedit. Ex eo puteo 15 haustoriis aquæ falsæ hauriuntur. Ea canalibus in salarias sartagines quæ in salariis tabernaculis sunt, defluit. Sunt autem cxi circiter tales sartagines elixando sali servientes, unde multis hominibus civitatis alimonia & victus suppetit. Partes urbis tres sunt. Prima est vetus Hala, ubi templum est S. Michaelis & Cœnobium Iacobum à Comitibus Westensibus ædificatum. Altera est trans Cocherum amnem, ubi templum B. Ioannis & Commendatura, ac ædes D. Catharinæ. Tertia Gelbingera platea, ubi forum boarium & pecora. Signum sive vexillum in expeditionibus Imperii inter antecursores & rararios duos habet colores, rubrum & flavum, symbola mortis & vitæ. Licet autem Halensibus cudere monetam argenteam & auream, in qua est manus & crux aurea in aquila. Hæc Crusius.

Gemunda urbs Imperialis libera sub Friderico Vnuculo Sueviæ Duce ad Annum Christi 1091 & 1110, nomen primum in Annalibus meruit, à quo muro circumdata fertur. Exinde sub Imperatore Conrado III, ut & Friderico Barbarossa aucta & privilegiis ac jure Civitatis donata, diversa nomina invenit, primo *Keysergerent*, inde *Thiersgaerten*, & tandem *Gmünd* dicta, quod nomen retinuit. Vnde vero illud sibi acquisiverit, quæve illius etymologia sit, in opinionum varietate vix aliquid recti dispicitur. Quia vero circumcirca hæc urbs nulla vineta habeat, nec reliquis uberiora arva, & præterea navigabili fluvio non alluitur, fit, ut cives mercaturæ potissimum dediti sint, quæ præcipue in coronis oratoriis, quas vulgus *Pater nosters* vocat, consistit, quarum immensa copia in longe quoque distitas regiones distrahitur. Inter templa eminet Ecclesia Cathedralis, quæ Præpositum habet; reliqua sunt templa S. Iohanni, S. Vito, S. Michaeli, S. Sebaldo sacra, & Xenodochia, ut & duo sacella, Cœnobium quoque in urbe complura inveniuntur Ordinis S. Augustini, S. Dominici, S. Francisci, & virginum, quale & extra urbem, in quo olim centum virgines fuisse dicuntur.

Nordlinga, Imperii itidem libera urbs, sita est in media inferiori Rhætia, quæ *das Ries* vernacula lingua appellatur. Sunt qui existiment Tiberium Neronem Augusti privignum hic stativa habuisse, è quibus postea hæc urbs suæ magnitudinis fundamenta accepisset: *Aras* quoque *Flavia-*

Flavianas seu *Flavias*. à Flavio Vespasiano Cæsare ibidem exstructas, nomen urbi dedisse aliqui arbitrantur. Quicquid de eo sit, situs urbis olim alius ac nunc fuit: quippe in colle sita, ubi anno 1546 Protestantes Principes castrametati sunt, in commodiorem locum ad Egram fluvium translata est. Facies illi rotunda planis in campis; platearum series distincta, & grata; ipsæ vero plateæ largæ & dilucidæ. Murus urbem cingit ad veterum normam exstructus, & pro illorum temporum ratione satis firmus, cui undique impositæ turres, & deinde addita propugnacula; ambitus ejus internus 3100 passus, externus vero 9395 passus æquare fertur. Fossarum aliquæ aquis plenæ, aliquæ contra inanes; in quibus aliquando cervi alebantur delectationis ergo. Aedibus non quidem adeo splendet Nordlinga, quæ plurimæ ex ligno. Inter sacra ædificia primum locum vendicat Parochialis S. Magdalenæ & S. Georgii ecclesia; quæ 22 columnis innexa turrim habet, ex quadrato lapide in summum usque fastigium erectam, quæ celsissimum inter omnes Germaniæ turres culmen ostendat. Memorari hic præterea volunt dives illud ad Spiritum Sanctum Xenodochium, Curia, Cella vinaria & Armamentarium. Mercaturam cives non spernendam exercent, maxime lineas telas, & adornatos pelles in vicinas oras exportantes: multum illis quoque profunt annuæ nundinæ, frequenti peregrinorum mercatorum cœtu celebratæ. Inter multos, qui huic urbi acciderunt, casus, ille maxime notandus, quod cum Sueci anno 1634, urbem obsidioni, qua Imperator Ferdinandus III illam circumdederat, eximere conarentur, prælio inter utrosque commisso, illi fere internecione deleti sunt, captis 6 millibus, inter eos Marefchallo Campi Cratzio, Gustavo Horn, & Majoribus Generalibus Rostein & Schaffelisky; cæsis autem 12 millibus, amissis 300 signis, 10 millibus equorum, 80 majoribus tormentis & 4000 curribus: Altero die urbs arbitrio victoris se permisit, qui urbi liberum exercitium Lutheranae religionis & privilegia imminuta reliquit.

Kotweil.

Rotweila ad Nicrum fluvium editiori loco non longe ab ejusdem & Danubii fontibus sita, nunc Imperii libera civitas, olim tantum pagus fuit: unde & inter 4 Imperii pagos nominatur. In hostium assultus latis & profundis fossis munita,

maxime ob Imperii conventum Iuridicum celebris est, quem hic instituit Imperator Conradus III, quo civium fidem beneficio aliquo rependeret. Factum id anno 1147. Ditio hujus urbis satis ampla est, urbs ipsa Cantonibus Helvetiæ foedere in æternum conjuncta. Oppugnavit & cepit eam anno 1642 Wirtembergicus; anno insequenti Dux Gallo-Wimaricorum Guebriantius, qui paulo post in devicta urbe ex vulnere occubuit; eodem verò anno à Cæsariensis recuperata est.

Addam superioribus *Dinckelspühlam*, civitatem Imperialem & liberam, ad Wernicum fluvium, Latinis *Tricollim*, *Zeacollim*, & *Zeapolim* dictam à tribus collibus, quibus adhuc in insignibus utitur, quibus singulis deaurati *Dinggel-Eber*, impositi Origo urbi à villa, *der Dingelshoff* / cujus dominus sapissime Herbipolitanos Monachos excipiens illis eandem tandem dono dedit, unde Monachi continuo hic Cœnobium fundarunt, quocum hæc urbs coaluit. Hinc in Carmelitarum Cœnobio hi versus leguntur:

Villicus Agrestis, primus cui pinguis Zea

Iugera, ventura nescius urbis erat:

Turritos ubi nunc spectas exsurgere muros,

Heic illi Cereris dona ferebat ager.

Nam postquam invaluerunt homines, & turba Potentum

Non voluit mores simplicis Agricola.

Sic perit sua villa, suum rus, flumina, sylva;

Quæque unus tenuit, nunc ea mille tenent.

Præter dictum Carmelitarum Cœnobium in urbe visitur & illud Capucinatorum, ut & Xenodochium, & Cathedralis Ecclesia S. Georgio sacra, opus eximiæ structuræ ex quadrato lapide 24 columnis innitens: Privatorum domus modice elegantes sunt; ager vicinus uberrimus, flumen piscibus abundans, quorum tamen major copia ex circumjacentibus piscinis provenit, quarum numerus omnes anni dies æquare fertur.

Sunt præterea & aliæ Civitates liberæ, ut *Gen- Cætera Ci-*
gen ad Preus fluvium, *Bopfingen* ad Egram, *Eßlinga* in valle Neccari; & non liberæ, sed suis Dominis subditæ, ut *Furstenberga*, *Ottinga* ad Wernicum fluvium, *Villingen*, *Dornstetten*, Cella ad *Haymersbach*, *Offenburg* ad fluvium *Kintzig*, *Sinsheim*, *Wimpfen*, &c. quæ adeo exactam descriptionem non requirunt.

S V E V I A

S V P E R I O R,

quæ olim

A L L E M A N N I A.

Divisio.

Superioris
fines.Lacus Bri-
gantium.Boden-zee
vulgo.

Algov.

Qualitas.

Fluvii.

Montes.

Domini.

Divisa est Suevia in Superiorem & Inferiorem; quarum illa à Lemano Lacu, ut diximus, nomen Alemanniae accepisse creditur: quippe quæ quicquid olim Rhæti Vindelici-ve tenuerunt, comprehendat. Ab Septentrione Danubio clauditur, ab Oriente Lyco fluvio, vulgo *der Lech*, à Meridie Alpibus Suevicis, ab Occidente Lacu Acronio, sive Brigantino aut Bodamico. Lacus hic amplissimus est, Sueviam ab Helvetia dirimens, longus sex septemve milliaria Germanica, latus duo circiter, at inter *Rosbach* & *Buchorn* tria milliaria latitudine explet. Est autem Lacus hic duplex, Superior & Inferior. Superior à Lindavio incipit & ad arcem excurrit *Podmen*, unde lacum Podamicum dictum volunt, & corrupta nonnihil voce *Podmen-zee*, unde *pod* fluxerit, *Boden-zee*. Aliis tamen libet *Boden-zee* dici à profunditate & immensa altitudine. Inferius mare, quod à *Costnitz* principium capit, exiguum admodum est, & à Cella vicino pago *Celler-zee* vocatur. Veteres Lacum Venetum appellarunt. Rhenus medium hunc lacum transit, exonerantque in eundem se aquæ plurimæ undequaque illabentes, quibus æstivo tempore lacus auctior fit solito, parem semper servans aquarum limpiditatem. Regio lacui circumjecta frugifera admodum est, pagis, arcibus, urbibusque in ripa conspicuis insignita. Quatuor inter eas Imperiales sunt: *Costnitz*, *Vberlingen*, *Lindau* & *Buchorn*.

Algovia, quam proprie hæc Tabula exhibet, ab Oriente Lyco, à Septentrione Danubio, ab Occidente Lacu Podamico, à Meridie Alpibus circumscribitur. Regio est dura satis & horrida, populos habens rigidiori vitæ assuetos, colo & nendo victum quæritantes, quod ne viris quidem dedecori est. Pecorum, vaccarum, equorum, abundans. Hordeum fert. Præcipuus quo rigatur fluvius est *Iler*, qui ex Alpibus ortus Kemptam præterlapsus, tandem prope Vlmam se Danubio miscet. Etiam in eundem definunt minores amnes, *Riß*, *Rott*, *Guntz*, *Carnlach*, *Min-del*, *Schmutter*, alique. In Lacum exeunt, fluvii *Ober-Arg* & *Vnder-Arg* dicti. Montium nomina sunt: *Ruchsteigh*, *Thenheim im Loch*, *der Grenten*, *Sach*, *der Pyler*, &c. Pars hujus regionis ad Duces Austriæ pertinet, pars Episcopo Augustæ Vindelico-
rum paret, necnon Abbati Kemptensi, & Comitibus Montfordiæ. Etiam Imperiales urbes aliquam sibi portionem vendicant. Non ita longe à lacu Brigantino sita est Imperialis urbs *Ravens-purg*, ad fluvium *Schufs*, quali dicas, *Gravens-purg*, cui proxime adjacet arx à Duce quodam Sueviæ exstructa, nomine *S. Veits-berch*; visitur hic Cœnobium *Weingarten*, quod Guelphi Comites Altorfiæ condiderunt. Vrbs autem amœna & vitifera in valle jacens anno 1100 muris circumdata est: circuitus ejus in 2600 passus circiter se extendit. Media in urbe præalta turris est, in qua noctu tubicen excubare solet, quam anno 1552 ingens ventorum impetus in terram stravit: miraculo fuit adscriptum, quod in ea excubans tubicen illæsus manserit, occumbente licet filio sedecenni & uxore gravida. In hujus locum alia iterum nova è fundamentis exstructa est. Templum urbs pulchra habet & multa, Cœnobium tria, Xenodochium, Lazaretum, Curiam elegantem, & alia ædificia publica, ac extra urbem aream publicam hinc inde fructiferis arboribus confitam, quæ verno tempore amœna ambulacra præbet. Ad fluvium *Ober-Arg*, sive Superiorem Argum, eminentiore aliquantulum loco civitas *Wangen* posita est, Imperialis itidem, lineis pannis celebrata. Fluvius cooperto ponte stratus molas aliquas papyraceas circumagit, in quibus optima & tenuissima illa charta conficitur, *Postpapier* dicta: circumjacens regio, dura satis, vinetis caret. Vnico à *Ravenspurgo* milliari spectatur arx *Walpurg*, in alto posita, unde Domini nobilesque *Truchassen* dicti, de Romano Imperio præclare meriti, oriundi perhibentur. *Isne* nomen habet à fluvio *Isne*. Primum paruit supradictis dominis, postmodum ære redempta, Imperio Romano subdita est. Stupendo incendio anno 1631 plurimas ædes, publica & privata ædificia, templa, Xenodochium, armamentarium, &c. amisit, eoque adeo rapido, ut ne carbo quidem, ne dicam fragmenta lignea, superfuerit; & quod admirandum, parietes adeo candidi ubique remanserunt, ac si nullum incendium fuisset, cujus quoque ne odor quidem aliquis remanserat, ita ut vix incendium fuisse, aliis qui non viderant, persuaderi posset. Ad *Iseram* jacet *Kempra* civitas antiquitate venerabilis, olim dicta *Campidunum*. Prospectu fruitur jucundissimo, & Abbatia opulentissima, quam Hildegardis Caroli Magni uxor fundavit, & Comitatu Hillarimontano donavit. Insignia urbi contulit Imperator Fridericus IV, aquilam nempe mediam

mediam deauratam, & mediam nigram, imperiali corona caput circumdatam; addito privilegio, ut rubra ceræ sigillum imprimerent. Cum vero aliqui Abbates urbem sibi subicere conarentur, diremit Imperator Maximilianus I hoc dissidium, addito urbi privilegio cudendi monetam. Vrbs tamen omne postea jus, assentiente Casare Carolo V, & Pont. Clemente VII, ab Abbate 32000 florenis redemit. Anno 1633 Casariani vi in urbem irrumpentes, misera illam civium & ædium strage impleverunt. Mercatura cives ut plurimum operam dant, & maxime texendis pannis lineis, quorum magnam copiam vicinis suo cum commodo communicant.

Memminga
gen.

Memminga itidem Imperialis est urbs, pulchra satis & valida, ambulacris cincta amoenissimis. Sita est in gratissima planitie, sex milliaria Vlma, 10 milliaria Augusta distans, quam perluit amnis ex vicinis fontibus confluens, qui nunquam glacie constringitur. Magnitudine Vlma fere æqualis plateas habet nitidissimas, bina templa, bina Cœnobia, bina Xenodochia, bina prochorotrophia extra urbem, & divitem Antonitarum domum. Munit eam ab uno latere palus. Non longe hinc castella plurima videas & cœnobia, nempe, Ottenbeuren, Munchrot, Ochsenhausen, Wyblingen, Buchsheim, necnon arces in Ilerthal, puta, Cronburg, Marstetten, Lautrack, Eroltsheim, Kelmuntz, Dietenheim, Bullenberg, Wertingen, Zelb, Kirchberg ad Ileram. Oppida autem & urbes, quæ non liberæ, sed quibusdam Dominis parentes, complures sunt, è quibus aliquas delibasse sufficet. Mundelheim ad amnem Mindelam oppidum est nitidis ædibus insigne, arce ornatum, quam tenent Domini in Frundesberg, quorum virtus ac fides conspicua fuit Carolo V Imperatori bella Italica urgenti. Burgaw prope Mindelam toti Marchionatui nomen dedit. ad quem pertinent pagi & cœnobia plurima, nempe Wetensen, Knoringen, Ietingen, Reisenburg, Frisach, Siematshausen, Susmarshausen, Seifersberg, Wallerhausen, Thierdorff, Gesterhausen, Rautenbach, Schonfeld, Vsterbach, Aurbach.

Mundel-
heim.

Burgaw.

Baden.

Durlach.

Bregentz.

Rotenburg.

Baden, Marchionum Badensium urbs Metropolitana in monte sita, superba arce splendet, magis tamen celebris salutaribus thermis, quæ fere per omnes urbis ædes ducuntur. Regio circumcirca montosa, non tamen sterilis, sed fructuum, olerum & frumenti ferax. Durlach, altera hujus Marchionatus urbs primaria, valde elegans est, pulchris nitens ædificiis, inter quæ Collegium eminet ad radices montis vitiferi structum. Eximia quoque Marchionum arx non exiguum urbi decus adfert, cui amoenissimi horti adjuncti sunt. Brigantia Germanis Bregentz, Comitatus titulo insignis urbs, nomen à fluvio mutuatur, qui ex ejusdem nominis silva profluens, in lacum Constantiæ se exonerat, eique etiam nomen aliquando suum commodat. Valles vicinæ vini frumentique feracissimæ, & multis pagis quasi confitæ sunt: at versus saltum Bregentsem austeritas multa, nec aliud fere nisi sylvæ inveniuntur. Rotenburg ad Nicrum milliare Turinga distans cum arce in Comitatu Hohenberg jacer, in qua Cœnobium Carmelitarum visitur, in cujus Bibliotheca Biblia perverusta nitide à

Germania.

quadam puella scripta se vidisse Crusius affirmat. Capucini itidem in hac urbe cœnobium habent. E regione ejus, ad alteram Neccari ripam, templum Collegiatum conspicitur à Comitibus Hohenbergicis anno 1320 fundatum, in quo Præpositus, duodecim Canonici & quatuor Vicarii opulentis redditibus ad suam sustentamentum fruuntur. In valle Rotenburgica invenitur fons acidus, multis morbis certissima medicina. Veldkirchen, Comitatus sui primaria urbs ad Illam fluvium sita est, qui medio illinc milliari Rheno se miscet. Ecclesiam habet Cathedralē, Cœnobium Capucinatorum & Iohannitarum domum: ipsi cives humani, hospitales & laboriosi sunt; nec minus fœminæ quam viri officio suo probe defunguntur.

Veldkir-
chen.

Non inconveniens videtur Donawertam hoc loco inferere, quæ quamvis Baviaræ Duci pareat, equidem in Suevia sita est. Alluit eam Danubius fluvius; cui ibidem Wernitz amnis confluit: structa est in edito colle, novem mill. Vlma distans, tria suburbia habens, quorum unum Riet appellatum, ab urbe amne jam dicto dividitur, sed ponte iterum annectitur; alterum Septentrionem respicit; tertium vero Orienti objectum suburbium coriarium vocatur. Primum in urbe templum Divæ Virgini sacrum est, cui modica turris imposita: in domo Teutonica porro & in Xenodochio itidem templa sunt, & in domo Keyfershemiana sacellum. Habet urbs præterea eximium & amplum Cœnobium ad S. Crucem, curiam, & domum splendidissimam Fuggerorum, das Pflegeshaus dictam, cui multi vici, pagi, silvæ, piscinæ ab Antonio Fuggero attributæ sunt, qui & munus illud, quod Pflegesamt vocant, in æternum familiæ suæ acquisivit. Ad mœnia urbis Septentrionem versus domus est in rupe ædificata, ubi olim Kiburgiorum Comitum castellum fuisse perhibent, unde & nunc adhuc illi domui Burgi nomen. Anno 1607 ab Imperatore Rudolpho II, excommunicata urbe, Maximiliano Baviaræ Duci executio mandata est, qui eam vi expugnans, religionem Catholicam restituit, & urbem præsidio in obsequio retinuit, usque dum Gustavus Adolphus illam anno 1632 libertati imaginariæ restitueret, quam tamen non diu conservavit, sed iterum perdidit, cum anno 1634 à Bavaro recuperaretur, qui eam adhuc possidet.

Donawert-
thal.

Vallem quoque hic videas, quæ vulgo Donawerthal dicitur, quæ sumpto à Danubii fontibus principio, in Lycum desinit, pluribus pagis, arcibus & oppidis insignis. Ager ubique tritici ferax & hordei; pratis pascuisque alendo pecori idoneis: ferarum insuper captura, aviumque aucupio nobilis. Occurrunt oppidula Simringen, Comites Hohenfollern dominos agnoscens; Scherr castellum, & urbecula Mengen: necnon Reidlingen, Sulgen, Munderbingen, & Lipheim Vlma parens. Ultra Danubium tractus est, quem Alb vocant, cui solum durum est & vomeris vix patiens, ita ut duodecim vel quatuordecim bobus, necnon equis duobus glebam discindi necesse sit. Huic conterminum territorium Albuch, montosum & sylvosum, ligna, aves, feras copiose suppeditans.

Donawert-
thal.

Alb.

Albuch.

Yyyyyy

Vlma

Vlma.

Vlma Imperialis quoque civitas Sueviæ est, sita ad confluentes Ilari & Blavi, quorum ille ex Algea, hic ex Wirtenbergenfi ditione ortus, se in Danubium exonerat. Nomen habet ab ulmis, quarum illic larga est ubertas, solo ad eas edendas sua sponte luxuriante. Et fuit per diu pagus, ad annum scilicet 1300 usque, fossa tantum & sepibus munitus. Nunc urbs est valida, florens opibus, & copiis locuples, omnique rerum ad vitam necessariorum præsidio ornata. Templum habet multa, sed præ aliis unum eximium, quod magnificentia columnarum, structuræ artificio, maiestate & dignitate operis, cætera totius Germaniæ, uno excepto Argentoratensi, provocat. Habet templum illud turrim præcellam, quam olim, priusquam pinnis & lorica cinctæ esset, conscendit Maximilianus, ut ex ea locorum conterminorum situm amœnitatemque prospectaret. Fertur eo tempore Imperator in extremis turris lapidibus ita stetit, ut alterum quidem pedem extulerit, agitaritque,

alterius vero pedis partem dimidiam, extra locum in quo consistebat, libraverit, media duntaxat plantæ parte nixus. Ostenditur hodieque locus in quo stetit, cum adjecta nominis inscriptione. Sunt in eadem urbe duo fora maxima, euripi pulcherrimi, armamentaria instructissima. Danubio alluitur, qui primum ibi navigabilis efficitur, Ilaro & Blavo receptis. Nullos circum se montes habet, excepto illo, qui ad Septentrionem est, S. Michaëlis. Muris clauditur firmissimis. Forma Reipublicæ aristocratica est, & ab Optimatibus administratur. Senatores habet 72, qui ex ordine patritio & plebejo constant, quorum prudentia universæ res, tum in urbe, tum in agro administrantur, dum singulis sua certa munera attributa sunt. Templum primum in urbe est divæ Virgini sacrum, anno 1464 fundari cœptum, & anno demum 1488 exædificatum. Eo nullum in tota Germania fanum est, nec latius, nec altius.



TERRITORIUM LINDAVIENSE.

*Lindavia
fons.*



Abbatia.

Regimen.

Mores.

*Mercimo-
nia.*


Rbs Imperialis Lindavia sita est in Insula lacus Constantiae, cuius circuitus 4450 passus conficit prope continentem, cui ponte lapideo annexa est 290 passus longo, ita ut quasi Sueviae Venetiae sit, cuius fere extremum angulum possidet, Algoviam ab oriente, Helvetiam ab occidente; à meridie vero Grisonum terras, & à Septentrione reliquas Sueviae ditiones respiciens. Ab occidente habet late sparsos campos, quos *Insulam* appellant, muris fossisque ab urbe divisos, solis piscatoribus inhabitatos, & vinetis alicubi confitos. Habet urbs in insignibus viridem tiliam arborem, vulgo *Lindeboom*, in campo albo; unde & nomen urbi inditum aliqui volunt. Eximia est in hac urbe Abbatia virginum Canonicarum seu Regularium, quam Adelbertus à Rorbach Caroli Mag. Imp. consanguineus, grave hic maris periculum tandem effugiens, fundavit ad an. 810. Omnes autem hae virgines nobili sunt ortæ genere, nulli ordini addictæ, nec specialibus vestibus indutæ, quæ nihil agunt, nisi ut diurnas horas in choro cantent, concessio ipsis matrimonio, ubi dignum illis se offert conjugium; harum Abbatissa Anna Christina Princeps Sacri R. I. Catholicae Religionis addicta jus cudendæ monetæ, aliaque multa privilegia habet, à solo Imperatore quoad feudum dependens. In huius Abbatiae splendidissimo templo singulæ columnæ singuli lapides sunt. Hac aliisque de causis cœnobium hoc urbis, ut ita loqui liceat, quasi fundamenta jecit, quæ primo ad Suevos, dein ad Imperium recidit; multis à Rudolpho I. aucta privilegiis, & contra Abbatissæ sententiam munita est, ita ut Lindavienses pro arbitrio suo Consules & Amptmannum, seu Prætorem, eligerent, qui cum Senatu libere jus dicerent: in rebus autem magni momenti, Religionis, Societatum, Bellorum & sine populi consensu & octo tribunis plebis nihil agerent, ne eorum potentia in tyrannidem verteret. Parochialis Ecclesia S. Stephano dicata est: Xenodochium sive Hospitale eximie dives est agris & servituti addictis accolis. Incolæ & cives plurimum liberi, audaces, & bene vestiti genio mediocriter indulgent; cæterum moribus addicti subrusticis. Vrbs hæc quasi receptaculum est omnium mercium vicinarum & dissitarum nationum, ita ut singulis septimanis 1400 currus onerati portam intrent quæ continenti respondet, quia mercatores ex triginta aut amplius urbibus vicinis singulis septimanis forum frequentant. Bavari & Suevi plurima ibidem construunt reconditoria frumenti, Germania.

salis, ferri & cupri, quæ deinde Grisonibus & Helvetiis divendant. Importatur singulis fabbathis magna vini copia, ut & frumenti, quod in Turgovia & Hegovia colligitur, & postea in Algoviam, Bavariam, & Sueviam distrahitur. E Briggantia, vicina silva de Montefund, Helvetiæ montibus, Appenzel, ac Grisonibus incredibilis butyri & casei in urbem quantitas apportatur, nec non pisces, & fructus, merces Septentrionales Noriberga & Augusta de vectæ hinc deponuntur, ut exinde in Italiam deferantur, & è contra Italicae merces, Noribergam devehendæ. Hinc Vires. tantas urbs vires acquisivit, ut inexpugnabilis videatur, natura & arte munitissima, ac armamentario omni armorum genere referto instructa.

Quaquam autem, ut diximus, Abbatissa Catholicam Religionem amplectatur, cives & incolæ nihilominus Lutheri opinionibus adhærent, nulla tamen inter illos inde exoriente dissensione. Religio. Aëre tota regio fruitur saluberrimo: hinc Qualitas. Septentrionem versus virentia late prata se aperiant, montes vinetis exculti & hortis ornati sunt, fontium optimæ aquæ magnus numerus se prodit, qui ex continente in urbem ducuntur.

Vberlinga ejusdem lacus extremæ oræ adjacens, Vberlangen. quæ & inferior lacus & *Cellersee* dicitur, quinque miliaribus Lindavia divisa est, uno vero celebri & magnifico Cœnobio & Abbatia *Salmonsweyl*; multis illa naturæ dotata bonis, fructiferis undique arboribus atque vinetis circumdata, excelsæ rupi superædificata est, quæ lapidibus cædendis apta muniendæ urbi multum confert: quippe quo magis circa muros rupes discinduntur, eo profundiores fossas efficit, quarum profunditas alicubi turrium altitudinem exæquat; talibus fossis circumcirca munita est, intus autem, iterum in tres partes urbs rescinditur, quarum una vitibus permixta nomen S. Galli habet. Hic itaque situs ita olim Sueviæ Ducibus complacuit, ut hic plurimum aulæ suas constituerint, quorum post obitum fidei Imperii se permisit, anno 1267. Possidet autem hæc urbs in vicina ora castella *Hohen Bodman, Ramsperg & Ittendorf*, quæ olim proprios habuere dominos. Xenodochium huius urbis inter ditissima Sueviæ nomen meruit; urbis autem redditus egregia administrantium fide adeo aucti sunt, ut vix credibile videatur. Et quia commodus ad urbem appulsus datur, fit, ut singulis septimanis ingens accolarum huc numerus confluat, qui fructuum magnam copiam ibidem venalem exponunt, quæ dein in vicinas regiones plurimo cum oppidanorum lucro distrahuntur. Bello Germanico aliquoties tentata est, præcipue anno 1634 à Gustavo Horn Suecorum Duce, qui tribus diebus continuis vehementissime illam oppugnans, irritum successu discedere coactus fuit. Anno 1636 adeo impetiosa aquarum vis ex disrupta


Z z z z z



Finis hic cum inferiori Vrbis Lindaviae Regimine
Sax. Achberg terminatur Hospitali Langenaw. Sub
Superiori 40 Iurisdictione Montfortensi
in Curia



CIVITATIS IMP.
LINDAVIENSIS
TERRITORIUM.
ita Delineabat
Iohannes Andreas Rauhen.



Antiqua Lindaviae Insignia.



Novae & veterae delineatio binorum Columnarum Pacis ad riam Regiam
prope Eschag erectarum & in hac tabula literis b. & c. designa-
tarum, cum insignibus et anni numero in illo latere excelsis
quod urbem respicit
Tertia, litera a notata, & iuxta Achbruch posita prioris litera c
inaginis plane similis est excepto quod, injuria temporis parte
lapidis rupta, vix quidquam dignosci possit. Quarta vero, quam
penes librorum d. positam fuisse ferunt, ne vestigium quidem ap-
paret.

LACVS BODAMICVS vulgo

BODEN ZEE.

disrupta nube decidens urbem obruit, ut disiectis portis, inferiorem urbis partem submersisset, nisi porta lacui respondens eadem vi disiecta, & ita impetus ille aquarum in lacum emissus deferbuisset. Admirandum tamen novem & nonaginta fere ulnas altum murum ita radicitus corruisse.

Buchorn.

Buchorn itidem Imperialis civitas inter Lindaviam & Vberlingam ad Constantiæ lacum sita, quatuor mill. Ravensburgo distat, nomen à vicina silva Buchwaldt adepta, quæ hucusque se extendit. Antea suis Comitibus parens, illorum post interitum ad Comites Altorfianos & Ravensburgicos, & illis emortuis ad Imperium se contulit. Adjacet urbi locuples virginum Cœnobium olim *Liebenthal*, deinde *Lowenthal* nominatum, cujus redditus eximii. Anno 1291 urbs à Constantiensi Episcopo & Abbate S. Galli occupata non tamen diu possessa est: anno 1363 incendio fortuito cum omnibus privilegiis tota absumpta est. Anno 1634 à Suecis valde munita post Nordlingensem pugnam relicta est. Subdita urbi ditio non adeo ampla, multis nihilominus pagis pollet, ita ut hujus urbis divitiæ non spernendæ videantur.

Lacus Constantiæ.

Lacus Constantiæ, alias *Bodamicus*, *Venetus*, *Acronius* & *Brigantinus* dictus in Inferiorem & Superiorem dividitur. Circuitus ejus trecenta stadia conficit, ut Strabo vult: hodierni vero scriptores, 7 ad summum mill. Germanica in longum expositum, & tria milliaria latum esse afferunt; & prope Mersburgum trecenta cubita profunditatis habere.

Continet tres Insulas hic lacus, quarum una in superiori lacu Menovia appellatur, Latinis *Minor Augia*, in qua arx Equitum ordinis Teutonici conspicitur, cujus Præfectus multas alias terras possidet, quæ ipsum ut Dominum agnoscunt. Altera insula in inferiori lacus parte jacens subtus Constantiam *Reichenavia* indigeratur, Latine vero *Major* seu *dives Augia*, medium milliare in longitudinem extensa, & quartam partem milliaris larga, quæ valde locupletem Abbatiam continet, unitam Episcopatu Constantiensi. Tertia est illa, in qua urbs Lindavia. Urbes in ejus ripa Suevica sitæ sunt. *Bregentz*, de qua supra, *Langen Arg*, *Burchorn*, *Merspurg*, quo Episcopi sæpe divertunt, *Vberlingen* & castellum *Bodmen*, illi domui subdita, cujus nomen habet. In ripa vero Helvetica numerantur *Ratolff Cell*, Archiducibus Austriæ parens, *Constantia* eosdem agnoscens, *Arbon*, & *Reinech* Cantoni Appenzell subiecta, quanquam in Grisonum terra sita sit.

Urbes.

Inferior lacus multo magis piscibus abundat ac superior, ita ut una vice aliquando viginti vel triginta illic piscium millia capiantur, quos *Gangfisch* appellant, quique candidi & hancibus paulo minores sunt, palato non ingrati, ubi sale vel fumo conditi sunt: superior lacus clarior est, nec nisi raro glacie obducitur. Licet sæpius videre majores naves plenis velis lacum arantes, quæ ex omnibus penè mundi locis merces advehunt & devehunt.

Qualitas.



D V C A T V S WIRTEMBERGICVS.



Nominis
origo.

Termini.

Neccarus.

Ad quartum Imperii Germanici Circulum, qui Sueviæ vocatur, pertinet Ducatus Wirtembergicus. Nomen habet à Wirtenberga veteri specula, quæ nunc in umbilico fere Ducatus sita est, non procul à Stutgardia, montuoso tamen & ediore loco, licet neque munimine, neque structura hosti formidabilis sit. Pro majorum enim & veteris ævi consuetudine, quibus ferrea magis, quam terrea placuere moenia, loci potius amœnitate spectabilis, antiquitate solum commendatur. Hanc speculam Wirtembergici Comites multis retro seculis incoluerunt. Inde nomen, genus, insignia adepti. Sunt qui Wirtembergicos Principes è Tuscis aut Rhæti ortum autument. Sunt qui è Gallis oriundos affirmant. Ab exteris profectos esse indubium est, verum, an à Gallia, an Italia prodierint, dubium. Tota regio ad Nicri potissimum ripam sita latissime patet. Ad Solis ortum Suevos, Vindelicos, & Noricos attingit: ad Occasum Comitum Palatini ad Rhenum, & Marchionis à Baden limites, inde Nigræ sylvæ juga complectitur: ad Meridiem montes Arbonæ pariter ac Suevicæ Alpes prominent. Hoc enim nomine incolæ vocant montes ejus regionis editiores. Ad Septentrionem Francos habet vicinos, & non ita procul Othonis sylvam. Initium sumit regio à Nicri fontibus, qui sublimiter Arbonæ jugis leni fontisulo, in Wirtembergensi Ducatu proxime ad pagum Schwenningen, oppido Vilingæ vicinum, ebullit, à fonte Danubii non amplius quingentis passibus. Ab ipso statim ortu Rotwillensem percurrit agrum, læva Hercyniæ caput, dextra Suevicæ Alpes linquens, Ducatum hunc flexuoso meatu perlabitur, interjacentibus sparsim nonnullis nobilium castris & Imperii Romani oppidis. Ab origine sua, itinere quinque dierum plus minus, crebris hinc inde fluviolis accrescens, ac jam navigabilis, apud Heidelbergam in Rhenum defertur. Ejus tractum omnem his versibus descripsit Felix Fidlerus, Borussus:

Neccarus exoritur celebri conterminus Istro,
Imminet Abnobiis qua Nigra Sylva jugis.
Dux ubi jura tenet Wirtembergensis, in oram
Labitur, & medii perfluit arva soli.
Teque, novenarum sedes Tubinga sororum,
Alluvie muros prætereunte rigat.
Et petit Elsingam, senos ubi virgo per annos
Grande puellari ventre fovebat onus,
Innatumque suo deferri corpore monstrum
Fecerat indigenis hospitibusque fidem:
Germania.

Donec inaudita commenta latentia fraudis
Turpiter amoto sunt patefacta dolo.
Flectitur hinc gelida factus vicinior Arcto,
Sertaque pampinea fronde revincta gerit.
Credibile est ejus, quia nomine gaudet eodem,
Misceri Superis à Ganymede merum.
At simul Encingum, Cocharum, Iaxtumque recepit,
In Rheni virides præcipitatur aquas.

Univerfa regio glebæ natura, cultu & fructu non ubique sibi similis. Ea namque pars qua Neccarus oritur, & quæ confinis Hercyniæ, tum quæ Suevicis, inter Danubium & Nicrum sitis Alpis est contermina, subaspera quidem, vitibus inimica, at pecorum cultui satis idonea est. Ager in Alpe lapidosus, at frugis feracissimus; item per Nigræ Sylvæ cacumina rubro colore tellus arenosa, frumento tamen sic satis abundans. Ad Hercyniæ saltus hæ præfecturæ Ducatui subditæ memorantur: Hornberga, Scultachium, Domstadium, Nagultum, Wildberga, Kalva, Thermæ feræ, Neuenstadium: per Alpes aut illis vicinæ præfecturæ, Balinga, Vrachium, Blaubeira, Heidenheim, Geppinga, Tuthinga juxta ripam Danubii. Quæ velut quodam intervallo separantur: at ubique Wirtembergicæ ditioni confines in orbem, quasi gyro latè circumducto, sese recipiunt ad Nicri vicina loca. Vbi vero Neccarus in campestria diffunditur, ibi non aëre solum, sed agricultura quoque terra mitior. Nusquam non amnes videas pisciferos, fonticulos salubres, lacus amœnos, gratas convalles; undique luxuriantes Bacchi colles, herbida prata, fertiles agros, sylvarum nemonumque viridaria, quibus inest plurima fagus; numerosa quercus, feræ in sylvis plurimæ, pascua florigera, pecoris omnigeni vis undique magna, copiosus passim vini, frumenti, pomorumque proventus. Aër æstate hiemeque temperatior.

Expandunt se ad flexuosissimi Nicri ripam urbes celebres: quædam majores, aliæ minores, sed ædificiis cultuque spectabiles. In superiore Nicri regione Hernberga, Tubinga, Nurlinga, Kurcha: deinde Stutgardia, quæ velut medio telluris condita metropolis audit, & regia Principum Wirtembergicorum. In inferiori Nicri regione florent hodie Waiblingia, Schorndorphen, Vinidavium, Bacnaugia, Brackenaugia, Binnica, Bessica, Bietica, Winsberga, Mœgimilium, Laupha, Grieninga, Vahinga, nec longe à Stutgardia Bebelinga, Lenberga, Cannostadium, quæ urbes singulæ suis pollent præfecturis, vicis, viris armisque validæ. Quid, quod per universum Ducatum populus armis, humanitate, constantia, religione spectatissimus sit. Pagi frequentes, plerique instar oppidorum culti, ligneis, at affabre structis ædibus. Arces natura, loco, manuque munitæ, captuque difficiles.

A a a a a a

Alte-



Alteram, inquit Iohannes Pedius Tethingerus, Laconiam Suevis inesse diceret. Ea est virorum domi bellicae praestantia. Abbatia hic sunt complures.

Comitatus.

Habuit olim haec regio varios Comitatus, Kalunensem, Tubingenensem, Vracensem, Wirtembergensem, Zabergerensem, Kriechgoienensem, Helfensteinensem, Zollerenensem, Achelensem, Teckenensem, Nifensem, Herrenbergenensem, Grieningenensem, Veringensem, Aspergenensem: quibus nunc plerisque abolitis, tituli Ducatus solis Wirtembergensibus & Teckenensibus Principibus adhaerent. Initio autem Comitatus non nisi arcem Wirtembergensem cum agro vicino haud valde amplo possederunt, sed bellis conjugisque crevit ditio.

Stuttgart.

Metropolis huius Ducatus est urbs *Stuttgart*, sedes Ducis, sita prope Neccarum fluvium, medium milliare Canstadio distans, vallibus excellisque montibus circumvallata, multisque elegantibus hortis adornata. Arx tres graduum ordines habet, quorum praecipuus adeo largus est, ut duo equites facillime simul illum ascendere queant, usque ad Atrium, *die Ritterstube* dictum, ubi nobilibus mensa sternitur, praeter multas alias, quibus aliquando 200 aut 300 peregrini accumbunt. Ad Orientem pons est, per quem in hortum Ducis descensus patet, in quo cavea grandis sane & magnifica, ubi multa avium genera cibantur. In fossis plurima piscium & avium aquatiliu, cygnorum &c. copia: in illa vero, quae hortum versus est, sicca & aquis carente multae cervae & caprae sylvestres nutriuntur. Prope hortum theatrum conspicitur multis fenestris ornatum, & illi contigua area arenam cooperta ad exercendum torneamentorum seu decursum lufum; in horto autem Domus apparet multis statuis, imaginibus, veterum monumentis, labyrinthis & monte Oliveto decora: praeterea fontes cum suis ex aere meatibus, ranae, serpentes, rustici & rusticae ex aere fuso, quae omnia ore aliisque corporis partibus aquam fontanam dispergunt. Urbs autem ipsa tria suburbia, tria templa & quinque portas habet, multis aedificiis aliis privatis & publicis nitidissima.

Tubinga.

Inter urbes cum post Stutgardiam celeberrima sit Tubinga, de ea paucula adjicere libet. Haec urbs ad Neccarum sita Orientem versus habet montem Austriacum; versus meridiem vallem Neccarinam; versus Septentrionem vallem Ameranam. Admodum elegans est, frumento & vino & reliquo rerum ad vitam necessariorum proventu abundans, usque adeo, ut bona sua vicinis etiam Suevis communicet. Initio fuit Comitatus. Nam anno 1148 mentio fit in ludis equestribus Magdeburgi celebratis Ludovici cuiusdam Comitatus Tubingenensis. Vendita est haec civitas Ulrico Wirtembergico cum castro & omnibus ad eam pertinentibus, anno Christi 1342. Facta est autem magna urbis amplificatio circa annum 1482, cum ad partem, quae *Pruel* vocatur, accessit forum, & locus, qui versus Nicrum amnem situs est ad meridiem, cum templo B. Gregorii. Eodem tempore quoque deductus est in Nicrum rivus Amerae, & pons supra flumen constructus ex saxo. Anno vero 1495 in Worma-

tienfi conventu à Maximiliano Augusto ex Comitatu in Ducatum evecta est, ob insignes & heroicas virtutes Eberhardi Wirtembergensis & Montispeligerensis Comitatus, qui, ut illam redderet illustriorem, ac non suae tantum ditioni, sed universae quoque Germaniae prodesset, Academiam in ea instituit, cavitque, ut in *S. Theologia* (sic sunt verba foundationis) *ordinarii Doctores quatuor: In iure Pontificio & Imperiali sex: In Medicina Theorica practicaque duo: In morali duo: In Poetica, Oratoriaque duo: In Philosophia naturali ac rationali, duobus in contuberniis, magistri decem per singulos dies statis horis suas profiterentur lectiones, perpetuisque foverentur stipendiis.* Itaque evocati illuc docuerunt Gabriel Biel Theologus, cuius multa exstant scripta; Iohannes à Lapide Carthusianus, Theologus & Philosophus eo seculo celeberrimus; Iohannes Stöffler Astronomus eruditissimus, cuius elegantem sphaeram & multa alia Mathematica instrumenta Munsterus flammis consumpta deplo- rat. Denique (ut habet instrumentum foundationis) *ne ex orbe illo disciplinarum quicquam desiderari posset, linguis ediscendis insignem eruditione virum Iohannem Reichlinum Phorensem praefecerunt, qui Hebraeas & Graecas literas doceret fideliter.* Rector primus constitutus est Ioannes Naclerus, qui & Praepositus & Cancellarius Ecclesiae & Academiae fuit. Docuit in eadem Schola patrum memoria Leonardus Fuschius, primus politioris Medicinae post veteres repurgator. Nostra quoque aetate ornavit eam Martinus Crusius eloquentiae & linguarum Professor eruditissimus, & Wilhelmus Schickardus Orientalium linguarum Professor, & Mathematicus celeberrimus. Civitatem porro Tubingenensem moderantur Praefecti duo, maior & minor. Post eos duo sunt Consules: tum Iudices & Quae- stores, & Curatores Decumani, qui Rempublicam administrant. Certis quoque temporibus iudicium Atticum & Ecclesiasticum exercetur.

Praeter has urbes, & aliae quaedam liberae Imperiales sunt, ut *Reutlinga* ad Fl. Echerz sita, qui paulo infra urbem se Neccaro miscet. Comprehendit haec urbs in circuitu passus 2600, à Fridrico II ad annum 1215 muro cincta, & Imperialibus urbibus ascripta. Anno 1506, nescio an fortuito incendio, 160 aedes in cineres redactae sunt; unde ille locus, cum domus reaedificarentur, novae urbis appellationem traxit. Sexennio ante concesserat ipsis Dux Wirtembergicus jus suum in praetorium munus, telonia, &c. quod olim Comitum ab *Achalm* fuit, castello sito in excelsio monte, cuius altitudo adscendentes tres horae quartas detinet. Addicta est civitas Lutheranae religioni, fuitque anno 1530 una ex illis, quae Caesari Fidei Confessionem Augustae obtulerunt. Consistit Senatus in 28 personis, habetque privilegium *prima instantiae*, & liberos suos iudices, qui sunt Consules, Senatus urbium Ulmae, Esslingae & Gemundae Suevicae. Est & hic asylum ad quod illi confugiunt, qui non data opera alicujus caedis rei facti sunt. Parochiale habet templum satis magnificum, Xenodochium, Curiam, & alia multa egregia aedificia.

Reliquae liberae urbes sunt, *Heillbrun*, ex medicinalibus aquis nomen derivans, ad Neccarum fluvium sita; olim habuit celebre peregrinationibus

nibus Carmelitarum Cœnobium, sed anno 1525 à tumultuantibus rusticis dirutum est: & *Weill* ad Wirmam amnem duobus milliaribus Pfortzhemio, tribus Tubinga distans. Muros & fossas habet satis fortes, si veterum temporum ratio inspicatur. Primaria urbis Ecclesia S. Petro sacra est.

S E R I E S

C O M I T V M

W I R T E B E R G E N S I V M.

1, 2, 3, **C**onradi altissima in historiis memoria est, quem Suevum fuisse ajunt ex familia Beutelspachensi. Is filium habuit Vlriconem, ex quo prognatus Ioannes Comes Wirtembergicus, circa annum Christi 1138. Vxor ei Anna filia Rudolphi Comitis Badensis. Hoc conjugio accessit Studgardia ad Comitatum Wirtembergicum.

4 *Ludovicus* Comes Wirtembergicus, an. Christi 1179: cui uxor Margareta, filia Comitis de Hohenberg.

5 *Henricus* Ludovici filius fertur condidisse Monasterium Irfinense, in quo ipse cum uxore Irmengardi filia Marchionis Burgoviæ situs est.

6 *Eberhardus* Primus, vir bellicosus, natus est anno 1202, obiit anno 1253. Vxor ei Agnes filia Bertholdi Ducis Zeringiæ, vidua Comitis Vracensis: Ex hoc conjugio Teccensis etiam Comitatus accessione auctus est Eberhardus.

7 *Vlricus*, à pollice, quem in dextera manu insignitæ magnum habuit, cognomen retulit; Vxor ei fuit Agnes, filia Boleslai Calvi Ducis Ligniciensis: filia, Agnes nupta Ludovico Comiti Oetingensi; Irmgardis, nupta primum Rudolpho Comiti Hohenburgico, postea Marchioni Badensi.

8 *Eberhardus* II Illustris, ab Henrico Imperatore ob contumaciæ crimen exutus fere bonis, postea restitutus est à Ludovico: obiit an. 1323. Vxor ei prior Adelheidis, filia Baronis Signovienensis; posterior Irmengardis filia Hermannii Marchionis Badensis: Eberhardi istius frater Vlriconem uxorem duxit Irmengardim filiam Alberti junioris Comitis Hohenbergensis, ex qua natus Vlriconem Præpositus S. Guidonis Spiræ, qui arces Wirtembergensem & Studgardensem bello vastatas restauravit.

9 *Vlricus* Eberhardi filius Tubingam ære suo emit Palatinis Tubingensibus, an. Christi 1342: obiit anno 1344. Vxor ei Sophia, filia Theobaldi Comitis à Pfirde.

10 *Eberhardus* III sub Carolo IV Imperatore in bello vulneratur, amisso etiam filio Vlriconem, tandem ipse quoque extinctus est, anno 1392. Situs est cum filio suo Studgardia. Vxor ei Elisabeth, filia Henrici Comitis de Hennenberg.

11 *Eberhardus* Mitis, Vlriconem ejus qui in prælio occubuit filius, regionem armis vastatam prudentia & pacis artibus pristino cultui restituit: obiit anno Christi 1417. Conjugem habuit priorem Antoniam, Barnabæ Vicecomitis Mediolanensis filiam; posteriorem, Elisabetham filiam Ioannis Burgavii Noribergensis.

Germania.

12 *Eberhardus* junior superioris filius, obiit in ipso ætatis flore, quum ducta uxore Henricæ filia Henrici Comitis Mompelgardenensis, domum Wirtembergicam auxisset eo Comitatu. Hic ille est Henricus qui ad Nicopolim cæsus fuit à Turcis anno 1395. Porro Eberhardi obitus incidit in annum 1419. Vxor vero in annum 1442. Ex his nata est Anna, uxor Philippi Comitis Cattimelibocensis.

13 *Ludovicus*, major natu filius Comes Wirtembergensis & Mompelgardenensis, ex uxore sua Machtilde, filia Ludovici Barbatii Electoris Palatini, suscepit liberos complures: Filias, Elisabetham, nuptam Ioanni Nassovio; Mechthildem, nuptam Ludovico Landgravio Hassiæ. Fuit autem Princeps gravis & pius. Obiit anno 1450. Frater Ludovici Vlriconem, ex moribus dictus *Adamatus*, uxorem habuit Margaretam filiam Adolphi Ducis Cliviæ: post hanc vero Elisabetham filiam Henrici Landshutenensis Ducis Bavariæ; ultimam, Margaretam filiam Amedei Ducis Sabaudia.

S E R I E S D U C V M.

Eberhardus VI Ludovici filius, Barbatus, magni animi & virtutis Princeps, sapientiam suam non domi tantum in gubernatione placida, sed etiam foris in communibus Imperii negotiis declaravit. Reversus Ierosolyma à Papa Sixto IV donatus est Rosa aurea, an. 1487. Suevico fœderi, quod pacis tuendæ causa initum fuit, suum quoque nomen dedit, anno 1488. A Philippo Austro, Maximiliani Imperatoris filio, in ordinem Equitum Aurei velleris adscriptus anno 1491; ac triennio post solemniter ritu Dux primus Wirtembergensis & Teccensis inauguratus Wormatiæ. Magnus fuit in eo literarum & sapientiæ amor. Capnionem, Nauclerum, amavit & produxit. Academiam Tubingæ constituit ope imprimis Vlriconem patrui; eamque munifice, imo regaliter, donavit. Exiit è vita anno 1496. Vxor ei Barbara, filia Ludovici Marchionis Mantuæ.

2 & 3 *Eberhardus* VII Vlriconem filius, Wirtembergicus & Teccensis Dux, Eberhardo sine legitima prole extincto successit. Sed quum male imperaret, pulsus est, successusque in ejus locum Henricus frater, qui & ipse haud diu rebus præfuit; abductus est enim in carcerem; ac post longa tædia mortuus, sepultus est Heidelbergæ. Eberhardi uxor fuit Elisabetha, filia Alberti Electoris Brandenburgici. Henricus vero uxores habuit Elisabetham filiam Simonis Comitis à Bitz, & postea Evam, filiam Ioannis Comitis Solmensis.

4 *Vlricus* Dux Wirtembergensis & Teccensis anno 1504 in bello Bavarico ademit Philippo Palatino aliquot oppida, exemplum sequutus aliorum Principum, qui pro se quisque in Principis proscripsi bona involabant. Anno 1529 Reutlingam urbem imperialem obsedit & expugnavit: sed mox inde à Suevici fœderis sociis expulsus, toto insuper Ducatu suo eiectus est. Carolus Cæsar ditionem illam à Suevicis fœderatis sibi oblatam, Ferdinando fratri suo concessit. Indignam vero judicaverunt exclusionem istam quidam

B b b b b b

Ger-

Germaniæ Proceres : itaque postquam Vlrucus jam 11 annos exsulasset, egerunt Augustæ in Comitibus anno 1533 apud Cæsarem Landgravius Hassiæ & alii quidam Principes de illo restituendo, qui etiam pro ipso deprecati sunt. Sed persistit Carolus in sententia sua, & excluso Vlrico in fratrem Ferdinandum publice contulit titulos, honores, dignitatem, & bona Comitis Wirtembergici, Augustæ in Comitibus anno 1533, posthabita etiam intercessione Francisci Galliarum Regis, qui per Oratorem suum Guilielmum Langæum contenderat ne hoc fieret. Itaque armatam manu Landgravius rem conficiendam videns, copias eduxit, & Philippum Palatinum, qui pro Ferdinando militans, veterum damnorum ultionem meditabatur, ad oppidum Laufenum agri Wirtembergici cecidit, magna copiarum parte in amnem compulsa, & ductore ipso Palatino vulnerato. Ita reductus restitutusque Vlrucus tandem cum Ferdinando transegit, ut utile dominium Ducatus Wirtembergici esset suum, directum Ferdinandi. Idem quoque an. 1546 in bello Schmalcaldico Saxonis & Landgravii partes secutus, factum suum postea apud Cæsarem excusare & deprecari coactus est, factus etiam Vlmæ victori supplex. Tandem vero obiit anno 1550. Vxor ei fuit Sabina, Alberti II Ducis Bavariæ filia, ex qua natus anno 1515

5 *Christophorus*; quem puerum Bavariæ Princeps avunculus in aula sua, adultiorem Ferdinandus Viennæ aliquandiu educarunt, tantisper dum hic adversus patrem ejus Vlricum bellum gerebat. Sed quum eum Carolus V clam cum præceptore Tiferno per Carnicas Alpes in Hispaniam conaretur abducere, ut ea ratione Ducatum fratri integrum relinqueret, elapsus in Bavariam primum, inde in Galliam, opem Regis ad restituendum patrem exulem imploravit. Christophorus post patris obitum cuncta ad pacis artes revocans, legibus institutisque salutaribus patriam ornavit. Extinctus anno 1568, ætatis suæ anno 53. Vxor ei fuit Anna Maria, Georgii Pii Marchionis Brandenburgici filia.

6 *Ludovicus* Wirtembergensis Dux natus anno 1554, paternis artibus Remp. laudabiliter rexit, obiit anno 1593. Vxor ejus prior fuit Dorothea, filia Caroli Marchionis Badensis; posterior, Vrsula, filia Georgii Ioannis Comitis Palatini: Liberi nulli. Itaque Vlruci posteritate extincta, successit fratri ejus Georgii Comitis Mompelgardensis filius Fridericus, natus ex Barbara filia Philippi Landgravii Hassiæ.

7 *Fridericus* iste, Ludovici patruelis, pari cum majoribus suis virtute & prudentia ditiones hæreditarias administravit, pietatis & eruditionis egregius æstimator. Vxorem duxit, Sibyllam, filiam Ioachimi Ernesti Principis Anhaltini, ex qua plures filios suscepit; omnes patriæ virtutis æmulos.

8 *Ioannes Fridericus*, liberorum Friderici natu maximus, natus anno 1582, uxorem duxit Barbaram Sophiam, Ioachimi Friderici quondam Marchionis Brandenburgici & Electoris filiam, Stutgardix, anno 1604, die 4 Novembris; obiit 18 Iulii, 1628.

9 *Eberhardus*, natus 1614, 16 Decemb. uxorem habuit 1 Annam Catharinam, Iohannis Casimiri, Wild- & Rheingravii filiam, obiit 27 Iun. 1655. 2 Mariam Dorotheam Sophiam, Ioachimi Ernesti, Comitis ab Oetingen filiam: ex prima uxore nati Iohannes Fridericus, natus 9, Sept. 1637; Ludovicus Fridericus, natus 1638, 2 Nov. obiit 1632, 18 Ian.; Christianus Eberhardus nat. 1639 29 Nov. obiit 1640, 23. Mart. Eberhardus, natus 1640, 12. Decemb. obiit 1641, 24 Februarii: Sophia Ludovica, nata 1642, 18 Februarii. Dorothea Amalia, nata 1643, 13 Febr. ob. 1650, 27 Mart; Christina Friderica, nat. 1644, 28 Febr. Christina Charoletta, nata 1645, 21 Octobris; Wilhelmus Ludovicus, natus 1647, 7 Ianuarii; Anna Catharina, natus 1648, 27 Novembris; Carolus Christophorus, natus 28, Ianuarii, obiit 2 Iunii 1650; Eberharda Catharina, nata 12 Aprilis 1651; Fridericus Carolus, natus 11 Septembris 1652; Carolus Maximilianus, natus 28 Sept. 1654: Ex secunda, Georgius Fridericus, natus 24, Sept. 1657.

A L S A T I A.


Alsatia
d. plex.

Termini.

Regionis in-
doles.

Imperium.

Religio.



D quintum circulum Imperii pertinent Alsatiæ Episcopi, Principes & civitates liberæ. Austriacæ ditionis regio est, in duos Lantgravatus, superiorem & inferiorem, divisâ. Ad Orientem Helvetiam intuetur, à qua Rheno disjungitur. Ab Occasu Lotharingiam habet, à Meridie Helvetiæ partem & Burgundiam, à Septentrione Ducatum Wirtembergensem. Ea hujus tractus est præstantia, ea nobilitas, ut nulli alteri ad Rhenum posito cedat. Lætâ rerum omnium, vini imprimis & frumenti copia gaudet, ut non modo incolis suis, sed & vicinis sufficiat ea, quæ ad victum necessaria sunt. In Sungovia, quæ Alsatiæ contermina est, maxima crescit frumenti vis, imo luxuriant segetes per totam Alsatiæ planitiem usque ad Argentinam. Præter has etiam in montibus Alsatiæ reperias silvas castanearum, ut & fodinas aris & plumbi, præsertim in valle *Leberthal*. Nec desunt gratissima pecori pascua, è quibus probatissimum casei genus fit, in tractu *Munsterthal*. Paruit olim Franciæ Regibus, pars Regni Austriaci. Primum Ducatus titulo gubernata fuit, & ab Hilderico Francorum Rege Eticoni eo titulo collata, anno 684; cum autem præfecturæ nomine ei fuisset subjecta, Eticonem excepit filius ejus Adelprechus, qui telo ictus Linfridum & Eberhardum hæredes & Alsatiæ Dominos reliquit. Postea familia hæc sedibus suis pulsa fuit per Carolum Martellum Palatinum, & Curia Magistrum in Franciæ Regno. Tempore autem Ottonis I, Comites Kiburgenses Imperatoris consanguinei potiti sunt rerum in Alsatiâ. Sunt qui volunt eos factos Lantgravios Alsatiæ: alii vero dicunt ab Ottone III Alsatiâ primum in Lantgraviatu duos erectam, pervenitque tandem Lantgraviatu superior, qui oppidum continet Einsheim & circumjacentia quæque loca, ad Comites Habsburgenses. Alter, à Comitibus Ottingensibus, ad quos, Henrico Lantgravio inferioris Alsatiæ improli defuncto, devolutus erat, Episcopo Argentoratensi venditus, etiamnum ei paret.

Variant incolæ quod religionem attinet: plurimi namque ac qui sub Archiducum Austriæ, & Episcopi potissimum Argentoratensis imperio sunt, illorum, ut populo mos, exemplum secuti, Ecclesiæ Romanæ se submittunt; alii vero Lutheri vel Calvinii opinionibus addicti sunt. Argentoratum namque hujus generis hominibus incultum Catholicos, seu Catholicæ Religionis exercitium non admittit: Hagenoa Catholicis, Lutheranis & Iudæis concessa conscientiæ libertate, Catholicos ad gubernacula urbis tantum admovet; Schlettstat contra adeo ferventi Romanæ religionis zelo imbuta est, ut reliquis locus



Germania.

non detur, Iesuitarum Collegio plurimisque Religiosorum utriusque sexus cœnobiis tumens.

Civitates & oppida habet quadraginta sex, omnia muris cinctâ: arces quinquaginta, tum in montibus, tum in plano sitas; villarum & pagorum numerum infinitum. In Inferiore Alsatiâ sunt Argentoratum, Tabernæ, Hagenoa, Wilssemburgum, Hasla, Schlettstat, Colmar, aliæque.

Quod nos nunc Argentoratum veteres secuti appellamus, id avorum nostrorum ætate vocaverunt plerique Argentinam & Strasburgum. Sita est urbs ad Rheni ripam Gallicam, modico à flumine intervallo. Eam perfluunt Ellus & Bruschâ, qui postea extra urbem Cincio juncti in Rhenum sese exonerant. Templum urbis initio sub Clodoveo Rege ligneum fuit, sacrum B. Virgini, anno 600. Id postea à Dagoberto factum est Cathedrale: nunc elegantissimum est totius Europæ. Exstrui cœptum est anno 1015. Ei ducentis sexaginta post annis addita est à Senatu populoque Argentoratensi turris miri ac plane stupendi operis, sub Conrado à Leichtenberg, architecto Erkuino à Steinbach, qui 28 annos in illud opus impendit. Perpendicularum à summo ejus fastigio ad imam basim est 574 pedum Geometricorum. Lapidis prominentes sunt, exsculpti insigni artificio. Eorum vero tanta est frequentia, ut faber quidam non semel per illos ad summam crucem sine scalarum ope enixus sit. Nodus qui sub cruce est, fertur sex homines capere, quum infra contemplanti non videatur dici excedere magnitudinem. De hac urbe Sturmîus in epistola ad Hermannum Adolphum Comitem Solmensensem sic scribit: Quatuor res sunt, quas exteri homines & magni viri, quum in hanc urbem veniunt, videre & spectare cupiunt: Harum una est turris primariæ ædis vestræ, cui par nulla vel magnitudine, vel firmitate operis, vel artificio in Europa & Asia invenitur. Altera armamentarium Magistratus nostri, quod ad omnium quidem salutem comparatum est, non tamen omnibus ad spectandum patet. Tertia est, cornu Monocerotis vestrum, raræ & invisæ magnitudinis. Quarta, Academiæ nostræ constitutio, quam mihi si per homines concederetur exædificare, mortem nullam mihi acerbam fore crederem. Miror cur non quinto loco posuerit Reipublicæ formam, ipso etiam phosphoro formosior: est enim disposita ordine, mensura, & judicio, ita ut primarii Magistratus pars tertia legatur ex nobilibus; reliquæ partes duæ tam ex patritiis quam ex plebejis. Post Senatores hosce tribus sunt constitutæ viginti, & singulis tribubus Præfecti, Tribunus cum 14 Scabinis. Hi regunt consilia & deliberationes suæ cuique tribui convenientes. Sunt præterea quindecim viri, & tredecim viri. Ac præter Senatum majorem, Senatus etiam minor. Horum omnium solerti cura & industria cuncta ad Reip. salutem administrantur.

Ccccccc



tur. Est & alius Senatus, qui non nisi difficillimis temporibus cogitur. Is constat trecentis viris ex singulis tribubus delectis. De hac urbe memorabile est Erasmi Roterodami verumque iudicium. Hæc civitas (inquit) hodie inter Germanicas vel florentissima est, non solum opibus, ac non Rheno tantum præterfluente, libertate perpetua, diuturna pace, qua jam olim sub clementissimo Cæsare Maximiliano semper Augusto fruuntur; verum multo magis civium moribus, Magistratuum prudentia simul & integritate; quorum opera fit, ut quemadmodum olim à Massiliensium, ita nunc ab Argentoratensium Republica, universa virtutum & recte institutæ civitatis exempla petere possis. Adhæc, quod ego vel in prima nobilitatis parte posuerim, in nulla gente plus honoris habetur vel egregiæ virtuti, vel excellentibus ingeniis. Vnde fit, ut non alia magis abundet summis viris, in quibus & eruditionem commendat morum integritas, & morum integritatem ornat eruditio.

Vt autem de ipsa urbe aliquid dicamus necesse est. Sita est illa, ut dixi, ad Rhenum, secantibus eam Illa & Bruschio, qui in urbe in multas diducti fossas aliquibus anslam dederunt comparandi Argentoratum Veneriis, tum ob mercaturam utrimque frequentissimam, tum ob aquarum ductus. Hoc tamen illa Venetiis præstat, quod salubriore & clementiore aëre fruatur, qui marinis vaporibus non infectatur, cum viva Argentoratum fluentia dividant. Hinc late circumcirca uberrimi campi, & frugifera arva, quibus vix reliqua Germania meliora, ne dicam paria, exhibeat. Iniectus Rheno ligneus pons, quamvis tremulus, assidua magistratus cura multis impensis annuatim reficitur, quoad formam S litteræ non dissimilis, in concessa ob nimiam longitudinem expansa rectitudine. Præter Cathedrale templum sex alia sunt, in quibus singulis diebus Dominicis verbum Divinum docetur. Dominicanorum cœnobium in Scholam conversum, Bibliothecam publicam & Theatrum Comicum in se continet: Senatus quippe nihil aliud suæ urbi deesse videns, & nihil magis necessarium arbitratus, ad Gymnasium erigendum consensit; quod ex indulgentia Imp. Maximiliani & Ferdinandi Secundi, in Academiam, sive Universitatem convertit, multisque privilegiis auxit & munivit. Visuntur præterea Domus Equitum Melitensium, & Ordinis Teutonici; Cœnobium Pœnitentium virginum; Turris, in qua argentum publicum asservatur, Hortus Medicus, aliaque multa: platearum ordo ubique amœnus, & privatorum domus nitidæ & sæpissime vario colore pictæ, gratam peregrinorum oculis urbem reddunt: magis tamen eorum animis eximia civium humanitas, qui nulli rei magis quam exteris placere student. Hinc undique adventantium mercatorum immensa vis, quorum numerus aliquando 20 millia excedit. Helvetia vicina frumentum, butyrum, caseum, vinum, lanamque suppeditat; Suevi, Saxones, Westphali & Belgæ vini, aceti, vini adusti, aliarumque mercium, imprimis panni, halecum & sale conditorum piscium copiam urbi communicant: Itali sericum, Angli stannum & pannos, Galli aroma-

ta, Lotharingi & Burgundiones sal, porcorum greges & magnam cupri vim aliis in urbe mercibus commutant. Hinc vires huic Reipublicæ stupendæ, & 300000 thalerorum annui redditus. Possidet hæc autem Baronatum *Barr*, qui ejusdem nominis oppidum & decem pagos comprehendit; *Walsheim* cum arce & multis pagis oppidum; urbem *Balbrin*; munitum castellum *Herrnstein*, continuo præsidio firmatum; Toparchias *Illkirch* cum adjunctis sex pagis, & *Keil* ultra Rhenum cum pagis suis; urbem *Wange*, subditam Abbatia ad S. Stephanum; & multos alios pagos, quorum Domini urbis cives sunt: nec non jus eligendi Prætores in urbe Imperiali *Oberekenheim*, cujus magistratus in criminalibus nihil sine Argentorati consensu agere potest.

Tabernas Simlerus *Zabern* vocat, munimentum Romanorum ad prohibendas Alemannorum in Galliam incursiones, ubi Episcopi Argentinenfis Curia esse solet & domicilium. *Hagenoam* urbem Fridericus Barbarossa muro cinxit, loco sitam arenoso, cujus tamen sterilitatem compensat agri non longe à civitate siti fertilitas. *Wissemburgum*, albam arcem sonat, oppidum est situm ad radices montis *Vogasi*, situ peramœnum, collibus undique humilibus & depressis clausum, quod ipsum Lutra amnis interfecat, qui duobus passuum millibus ab oppido à Rheno absorbetur. *Hasla* ad Bruscham fluvium est, oppidum dono datum Florentio à Francorum Rege Dagoberto.

Alsatia superior *Colmariam* habet, *Einsheim*, *Rubeacum*, vulgo *Ruffach*, *Selestadium*, aliaque oppida. De *Colmaria* *Rhenanus*; *Excidium Argentuariæ Colmariam nobis peperit*, Alemannorum opus, distantem non multis ab ea passibus, & paulo subductam ab Ello flumine. Certe *Argentuariam*, cujus *Ptolemæus* meminit, & *Eutropius*, evertit *Attila*, à *Gratiano* antea ob victoriam à Suevis atque Alemannis reportatam, ædificatam. Ex hujus igitur ruinis crevit *Colmaria*, quæ antea non videtur fuisse, nisi forum carbonarium. Oppidum est in medio *Alsatia* situm, supra *Selestadium*, loco opimo & fertili, in quo præter torrentes, egregii amnes quatuor numerantur, *Lucha*, *Durus*, *Fechta*, & *Ellus*; adeo ut & ubertate agrorum, & varietate fructuum, & magnitudine pastionis, & pulchritudine earum rerum, quæ exportantur, facile omnibus vicinis civitatibus præferri possit. Planities urbis in longum undique porrecta, à montibus ferme duobus passuum millibus constat. Vallo eam cinxisse fertur *Wolfelinus Præfectus Hagenoæ*, imperante *Frederico Secundo Augusto*. Majores *Caroli Magni* has sedes amasse & coluisse creduntur.

Flumina *Alsatiam* irrigantia sunt, præter *Rhenum*, aliosque, *Illam*, *Bruschum*, *Kintzgu*, *Sorn*, *Marter*, *Lauter*. Maxime vero nobilis in *Alsatia* est *Illam*, totam fere regionem interfecans, fontesque habens ac originem supra oppidum *Altkirch* in *Sungovia*. Incolæ minima parte indigenæ sunt, sed exteri majore, commorantibus illic Suevis, *Bavaris*, *Burgundis*, *Sabaudis*, & *Lotharingis*, maxime *Suevis*.

S V N G O V I A.

Termini.



Qualitas.

Comitatus
Pfirtenfis.

Sungovia vel *Sunggojā*, vulgo *Sungow*, ad Septentrionem Alsatiam : ab Ortū Rhenum, ab Occasu Galliae extremitatem tangit : ad Meridiem Helvetiae contermina est. Habet multis in locis vineas, & ubique frumenti copiam, quod in vicinas vehitur regiones, scilicet in Helvetiam, Nigram Silvam, Lotharingiam : atque remotiores.

Completitur Comitatum Pfirtensem, cujus ultimus Comes Vricus mortuus est Basileae, anno Christi 1024, relictis duabus filiabus, quarum alteram, Ioannam nomine, duxit in uxorem Albertus Austriae Dux, deditque Vrsulae uxoris sorori, in hereditatis portionem, octo marcarum argenti millia ; Dominia, Befort, Morispurg. Ad Comitatum pertinent Altkirch, Dattenriet, Befort, Rosenfels, Maszmunster, Thanu, Senheim : hodie ab Austriae Principibus in praefecturas distributa. In Befort est collegiata Ecclesia, quam Comites Pfirtenses cum Veldpacho Monasterio virginum (ubi tredecim Comites, & totidem Comitissae conditae sunt) fundarunt. In Maszmunster insigne est monasterium Virginum, atque aliquot Canonorum. Putant fundatum à Masone Alemannorum Duce, à quo vallis Wast, appellatur Vallis Masonis. Thanum elegans est oppidum, adnecseturque Comitatu Pfirteni. Imminet oppido arx montana, Engelburg : ei adjacet mons Rang, in quo nobilissimum crescit vinum, Rangwein appellatum, Basiliensibus no-

tissimum. Prolabitur ibi ex montium faucibus fluvius Thurus, Sungoviam ab Alsacia determinans. Morismunster monasterium in Comitatu Pfirteni fundarunt Comites Pfirtenses. Fanum Amarini & arx Friberga, uno milliari à Thanno distans, Abbati Murbacensi paret : non procul inde Mosella fluvius oritur. *Mulnhausen* civitas Imperialis, est quoque in Sungovia, cujus Advocatus sive defensor (sicut & oppidorum Colmariae & Keiserspergii) Episcopus Argentinenfis anno 1261 fuit, sed paulo post Rudolphus Comes Habsburgensis, cum Colmariam, civibus quibusdam contentientibus, occupasset, & Mulnhausen obtinuit, arcemque quae in eo erat (omnibus qui inerant captis) auxilio civium diruit. Electo autem Rudolpho in Romanorum Regem, redierunt eadem oppida ad Imperium. Oppidanorum studium consistit potissimum in vini & frumenti cultura : estque vinum hujus loci satis celebre. *Otmarsen* oppidum monasterium habet Virginum, quod tempore Henrici IV constructum curavit Comes Habsburgensis Rudolphus. Hujus frater Wernherus Argentinenfis Episcopus, Constantinopoli in quadam Insula vitam cum morte commutavit.

Adhaeret Sungojae ad Occasum Comitatus Montis Beligardi. Habet egregium Oppidum Montis Beligardium, arcem regiam ostentans, & alia multa oppida & castra : ut sunt Grans oppidum & castrum, Klarwang oppidum & castrum, Passewangum oppidum cum arce, quae omnia Ducum sunt Wirtembergensium : utunturque incolae lingua Burgundica. Comitatu propinquum est oppidum Bruntaut, ubi Episcopus Basiliensis in arce regia habitat.

*Thurus fluvius.**Mulnhausen.**Comitatus Montis-Beligardi.*

B R I S G O I A.

Nomen.



Brisgovia, sive *Brisgoja*, vulgo *Brisgow*, sonat lingua Germanica pagum laudabilem. Et sane regio ista ob eximiam feracitatem, hoc nomine digna est, non inferior in hoc ipsa Alsatia. Si tamen veteres revolvamus Scriptores,

Situs.

Indoles.

Domini.

Brisfacum.

facile inveniemus hanc regionem hoc nomen adeptam, à metropoli Brisaco. Initium trahit à Mortnaw, & excurrit secundum adscensum Rheni fere Basileam usque. Regio uberis agri, qui faciendæ sementi, & vinetis vini laudatissimi sustollendis commodissimus. Ius hujus regionis Archiduces Austria & Badensium Marchiones inter se partiti sunt. Metropolis olim *Brisgojæ* *Brisacum*, meminit Antoninus in Itinerario Montis *Brisaci*, quum alioqui nullas trans-Rhenanas commemoret urbes, sed tantum provinciales circa Rhenum sitas: unde quidam arguunt alveum Rheni hic mutatum, qui ab altera quondam parte præterlapsus fuerit oppidum, quum illud adhuc in Gallica ripa staret. Luitprandus Ticinensis, qui sub Ottone I vixit, Montem *Brisacum* Alsatiæ tribuit, & Insulam Rheni fuisse docet. Situm hoc oppidum in monte rotundo instar castri, habetque hodie Rhenum ad Occidentem. Est satis elegans, munitum & frequens, & temporum successu superavit ipsum *Friburgum* magnificentia & divitiis. Oppidum recens natum, & quod ob mineras metallicas subito crevit, & ad summum adscendit gradum. In *Brisaco* est arx quædam

vetusta, quæ diu in ruinis jacuit, resuscitataque sunt tandem ejus ædificia. Habet tunc robustam & valde munitam, quam *Berthodus* *Ziringer* III extruxit: quod sequentes probant versus in lapidibus ejus sculpti:

Hanc Dux Bertholdus portam struxisse notatur.

A quo pro fraude Burgundia gens populatur.

Habet civitas duntaxat unum fontem, cui superædificata turris magna, in qua pedibus agitur rota grandis, quæ extrahit aquam ex multa profunditate terræ, civesque solvunt censum annuum pro hausta aqua. Undique est descensus ad Rhenum & subjectam planiciem, ubi aqua in superficie terræ facile quidem haberi, sed difficulter in sublimem montem perferri potest. Medio milliari infra *Friburgum* situm est in monte excelso castrum quoddam dirutum, nomine *Ziringer*, à quo Duces *Ziringer* olim titulum suum habuerunt. *Friburgum* præclarum *Brisgojæ* oppidum, metropolis hodie, à Duce *Bertholdo IV*, filio *Conradi I von Zeringen* sub *Henrico V* Imperatore exstructa, cum antea pagus esset. Urbs situ amœnissimo inter montes excellens, multis variis & magnificis ædibus, templis, monasteriis ornata. Academia ibi erecta est anno 1459, ubi etiam olim lura publice docuit *Vdalricus Zasius* celebris Iurisconsultus. Habuit olim ditissimam argenti venam, unius milliaris intervallo ab urbe distitam. Sunt in *Brisgoja* *Zering* olim Ducatus, *Friburg* Comitatus, *Hochberg* Marchionatus, & *Dominia* *Badenville*, *Stauffen*, *Burcken*.

*Friburgum.**Academia.*

INDEX & ORDO

TABULARVM

VOLUMINIS TERTII.



ermania.	1	Stormaria ducatus.	177
Austriæ Archiducatus.	19	Tabula Præfecturarum, Trittouw, Reinbeck,	
Austria superior, seu Trans-		Tremsbittel & Steinhorst.	<i>ibid.</i>
Anisiana.	21	Comitatus Pinnebergenfis.	<i>ibid.</i>
Bohemia.	25	Præfectura Steinburgh.	<i>ibid.</i>
Glatz comitatus.	41	Albis fluvius.	181
Silesia ducatus.	43	Ditmarfia ducatus.	183
Silesia inferior.	55	Ditmarfiæ pars meridionalis.	<i>ibid.</i>
Iauraviensis ducatus.	59	Ditmarfiæ pars septentrionalis.	<i>ibid.</i>
Glogaw duatus.	61	Bremensis & Verdenfis ducatus.	211
Baronatus Carolath.	63	Lunæburgum ducatus.	215
Wolaviensis ducatus.	65	Brunsvicensis ducatus.	217
Lignicium ducatus.	67	Archiepiscopatus Magdeburgensis.	221
Ducatus Bessaviensis.	69	Halberstadiensis episcopatus.	224, b
Schwidniensis ducatus.	71	Hildesheimensis episcopatus.	225
Ducatus Grotkanus, five Nissenfis.	73	Circulus Westphaliæ.	227
Moravia.	75	Westphalia ducatus.	229
Stiria.	77	Monasteriensis episcopatus.	231
Carniola Windorum Marchia, & Cilia.	79	Paderbornensis episcopatus.	235
Carinthi ducatus, & Saltzburgensis Archi-		Osnabrugensis episcopatus.	239
episcopatus.	81	Comitatus Benthemensis, & Steinfurtenfis.	243
Tirolis comitatus.	85	Oldenburgum comitatus.	245
Bavaria ducatus.	87	Frisia Orientalis.	247
Bavaria Palatinatus.	97	Clivia & Ravensteyn.	249
Novofoense territorium.	99	Marcka, & Ravensberg.	253
Superioris Saxonie circulus.	101	Iuliacensis & Bergenfis ducatus.	255
Marchionatus Misnia.	103	Leodiensis episcopatus.	255, b
Terra advocatorum, five Voytlandia.	105	Colonienfis Archiepiscopatus.	257
Thuringia.	107	Territorium Colonienfe.	259
Mansfeldia comitatus.	113	Archiepiscopatus Trevirenfis.	261
Principatus Anhaltinus.	115	Rhenus fluvius.	269
Saxon ducatus, & Hall Episcopatus.	117	Palatinatus Rheni.	273
Lusatia inferior.	121	Hassia superior, & Archiepiscopatus Mogun-	
Marchionatus Brandenburgicus.	125	tinus.	281
Vetus Marchia.	129	Comitatus Nassovia.	283
Marchia Media.	133	Wetteravia.	287
Marchia Nova.	137	Territorium Francofurtense ad Moenum.	289
Ruppinum & Prignitium.	139	Hassia Langraviatus.	291
Pomerania ducatus.	141	Abbatia Hirschfeldensis.	295
Ruge Insula.	147	Waldeckia comitatus.	297
Circulus Saxonie inferioris.	149	Franconia.	295
Megelburgensis ducatus.	151	Hennebergensis comitatus.	303
Holatia & Slesvicum ducatus.	155	Erpach comitatus.	305
Holatia ducatus.	163	Comitatus Wertheim.	307
Holatia propriè sic dicta, cujus Præfecturæ		Norimbergense territorium.	309
sunt Rendesburg, Kiel, & Bordesholm.	167	Danubius.	311
Wigria.	169	Suevia.	315
Wigria pars septentrionalis, in qua præfectu-		Suevia superior, quæ olim Alemannia.	319
ræ Cismar & Oldenburgh.	<i>ibid.</i>	Territorium Lindavienfe.	321
Wigria pars meridionalis, & pars Stormaria,		Ducatus Wirtembergicus.	323
Diocesis Lubecensis, nec non præ-		Alfatia, Sungovia, & Brisgoia.	327
fecturæ Plona, & Segebergæ.	<i>ibid.</i>		

M O N I T I O.

Sciat Bibliopæga ex hoc volumine post impressionem, folia quedam, signata nimirum litteris Iiii, Kkkk, Llll, Mmmm, Nnnn, Oooo, Pppp, Qqqq, Rrrr, dempta esse; & in fine primi voluminis statim post Daniam posita, continent enim Slesvicensis ducatus descriptiones ac tabulas, qui ad Daniam olim pertinuit.

I N D E X

A L P H A B E T I C V S

T A B V L A R V M

V O L V M I N I S T E R T I I.



Bbatia Hirschfeldensis.	295	Lignicium ducatus.	67
Albis fluvius.	181	Lunaburgum ducatus.	215
Alsatia, Sungovia, & Bris-		Lusatia inferior.	121
goia.	327	Mansfeldia comitatus.	113
Archiepiscopus Magde-		Marchia Media.	133
burgensis.	221	Marchia Nova.	137
Archiepiscopus Trevi-		Marchionatus Brandenburgicus.	125
rensis.	261	Marchionatus Misnia.	103
Austriæ Archiducatus.	19	Marcka, & Ravensberg.	253
Austria superior, seu Trans-Anisiana.	21	Meckelburgensis ducatus.	151
Baronatus Carolath.	63	Monasteriensis episcopus.	231
Bavaria ducatus.	87	Moravia.	75
Bavariæ Palatinatus.	97	Norimbergense territorium.	309
Bohemia.	25	Novoforense territorium.	99
Bremensis & Verdenfis ducatus.	211	Oldenburgum comitatus.	245
Brunsvicensis ducatus.	217	Osnabrugensis episcopus.	239
Carinthia ducatus, & Saltzburgensis Archi-		Paderbornensis episcopus.	235
episcopus.	81	Palatinatus Rheni.	273
Carniola, Windorum Marchia, & Cilia.	79	Pomeraniæ ducatus.	141
Circulus Saxonie inferioris.	149	Præfectura Steinburgh.	177
Circulus Westphaliæ.	227	Principatus Anhaltinus.	115
Clivia & Ravensteyn.	249	Rhenus fluvius.	269
Colonienfis Archiepiscopus.	257	Rugiæ Insula.	147
Comitatus Bentheimensis, & Steinfurtenfis.	243	Ruppienum & Prignitium.	139
Comitatus Nassovia.	283	Saxonia ducatus, & Hall Episcopus.	117
Comitatus Pinnebergensis.	177	Schwidnicensis ducatus.	71
Comitatus Wertheim.	307	Silesia ducatus.	43
Danubius.	311	Silesia inferior.	55
Ditmarsia ducatus.	183	Stiria.	77
Ditmarsie pars meridionalis.	<i>ibid.</i>	Stormaria ducatus.	177
Ditmarsie pars septentrionalis.	<i>ibid.</i>	Suevia.	315
Ducatus Breslaviensis.	69	Suevia superior, quæ olim Alemannia.	319
Ducatus Grotkanus, five Nissenfis.	73	Superioris Saxonie circulus.	101
Ducatus Wirtembergicus.	323	Tabula Præfecturarum Trittouw, Reinbeck,	
Erpach comitatus.	305	Tremsbüttel, & Steinhof.	177
Franconia.	299	Terra Advocatorum, five Voytlandia.	105
Frisia Orientalis.	247	Territorium Lindaviense.	321
Germania.	1	Territorium Colonienfe.	259
Glatz comitatus.	41	Territorium Francofurtense ad Mœnum.	289
Glogaw ducatus.	61	Thuringia.	107
Halberstadiensis episcopus.	224, b	Tirolis comitatus.	85
Hassia Lantgraviatus.	291	Vetus Marchia.	129
Hassia superior, & Archiepiscopus Mogun-		Wagria.	169
tinus.	281	Wagriæ pars septentrionalis, in qua præfectu-	
Hennebergensis comitatus.	303	ræ Cismar & Oldenburgh.	<i>ibid.</i>
Hildesheimensis episcopus.	225	Wagriæ pars meridionalis, & pars Stormariæ,	
Holsatia ducatus.	163	Diocesis Lubecensis, nec non præ-	
Holsatia propriè sic dicta, cujus Præfecturæ		fecturæ Plona, & Segebergæ.	<i>ibid.</i>
sunt Rendesburg, Kiel, & Bordesholm.	167	Waldeckia comitatus.	297
Holsatia & Slesvicum ducatus.	155	Westphalia ducatus.	229
Iauraviensis ducatus.	59	Wetteravia.	287
Iuliacensis & Bergensis ducatus.	255	Wolaviensis ducatus.	65
Leodiensis episcopus.	255, b		

